

THE
JOHN T. HUGHES
MEMORIAL COLLECTION,
BOSTON COLLEGE.

MARCI VALERII MARTIALIS

EPIGRAMMATA

EX EDITIONE BIPONTINA

CUM NOTIS ET INTERPRETATIONE

IN USUM DELPHINI

VARIIS LECTIONIBUS

NOTIS VARIORUM

RECENSU EDITIONUM ET CODICUM

ET

INDICE LOCUPLETISSIMO

ACCURATE RECENSITA.
BOSTON COLLEGE LIBRARY
CHESTNUT HILL, MASS.

VOLUMEN PRIMUM.

T

LONDINI:

CURANTE ET IMPRIMENTE A. J. VALPY, A. M.

1823.

PA
6101
.A4
M37
v.1.

206211

CONSPECTUS

eorum quæ hac editione

continentur.

	Pag.
VINCENTII COLLESSO Epistola Serenissimo Delphino	1
Th. Farnabii Præfatio	3
M. Val. Martialis Vita, ex ipso Martiale potissimum depromta, auctore Matth. Radero	8
Testimonia de Martiale	17
M. Val. Martialis de Spectaculis Libellus	25
————— ————— Epigrammatum Lib. I.	58
————— ————— ————— Lib. II.	147
————— ————— ————— Lib. III.	213
————— ————— ————— Lib. IV.	282
————— ————— ————— Lib. V.	355
————— ————— ————— Lib. VI.	425
————— ————— ————— Lib. VII.	491
————— ————— ————— Lib. VIII.	567
————— ————— ————— Lib. IX.	634
————— ————— ————— Lib. X.	716
————— ————— ————— Lib. XI.	800
————— ————— ————— Lib. XII.	869

	Pag.
M. Val. Martialis Epigrammatum Lib. XIII.	937
————— Lib. XIV.	985
Epigrammata Martiali afficta . . .	1069
NOTÆ VARIORUM in Lib. de Spectaculis . . .	1077
————— Epigrammatum Lib. I. . .	1093
————— Lib. II. . .	1135
————— Lib. III. . .	1163
————— Lib. IV. . .	1191
————— Lib. V. . .	1222
————— Lib. VI. . .	1252
————— Lib. VII. . .	1275
————— Lib. VIII. . .	1298
————— Lib. IX. . .	1324
————— Lib. X. . .	1351
————— Lib. XI. . .	1386
————— Lib. XII. . .	1403
————— Lib. XIII. . .	1426
————— Lib. XIV. . .	1438
RECENSUS EDITIONUM M. Val. Martialis . . .	1459
Recensus Codicum Mss. M. Val. Martialis qui in Bibliothecis Britannicis asservantur . . .	1478
INDEX	i

SERENISSIMO
DELPHINO

S. P. D.

VINCENTIUS COLLESSO J. C.

Mos antiquus etiam nunc obtinet, SERENISSIME DELPHINE, ut qui literarium opus in lucem editurus sit, vindicem sibi adversus malevolos conciliet. Felicem Martialem, qui tandem hodierno die ad Te accedat; me feliciorum dixerim, qui Tibi, SERENISSIME DELPHINE, offeram lepidum hunc Poëtam, in carpendis vitiis acutissimum, virtutis vero defensorem acerrimum. In usus tuos jussu Ludovici Magni Interpretatione et Notis illustrandum illum susceperam : sed fato nostro serius in lucem prodiit Poëta, abs Te pridem nedum Minervæ ludo, sed et disciplinæ equestris stadio feliciter decurso. In Te enim tam egregia, et tam præclara indoles est, ut, quibus indulgisti artibus, iis omnibus summum attuleris ornamentum. Quantum vero sit oris tui decor, quanta morum suavitas, quam acre ingenium tacitus admiror. Nimirum paternam refert sapientiam incredibilem, ac pæne divinam. Ludovici Magni clementiam, res gestas, disjunctissimas regiones cursibus peragratas, simul et victoriis illustratas totus stupet orbis. Te, SERENISSIME DELPHINE, simillimum tanto genitori filium verbo uno cum affirmo, laudum omnium ma-

teriam statim exhausisse mihi videor. Ergo Tibi auxilio jam esse nequit noster Poëta, at delectationi esse poterit. Si quando, dum quiescit Europa benignitate Maximi tui Parentis, Tu saltem, rerum bellicarum imagine, venandi scilicet studio, in montes et sylvas raptus vel unam horam donaveris Martiali :

Retia dum cessant, latratoresque molossi ;

Et non invento sylva quiescit apro :

nec horam totam perdideris forte, oblectatus salibus Atticis nostri Poëtæ, et hominum moribus, quos describit elegantissime. Hoc si contigerit, merito gratulabor et Martiali, et mihi. Vale, SERENISSIME DELPHINE, diuque Galliarum populis vive.

Lut. Paris. Kalendis Maiis,

M. DC. LXXX.

AD

L E C T O R E S.

EX EDITIONE FARNABII.

PASSENIUM Paulum, splendidum equitem Romanum, Elegos quos erudite scripserat recitaturum, atque incipientem dicere ‘Prisce jubes,’ Jabolenus quidam Priscus qui aderat, Paulo quidem amicus, sed ipse dubiæ sanitatis, interpellavit, ‘Ego vero,’ inquit, ‘non jubeo.’ Oborto audientium risu, non dubium est quin Paulo aliena deliratio aliquantum frigoris attulerit. Atque hinc monet Plinius, providendum esse tam solícite recitaturis,¹ non solum ut sint ipsi sani, verum etiam ut sanos adhibeant. Sanum profecto, mi Secunde, consilium: neque enim difficile erat vobis, qui intra parietes vestros coram paucis iisque dilectis et amicis recitastis, insanos amovere. Sed e publico hoc theatro quis præco amovebit asperos hosce et austeros Xenocrates,² qui Gratiis non litarunt? quis designator e cuneis patrum et equitum excitabit plebeii istos³ et ἀφιλοκάλου ingenii Marios, qui Musis sacra non fecerunt, facere non curant? quis Mysta a Musarum sacris arcebit profanum hoc vulgus, imperitum juxta atque arrogans, et hoc arrogantius, quo imperitius? Alii namque, ut missos eos faciam, qui theatrum ingrediuntur tantum ut exeant, seu

NOTÆ

- 1 *Providendum, &c.*] Plinius Sec. Præceptis, et Diog. Laërt. lib. iv. lib. vi. Epist. 15. 3 *Plebeii, &c.*] Plutarch. Vita Marrii, et Val. Max. lib. ii. cap. 1.
2 *Asperos, &c.*] Plutarchus Connub.

aliorum præjudicio, seu fiducia sui audiunt solum quod carpant, neque tam utuntur literis quam abutuntur, in verbi unius aut alterius calumniæ ansam struunt, quo Poëtas in invidiam vocent: tum denique se Platonas et Aristarchos rati, si alienæ insultent laudi, utque ἄποδες aviculæ ramos arborum,⁴ sic illi humeros bonorum affectent unde emineant. Alii, homines ignava opera atque servili sententia, δοξόσοφοι, pedarii iudices et ex aliorum ore penduli, illorum velificati auctoritati, subjudicant potius quam præjudicant. Alii barba tenus docti, piceo graves pallio, ubi a rastris ad rostra transcenderint, jamque ostrum somniare ausi, vacuum plus nimio verticem inter astra condiderint, Mercurio cum Philologia sua, quam quia ne primoribus quidem labiis prælibasse iis contigit, bona non dicunt verba, immo nuntium remittunt; Apollinem et Musas, quas quia illis ne a limine quidem salutasse datum est, eliminandos clamitant, et inscitiae suæ prætexentes sanctimoniam, cum artes omnes humaniores, tum Poëticam damnandam in totum, et, ut cum Sidonio loquar,⁵ ‘ex asse’ pronuntiant. Alii denique, ut in arenam meam descendam, et ad mei ordinis homulos, salva semper doctis et bene meritis reverentia, quos nemo mortalium magis colit quam ego, magis veneratur, non submittunt se Petronii arbitrio, qui generosioris Poëtæ spiritum, sanitatem amare negat, neque enim concipere aut edere partum mentem posse, nisi ingenti flumine literarum inundante: neque Senecæ,⁶ pronuntiantis, non posse eum aliquid grandius ore mortali canere, nisi qui vulgata et solita contempsit, instinctuque sacro surrexit altior, auctoritate adduci possunt, ut majorum gentium versent Poëtas; sed suos, ut ejusdem Arbitri verbis utar, ut quisque versum pedibus instruxit, sensumque teneriore verborum ambitu intexuit, putant continuo in Heliconem venisse: et quidni venerint? quando ipsis pædagogulis

NOTÆ

⁴ Ἄποδες, &c.] Plin. Nat. Hist. lib. x. cap. 39. et lib. xi. cap. 47.

⁶ Senecæ, &c.] De tranquillitate animi cap. 15.

⁵ Sidonio, &c.] Lib. iii. Epist. 14.

‘Fauste precor gelida’ sonet altius quam ‘Arma virumque cano,’ et Elegiaci omnes sordeant si conferantur cum ‘Qui mihi discipulus.’ Sed unde hæc, quæso, vestra gravitas tanta, sapientia, et sanctitas; immo pigritia, arrogantia, et sinisteritas? Poëtæ, quod prætenditis, obscuri sunt. Sed videte ne hoc vitium a vobis sit, qui non assidua lectione redditis eos magis familiares. Quin et commentatores satis luculenti facem præferunt: quorum tædium si vel delicati ferre non potestis, vel ad graviora forte studia properatis potius quam maturatis, en vobis sensus medullam notæ admarginales præstant. Sed inutilis est, ut causamini, eorum lectio, et, quod dixit Zeno,⁷ ad perceptionem disciplinarum nihil alienius Poëtica. Vobis quæ non legitis, an expectatis usui esse posse? Discite quid dicere Plinius solitus sit, referente nepote suo:⁸ Nullum esse librum tam malum, ut non aliqua ex parte prodesset. Ac ne virtutes et utilitates Poëticæ cogar in hoc transcursu licentioris quam institueram præfationis recensere, D. Augustino vobis auctore, colligite quæcumque ab Ethnicis scripta sunt, et in usum vestrum vindicate, possessoribus illis injustis erepta. At ex Poëtis plerique, dum tetrica volunt amœnare, verborum nuditate atque rerum obscœnitate aurium reverentiam incestant, animi mores corrumpunt. Nolite, quæso, loqui perinde ac si in Platonis Republica, aut cum perfectis hominibus viveretur: quasi vero detur sincerum aliquid, sine mali admistione purum, et ab omni terrena fæce quasi divino igne excoctum. Profert, habetis enim fatentem reum, hæc Ægyptus noxia multa, et multa salubria cultori medicamenta;⁹ habet hæc Attica ut mel optimum, ita cicutam letalem: et in amœno hoc prato urticis sæpe violæ, spinis rosæ internascuntur. Vos apum more omnia lustrate, optima libate. Neque enim, si quis ingenio bono male utatur, velitque per curiositatem esse ingeniose nequam,

NOTÆ

⁷ Zeno, &c.] Diog. Laërtius de Vitis Philos. lib. VII.

⁹ Ægyptus, &c.] Plutarchus de Audiendis Poëtis ex Hom. Od. Δ.

⁸ Referente, &c.] Lib. III. Epist. 5.

culpam in alium quam in se conferat. Laudato sane utriusque exemplo castigant hodie castrantque nequiores Poëtas, uti et hunc Nostrum Matthæus Raderus: quod et mihi in animo erat. Verum, partim, ne arguerer difficilia, et quæ Delio aliquo natatore atque Interprete qui Sphingem acceperit opus habent, sub prætextu obscœnitatis omisisse; partim, amicorum id a me efflagitantium precibus victus, Poëtam integrum edidi. Quoniam autem ‘castum,’ ipsius Catulli¹⁰ iudicio, ‘decet esse pium Poëtam,’ Interpretem multo magis esse oportere iudicavi, neque oleum flammæ addere, neque Veneris urticas, οὔτε τὰς ἐκ τῶν βιβλίων ἀκάνθας ἐκλέγειν, ἀλλὰ τὰ χρησιμώτατα καὶ ἀκοῆς ἄξια.¹¹ consulto Epigrammata obscœniora silentio prætervexi,¹² quæ alium malo quam me explicare, alium intelligere: quorum quidem lemmata obelo in priore editione transfixi, quo vada hæc cæcosque scopulos cautius declinaret lector; non digitum ad lupanar intendi, qua me calumnia in circulo suo Græculo nescio quem agyrtam non puduit perstringere. Horruit mihi animus aperire sentinam, aut movere cloacam: neque enim volui hos esse Philænidis commentarios spurcidicos, Sotadicos, Lampsacenos, Cinædipolitanos, Ramiresianos. Illis itaque prætermisissis ac suppressis, ea maxime explicare atque exornare curæ pretium duxi, quæ sublimia, acuta, mellis, leporis, piperatæque facundiæ¹³ plena, in quibus ferventis fulmen ingenii et salsa dominatur libertas. Denique, ne proloquii amplitudo angustias regulares et ipsius Myndi modulum excrescat; quoniam, ut ait Plinius,¹⁴ Benignum est et plenum ingenui pudoris, fateri per quos profeceris; obnoxii contra animi et infelicis ingenii est, deprehendi in furto malle quam mutuuum reddere: quia in tam arctati operis instituto, in quo brevitati, quantam

NOTÆ

- | | |
|--|--|
| 10 <i>Catulli, &c.</i>] Epigr. xvi. | λόγω. Epict. Enchir. cap. 55. |
| 11 Οὔτε τὰς, &c.] Ulpianus apud Athenæum lib. xv. cap. 3. | 13 <i>Piperatæque, &c.</i>] Sidonius Apoll. lib. v. Epist. 8. |
| 12 <i>Silentio prætervexi, &c.</i>] Τῶ ἀποσιωπῆσαι δῆλος γινόμενος δυσχεραίνων τῶ | 14 <i>Plinius, &c.</i>] Epist. ad Nat. Historiam. |

tamen ferat elucidationis necessitas, studui, non datur ubique illud profiteri, hic agnosco me secutum editionem Clarissimi Viri Petri Scriverii; consuluisse Ms. unum venerandæ antiquitatis et fidei bonæ, in Bibliotheca Bodleiana, ut et alios duos Mss. Oxonienses; usum fuisse ope commentatorum quotquot extant omnium, in consilium adhibuisse Petri Scriverii animadversiones, Gruteri notas, Facem artium, et Criticos alios, Anthologiam diligenter contulisse, Historicos insuper omnes et auctores Nostro συγχρόνους relegisse, quos ad Poëtam intelligendum facere judicavi, quorum alios cito quandoque testes, ad alios lectorem sæpe brevitatis studio relego: neque sic tamen nihil ubivis fecisse satis, neque aliis. Ita plane deplorata jacet spes gratiæ aut etiam veniæ apud iniquiores impetrandæ. Sed gratuita usque fruuntur malitia. Ego neque ἀντιλακτίζων¹⁵ Isidis bajulos μεγάλα λακτίζοντας καὶ ἐπὶ ὄνου ἔργῳ μεγαφρονοῦντας,¹⁶ neque crura suffringens canibus, qui si non latrant, hirriunt tamen;¹⁷ neque armata elidens manu anseres,¹⁸ rabioso stridore in me impetum facientes, dum alius mihi tunicam lacerat, alius vincula calceamentorum resolvit, alius crus meum serrato vexat morsu: in scientia, judicio, et candore eruditorum et cordatorum securus acquiesco:

τί με ὦ κάτω ἔλκετ' ἄμουσοι;
 Οὐχ ὑμῖν ἐπόνουν, τοῖς δέ μ' ἐπισταμένοις.
 Εἷς ἐμοὶ ἄνθρωπος, τρισμῦριοι οἱ δ' ἀνάριθμοι,
 Οὐδεῖς.¹⁹

NOTÆ

15 Ἀντιλακτίζων] Plutarch. de Socrate, lib. de Educat. Puer.

16 Μεγάλα, &c.] Arriani Epict. lib. III. cap. 14.

17 Crura, &c.] Cicero pro Roscio Amer.

18 Armata, &c.] Petronius Arb. sub fine Satyræ.

19 Τί με ὦ, &c.] Diog. Laërt. Epigramm. in lib. Heracl. Anthol. lib. III. cap. 33.

M. VAL. MARTIALIS

V I T A,

EX IPSO MARTIALE POTISSIMUM DEPROMTA,

AUCTORE

MATTH. RADERO.

M. VAL. MARTIALIS, patre Frontone, matre Flaccilla, Bilbili in Celtiberia, Claudii Imp. anno præterpropter primo, Christi XLIII. quanquam hoc ex conjectura magis, quam ἀποδείξει, natus, Calagurritanus fuit alumnus, quam obscurus majorum natalibus, tam clarus ingenii monumentis. De nominibus Poëtæ constat ex omnium codicum fide, qui M. Valerium Martialem præferunt: quæ, num ipse sibi asciverit, an a parentibus acceperit, in medio relinquo. Quanquam Marci et Valerii Romana nomina Romæ primum assumpta judico. Civem enim Romanum fuisse nullus dubito, cum aliis ipse civitatem impetrarit, ut III. 95. gloriatur in Nævolum:

Quot mihi Cæsareo facti sunt munere cives,

Nec famulos totidem suspicor esse tibi:

nec factum, sed natum: alioqui patronum suum carmine laudasset. Facilis vero erat tum aditus ad jus civitatis, quod Claudius tam vile fecerat, ut vitreis fractis vulgo dice-retur emi. Otho vero peregrinis etiam donavit, ut Dio in

Claudio et Othone testatum reliquit. Bilbilis colonia Augusta dicta est, ut ipse scribit x. 103.

Municipes, Augusta mihi quos Bilbilis acri

Monte creat :

et extat in Tiberii Imp. æreo nummo, AUGUSTA BILBILIS. Vespasianus autem Plinio teste III. 3. universæ Hispaniæ jus Latii dedit, civitatem postea Caracallus. Marci ergo et Valerii nomina, more civium Romanorum, qui prænomen, nomen, cognomen ferebant, sibi poëta legit, arbitrato reor suo. Marci forte et Martialis, quod mense Martis esset editus. Illi enim Marci, ut veteres tradunt, vocabantur. Valerii nomen vel a Mæcenate suo aliquo Valerio, vel Valerio Flacco familiari poëta, vel forte ob memoriam Catulli, quem est imitatus, qui et ipse Valerius audivit, sibi sumsit: nec enim a majoribus acceptum arbitrator, etsi non ignoro, nomina novis civibus assumpta ab iis, quorum beneficio civitatem impetrassent, sua vero pro cognominibus servata. Quod lib. I. de bello Gallico Cæsar ostendit, cum ait: 'Commodissimum visum est, M. Valerium Pro-cillum, Caii Valerii Caburri filium, cujus pater a Caio Valerio Flacco civitate donatus erat, mittere.' Et Cicero ad Acilium: 'Cum Demetrio Mega mihi vetus hospitium est. Ei Dolabella rogatu meo civitatem impetravit, qua in re ego interfui. Itaque nunc P. Cornelius vocatur.' Idem ad eundem Acilium: 'C. Avianium Philoxenum Cæsar meo beneficio in Novocomenses retulit, nomen autem Avianii consecutus est, quod homine nullo plus usus est, quam Flacco Aviano meo familiarissimo.' Item in Verrem: 'Q. Lutatius Diodorus beneficio Q. Catuli a Sylla civis Romanus factus, eademque ratione de Dione, qui beneficio Q. Metelli civis factus, Q. Cæcilius Dio est appellatus.' Sub imperatoribus, cum Romana civitas integris provinciis daretur, hi, qui civitatem Romanam consequerentur, vel Imperatoris prænomen et nomen, vel ejus, aut eorum, quorum præcipue subsidio civitatem impetrassent, nomina ferebant. Verum cum Antoninus Caracallus Imperator constitutionem edidisset, quæ lib. I. Digestorum

sub titulo de statu hominum refertur, qua omnes eos, qui in urbe Romana essent, cives esse voluit; tum pro cujuscumque arbitrio nomina sumpta, aut nobilissimarum familiarum, quæ jam defecerant, aut nova excogitata, vetere vocandi consuetudine, quæ ad ea usque tempora parum certe violata perduraverat, paulatim postea labante. Quæ præcipua causa fuit (quod portento simile est) ut post Caracalli tempora, intra paucissimos annos horum nominum usus, per mille annos conservatus, omnino dissipatus, et in nova vocabula transformatus. Nam nulla deinceps nominis, prænominis, vel cognominis distinctio observata est, sed omnia in fœdissimam barbariem versa antiquitatis cognitionem omni ex parte perdidit. Hæc Panvinius de antiquis nominibus Romanorum. Consule et Sigonium et Ursinum de nominibus et familiis Romanorum, Volaterranum Anthropol. Martialem (quamvis et hoc Romanum) a parentibus indigitatum sive a Kal. Martiis, quibus est editus, sive majorum arbitratu ob Martis cultum et memoriam censeo. Martiales porro nostro poëtæ fere æquales plures lego apud scriptores. Est apud Lampridium Gargilius Martialis, paulo tamen nostro Martiale minor. Celebrat Tacitus Cornelium Martialem primipilarem. Laudat noster Martialis Julium Martialem familiarem suum. Vixit eodem fere ævo S. Martialis, Gallorum Mystagogus Lemovicensis Pontifex, scriptis primum suis nobilitatus, dein etiam sanguine pro Christi nomine profuso purpuratus. Notus est et ille Martialis apud Herodianum lib. iv. Caracalli percussor. De Kalendis Martiis poëtæ natalitiis ita x. 24. Martialis ipse canit:

Natales mihi Martiæ Kalendæ,
Lux formosior omnibus Kalendis.

et lib. eodem ep. 92.

Martem mearum principem Kalendarum.

Coquus audit apud Lampridium in Alexandro Severo: ‘ut Martialis Coci,’ inquit, ‘epigramma significat, quod contra quandam Gelliam scripsit hujusmodi: Cum leporem mittis.’ Coquum item appellat Joannes Sarisberiensis lib.

viii. Polycrat. cap. 6. et 13. et auctor Sophologii, vii. 12. præter alios quosdam, qui vitam Martialis conscripserunt. Quod nomen an gentilitium sit, an posthumum et hominum studio inditum, non decerno. Sunt qui censeant a conviviis, quæ frequenter celebrat, Xeniis, Apophoretisque hoc illi nomen conditum: alii re ipsa coquum egisse principio existimant. Titius vii. 21. A majoribus adhæsisse illi potius existimem, seu parens coquus ab artificio audiit, seu a majoribus accepit. Ob tam pauca epigrammata, quibus convivia celebrat, nomenclaturam hanc indeptum esse non est vero simile. Ex hodiernis scriptoribus Casaubonus, Rob. Titius, Claudius, Musambertius seu Marcilius, iterum coquum indigitant: alii negant; natumque errorem hunc ex corrupto Lampridii codice conjiciunt, quem ita legunt: *ut Martialis coce, pro quoque.* Sic enim prisce scribebatur: unde coci seu coqui vox derivata ac depravata. Meursius de gloria, Claverius in vita Persii, Ramiresius ad prim. ep. spect. Sed ego codicem illum antiquum Lampridii optarem inspicere, et in rem præsentem venire. Quid enim? in hac sola voce errarunt librarii, in ceteris emendate scripserunt? Aliud est, quod me movet, ut eam scripturam ita legendam putem, quod ipse sententiæ ordo desideret *quoque.* Sic enim Lampridius: ‘Idcirco quod multi septem diebus pulchros esse dicunt eos, qui leporem comederint, ut Martialis quoque epigramma significat.’ Cognoscis, lector, quam opportune cadat hic illud *quoque?* Scripturam ergo priscam confirmat ipsa series et mens verborum. Etsi non necessario legas *quoque*: constat enim sensus nihilominus integer et perfectus, si legas *coci*: mens tamen inclinatur in *quoque.* Multa etiam Scriverius super voce coci ad Epist. libro i. præfixam, et Barthius vi. 1. qui cocum appellat, et super ea re disputat copiosius. Est cum κατ’ ἀντονομασίαν epigrammatarius, ut Homerus vel Virgilius poëta, Demosthenes vel Cicero orator, philosophus Aristoteles, dicitur. Parentum nomina, nisi filius cantasset, oblivione sepulta jacerent: lib. v. immortalia reddidit ep. 34.

Hanc tibi Fronto pater, genitrix Flaccilla puellam.
Parentem tamen affirmant aliqui coquum dictum lectumque.
Uxorem habuit Clodiam Marcellam ex gente Claudia plebeia, lib. XII. 21.

Municipem rigidi quis te, Marcella, Salonis,
Et genitam nostris quis putet esse locis?

et mox :

Te cito ridebit peregrinus Clodia partus,
Romanam ducat quam magis esse nurum.

Ita distichon hoc legit Josephus Scaliger ad illud Catullianum :

Dulce rideat ad patrem.

Ex Martiale tamen discis, Clodiam hanc Marcellam non Romanam, sed Hispanam et Bilbilitanam patria fuisse; ut merito dubitare possis, an ex gente Claudia Romana fuerit hæc Marcella: versum ergo Martialis rectius scripserim, ut ante habuit :

Nec cito ridebit peregrini gloria partus.

In patria laudanda tam diligens et frequens est, ut illius amantissimum facile intelligas: 1. 62.

Te, Liciniane, gloriabitur nostra,
Nec me tacebit Bilbilis.

Lib. eodem, ep. 50.

Vir Celtiberis non tacende gentibus,
Nostræque laus Hispaniæ,
Videbis altam, Liciniane, Bilbilin,
Equis et armis nobilem.

Lib. x. 103.

Municipes, Augusta mihi quos Bilbilis acri
Monte creat, rapidis quos Salo cingit aquis;
Ecquid læta juvat vestri vos gloria vatis?
Nam decus et nomen, famaue vestra sumus.

Et mox in sequenti:

Illinc te rota tollet, et citatus
Altam Bilbilin, et tuum Salonem
Quinto forsitan essedo videbis.

Lib. XII. 18.

Me multos repetita post Decembres
 Accepit mea rusticumque fecit
 Auro Bilbilis et superba ferro.

Sed de patria Martialis et de hac Bilbili plura I. 50. Romam venit, cum annum ageret alterum et vicesimum Nerone imperante: egit in urbe annos quinque supra triginta: discessit septimo et quinquagesimo. Quod ipse me docet poëta, cum XII. 31. de hortis Marcellæ uxoris ita canit:

Munera sunt dominæ post septima lustra reverso.

Lib. vero X. 104. a patria se triginta quatuor annos abfuisse adhuc in urbe degens scripsit. Porro X. 24. de suis Kalendis, monet se quinquagesimum septimum annum attigisse:

Quinquagesima liba septimamque
 Vestris addimus hanc focis acerram.

Ex quibus concludo, poëtam sub Nerone, Galba, Othone, Vitellio, Vespasiano, Tito, Domitiano, Nerva, Trajano, Romæ vixisse, cum, ut plane sentio, sub primum Trajani annum, quod ab eo negligeretur, in patriam redierit, ibique post quadriennium, summum quinquennium exactum, ultimum vitæ diem clausit, ita ut ἐξηκονταετῆς fere obierit, aut annum ultra vitam prorogarit. Obiit ergo anno post C. N. CIV. aut quinto, Trajani quarto aut quinto, Sura et Serviano iterum Coss. Olymp. CCXX. a. II. post U. C. DCCCLIV. Romæ Domitiano, immo et Tito carus gratusque fuit, magnisque honoribus et donis ab utroque ornatus: jure nempe trium liberorum, quod solum Imperator conferebat, maximæque argumentum gratiæ erat. De quo Plinius minor, Tacitus, Lipsius, alii, et nos suo loco. Gloriatur de hoc munere poëta III. 95.

Præmia laudato tribuit mihi Cæsar uterque,
 Natorumque dedit jura paterna trium.

Et IX. 98.

Rumpitur invidia, tribuit quod Cæsar uterque
 Jus mihi natorum, rumpitur invidia.

Et II. 92.

Natorum mihi jus trium roganti
 Musarum pretium dedit mearum,

Solus qui poterat. Valebis, uxor.

Non debet Domini perire munus.

Creatus est tribunus, quod III. 95. jactat:

Est et in hoc aliquid: vidit me Roma tribunum.

Ornatus est equestri dignitate: ibidem:

Et sedeo, qua te suscitatur Oceanus:

hoc est, specto in theatris ludos inter equites. Prædicat eandem v. 13.

Sum, fateor, semperque fui, Callistrate, pauper,

Sed non obscurus, nec male notus eques.

Auctus est donis in urbe et ruri. Domicilium sibi assignatum in urbe, et rus suburbanum docet IX. 98.

Rumpitur invidia, quod rus mihi dulce sub urbe est,

Parvaque in urbe domus, rumpitur invidia.

Et X. 58.

Dura suburbani dum jugera pascimus agri,

Vicinosque tibi, sancte Quirine, lares.

Item VIII. 61.

Sed quod sub urbe rus habemus æstivum,

Vehimurque mulis, non, ut ante, conductis.

Prædium Nomentanum pluribus versiculis nobilitat IV. 43. VII. 93. X. 48. et 94. XIII. 119.

Italiæ quoque partem eam obiit poëta, quam olim Æmiliam, seu togatam Galliam dixere, nunc Lombardia cis Padum nuncupatur, ibique nobilissimas urbes lustravit: Forum Cornelii seu Immolam, unde tertium epigrammatum librum emisit, ut III. 1. et 4. scribit:

Hoc tibi, quidquid id est, longinquis mittit ab oris

Gallia, Romanæ nomine dicta togæ.

Et:

Si, quibus in terris, qua simus in urbe rogabit,

Cornelî referas me licet esse foro.

Ravennam item, olim caput Piceni, ut vetus docet inscriptio. Et in Venetorum agro Altinum, uti et Patavium et Aquileiam, &c. Aquileiam Fori Julii primariam urbem, quæ civitates adeo poëtæ arrisere, ut constituerit, extremam illis ætatem consecrare: sic enim IV. 24. testatur:

Vos eritis nostræ portus, requiesque senectæ,
Si juris fuerint otia nostra sui.

Amicis usus est, præter Cæsares, claris et potentibus, et multis: Stertinio, quem Avitum vocat, Deciano, Liciniano, Stella, Nepote, Lupo, Plinio juniore, Cornelio Prisco, Julio Martiale, Regulo oratore, Quintiliano, Quinto, Ovidio, Juvenale, Valerio Flacco, Silio, Parthenio tyrannoc-tono, aliisque compluribus, quos passim in suis libris æternis ornat elogiis. De Statio mirantur aliqui, cum eodem tempore vixerint, idem sæpe argumentum tractarint, eosdem amicos coluerint, cur nulla amicitiae nota inter hos extet. An quod nulla singularis inter eos necessitudo et usus vitæ intercesserit? an occulta aliqua dissensio? an ingeniorum studia, mores, naturæ diversæ? an quod Staius celer, et sæpe extemporalis prope poëta, ut ex Sylvarum præfationibus discis, subito gratularetur vel Principi, cum aliquid novi vel accidit, vel conditum est, quod non videtur potuisse Martialis, aut voluisse. Quod ipsum reor fuit, cur nullus familiaritatis index aut symbolum, aut contes-seratio apud scriptores reperiatur. Librarium puerum ha-buit, Afrum Demetrium, quem moriturum, sero nimis, liber-tate donavit, de quo i. 102.

Illa manus quondam studiorum fida meorum,
Et felix domino, notaque Cæsaribus.

Gravi morbo semel duntaxat, dum Romæ vixit, tentatus est, VIII. 25.

Vidisti semel, Oppiane, tantum
Ægrum me male: sæpe te videbo.

Lib. VI. 58. se jam prope conclamatum ait:

O quam pæne tibi Stygias ego raptus ad undas,
Elysiaë vidi nubila fusca plagæ!

Domitiano sublato, Parthenio Mæcenate amico auli-co a militibus interfecto, cum apud Nervam parum, apud Trajanum nihil posset, rerum urbanarum tædio affectus, urgentibus jam tædio et fatis, patriam repe-tivit, in eaque, confecto per triennium libro duodecimo, naturæ concessit: neque enim tam gratam et suavem

vitam, quam in patria speravit, invenit; immo æmulorum municipum dente laceratus assidue, ex ægritudine, credo, animi morbum concepit, et periit. Nam paulo post, ejus mortem Plinius eleganti ad Priscum epistola deploravit, simulque velut funebria persolvit. Forma oris et voce virili fuit, piloso et hirsuto corpore, ut illa gens plerumque solet. Hoc poëta ostendit, cum x. 65. Carmenionem carpit, seque ipsum depingit:

Hispanis ego contumax capillis,
 Hirsutis ego cruribus genisque.
 Os blæsum tibi, debilisque lingua est:
 Nobis filia fortius loquetur.

Scripserunt eandem Martialis vitam Calderinus, Siphontinus, Georgius Alexandrinus, Petrus Crinitus, et alii hos secuti. Nos ex ipso Martiale Martialem volumus depingere. Hoc mantissæ loco addamus, quibusdam Martialem visum esse prope Christianum. Accipe ex periphrasi secunda Juvenalis Claverii verba: ‘ Scitum est vero, Martialem non invisum esse Christianis: nam Pudentem et Claudiam par nobile ac beato Paulo jucundissimum plurimis in cœlum laudibus effert. Ac pæne auguror, tremulum quendam solis æterni radiusculum isti poëtæ tandem affulsisse: licet plura ejus vel priora in lasciviam vergant, ut hodie multis Christianis contigit.’ Ego tamen nondum inducor, ut hoc ad animum admittam, nisi mihi sanctior et certior testis tabulas alias exhibeat, quod hic, quem adduxi, tam idoneus et sanctus videatur, quam ipse Martialis est. Pudens autem ille et Claudia, quos S. Paullus salvere jubet, non videntur ii, quos Martialis celebrat. Fuit enim A. Pudens Martialis, centurio profanus et Encolpo puero transcriptus, non philosophus. Præterea multo illis hi juniores, de quibus iv. 13. plenius. Pudens hospes S. Petri ordinis jam tum senatorii, non centurio. Fabulis ergo gemina, quæ narrant Britannicæ antiquitates, a nuperis scriptoribus concinnatæ.

SCRIPTORUM VETERUM
AC
RECENTIORUM QUORUNDAM
DE M. VALERIO MARTIALE
TESTIMONIA.

C. PLINIUS CÆCILIUS SECUND.
CORNELIO PRISCO SUO S.

[Epistola Lib. III. ultima.]

AUDIO Valerium Martialem decessisse, et moleste fero. Erat homo ingeniosus, acutus, acer, et qui plurimum in scribendo et salis haberet et fellis; nec candoris minus. Prosecutus eram viatico secedentem. Dederam hoc amicitiae, dederam etiam versiculis, quos de me composuit. Fuit moris antiqui, eos qui vel singulorum laudes, vel urbium scripserant, aut honoribus aut pecunia ornare. Nostris vero temporibus, ut alia speciosa et egregia, ita hoc inprimis exolevit. Nam postquam desiimus facere laudanda, laudari quoque ineptum putamus. Quæris qui sint versiculi, quibus gratiam retulerim? Remitterem te ad ipsum volumen, nisi quosdam tenerem. Tu, si placuerint hi, ceteros in libro requires. Alloquitur Musam, mandat ut domum meam in Esquiliis quærat, adeat reverenter: [Lib. x. Epigr. 19.]

Sed ne tempore non tuo disertam
Pulses ebria januam, videto.

Totos dat tetricæ dies Minervæ,
 Dum centum studet auribus virorum
 Hoc, quod sæcula posterique possint
 Arpinis quoque comparare chartis.
 Seras tutior ibis ad lucernas :
 Hæc hora est tua, cum furit Lyæus,
 Cum regnat rosa, cum madent capilli :
 Tunc me vel rigidi legant Catones.

Meritone eum, qui hoc de me scripsit, et tunc dimisi amicissime, et nunc, ut amicissimum, defunctum esse doleo? Dedit enim mihi, quantum maxime potuit: daturus amplius, si potuisset. Tametsi quid homini potest dari majus quam gloria, laus, et æternitas? At non erunt æterna, quæ scripsit? Non erunt fortasse: ille tamen scripsit, tanquam futura. Vale.

Ælius Spartianus, in L. Cejonii Commodi, sive Ælii Veri Vita.

Idem Ovidii libros *Amorum* in lecto semper habuisse; idem Martialem *Epigrammaticum* poetam *Virgilium* suum dixisse, fertur.

Ælius Lampridius, in *Alexandri Severi Vita*.

Leporem quotidie habuit, venationem frequentem, sed eam cum amicis dividebat, et his maxime quos sciebat per se non habere. Nec divitibus quicquam talium munerum misit, sed ab his semper accepit. Et quod ille leporem quotidie haberet, jocus Poëticus emersit, idcirco quod multi septem diebus pulchros esse dicunt eos qui leporem comederint, ut Martialis *Coci Epigramma* significat, quod contra quandam *Gelliam* scripsit hujusmodi: [Lib. v. *Epig.* 29.]

Cum leporem mittis, semper mihi *Gellia* mandas,
 Septem formosus Marce diebus eris.
 Si verum dicis, si verum *Gellia* mandas,
 Edisti nunquam *Gellia* tu leporem.
 Sed hos versus Martialis in eam, quæ deformis esset, com-

posuit: Poëta vero temporum Alexandri hæc in eum dixit:
 Pulchrum quod vides esse nostrum regem,
 Quem Syrum sua detulit propago,
 Venatus facit, et lepus comesus:
 Ex quo continuum capit leporem.

Sollius Sidonius Apollinaris. Carm. 1X.

Non Gaulicus hic tibi legetur,
 Non Marsus, Peto, Silius, Tibullus,
 Aut mordax sine fine Martialis.

Idem Carm. XXIII.

Quid celsos Senecas loquar, vel illum
 Quem dat Bilbilis alta Martialem,
 Terrarum indigenas Ibericarum?

Joannes Saresberiensis, Curial. Nugar. lib. VII. cap. 12.

Poëticum illum te subito miraberis invenisse pictorem,
 qui ad omnia, quæ necessitas exigit, scit fortasse simulare
 cupressum. Desipit ita Rufus in Nævia, a qua eum, teste
 Coquo, nullus casus avertit. Nam

Quicquid agit Rufus, nihil est nisi Nævia Rufo;

Si gaudet, si flet, si tacet, hanc loquitur.

Cœnat, propinat, poscit, negat, innuit, una est

Nævia: si non sit Nævia, mutus erit.

Lib. I. Epigr. 68.

Idem lib. VIII. cap. 6.

Peregrinos odores non nisi dissolutis et amatoribus con-
 venire, Comicus et Coquus docent.

Idem lib. eod. cap. 13.

Nam fœnerator ut plus recipiat, interdum aliquid prælar-
 gitur. Unde Coquus:

Munera quod senibus viduisque, &c.

Lib. IV. Epigr. 56.

Vetus Glossarium Latinum.

Petaso, Petasonis; perna, baconis. Martialis Coquus :

Et pultem dubiam cum petasone voras.

Extat Lib. III. Epigr. 77. ubi vulgo, 'Et pulpam dubio.'
Laudatur ab eodem Glossographo etiam alibi, et sub Mar-
tialis Coqui nomine præterea funginum hoc Distichon :

Defungi fungis homines, Macrine, negabas :

Boleti leti causa fuere tui.

Angelus Politianus, Miscellan. cap. 6.

Nimis enim foret insubidus Poëta : quod nefas credere.

Idem cap. 52.

Sane per totum Epigramma signate usus est verbis argu-
tissimus Poëta, &c. ut sic hoc Epigrammate nihil utique
pensitatus.

Idem in Declamatione pro Quintiliano.

Ut ab ingeniosissimo Latinorum Epigrammatum poëta,
et 'vagæ juventutis moderator,' et 'Romanæ gloria togæ'
vere meruerit appellari.

Jovianus Pontanus, lib. III. de Sermonibus, cap. 18.

Valerius Martialis artificiosissimus Epigrammatum scrip-
tor, ita in iis quidem jocus est, ut frequentius carpat,
quam delectet: tametsi e demorsione ipsa delectatio quo-
que paritur. Adhæc dictis ejus partim occultissima quæ-
dam insunt spicula; partim verba quæ non solum a faceto
sint aliena, verum aut obscœna ipsa admodum scurriliaque,
aut maxime ampullosa et acida: quod quidem Hispanicum
est. Sunt tamen dicta ejus in universum arguta, subtiliter-
que conquisita; abstrusæ sententiæ, eademque raræ, salsæ,
aculeatæ: inventiones vero maxime acutæ: verba præcipue
accommodata, quæque non prima tantum facie, atque in
ipso explicatu, lectorem alliciant atque auditorem; verum
quæ in ejus animo relinquunt tacitam quandam quasi sub-

titillationem. Nihilo tamen minus iis, non pauca quidem animadvertas, quæ digna prorsus sunt facetis ac temperatis ingeniis: retineantque decorum illud, quod virtutis hujus, de qua præcipimus, maxime est proprium.

Julius Cæsar Scaliger, *Poëtices* lib. III. cap. 126.

Epigrammatis virtutès peculiare, brevitás et argutia; hanc Catullus non semper est assecutus. Martialis Poëta argutissimus nusquam omisit.

Idem lib. VI.

Ne Martialem quidem transferre libet ad meliora. Multa sunt ejus Epigrammata divina; in quibus et sermonis castitas, et argumenti species luculenta est. Versus vero candidi, numerosi, pleni, denique optimi. Alia fœda ne legerim quidem, tantum abest ut ad censuram vocem.

Adrianus Turnebus, *Advers.* lib. VIII. cap. 4.

Quid vetat attingere festivissimi Poëtæ Martialis lusus, atque in his operam ludere? Non semper supercilia adducenda sunt.

Idem lib. XIII. cap. 19.

Cum a lepidissimo Poëta, nec enim illis assentior, qui scurram ineptum eum appellant, neque satis elegante Musa libros Epigrammatum scripsisse autumant, lib. III. Epigr. 93. canitur:

Admittat inter bustuarias mœchas, &c.

Justus Lipsius, *de Amphit.* cap. 15.

Designatorum facete sæpe meminit auctus et capitalis ille Hispanus.

Idem ad Janum Lernutium, I. Epist. Quæst. Epist. 5.

Quid censes tu? non melius de Martiale Scaliger judicavit, qui versus ejus candidos, numerosos, plenos, Epigrammata multa divina dicit: quam ille, qui scurram de

trivio appellat? Nollem excidisset viro magno hoc iudicium iudicii dissimile. Nihil ad Catullum Martialis, scio: sed et hoc scio, Epigrammata illa nec in trivio nata, nec omnia in triclinio. Multa fœ a, obscœna in Martiale: et mehercule in uno Catulli libello non pudiciora, sed pauciora. Ignorat sæculum illud, qui hoc accusat.

Et cetera, qui ibi sequuntur tanto viro indigna. Pudet me iudicii: quod infra inter Infelicium Criticorum iudicia merebatur locum. Sed reliquis tuis meritis lucrifecisti, mi Lipsi, hanc notam censoriam.

SINISTRA QUÆDAM JUDICIA

INFELICIUM CRITICORUM

DE

MARTIALE.

Raphaël Volaterranus, Commentar. Urbanorum lib. xvii.

M. Valerius Martialis, Poëta Epigrammatum, e Bilbili oppido Celtiberiæ. Romæ annos triginta commoratus, in Hispaniam demum revertit, pauper admodum, et viatico a Plinio Nepote, ut in ejus Epistola declaratur, adjutus. Amicos coluit Stellam, Silium Italicum. Ascitus et in ordinem Equestrem, et jura trium liberorum adeptus est: reliquit Epigrammatum librum omnino rejiciendum, quippe qui neque elegantia Latinæ neque moribus prosit.

Paulus Jovius, in Elogiis Virorum literis Illustrium, in Marco Antonio Casanova.

M. Ant. Casanovæ, Comense patre Romæ genito, arguti Epigrammatis palmam detulit illa ipsa Roma, severæ auris

judicio superba; nec unquam in confesso pudore Poëtis adulatrix: quod lepida, et salsis finibus aculeata carmina factitaret. Elocutioni casta tamen puritas ac in numero sæpe duro lenitas defuit: qualis in Catullo prætenere Poëta conspicitur: cum ingeniose mordaci et impuro Martiali per-similis esse mallet, ut una præsertim peracutæ circum-ductæque sententiæ gloria duceretur, &c.

Andreas Naugerius, Auctore in iisdem Elogiis P. Jovio.

Cum Epigrammata præstanti judicio lepidissime scribe-ret, non salsis aculeatisque finibus, sed tenera illa et præ-dulci prisca suavitate claudebat, adeo Martiali severus hostis, ut quotannis stato die Musis dicato multa ejus volumina, tanquam impura, cum execratione Vulcano di-carentur.

Alia sinistra infelicium Criticorum judicia vide in Mar-tiale P. Scriverii.

M. VAL. MARTIALIS
DE
S P E C T A C U L I S
LIBELLUS.*

I.

IN AMPHITHEATRUM CÆSARIS.

BARBARA Pyramidum sileat miracula Memphis;
Assiduus jactet nec Babylona labor;

Barbara Memphis taceat admirandas pyramides, nec labor improbus ostendet

~~~~~

\* Hunc Libellum, quia in eo quædam Martialis tempori non conveniunt, multa ingenium nostri Poëtæ parum sapiunt, ex mente DD. VV. Jani Rutgersii Var. Lect. Lib. v. cap. 15. et Petri Scriverii in Animadversionibus suis, Martiali abdicatum atque ad calcem rejiciendum curavit Farnabius: idque non sine exemplo et auctoritate codicis Ms. qui habetur Oxoniæ in celeberrima Bibliotheca Bodleiana. Ubi etiam extremo loco post Apophoreta inscribitur: *Ad Cos. de Amphitheatro, Marci Val. Martialis Epigr. lib. decimus quintus.* Ant. de Rooy. inscrib. *Diversorum Poëtarum Spectacula*; unius enim Martialis, inquit, hunc fœtum esse, haud facile adducar ut credam, et summo jure dudum dubitarunt eruditi. Theodorus Marcilius: *In Amphitheatrum et Venationes Cæsaris Domitiani.*

2 *Assyrius* Andreas Alciatus, quem secuti sunt Junius et Schotus.—3 Non-

NOTÆ

1 *Memphis*] Urbs Ægypti nobilissima, secundum plerosque hodie *le Caire*. Cum tamen ab altera parte Nili fuerit, e regione Cairi, cujus nihil extare præter nomen, Menchis, putat Postellus, vana est illa opinio.

Strabo lib. xvii. ait, 'Pyramides, quæ apud Memphim sunt, in ulteriore regione apparere,' scilicet Babylonis castelli natura muniti a Babyloniis quibusdam conditi, ut ait idem Strabo: Ἔστι δὲ γὰρ ἀπὸ τοῦ Δέλτα τρί-

Nec Triviæ templo molles laudentur honores ;  
Dissimuletque Deum cornibus ara frequens.

*Babylona: nec celebrentur delicata ornamenta templi Dianæ, et ara referta*

~~~~~  
nulli *moles l. Iones*; Raderus enim e conj. Scaligeri scripserat, *molles l. Iones*; idque exhibet ed. Par. 1754. et Gronovius nil verius elegantiusve judicat. Hinc D. Heins. ad Claud. x. 88. *mores laudentur Iones*. Petitus rescribendum conj. *herones* ex Plin. xxxvi. 16. *molles l. honores* omnes codd. testantur.

NOTÆ

σχουρον εἰς αὐτὴν tribusschœnis a Delta dissita est Memphis nempe. Schœnum ex eodem Strabone libro citato triginta stadia complectitur; secundum Herodotum sexaginta: stadium vero mensura est pedum sexcentum, ut tradit Budæus ex Herodoto lib. ii. de labyrintho loquente. Plinius lib. ii. cap. 23. ait: 'Stadium centum viginti quinque nostros efficit passus, pedes sexcentos viginti quinque.' Barbaram dicit Memphim, quod Romani, præter Græcos, omnes alios populos barbaros vocarent. Apud hanc urbem Ægyptii Reges potius ad ostentationem, quam ad usum, Pyramides extruxere, adhuc extantes, quæ inter septem orbis miracula annumeratæ: sunt vero quadratæ moles, quæ ab ima et latissima basi paulatim in apicem desinentes summam in altitudinem crescunt.

2 *Assiduus labor*] Alii hunc laborem referunt ad scriptores, qui multis laudibus Babylonem extulerunt; estque idem, inquit, quod Horatius i. Od. 7. vocat unum opus: 'Sunt quibus unum opus est intactæ Palladis urbem Carmine perpetuo celebrare.' Sed Poëta comparat Amphitheatrum cum alio ædificio, itaque alii melius meo judicio laborem illum assiduum referunt ad Babylonis muros, quorum ambitus quadringenta et octoginta stadia complectebatur teste Herodoto lib. i. ita ut ingenti labore fuerint perfecti, et inter orbis miracula

recensiti. *Assiduus* ergo labor sumitur hic pro ingenti, et improbo. Babylon vero urbs fuit celeberrima ad Euphratem, cujus situm fuse explicat Herodotus lib. i. de qua Ovid. Met. iv. 'Ubi dicitur altam Coctilibus muris cinxisse Semiramis urbem.' De pensilibus illius hortis tum ab Historicis tum a Poëtis narrantur multa. Alii legunt *Assyrius labor* quod Babylon olim fuit Metropolis Assyriæ. Strabo lib. xvi.

3 *Nec Triviæ*] Diana dicta est Trivia, quod in triviis coleretur, unde a Græcis dicitur Τριδιτῆς, hoc est in trivio constituta. *Molles honores* intellige signa in templo Dianæ, columnas, ipsum denique templum summo artificio elaboratum; *molles* autem delicatissimos et quasi vivos interpretare. Sic Virg. Æn. vi. 'Excudent alii spirantia mollius æra, Credo equidem, vivos ducent de marmore vultus.' Ephesus Ioniæ regionis Asiaticæ urbs nobilis ab hoc Dianæ templo: quare legunt alii *molles Iones*. Quæ lectio non displiceret si antiquis in codicibus reperiretur: hoc est, nec celebrentur molles Iones a templo Dianæ Ephesiæ: sententia perspicua est, Ionas nempe effœminatos adeo non esse laudandos a templo quod Dianæ ædificaverunt, nec Cares a Mansoleo, nec Babylonios a suis muris, nec Delios ab ara cornea, nec Ægyptios a suis Pyramidibus; cum omnia illa ædificia longe superet Am-

Aëre nec vacuo pendentia Mausolea

5

Laudibus immodicis Cares in astra ferant.

Omnis Cæsareo cedat labor Amphitheatro :

Unum pro cunctis fama loquatur opus.

cornibus sileat Deum: nec Cares commendatione nimia in cœlum tollant monumentum Mausoli suspensum in aëre vacuo. Omne opus det primas Amphitheatro Cæsaris, et fama prædicet unicum illud ædificium pro omnibus.

Ceterum Scriv. interpungit: *Nec T. t. moles laudentur: honores Dissimuletque, &c.* Vide Notam.—5 Ed. Junt. an. 1512. penes Editorem in marg. habet *Moësilea*, cujus etiam meminit Marcil. Vide Jul. Front. de Limitibus.—6 *Laudibus innumeris* in quibusdam edd. vett. *immodicis* in codd. cum Ald. Junt. Gryph. &c.—8 Cod. Bodl. *præ*, quod receperunt Scriv. Schrevel. et Ed. Par. 1754. alii codd. *pro*; et sic edd. vett. et Ald. Junt. et Gryph.

NOTÆ

phitheatrum a Vespasiano exstructum, Suetonius in Vespasiano cap. 9. et a Tito dedicatum, in Tito cap. 7. ‘In quo spectacula magna assidue et sumptuosa edidit Domitianus,’ idem Suetonius in Domitiano cap. 4. unde dicitur hic Spectaculorum liber. Exstructi autem Amphitheatri laudem Domitiano tribuit noster Poëta.

4 *Cornibus ara*] Βωμὸς κεράτινος, *ara cornea*, inter septem orbis miracula recensita, quam in insula Delo, hodie *Sdiles*, ex cornibus caprarum a Diana sorore interfectarum exstruxit Apollo, non tanquam divinum opus se jactet cum ab Amphitheatro mortali manu facto longe superetur. De cornea hac ara agit Callimachus in Hymno Apollinis; et Plutarchus, de animalium solertia, scribit hanc aram inter orbis miracula positam. Alii minus bene videntur intelligere templum

Jovis Hammonis apud Nasamonas Libyæ populos in ora Syrtis. Strabo lib. xvii. Alii, *Dissimulet Delon.*

5 *Mausolea*] Id est, Sepulcrum Mausoli regis Cariæ conditum ab Artemisia uxore, et enumeratum inter orbis miracula. *Pendentia* dixit quia columnis erant suffulta. Vide lib. ii. Epig. 14. ‘Inde petit centum pendentia tecta columnis.’ Cares vero Asiam minorem habitant contra Rhodum: caput regni Halicarnassus ubi Mausoleum spectabatur: de quo Vitruvius lib. ii. cap. 8. et Plinius lib. xxxv. cap. 5.

8 *Unum pro*] Alii *præ*. Lipsius de Amphitheatro cap. 7. ‘Intelligit,’ inquit, ‘hoc Titianum: nec ad Domitianum illa, aut de Domitiano, ut hallucinatur interpretum vulgus.’ Judicet lector ex his quæ supra diximus.

II.

IN OPERA PUBLICA CÆSARIS.

Hic ubi sidereus propius videt astra colossus,
 Et crescunt media pegmata celsa via;
 Invidiosa feri radiabant atria regis,
 Unaque jam tota stabat in urbe domus.
 Hic, ubi conspicui venerabilis Amphitheatri
 Erigitur moles, stagna Neronis erant.

5

Odiosa aula crudelis regis Neronis hic splendebat, et jam unicum domicilium erat in tota civitate, ubi radiatus colossus aspicit astra propius, et pegmata alta surgunt media via. Hic erant stagna Neronis ubi exstruitur moles veneranda

Inscriptio in cod. Bodl. *De operibus circa amphitheatrum*: 'verum haud ita apposite; quale erat ingenium eorum qui lemmata præfixerunt omnibus Epigram. præterquam lib. XIII. et XIV. quæ ipsius auctoris sunt.' *Farn.* In cod. Thuan. *De operibus cingentibus Amphitheatrum*, teste Gronovio. In edd. vett. Ald. Junt. Gryph. aliis: *Ad eundem Cæsarem*. Marcil. malit: *De operibus Domitiani*.—1 Legitur et *propior*, estque pathos Metonymicon: altitudinem enim exprimit Colossi, nam quo altior fabrica, hoc cælo *propior* est.

NOTÆ

1 *Hic ubi sidereus*] Plinius lib. XXXIV. cap. 7. 'Audaciæ innumera sunt exempla. Moles quippe excogitatas videmus statuarum, quas colossos vocant, turribus pares.' Sidereus vero dicitur colossus quia a Vespasiano Soli dicatus est, vide Plinium loco citato, et Suetonium in Vespasiano cap. 18. 'Colossi refectorem insigni congiario magnaque mercede donavit.' Ille enim colossus secundum Suetonium in Nerone cap. 31. 'centum viginti pedum stabat ipsius Neronis effigie:' in eodem hoc capite recensentur ædificia quorum mentionem hic facit Martialis, qui pergit Domitiano tribuere quæ a Vespasiano et Tito ædificata fuerant; alii tamen putant hæc ad Titum referri: 'Hic colossus, erectus sub Nerone, refectus a Vespasiano, ac demto capite Neronis, et Solis adjecto cum septem radiis, Soli dicatus fuit,' &c. Hieronymus in Habacuc. cap. 3. Vide lib. XII. Epigr. 60.

2 *Pegmata*] Fuerunt machinæ quas sic describit Scaliger in Manil. lib. v. 'Erat autem pegma contabulatio quæ sponte surgebat sensim, et dissolvebatur.' De his machinis Plinius lib. XXXIII. cap. 33. Seneca Epist. 88. 'His annumeres licet machinatores, qui pegmata ex se surgentia excogitant, et tabulata tacite in sublime crescentia, et alias ex inopinato varietates; aut dehiscentibus quæ cohærebant, aut his quæ distabant sua sponte coëuntibus, aut his quæ eminebant paulatim in se residentibus.'

3 *Invidiosa feri*] Tacitus Ann. xv. 'Ceterum Nero usus est patriæ ruinis, exstruxitque domum in qua haud perinde gemmæ et aurum miraculo essent, solita pridem et luxu vulgata, quam arva et stagna, et in modum solitudinum, hinc sylvæ, inde aperta spatia, et prospectus.' Mox 'Superbus ager' dicitur, vel quia amplissimus, vel quia Neroni peculiaris, nec populo communis.

Hic, ubi miramur velocia munera thermas,
Abstulerat miseris tecta superbus ager.

Claudia diffusas ubi porticus explicat umbras,
Ultima pars aulæ deficientis erat.

10

Reddita Roma sibi est; et sunt, te præside, Cæsar,
Deliciæ populi, quæ fuerant domini.

spectandi Amphitheatri. Hic campus superbus eripuerat domos ab ærumnosis civibus, ubi nobis admirationi sunt balnea celeriter exstructa. Extrema pars erat atrii desinentis, ubi Claudia porticus dilatat umbras. Roma sibi restituta est, et, te Imperatore, Cæsar, sunt populi, quæ fuerant voluptates domini Neronis.

NOTÆ

7 *Velocia munera*] Thermæ enim velociter a Tito fuerant exstructæ in gratiam populi. Suetonius in Tito cap. 7. ‘Amphitheatro dedicato, Thermisque juxta celeriter exstructis.’

9 *Claudia*] Quam eandem cum Liviæ porticu, de qua Plinius lib.

xiv. cap. 1. affirmant aliqui; alii vero diversam fuisse statuunt.

12 *Quæ fuerant domini*] Odiose Neronem vocat dominum, qui nempe civibus Romanis veluti servis imperaret.

III.

DE GENTIUM CONFLUXU ET CONGRATULATIONE.

QUÆ tam seposita est, quæ gens tam barbara, Cæsar,

Ex qua spectator non sit in urbe tua?

Venit ab Orptheo cultor Rhodopeius Hæmo,

Venit et epoto Sarmata pastus equo;

Quæ natio, o Cæsar, tam remota et tam barbara ex qua aliquis spectator non videatur in tua civitate? Incola Thracius advenit ab Orptheo Hæmo. Sarmata

//////////

In cod. Bodl. inscribitur: *De nationum consensu: Junt. Ad eundem: in aliis vett. Ad eundem Cæsarem.—4 Venit et e poto Junt.—5 Eadem habet, de prensi*

NOTÆ

3 *Venit ab Orptheo*] Rhodope et Hæmus montes sunt Thraciæ. Orpheus Hæmus dicitur, quia ad eum habitarent parentes Orphei, vide Plinium lib. iv. cap. 1. et cap. 11. ubi agit de patria Orphei.

4 *Sarmata pastus equo*] Hoc est, a Septemtrione Sarmatæ venerunt, a meridie incolæ Nili. Ab Occidente

Hispani vel Britanni. Ab Oriente Arabes. Sarmatia duplex est, Europæa et Asiatica. Europæam, ‘Rusiam,’ vocat Ortelius, Asiaticam vero ‘Tartariam.’ ‘Sarmatarum quoque gentes hac maxime pulte aluntur, et cruda etiam farina, equino lacte, vel sanguine e cruris venis admixto.’ Plinius lib. xviii. cap. 10. sub finem.

Et qui prima bibit deprensi flumina Nili,

5

Et quem supremæ Tethyos unda ferit.

Festinavit Arabs, festinare Sabæi;

Et Cilices nimbis hic maduere suis.

Crinibus in nodum tortis venere Sicambri,

Atque aliter tortis crinibus Æthiopes.

10

quoque nutritus sanguine equi hausto, atque ille qui potat aquam primam Nili cogniti, et ille qui percutitur unda extremi maris. Arabes properaverunt, Sabæi accurrerunt, et Cilices respersi fuerunt suis imbribus. Sicambri accessere capillis coactis in nodum, atque Æthiopes coma alio modo religata. Loquela varia quidem

f. Nili; et pro v. l. a marg. immensi, metro obstante. Certat aliquis Nostrum scripsisse; Et qui prima bibit septeni flumina Nili; vel, Et qui prona bibit septeni, &c. sed prius magis arridet.—9 Sygambri scribendum præferunt viri docti. Vide Interpretes ad Ovid. Am. I. 14. 49. et Valesiana p. 91.

NOTÆ

5 *Et qui prima*] Et venerunt illi Æthiopes, qui regionem incolunt, ubi emergit primum ac deprehenditur Nilus. De quo fuse Plinius lib. v. cap. 9. 'Nilus incertis ortus fontibus it per deserta.' Et paulo infra: 'Originem, ut Juba rex potuit exquirere, in monte inferioris Mauritaniae non procul Oceano habet, lacu protinus stagnante, quem vocant Nilidem.' Dio in Severo affirmat originem Nili fuisse inventam: 'Nilus a monte Atlante certo fluit, qui mons est in Macennitide, non longe ab Oceano, qua parte spectat ad occasum solis.' Prisci tamen quam plurimi negant Nili fontes fuisse deprehensos, maxime Seneca Quæst. Natural. lib. vi. cap. 8. Papinius Sylvium lib. III. Horatius IV. Od. 14. et multi alii: videat lector. Fontes Nili repertos fuisse constat, ex iis quæ referunt Patres Societatis Jesu Alphonsus Mendez, Almeyda, maxime Hieronymus Lobus, nempe in regno Goyam ad duodecimum gradum Latitudinis Borealis, et quinquagesimum quintum Longitudinis gradum in regione Sacahala, quam incolunt Agavi. Illic lacus est jac-

tum lapidis latus, in quo sunt duo fontes a se invicem triginta passibus distantes, qui nostrorum puteorum figuram referunt; ex his emanat fluvius Nilus, qui per alterum deinde lacum transit seque in terram abdit. Ad milliare vero inferius emergit rursum ea aquarum copia auctus, ut fluvii nomen consequi possit. Orientem versus fluit. A sua origine quadraginta miliaria cemensus lacum Dambeam vulgo Bardambeam ingreditur, &c. quæ fuse describuntur in Synopsi Historiæ Æthiopicæ. Vide librum inscriptum, 'Recueil de Divers Voyages faits en Afrique,' &c.

6 *Supremæ*] Tethys Oceani uxor pro mari ipso sumitur. Hic intellige Britannos, vel Hispanos qui sunt ultimi ad solem occidentem; ubi mare inquietum et undosum toto anno, unde dicit, *ferit*. Thetis vero Pelei conjux fuit et mater Achillis.

7 *Sabæi*] Populi Arabiæ Felicis.

8 *Cilices*] Cilicia, Asiæ minoris regio, hodie vocatur 'Turcomania' et 'Finichia,' ubi est crocus præstantissimus, cui primam nobilitatem tribuit Plinius lib. XXI. cap. 6.

Hic maduere] Nam croco trito et

Vox diversa sonat: populorum est vox tamen una,
Cum verus PATRIÆ diceris esse PATER.

est, attamen unus est sermo earum nationum, cum verus patriæ parens appellaris.

—11 Cod. Bodl. *Vox diversa sonat populorum: et vox, &c.* Junt. *Vox d. s. populorum, est, &c.* Thuan. ap. Gronovium, *tum tamen una est.*

NOTÆ

mixto vino dulci irrigabantur, odoratis quoque imbribus perfundebantur spectatores.

9 *Sicambri*] Teste Strabone Galliæ sunt populi, ubi hodie Gueldriæ Ducatus. Ut Martiano placet, nempe, inter Mosam et Rhenum. Secundum alios fuerunt ab altera parte Rheni, ubi hodie Zutphanix Comitatus. In nodum torquere crines solebant illi populi. Lib. v. Epigr. 39. ‘Rhenique

nodos.’ Tacitus de Moribus Germanorum hunc ritum speciatim tribuit Suevis: ‘Insigne gentis obliquare crinem, nodoque substringere.’ Juvenalis Sat. XIII. vs. 164. ‘Cærule quis stupuit Germani lumina, flavam Cæsariem, et madido torquentem cornua cirro?’

10 *Atque aliter tortis*] Æthiopum comæ natura et ardore Solis crispæ sunt, Germanorum vero arte.

IV.

AD CÆSAREM, QUOD EXPULERIT DELATORES.

TURBA gravis paci, placidæque inimica quieti,

Quæ semper miseris sollicitabat opes,

Tradita Gætulis; nec cepit arena nocentes;

Et delator habet, quod dabat, exilium.

Multitudo infensa paci, atque adversaria quietæ tranquillitati, quæ assidue vexabat divitias miserorum civium, ducta est cum inscriptionibus, nec arena continuit reos, et accusator mulctatur exilio, quo mulctabat alios. Accusator fugitivus

In nonnullis inscribitur: *Ad Cæsarem de delatoribus.*—3 *Traducta est Getulis* scripsit Junius: *Traducta est Geticis* cod. Bodl. *Gethicis* aut *Gyaris* legendum putavit Merula; quam posteriorem lectionem reposuit Aldus; eamque si vet. codd. comprobarent, retinendam esse censet Pulmannus; alii *Cybiris*: Lipsius *Traducta est titulis*, probantibus Radero et Ramir. de Prado: *Tradita Getulis* Junt. Gryph. Scal. Scriv. ed. Par. 1754. aliæ. Nostram lect. firmat

NOTÆ

3 *Tradita Gætulis* [*Traducta est titulis*] Sic legit Lipsius in notis ad lib. II. cap. 11. de Cruce: ‘Titulis enim vult, [Martialis scil.] traductos dela-

tores: quomodo? nonne omnium unus est communis? non hic: quia additum, quos et quam illustres quisque detulisset.] Exempli causa. Hic est

Exulat Ausonia profugus delator ab urbe :
Impensis vitam principis annumeres.

5

amandatur ab urbe Roma : vitam addas sumtibus Imperatoris.

Aldi Manutii cod. quam et S. Marionis liber asserit, et Catanæus probat.—5 Distichon hoc a præcedenti tetrasticho dividunt Scal. et Scriv. ut sit aliud Epigramma, cum hoc titulo : *De Iisdem* : et sic dedit Ed. Par. 1754.

NOTÆ

Titius, qui Camerinum detulit. Hic qui Lateranum, et talia. In libris legitur: *Traducta est Gætulis*: in aliis: *Tradita Gætulis*, et emendarunt: *Traducta est Gyaris*, quod ego et ratio facile refellant.' In hoc libro, de Cruce, fuisse agit Lipsius, de *titulis* quos damnatis apponere solebant antiqui.

Nec cepit] Tantus forte erat delatorum numerus, ut in arena contineri non potuerint: vel, intellige tantummodo ignominie causa traductos fuisse per arenam, et deinde in exilium missos. Sensus est: Delatores non fuerunt addicti arenæ. Suetonius in Tito cap. 8. mentem nostram explicuit: 'Inter adversa temporum et

delatores mandatoresque erant, ex licentia veteri. Hos assidue in foro flagellis ac fustibus cæsos, ac novissime traductos per Amphitheatri arenam, partim subjici in servos, ac venire imperavit; partim in asperrima insularum avehi.' Alii legunt, *in asperrimas insularum*.

5 *Ausonia ab urbe*] Romam intellige. Italia dicta est Ausonia ab Ausonio Ulyssis et Calypsus filio.

6 *Impensis*] Hoc est, muneribus exhibitis. Nimirum præter alia munera quæ in civium gratiam exhiberi jussit Domitianus, dedit vitam, quoniam ejecit delatores qui vitæ et bonis civium insidiabantur.

V.

DE PASIPHAËS SPECTACULO.

JUNCTAM Pasiphaën Dictæo credite tauro.
Vidimus: accepit fabula prisca fidem.

Fidem adhibete Pasiphaën conjunctam fuisse tauro Cretensi. Spectavimus;

Blanditur Cæsari inscriptio est in codd. cum Ald. Junt. Gryph. et aliis edd. vett. *De Pasiphaë* Ramires de Prado: *De spectaculo Pasiphaës* Marcilius.—1 *Junctam Passiphaën Dictæo credite tauro Vidimus* Ald. Junt. Gryph. et aliæ vett. 'Post nomen *tauro* appone Periodi notam, quod ibi absolvatur sententia.'

NOTÆ

1 *Junctam Pasiphaën*] Pasiphaë, filia Solis, et uxor Minois Regis Cretæ, arsit amore tauri. Hæc fabula satis

nota.

Dictæo] Cretensi, a Dicte monte Cretæ.

Nec se miretur, Cæsar, longæva vetustas :
Quicquid fama canit, donat arena tibi.

fabula antiqua facta est vera. Nec antiquitas remota, o Cæsar, sibi nimium placeat: quicquid fama narrat, id ipsum tibi suppeditat arena.

Ramires.—3 Nec sua miretur conj. Ant. de Rooy, ut ap. Tacit. Ann. II. cap. ult. ‘Caniturque adhuc barbaras apud gentes, Græcorum annalibus ignotus, qui sua tantum mirantur.’ Habet tamen, quo se tueatur, recepta lectio. Vide lib. XIII. Epigr. 2.

NOTÆ

3 *Nec se miretur]* Propter sua miracula, aut potius propter fabulas, quæ in Amphitheatro Domitiani vere representabantur. Simile spectaculum exhibuerat Nero. Suetonius in Nerone cap. 12. ‘Taurus Pasiphaën ligneo juvencæ simulacro abditam iniit, ut multi spectantium crediderunt.’

VI.

FŒMINÆ IN AMPHITHEATRO CUM LEONE CERTAMEN.

BELLIGER invictis quod Mars tibi sævit in armis,
Non satis est, Cæsar; sævit et ipsa Venus.
Prostratum Nemees et vasta in valle leonem,
Nobile et Herculeum fama canebat opus.

Non sufficit, o Cæsar, quod Mars bellicosus tibi furit in armis insuperabilibus; Venus quoque ipsa furit. Fama narrabat egregium Herculis factum, leonem

Blanditur Cæsari hic etiam in nonnullis codd. et edd. vett. De venatione mulierum Marcil. ‘Inscriptio in cod. Thuan. hæc est: De Jul. April. qua die omnis venatio per mulieres confecta est. Apparet legendum De Idibus Aprilibus. Recte hariolatus est Scriverius hoc Epigramma in duo secandum. Nam primum distichon sufficit sibi. Sequentibus duobus etiam novum lemma præponit Thuan. Ms. De venatrice, quæ leonem primæ formæ venabulo cepit. Ubi notandum illud, primæ formæ; nam sic Justinus lib. xv. cap. 4. leo ingentis formæ.’ Gronov. De fæminarum pugna cum bestiis ed. Par. 1754. in qua dividitur Epigramma, cum hoc altero lemmate: De Eadem.—1 Gruterus tam lic, quam in sequenti versu, reponi posse credit, servit.—3 Nostram lectionem servant omnes fere codd. et edd. vett. Scriverius

NOTÆ

1 *Mars tibi sævit]* Hoc est, in specie minæ tibi sunt venatrices. Suetonius figuraque tua: ut in Augusti specie in Domitiano cap. 4. ‘Nam venationes gladiatoresque, et noctibus ad Mercurius pugnavit in terris. Horatius 1. Od. 2. Sic Marcellus. Vel in lychnuchos,’ (Supple, commisit.) ‘Nec tuam gratiam sævit. Videat lector. virorum modo pugnans, sed et fæminarum.’

2 *Sævit et ipsa Venus]* Hoc est, non
viri tantum tibi venatores, sed et fæ-
Delph. et Var. Clas. Martial. C

3 *Nemees]* Sylva est in Pelopon-

Prisca fides taceat: nam post tua munera, Cæsar, 5
 Hæc jam foeminea vidimus acta manu.

profligatum deserta in valle Nemees. Vetera monumenta sileant: etenim, o Cæsar, post tua spectacula, jam spectavimus hæc facta manu muliebri.

emendavit, *Prostratum Nemeæ, sed vasta mole, leonem*; cf. infra Epigr. 15. et Ovid. Met. ix. 197. *sed vasta in valle, leonem Gronov. P. vasta Nemees in v. l. Marcilius, ne otiose abundet et; vel, P. N. et vastum in valle leonem: Gruterus, prævasta in valle: Ant. de Rooy vastata valle, vel in valle, nempe per leonem; cf. Claud. R. P. III. 168. et Rufin. I. 286. 'Illud et,' inquit, 'huc forsitan irrepsit ex ultima syllaba τοῦ Nemeës; et extrema in vastata facile properanti scribæ excidere potuit: vel sciolus aliquis, versum syllaba abundare videns, si τὸ et servaretur, geminationem mediæ in vastata sustulit.'* Anonymus quidam in Epist. Crit. ad eundem Ant. de Rooy, proposuit *P. Nemees in vasta valle leonem*, quod jamjam e codice quodam protulerat Steph. Claverius: idem Anonymus conj. etiam *infesta valle*.

NOTÆ

neso inter Mycenæ et Nemeam, ubi leo ab Hercule fuit interfectus. Legunt alii: *Prostratum Nemees in vasta valle leonem.* enim descenderunt Romanæ fœminæ. Juvenal. Sat. I. 'Mævia Tuscum Figat aprum, et nuda teneat venabula mamma.'

6 *Hæc jam fœminea*] In arenam

VII.

PÆNA LAUREOLI.

QUALITER in Scythica religatus rupe Prometheus
 Assiduam nimio pectore pavit avem:
 Nuda Caledonio sic pectora præbuit urso,
 Non falsa pendens in cruce Laureolus.

Quemadmodum Prometheus, Scythico saxo affixus, visceribus renascentibus nutrit volucrem adhærentem: ita Laureolus suspensus in patibulo non ficto objecit

Lemma non *De pœna Laureoli*, sed *De fabula Laureoli* esset scribendum, inquit Ramires de Prado. *Pœna Laureoli* exhibent codd. et edd. vett.—2 *Assidue minimo pectore* in nonnullis scriptis, i. e. consumto, sed renascenti indies: *Assiduam nudo pectore* legunt alii; *Assiduam vivo viscere* conj. Scriv. i. e. fœcundo, immortalis: *pascit avem* citat Marcilius.—3 *Calydonio* Junt. *Calydonio* in aliis vett. sic viscera cod. Bodl. et sic corrigit etiam Gruterus, quia su-

NOTÆ

1 *In Scythica rupe*] In Caucasò, quem Scythæ accolunt: et pars est Tauri montis, inter Pontum Euxinum et mare Caspium. Vide lib. ix. Epig. 46. infra. Nota est Promethei fabula, quem Caucasò affixit Jupiter, quod furtim e cœlo ignem subduxisset; ex cujus renascentibus quotidie visceribus aquila, vel, ut aliis placet, vultur nutriebatur. Legendus Æschylus, in Prometheo Vincto.
 3 *Caledonio urso*] Caledonia regio

Vivebant laceri membris stillantibus artus, 5
 Inque omni nusquam corpore corpus erat.
 Denique supplicium dederat necis ille paternæ,
 Vel domini jugulum foderat ense nocens.
 Templâ vel arcano demens spoliaverat auro ;
 Subdiderat sævas vel tibi, Roma, faces. 10
 Vicerat antiquæ sceleratus crimina famæ,
 In quo, quæ fuerat fabula, pœna fuit.

spoliatum corpus urso Britannico. Artus discerpti palpitabant, membris cruore manantibus, et nulla facies corporis erat in toto corpore. Tandem ille persolverat pœnas mortis paternæ, aut reus gladio transadegerat collum heri sui. Aut insanus furatus erat in templis aurum secretum; vel tibi, o Roma, supposuerat tædas crudeles. Hic nefarius superavit scelera priscae famæ, in quo supplicium fuit, quod fuerat fabula.

periori versu præcessit *pectore*, et non facile repetit Poëta easdem voces, nisi ob causam.—7 Hic et tres insequentes versus, tanquam spurii, relegantur ad nescio quem Panormitanum. Sed non video, inquit Cagnerius, cur ita; eos enim plus satis confirmat vetus exemplar, et Epigramma elegans de Scævola fictitio qui constanter adeo se gessit: ‘Scire piget post tale nefas quid fecerit ante. Quam vidi satis est hanc mihi nosse manum.’ Ex quibus colligere est diversi generis flagitia variis et exquisitis suppliciis expiata.—11 Vetust. cod. Cagnerii exhibet *nomina famæ*, quod illi magis arridet.

NOTÆ

Britanniæ, ubi sylvæ densissimæ, unde sævi ursi Romam mittebantur. Caledonii Ptolemæo Scotiæ populi. ‘Rossia’ eorum tractus videtur vocari. Bucchanus vocat ‘Duncalden.’ Vide lib. x. Epig. 44. Alii *viscera*: Enimvero non solet Poëta repetere easdem voces.

4 *In cruce Laureolus*] Maleficus quidam sub nomine et persona Laureoli, qui fuerat olim latronum dux, de cuius in crucem acti supplicio Romæ identidem mimus agebatur. Suetonius in Caligula cap. 57. ‘Et cum in Laureolo mimo, in quo actor propriens se ruina sanguinem vomuit,’ &c.

Juvenal. Sat. VIII. 187. ‘Laureolum velox etiam bene Lentulus egit, Judice me dignus vera cruce.’ Versus sequentes ut adulterini a quibusdam rejiciuntur: perperam; his enim additis crudelitatis nota, quæ Domitiano inuri potuisset, deletur.

9 *Templa vel arcano*] Hoc est, vasa aurea ad usum sacrificiorum: vel forte intelligit aurum in templis custodiæ causa depositum.

12 *Quæ fuerat fabula*] Sensus est: Alii quidem mimi Laureoli actores fictas tantum et mimicas pœnas dederunt, hic vero latro veras luit.

VIII.

DE DÆDALO.

DÆDALE, Lucano cum sic lacereris ab urso,
Quam cuperes pennas nunc habuisse tuas!

O *Dædale*, quam optares nunc esse instructus tuis alis, cum ita dilanieris ab urso *Lucano*!

Lemma in cod. Bodl. hoc est: *Ad Dædalum laceratum ab urso*.—2 Alii, *tunc habuisse*.

NOTÆ

1 *Dædale*] Nota est Dædali historia ex Ovidii Met. VIII. Hic vero damnatus coactus est Dædalum imitari, et per aërem volare, delapsus autem ab urso dilaniatus est. Simile spectaculum legitur apud Suetonium in Nerone cap. 12. 'Icarus primo statim conatu juxta cubiculum ejus decidit,

ipsumque cruore respersit.'

Lucano urso] Ex Lucania Italiæ provincia, hodie 'Basilicata,' in regno Neapolitano, unde immanes ursi Romam mittebantur. Plinius lib. III. cap. 5.

2 *Quam cuperes*] Habere pennas quibus a Creta avolasti. Alii *Tunc*.

IX.

DE RHINOCEROTE.*

PRÆSTITIT exhibitus tota tibi, Cæsar, arena,
Quæ non promisit, prælia rhinoceros.

Rhinoceros datus in spectaculum per totam arenam tibi præbuit, o Cæsar, pug-

Inscriptio in cod. Thuan. *De rhinocerotis prima pugna*. Marcilius vult: *De pugna tauri ac rhinocerotis*.—2 *Quæ non promisit* omnes codd. et edd. vett. Scalliger correxit, *Quæ non promisti*. Sed, pace manium tanti viri dixerim, inquit Aut. de Rooy, non placet. Haud ineleganter bestię, vel etiam res inanimatę, 'promittere' dicuntur, quando ex illarum externo habitu gestuque de interna vel futura virtute conjecturam facere licet. 'Promittere' ergo h. l. valet minari. Vide Barth. ad Claud. Nupt. Hon. vs. 247. Rhinoceros in arenam productus fortasse non præceps, ut alię bestię, simul ac adversarium conspexerint, in pugnam ferebatur; sed aliquamdiu impetum repressit: qui cunctabundi externus habitus non admodum ferocem pugnam promittere videbatur: tandem vero, solutis irę, quam collegerat, repagulis,

NOTÆ

* *De Rhinocerate*] Marcilius sic: 'Fuisset plenius lemma: *De pugna tauri ac rhinocerotis*.'

2 *Quæ non promisit*] Quia non potuit aliquamdiu ab Amphitheatralibus magistris irritari. De rhinocerate

agit Plinius lib. VIII. cap. 20. 'Unius in nare cornus... Longitudo ei par, [cum elephanto scil.] crura multo breviora, color buxeus.'

Promisit] Alii *promisti*.

O quam terribiles exarsit pronus in iras !
 Quantus erat cornu, cui pila taurus erat !

nam quam non est pollicitus. O quam horribili ira accensus est incurvus ! Quantum cornu habebat, qui extollebat taurum, veluti pilam !



pronus in adversarium irruebat, ut leo apud Lucan. lib. 1. vs. 205. et seqq.—
 3 O quam terribilis Junt. *terribileis* ed. Par. 1754.

NOTÆ

- 3 *Pronus*] Hoc est, cornu incurvato. quæ objiciebantur cornibus taurorum, ut irritarentur. Vide Epig. 19. infra, et lib. 11. Epig. 43. lib. xiv. Epig. 53.
 4 *Cui pila*] Pilæ dicebantur vestes in globum et speciem pilæ collectæ,

X.

DE LEONE QUI GUBERNATOREM OFFENDIT.

LÆSERAT ingrato leo perfidus ore magistrum,
 Ausus tam notas contemerare manus :
 Sed dignas tanto persolvit crimine pœnas ;
 Et qui non tulerat verbera, tela tulit.
 Quos decet esse hominum tali sub principe mores, 5
 Qui jubet ingenium mitius esse feris ?

Leo infidelis vulneraverat rectorem suum dente immemori, ausus violare manus adeo sibi cognitæ: sed supplicium pertulit debitum tanto sceleri, et passus est jacula, qui non erat passus virgas. Quam indolem habere debent homines sub tali Imperatore, qui vult feris inesse leniorem naturam ?



In hoc Epigrammate exhibendo nil variant, quod sciam, aut scripti libri, aut impressi.

NOTÆ

- 1 *Læserat ingrato*] Oblitus nempe Leone. Vide lib. 11. Epigr. 75.
 6 *Qui jubet ingenium*] Hoc est, qui vult feras habere mores humanos : sic a clementia commendat Domitianum.

XI.

DE URSO.

PRÆCEPS sanguinea dum se rotat ursus arena,
 Implicitam visco perdidit ille fugam.
 Splendida jam tecto cessent venabula ferro;
 Nec volet excussa lancea torta manu.
 Deprendat vacuo venator in aëre prædam, 5
 Si captare feras aucupis arte placet.

Dum ursus ruens se volvit in orbem per arenam cruentam, irretitus visco stitit fugam. Nitida venabula jam quiescant recondito ferro, nec hasta volet vibrata manu agitata. Venator depredat prædam in vacuo aëre, si lubet capere feras arte aucupis.

Lemma in cod. Thuan. ita se habet : *De urso viscata*. Marcilius, inscriptionem *De Urso* non satis expressam existimans, legit : *De urso, qui captus visco*; multimodis enim de urso esse Epigrammata possunt.—2 *Implicitus visco* Pulmannus.—3 Marcilius *recto venabula ferro* scripsisse Martialem testatur; negat Ramires. Raderus nescio quæ de coloribus comminiscitur et detectis venabulis. Si infecta coloribus, qui *Splendida*? Janus Gruterus *terso* dicit se habere ad oram sui cod. et Melissum quendam legere *terto* prisca voce pro 'terso.' Omnes codd. et edd. vett. Ald. Junt. Gryph. Par. Colin. &c. nostram lectionem testantur.—6 *Sic captare sola* ed. Plant. operarum errore ex literæ sequentis geminatione.

NOTÆ

2 *Perdidit ille fugam*] Pro fuga intellige vim fugiendi, et epithetum *Implicitam* per metalepsin fugæ tribuitur, quod urso fugienti conveniebat. Alii, *Implicitus*.

6 *Si captare feras*] Captare verbum est proprium aucupii, deprehendere autem venationis: quasi dicat, jam venator aucupio feras, veluti aves, captet.

XII.

DE SUE QUÆ EX VULNERE PEPERIT.

INTER Cæsareæ discrimina sæva Dianæ
 Fixisset gravidam cum levis hasta suem,
 Exsiliit partus miseræ de vulnere matris.
 O Lucina ferox, hoc peperisse fuit?

Cum levis hasta perfodisset suem prægnantem, inter pugnas crudeles Dianæ Cæsareæ, partus erupit ex plaga ærunnosæ parentis. O sæva Lucina, hocne fuit

NOTÆ

1 *Cæsareæ Dianæ*] Per metonymiam ponit Dianam pro venatione, quam Domitianus exhibuit in Amphi-

theatro: Dianæ enim sacra est venatio.

4 *O Lucina*] Dea partuum præses,

Pluribus illa mori voluisset saucia telis, 5
 Omnibus ut natis triste pateret iter.
 Quis negat esse satum materno funere Bacchum?
 Sic genitum numen credite; nata fera est.

genuisse? Illa optasset interire vulnerata multis telis, ut tristis aperiretur via omnibus natis. Quis inficiatur Bacchum esse natum ex materna plaga? credite ita Deum procreatum; nam sic genita est fera.



3 *Exiliit porcus membranæ quædam antiquissimæ.*—5 *Pluribus illa mori voluit sic saucia* in marg. Junt. an. 1512. penes Editorem. Cetera nihil variant codices aut impressi.

NOTÆ

quæ et Juno dicitur et Diana. Terentius in *Andria*: ‘Juno Lucina, fer opem.’ Parturientibus vero subvenire dicitur Diana, quod sine dolore Latona eam in utero gestasset et peperisset, ut canit Callimachus in Hymno Dianæ. Sensus est: Hocne modo, o Diana, parturientes adjuvas?

6 *Omnibus ut]* Ex hoc versu patet, non omnes editos in lucem catulos, sed quosdam cum matre periisse.

7 *Quis negat]* Natus est Bacchus ex Semele fulminata, et nutritus intra femora Jovis. Vide lib. v. *Epig.* 67. Fabulosam hanc historiam sic lepide irridet poëta.

XIII.

DE EADEM.

Icta gravi tēlo, confossaque vulnere, mater
 Sus pariter vitam perdidit, atque dedit.
 O quam certa fuit librato dextera ferro!
 Hanc ego Lucinæ credo fuisse manum.
 Experta est numen moriens utriusque Dianæ, 5
 Quaque soluta parens, quaque peremta fera est.

Sus genitrix amisit vitam simul et impertiit vulnerata letali jaculo, et vulnere transadacta. O quam directo dextra contorsit telum! ego arbitror hanc fuisse manum Lucinæ. Occumbens periclitata est numen utriusque Dianæ, et qua mater liberata est, et qua fera est occisa.



In eadem ed. in marg. *prægnās Sus*, i. e. *prægnans Sus*.—1 Vir quidam doctus conj. *Icta gravis tēlo confossaque, vulnere ventris Sus, &c.* sed vide *Variorum Notas*.—6 In eadem Junt. *Qua resoluta*.

NOTÆ

5 *Numen utriusque Dianæ]* Venatricis, scil. et obstetricis.

XIV.

DE EADEM.

SUS fera jam gravior, maturi pignora ventris
 Emisit foetum, vulnere facta parens.
 Nec jacuit partus, sed matre cadente cucurrit.
 O quantum est subitis casibus ingenium !

*Sus fera mox paritura, facta mater vulnere, edidit partum pignora uteri maturi.
 Nec foetus procubuit, sed cucurrit moriente genitrice. O quanta est solertia even-
 tibus repentinis !*

*De sue pragnante lemma est in codd. et edd. vett. De eadem maluit Marci-
 lius.—1 In Vett. et Illustr. sæculi xvi. Poëtarum Epigr. a Camillo Nicolio
 selectis Notisque illustratis, Florent. 1738, scribitur: maturo pignore ventris.
 'Rectius legas pignore; namque unicum peperit sueculum, ceteri matris
 funere tumulati. Si communem retineas scripturam, appositio est, pignora
 foetum. Sic Propert. 'Nunc tibi commendo communia pignora natos.' Farn.
 Ant. de Rooy conj. maturo pondere. Sic Ovid. Epist. xi. 37. xvi. 44. Fast.
 ii. 452. Sil. xiii. 629. ubi vide Drakenb. Plura exempla petantur ab Heins.
 ad Ovid. Fast. iii. 718. Gud. Rigalt. et Burm. ad Phædr. iii. 15. 6. Lectioni
 maturi pondere favet Ovid. Met. xi. 311. At magis placet recepta lectio;
 solum enim τὸ gravior satis per se indicat, neque opus videtur ampliori ad-
 jecto, præsertim cum e sequentibus res etiam sit clarissima; sed tum neces-
 sario non pondera debet legi, sed pignora; 'pondus' est ante partum, 'pig-
 nus' post partum.*

NOTÆ

1 *Pignora*] Hoc est, partum edidit
 pignus, scil. ventris: appositio est.
 Legunt alii *pignore*, alii *pondere*.

4 *O quantum est subitis*] Quam mul-
 ta fiunt casu, quæ nullo ingenio, nulla
 machina effici potuissent !

XV.

DE CARPOPHORO VENATORE.

SUMMA tuæ, Meleagre, fuit quæ gloria famæ,
 Quantula Carpophori portio, fusus aper !

Jacens aper, o Meleagre, summum fuit decus tuæ famæ, quam vero exigua pars

*De Carpophoro inscribitur in codd. et edd. vett. et sic est in Scal. versione
 Græca: Εἰς Καρπόφορον.—2 Est quota Carpophori portio citant Pulmannus et*

NOTÆ

1 *Summa tuæ*] Meleager comitatus
 Atalanta aprum Calydonium inter-
 fecit, unde summam gloriam reporta-
 vit. Ovidius Met. viii. Pausanias

Meleagri meminit in Messenicis.
 2 *Quantula Carpophori*] Juvenis
 erat Domitiano carissimus, quod mi-
 rus esset excipiendis venabulo feris.

Ille et præcipiti venabula condidit urso,
 Primus in Arctoi qui fuit arce poli :
 Stravit et ignota spectandum mole leonem, 5
 Herculeas potuit qui decuisse manus ;
 Et volucrem longo porrexit vulnere pardum :
 Præmia cum laudis ferret, adhuc poterat.

Carpophori! Ille quoque venabulo transfodit ursum irruentem, qui maximus fuit in arce poli Septemtrionalis: profligavit etiam leonem conspicuum proceritate inaudita, qui potuit honestare manus Herculis; et mortifero vulnere extendit pardum velocem: cum reportaret mercedem gloriæ suæ, adhuc vigebat.

Marcilius, ut lib. v. Epigr. 65. 'Ista tuæ, Cæsar, quota pars spectatur arenæ?'—4 Scaligerus correxit, *axe poli*.

NOTÆ

Legunt alii: *Est quota*. Sic lib. v. Epig. 65. 'quota pars spectatur arenæ.' catur a Plinio lib. viii. cap. 17. de cuius celeritate agit Oppianus Cyneget. lib. iii.

4 *Arce*] Arx sumitur hic pro sylvis in montibus Septemtrionis. Alii, *axe*.
 7 *Pardum*] Qui mas pantheræ vo-

8 *Adhuc poterat*] Adhuc habebat vires integras

XVI.

DE HERCULE INSIDENTE TAURO AD CÆLUM RAPTO.

RAPTUS abit media quod ad æthera taurus arena,
 Non fuit hoc artis, sed pietatis opus.

Non tam artificio quam pietati tribuendum est, quod taurus cælum petit abreptus

Lemma est in omnibus fere codd. et edd. vett. *De tauro*: cod. Bodl. exhibet: *De Hercule insidente tauro ad cælum rapto*: Marcilius vult: *De Tauro qui Herculem sustulit in cælum*: Ramires de Prado: *De Tauro Domitiani effigiem*

NOTÆ

2 *Non fuit hoc artis*] Jupiter in taurum conversus per undas fratris Neptuni vexit Europen. Ovidius Met. ii. Nunc idem Jupiter sub figura tauri fingitur tollere in aërem Alciden suum filium, Domitianum nempe, qui se Herculem prædicabat. Lib. ix. Epigr. 104. 'Hæc minor Alcides; major quæ gesserit audi.'

Alii, ut comparatio magis quadret, intelligunt ipsum Domitianum fuisse inclusum in hac machina quæ Herculem sustulit in cælum, id est, in Amphitheatri fastigium. Durum tamen hoc sentire, inquit Raderus: et sane periculosum Imperatori. Judicet lector.

Vexerat Europen fraterna per æquora taurus ;

At nunc Alciden taurus in astra tulit.

Cæsaris atque Jovis confer nunc schema : juvenci

5

Par onus ut tulerint ; altius iste tulit.

de media arena. Taurus portaverat Europen per undas fratris Neptuni ; sed taurus nunc rapuit Herculem in cælum. Compara nunc figuram Jovis et Cæsaris : fac juvenci portaverint pondus æquale, iste altius portavit.

~~~~~

*ex arena in cælum tollente: alii, De tauro Domitiani.—4 Cod. Vaticanus: in astra vehit.—5 Codd. et edd. vett. Ald. Junt. Gryph. Par. Colin. aliæ, habent confer nunc stemma juventus: ita legit Salmasius pro stegma; sic taurum illum vocat qui Jovem tulit; στρέγειν enim est ferre et sustinere; unde στρέγμα, quod aliquid fert et sustinet. Cæsaris atque Jovis confer nunc scamma: juvenci Par onus, &c. conj. Marcilius: tralatitæ, inquit scamma pro intervallo, sive spatio vectionis. Jovi scamma est fretum; Cæsari scamma intermedium, et quasi 'intermetium' (τὸ μεταξύ τῶν καμπτήρων Glossæ) terræ et cæli Amphitheatrici. Altius ergo scamma Cæsari. Sriverius legit, Roma, juvencos. Putat Rutgerius hoc Epigramma ad Aruntium Stellam, inter alia, scriptum fuisse, legendumque: confer nunc, Stella, juvencos. Petrus Colinus conj. scomma, improbante Ramires de Prado. Beverlandi Ms. cum fert.*

#### NOTÆ

5 *Confer nunc schema*] Compara taurum a Domitiano effictum cum Jove in taurum converso. Legunt alii, *confer nunc stemma, juventus*: alii, *confer nunc, Roma, juvencos*.

6 *Par onus ut*] Licet tulissent onus æquale, quamvis nec onus par fuerit; per undas enim Jupiter puellam, Domitiani vero machina Herculem per

aërem rapuit: attamen, inquit poëta, Domitiani taurus altius portavit suum onus, atque ita nobilior est. Videtur Poëta ludere in voce, *altius*, hoc sensu: Per altum mare vexit Jupiter suam puellam, at per aërem altiorem portavit Herculem taurus Domitiani.

## XVII.

### DE SUPPLICE ELEPHANTE.

QUOD pius et supplex elephas te, Cæsar, adorat,

Hic modo qui tauro tam metuendus erat:

O Cæsar, quod hic elephantus pius et summissus te veneratur, qui paulo ante

~~~~~

Inscriptio in Thuan. *De elephante, qui Cæsarem adoravit.*—3 Omnes codd.

NOTÆ

1 *Adorat*] Plinius lib. VIII. cap. 1. 'Nam quod ad docilitatem attinet Regem adorant, genua submitunt,

coronas porrigunt.' Vide cap. sequentia, 3. 4. 5.

Non facit hoc jussus, nulloque docente magistro :
 Crede mihi, numen sentit et ille tuum.

adeo formidandus erat tauro, non facit hoc imperatus, nec ullo erudiente magistro : mihi fidem adhibe, habet ille quoque sensum tui numinis.

et edd. vett. habent : *nulloque docente magistro* ; at scripsisse Martialem affirmat Marcilius ; *ullove docente*, et opiliones vocat eos qui vulgatam retinent lectionem, et comminiscitur nescio quæ de syllabæ sibilo auctæ a Mario Victorino, Sosipatro Carisio, et obviis Poëtarum exemplis petita.—4 Cod. Bodl. *nostrum sentit et ille Jovem* : cod. Scriverii cum Florent. et Thuan. *nostrum sentit et ille Deum*, i. e. Cæsarem. Vide lib. II. Ep. 29. lib. VII. 33. et Sueton. in Domit. ‘ Dominus et Deus noster sic fieri jubet.’

NOTÆ

3 *Nulloque docente*] Legunt alii, *ullove docente magistro* : accipe hoc non ποιητικῶς dictum a Poëta, quod sine magistro faciat, vere enim bellua prudens intelligit per se etiam principis majestatem. Raderus.

4 *Numen sentit*] Sensum religionis habere elephantos docet Plinius lib.

VIII. cap. 1. ‘ Religio quoque siderum Solisque ac Lunæ veneratio.’ Nempe est elephantis. Domitianus vero Deum se prædicabat, cui ingeniose blanditur Poëta : cujus numen ab elephante ut a populo Romano adorari intelligit.

XVIII.

DE TIGRIDE ET LEONE.

LAMBERE securi dextram consueta magistri,

Tigris, ab Hyrcano gloria rara jugo,

Sæva ferum rabido laceravit dente leonem :

Res nova, non ullis cognita temporibus.

Ausa est tale nihil, sylvis dum vixit in altis :

5

Postquam inter nos est, plus feritatis habet.

Tigris summum decus montium Hyrcanice solebat lingere manum custodis tuti. Crudelis discerpit dente furenti sævum leonem : res inaudita, nec ullis sæculis nota. Dum vixit in densis sylvis, non ea fuit audacia : ubi ad nos translata est, ferocior evasit.

NOTÆ

2 *Hyrcano jugo*] Hyrcania Asiæ regio, de qua Strabo lib. XI. et Plinius lib. VI. cap. 6. In cujus montibus tigres sunt ferocissimæ. Virgilius Æn. IV. ‘ Hyrcanæque admorunt ube-

ra tigres.’

Gloria rara] Quod hæc tigris alias magnitudine superabat.

6 *Plus feritatis*] Hoc est, animosior evasit, utpote quæ fortitudinem

NOTÆ

a Romanis acceperit. Intelligunt quos feræ crudeliores fierent, cum alii hoc loco Romanos et ipsum Imperatorem carpi a nostro Poëta, apud Martiali periculosissimum fuisset.

XIX.

DE TAURO ET ELEPHANTE.

QUI modo per totam, flammis stimulatus, arenam
Sustulerat raptas taurus in astra pilas,
Occubuit tandem cornuto ardore petitus,
Dum facilem tolli sic elephanta putat.

Taurus qui paulo ante per omnem arenam igne incitatus, jactaverat in cœlum pilas abreptas, denique periit percussus ardore cornuto, dum credit ita facile posse jactari elephantum.

De Elephante et Tauro inscribitur in Thuan. *De Elephante* in Junt.—3 Ramires de Prado e vet. cod. legit *potitus*, et sic est in Venet. 1510. Ald. Junt. 1512. Gryph. Colin. 1528. aliis; hac mente: Dum incitatus et ardens ira taurus, cornuum vi fretus, elephantem nisus est in altum tollere: vel, ut Brodæus exponit, Suorum ipsius cornuum vehementia domitus. Cod. vet. *ab ore*: cod. Bodl. habet: *cornuto abs ore petitus*. Thuan. exhibet, *ad ore*: Beverlandi Ms. *nare potitus*. Qui legunt *petitus*, exponunt *cornuto ardore*, irati elephantis dentes, quos sunt qui cornua esse contendunt. Vide lib. I. Epigr. 73. vs. 4.—4 Huc retrahendum putat Rutgersius Fragmentum quod sub fine hujus libri (Epigr. xxxv. in ed. Par. 1734.) habetur:

Cedere majori, virtutis fama secunda est.

Illa gravis palma est, quam minor hostis habet.

Illa, inquit Martialis, gravis palma est, quam minor hostis habet: hoc est, cum minor hostis majorem vincit, illa est gravis et nobilis palma. At hic elephas longe major tauro; victusque taurus ab elephante, nec elephas a tauro. Si taurus vicisset elephantem, versus ultimus Martialis hic haberet locum.

NOTÆ

3 *Cornuto ardore*] Ira cornuta, hoc est, cornibus irati elephantis, seu dentibus quos cornua vocat, ut lib. I. Epigr. 73. Pausanias lib. v. 'Ad hæc, dentes igne domari nequeunt: at boum et elephantorum cornua sic igne emolliuntur, ut vel ex tereti planam vel aliam quamlibet accipiant figuram.' Ramiresius legit *cornuto ardore potitus*, id est, inquit, toto conatu cornuum ardentium nisus est taurus in altum tollere elephantum, et potitus est cornuto ardore, hoc est, cornuum suorum vehementia ipsa victus est: hunc loquendi modum usurpavit Plautus in Captivis act. I.

scena 2. 'Postquam natus tuus potitus est hostium: subintelligitur 'imperio,' et passive sumitur, id est, ab hostibus victus. Judicet lector.

4 *Tolli sic*] Veluti pilas objectas, quæ fiebant aliquando ad instar humanæ effigiei, ex pannis purpureis, fœno stramineve fartis, quo colore tauri maxime efferantur. Vide Epigr. 9. supra. Rutgersius huic Epigrammati subjungit duos versus qui sunt in fine hujus libri: *Cedere majori, virtutis fama secunda est: Illa gravis palma est, quam minor hostis habet, Quo sensu videat lector.*

XX.

DE PARI GLADIATORUM.

DUM peteret pars hæc Myrinum, pars illa Triumphum,
 Promisit pariter Cæsar utraque manu.
 Non potuit melius litem finire jocosam.
 O dulce invicti principis ingenium!

Dum factio hæc Myrinum postularet, illa vero Triumphum, Cæsar pollicitus est simul ambabus manibus. Nequivit melius decidere contentionem facetam. O suavem solertiam Imperatoris invicti!

Lemma in codice Thuan. est: *De Myrino et Triumpho.* In Junt. *Assentatur Cæsari.*—2 Eadem editio antiqua exhibet *Promisti.* Scriverius legit: *utramque manum,* improbante Gronovio.

NOTÆ

1 *Dum peteret pars*] Duas intellige factiones Amphitheatrales, quarum altera Myrinum, cujus meminit lib. XII. Epig. 29. altera Triumphum gladiatores eximios postulabat. Suetonius in Domitiano cap. 4. 'Præterea Quæstoriiis muneribus, quæ olim ommissa revocaverat, ita semper interfuit, ut populo potestatem faceret, bina paria e suo ludo postulandi, quæ novissima aulico apparatu induce-

ret.' Quæstores suis impensis munera edere cogebantur: at Domitianus e sua familia duos istos gladiatores libenter concessit, atque extensa utraque manu duabus factionibus diversa petentibus benigne satisfecit. Subtilius Scaliger explicat: nempe promisit Imperator gladiatores pugnaturos utraque manu, seu binis sicis, sine parma, &c.

XXI.

DE ORPHEO.

QUICQUID in Orptheo Rhodope spectasse theatro
 Dicitur, exhibuit, Cæsar, arena tibi.

O Cæsar, arena repræsentavit tibi quicquid Rhodope fertur vidisse in theatro

Inscribitur *Ad Cæsarem* in Ald. Junt. Gryph. et aliis vett. edd. *De spec-*

NOTÆ

1 *Rhodope*] Mons Thraciæ de quo jam dictum Epig. supra. Troade act. v. 'et clivo levi Erecta medium vallis includens locum Crevit theatri more.' Lege Ovid. Met. in fine lib. x. et initio lib. xi. 'Ὀρφεὺς substant. 'Ὀρφέλος adjective.

Orptheo theatro] Nec arte nec manu factum, sed nativum: vallis nempe fuit, qualis describitur a Seneca in

Repserunt scopuli, mirandaque sylva cucurrit,
Quale fuisse nemus creditur Hesperidum.

Affuit immixtum pecudum genus omne ferarum,

5

Et supra vatem multa pependit avis.

Ipsè sed ingrato jacuit laceratus ab urso.

Hæc tamen ut res est facta, ita ficta alia est.

Orphei. Saxa repserunt, et admirabilis sylva cucurrit, quale fuisse fertur nemus Hesperidum. Promiscue interfuit omne genus ferarum pecudum, et plurimæ volucres suspensæ fuerunt super Poëtam. Sed ipse procubuit discerptus ab urso immemori: nihilominus ut hæc res est peracta, sic alia fuit excogitata.

//////////

taculo Orphei malit Marcilius.—5 Adfuit inmistum pecori legit idem Marcilius: pecori etiam legit Raderus, probante Grutero, et confirm. codd. Beverland. et Thuan. Cagnerius distinguit, Adfuit immixtum pecudum genus; omne ferarum, &c. alii, pecudum genus atque ferarum. Ant. de Rooy conj. Adfuit et mixtum pecudi genus, &c. Vide Calpurn. Ecl. II. 10. seq.—8 Nec tamen Beverland. ita pictoria Thuan. fida alia est Beverlandi Ms. Hunc versum non esse Martialis, scribit Gronovius, sed alicujus infelicis versificatoris, qui deficientem in veteri codice versum supplevit. Post hoc Epigr. aliud inserit cod. Thuaneus:

DE EODEM.

*Orphea quod subito tellus dimisit hiatu
Versa miramur, venit ab Euridice.*

Hic autem Gronovius legendum putavit: tellus emisit hiatu Miramur? versa venit ab Eurydice.

NOTÆ

3 *Repserunt scopuli*] Mediam nempe in arenam sylvæ et saxa trahebantur machinis quibusdam miro artificio fabricatis.

4 *Nemus Hesperidum*] Quarum horti describuntur a Virgilio, Plinio, Solino in Mauritania Tingitana. Propè Lixum urbem: ita Ortelius. In illis hortis poma erant aurea, quorum mentionem facit Athenæus lib. III. cap. 5.

5 *Pecudum genus*] Hoc est, omne genus ferarum cantu mansuefactarum affuit. *Pecus pecudis* significat omne animal quod gregatim pascitur. Justin. Inst. de Lege Aquilia, veluti boves, equi, asini, &c. Aliquando tamen sumitur pro omni animali

præter hominem. Virg. Georg. IV. de apibus loquens: 'pecudum custodia solers.' Lucretius de piscibus agens: 'Squamigeræ pecudes.' Alias pro ove, quo sensu hic accipitur meo judicio, nempe omnes feræ veluti oves mansuetæ canentem Orpheum audiverunt. Legunt alii: *Affuit immixtum pecori genus omne ferarum.*

7 *Ingrato ab urso*] Qui vatis musicam crudelitate compensavit. Hic Orpheus datus in spectaculum, ab urso in arenam misso dilaniatus fuit, qui Mænadam partes explevit, a quibus verus Orpheus discerptus fingitur. Ovid. Met. II. Ultimum versum non esse Martialis suboluit Gronovio.

XXII.

DE RHINOCEROTE.

SOLICITANT pavidum rhinocerotam magistri,
 Seque diu magnæ colligit ira feræ;
 Desperabantur promissi prælia Martis:
 Sed tamen is rediit cognitus ante furor.
 Namque gravem gemino cornu sic extulit ursum, 5
 Jactat ut impositas taurus in astra pilas.

Dum timidi rectores irritant rhinocerotam, et sensim crescit ira ingentis belluæ; certamina Martis promissi desperabantur: sed tamen illa ferocitas antea nota reversa est: etenim gemino cornu ita erexit ponderosum ursum, sicut taurus in cælum mittit pilas objectas.

De Rhinocerotis pugna secunda inscribitur in cod. Thuan.—3 Despectabantur promissa Beverlandus.—4 Idem Beverlandus legit huic rediit. Codex Thuan. Sed tamen rediit. Marcilius legendum putavit: Sed tamen ei, μονασυλλάβως Cagnerius: Sed tamen his.—5 Janus Dousa, Scaligerus, Pulmannus, alii, urum legunt pro ursum. Vide Variorum Notas.—5 Beverland. cornu rabido. Codd. Florent. et Med. rapido.—6 Lipsius ad Senec. de Ira lib. III. cap. 30. suspicabatur legendum, Jactat ut obpositas. Ant. de Rooy proposuit, expositas. 'Exponi' dicuntur, quæcumque in aperto collocantur. Vide Cel. Cannegiet. ad Avian. Fab. XXIII. et Burm. ad Ovid. Art. I. 408. Atque ita pilæ in arena expositæ, ut inde bestię irritarentur.

NOTÆ

2 *Seque diu*] Difficile enim irritabatur rhinoceros: Epig. 9. supra. μέγα, κ. τ. λ. Latine: Vidi etiam Æthiopicos tauros, quos ex re ipsa rhinocerotas nominant, quod illis e nare extrema unum cornu prominet, et paulo superius alterum non sane magnum. Legunt alii urum; hoc est, bovem sylvestrem, cui imperitum vulgus bubali nomen imposuit, teste Plinio lib. VIII. cap. 15.

3 *Prælia Martis*] Id est, venatio arenæ, in qua colebatur Mars.

5 *Gemino cornu*] Rhinoceros geminum cornu habet. Pausanias lib. IX. Εἶδον δὲ καὶ ταύρους τοὺς τε Αἰθιοπικοὺς, οὓς ἐπὶ τῷ συμβεβηκότι ὀνομάζουσι ῥινόκερως, ὅτι σφίσι ἐπ' ἄκρα τῆ ῥινὸς ἐν ἑκάστῳ κέρασ, καὶ ἄλλο ὑπὲρ αὐτὸ οὐ 6 *Pilas*] De quibus dictum Epig. 19. supra.

XXIII.

DE CARPOPHORO.

DORICA quam certo venabula dirigit ictu
 Fortis adhuc teneri dextera Carpophori!

Quam certo ictu manus strenua Carpophori adhuc teneri regit tela Dorica! Ille

1 *Norica* conj. Ramires de Prado. In Norica provincia affabre omne armorum genus cudi vulgatum est. Hor. I. Od. 16. Noster infra lib. IV.

Ille tulit geminos facili cervice juvencos ;

Illi cessit atrox bubalus atque bison.

Hunc leo cum fugeret, præceps in tela cucurrit :

5

I nunc, et lentas corripe, turba, moras.

interfecit duos tauros, quorum cervix agilis erat ; bubalus ferox, et bison ab ipso victus est : cum leo hunc vitaret, impetuosus irruit in venabula : i nunc, o multitudo, et incusa cunctationes tardas.

Epigr. 55. At vide Turnebi Adv. xvii. 2. Pro certo in nonnullis codd. torto.—4 Codex Thuan. *bubulus atque biron*. Vide Senec. in Hippolyto.

NOTÆ

1 *Dorica*] *Dores*, teste Homero Odys. T. Cretæ sunt populi ; Cretenses vero sagittandi arte peritissimos fuisse nemo nescit. Alii *Dorica* interpretantur Græca, quod venabuli auctores fuere Græci. Turnebus lib. xvii. cap. 2. *Dorica* interpretatur Laconica : juvenus enim Laconum, inquit, montes venatu assidue lustrabat, venabula gerens : nemo autem ignorat eos Dorici generis fuisse.

3 *Facili cervice*] Hoc est, nullo labore, sed facili nisu portavit duos tauros a se occisos. Alii explicant *tulit*, interfecit : *facili cervice*, hoc est, inquit, taurorum cervix facile ferro violata est. Ramiresius intelligit facilem cervicem taurorum, nempe qui facile caput movebant, quo Carpo-phori tela declinarent. Itaque quan-

tumvis facili et agili cervice tauros occidit : quæ sententia videtur melior.

4 *Bubalus atque bison*] Plinius lib. viii. cap. 15. ‘Pancissima Scythia gignit inopia fruticum : pauca contermina illi Germania, insignia tamen bonum ferorum genera, jubatos bisontes, excellentique et vi et velocitate uros, quibus imperitum vulgus bubalorum nomen imponit, cum id gignat Africa, vituli potius, cervive quadam similitudine.’

6 *I nunc*] Vox est insultantis : sic populo insultat Poëta quod certaminis moram alias impatienter ferret, quem jam conqueri non posse subintelligit, cum feras celerrime interficiat Carpophorus.

XXIV.

DE NAUMACHIA.

SI quis ades longis serus spectator ab oris,

Cui lux prima sacri muneris ista fuit,

O spectator si quis tarde huc venisti a regionibus remotis, qui primo hoc die vi-

De Naumachia priore codex Thuan. *De Naumachia Domitiani* in Junt. et aliis edd. vett.—1 Vet. cod. *servus spectator* teste Beverlando.—2 In edd.

NOTÆ

1 *Serus*] Nempe propter itineris longitudinem primum ades sacro spec-

taculo, quod Neptuno esset dedicatum : vel forte sacrum dicitur, quod a

Ne te decipiat ratibus navalis Enyo,
 Et par unda fretis; hic modo terra fuit.
 Non credis? spectes, dum laxent æquora Martem: 5
 Parva mora est: dices, hic modo pontus erat.

des sacrum spectaculum: ne te navibus circumveniat navalis Enyo, nec unda æqualis mari: hic paulo ante tellus fuit. Non adhibes fidem? attendas, dum mare solvat Martem; brevis cunctatio est; affirmabis, hic paulo ante erat mare.

vett. ipsa fuit: Thuan. habet ista.—3 Vet. cod. Beverlandi, *navalis hemo*.—4 Idem Ant. de Rooy conj. *hoc modo*. Mox per interrogationem, *hoc modo pontus erat?* Ovid. Met. II. 263. ‘siccæque est campus arenæ, Quod modo pontus erat.’ Vel, *dices: hic modo pontus erat?*—5 Codex Voss. *laxat et*: Thuan. *specta, dum lassent æquora Martem*, hoc sensu: Expecta, donec lassati erunt bellatores Naumachici, tum dices, &c. Ant. de Rooy malit *æquore*; h. e. dum finiatur certamen navale: nec audiendum putat Petitum legentem, *dum laxent æquora Martii*: illæ namque aquæ, quæ ab Anco rege nomen suum sortitæ, *Marcia* dicebantur, non *Martia*. Consule Broukh. ad Propert. III. 1. 52. et Duker. ad Flor. I. 4.

NOTÆ

divo Domitiano ederetur.

3 *Navalis Enyo*] Hoc est, prælium navale. Enyo enim Bellona, bellorum Dea, Martis soror, significat prælium per Metonymiam.

5 *Spectes*] Hoc est, attendas. Alii interpretantur, expectes; sed verbum ‘spectare’ non videtur significare, expectare, nec hujus significationis exemplum reperire potui. Videat lector. Præterea non repeteret Martialis: *Parva mora est*, hoc est, non expectabis diu.

Dum laxent] Id est, dum emissa

aqua locum det gladiatoribus, qui aqua impediabantur ne in arenam descenderent. Suetonius in Tito cap. 7. ‘Dedit et navale prælium in veteri Naumachia, ibidem et gladiatores, atque uno die quinque millia omne genus ferarum.’ Post naumachiam ergo exhibebantur aliquando gladiatores, ut patet ex hoc loco, unde colligo et ex verbis etiam nostri Poëtæ, navali huic Domitiani prælio successisse gladiatores, quibus præest Mars.

XXV.

DE LEANDRO.

QUOD nocturna tibi, Leandre, pepercerit unda,
 Desine mirari: Cæsaris unda fuit.

O Leandre, finem impone admirationi tuæ, quod tibi ignoverit fluctus nocturnus:

NOTÆ

1 *Quod nocturna*] Leandri nocturnantis ad Heronem suam amicam historia, satis nota ex Ovidii Epistola XVII. exhibita est, cujus fabulæ actor ex undis Cæsaris evasit: sed vero

Leandro non pepercerunt fluctus maris, quod Neptuni essent, quem sævitæ accusans, Domitianum a clementia commendat noster Poëta. Vide lib. XIV. Epigr. 181.

Delph. et Var. Clas.

Martial.

D

Cum peteret dulces audax Leandrus amores,
 Et fessus tumidis jam premeretur aquis ; 5
 Sic miser instantes affatus dicitur undas :
 Parcite, dum propero ; mergite, dum redeo.

fluctus fuit Cæsaris. Cum audax Leandrus adiret suavem amicam, et jam defatigatus urgeretur undis inflatis ; infelix fertur ita allocutus urgentes fluctus : Ignoscite festinanti ; me vero redeuntem obruite.

3 ' Alterum hoc et longe diversum Epigramma est a superiore. Illud in eum qui Leandri persona velatus enavit ex aqua Naumachiaë : hoc vero in Historiam, sive Fabellam de Amoribus Herus ac Leandri. Esse igitur hoc Epigr. xxvi. numero debuit, cum titulo, *In eundem*, ut prima editione recte mihi hæc partitio facta ; quam tamen hactenus verveces dubitavere sequi, quorum opera deditus Martialis.' *Marcilius*. Nonnulli legunt, *audax Leander*.—5 *Et nimium tumidis Beverlandus*.

XXVI.

DE NATATORIBUS.

LUSIT Nereidum docilis chorus æquore toto,
 Et vario faciles ordine pinxit aquas.
 Fuscina dente minax, nexu fuit anchora curvo :
 Credidimus remum, credidimusque ratem ;
 Et gratum nautis sidus fulgere Laconum, 5
 Lataque perspicuo vela tumere sinu.

Flexibile Nereidum agmen lusit toto mari, atque expressit diversas figuras in aqua obsequente. Tridens dente minans fuit repræsentatus, anchora quoque exhibita curvato nexu : putavimus naviculam, et putavimus remos adesse : et jucundum naviculariis Castoris et Pollucis astrum splendere, et vela ampla turgere sinu

De Nautis habet codex Bodleianus. Lemma *De Natatoribus* suspectum habuit Cagnerius, et prorsus alienum esse contendit.—1 *Lusit Nereidum facilis chorus* Beverlandi Ms. *Thetidis chorus* codex Vaticanus.—3 *Thuan. necto fuit : Vat. morsu fuit*.—6 *Lataque conspicuo* legit Beverlandus.

NOTÆ

1 *Nereidum chorus*] Nereides Nymphæ maris, Nerei et Doridis filiæ, de quibus Hesiodus in Theogonia, quas repræsentaverunt natatores Domitiani in aquis ludentes.

Æquore toto] Hoc est, per omne naumachiaë spatium.

3 *Fuscina dente*] Ille chorus sic fuit ordinatus, ut ipsa natantium disposi-

tio modo tridentem, modo anchoræ speciem effingeret in aqua, modo etiam remos et naviculam compacti inter se natatores exprimerent.

5 *Sidus Laconum*] Castor et Pollux Lacones dicti sunt a matre Leda quæ erat Lacæna : sidus est navigantium amicum. Horatius I. Od. 12. ' Quorum simul alba nautis Stella refulsit,

Quis tantas liquidis artes invenit in undis ?
Aut docuit lusus hos Thetis, aut didicit.

explicato. Quis excogitavit tanta artificia in aquis fluidis? Aut Tethys docuit hos ludos, aut ipsa edocta est.

NOTÆ

Defluit saxis⁷ agitatus humor : Con-
cidunt venti, fugiuntque nubes.⁷ Pli-
nius lib. II. cap. 37.

8 *Aut didicit*] Thetis, Dea maris,
hos ludos didicit a Domitiani nata-
toribus, aut ipsa docuit. Suetonius
in Domitiano cap. 4. ‘ In amphi-
theatro navale quoque,’ supple, com-
misit prælium. Alii tamen hoc Ne-
reidum spectaculum ad Titum re-
ferunt freti Dionis auctoritate in
Tito: Τὸ γὰρ θέατρον αὐτὸ ἐκεῖνο ὕδατος

ἐξαίφνης πληρώσας, εἰσήγαγε μὲν καὶ ἵπ-
πους, καὶ ταύρους, καὶ ἄλλατινὰ χειροήθη,
δεδιδραγμένα πάνθ’ ὅσα ἐπὶ τῆς γῆς πράτ-
τειν· καὶ ἐν τῷ ὑγρῷ εἰσήγαγε δὲ καὶ
ἀνθρώπους ἐπὶ πλοίων, κ. τ. λ. *Nam
amphitheatro derepente aqua impleto, in
ipsum equos taurosque, aliaque mansueta
animalia, introduxit, quæ facere didice-
rant ea quæ in terra consueverant. In
hanc aquam introducti sunt homines in
navibus, &c.*

XXVII.

BLANDITUR CÆSARI.

SÆCULA Carpophorum, Cæsar, si prisca tulissent,
Jam nullum monstris orbe fuisset opus.

*Si Carpophorus, o Cæsar, natus esset priscis temporibus, nullus amplius labor fu-
isset per orbem in monstris domandis. Marathon non metuisset taurum, nec Nemeæ*

Inscriptio in cod. Thuan. est: *De Capororo qui xx. ircos pariter inmissos
occidit: (Beverland. ex eodem cod. legit, emissos confecit.)* Marcilius legit:
De Carpophoro.—2 Pro hoc versu cod. Thuan. habet: *Non amara thoncum
barbara terra ferat, quod correxit Gronovius: Non Afra Antæum barbara, &c.*
Vossius malit: *Jam nil monstriferum barbara terra ferat; et ad Catul. Non
Diomedis equos barbara, &c.* Cod. Bodleianus clare habet: *Jam nullum a mon-
stris; i. e. Nullum orbi a monstris fuisset negotium aut periculum.* Gruteri
vet. cod. *Jam nullum in monstris:* unde Scriv. parum immutatum legit: *Jam
nullo in monstris,* hac mente: Non opus fuisset toto orbe peragrato ad
monstra diversis in partibus domanda: in uno Amphitheatro unus suffecisset
Carpophorus. ‘ *Jam* h. l. non ineleganter adhibetur ut celeritatis particula.
Vide Burm. ad Ovid. Met. VII. 306. Attamen nescio quam majorem effica-
ciam habere videtur, si legas: *Quam nullum in monstris orbe fuisset opus!* fere
ut Epigr. xv. ‘ *Quantula Carpophori portio fusus aper!*’ Eleganter nonnun-
quam hæc particula jungitur adjectivo ‘ nullus.’ Justin. II. 12. ‘ *Ut intelli-
geret, quam nullæ essent hominum adversus Deos vires.*’ Ovid. Amor. II. 11.
28. ‘ *Quam tibi nunc toto nullus in orbe color!*’ Martial. VI. 10. ‘ *At quam non*

NOTÆ

1 *Carpophorum*] De quo Epig. 23. plus hoc loco. Terentius in Andria
supra quem Herculi præfert poëta. act. II. scen. 2. ‘ *Uxorem jam non*
2 *Jam nullum*] ‘ *Jam*’ significat am- dat Chremes.’ Alii *nullum in monstris.*

Non Marathon taurum, Nemeæ frondosa leonem,
Arcas Mænalium non timuisset aprum.

Hæc armata manus hydræ mors una fuisset,

5

Huic percussa foret tota Chimæra semel.

Ignipedes posset sine Colchide vincere tauros:

Solvere et Hesionem solus, et Andromeden.

frondifera leonem, nec Arcas aprum Mænalium. Hæc dextera Carpophori armis munita interfecisset hydram una nece, uno illius ictu tota Chimæra casa fuisset. Absque Medææ ope potuisset superare tauros ignipedes: atque solus liberare Hesio-



tetricus, quam nulla nubilis ira!’’ *Ant. de Rooy.*—5 *Hoc armante manus* in cod. Thuan.—6 *Hinc* codex Bodl. et marg. ed. Junt. 1512. penes Editorem; i. e. ab hac manu, vel uno ictu periisset triforme illud monstrum, *Πρόσθε λέων, ὄπιθεν δὲ δράκων, μέσση δὲ Χίμαιρα*: quæ a Bellerophonte domita est non sine diutino prælio.—7 Alii, *Æripedes*; *χαλκόποδας*: idem præstat auctoritas cod. Voss. scilicet, *eripedes*: alii, *Ignivomos, φλόγα φυσιδωντε*: Heins. *Ænipedes*; quanquam *Ignipedes Solis equi* Poëtis dicantur. *Igniferos* codex Thuan. et huic versui subjicit: *Possit utrumque fera vincere Pasiphaës. Si situs æquorei revocetur fabula monstri Solvere et Hesionem.* At Beverland. legit: *Si sit ut æquorei, et Hesionem solvet*: nescio qui rectius. Hinc fecit Gronovius: *Igniferos posset sine Colchide jungere tauros: Posset utrumque ferum vincere Pasiphaës. Cetus et æquorei revocetur fabula monstri, Solveret Hesionem solus et Andromeden.* Wernsdorfius malit, *Si vetus æquorei*; vel *Si sit ut*, i. e. si contingat ut.—8 *Hesionen* Junt. an. 1512.

NOTÆ

3 *Marathon*] Urbs est decem millibus passuum distans ab Athenis, hodie ‘Marasona’ vel ‘Maratona,’ quo ex Creta taurum a Pasiphaë adamatum Hercules adduxit ad Eurysthenm, illicque illum interfecit. Alii tamen taurum Marathonium a Theseo domitum affirmant, de quo Anthol. lib. iv. et Ovid. Met. vii.

Nemeæ] Sylva Peloponnesi, ubi leo ab Hercule prostratus est, Epig. 6. supra.

4 *Mænalium*] Mænalus mons Arcadiæ, ubi ingentem aprum interfecit Hercules lib. v. Epig. 66. ‘Nemeæ terror, et Arcas aper.’

5 *Hydræ mors una*] Hoc est, Lernæam illam pestem uno ictu interfecisset Carpophorus, quam multis repetitis vulneribus vix occidit Hercules, capitibus nempe aliis cæsorum loco renascentibus.

6 *Chimæra*] Monstrum fuit trifor-

me: habebat enim leonis caput, ventrem capræ, et draconis candam, quod occidit Bellerophon. Ovid. Met. ix.

7 *Ignipedes*] Ovid. Met. vii. legit *Æripedes*. Hos vero tauros vellus aureum custodientes vicit Jason ope Medææ Colchidis, cujus historia satis patet ex Ovidio et Valerio Flacco.

8 *Hesionem*] Filiam Laomedontis Trojanorum regis, objectam monstro marino, et devinctam saxo, liberavit Hercules. Ovid. Met. xi. ‘regis quoque filia monstro Poscitur æquoreo, quam dira ad saxa revinctam Vindicat Alcides.’

Andromeden] Quæ filia fuit Cephei regis Æthiopum: ceto exposita, liberata est a Perseo pacto ejus nuptias. Ovidius Met. iv. Manilius lib. v. copiose describit hanc historiam: ‘Proposita est merces, vesano dedere Ponto Andromeden, teneros ut bel-

Herculeæ laudis numeretur gloria : plus est
Bis denas pariter perdomuisse feras.

10

nam et Andromeden. Eximia Herculis laudes recenseantur: amplius est simul interfecisse viginti feras.

NOTÆ

lua manderet artus?'

9 *Herculeæ laudis*] Hoc est, si labores Herculis numeres, duodecim tantum, et quidem diversis tempori-

bus exantlatos reperies, at vero Carphorus uno die viginti feras interfecit.

XXVIII.

DE NAUMACHIA.*

AUGUSTI laudes fuerant, committere classes,

Et freta navali sollicitare tuba :

Cæsaris hæc nostri pars est quota ? vidit in undis

Et Thetis ignotas, et Galatea feras.

Vidit in æquoreo ferventes pulvere currus,

5

Et domini Triton ipse putavit equos.

Augusti gloria fuerat classes inducere ad pugnam, atque incitare mare classico. Quota est hæc pars Cæsaris nostri? Thetis et Galatea aspexerunt in aquis belluas incognitas. Triton ipse spectavit in pulvere maritimo quadrigas fervidas, et credi-

Laus Augusti lemma est in Venet. Ald. Junt. Gryph. Colin. aliisque edd. vet. De Naumachia emendarat P. Scriv. confirmatque codex Bodleianus: De Naumachia minore cod. Thuan. De Naumachia Cæsaris Ramires de Prado.—1 Augusti labor hic fuerat codd. Thuan. Bodl. alii. Augusti fuerat labor hic vet. cod. Beverlandi.—4 Galatea vias cod. Vatic. Galathea in Junt.—6 Bodl.

NOTÆ

* *De Naumachia [Laus Augusti]* Melius inscriberetur *De Naumachia Cæsaris*. Ut plurimum corrupta sunt lemmata a Grammaticis inscripta. Libro enim XIII. et XIV. tantum videntur apposita ab ipso Martiale lib. XIII. Epig. 3. et lib. XIV. Epig. 2.

1 *Committere classes*] De Naumachia Domitiani agit Suetonius in Domitiano cap. 4.

2 *Et freta navali*] Hoc est, excitare prælium navale.

4 *Et Galatea feras*] Tauros puta, equos, &c. Vide Epig. 26. supra. Galateam vero una est Nereidum.

5 *In æquoreo pulvere*] Multi intelligunt pontes leniter aquæ superficiei substratos, et super hos currus tractos fuisse. Tacitus Annal. XII. de Naumachia Claudii ait: 'Eoque tempore interjecto, altius effossi specus; et contrahendæ rursus multitudini, gladiatorum spectaculum editur, inditis pontibus pedestrem ad pugnam.' Aquæ autem spuma pedibus equorum currentium, vel si pontes non fuerint, natautum excitata imitabatur pulverem Circi.

Ferventes currus] Propter motum velocem quo etiam in aqua fervidi

Dumque parat sævis ratibus fera prælia Nereus,
Abnuit in liquidis ire pedester aquis.

Quicquid et in Circo spectatur, et Amphitheatro,
Dives Cæsarea præstitit unda tibi. 10

Fucinus et pigri taceantur stagna Neronis :
Hanc norint unam sæcula Naumachiam.

dit esse equos sui heri. Et dum Nereus instruit feras naves ad sæva certamina, recusat pedibus incedere in undis fluidis. Aqua Cæsaris opulenta tibi exhibuit quicquid videtur in Circo et Amphitheatro. Fucinus lacus, atque inertis Neronis stagna sileantur : unicum hoc navale prælium innotescat posteris.



et Thuan. *isse pro ipse.*—8 *Horruit in liquidis* conj. Pet. Scriv. et sic est in codd. Bodl. et Thuan. Virgilius: ‘Quaquam animus meminisse horret.’ *pedestris* idem Thuan. et cod. Beverlandi.—10 *Cæsaris hoc dives* e codd. emendavit Cagnerius, ut supra Epigr. ‘Desine mirari, Cæsaris unda fuit.’ et *Amphitheatro Cæsareo, dives præstitit unda tibi* Marcilius.—11 *Alii legunt, et diri*: Thuan. et Tigri. *Otii appetens Nero.* Dio in Ner. et Sueton. cap. 42. *Addit pigri, quia Nerones alias sunt nervosi,* cap. 49.

NOTÆ

trahebantur. Horatius Od. i. 1. ‘Me-
taque fervidis Evitata rotis.’

6 *Triton*] Salaciæ et Neptuni filius,
ejusdemque tubicen.

8 *Abnuit*] Suo enim curru per un-
das vehebatur: Nereus vero, Deus
maris, Nereidum scilicet pater, pro
ipso mari etiam sumitur. Vide Hesi-
odum in Theogonia.

10 *Dives*] Omni ludorum genere
abundans. *Cæsarea*, hujus vocis ulti-
ma producitur propter sequentes du-
as consonantes. Alii legunt *Cæsareo*,
amphitheatro nimirum.

11 *Fucinus*] Marsorum lacus, ubi
pugnam navalem edidit Claudius.
Tacitus loco supra citato, et Suetoni-
us in Claudio cap. 21.

Et pigri Neronis] Quod solis volup-
tatibus deditus Nero, nihil principe
dignum fecerit, piger dicitur. Alii
legunt *diri*, forte melius. De stagnis
Neronis jam dictum Epig. 2. supra.

12 *Sæcula*] Hic significant posteri-
tatem. Naumachia hic significat
prælium navale, alias locus est in
quo fit pugna navalis. Suetonius in
Domitiano.

XXIX.

DE PRISCO ET VERO GLADIATORIBUS.

CUM traheret Priscus, traheret certamina Verus,
Esset et æqualis Mars utriusque diu ;

Cum Verus et Priscus producerent pugnam, et diu par esset pugna utriusque, po-



Hoc Epigramma, quod Joseph. Scaligerus in Catalectis primus publicavit, et quæ sequuntur non extant in codd. Bodl. et Thuan. nec in Venett. Ald. Junt. Gryph. Colin. aliis.

Missio sæpe viris magno clamore petita est :

Sed Cæsar legi paruit ipse suæ.

Lex erat, ad digitum posita concurrere palma :

5

Quod licuit, lances, donaque sæpe dedit.

Inventus tamen est finis discriminis æqui ;

Pugnare pares, succubuere pares.

Misit utrique rudes, et palmas Cæsar utrique :

Hoc pretium virtus ingeniosa tulit.

10

Contigit hoc, nullo nisi te sub principe, Cæsar :

Cum duo pugnarent, victor uterque fuit.

pulus crebro postulavit magna voce missionem pro illis viris: sed Cæsar obtemperavit edicto suo. Edictum vero erat proposito præmio pugnare ad digitum: quod permissum fuit, frequenter largitus est opsonia in lancibus et munera alia. Nihilominus inventus est terminus pugnae æqualis; æqualiter certaverunt, æqualiter quoque victi sunt. Cæsar utrumque donavit rudibus, et palmis. Solers fortitudo reportavit hanc mercedem. O Cæsar, hoc non accidit sub ullo imperatore, nisi sub te: cum duo certarent, uterque victor evasit.

NOTÆ

3 *Missio*] Erat scilicet, cum vulneratus gladiator vitam a populo, vel principe, aut munerario obtinebat. Hoc Epigramma desideratur in antiquis editionibus. Primus Jos. Scaliger edidisse fertur.

5 *Ad digitum*] Hoc est, pugnare sine spe missionis, donec gladiatorum alter digitum tollat, id est, victum se fateatur. Ita hunc locum explicat Musambertius. Alii interpretantur *ad digitum concurrere*, digitis pugnare, quod uno verbo micare. Quintilianus lib. VIII. cap. 5. 'Contra eandem sororem gladiatoris, cujus modo feci mentionem, ad digitum pugnavi.' Hoc est, digito pugnavi: sensus est: Concursu digitorum a dimicatione

palmam inter se sortiti Verus et Priscus gladiatores. Judicet lector. *Digitum* hic accipit Raderus pro converso et infesto Cæsar's pollice, qui signum mortis.

6 *Quod licuit, lances*] Ut ejusmodi donis impatientem populum moraretur; vel potius intellige opsonia missa gladiatoribus, quibus vires reficerent.

8 *Succubuere pares*] Simul nempe alter ab altero læsus est.

9 *Rudes*] Erant virgæ quibus donati gladiatores ab arena liberabantur in omnem vitam.

12 *Victor uterque*] Hoc quasi miraculum felicitati Domitiani tribuit Poëta.

XXX.

AD CÆSAREM.

DA veniam subitis: non displicuisse meretur,

Festinat, Cæsar, qui placuisse tibi.

Parce repentinis: qui properat, o Cæsar, tibi placere, non meretur injucundus esse.



Hoc Epigramma xxxi. est in ed. Delphi.

XXXI.

ALTERUM.

CEDERE majori, virtutis fama secunda est.

Illa gravis palma est, quam minor hostis habet.

Secunda fama est fortitudinis primas dare superiori. Palma illa gravis est quam inferior adversarius reportat.



Epigr. xxxii. in ed. Delph.

NOTÆ

1 *Cedere majori*] Ut apud Virgilium de Lauso Æneid. x. 'Hoc tamen infelix miseram solabere mortem, Æneæ magni dextra cadis.'

2 *Gravis est*] Quasi fructibus onusta. Hoc est, illustris et eximia est victoria quam minor hostis reportat.

XXXII.

DE DAMA ET CANIBUS.

CONCITA veloces fugeret cum dama molossos,

Et varia obliquas necteret arte moras ;

Cæsaris ante pedes supplex, similisque roganti

Constitit; et prædam non tetigere canes.

Cum dama commota fugeret celeres canes, atque afferret cunctationes obliquas diverso artificio, humilis et precanti similis se tenuit ante pedes Cæsaris: et molossi non violaverunt prædam. . . Hæc cognito imperatore dedit munera. Cæsar habet numen: sacra est vis, sacra potestas. Fidem adhibete: feræ nesciunt mentiri.



Hoc Epigramma xxx. ordine positum est in ed. Delph. et quibusdam aliis, ubi tres hi assuti versus, quos *Fragmentum* nuncupat Ed. Par. 1754.

* * * * *

*Hæc intellectu † principe dona ‡ tulit.
Numen habet Cæsar. Sacra est vis, sacra potestas.
Credite: mentiri non didicere feræ.*

—2 *Et vana præfert* Ant. de Rooy. quod improbat vir quidam doctus in

NOTÆ

2 *Et varia obliquas*] Legunt alii, *Et varia lyncas necteret arte mora.* Hoc Epig. non est in antiquis quibusdam editionibus.

4 *Non tetigere*] Veriti scilicet numen Domitiani ad quem confugerat dama.

† *Hæc intellectu*] Hujus Carminis

explicatio pendet ex superiori hexametro quod deest. Ultimi distichi sententia perspicua est.

‡ *Dona*] Hoc est, gratiam hanc consecuta est ut ipsi parcerent canes: sic videtur intelligere Interpres Græcus Joseph. Scaliger.

Epist. Crit. ad eundem Antonium. Tu corrigis, inquit, *vana*; sed id, quod pace tua dixerim, absurdi quid habet. Uti enim facile patet, etsi perinde res foret, tamen inutilem nec necessariam hanc esse emendationem: ita ab altera parte *vana* admitti plane non potest, et menti Poëtæ adversatur. 'Elusit enim canes dama,' nam ad Cæsarem venit; *variaque elusit arte*, ut lepores, &c. adsolent; quod perelegans. Alii legunt: *Et varia lyncas necteret arte mora*.

XXXIII.

ALIUD, APUD ANTIQUM JUVENALIS SCHOLIASTEN.

FLAVIA gens, quantum tibi tertius abstulit hæres!
Pæne fuit tanti, non habuisse duos.

O familia Flaviorum, quantum tibi detraxit tertius hæres! fere utile fuit, non habuisse duos.



Hoc Epigrammatis Fragmentum tantum esse apparet ex Scholiastæ verbis ad Juvenal. Sat. iv. 34. 'Meminit hoc Valerius Martialis in Epigrammate: his vero sibi finit: *Flavia gens*,' &c.

NOTÆ

1 *Tertius hæres*] Domitianus nempe inhumanus et ferox, qui suæ genti de-
decori fuit. Ubique palam Domitiano palpatur poëta, attamen hoc loco illum acerbissime carpit: quare Martialis esse vix crediderim.

2 *Non habuisse duos*] Vespasianum et Titum.

M. VAL. MARTIALIS
EPIGRAMMATUM
LIBER I.¹

EPISTOLA AD LECTOREM.²

SPERO me secutum^{3a} in libellis meis tale temperamentum, ut de illis queri non possit, quisquis de se bene senserit, cum salva^b infimarum quoque personarum⁴ reverentia ludant; quæ adeo⁵ antiquis auctoribus^c defuit, ut nominibus non tantum veris abusi sint, sed etiam magnis.^d At mihi

Confido me statuisse talem modum meis libris, ut quicumque boni conscius sibi fuerit, nequeat conqueri de illis, cum jocentur salvo honore etiam personarum obscurarum; quem ita neglexerunt auctores prisci, ut abusi sint non solum nominibus propriis, sed etiam magnis. Sed fama comparetur mihi viliori pretio, et nondum

~~~~~

1 Inscriptio est in edd. vett. *M. V. Martialis Epigrammaton liber primus*; et sic fere in codd. nisi quod subjungunt verba, *incipit feliciter*.—2 Desunt hæc verba in vett.—3 Calderinus legit *sequuturum*, improbante Herald: *secuturum* Ald. Junt. alii.—4 Codex Vossianus exhibet: *infimarum quoque gentium*.—5 Vocabulum *adeo* deest in Junt. an. 1512. et Colin. 1528.—6 *At*

NOTÆ

<sup>a</sup> *Secutum*] Alii *secuturum*. Prior lectio melior.

<sup>b</sup> *Cum salva*] Lib. x. Epig. 33. 'Huic servare modum nostri novere libelli, Parcere personis, dicere de vitiis.'

<sup>c</sup> *Antiquis auctoribus*] Lucilio nempè, Catullo, et multis aliis. De Lucilio

Persius Sat. i. 'secuit Lucilius urbem, Te, Lupe, te, Mnti, et genuinum fregit in illis.' Plinius lib. xxxvi. cap. 6. 'Hic namque est Mamurra Catulli Veronensis carminibus proscissus.'

<sup>d</sup> *Sed etiam magnis*] Principum, scilicet, et nobilium virorum quos in

fama vilius constet,<sup>e</sup> et probetur<sup>6</sup> in me novissimum ingenium.<sup>f</sup> Absit a jocosorum nostrorum simplicitate malignus interpres, nec Epigrammata mea scribat.<sup>7 g</sup> Improbe facit, qui in alieno libro ingeniosus est. Lascivam verborum veritatem,<sup>8 h</sup> id est, Epigrammaton linguam excusarem, si meum esset exemplum: sic scribit<sup>9</sup> Catullus,<sup>i</sup> sic Marsus, sic Pedo, sic Getulicus, sic quicumque perlegitur.<sup>10</sup> Si quis tamen tam ambitiose tristis est,<sup>k</sup> ut apud illum in nulla

*cognita ingenii mei solertia laudetur. Malitiosus interpres removeatur a simplicitate nostrorum ludorum, nec scribat mea Epigrammata. Inique agit qui solers est in alieno libro. Purgarem lascivam libertatem verborum, hoc est, linguam Epigrammaton, si præirem exemplo: ita scribit Catullus, ita Marsus, ita Pedo, ita Getulicus, ita quicumque perlegitur. Nihilominus si quis tam affectate morosus est, ut non liceat Latine loqui apud illum in nulla pagina, potest contentus esse Epi-*

non agnoscunt cod. Put. et Palat. *Et mihi fama melius constat ut probetur* cod. Voss.—7 Cod. vet. Cagnerii *strigat*, i. e. (*strigat*) *stringat*: idem conj. Ant. de Rooy. De verbis 'scribere' et 'stringere' vide Heins. ad Ovid. Pont. II. 7. 33. et Scheffer. et Burm. ad Phædr. I. 29.—8 *Lascivam verborum licentiam* Ald. Junt. Colin. Gryph. &c. Nostram lectionem testantur codd. Put. et Grut. cum ed. Palat. eamque probant Heraldus et Gronovius.—9 Codex Bodleianus, *sic scripsit*; quod habent etiam Ald. Junt. Colin. et quædam aliæ vett.—10 Emendat Lipsius *prælegitur*, in scholis nempe; ut Virgilius, Catullus, alii.

## NOTÆ

famosis suis libris nominabant antiqui Poëtæ; sed nominibus fictis utitur Martialis lib. VII. Epig. 11. 'Ludimus innocuis verbis; hoc jure potentis Per genium famæ Castaliumque gregem.' Legunt alii 'Ludimus innocuis: scis hoc bene,' &c.

<sup>e</sup> *Vilius constet*] Quam illis antiquis qui ex aliorum infamia sibi famam quærebant. Lib. VII. Epig. 11. 'Ut mea nec juste quos odit, pagina lædit, Et mihi de nullo fama rubore placet.'

<sup>f</sup> *Novissimum ingenium*] Hoc est, comparare famam sine alterius rubore res est ingeniosa, priscis Poëtis non cognita, nec ab illis usitata: volo ergo ingenium hoc novissimum, seu novam hanc scribendi rationem in me probari. Vilius ergo constat fama quam sibi vitii notatis, personis vero

silentio præteritis, sibi comparat noster Poëta.

<sup>g</sup> *Nec Epigrammata mea scribat*] Hoc est, aliter atque ego, interpretetur; nec fictorum nominum loco vera et propria substituat.

<sup>h</sup> *Verborum veritatem*] Apertam rerum pudendarum appellationem: hac de re prolixè agit Plinius Secundus lib. IV. Epistola 14. Alii *verborum licentiam*. Videat lector.

<sup>i</sup> *Sic scribit Catullus*] De his Poëtis dicemus suo loco: de Getulico nihil reperi. Vossius in libro de Poëtis Latinis meminit Lentuli Gentulici Poëtæ, qui Tiberii ac Claudii temporibus fuit.

<sup>k</sup> *Tam ambitiose tristis est*] Morum severitas appellatur proprie ambitiosa tristitia, si aliquid affectationis inest.



pagina Latine loqui<sup>1</sup> fas sit, potest Epistola, vel potius Titulo<sup>m</sup> contentus esse. Epigrammata illis scribuntur, qui solent spectare Florales.<sup>n</sup> Non intret Cato<sup>o</sup> theatrum nostrum; aut si intraverit, spectet. Videor mihi meo jure facturus, si Epistolam versibus clausero.

*stola, aut potius Inscriptione. Epigrammata scribuntur illis, qui consueverunt adesse Floralibus. Cato non ingrediatur theatrum nostrum; aut si ingressus fuerit, spectet. Censeo me facturum jure meo, si absolvero Epistolam carminibus.*

## NOTÆ

<sup>1</sup> *Latine loqui*] Hoc est, simpliciter et aperte sine ulla verborum dissimulatione loqui: Latini enim simplices habebantur, et nomine proprio res singulas nominabant. Lib. xi. Epig. 21. 'Cæsaris Augusti lascivos, livide, versus Sex lege, qui tristis verba Latina legis.' Turnebus lib. xxiv. cap. 5. dicit verba Latina appellari a nostro Poëta, quæ aperte et ingenue lasciviam et flagitia enuntiant: qualis est Epigrammaton lingua.

<sup>m</sup> *Vel potius Titulo*] Qui abhorret a lascivis Epigrammatibus, legat tantum eorum Lemmata. lib. xiv. Epig. 2. 'Lemmata si quæris cur sint ascripta, docebo: Ut, si malueris, lemmata sola legas.'

<sup>n</sup> *Florales*] Ludos institutos in honorem Deæ Floræ, quos describit Ovid. Fast. v. lascivos prorsus.

<sup>o</sup> *Non intret Cato*] Vide Epig. 1. infra.

## I.

## AD CATONEM.

NOSSES jocosæ dulce cum sacrum Floræ,  
Festosque lusus, et licentiam vulgi,  
Cur in theatrum, Cato severe, venisti?  
An ideo tantum veneras, ut exires?

*O Cato austere, quare theatrum adisti, cum non ignorares suave sacrificium Floræ festivæ, festosque ludos, et libertatem plebis? an idcirco tantum accesseras ut discederes?*



Tetrasticon hoc, inquit Farnabius, quod in aliis edd. (Junian. Delph. &c.) tertiam usurpavit sedem, loco suo redonavit Scriverius ex consilio cod. Bodleianii: in quo Epistolæ pedissequa est Inscriptio: *Idem ad Catonem Epigram.* At sic jamjam fuerat in Venet. Ald. Gryph. Colin. an. 1528. Junt. an. 1512. cum titulo, *Ad Catonem.* Tertium est in Plant. Junii.—2 *Festoque lusus* Junt. an. 1512.

## NOTÆ

<sup>1</sup> *Jocosæ dulce*] Floralia intelligit, quæ ab impudicis mulieribus nudis celebrabantur Romæ in honorem Deæ

Floræ. Vide Epistolam supra et Epig. 36. infra. Præsente autem Catone populum puduit postulare ut



## NOTÆ

mimæ nudarentur: quod cum cognovisset Cato, discessit e theatro: quod adire non debuit, cum impudicum Floralium morem non ignoraret. Alii hoc Epigramma tertium hujus libri ponunt.

## II.

## AD LECTOREM.

Hic est quem legis, ille quem requiris,  
 Toto notus in orbe Martialis,  
 Argutis Epigrammaton libellis:  
 Cui, lector studiose, quod dedisti  
 Viventi decus, atque sentienti,  
 Rari post cineres habent Poëtæ.

5

*Hic quem evolvis, est ille Martialis quem quæris, celebris per totum orbem acutis libris Epigrammatum. O lector cupide, pauci Poëtæ post mortem consequuntur famam, quam concessisti ipsi vivo et audienti.*

2 *Tota notus in urbe* codex Vossianns.

## NOTÆ

6 *Post cineres*] Metonymia, id est, qui prægravat artes Infra se positas, post obitum: raro enim excellentes extinctus amabitur idem.' Vide lib. viri laudantur, dum vivunt: rationem v. Epig. 10. reddit Horat. 'Urit enim fulgore suo

## III.

## AD LECTOREM, UBI LIBRI VENALES.

QUI tecum cupis esse meos ubicumque libellos,  
 Et comites longæ quæris habere viæ;  
 Hos eme, quos arctat brevibus membrana tabellis:  
 Scrinia da magnis, me manus una capit.

*Qui expetis meos libros versari tecum in quovis loco, et optas socios habere longinqui itineris; hos tibi compara, quos membranula stringit tabulis angustis: repone magnos in capsis, una manus me comprehendit. Tamen ne te fugiat, ubi sim pro-*

Quartum est hoc Epigramma in Junt. an. 1512. sed in Plant. Junii, Delph.

## NOTÆ

3 *Arctat membrana*] Hoc est, qui bellis vel citreis vel ex alia materia exiguo volumine sunt compacti. Scribebant antiqui in membranis; et ta-

Ne tamen ignores, ubi sim venalis, et erres  
 Urbe vagus tota; me duce certus eris.  
 Libertum docti Lucensis quære Secundum,  
 Limina post Pacis, Palladiumque forum.

5

*mercalis, et ne errans discurras per totam civitatem; eris certus me ductore. Investiga Secundum libertum periti Lucensis, juxta templum Pacis, et forum Palladis.*

et nonnullis aliis secundum.—7 *Secundi* contra omnium codd. et edd. vett. fidem legit Scriverius, eumque secutus est Farnabius. At vide Turneb. Advers. xviii. 3.

## NOTÆ

7 *Quære*] Bibliopola erat hic Secundus. Turnebus lib. xviii. cap. 3. suspicatur in patronorum libertis ordinem quendam fuisse, quod alteri apud patronum priorem locum obtinerent, alteri proximum. Judicet

lector. Alii *Secundi* ut sit nomen ipsius patroni: sed sine auctore.

8 *Palladium*] Ita appellabatur forum Romanum ab æde Palladis quæ in eo fuit juxta templum Pacis.

## IV.

## AD LIBRUM SUUM.

ARGILETANAS mavis habitare tabernas,  
 Cum tibi, parve liber, scrinia nostra vacant.  
 Nescis, heu, nescis dominæ fastidia Romæ:  
 Crede mihi, nimium Martia turba sapit.  
 Majores nusquam ronchi, juvenesque senesque  
 Et pueri nasum Rhinocerotis habent.

5

*O Libelle, magis tibi placet degere in officinis Argiletanis, cum capsæ nostræ tibi pateant. Non cognoscis, heu non cognoscis despicientiam Romæ dominæ: mihi fidem adhibe, Martis populus sagacior est. Nullibi majores sunt irrisiones; adolescentes, decrepiti, pueri ipsi habent nasum rhinocerotis. Cum auscultaveris grande*

Tertium Epigramma in Junt.—5 Nonnullæ vett. habent *rhonchi*.—6 *Rhi-*

## NOTÆ

1 *Argiletanas*] Argiletum locus erat Romæ in quo erant bibliopolia.

3 *Dominæ Romæ*] Hoc est, Romanorum rerum dominorum, qui te excipient veluti domini suos servos.

4 *Martia turba*] Mars pater Romuli fingitur, a quo originem duxerunt Romani. Vide Plutarchum in

Romulo.

5 *Ronchi*] Ronchus est sonus nasi qui fit stertendo, quo judicium fastidiosum intelligit Poëta.

6 *Et pueri nasum*] His verbis significat etiam pueros Romæ irridere et carpere auctorum scripta. Cornu rhinocerotis, quod appellat nasum,

Audieris cum grande sophos, dum basia captas,

Ibis ab excusso missus in astra sago.

Sed tu, ne toties domini patiare lituras,

Neve notet lusus tristis arundo tuos;

10

Æthereas, lascive, cupis volitare per auras:

I, fuge; sed poteras tutior esse domi.

*sophos, dum ambis osculationes, in aërem jactaberis sagulo exagitato. At tu ne toties subeas emendationes heri tui, et ne calamus severus animadvertat in tuos jocos, o proterve, expetis volare per regiones aëris: abi, fuge, at poteras esse securior domi.*

*nocerontis codex Thuaneus.—7 Optimi libri habent jactas; sic Beverlandi Ms. hinc Scriv. basia jacta, quod probat Gronovius.—12 Vel frige si poteras Beverlandi Ms.*

## NOTÆ

fortissimum, nempe ut accerrimum ostendat judicium. Vide lib. Spectac. Epig. 9. Plin. lib. xi. cap. 37. 'Et altior homini tantum, quem novi mores subdolæ irrisioni dicavere, nasus.' Nasus irrisioni dicatus est. Vide lib. xiii. Epig. 2.

7 Grande sophos] Σοφῶς, sapienter. Erat frequentissima acclamatio eorum qui recitantis scripta laudabant. Vide Epig. 50. infra: 'Mercetur alius grande et insanum sophos.'

Basia captas] Approbationes. Nam osculabantur antiqui quos recitantes

probaverant. Vide Epig. 77. infra.

8 Ibis ab excusso] Suetonius in Othone cap. 2. 'Ferebatur et vagari noctibus solitus: atque invalidum quemque obviorum, vel potulentum corripere: ac distento sago impositum in sublime jactare.' Gallice, *berner*.

10 Tristis arundo] Quod censura omnis severa sit et tetrica: ex arundine vero, præsertim Ægyptia, fiebant calami scriptorii. Vide lib. xiv. Epig. 38.

## V.

## AD CÆSAREM.

CONTIGERIS nostros, Cæsar, si forte libellos,

Terrarum dominum pone supercilium.

Consuevere jocos vestri quoque ferre triumphi;

Materiam dictis nec pudet esse ducem.

*O Cæsar, si casu tractaveris nostros libros, depone supercilium dominum orbis. Vestri etiam triumphî soliti sunt tolerare cavillationes, nec Imperator erubescit*

## NOTÆ

2 Supercilium] Usurpat pro fastu et severitate. *Terrarum dominum* vocat, quod eo terrarum orbis gubernaretur.

3 Ferre triumphî] In ipsa triumphî pompa per jocum dicteris et conviciis Imperatorem consecabantur milites. Suetonius in Julio cap. 49.



Qua Thymelen spectas, derisoremque Latinum, 5  
 Illa fronte precor carmina nostra legas.  
 Innocuos censura potest permittere lusus:  
 Lasciva est nobis pagina, vita proba est.

*præbere argumentum dicteris. Te rogo ut legas versus nostros eo vultu quo aspicias Thymelen, et facetum Latinum. Censura potest pati jocos innoxios: mihi est liber procax, vita vero integra.*

3 Beverlandi Ms. *quam ferre triumphi.*—8 Cum interrogatione legit Gruterus: *Lasciva est nobis pagina?* lepidus enim videtur, ut nec neget de se, nec fateatur. Interrogatio tamen displicet Gronovio, qui posterius *est delendum* censet.

## NOTÆ

5 *Qua Thymelen*] Thymele et Latinus mimi erant Domitiano gratissimi. Juvenalis Sat. 1. ‘Et a trepido Thymele summissa Latino.’ huic libro præfixa, et vitia tantum carpsit; unde nec a gravissimo censore Domitiano reprehendi potuit. Vide Suetonium in Domitiano cap. 8.

7 *Innocuos*] Personis enim pepercit noster Poëta, ut patet ex Epistola 8 *Vita proba*] Lege lib. IX. Epig. 29.

## VI.

## AD MARCUM.

Do tibi Naumachiam, tu das Epigrammata nobis.  
 Vis puto cum libro, Marce, natare tuo.

*Exhibeo tibi prælium navale, tu nobis offers Epigrammata: o Marce, ut arbitror cupis nare cum tuo libello.*

In codice Palatino inscribitur *Naumachias*, quod Grutero placet. *Ad Marcum* in aliis et edd. vett. Musambertius Abbavill. melius futurum ait, *Cæsar Martiali*. In nonnullis: *Sub Personam Cæsar, ad Poëtam.*—1 *Do tibi naumathiam, tu das epygrāmata nobis* Junt. an. 1512. *Do tibi Naumachias* codex Palatinus.—2 In eadem Junt. *nature* pro *natare*.

## NOTÆ

1 *Do tibi*] Introducit Domitianum respondentem sibi, quasi intempestive obtulisset Epigrammata. Vide lib. v. Epig. 54. De naumachia lib. Spect. Epig. 24.

2 *Vis puto*] Vis hic mergi cum tuis versibus cum sis importunus.

## VII.

## DE LEONE CÆSARIS.

ÆTHEREAS aquila puerum portante per auras,

Illæsum timidis unguibus hæsit onus :

Nunc sua Cæsareos exorat præda leones,

Tutus et ingenti ludit in ore lepus.

Quæ majora putas miracula? summus utrisque

5

Auctor adest: hæc sunt Cæsaris, illa Jovis.

*Onus incolome adhæsit sollicitis unguibus aquila ferente puerum per regiones aëris: nunc Cæsaris leones flectuntur præda propria, et lepus securus ludit in ore vasto. Quæ existimas majora prodigia? utrumque habet supremum auctorem: hæc edidit Cæsar, illa Jupiter.*

· Lemma est *De Aquila et Puer* in cod. Bodleiano.—2 Codex Vossianus habet, *exit onus*.—3 Musamb. citat, *Hinc sua, &c.* Junt. an. 1512. penes Editorem in margine exhibet: *exarmat præda leones*.—5 Cod. Voss. *summus uterque*: in aliis, *utrique*: Cagnerius legit, *utrique*, vel *utrinque*: libri meliores exhibent *utrisque*, quod ad miracula referendum.

## NOTÆ

1 *Puerum*] Ganymedem scil. Trois filium, quem rapi ab aquila jussit Jupiter. Plinius lib. xxxiv. cap. 8. Nota est fabula Jovis in aquilam conversi. Ovid. Met. x.

2 *Timidis unguibus*] Ne puer caderet, vel offenderetur. Metaphora est.

3 *Cæsareos*] A Cæsare exhibitos.  
5 *Quæ majora*] Aquilæ, an Leonis?  
*Summus*] Uterque Deus est, nam Domitianus Deus appellari voluit, cujus jussu captum leporem dimittebat leo, sicut Jove jubente Ganymedem rapuit aquila. Vide infra Epig. 23. 49. 52. 61.

## VIII.

## AD MÀXIMUM, DE COLUMBA STELLÆ.

STELLÆ delictum mei columba,

Verona licet audiente dicam,

O Maxime, asseverabo, quantumvis Verona auscultante, columba voluptas mei

In hoc Epigrammate nil variant codd. aut libri impressi.

## NOTÆ

1 *Stellæ columba*] Stella Poëta Patavinus columbam amicæ suæ deflevit, ad imitationem passeris Catulli. Columba pro opere de columba su-

mitur, causa nempe pro effectu. Vide lib. vi. Epig. 21. et lib. vii. Epig. 14.

2 *Verona*] Patria Catulli, urbs Ita-

Delph. et Var. Clas.

Martial.

E

Vicit, Maxime, passerem Catulli.  
 Tanto Stella meus tuo Catullo,  
 Quanto passere major est columba.

5

*Stellæ superavit passerem Catulli. Tanto meus Stella major est tuo Catullo, quanto columba major est passere.*

## NOTÆ

liæ satis nota.

vel forte quem admirari solebat

4 *Tuo Catullo*] Hoc est, populari, Maximus.

## IX.

## DECIANI DOGMA LAUDAT.

QUOD magni Thræseæ, consummatique Catonis  
 Dogmata sic sequeris, salvus ut esse velis;  
 Pectore nec nudo strictos incurris in enses;  
 Quod fecisse velim te, Deciane, facis.  
 Nolo virum, facili redimit qui sanguine famam:  
 Hunc volo, laudari qui sine morte potest.

5

*O Deciane, agis quod cupiam te agere, quod ita sectaris placita magni Thræseæ, et Catonis perfecti, ut contendas esse similis illis, nec irruis in gladios districtos nudato pectore. Non probo eum virum qui quærit existimationem prompta morte: probo illum qui potest celebrari sine interitu.*



Lemma in Thuan. *Ad Decianum*.—1 In Junt. an. 1512. *consummatique Catonis*: forte: *Quod magni Thræseæ casum, summique (vel magnique) Catonis*.—2 Codex Vossianus, *salvus et esse velis*: alii, *talis ut esse velis*, i. e. eorum similis. Calderinus legit, *servus ut esse velis*, quem vide in ed. Langii an. 1617.—3 *Pectore nec nudos* Junt. an. 1512.

## NOTÆ

1 *Magni*] Exitum Thræseæ et Catonis improbat, qui Stoicorum doctrinam professi voluntaria morte laudem quæsierunt. Satis notus Catonis exitus; Pæti Thræseæ meminit Suetonius in Nerone cap. 37. Tacit. Annal. xvi. ‘Thræseæ, Serranoque et Serviliæ datur mortis arbitrium.’  
 2 *Salvus [talis] ut*] Ut eorum exemplo constans et fortis habeatis.

Alii legunt *salvus ut esse velis*: hoc est, ut te non interficias, sicut se interfecerunt illi.

5 *Facili sanguine*] Facilitate mortis voluntariæ.

6 *Laudari qui*] Eum probo qui mala constanter pati possit, nec morte se ab illis liberet: quod mollis animi est.



## X.

## IN COTTAM.

BELLUS homo et magnus vis idem, Cotta, videri:  
Sed qui bellus homo est, Cotta, pusillus homo est.

O Cotta, cupis habere speciem simul belli hominis et magni; sed, Cotta, qui homo bellus est, parvus est.



In eadem Junt. inscribitur: *Jocatur in coctam.* Mox, *Cocta videri*, et *cocta pusillus homo est.*

## NOTÆ

1 *Bellus*] Diminutivum a bono: non est magnus homo, sed pusillus et verbum *bellus* de rebus pusillis dicitur. Cotta igitur, si bellus homo sit, *tenuis.* Vide lib. II. Epig. 7. et lib. III. Epig. 62.

## XI.

## DE GEMELLO ET MARONILLA.

PETIT Gemellus nuptias Maronillæ,  
Et cupit, et instat, et precatur, et donat.  
Adeone pulchra est? immo fœdus nil est.  
Quid ergo in illa petitur et placet? Tussit.

*Gemellus exposcit matrimonium Maronillæ, et desiderat, et urget, et rogat, et dat munera. An usque eo formosa est? e contrario nihil turpius est. Quid igitur in illa postulatur, et gratum est? Laborat tussi.*



1 *Petit Venustus* in nonnullis codd. ait Ramires de Prado, improbante Musamber.—3 Junt. an. 1512. *fœdus nihil*, metro obstante.—4 *Quid ergo in illa appetitur* habent eadem Junt. et aliæ quædam edd. vett. quod melius putat Heraldus: et sic in Par. an. 1754. *Quid igitur in illa appetitur et placet? tussis* in cod. Bodl. *tussis* legit etiam Pulmannus, probante eodem Heraldus: servat idem Par. an. 1754.

## NOTÆ

4 *Tussit*] Tussientes vetulas a se crederent, et earum hæreditatem haberi fingebant pauperes atque avaros sperarent. Lib. II. Epig. 26. Alii *tussis*.

## XII.

## AD SEXTILIANUM POTOREM.

CUM data sint equiti bis quina numismata, quare  
 Bis decies solus, Sextiliane, bibis?  
 Jam defecisset portantes calda ministros,  
 Si non potares, Sextiliane, merum.

*O Sextiliane, cur tu unus potas viginti nummos sestertios, cum decem donati sint equiti? Jam aqua calida defuisset servis ferentibus, nisi, Sextiliane, biberes vinum purum.*

*Ad Sextilianum in cod. Thuan.—1 Junt. an. 1512. bis quinque numismata.—4 Si non potasses Beverlandus.*

## NOTÆ

1 *Cum data sint*] Si equiti cuivis sportulæ nomine decem sestertii ad emendum panem, edulia, et etiam ad bibendum dantur; cur tu, Sextiliane, adeo intemperanter te geris, ut solus vinum bibas pro viginti sestertiis? Sic Ramiresius. Vide Turnebum lib. xviii. cap. 30. Ad sitim levandam in spectaculo longius producto distributa scribit viritim per quatuordecim

ordines decem numismata. Quæ fuerint illa, quis audeat affirmare? Sed non magni pretii fuisse apparet, partim ex Epig. 27. infra, ubi appellantur 'æra,' partim ex opposito, *bis decies bibis*. Gron.

3 *Calda*] Aqua calida in deliciis habita fuit apud antiquos, vel quam vino infunderent, vel quam solitariam biberent, vel etiam qua lavarentur.

## XIII.

## DE REGULO.

ITUR ad Herculei gelidas qua Tiburis arces,  
 Canaque sulfureis Albula fumat aquis;  
 Rura, nemusque sacrum, dilectaque jugera Musis  
 Signat vicina quartus ab urbe lapis.

*Qua iter est ad frigidum castellum Tiburis Herculei, et Albula candida emittit fumum aquis sulfureis; quartum ab urbe propinqua milliare designat villam, et sylvam consecratam, atque agros gratos Musis. Porticus impolita exhibebat*

1 *Itur ad Herculeas gelidi* codex Thuan. *Intus ad Herculeas gelidi* quam Beverlandi Ms.—2 *Ganaque* Par. an. 1754. operarum lapsu procul dubio.—3 *Antra nemusque* codex Vossianus: *Rura nemusque sarum* Junt.—4 *Idem* cod.

## NOTÆ

1 *Herculei*] Hercules enim Tibure colebatur. Tibur hodie *Tivoli*.

2 *Cana Albula*] Planitiem Tiburi

vicinam intellige, ubi a colore albo quem a venis sulfureis trahunt, aquæ albulæ dicuntur.

Hic rudis æstivas præstabat porticus umbras, 5  
 Heu quam pæne novum porticus ausa nefas!  
 Nam subito collapsa ruit, cum mole sub illa  
 Gestatus bijugis Regulus esset equis.  
 Nimirum timuit nostras Fortuna querelas,  
 Quæ par tam magnæ non erat invidiæ. 10  
 Nunc et damna juvant: sunt ipsa pericula tanti:  
 Stantia non poterant tecta probare Deos.

*hic umbras tempore æstatis: heu quam inauditum scelus fere patraxit porticus! Nam labefactata repente concidit, postquam Regulus fuisset vectus bigis sub illa mole. Fortuna nempe, quæ erat impar tanto odio, impediit querimonias nostras. Nunc et detrimenta prosunt: discrimina parvi sunt æstimanda: stans porticus nequibat demonstrare Deos.*

Voss. lacus habet pro lapis. Mox, æstivas præstabat porticus auras.—9 Nimirum tenuit Pulmannus, i. e. impediit.—11 Nunc tot damna juvant codex Vossianus.—12 Beverlandi Ms. probare Deum.

## NOTÆ

10 *Quæ par*] Hoc est, verita est omnium invidiam, quam Regulo oppresso sustinere non potuisset. De Regulo longe aliter sentit Plinius Junior lib. i. Epist. 5. Nescio an idem fuerit. Vide Epig. 83. infra. *Tenuit*: alii *timuit*.

11 *Sunt ipsa*] Hoc est, Non oportet timere pericula, cum ex illis propulsis probetur Deorum providentia,

quibus curæ fuit Regulus. Sic locutus est Cicero Ver. II. 'Est mihi tanti, Quirites, hujus invidiæ falsæ atque iniquæ tempestatem subire, dummodo,' &c. id est, Tanti non facio periculum invidiæ. Vel sic interpretare: Ipsa pericula pluris æstimanda sunt, quæ probant Deos esse, &c.

## XIV.

## DE ARRIA ET PÆTO.

CASTA suo gladium cum traderet Arria Pæto,  
 Quem de visceribus traxerat ipsa suis:

*Cum pudica Arria suo Pæto porrigeret ensem, quem ipsa eduxerat ex suis in-*

2 Beverlandi Ms. *strinxerat ipsa*.

## NOTÆ

1 *Casta suo*] Scribonianus arma in Illyrico contra Claudium moverat: fuerat Pætus in ejus partibus; cui tandem mori coacto uxor Arria porrexit gladium, quo pectus suum per-

foderat, addita hac voce immortalis ac pæne divina: 'Pæte, non dolet.' Sic fere Plinius Junior lib. III. Epist. 16. Vide Tacitum Annal. XVI.



Si qua fides, vulnus, quod feci, non dolet, inquit;  
Sed quod tu facies, hoc mihi, Pæte, dolet.

*testinis: Si mihi credis, ait, plaga, quam mihi intuli, non me angit: sed hæc, Pæte, me angit, quam tu tibi infliges.*

## XV.

AD CÆSAREM.

DELICIAS, Cæsar, lususque jocosque leonum

Vidimus: hoc etiam præstat arena tibi;

Cum prensus blando toties a dente rediret,

Et per aperta vagus curreret ora lepus.

Unde potest avidus captæ leo parcere prædæ? 5

Sed tamen esse tuus dicitur; ergo potest.

*O Cæsar, spectavimus ludos leonum, oblectationes, et festivitates: hoc quoque tibi exhibet arena, cum lepus toties captus dimitteretur dente benigno, atque errans teneret cursum per ora patentia. Qua ratione leo rapax potest veniam dare prædæ captivæ? verum tuus esse fertur, ergo potest.*

Nil in hoc Epigrammate variant aut libri manu scripti aut excusi.

## NOTÆ

1 *Lususque jocosque*] Quoniam feræ non cædebantur a leonibus. Vide Epig. 105. infra.

3 *A dente rediret*] Hoc est, ex leonis dentibus dimitteretur. Vide Epig.

7. supra, et Epig. 49. infra.

6 *Ergo potest*] Parcere nempe, quia refert clementiam tuam, o Cæsar.

## XVI.

AD JULIUM.

O MIHI post nullos, Juli, memorande sodales;

Si quid longa fides, castaque jura valent:

*O Juli, mihi celebrande ante omnes amicos, si vetus amicitia atque antiqua*

Hoc et quæ sequuntur triginta duo Epigrammata locum habent in Junt. an. 1512. et Colin. an. 1528. post centesimum quartum, quod inscribitur ad Scævolum. Inde inserta sunt quadraginta quinque e libro quarto.—1 Pul-

## NOTÆ

1 *O mihi*] Sic Ovidius Trist. I. incipit Elegiam quartam. Sæpe amicos

ad voluptates hortatur noster Poëta, quod celeriter fluant.

Bis jam pæne tibi consul trigesimus instat,  
 Et numerat paucos vix tua vita dies.  
 Non bene distuleris, videas quæ posse negari ; 5  
 Et solum hoc ducas, quod fuit, esse tuum.  
 Expectant curæque catenatique labores.  
 Gaudia non remanent, sed fugitiva volant.  
 Hæc utraque manu, complexuque assere toto :  
 Sæpe fluunt imo sic quoque lapsa sinu. 10  
 Non est, crede mihi, sapientis dicere, Vivam.  
 Sera nimis vita est crastina : vive hodie.

*consuetudo aliquid possunt : jam fere sexaginta anni tibi imminet, et tua vita vix computat paucos dies. Non recte protraxeris quæ posse tibi eripi animadvertas, et existimes hoc tantum esse tuum quod præteriit. Anxietates atque invicem connexi labores nos manent ; lætitia non redit, sed profugu avolat : hanc tibi vindica ambabus manibus, et toto amplexu : sic quoque fugax sæpe elabetur ex imo tuo gremio. Mihi fidem adhibe, non decet sapientem dicere, Vivam : crastina vita tardior est, vive hodie.*

mannus numerande. Hæc duo verba sæpe confunduntur, ut ap. Stat. Achill. I. 13. Theb. III. 165. et Propert. III. 7. 17. Vide Mitsch. in Epist. Crit. ad Heyn. p. 62.—2 Edd. vett. omnes, Venett. Ald. Junt. Colin. Palat. Junii, Gryph. Domit. Ramir. Pulm. aliæ, exhibent, *canaque jura* : quibus junge Par. an. 1754. Nostram lect. servant Scriv. Farnab. Schrevel. et Maittair.—5 Junt. an. 1512. habet, *quod posse negari*.—8 Alii, ut Ald. Junt. Gryph. Pulm. legunt *remeant*, forte ex Horatiano illo : ‘ Sic semel emissum volat irrevocabile verbum.’ Sic gaudium semel omissum non remeat, sed volat fugitivum.—10 *Sæpe fluunt imo* in Junt. manifesto errore.

## NOTÆ

3 *Bis jam*] Annuo consulatu annos numerabant Romani. 8 *Gaudia non remanent*] Alii legunt, *remeant*. Videat lector.  
 4 *Et numerat paucos*] Vide lib. VI. Epig. 70. solos enim dies computabat, quibus genio indulgebat. 12 *Vive hodie*] Hoc est, voluptatibus fruire.

## XVII.

## AD AVITUM.

SUNT bona, sunt quædam mediocria, sunt mala plura,  
 Quæ legis hic : aliter non fit, Avite, liber.

*Ex iis quæ evolvis, quædam bona sunt, quædam vero modica, multa autem nullius pretii : hic libellus non componitur alio modo.*

2 Male interpungitur in edd. vett. *sunt mala plura, Quæ legis ; hic aliter, &c.*

## NOTÆ

2 *Non fit liber*] Hoc est, liber non crescit intra justam magnitudinem. Vide lib. II. Epig. 8.

## XVIII.

AD TITUM.

COGIT me Titus actitare causas,  
Et dicit mihi sæpe, Magna res est.  
Res magna est, Tite, quam facit colonus.

*Titus me compellit ad causas perorandas, et me crebro obtundit, Res est magna.  
O Tite, res est magna cui incumbit agricola.*

3 Alii hunc versum interrogatorie legunt, quasi dicat: Illane res magna est, quam quis ab aratro protractus exercere possit, e robusto colono strenuus rabula mox factus? Vide lib. v. 13.

## NOTÆ

3 *Res est magna*] Domitius legit per interrogationem, hoc sensu: Estne res magna quam facit colonus? coloni enim agricultura derelicta fiebant cauidici: quasi dicat Poëta: Mihi non placet illud vitæ genus, quod multi sequi possunt. Ramiresius vero mihi videtur melius sic explicare hunc locum: Colonus dum colit agros, multam pecuniam congerit, nempe magnam rem facit, neque tamen improbus ille labor licet fructuosus mihi arridet. Itaque Titus frustra invitat nostrum Poëtam; mavult enim Musas colere licet steriles, quam facere rem.

## XIX.

AD TUCCAM.

QUID te, Tucca, juvat vetulo miscere Falerno  
In Vaticanis condita musta cadis?  
Quid tantum fecere boni tibi pessima vina?  
Aut quid fecerunt optima vina mali?  
De nobis facile est: scelus est jugulare Falernum, 5  
Et dare Campano toxica sæva mero.

*O Tucca, quid te delectat infundere veteri Falerno musta recondita in cadis Vaticanis? quonam tanto beneficio te devinxit vinum vilissimum? aut quo malo te affecit vinum pretiosissimum? Facile est nos jugulare. Falernum vero nefas,*

6 Pulmannus aliique legunt, *toxica vina cado.*

## NOTÆ

2 *In Vaticanis*] Vinum Vaticanum est vappa. Vide lib. vi. Epig. 92. lib. x. Epig. 45. lib. xii. Epig. 48. 5 *De nobis*] Hoc est, Jugulare nos convivas res est levis momenti, at scelus est occidere vinum quod per



Convivæ meruere tui fortasse perire:  
Amphora non meruit tam pretiosa mori.

*et miscere venenum crudele vino Campaniæ. Tui convivæ forte digni sunt morte, lagena adeo exquisita non merita est perire.*

## NOTÆ

metaphoram vivere dicitur. De Fa- liquidorum octoginta libras Romanas  
lerno nobili Campaniæ vino dicemus continens, hic vero sumitur pro vase  
lib. XIII. vinario.

8 Amphora] Proprie est mensura

## XX.

## AD ÆLIAM.

SI memini, fuerant tibi quatuor, Ælia, dentes:  
Exspuit una duos tussis, et una duos.  
Jam segura potes totis tussire diebus;  
Nil istic, quod agat, tertia tussis habet.

*Ælia, si recordor, habueras quatuor dentes: una tussis exscreavit duos, altera duos. Tuta jam potes tussire per totum diem; nihil superest tertiæ tussi quod faciat istic.*

2 Expulit codex Bodleianus.—4 Nil tibi quod tollat legit Pulmannus.

## NOTÆ

4 Nil istic] Quia nulli supersunt Nil tibi quod tollat.  
dentes. Vide lib. III. Epig. 92. Alii,

## XXI.

## AD CÆCILIANUM.

DIC mihi, quis furor est? turba spectante vocata,  
Solutus boletos, Cæciliane, voras.  
Quid dignum tanto tibi ventre, gulaque precabor?  
Boletum, qualem Claudius edit, edas.

*Rogo te, quæ insania est? o Cæciliane, tu unus deglutis boletos convivis invitatis aspicientibus. Quid tibi precabor conveniens tanto abdomini, et helluationi? comedas boletum, qualem comedit Claudius.*

3 Junt. an. 1512. habet: Quid dignum tanto ventrique gulæque precabor? et

## NOTÆ

4 Qualem Claudius] Boletus fungus argento præfert Epig. 48. lib. XIII.  
est optimi saporis, quem auro atque Agrippina vero Claudium Cæsarem

sic legunt Gruterus et Scriverius. Codex Bodleianus exhibet: *Quid dignum tanto venerique gulaque precabor?*

## NOTÆ

maritum boleto venenato extinxit. mino: sed quales Claudius edit  
 Juven. Sat. v. 'Vilibus ancipites Ante illum uxoris, post quem nil am-  
 fungi ponentur amicis, Boletus do- plius edit.'

## XXII.

## DE PORSENA ET MUCIO SCÆVOLA.

CUM peteret regem decepta satellite dextra,  
 Ingessit sacris se peritura focis.  
 Sed tam sæva pius miracula non tulit hostis,  
 Et raptum flammis jussit abire virum.  
 Urere quam potuit contemto Mucius igne, 5  
 Hanc spectare manum Porsena non potuit.  
 Major deceptæ fama est et gloria dextræ:  
 Si non errasset, fecerat illa minus.

*Dum manus invaderet regem decepta a stipatore peritura immisit se in ignes sacros; sed hostis pietate motus non passus est prodigium adeo ferox, atque imperavit dimitti virum ab igne ereptum. Porsena non potuit aspicere hanc dexteram, quam cremare potuit Mucius flammis despectis. Laus dexteræ errantis et honor major est. Illa minus peregisset, nisi aberrasset.*

1 *Dum peteret* Ald. Junt. Gryph. Colin. Pulm. Jun. aliæque vett.—2 *Injecit* in iisdem.

## NOTÆ

1 *Cum peteret*] Hæc historia Porsenæ et Mucii Scævolaë satis nota est ex Livio.

*Satellite*] Quem percussit Mucius, regem illum existimans.

8 *Si non errasset*] Majorem quippe laudem consecutus est Mucius, cum amissa manu hostem vicit, quam si armata occidisset.

## XXIII.

## DE LEONE ET LEPORE.

QUID nunc sæva fugis placidi lepus ora leonis?  
 Frangere tam parvas non didicere feras.

*O lepus, quid nunc vitas ora fera leonis benigni? non consueverunt rumpere*

1 *Quid non sæva* in nonnullis exemplaribus; non male, inquit Pulmannus propter *placidi* quod sequitur; utraque tamen lectio probari potest. Gro-

Servantur magnis isti cervicibus ungues,  
 Nec gaudet tenui sanguine tanta sitis.  
 Præda canum lepus est, vastos non implet hiatus : 5  
 Non timeat Dacus Cæsaris arma puer.

*feras tam exiguas. Isti ungues servantur magnis capitibus, nec tanta sitis lætatur modico sanguine. Lepus est præda canum, non replet hiatus latos. Dacus puer non metuat arma Cæsaris.*

novio, ut et Dousæ, non sæva vera lectio videtur; Grutero et Scriverio non item. Mira ἐπέργεια inest τῷ nunc; quasi dicat: Quid nunc timidus fugis ora leonis; qui nunquam alias timendi causam habes? non solet enim leo istiusmodi vilem prædam venari. Ita nunc cum emphasi interdum pronuntiantum. Cf. Spectac. Ep. VIII. et Ovid. Trist. IV. 1. 93.

## NOTÆ

3 *Magnis cervicibus*] Taurorum puerorum, cervorum, aprorum, &c. Vide Epig. 7. et 15. supra. quasi dicat, in hostes debiles non sævit Cæsar. Dacia comprehendit hodie Transylvaniam, Moldaviam, et Walachiam.

6 *Dacus puer*] Hoc est, hostis imbellis, nam Dacos domuit Domitianus:

## XXIV.

## AD COTTAM.

INVITAS nullum, nisi cum quo, Cotta, lavaris,  
 Et dant convivam balnea sola tibi.  
 Mirabar, quare nunquam me, Cotta, vocasses :  
 Jam scio, me nudum displicuisse tibi.

In hoc Epigrammate exhibendo nullo modo variant codd. et impressi.

## NOTÆ

1 *Invitas nullum*] Sub persona Cottæ carpit effœminatos et molles homines, qui in balneis bene mutoniatos subnotabant, quos inde ad convivia, a conviviis vero ad lectum deduce-

rent.

4 *Jam scio*] Quippe mutonis mensura tibi non placuit. Lib. III. Epig. 51. et 73. et lib. VII. Epig. 54.



## XXV.

AD DECIANUM.

ASPICIS incomtis illum, Deciane, capillis,  
 Cujus et ipse times triste supercilium;  
 Qui loquitur Curios, assertoresque Camillos?  
 Nolito fronti credere, nupsit heri.

O Deciane, illum intueris crinibus incultis, cujus et ipse vereris supercilium severum; qui prædicat Curios et Camillos liberatores? ne credas tristitiæ frontis, nupsit heri.

1 *Adspicis incomptis Hillum* in quibusdam libris; in aliis *Illum*.—3 *Pro Curios Pulmannus* legit *Varos*; sed recepta lectio magis placet.

## NOTÆ

2 *Triste supercilium*] Hoc est, gravitatem quæ in superciliis videtur. Lib. vii. Epig. 57. est huic simile. probis his viris. Juven. Sat. ii. 'Qui Curios simulant, et Bacchanalia vivunt.'

3 *Qui loquitur Curios*] Hoc est, qui grandia et severa verba profert digna 4 *Nolito fronti*] Sic Juven. ibidem: 'Fronti nulla fides.'

## XXVI.

AD FAUSTINUM.

EDE tuos tandem populo, Faustine, libellos,  
 Et cultum docto pectore profer opus:  
 Quod nec Cecropiæ damnent Pandionis arces,  
 Nec sileant nostri prætereantque senes.  
 Ante fores stantem dubitas admittere famam, 5  
 Teque piget curæ præmia ferre tuæ?

O Faustine, tandem profer in lucem tuos libros, et prome opus elaboratum perito ingenio: quod urbs Cecropis et Pandionis non improbet, nec quod senes nostri taceant aut prætermittant. Hæresne famam excipere consistentem ante januam,

Hic exemplaria scripta et excusa non variant.

## NOTÆ

2 *Et cultum*] Pectus sumitur pro ingenio. strat olivæ usum, condit arcem, et urbem Athenas. Pandion quoque

3 *Cecropiæ*] Cecrops gente Ægyptius migrat cum colonis in Atticam, Actæi regis affinitatem, et regni successionem virtute promeretur; mon- regnavit Athenis. *Reineccius de familiis*.

4 *Prætereantque*] Candidati præteriti dicebantur, qui nullum suffia-

Post te victuræ, per te quoque vivere chartæ  
Incipiant : cineri gloria sera venit.

*et tædet te reportare mercedem tuorum studiorum? Libri tui post te vita fruituri, per te etiam exordiantur frui vita : honor tardus consequitur mortem.*

## NOTÆ

gium tulissent. Poëta ergo intelligitur Faustinum, ut vivens et sentiens opus Græcis et Latinis laudandum. sua fruatur fama et gloria. Vide 8 *Cineri gloria*] His verbis hortatur Epig. 2. supra.

## XXVII.

## AD SEXTILIANUM.

SEXTILIANE, bibis quantum subsellia quinque

Solus : aqua toties ebrius esse potes.

Nec consessorum vicina numismata tantum,

Æra sed a cuneis ulteriora, petis.

Non hæc Pelignis agitur vindemia prælis ;

5

Uva nec in Tuscis nascitur ista jugis :

Testa sed antiqui felix siccatur Opimî,

Egerit et nigros Massica cella cados.

A caupone tibi fæx Laletana petatur,

Si plus quam decies, Sextiliane, bibis.

10

*Sextiliane, tu solus potas tantum, quantum quinque Equites : temulentus esse potes hausta toties aqua. Nec rogas solummodo nummos ab iis qui tibi assident, sed pecuniam poscis a multitudine procul distante. Hæc vindemia non premitur prælis Pelignis, nec racemus ille crescit in collibus Tuscis. Sed exhauritur pretiosa amphora veteris Opimiani, et nigri cadi vini Massici extrahuntur ex cavea. Sextiliane, si potas plusquam decies, a caupone pete fæcem Laletanam.*

2 Musamber. legit cum interrogatione : aqua toties ebrius esse potes?—3 *Nec concessorum* in ed. Plantiniana, i. e. vel a rege convivii, vel a principe : Junt. an. 1512. habet *confessorum*, errore manifesto.—4 Pro *petis* Pulmannus legit *bibis* ; alii, *a cunctis ulteriora petis*.—5 In quibusdam *p<sup>r</sup>emittitur vindemia prælis*, i. e. *premitur* ; male, propter alliterationem.—9 Quidam legunt *Lacetana*.

## NOTÆ

1 *Subsellia quinque*] Hoc est, quantum quinque Equites qui subsellia in quatuordecim ordinibus occupabant. Est Synecdoche. De Sextiliano jam dictum Epig. 12. supra. Vide lib. v. Epig. 8. ‘Edictum Domini Deique nostri, Quo subsellia certiora fiunt

Et puros eques ordines recepit.’

2 *Aqua toties*] Hyperbole est.

4 *Cuneis*] Pro caterva hominum sumitur, qui in formam cunei sedebant.

5 *Non hæc*] Neque Sextilianus bibit vilia vina Peligna aut Tusca, sed

## NOTÆ

Opimiana et Massica, de quibus lib. XIII.

9 *Fæx Laletana*] Hoc est, vinum turbidum. Lib. VII. Epig. 53. 'Et Laletanæ nigra lagena sapæ.' Lale-

tania autem regio est Hispaniæ non procul a Tarracone.

10 *Si plus quam*] Vide Lipsium in suo Convivio Antiq. lib. III. ubi ait: 'Decem cyathi summa potio sunt.'

## XXVIII.

## AD PROCILLUM.

HESTERNA tibi nocte dixeramus,  
Quincunces, puto, post decem peractos,  
Cœnares hodie, Procille, mecum.  
Tu factam tibi rem statim putasti,  
Et non sobria verba subnotasti,  
Exemplo nimium periculoso.

5

Μισῶ μνήμονα συμπότην, Procille.

*Procille, hesternæ nocte te invitaveram, opinor, post decem quincunces exhaustos, ut cœnares hodie mecum. Tu statim existimasti tibi provenisse lucrum, et memoria retinuisti sermones vinolentos exemplo nimis damnoso. O Procille, odi memorem comptorem.*



7 In ed. Junt. et aliis vett. Μισῶ μνάμονα συμπότην πρόκιλλε. Heraldus malit μνάμονα συμπόταν· vide Lucian. in Symposio, et Plutarchi. Quæst. Sympos. lib. I. cap. 1.

## NOTÆ

2 *Post decem*] Quincunx est poculum quinque cyathorum. Rem facere significat multum lucrari. Horat. 'Isne tibi melius suadet, qui ut rem facias, rem Si possis recte, si non, quocumque modo rem.' Odio

autem habebat Procillum, qui memoria teneret verba quæ per jocum proferrent ebrii. Raderus copiose describit mensuras antiquorum hoc loco, &c.

## XXIX.

## DE ACERRA.

HESTERNO foetere mero qui credit Acerram,  
Fallitur: in lucem semper Acerra bibit.

*Hallucinatur qui existimat Acerram male olere vino hesterno, Acerra potat semper ad diem usque.*



Nihil in hoc Epigrammate variant exemplaria.



## NOTÆ

2 *In lucem*] Ita ut vinum recens crapula appellabatur, quam ne nox haustum semper redoleat. Hesterna quidem concoquere potuerat.

## XXX.

## AD FIDENTINUM.

FAMA refert nostros te, Fidentine, libellos  
 Non aliter populo, quam recitare tuos.  
 Si mea vis dici; gratis tibi carmina mittam.  
 Si dici tua vis; hæc eme, ne mea sint.

*Fidentine, rumor est, te populo recitare meos libros tanquam tuos. Gratuito ad te mittam versus, si vis ut existimentur mei: verum si cupis ut habeantur tui, hos tibi compara, ne pertineant ad me.*

Nec in hoc quicquam variant aut manuscripti aut libri impressi. Sed male interpungitur in ed. Langii: *Si dici tua; vis, hæc eme, &c.*

## NOTÆ

4 *Ne mea sint*] Lege lib. II. Epig. jure tuum.  
 20. 'Nam quod emas possis dicere

## XXXI.

## DE DIAULO MEDICO.

CHIRURGUS fuerat, nunc est vespillo Diaulus.  
 Cœpit, quo poterat, clinicus esse modo.

*Diaulus exercuerat chirurgiam, nunc vero est vespillo: clinicus esse incipit ea ratione qua valebat.*

2 In omnibus codd. et edd. vett. *Cœpit, quod poterat.* Lectio nostra debetur Lipsio, Epist. Quæst. I. 5.

## NOTÆ

2 *Clinicus*] Clinici medici erant clinicum quam efferendo cadavera, ut dicti, ἀπὸ τῆς κλίνης hoc est, a lecto, indicet Diaulum factum esse vespillonem, qui efferret cadavera, et sic quod ægrotos lecto jacentes viserent clinicus posset appellari: nam in curarentque. Jocans Martialis ait ex κλίvais efferebantur mortui. chirurgo Diaulum esse factum clinicum; sed non potuisse aliter esse

## XXXII.

## DE ENCOLPO.

Hos tibi, Phœbe, vovet totos a vertice crines  
 Encolpus, domini centurionis amor:  
 Grata Pudens meriti tulerit cum præmia pili,  
 Quam primum longas, Phœbe, recide comas.  
 Dum nulla teneri sordent lanugine vultus,  
 Dumque decent fusæ lactea colla jubæ:  
 Utque tuis longum, dominusque, puerque fruatur  
 Muneribus, tonsum fac cito, sero virum.

5

*O Apollo, Encolpus, deliciæ centurionis sui heri, tibi consecrat omnes capillos capitis. Cum Pudens reportaverit jucundam mercedem pili debiti, statim, Phœbe, rescinde longos crines. Dum molles genæ nondum squalent barba recenti, et dum capilli sparsi ornant cervicem roseam: effice ut Encolpus celeriter tondeatur: tarde tamen vir fiat, ut herus et servus diu potiantur tuis donis.*

1 D'Orleans legit *tortos*, quia calamistrati illi capilli et retorti. Aliquando putabam *tonsos* esse legendum, et sic tandem reperio in margine Junt. me penes, hoc modo, *tōsos*.—6 Sunt qui hoc loco legant, *fusæ lactea colla comæ*.—7 Pro *fruatur* Pulmannus habet *fruantur*.

## NOTÆ

3 *Præmia pili*] Hoc est, ubi primum Pudens meus dominus fuerit factus primipilus, sen primus primæ cohortis centurio: moris vero erat apud antiquos comas et primam barbam Phœbo consecrare.  
 8 *Fac cito*] Ut Pudens fiat primipilus.  
*Sero virum*] Id est, sero adultum.

## XXXIII.

## AD SABIDIUM.

NON amo te, Sabidi, nec possum dicere quare:  
 Hoc tantum possum dicere, non amo te.

*O Sabidi, non diligo te, nec valeo reddere rationem: hoc unum dicere valeo, Non diligo te.*

*Ad Savidium* in ed. Pulmanni.—1 *Non amo te Savidii* idem Pulmannus.

## NOTÆ

1 *Nec possum*] Vel quod tota Sabidii natura, vultus, mores Martiali displicerent, vel forte aliquod summum esse in Sabidio flagitium intelligit, quod nominare non audeat. Alii, *Savidium*.

## XXXIV.

## DE GELLIA.

AMISSUM non flet, cum sola est Gellia, patrem ;  
 Si quis adest, jussæ prosiliunt lacrymæ.  
 Non dolet hic, quisquis laudari, Gellia, quærit ;  
 Ille dolet vere, qui sine teste dolet.

*Cum Gellia est sola, non luget parentem mortuum: si quis astat, imperatæ lacrymæ prorumpunt. O Gellia, quisquis captat plausum, hic non mæret: is vero luget, qui mæret sine teste.*

3 In edd. vett. Ald. Junt. Colin. Gryph. aliis: *Non luget, quisquis*; et sic legit Scriverius. *Sic luget, quisquis* in codice Bodl.

## NOTÆ

2 *Jussæ*] Fletum juxta ac risum crymis, semperque paratis In statione semper paratum habet fœmina. Ju- sua, atque expectantibus illam Quo ven. Sat. VI. 'Uberibus semper la- jubeat manare modo.'

## XXXV.

## AD LESBIAM.

INCUSTODITIS et apertis, Lesbia, semper  
 Liminibus peccas, nec tua furta tegis:  
 Et plus spectator, quam te delectat adulter;  
 Nec sunt grata tibi gaudia, si qua latent.  
 At meretrix abigit testem veloque seraque:  
 Raraque Summœni fornice rima patet.

5

*O Lesbia, peccas patentibus nec custoditis foribus, nec abscondis tua stupra: spectator te afficit majori voluptate quam adulter; si qua delitescit oblectatio, non est jucunda tibi. At scorta expellunt testem opponendo velamina et obices: vix ulla fissura patescit in lupanari, si recordor. Saltem accipe documentum verecundiæ*

2 Pulmannus legendum censet *facta*, sed minus apposite. Vide Tibull. I. 2. 34.—6 *Raraque*, si memini in edd. vett. *Summœni*, pro *Summœnii*, jam-

## NOTÆ

1 *Incustoditis*] Hoc est, sine janitore qui custodiat januam. Ovid. Amor. III. 13. 'Ignoto meretrix corpus junctura Quiriti Opposita populum summovet ante sera.'

6 *Summœni* [*si memini*] Alii legunt *Summœni*, id est, lupanarium in Summœnio; namque illic habitabant meretrices, unde dicebantur uxores Summœnianæ. *Farnab.*

*Delph. et Var. Clas.*

*Martial.*

F



A Chione saltem, vel ab Helide disce pudorem :

Abscondunt spurcas hæc monumenta lupas.

Numquid dura tibi nimium censura videtur ?

Deprendi veto te, Lesbia, non futui.

10

*a Chione, vel Helide : hæc monumenta tegunt turpia prostibula. An reprehensio asperior tibi videtur? Prohibeo ne deprehendaris, o Lesbia, non . . . . .*

~~~~~  
 pridem correxerunt viri docti : aliis placet ut sit ablativus adjective.—7 In quibusdam vett. *vel alaudæ* ; in aliis, *vel ab Laide* : legitur etiam, *vel ab Iade* : Beverlandi Ms. *vel ab Hellade*. Vide Inscript. Sicul. p. 69.—8 Nonnulli libri habent, *et monumenta*, et sic legendum putat Heraldus.—10 *Deprendi vero* Schrevelius an. 1656. et 1671.

NOTÆ

7 *A Chione vel Helide*] Notissima nempe erant illius temporis scorta.

8 *Abscondunt*] Has meretrices bus-tuarias mœchas appellat lib. III. Epig. 93. quæ scil. extra urbem ad monu-

menta mancipiis vilissimis prostituebantur.

10 *Deprendi*] Hoc verbum solenne est de iis qui in aliquo crimine et re turpi inveniuntur.

XXXVI.

AD CORNELIUM.

VERSUS scribere me parum severos,
 Nec quos prælegat in schola magister,
 Corneli, quereris : sed hi libelli,
 Tanquam conjugibus suis mariti,
 Non possunt sine mentula placere.
 Quid si me jubeas Thalassionem

5

O Corneli, expostulas a me componi carmina parum gravia, nec quæ dictet præceptor in schola : at hi libri nequeunt probari sine aculeo, veluti mariti suis uxoribus. Quid si me cogas celebrare Thalassionem vocibus non convenientibus Thalassioni?

~~~~~  
 2 *Nec quos perlegat* in omnibus codd. et edd. vett. Sic lib. VIII. Epig. 3. olim legebatur *perlegat*, pro *prælegat*.—3 Junt. an. 1512. habet, *sed ii libelli*.

## NOTÆ

2 *Prælegat* [*perlegat*] Cum enim versus quidam sint obscæni, non omnia Epigrammata leguntur in schola. Alii *prælegat*.

6 *Thalassionem*] Sic dictus est a Romanis Dens qui præest nuptiis ; a Græcis Hymenæus nuncupatus ; cuius laudes versu lascivo celebrari sole-

bant. Itaque ineptus videretur, qui Thalassionem verbis honestis celebrari juberet : eodem modo ineptus est ille, qui vult Epigrammata scribi verbis non lascivis ; Epigrammata enim amant verba lasciva, aperta, et dominantia.

Verbis dicere non Thalassionis ?  
 Quis Floralia vestit, et stolatum  
 Permittit meretricibus pudorem ?  
 Lex hæc carminibus data est jocosis ; 10  
 Ne possint, nisi pruriant, juvare.  
 Quare deposita severitate,  
 Parcas lusibus et jocis, rogamus :  
 Nec castrare velis meos libellos.  
 Gallo turpius est nihil Priapo. 15

*Quis induit ludos Florales, et concedit scortis verecundiam stolatam? Hoc jus concessum est versibus festivis, ut nequeant placere nisi titillent. Quapropter petimus ut austeritate abjecta veniam des ludis et facetiis: nec exseces meos libros. Nihil fædius est Priapo Gallo.*

—11 *Nec possunt uterque Palat. et sic etiam legit Ramires de Prado.*—  
 13 *Parces Junt.*—15 *Gallo turpius nihil est idem Ramires, contra leges poëticas.*

## NOTÆ

8 *Quis Floralia]* Nudæ meretrices ces.  
 celebrabant Floralia. Vide Epig. 1. 15 *Gallo Priapo]* Hoc est, castrato  
 supra. Priapo : nam castrati sacerdotes Cy-  
*Stolatum]* Pro stola pudica matro- beles vocabantur Galli.  
 narum, qua uti vetabantur meretri-

## XXXVII.

AD LUCANUM ET TULLUM.

Si, Lucane, tibi, vel si tibi, Tulle, darentur,  
 Qualia Ledæi fata Lacones habent ;  
 Nobilis hæc esset pietatis rixa duobus,  
 Quod pro fratre mori vellet uterque prior.  
 Diceret infernas et qui prior isset ad umbras, 5  
 Vive tuo, frater, tempore, vive meo.

*Si tibi, Tulle, vel tibi, Lucane, sors ea concederetur, qua utuntur Ledæi fratres ; ambobus hæc esset præclara contentio pietatis, quod uterque cuperet prior interire pro fratre. Qui primus descendisset ad tenebras Tartareas, exclamaret, O frater, age tuum ævum, age quoque meum.*

5 Venet. Ald. Junt. Colin. et aliæ vett. *si quis prior.*

## NOTÆ

1 *Si, Lucane]* Vide lib. III. Epig. Vide lib. IX. Epig. 52.  
 20. Domitii Tulli mentionem facit 2 *Ledæi Lacones]* Castor et Pollux,  
 Plinius Junior lib. VIII. Epist. 18. filii Jovis et Ledæ, quæ Lacæna fuit :

## NOTÆ

Pollux autem fratri mortuo dimidiam 6 *Vive tuo*] Hoc est, in tenebris vitam concessit, ut alternis diebus semper manebo, ut tu luce semper viverent. Hæc historia satis nota est. fruaris.  
Vide lib. ix. Epig. 104.

## XXXVIII.

AD BASSAM.

VENTRIS onus misero, nec te pudet, excipis auro,  
Bassa: bibis vitro: carius ergo cacas.

*O Bassa, demittis pondus uteri in miserum vas aureum, nec erubescis: potas vitreo poculo: igitur majori pretio exoneras alvum.*

~~~~~

Inscriptio est in cod. Thuan. *Ad Bassum*.—2 Idem codex exhibet: *Basse: bibis, &c.*

NOTÆ

1 *Misero auro*] Quia stercorei serviebat. Vide lib. xi. Epig. 12.

XXXIX.

AD FIDENTINUM.

QUEM recitas, meus est, o Fidentine, libellus:
Sed male cum recitas, incipit esse tuus.

Fidentine, meus est ille liber, quem recitas: at cum recitas male, incipit pertinere ad te.

~~~~~

In hoc Epigrammate nil variant exemplaria scripta aut excusa.

## NOTÆ

2 *Sed male*] Versus enim, licet boni, agit adhuc Epig. 54. infra, et Epig.  
si male pronuntientur, mali videbun- 30. supra.  
tur. De Fidentino vilioris notæ Poëta

## XL.

AD DECIANUM.

Si quis erit, raros inter numerandus amicos,  
Quales prisca fides, fama que novit anus:

*Si quis erit recensendus inter amicos raros, quales vidit antiqua fides, et fama ve-*

~~~~~

2 In Venet. Ald. Junt. Colin. Gryph. Palm. et aliis vett. *fama que novit*

Si quis Cecropiæ madidus Latiaëque Minervæ
 Artibus, et vera simplicitate bonus :
 Si quis erit recti custos, mirator honesti,
 Et nihil arcano qui roget ore Deos :
 Si quis erit magnæ subnixus robore mentis,
 Dispeream, si non hic Decianus erit.

5

tus: si quis imbutus artibus Minervæ Atheniensis et Latinæ, et probus candore vero: si quis observator æquitatis, et honestatis æmulator fuerit, et qui clanculum nihil petat a Diis: si quis erit fultus viribus animi fortis, inteream, nisi hic erit Decianus.

avos. Vide Catull. Carm. LXVIII. 45.—5 In iisdem edd. et multis aliis, imitator honesti. Lect. nostram servant Thuan. et optimi quique codices, eamque probat Gronovius.—8 Ne valeam, si non in marg. Junt. ap. Ed.

NOTÆ

2 *Anus*] Id est, fama vetusta: nam τὸ *quales* ad præcedens nomen *amicos* optime referri potest. Catullus ita est locutus ad Manlium Carm. LXVIII. ‘Sed dicam vobis: vos porro dicite multis Millibus, et facite hæc charta loquatur anus.’ Vide lib. XII. Epig. 4. ‘fama fuisse loquax, chartaque dicet anus.’ Alii, *famaque novit avos*. Id est, priscos, qui propter fidem et probitatem laudibus ornantur.

3 *Si quis Cecropiæ*] Id est, Græcis et Latinis literis eruditus. Vide Epig. 26. supra.

6 *Arcano ore*] Nam qui clam Deos precabantur, improba vota facere censebantur. In quos Persius invehitur, Sat. II. ‘Haud cuivis promptum est, murmurque humilesque surros Tollere de templis, et aperto vivere voto.’

XLI.

AD LIVIDUM.

QUI ducis vultus, et non legis ista libenter,
 Omnibus invidias, Livide, nemo tibi.

O Invide, qui contrahis frontem, nec æquo animo legis ista, invidia labores in omnes, in te vero nullus.

1 *Qui rugas vultus* in marg. Junt. penes Editorem.—2 Ramires de Prado legit *livide*, litera minori; cum hac nota: Male in Plantinianis hic κυριακῶς scribitur litera majuscula: est enim mobile nomen. In Lemmate melius legeretur, *In lividum*.

NOTÆ

2 *Nemo tibi*] Ille enim omnium miserrimus est, cui nemo invidet.

XLII.

IN CÆCILIIUM.

URBANUS tibi, Cæcili, videris.
 Non es, crede mihi. Quid ergo? verna es.
 Hoc quod Transtiberinus ambulator,
 Qui pallentia sulfurata fractis
 Permutat vitreis: quod otiosæ 5
 Vendit qui madidum cicer coronæ:
 Quod custos dominusque viperarum:
 Quod viles pueri salariorum:
 Quod fumantia qui tomacla raucus
 Circumfert tepidis cocus popinis: 10
 Quod non optimus Urbicus Poëta:
 Quod de Gadibus improbus magister:

O Cæcili, te ipsum iudicas facetum; mihi fidem abhibe, non es. Quid igitur? scurra es, idem ac Transtiberinus ambulator, qui sulfurata pallida commutat vitreis vasis ruptis: idem ac qui venumdat humidum cicer conventui inertis: idem ac custos et dominus viperarum: idem ac servi abjecti Salariorum: idem ac raucus cocus qui circumportat tomacula fumantia popinis calidis: idem ac Poëta Urbicus non egregius: idem ac herus nequam ex Gadibus: idem ac garrulum os cinædi exoleti.

3 Junt. an. 1512. et Colin. 1528. transtiberinus.—10 Circumfert Junt.—12 Ramires de Prado malit improbis, ut lib. v. Epig. 79. Juv. Sat. xi. 162.

NOTÆ

2 Verna] Servus nempe qui dominatus est ex ancilla, sumitur hic pro scurra impudenti et procaci.

3 Hoc quod] Nempe hoc es quod est ille, &c.

Ambulator] Viliores personæ trans Tiberim habitabant.

4 Sulfurata] Gallice *allumettes*, quæ vitreis fragmentis commutari solere docet etiam Juvenalis Sat. v. 'Siccabis calicem nasorum quatuor, ac jam Quassatum, et rupto poscentem sulfura vitro.' Et lib. x. Epig. 3. 'Quæ sulfurato nolit emta ramento Vatiniarum proxeneta fractorum.'

5 Quod otiosæ] Plebeculam intel-

lige in theatro vel circo otiose sedentem ad spectandum.

6 Madidum cicer] Hoc est, crudum et aqua maceratum.

7 Quod custos] Id est, circulator medicus, qui vipersas brachiis et collo implicitas gestat: ejusmodi vero homines erant procaces, et dicteria scurrilia in quemvis jaciebant.

8 Salariorum] Salarium dicuntur qui salsamenta vendunt.

9 Tomacula] Nomen habent a frequenti incisione; nam *τέμνω* significat incido: ex porcorum abdomine, testiculis, et vulvis fiebant.

11 Non optimus Urbicus] Id est, Exodiorum et Attellanarum scrip-

Quod bucca est vetuli loquax cinædi.
 Quare desine jam tibi videri,
 Quod soli tibi, Cæcili, videris : 15
 Qui Galbam salibus tuis, et ipsum
 Possis vincere Sextium Caballum.
 Non cuicumque datum est habere nasum.
 Ludit qui stolidi procacitate,
 Non est Sextius ille, sed caballus. 20

Quapropter, o Cæcili, omitte de te judicare, quod judicas solus: tu qui posses tuis facetiis superare Galbam, et ipsum Sextium Caballum. Non est concessum cuique habere narem. Qui jocatur stulta petulantia, is non est Sextius, sed caballus.

—13 Alii legunt, *dicax cinædi*: Junt. Colin. aliæ vett. habent, *loquax Cynædi*.
 —16 D'Orleans legit *Gabam*.—18 *Non cuique datum est* Ramires de Prado, contra leges poëticas: nil mirum, cum tam felix Poëta est, et, ut Sidonius diceret, Carminator, ut unum Prudentii versum sic legerit: 'Quos lana terret discolor in stipite.'—19 Post *Ludit* interpungunt Ald. Junt. et Colin.
 —20 Sunt qui legant *Cestius*, corruptum ex *Sestius*, ut alii legunt ἀρχαϊκῶς pro *Sextius*.

NOTÆ

tor: erant autem hæ Attellanæ fabulæ urbanissimis jocis refertæ, quo risus excitaretur; et ideo auctores earum dicebantur Urbici, quasi urbani. Poëta hoc loco non absolute dicit Cæcilium assimilari Urbico Poëtæ, sed non optimo: ut hodieque videmus apud nostrates aliqua exodia comædiarum urbanissima, et multi artificii; alia vero insulsa et ineptissima. Sic Ramiresius. Vide lib. v. Epig. 79. et lib. vi. Epig. 71.

16 *Qui Galbam*] Stolidus hic Cæ-

cilius Galbam et Sextium Caballum scurras insulsos a se superari posse existimabat. Ironicus notat Poëta Cæcili stoliditatem, qui nec scurrilitatem ab urbanitate discerneret.

18 *Habere nasum*] Hoc est, argute joculari: derisionis enim sedes est nasus. Epig. 4. supra.

20 *Seb caballus*] Non est Sextius Caballus, quem tu, o Cæcili, urbanissimum judicas; sed caballus quadupes bellua.

XLIII.

DE PORCIA UXORE BRUTI.

CONJUGIS audisset fatum cum Porcia Bruti,
 Et subtracta sibi quæreret arma dolor :

Cum Porcia accepisset mortem Bruti mariti, et cum mæror exquireret ferrum

De Portia Ald. Junt. Gryph. Colin. et aliæ vett.—1 Beverlandi Ms. fac-

Nondum scitis, ait, mortem non posse negari?

Credideram, satis hoc vos docuisse patrem.

Dixit, et ardentem avido bibit ore favillas.

5

I nunc, et ferrum, turba molesta, nega.

sibi subductum: Nondum tenetis, inquit, non posse denegari interitum? Existimaveram vos satis didicisse hoc a parente meo. Locuta est, atque ore cupido hausit scintillas accensas. O turba odiosa, ito nunc, et denega gladium.



tum.—3 Sunt qui legant conjunctim: mortem non posse negari Credideram fatis hoc docuisse, &c. quasi dicat, invitis etiam fatis mortem impediri non posse in 'homine mori certo.'

NOTÆ

1 *Porcia*] Filia Catonis Uticensis, uxor Bruti, qui pugnans contra Augustum occubuit in campis Philippiensis in Thessalia: cujus morte audita Porcia vitam finiit haustis carbonibus accensis.

4 *Vos docuisse*] Cato enim sibi mortem conscivit: illius historia nota est ex Appiano, et passim cuique obvia.

6 *I nunc*] Vox est insultantis.

XLIV.

IN MANCINUM.

Bis tibi triceni fuimus, Mancine, vocati,

Et positum est nobis nil here, præter aprum:

Non quæ de tardis servantur vitibus uvæ,

Dulcibus aut certant quæ melimela favis:

Non pyra, quæ lenta pendent religata genista,

5

Aut imitata breves punica mala rosas.

O Mancine, nos sexaginta invitasti, et heri nihil apposuisti, excepto apro. Non appositi sunt racemi qui custodiuntur ex vitibus seris, aut melimela quæ contendunt cum favis suavis: nec pyra quæ suspenduntur colligata e genista flexibili, vel mala punica exprimentia rosas breves: nec canistrum agreste misit metam lac-



4 Edd. Junt. Colin. et aliæ vett. habent *melimella*.—5 Sunt qui pro *lenta* legant *longa*; et sic in Beverlandi Ms. *Non pira quæ lenta* Ald. Junt. Gryph. Colin. aliæ.—6 Gronovius ex optima membr. Thuan. legit *punica grana*, pro-

NOTÆ

2 *Here*] *Prisce* pro *heri*.

3 *De tardis vitibus*] Propterea quod uvæ in vitibus asservabantur fere usque ad putationem vitium. Lib. III. Epig. 58. 'Hic post Novembres imminente jam bruma Seras putator

horridus refert uvas.' Nam id erat proprium vitium putandarum tempus. *Ramiresius*.

5 *Lenta*] Idem est hoc loco ac *flexibilis*.

6 *Aut imitata breves*] Non intelli-

Rustica lactantes nec misit fiscina metas,
 Nec de Picenis venit oliva cadis.
 Nudus aper; sed et hic minimus, qualisque necari
 A non armato pumilione potest. 10
 Et nihil inde datum est; tantum spectavimus omnes.
 Ponere aprum nobis sic et arena solet.
 Ponatur tibi nullus aper post talia facta:
 Sed tu ponaris, cui Charidemus, apro.

team. Nec oliva allata est ex cadis Picenis. Aper nudus, et hic quidem perexiguus appositus est, et qualis potest interfici ab inermi nano. Exinde nihil est donatum, cuncti solummodo aspeximus: atque hoc modo arena consuevit nobis exhibere aprum. Post ejusmodi commissum nullus aper apponatur tibi; sed tu apponaris apro cui Charidemus objectus fuit.

baute Heinsio ad Ovid. Met. x. 736. Punicum malum granatum est.—7 Pulmannus, *lactentes*. Cod. Beverlandi et Thuan. *fasina metas*.—14 *Caridemus* Junt. et Colin.

NOTÆ

gas punica mala brevitatem temporis imitari rosas, sed figura potius et colore. Sic Ramiresius.

7 *Metas*] Pro lacte coagulato accepta forma, ut puto, metarum; nam meta in ludis instar rotundæ columnæ surgebat, in quam speciem lac coagulatum mitti videmus. Sic Domitius. Vide lib. III. Epig. 58.

8 *Picenis*] Populi ad mare Adriaticum, ubi optimæ crescunt olivæ:

hodie *la Marche d'Ancone*.

9 *Nudus aper*] Sine aliis cibis.

12 *Ponere aprum*] Hoc est, exhibere: ponere significat etiam cibos apponere, unde lusus Poëtæ.

14 *Sed tu ponaris*] Hoc est, apponaris, aut potius objiciaris discerpendus ab eo apro, a quo dilaniatus fuit Charidemus quidam jussu Domitiani, de quo Suetonius in Domitiano.

XLV.

AD STELLAM.

LASCIVOS leporum cursus, lususque leonum,
 Quod major nobis charta, minorque gerit,

Quod charta grandior et brevior nobis refert cursus festivos leporum, et jocos leo-

Libri in hujus Epigrammatis lectione nihil variant.

NOTÆ

2 *Major minorque*] Pro quacumque charta ponitur: vel ita interpretare majorem et minorem: hoc est, si multis versibus et paucis scripsi lu-

sus leonum, et idem bis feci, potes hac repetitione lacessitis ulcisci bis apposito mihi lepore. Epig. 105. infra.

Et bis idem facimus : nimium si, Stella, videtur
Hoc tibi ; bis leporem tu quoque pone mihi.

num : atque idem bis agimus : O Stella, si judicaveris hoc nimium ; tu bis appone etiam mihi leporem.

XLVI.

DE LIBRO SUO.

EDITA ne brevibus pereat mihi charta libellis,
Dicatur potius τὸν δ' ἀπαμειβόμενος.

Ne charta a me edita pessum eat propter brevitatem librorum, potius repetatur, Huic respondens.

Nulla lectionis varietas est in exemplaribus, nisi quod Hemistichium Græcum omisit Colinæus : ut exhibet ed. Juntina vix legendum est. Magis miror utramque mendam, quam et in textu et in Notis reliquerat Farnabius, Cl. Schrevelium in omnes suas edd. (ann. 1656. 1661. 1670.) transtulisse et retinuisse ; scilicet : τὸν δ' ἀπαμειβόμενος.

NOTÆ

1 *Edita ne*] Potius quam chartarum jactura fiat propter pauca carmina, imitabor Homerum, qui sæpius idem repetit, maxime vero τὸν δ' ἀπαμειβόμενος, quod Virgilius interpretatus est, 'Quem contra.'

XLVII.

AD HEDYLUM.

CUM dicis propero, fac si facis, Hedyle, languet
Protinus, et cessat debilitata Venus.

Inscribitur in Venet. Ald. Junt. Gryph. Colin. Pulm. Junian. Delph. aliis, *Ad Ædillum* : aliæ habent *Ad Ædillum*, (vel *Hedylam*), quod verum esse contendit Ramires de Prado, contra nitentibus Grutero, Gronovio, Scriverio.— 1 *Hedyle*, vel *Ædile*, vult Petrus Scriverius, hic et v. 4. *Hedyla* Farnabius.

NOTÆ

1 *Cum dicis propero, &c.*] Omnino venire ad interdictum. Mei si arbitrii res sit, in talibus Epigrammatis, quorum res vel materia non potest tangi, nisi violetur pudor, tantum notari velim quæ ad Latinitatem et eruditionem pertinent. Veluti hic. *Fac si facis*] Formula elegans, et vox impatientiæ adversus lentos in opere quocumque. Seneca de Be-

Expectare jube : velocius ibo retentus.

Hedyle, si properas, dic mihi, ne properem.

NOTÆ

neficiis lib. II. cap. 5. 'Inde illæ voces quas ingenuus dolor exprimit: Fac si quid facis: et, Nihil est tanti: Male mihi jam neges: ubi in tædium adductus animus incipit beneficium odisse, dum expectat.' Gron. Hedyle] Ita scribendum bene docuerunt Gruterus et Scriverius. Est enim Ἡδύλος, quo nomine Poëta Epigrammatum scriptor bis laudatur ab Athenæo. Apud Martialem est mollis ac Pathici nomen fictum, ut hic et lib. IX. Epig. 57. Idem. Hedyle, languet Protinus] Hedyle, vel Ædile, legendum vult P. S. non esse se stupidum, qui ad Veneris metam blan-

dis verbis instigetur; verum equum satis sua sponte currentem, nisi intempestive interpelletur. Gruterus, hic Metamorphosin quandam se gloriatur effecisse, non consulto Mercurio aut Venere, et ex fœmina virum exhibuisse nobis, sed cinædum: nam 'Ædilus' pro cinædo taxatur lib. IV. Epig. 52.

3 Velocius ibo retentus] Ovidius Met. III. 'Sic ego torrentem, qua nil obstabat eunti, Lenius et modico strepitu decurrere vidi: At quacunque trabes obstructaque saxa tenebant, Spumeus et fervens et ab obice sævior ibat.' Gronov.

XLVIII.

DE DIAULO MEDICO.

NUPER erat medicus, nunc est vespillo Diaulus:

Quod vespillo facit, fecerat et medicus.

Diaulus erat medicus paucis ante diebus, nunc vero est vespillo: quod agit vespillo, hoc quoque egerat medicus.

In hoc Epigrammate nullo modo variant exemplaria scripta, aut libri impressi. Hic tamen in Junt. an. 1512. et Colin. 1528. sequuntur quadraginta quatuor ex lib. II. Epigrammata; quorum primum est 'De littoribus Altini.'

NOTÆ

2 Quod vespillo] Hoc est, cum esset medicus nempe imperitus efferebat ægrotos, hoc est, occidebat, ut

nunc factus vespillo effert mortuos. Vide Epig. 31. supra.

XLIX.

DE LEONE ET LEPORE.

RICTIBUS his tauros non eripuerunt magistri,

Per quos præda fugax itque reditque lepus:

Domitores leonum non liberarunt tauros ex iis rictibus, per quos lepus præda

Quodque magis mirum, velocior exit ab hoste,
Nec nihil a tanta nobilitate refert.

Tutior in sola non est cum currit arena,
Nec caveæ tanta conditur ille fide.

5

Si vitare canum morsus, lepus improbe, quæris ;
Ad quæ confugas, ora leonis habes.

fugitiva vadit et revertitur. Et quod magis stupendum, celerius egreditur ab adversario, et reportat aliquid ex tanta magnanimitate. Non est securior cum currit in arena deserta, nec tanta securitate occultatur in cavea. O lepus lascive, si vis declinare morsus canum ; ora leonis tibi præsto sunt ad quæ perfugas.

2 Per quos præda furax Junt. et Colin.—4 Cum nil a tanta nobilitate refert in quibusdam vett. *mobilitate* legendum autumat Scriverius : perperam, inquit Ant. de Rooy ; ‘nobilitas’ eleganter ponitur pro ‘leone nobili:’ vide infra ad lib. v. Epigr. 32. consule porro Cel. Cannegiet. ad Avian. Fab. xxiv. 2. Contra ‘ignobiles feræ’ dicuntur, quæ non adeo generosæ ac fortes. Curt. lib. III. cap. 8.—5 *Tutior in sole* Junt.

NOTÆ

4 *Nec nihil*] Hoc est, aliquid, vires scil. atque animos accipit a leonis fortitudine. Alii legunt: *Cum nihil a tanta mobilitate refert*: nihil vulneris scil. accipit in tanto cursu et re-

cursu, ingressu et egressu. Minus bene. Vide Epig. 7. supra.

5 *Sola arena*] In qua non sunt feræ.

L.

AD LICINIANUM,* DE HISPANIÆ LOCIS.

VIR Celtiberis non tacende gentibus,
Nostræque laus Hispaniæ,
Videbis altam, Liciane, Bilbilim,
Equis et armis nobilem,

O *Liciane*, vir celebrande Celtiberis populis, et decus nostræ Hispaniæ, spectabis excelsam *Bilbilim* equis et armis claram, et *Caunum* infæcundum nivibus, montibus

Ad Licianum de Hispaniæ locis Junt. an. 1512. *Ad Lycianū*, &c. Colin. 1528. Vide Turneb. lib. xxiii. cap. 24. Ramiresius censet sic Lemma emendandum esse: *Ad Licinianum de Vita Rustica*: illud enim, *de Hispaniæ locis*, ab aliquo sciolo additum.—3 *Liciniane* in quibusdam.—4 *Aquis et armis* omnino

NOTÆ

* *Ad Licinianum* [*Licianum*] Alii *Licinianum*.

1 *Vir Celtiberis*] Qui populi sunt Hispaniæ ad fluvium Iberum.

3 *Bilbilim*] Hispaniæ Tarraconensis

oppidum cujus situs hodie ignoratur: pagum esse nunc apud *Calatayud* affirmat Ferrarius.

4 *Equis*, &c.] Legendum *Aquis*, inquit Ramiresius: tum quod *Bilbilita-*

Sterilemque Calvum nivibus, et fractis sacrum	5
Vadaveronem montibus :	
Et delicati dulce Botrodi nemus,	
Pomona quod felix amat.	
Tepidi natabis lene Congedi vadum,	
Mollesque Nympharum lacus ;	10

præruptis Vadaveronem sacrum, et amœnam sylvam Botrodi mollis, quæ grata est Pomonæ beatæ. Leniter tranabis vadum tepens Congedi, et dulces lacus nympha-

legendum censet Ramires de Prado, et intelligit Salonem, infra v. 12. Vide lib. iv. Epig. 55. et lib. xiv. Epig. 33.—5 *Senemque Catum* in veteri meo codice, inquit Pulmannus, quem Anglia suppeditavit, manifesta scriptura est, quam Turnebus etiam de suo exemplari profert, ut Catus mons sit editus alta nive obrutus, et, ut ita dicam, nimio senio candens. *Sterilemque canum* in Venet. Ald. Junt. Colin. Plant. aliis. *Senemque Caunum*, nivibus legunt alii : Cannum enim montem non procul a Bilbili tradit Mariana lib. i. cap. 3. Qui *calvum* legunt intelligunt de Vadaverone monte. In edd. antiquiss. *effractis* pro *et fractis* ; montem enim Vadaveronem, sacrum, ut scribit Plin. iv. cap. 24. promontorium, fractum et in insulam positum tradit Hieron. Paul. de Hispania.—6 Sunt qui divisim legunt *Vada Veronem* ; et sic Venett. Ald. Junt. Colin. et Gryph.—7 Gruterus ex Palat. legit *Boterdi*. Turnebus et vetustus quidam codex *Boleti* : cum tamen *Botrodi* oppidi infra meminit in Celtiberis siti, quod a Tiberio Graccho dirutum refert Polybius, retinendum *Botrodi*. Vide lib. xii. Epigr. 18.—9 *Tepida natabis lene cogedi vada* in Venett. Ald. Junt. Colin. &c. *Tepida natavis lene Congedi vada* Domitius Calderinus. *Tepidi natabis lene*, &c. Pulmannus. *Tepide n. lene*, vel *leve* Turnebus. *Tepidum*

NOTÆ

nos equos in pretio fuisse non constat : tum quod Salonis aquæ, quarum infra fit mentio, temperando ferro, quo arma fabricantur, nobilissimæ sunt, et lib. iv. Epig. 55. ‘Armorum salo temperator ambit.’

5 *Calvum*] Qui est mons Hispaniæ Tarraconensis in Celtiberis, inter Iberum et Turiasonem urbem, in Castellæ et Arragoniæ confiniis : *Moncayo*, qui etiam Latine Catus mons dicitur. Sic Ferrarius in suo lexico geographico. Alii, *Senemque Catum....effractis*. Alii, *et fractis*.

6 *Vadaveronem*] *Vadavico*, mons Hispaniæ Tarraconensis in Celtiberis ab aliis montibus separatus. Hieronymus Paulus lib. v. de fluminibus et montibus Hispaniæ : Quidam, inquit, non temere montem Celtiberiæ esse

existimant ab aliis effractum, et in insulam positum, quæ nunc *Vadavico*rem vocant. Alii legunt divisim *Vada Veronem* seu *vada Veronis*, illumque Celtiberiæ fluvium in Salonem influentem faciunt. Malim ego *Vadaveronem* legere.

7 *Botrodi*] Botrodus nemus Hispaniæ Tarracon. in Celtiberis : ubi olim oppidum fuisse, nunc vicum, apud Segobrigam urbem scribit Perottus ex Polyb. teste Ferrario.

9 *Lene*] Hoc est, leniter. Alii aliter : *natabis lene*, id est, navigio : lenis enim, inquit, parvula navis est : Cujacius Obser. lib. x. cap. 15. sed hæc interpretatio non placet, improprie enim Poëta dixisset natate navi ; nec enim natantibus opus est navi.

Congedi] Hodie *Congedo*.

Quibus remissum corpus astringas brevi

Salone, qui ferrum gelat.

Præstabit illic ipsa figendas prope

Vobisca prandenti feras.

Æstus serenos aureo franges Tago,

15

Obscurus umbris arborum.

Avidam rigens Dircenna placabit sitim,

Et Nemea, quæ vincit nives.

At cum December canus, et bruma impotens

Aquilone rauco mugiet;

20

Aprica repetes Tarraconis littora,

Tuamque Laletaniam.

rum, quibus soluta membra comprimis parvo Salone, qui gelu constringit ferrum. Illic ipsa Voberta sylva tibi venanti exhibebit feras fodiendas. Arborum umbraculis tectus retundes ardores serenæ diei ad ripas Tagi auriferi. Frigidus fons Dircenna sedabit sitim ardentem, et Nemea quæ frigore superat nives. Sed cum December canescens, et hyems sæviens stridebit fremente Borea, redibis ad oras Tarra-

Heraldus. *Tepidi innatabis alii. Vide Var. Notas.—11 Junt. et Colin. astringes.—14 Voberta in iisdem edd. et aliis vett. alii Voberca, quæ circumsepta sylvis, præstabit copiam ferarum figendarum. Pro prandenti, alii legunt prandenti, i. e. tibi etiam in prandio accubanti.—15 In Ald. Junt. Colin. Gryph. franges pro frangès, sive frangens.—17 Alii recens Decreta, vel Derceta, vel Dercelia: alii fringens. Sed duo Palatt. legunt rigens Dircenna, non Dircenna, ut est in edd. vett.—18 Palatt. Nutha.—22 Tuamque Lacetaniam in Palat.—24 Turne-*

NOTÆ

11 *Remissum corpus*] Aquis enim Congedi, et lacubus Nympharum tepentibus corpus relaxatur, et pori aperiuntur.

Astringas] Etenim corpus meatus claudit aqua frigida.

Brevi Salone] Id est, non profundo; flavius est qui illabitur in Iberum, hodie *Xalon*. *Brevi* adverbium est, inquit Sipontinus, hoc est, statim. Auctor ille hoc Epigramma explicat, a quo pluribus in locis dissentimus.

14 *Vobisca*] Sive, ut alii legunt, *Voberca*. *Bobierca*, et *Bubierca* teste Varrerio: oppidum Hispaniæ Tarraconensis, in finibus Celtiberorum ac regni Arragonii, inter Bilbilim ad Boream 3. et Segontiam ad meridiem

13. leucis. Sic Ferrarius. Illic sane ejusdem nominis erat sylva, in qua magna ferarum copia.

Prandenti] Hoc est, prandio accumbens venari poteris et ex mensa feras jaculis configere: magis mihi placet *prandenti*: videat lector.

15 *Æstus serenos*] Hoc est, calores æstivos fugies, vel mersus auriferis Tagi undis, vel delitesces in umbrosis sylvis quæ Tagi ripas inumbrant. Tagi vero fontes in montibus Celtiberiæ.

17 *Dircenna*] Fons Hispaniæ gelidissimus, apud Bilbilim urbem, in Salonem fluvium labens: Tarraco vero nobile est oppidum, hodie *Tarragone*.

22 *Laletaniam*] Laletani populi

- Ibi illigatas mollibus damas plagis
 Mactabis, et vernos apros,
 Leporemque forti callidum rumpes equo : 25
 Cervos relinques villico.
 Vicina in ipsum sylva descendet focum
 Infante cinctum sordido.
 Vocabitur venator, et veniet tibi
 Conviva clamatus prope. 30
 Lunata nusquam pellis, et nusquam toga,
 Olidæque vestes murice :
 Procul horridus Liburnus, et querulus cliens,
 Imperia viduarum procul.
 Non rumpet altum pallidus somnum reus : 35
 Sed mane totum dormies.
 Mercetur alius grande et insanum sophos :
 Miserere tu feliciū ;

conis expositas soli, et tuam in Laletaniam. Illic interficies damas impeditas retibus remissis, atque apros indigenas, et valido equo franges leporem versutum: relinques cervos custodi villæ. Lignum ex sylva proxima dilabetur in ipsum caminum circumdatum pueris incomtis: venationis socius invitabitur, et conviva vocatus e vicinia te adibit. Nusquam lunata pellis aderit, et nusquam toga, et vestimenta muricis infectionem olentia. Terribilis Liburnus longe, et cliens queribundus: longe etiam jussa viduarum. Reus pallens non franget profundum somnum, sed dormitabis toto matutino tempore. Alius emat magnum et vesanum sophos: teneat te

bus, Gruterus, alii legunt *vernas apros*.—25 In quibusdam *rumpens equo*.—28 *Infante cinctus* Junt. et Colin.—29 *Venabitur vocatus* legunt alii, i. e. conviva quem voles e vicinis. Vide lib. III. Epigr. 57.—31 *Lunata* legere placet Colero: sed quo jure recepta lectio sollicitari queat, non videt Heraldus.—

NOTÆ

fuere Hispaniæ Tarrac. inter Indigetes ad ortum et Cosetanos ad occasum, ubi nunc magna pars Cataloniæ, inter Gerundam et Tarraconem, et versus oram maris Mediterranei.

24 *Vernos* [*vernas*] *apros*] Hoc est, illic natos: legunt alii *vernos*: male meo judicio, cum de hyeme loquatur Poëta.

31 *Lunata nusquam pellis*] Id est, non aderunt nobiles Romani, quibus moris erat Lunæ formam in calceis gestare, ut significarent se ab Evandro genus suum repetere, qui ipse a

Luna ortum se diceret.

Nusquam toga] Nec anteambulones toga induti, nec clientes.

32 *Olidæque*] Hoc est, viri purpura induti: teter quippe odor proveniebat ex lotio quo temperabatur purpura.

33 *Liburnus*] Præco nempe publicus ex Liburnia, hodie *Croacia*. Horridus dicitur quod horrorem incuteret iis quos citabat. Juv. Sat. iv. 75. 'Primus, clamante Liburno, &c.'

34 *Imperia viduarum*] Quæ mortuis maritis familiam administrant et qui-

Veroque fruire non superbus gaudio,
 Dum Sura laudatur tuus. 40
 Non impudenter vita, quod reliquum est, petit;
 Cum fama, quod satis est, habet.

miser cordia beatorum; nec arrogans utere lætitia solida, dum Sura amicus tuus celebratur Romæ. Vita sibi postulat non turpiter quod superest, cum fama ussecuta est quod sufficit.

37 In nonnullis vett. *sophōs*.—41 Alii pro *petit* legunt *perit*.

NOTÆ

dem arroganter, patronorumque opera sæpius utuntur.

37 *Grande sophos*] *Σοφῶς* sapienter: frequentissima erat acclamatio eorum qui recitantis scripta laudabant: *insanum sophos* vocat quod insanus Poëta ab insana plebe expectabat.

38 *Miserere tu feliciū*] Id est, divitum, qui, licet negotiis sint impliciti, se tamen felices prædicant.

39 *Veroque fruire*] Verum gaudium appellat Martialis vitam genialem, a labore atque ab omni cura immunem.

41 *Non impudenter*] Jure merito otium partes sibi vindicat, cum fama suas implevit; atque ita laudat Licium, qui famam adeptus sibi jam vacare debebat.

LI.

JOCUS EX HOMERO IN COCUM.

SI tibi Mistyllus cocus, Æmiliane, vocatur:
 Dicetur quare non Taratalla mihi?

Æmiliane, si appellas cocum Mistyllum, cur ego non vocabo illum Taratalla?

Hic nulla lectionis varietas est in libris manuscriptis aut excusis.

NOTÆ

1 *Si tibi Mistyllus*] Jocus est in Æmilianum, qui Mistyllum vocaverat cocum, non alia forte de causa quam quod apud Homerum legerat *μίστυλλον τ' ἄρα τᾶλλα*, id est, secabant sane et alia: nec erat potior ratio cur primum carminis verbum usurpasset, quam sequentia, quæ sunt *τ' ἄρα τᾶλλα*. Attamen Æmilianus videtur fuisse argutus homo, qui quoties vo-

cabat cocum suum, *Mistylle*, utebatur voce imperante verbi *μιστύλλω*, hoc est, seco, quo facetus esset jocus, ut quoties vocaret cocum, imperaret etiam ut scinderet opsonia. Similis est jocus apud Petronium. 'Vides, inquit, illum qui opsonium carpit? Carpus vocatur, itaque quotiescumque Trimalcio dicit Carpe, eodem verbo et vocat et imperat.

LII.

AD LEPOREM.

NON facit ad sævos cervix, nisi prima, leones.

Quid fugis hos dentes, ambitiose lepus?

Scilicet a magnis ad te descendere tauris,

Et, quæ non cernunt, frangere colla velint.

Desperanda tibi est ingentis gloria fati: 5

Non potes hoc tenuis præda sub hoste mori.

Feris leonibus non convenit nisi maximum caput. O lepus superbe, quid vitas hos dentes? quasi vero dignentur te invadere relictis tauris proceris, et rumpere cervicem quam ne quidem vident. Tibi ponenda est spes gloriosæ mortis: tu præda exigua nequis interire sub hoc adversario.

4 Quibusdam placet legere, *frangere colla velint?* interrogatorie, ut monuit Musambert. in libello contra Ramiresium.

NOTÆ

1 *Non facit*] Non convenit leoni nisi caput taurorum, aprorum, &c. Vide Epig. 23. supra.

2 *Ambitiose*] Qui nempe mortem nimis gloriosam vereris.

5 *Ingentis fati*] Hoc est, mortis: vinci quippe a fortibus nonnulla laus est. Virg. Æn. x. 'Hoc tamen infelix miseram solabere mortem, Æneæ magni dextra cadis.'

LIII.

QUINTIANUM FACIT ASSERTOREM.

COMMENDO tibi, Quintiane, nostros:

(Nostros dicere si tamen libellos

Possim, quos recitat tuus Poëta:)

Si de servitio gravi queruntur,

Assertor venias, satisque præstes, 5

Quintiane, fidei tuæ committo nostros, si tamen licet appellare nostros libros, quos recitat tuus Poëta: si dolent servitutem molestam vindex accedas, et fidejubeas, et

5 In margine Junt. penes Editorem antiqua manu exaratum est, *facēque præstes*; sed quo sensu judicet lector.

NOTÆ

3 *Quos recitat*] Plagiarius Poëta Fidentinus sane, de quo Epig. sequenti et 39. supra.

Delph. et Var. Clas.

5 *Assertor venias*] Hoc est, asserere eos in libertatem: metaphora ducta ab iis qui in servitute injusta detine-

Martial.

G

Et, cum se dominum vocabit ille,
 Dicas esse meos, manaque missos.
 Hoc si terque quaterque clamitaris,
 Impones plagiaro pudorem.

asseveres meos esse, et donatos libertate; cum ille se nuncupabit dominum, si ter aut quater hoc exclamaveris, pudore afficies plagiarium.

NOTÆ

bantur, et a quocumque in libertatem vindicari poterant. 'Nam ego illam liberali assero causa manu.' Terent. Adelphi. Act. 2. Sc. 1.

5 *Satisque præstes*] Hoc est, defendas et tuearis: verbum Juris est: Gallice, *soyez ma caution*.

6 *Et, cum se dominum*] Hoc est, auctorem: at vero juris formulam usurpat Poëta: possessores enim se dominos vocabant.

7 *Manaque missos*] Eandem allegoriam hominis liberi, qui injuste detinetur in servitute, persequitur hoc sensu: Versus meos manumisi, id est, edidi in lucem, nec plagiarium debet eos detinere tanquam suos.

9 *Impones*] Acclamatione tua plagiarium Poëta pudore victus cedit. Vide Tit. D. ad legem Faviam de Plagiariis.

LIV.

AD FIDENTINUM.

UNA est in nostris tua, Fidentine, libellis
 Pagina, sed certa domini signata figura;
 Quæ tua traducit manifesto carmina furto.
 Sic interpositus vitio contaminat uncto

Fidentine, una est tua pagina in libris nostris, sed notata signo sui domini, quæ arguit tuos versus apertæ compilationis: sic bardocucullus Lingonicus interjectus

2 Beverlandi Ms. *si grata*.—3 Turnebus Advers. lib. XIII. cap. 24. legendum esse censet *crimina*.—4 *Sic interpositus villo* in nonnullis; quod Radero placet et Ramiresio: *vilis* in aliis: *filo* etiam legitur. Vide Var. Notas. *Sic interposito vilis contaminat uncto* codd. Scriverii et Salmasii, quæ vetus lectio est, teste Musambertio. Raderi testantur lectionem codd. minus interpolati. Unguine enim splendorem *villo* conciliabant, atque ita Tyrianthina

NOTÆ

2 *Sed certa*] Nam inepta illa pagina declarat quis ejus dominus et auctor sit.

4 *Vitio contaminat uncto*] Id est, oleum olente. Raderus legit *filo* crasso, nempe, aut *villo*. Sensus est:

Ut bardocucullus inter Tyrianthina sordet, ita tuum carmen in meo libello. Bardocucullus vero vestis erat Gallica crassioris filii, qua plebei et viliores homines induebantur.

Urbica Lingonicus Tyriantina hardocucullus: 5
 Sic Aretinæ violant crystallina testæ:
 Sic niger, in ripis errat cum forte Caystri,
 Inter Ledæos ridetur corvus olores:
 Sic ubi multisona fervet sacer Attide lucus,
 Improba Cecropias offendit pica querelas. 10
 Indice non opus est nostris, nec vindice libris:
 Stat contra, dicitque tibi tua pagina, Fur es.

fœdat vitio uncto urbana Tyriantina: sic testæ Aretinæ polluunt crystallina: sic corvus ater ludibrio habetur inter cygnos Ledæos, cum forte vagatur in ripis Caystri: sic improba pica offendit querimonias Cecropias, ubi sacrum nemus resonat cantibus Philomelæ multisonæ. Libelli nostri non egent delatore, nec assertore: tua pagina stat contra, et tibi dicit, Fur es.



adulterata venditabant.—6 *Arretinæ* Ald. Junt. Colin. et aliæ vett.—7 *Beverlandi* Ms. *erant cum forte*.—9 *Attide* in Ald. Junt. Colin. Gryph. Pulm. aliis: *alite* in *Beverlandi* Ms.—10 *Pro offendit*, quod exhibent edd. antiquiss. Venet. 1471. Bosch. Ald. Junt. Colin. Gryph. &c. alii, ut Pulmannus, Junius, &c. legunt *effundit*. Nostram lectionem optime restituit Scriverius: sed Gruterus mallet *offundit*.—11 Sunt qui legant *judice*. Voces *vīdex*, *index*, et *iudex*, sive *judex*, sæpius confunduntur a librariis.

NOTÆ

5 *Urbica Tyriantina*] Vestes erant violaceæ, quarum color e purpura et viola factus.

Lingonicus] Hoc est, Gallicus; nam Lingones sunt Galliæ populi. Vide lib. xiv. Epig. 128.

6 *Sic Aretinæ*] Aretium urbs Herurriæ, nunc *Arezo*, ubi fictilia vasa fiebant.

7 *Caystri*] Cayster fluvius Ioniæ, ex Phrygia magna oriens, ac inter Ephesum et Colophonem in mare decurrens: illic magna olorum copia.

8 *Ledæos olores*] Quoniam Jupiter sub forma cygni Ledam compressit.

9 *Fervet Attide*] Quæ fuit filia Pandionis regis Atheniensium, in avem Philomelam commutata. Ovi-

dus Met. vi.

10 *Offendit*] Suavissimos Philomelæ Atheniensis cantus. Alii *effundit*, alii *offundit*.

11 *Indice*] Hoc est, accusatore: tui enim versus meis conjuncti indicant te furem. 'Index' dicitur qui crimen aliquod indicat.

12 *Stat contra*] Metaphora desumpta a subselliis judiciorum ubi patroni adversi sedebant, accusator contra defensorem; et quando dicebat accusator stabat: stare igitur contra, est surrexisse accusatorem vel defensorem ad dicendum. Sic Ramiresius, ex Ciceronis Oratione pro Sexto Roscio Amer.

LV.

AD FUSCUM.

Si quid, Fusce, vacas adhuc amari ;
 (Nam sunt hinc tibi, sunt et hinc amici :)
 Unum, si superest, locum rogamus :
 Nec me, quod tibi sum novus, recuses :
 Omnes hoc veteres tui fuerunt. 5
 Tu tantum inspice, qui novus paratur,
 An possit fieri vetus sodalis.

Fusce, si quis adhuc apud te locus superest amicitiae, nam hinc et inde habes amicos, petimus unum locum si reliquus est. Nec me rejicias quod sum recens apud te; omnes antiqui tui amici extiterunt hoc idem. Tu solummodo considera, an socius qui recens comparatur, possit antiquus evadere.

Lemma est in Vaticano et Beverlandi Mss. *Ad Fuscum P. Præt. in Dacis.* Juvenal. ' Qui vulturibus servabat pectora Dacis.' In Ald. Junt. Colin. &c. *De amicorum judicio.* Veterem inscriptionem, *Ad Fuscum*, præfert Ramires : vel utramque conjunctam : *Ad Fuscum, de Amicorum Judicio.*

NOTÆ

1 *Si quid Fusce]* Hoc est, Si novo amico locus sit apud te. De Fusco vide lib. vi. Epig. 76. 5 *Omnes hoc]* Quia scilicet novi fuerunt.

LVI.

AD FRONTONEM.

VOTA tui breviter si vis cognoscere Marci,
 Clarum militiæ, Fronto, togæque decus :
 Hoc petit: esse sui, nec magni, ruris arator ;
 Sordidaque in parvis otia rebus amat.

O Fronto, insigne ornamentum belli et pacis, si cupis summatim discere vota tui Marci, hoc postulat: arare agrum suum nec amplum, et diligit quietem squalentem

Ad Frontonem de Voto Vitæ suæ inscribitur in edd. vett.—4 Barthius legit,

NOTÆ

2 *Fronto]* Fuit hic Fronto, juxta Raderi conjecturam, cum Trajano postea Imperatore Consul, in cujus Consulatu periit Domitianus.

Quisquam picta colit Spartani frigora saxi, 5
 Et matutinum portat ineptus Ave;
 Cui licet exuviis nemoris rurisque beato
 Ante focum plenas explicuisse plagas?
 Et piscem tremula salientem ducere seta,
 Flavaque de rubro promere mella cado? 10
 Pinguis inæquales onerat cui villica mensas,
 Et sua non emtus præparat ova cinis?
 Non amet hanc vitam, quisquis me non amat, opto:
 Vivat et urbanis albus in officiis.

in rebus tenuibus. An quisquam veneratur frigidum marmor Laconicum pictum, et ineptus fert salutationem matutinam; cui fas est expedire ante focum retia plena feris sylvæ parvæ, atque agri felicitatis? et pilo tremente trahere piscem exsilientem, et mella flava extrahere ex amphora rubenti? cui villica obesa ministrat ad mensam imparem, et cinis non emtus apparat sua ova? Cupio ut hanc vitam non diligat, quisquis non diligit me: albus vitam agat in obsequiis urbis.

Sobriaque.—7 Antiqua lectio erat: Cui licet exigui nemoris rurisque beati. Lectionem nostram dedit Gruterus ex cod. Palat.—8 Sunt qui hic legant exposuisse.—14 Pro albus in officiis ed. Junt. an. 1512. nos penes habet in margine, eptus in officiis; i. e. emptus.

NOTÆ

5 *Quisquam picta*] Picta frigora per Metalepsim pro frigora saxi picti: ironice dictum de adulatoribus et matutinis saluatoribus, qui in atriis Laconico marmore ornatis mane ambulabant, expectantes intromitti salutatum, et deducere amicum magnum anteambulones. Sic Ramiresius.

8 *Explicuisse*] Alii, *exposuisse*.

9 *Et piscem tremula*] Et cui piscari licet virga ex qua tremente pendet seta. Vide lib. x. Epig. 30.

11 *Inæquales*] Tenuioris fortunæ homines mensas inæqualibus quandoque pedibus fultas habebant. Ovidius Met. VIII. 'mensæ sed erat pes tertius impar: Testa parem fecit.'

12 *Non emtus*] Id est, ignis non emtus; nam ligna caro pretio emebantur Romæ.

14 *Albus*] Id est, toga alba indutus inter anteambulonum et niveorum Quiritum officia; aut cretatus et candidatus in comitiis. Sic Lipsius Elect. lib. i. cap. 13.

LVII.

AD CAUPONEM.

CONTINUIS vexata madet vindemia nimbis.

Non potes, ut cupias, vendere, caupo, merum.

Vindemia agitata perpetuis imbribus perfunditur: o caupo, nequis venundare vinum purum, etiamsi velis.

2 In edd. vett. *Non potes, ut cuperes, quod Musambertio magis placet.*

Vide lib. ix. Epig. 100. *vendere Copo merum* optimus codex Palatinus.

NOTÆ

2 *Ut cupias*] Sensus est: Etiam si cupias bonus et fidus esse, tamen nequis: sic argute canponum perfidiam notat Poëta, qui etiam volentes probi esse non possint.

LVIII.

AD FLACCUM.

QUALEM, Flacce, velim quæris, nolimve puellam?

Nolo nimis facilem, difficilemque nimis.

Illud quod medium est, atque inter utrumque probamus.

Nec volo, quod cruciat; nec volo, quod satiat.

Flacce, rogasne qualis puella mihi placeat, aut displiceat? Nimum indulgens, et nimum fastidiosa mihi non arridet. Placet quod est medium, atque inter utrumque: nec amo quod torquet, nec amo quod saturat.

In hoc Epigrammate nulla lectionis varietas extat in codd.

LIX.

DE PUERI PRETIO.

MILLIA pro puero centum me mango poposcit:

Risi ego: sed Phœbus protinus illa dedit.

Hoc dolet, et queritur de me mea mentula mecum,

Laudaturque meam Phœbus in invidiam.

Sed sestertiolum donavit mentula Phœbo

5

Bis decies: hoc da tu mihi, pluris emam.

3 In Ald. Junt. Colin. Gryph. et aliis vett. *et queritur, dolet hoc mea, &c.*

NOTÆ

1 *Mango*] Puerorum scilicet negotiator, quos in Venerem frangebatur. ta sententiam Juven. Sat. i. 40. 'Un-
5 *Sed sestertiolum*] Quippe Phœbus deuncem: Partes quisque suas ad
bus draucus rem fecerat mentula, juxta mensuram inguinis hæres Accipiat.'

LX.

AD FLACCUM DE SPORTULA.

DAT Baiana mihi quadrantes sportula centum :
 Inter delicias quid facit ista fames ?
 Redde Lupi nobis, tenebrosaque balnea Grylli :
 Tam male cum cœnem, cur bene, Flacce, labor ?

Accipio centum quadrantes ex Baiana sportula: quid efficit ista esuries inter voluptates balnei? Restitue nobis obscuras thermas Lupi et Grylli: o Flacce, cum tam male epuler, cur labor bene?

Hujus Epigrammatis inscriptio fuisse debuit, *Ad Flaccum de secessu Baiano*, inquit Ramires de Prado; nam, ut existimat, cum aliquo potentiore Martialis secesserat in Baias, ubi sportula dabatur communis. Hoc negat Musambertius.—4 Beverlandi Ms. *laver*; et sic in cod. Voss. *laves* cod. Thuan.

NOTÆ

1 *Dat Baiana*] Potentiores suis clientibus dabant sportulam, quæ erat calathus, quo primum opsonia, postea vero pecunia data est; unde sportula frequenter pro cibo vel pecunia usurpatnr. Noster autem Poëta forte Baias comitatus erat Flaccum, a quo cum perexiguam sportulam accepisset, conqueritur. *Baiæ*, vulgo *Baia*, oppidum Campaniæ ad sinum Baianum inter Puteolos et Cumas.

2 *Quid facit*] Exiguam sportulam centum quadrantum famem appellat, quia nonsatiabat esurientem. Lib. III. Epig. 7.

3 *Redde Lupi*] Cum male cœnet, male quoque lavari optat in balneis obscuris, qualia erant Lupi et Grylli.

4 *Tam male*] Nam male cœnato thermæ vel suavissimæ non placent.

LXI.

DE LEPORE ET LEONE.

INTRES ampla licet torvi lepus ora leonis,
 Esse tamen vacuo se leo dente putat.
 Quod ruet in tergum, vel quos procumbet in armos,
 Alta juvencorum vulnera figet ubi ?

O Lepus, quamvis ingrediaris ora vasta leonis horribilis, nihilominus leo credit habere os vacuum. In quod tergum prorumpet, vel quos invadet humeros, ubi infli-

NOTÆ

4 *Alta juvencorum*] Qui nempe cum pingues et crassiores sint altis vulneribus locum præbent, secus vero lepores. Vide supra Epig. 23. et 49.

Quid frustra nemorum dominum regemque fatigas ? 5
 Non nisi delecta pascitur ille fera.

get plagas profundas taurorum? Quid defatigas inutiliter dominum et regem sylvarum? ille non nutritur nisi bellua selecta.



3 Pro *procumbet* in quibusdam edd. vett. legitur, *prorumpet*.—6 Barthius legit, *Non nisi dejecta*; quod non improbant viri docti.

LXII.

AD LICINIANUM, SCRIPTORES UNDE.

VERONA docti syllabas amat vatis :
 Marone felix Mantua est :
 Censetur Apona Livio suo tellus,
 Stellaque nec Flacco minus.
 Apollodoro plaudit imbrifer Nilus ; 5
 Nasone Peligni sonant.
 Duosque Senecas, unicumque Lucanum
 Facunda loquitur Corduba.

Verona diligit syllabas periti Poëtæ : Mantua beata est Virgilio. Apona terra æstimatur Livii sui, Stellæ, nec minus Flacci gratia. Nilus imbrifer favet Apollodoro, Peligni resonant Nasone, Corduba eloquens prædicat duos Senecas, et unum



Ad Licinianum, Scriptores unde in Ald. Junt. Colin. Gryph. Junian. aliis.—3 Legitur etiam *Aponi*, quod verum putat Cagnerius. Aponus autem fons est prænobilis, unde tota regio Patavina illustrata est : in cuius laudem Claudian. et Cassiodor. plenis quasi velis sese effuderunt.—5 Nonnulli legunt *gaudet imbrifer*. Ed. Junt. penes Editorem in margine habet : *Apollodore tibi papyrifer Nilus*; quæ lectio forte reponenda, si aliquo bono codice confirmaretur. ‘Papyrifer Nilus,’ ‘limifer Nilus,’ &c. passim leguntur apud Poëtâs; im-

NOTÆ

1 *Docti vatis*] Catulli nempe Veronensis. Quos hic enumerat auctores satis per se noti sunt. De Stella dictum Epig. 8. supra.

Syllabas] Hoc est, numeros et versus.

3 *Apona*] Aponus, *Abano*, vicus cum fonte et balneis in agro Patavino, ubi T. Livius ortus dicitur, a Patavio quinque mill. pass.

5 *Imbrifer Nilus*] Qui inundatione sua, vice imbrium, qui in Ægypto rari, fungitur in terra irriganda.

6 *Peligni*] Populi Italiæ, ubi erat Sulmo patria Ovidii, a quo commendatur, regio, nunc *Valva*. Ovid. de Ponto lib. iv. Elegia 14. ‘Gens mea Peligni, regioque domestica Sulmo.’

8 *Corduba*] Nunc *Cordoua*, urbs Hispaniæ Bæticæ.

Gaudent jocosæ Canio suo Gades ;
 Emerita Deciano meo. 10
 Te, Liciniane, gloriabitur nostra,
 Nec me tacebit Bilbilis.

Lucanum. Festivæ Gades lætantur Canio suo, Emerita Deciano meo. Liciane, nostra Bilbilis se juctabit propter te, nec silebit me.

brifer Nilus nullibi, credo, nisi apud hodiernum Martialem.—11 Te, Liciane in Ald. Junt. Colin. Gryph. Junian. aliisque vett. Liciniane testantur cod. Vossianus.

NOTÆ

9 *Jocosæ Gades*] Hispaniæ populi *Merida.*
 ad fretum Gaditanum, choreis et sal- 12 *Bilbilis*] Urbs in Celtiberia,
 tationibus mire dediti. Vide Epig. Martialis patria, de qua Epig. 50.
 42. supra. Vulgo *Cadiz.* supra ad Licianum.
 10 *Emerita*] Urbe Lusitaniæ, hodie

LXIII.

DE LÆVINA.

CASTA, nec antiquis cedens Lævina Sabinis,
 Et quamvis tetrico tristior ipsa viro,
 Dum modo Lucrino, modo se permittit Averno,
 Et dum Baianis sæpe fovetur aquis,
 Incidit in flammis, juvenemque secuta, relicto 5
 Conjuge, Penelope venit, abit Helene.

Lævina pudica, nec primas dans priscis Sabinis, et ipsa mæstior marito licet severo, dum se credit nunc Lucrino, nunc Averno, et dum sæpius calescit aquis Baianis, correpta est amore, et comitata est adolescentem deserto marito, accessit Penelope, recessit Helene.

De Levina casta, et ad Baias adultera Lemma est in Ald. Junt. Colin. Gryph. et aliis vett. *De Lævina* in cod. Thuan.—3 In Ald. Junt. Colin. Gryph. aliisque, *præmittit*: *per* et *præ* in compositione sæpe confunduntur a librariis. Vide nos ad Tibull. iv. l. 175.—6 Pulmannus legit, *abit Thymele*, improbante Musambertio.

NOTÆ

1 *Sabinis*] Quarum mores sancti et incorrupti erant. Juv. Sat. vi. vs. 163. 'Intactior omni Crinibus effusis bellum dirimente Sabina.'

3 *Lucrino*] Lacus est Lucrinus ad Baias: hodie *Lago Licola*. Alii melius interpretantur, *Mar morto*.

6 *Penelope venit*] Id est, casta: abit Helene, hoc est, adultera. Harum historia satis nota est. *Abit* ultima syllaba producitur propter contractionem pro *abiit*. *Helene*] Alii *Thymele*. Baiis porro multa luxuriæ exempla.

LXIV.

AD CELEREM.

U'r recitem tibi nostra rogas Epigrammata. Nolo.
Non audire, Celer, sed recitare cupis.

Oras ut tibi legam nostra Epigrammata: non placet. O Celer, non vis esse auditor, sed recitator.



In hoc Epigrammate nil variant exemplaria, vel scripta, vel excusa.

NOTÆ

2 *Non audire*] Mea scil. carmina: Epig. 74. lib. vii. Epig. 2.
sed recitare tua nempe. Vide lib. v.

LXV.

AD FABULLAM AMBITIOSAM.

BELLA es; novimus: et puella; verum est:
Et dives; quis enim potest negare?
Sed dum te nimium, Fabulla, laudas;
Nec dives, neque bella, nec puella es.

Pulchra es, scimus: et puella, certum est: et opulenta, nam quis potest inficiari? sed, o Fabulla, cum te effers nimis laudibus, nec opulenta, nec pulchra, nec juvenis es.



Ad Fabullam ambitiosam in laude in edd. vett.—2 Videtur Rutgersio scribendum: Quis et id potest negare?

NOTÆ

3 *Sed dum te*] Modestia enim et æquis auribus accipi solent, quam verecundia commendantur puellæ. difficile est obtinere, ne molesta videatur oratio de se aut de suis dis-
Plinius Junior lib. i. Epist. 8. 'Etenim si alienæ quoque laudes parum serentis.'

LXVI.

AD CÆCILIANUM, DE GENERE ET DECLINATIONE FICUS.

CUM dixi, ficus, rides quasi barbara verba,
Et dici, ficos, Cæciliane, jubes.

Cum protuli, ficus, risisti perinde ac barbaram vocem, et vis, Cæciliane, dici ficos.



'Hoc Epigramma est Grammaticis crux; ideo fœdata ab iis Epigraphe, ad-

Dicemus ficus, quas scimus in arbore nasci :
Dicemus ficos, Cæciliane, tuos.

Proferemus ficus, quas novimus produci in arbore : at vero, Cæciliane, dicemus ficos tuos.

ditis ineptis verbis, *De genere et declinatione ficus*, quæ omnino expungenda sunt.' *Ramires*. Musambert. malit: *In Cæcilianum*.—2 *Et dixi* Junt. an. 1512.—3 *Dicemus ficos* legunt nonnulli, improbante *Ramiresio*.—4 Alii legere malint, *tuas*. Vide *Richard. Jonsonium Nottingham*. in libro *Animadverss.* in *Lillii Gramm.*

NOTÆ

1 *Cum dixi, ficus*] *Ramiresius* et *Farnabius Lemma* esse emendandum contendunt, nec generis, sed tantum declinationis mentionem fieri hoc loco: ita ut *ficus* fœminiini generis secundæ et quartæ declinationis significet arborem et fructum ejusdem arboris. Sed *ficus* secundæ declinationis, inquit *Ramiresius*, significans morbum, ignoratur cujus sit generis; *tuos* enim non refert ad *ficus* ut legit,

vel *ficos* ut legunt alii, sed intelligit familiam in qua omnes ficosi essent. Eadem turpitudine notavit aliam familiam lib. VII. Epig. 70. et ficum appellari ficosum hominem probat lib. IV. Epig. 52. Alii *ficos tuos* explicant morbum sic dictum a similitudine ficus, et *ficos* in illa significatione esse tantum secundæ declinationis, et masculini generis. Videat lector. Vide lib. IV. Epig. 33.

LXVII.

AD FUREM DE LIBRO SUO.

ERRAS, meorum fur avare librorum,
Fieri Poëtam posse qui putas tanti,
Scriptura quanti constet, et tomus vilis.
Non sex paratur aut decem sophos nummis.
Secreta quære carmina, et rudes curas, 5

Hallucinaris, fur avare meorum libellorum, qui credis valem evadere posse eo pretio quo comparatur scriptura, et tomus vilis. Sophos non acquiritur sex aut decem nummis. Require versus latentes, et studia non edita, quæ novit, et sigillata in

2 *Gronovius* legit: *posse qui putas tanto, Scriptura quanti constat*.—12 *Mer-*

NOTÆ

1 *Fur avare*] Non vocat avarum ob furtum librorum, sed ideo avarum vocat quia Poëta haberi volebat vilissimo pretio.

3 *Tomus*] A verbo τέμνω scindo: id est pars, vel frustum, quæ quidem

pars si involveretur in spiram, volumen vocari poterat.

4 *Sophos*] Acclamatio erat eorum qui recitantibus applaudent. Vide Epig. 4. supra.

5 *Et rudes curas*] Hoc est, carmina

Quas novit unus, scrinioque signatas
 Custodit ipse virginis pater chartæ ;
 Quæ trita duro non inhorruit mento.
 Mutare dominum non potest liber notus.
 Sed pumicata fronte si quis est nondum,
 Nec umbilicis cultus, atque membrana :
 Mercare tales adeo, nec sciet quisquam.
 Aliena quisquis recitat, et petit famam ;
 Non emere librum, sed silentium debet.

10

arca servat solus parens virginis chartæ, quæ attrita non exhorruit mento aspero. Libellus cognitus nequit commutare herum. Sed si quis est nondum fronte polita pumice, nec ornatus umbilicis, et membrana: eme ab ipso ejusmodi librum, nec ullus resciet. Quisquis pronuntiat aliena, et aucupatur existimationem, non debet mercari libellum, sed reticentiam auctoris.



care tales ab eo nec sciet quisquam in Ald. Junt. Colin. et aliis vett. *abeo* habent codd. Palat. *habeo* cod. Put. unde Heraldus sic scribendum putat: *Mercare tales; habeo; nec sciet quisquam.* Scriverius: *Mercare: tales habeo, nec scilicet.* Alii, *Mercare: tales habeo; nec sciet quisquam.* Melissus, et postea Ant. de Rooy, conj. *Mercare tales adeo;* cujus meminit etiam Heraldus. *adeo* pro 'propterea,' ut sæpius; vel vim explendi habet. Vide Duker. ad Flor. i. 18. 25. et Snakenburg. ad Curt. III. 7. 5. Pro *sciet* tamen idem Ant. malit *sciat*, h. e. cura quibuscumque potueris modis, ne quisquam resciscat.—13 Ald. Junt. Colin. Gryph. Junian. Delph. aliæ, et *quærit famam*, contra metrum.

NOTE

quæ nondum in lucem edita sunt.

7 *Virginis pater chartæ*] Virginem chartam vocat, quæ nondum viri alicujus manu attrita fuerat. *Pater*] Id est, carminum auctor. Vel virginem chartam intellige, ex qua nullum exemplar transcriptum sit.

8 *Duro mento*] Dicit Poëta chartam multorum lectorum manibus atrectatam horridam fieri mento, hoc est, fieri pilosam et barbatam, dum usu atteritur, et basia captat. Epig. 4. supra, et lib. x. Epig. 93.

10 *Pumicata fronte*] Frontes libri eæ sunt extremitates membranæ in spiram complicatæ, quæ pumice polie-

bantur, cum in lucem libri ederentur.

11 *Nec umbilicis cultus*] Id est, bacillis cedrinis vel buxeis super quos membranæ involverentur: quibus in volumen complicatis, in medio utrimque apparebat lignum, et ideo dicebatur similitudine quadam umbilicus: et cum is non assueretur membranis, nisi opere jam absoluto, hinc natum proverbium ad umbilicum perducere, id est, absolvere librum. Umbilicis autem affigi solebant capitula cornea, ossea, vel eburnea, ornatus causa, quæ plerumque coloribus pingebantur, et vocabantur cornua. Ita Ramiresius.

LXVIII.

AD CHÆRILUM.

LIBER homo es nimium, dicis mihi, Chærule, semper.
In te qui dicit, Chærule, liber homo est.

O Chærule, mihi dicis assidue, Nimis es dicax. O Chærule, qui verba facit in te, homo est otiosus.



Ad Cerylum Lemma est in Beverlandi Ms. Ad Chærulium in edd. vett.—1. 2 Ceryle in eodem Ms. Liber homo est? per interrogationem, in risum, placet Musambertio et Th. Marcilio.

NOTÆ

1 Liber homo es nimium] Id est, nimium liberi animi, qui nemini parcis. sic intellige: Qui in te dicit, homo est liber, id est, ingenuus, cujus est libere dicere quæ sentiat. Jocus est in verbo *liber*.
2 Liber homo est] Hoc est, sine negotiis, quia indignus es reprehensione, et omnino contemnendus. Vel

LXIX.

DE RUFO.

QUICQUID agit Rufus, nihil est nisi Nævia Rufo.
Si gaudet, si flet, si tacet, hanc loquitur.
Cœnat, propinat, poscit, negat, innuit; una est
Nævia: si non sit Nævia, mutus erit.
Scriberet hesterna patri cum luce salutem; 5
Nævia lux, inquit, Nævia, lumen, ave.
Hæc legit, et ridet demisso Nævia vultu.
Nævia non una est: quid, vir inepte, furis?

Quicquid facit Rufus, cogitat solam Næviam: si lætatur, si lacrymatur, si silet, commemorat illam. Epulatur, propinat, petit, recusat, assentitur, prædicat unam Næviam: si Nævia absit, elinguis erit. Cum die hesterni nuntiaret salutem genitori, Salve, Nævia, ait, lux mea, Nævia numen meum. Nævia legit hæc, et risum edit depressis oculis. Nævia non una est; quid insanis, marite ridicule?



De Ruffo et Neviam in Ald. Junt. et Colin.—1 Ruffus....Ruffo in iisdem.—3 Juntina nostra in margine ascriptum habet: annuit: una est: et hanc veram esse lectionem quovis pignore contenderem.—5 Scripserat in Beverlandi Ms.—6 In eodem Ms. numen, quod citat etiam Heraldus.—8 Næviam non vana est Beverlandi Ms. fuit profuris in eodem.

NOTÆ

2 Si tacet] Insanum quippe suum cabat.
8 Næviam non una est] Ludit in am-

NOTÆ

biguitate verbi *una*: supra enim dixerat *una est Nævia*, id est, de Nævia sola loquitur Rufus: deinde ait, *non una est*, quia duplex est, uxor duorum: habebat enim adulterum cuius et uxor dicebatur: nam adulterium

unius matrimonium vocabatur, ut ait Seneca de Beneficiis lib. III. cap. 16. 'Infrunita et antiquata est quæ nesciat matrimonium vocari unius adulterium.' Vide lib. VI. Epigr. 9.

LXX.

AD MAXIMUM.

CÆPIT, Maxime, Pana quæ solebat,
Nunc ostendere Canium, Terentos.

O Maxime, Terentos cæpit nunc monstrare Canium, quæ consueverat monstrare Pana.



Hoc Epigramma *Ad Naximum* inscribitur in Junt. an. 1512.

NOTÆ

2 *Nunc ostendere Canium*] Pan et Satyri risu perpetuo lasciviunt: cum ergo ridentem Canium Poëtam deridere velit, ait, non ostendi amplius statuam Panos in Terento, locus sci-

licet erat in Campo Martio, ridentis habitu illic formatam; sed Canium, qui æque rideret ac Pan. Lib. III. Epig. 20.

LXXI.

AD LIBRUM.

VADE salutatum; pro me liber ire iuberis
Ad Proculi nitidos officiose lares.

Quæris iter? dicam: vicinum Castora canæ
Transibis Vestæ, virgineamque domum.

Inde sacro veneranda petes Pallatia clivo,
Plurima qua summi fulget imago ducis.

5

Ito salutatum; o libelle obsequiose, mandaris adire meo loco splendidam domum Proculi. Rogasne viam? transgredieris templum Castoris propinquam antiquæ Vestæ, atque ædes Virginum Vestalium. Illinc adibis regiam venerabilem in colle sacro, ubi multæ effigies supremi Imperatoris resplendent. Nec te moretur siderea



Ad librum suum inscriptio est Ms. Beverlandi.—6 *Aurea qua summi marg.*

NOTÆ

2 *Lares*] Dii sunt domestici qui in ædibus privatim colebantur, sumti

pro domo ipsa.

3 *Canæ Vestæ*] Vesta Saturni filia

Nec te detineat miri radiata Colossi,
 Quæ Rhodium moles vincere gaudet opus.
 Flecte vias hac, qua madidi sunt tecta Lyæi,
 Et Cybeles picto stat Corybante tholus. 10
 Protinus a læva clari sub fronte Penates,
 Atriaque excelsa sunt adeunda domus.
 Hanc pete, ne metuas fastus, limenque superbum :
 Nulla magis toto janua poste patet ;
 Nec propior quam Phœbus amat, doctæque sorores. 15
 Si dicet, Quare non tamen ipse venit ?
 Sic licet excuses, Quia qualiacumque leguntur
 Ista, salutator scribere non potuit.

moles admirandi Colossi, quæ lætatur superare opus Rhodium. Flecte iter qua sunt ædes uvidi Bacchi, et qua erectus est tholus Cybeles depicto Corybante. Subito ædes splendidæ sunt adeundæ ad frontem sinistram, atque aula domicilii alti. Hoc adi, ne metuas superbiam atque accessum difficilem : nulla janua magis panditur, nec ulla quam diligit Phœbus propitior, et peritæ sorores. Si dicet, Cur tamen ipse non venit ? sic potes me excusare, Quoniam salutator nequivit componere ista qualiacumque evolvuntur.

Junt. ap. Editorem.—7 Beverlandi Ms. et cod. Thuan. *radiata Coloris*.—10 *Et crudeles* in eodem.—11 Cod. Thuan. *clari tibi fonte*: unde quidam V. D. legendum censet, *clari sub fonte*, et Gronovii lectionem damnat. ‘Ego in duobus scriptis reperi: *clari tibi fronte*: idque verum est. Protinus inquit, a læva adeundi tibi Penates fronte clari, h. e. illustria antepagmenta habentes.’ Gronovius. Eandem lect. citat Pulmannus.—13 *Hanc pete* in quibusdam vett. *Hanc pete* corr. Gruterus.—15 *Nec potior quam Phœbus amat* Beverlandi Ms. et cod. Thuan.—17 *Scilicet* legunt Pulmannus aliique nonnulli.

NOTÆ

ex Ope, quæ castitatis Dea habita Vestalibus nomen dedit.

6 *Summi ducis*] Domitiani.

7 *Nec te detineat*] Vide Epig. 2. lib. Spect.

8 *Rhodium opus*] Colossus intel- lige, inter septem orbis miracula recensitum. Epig. 2. lib. Spect.

10 *Tholus*] Testudo Templi, ubi est quasi scutum breve in medio Templi tecto, quo trabes connectuntur, et dona suspenduntur, supra quem Corybas vestibus pictis ornatus stabat. Raderus. Corybantes vero ministri Cybeles in Ida monte Phrygiæ sal-

tando et cantando illius Deæ sacra faciebant: iidem feruntur fuisse custodes Jovis adhuc infantis.

11 *Penates*] Dii domestici, sumti pro domo ipsa.

13 *Hanc*] Alii *Hac*.

15 *Nec propior*] Hoc est, nulla domus nostræ vicinior est quæ ametur ab Apolline et Musis. Vel, ut interpretatus sum, nullis ædibus propitior est Apollo.

17 *Quia qualiacumque*] Quia non fuisset illi otium scribendi hæc qualiacumque sint Epigrammata, si salutandi officiis vacasset.

LXXII.

AD SOMNUM.

NÆVIA sex cyathis, septem Justina bibatur;
 Quinque Lycas, Lyde quatuor, Ida tribus.
 Omnis ab infuso numeretur amica Falerno;
 Et quia nulla venit, tu mihi, Somne, veni.

Nævïa bibatur sex cyathis, Justina septem, Lycas quinque, Lyde quatuor, Ida tribus. Omnis amasia recenseatur a vino infuso: et quoniam nullu accedit, tu, Somne, accede ad me.

1 *Nævïa* in quibusdam codd. mendose: in aliis *Lævïa*. Ex hoc Epigrammate patet, quamvis in nonnullis vett. manuscriptis diphthongum æ simplice e scriptam videamus, Romanos eandem diphthongum binis elementis scribere consuetos. Pro *cyathis* in codd. quibusdam *calathis*. Vide Var. Notas, et Var. Lect. ad lib. II. Epig. 15.

NOTÆ

1 *Nævïa sex*] Veteres solebant tot haurire cyathos, quot literas includebant amicarum nomina: *Nævïa sex* habebat literas propter diphthongum æ, quæ duabus æquivalet: sex ergo cyathos hauriendos esse dicit Poëta in honorem *Nævïæ*. Vide lib. VIII. Epig. 51. lib. IX. 95. lib. XI. 37.

3 *Omnis ab*] Sic enim amicæ nomen conjectandum relinquebant, ubi haurirent tot cyathos, quot essent literæ

in illius nomine.

4 *Tu mihi, Somne*] Allusit ad veterem morem quo ad somnum conciliandum poscebatur ultimum poculum, Mercurio tanquam somni præsidi consecratum: pocula autem apud Græcos sacra erant tria: primum *Διὸς σωτηῆρος*, *Jovis Servatoris*; secundum *ἀγαθοῦ δαίμονος*, *Boni dæmonis*; tertium *Ἑρμοῦ*, *Mercurii*, quod ultimum hauriebatur in ejus honorem.

LXXIII.

AD FIDENTINUM.

NOSTRIS versibus esse te Poëtam,
 Fidentine, putas, cupisque credi?
 Sic dentata sibi videtur Ægle,
 Emtis ossibus, Indicoque cornu:
 Sic, quæ nigrior est cadente moro,

5

O Fidentine, an credis, et vis haberi Poëta nostris carminibus? Sic Ægle putat se esse dentatam, ossibus comparatis, et cornu Indico: sic Lycoris quæ magis est

NOTÆ

4 *Indicoque cornu*] Hoc est, ebore, quo significat dentes eboreos.

Cerussata sibi placet Lycoris.
 Hac et tu ratione, qua Poëta es,
 Calvus cum fueris, eris comatus.

atra moro cadente fucata sibi jucunda est. Cum fueris calvus, eris crinitus hac ratione, qua nunc es Poëta.

5 Ed. Junt. an. 1512. *calente moro.*—7 *Hac etiam ratione in eadem, cum Ald. Junt. aliisque.*

NOTÆ

6 *Cerussata*] Cerussa genus est pigmenti quo illinitur vultus ad candorem conciliandum. Plin. lib. xxxv. cap. 6.

morum vero maturum et cadens maxime nigrum.

8 *Eris comatus*] Emtis nempe aut surreptis capillis. Vide Epig. 54.

Sibi placet] Sibi candida videtur: supra de Fidentino.

LXXIV.

AD CÆCILIANUM.

NULLUS in urbe fuit tota, qui tangere vellet
 Uxorem gratis, Cæciliane, tuam,
 Dum licuit: sed nunc positis custodibus, ingens
 Turba fututorum est: ingeniosus homo es.

O Cæciliane, nullus extitit in omni civitate, qui vellet tangere conjugem tuam gratis, dum permisum fuit: at nunc custodibus datis, magna turba est mæchorum: homo es solers.

Lemma in cod. Thuan. est *Ad Micilianum*: et in ipso Epigrammate, vs. 2. *Meciliane.*

NOTÆ

1 *Qui tangere*] Vult Poëta Cæciliani uxorem deformem a nemine tactam, etsi gratis, hoc est, sine pretio licebat, sive etsi ultro dabat, vel nisi ipsa pecuniam suppeditabat: posita

vero custodia mæchos venisse pretium afferentes: itaque sagacem et solertem esse Cæcilianum dicit. Joicus sane lepidus.

LXXV.

AD PAULLAM.

MÆCHUS erat: poteras tamen hoc tu, Paulla, negare.
 Ecce vir est: numquid, Paulla, negare potes?

Adulter erat: nihilominus, o Paulla, poteras id inficiari: ecce maritus est: num id inficiari vales, o Paulla?

Delph. et Var. Clas.

Martial.

H

Hic nulla lectionis varietas in codd. extat, vel libris impressis.

NOTÆ

- 1 *Mœchus erat*] Is cui nupsisti. vivo marito mœchus tuus credebatur.
 2 *Numquid potes*] Fassa nempe fu- Vide lib. vi. Epig. 22.
 isti adulterium cum nupseris illi qui

LXXVI.

DE LINO.

DIMIDIUM donare Lino, quam credere totum,
 Qui mavult, mavult perdere dimidium.

Qui mavult Lino donare dimidium, quam mutuo dare totum, mavult amittere dimidium.

Nec in hoc Epigrammate quicquam variant aut libri manu exarati aut excusi.

NOTÆ

- 2 *Mavult perdere dimidium*] Cum disset: at vero qui dimidium donat, enim mutuum non redderet Linus, perdidit tantum alterum dimidium qui totum credidisset, totum perdi- quod credidit.

LXXVII.

AD FLACCUM.

O MIHI curarum pretium non vile mearum,
 Flacce, Antenorei spes et alumne Laris,
 Pierios differ cantusque chorosque sororum:
 Æs dabit ex istis nulla puella tibi.

O Flacce, digna merces meæ sollicitudinis, spes atque alumne Antenorei Laris, proroga concentus Pierios, et choros Musarum; nulla puella ex istis tibi donabit

- 3 *Pierios differ cantus, cantusque sororum* citat Langius ex ed. Pulmanni.—
 4 Junt. an. 1512. extstis.—5 *Quod petis a Phæbo, nummos* in quibusdam:

NOTÆ

- 1 *Pretium non vile*] Hoc est, o cns qui scripsit Argonautica.
 Flacce, tu dignus es qui me interpo- 2 *Antenorei Laris*] Id est, Patavii, quod condidit Antenor. Lares sunt Dii domestici, qui sæpius pro ædibus sumuntur, hic vero pro urbe.
 nam in tuam rem, hancque curam conferam ad tuam utilitatem, ut te moneam Musas esse relinquendas, forum vero adeundum. Hic est Flac- 4 *Nulla puella*] Nulla Musa.

Quid petis a Phœbo? nummos habet arca Minervæ: 5

Hæc sapit, hæc omnes fœnerat una Deos.

Quid possent hederæ Bacchi dare? Palladis arbor

Inclinat varias pondere nigra comas.

Præter aquas Helicon, et sarta, lyrasque Dearum

Nil habet, et magnum semper inane sophos. 10

pecuniam. Quid postulas ab Apolline? nummi sunt in capsâ Minervæ: hæc sapit, hæc sola mutuum dat omnibus Diis. Quid donare valerent hederæ Bacchi? Atrâ arbor Palladis gravitate incurvat ramos varios. Nihil est in Helicone, nisi aquæ, et coronæ, et cithara Deorum, et magnum sophos semper infructuosum. Quid tibi



Quid petis a Phœbo, nummos legendum censet Gronovius; ita certe Schrevelius.—6 *Hæc super hæc omnes, &c.* in marg. ed. Junt. penes Editorem, unde forsâ proba lectio elici possit, *Hæc super hos omnes, &c.* i. e. Minerva fœnerat, et supplet divitias præter omnes hos Deos, Apollinem scilicet et Musas. At vide Var. Notas.—7 *Quid possunt hederæ* Ald. Junt. Colin. aliæ vett.—8 ‘Cogitabam, pro *varias, gravidas, vel curvas*: quibus epith. passim utuntur auctores, ubi de fructuum abundantia agunt: sed abstineo, postquam τὸ *varias* sæpius olivis tribui didicim: unde et ‘bicolor bacca’ oliva dicitur Ovidio Met. viii. 664. An autem, pro *nigra*, legendum *pigra*? vel, quia oleæ tarde crescunt: vide Varr. de R. R. i. 41. et Virg. Georg. ii. 3. vel, quia arbores non inepte ‘pigræ’ dici queunt, cum, ramis fructuum pondere gravatis, non tam faciles motant cacumina. An scripsit forte, *Inclinat vario pondere pigra comas*? Haud temere tamen τὸ *nigra* rejecerim; tum, quia explicari potest ‘umbrosa:’ oleæ certe et umbræ gratia serebantur, (Plin. N. H. xv. 18.) tum vero, quia *nigra* pro ‘viridi’ accipi potest. Ovid. Fast. iv. 139.’ *Ant. de Rooy*.—9 Langius ex ed. Pulmanni citat: *cytharamque Deorum*. Junt. an. 1512. exhibet, *hyrasq; deorum*: aliæ *lyrasque Deorum*.—10 Cod. Palat. et alius quo usus est Heraldus habebant, *sed per inane*; unde ille conj. *sed perinane* hoc sensu: Magnum quidem sophos habent, sed tamen perinane; i. e. magna quidem et elata acclamatione excipiuntur, sed præterquam nihil omnino est. Sic etiam legit Heins. ad

NOTÆ

5 *Quid petis a Phœbo*] Paupere nempe.

Arca Minervæ] Hoc est, Minerva dives est, et habet opes quas largiatur Causidicis suis cultoribus. Ab ea autem pendent ceteri Dii, “*Ἄπαντα τῷ πλουτεῖν γὰρ ἔσθ’ ὑπήκοα*: *Pecuniæ obediunt omnia*. Aristoph. in Plut. Act. i. Sc. 2.

7 *Palladis arbor*] Oliva, cujus rami fructuum pondere incurvantur.

8 *Varias comas*] Frondes varii coloris, baccis graves, hoc est, Minerva locupletat Causidicos.

9 *Helicon*] Bœotiæ mons, Phocidi vicinus, non procul a Parnasso, qui et ipse Apollini sacer est et Musis.

10 *Sophos*] Acclamatio erat qua recitantes Poëtæ excipiebantur, sed nihil emolumenti accipiebant. Vide Epig. 4. supra.

Quid tibi cum Cirrha? quid cum Permesside nuda?
 Romanum propius, divitiusque forum est.
 Illic æra sonant: at circum pulpita nostra,
 Et steriles cathedras, basia sola crepant.

negotii cum Cirrha? quid cum aqua Permessidos? forum Romanum vicinius est, et opulentius. Illic pecunia sonat: sed oscula sola strepunt circa pulpita nostra, et steriles cathedras.



Ovid. Art. i. 337.—11 *Permessidos unda* Ed. antiq. Ferrar. an. 1471. Venet. Ald. Junt. Colin. Gryph. aliæ. *Permesside lympa* legit Janus Guilielmus ex codice. *Permesside unda* citatur in ed. Barbou 1754. Lectionem nostram ex optimis codicibus dederunt Gruterus et Scriverius.—13 Janus Guilielmus Verisim. lib. III. cap. 19. ex quodam codice legit: *ad Circum et pulpita nostra*: recenset enim loca poëtis veluti consecrata, *Circum*, in quo ludi fiebant et spectabantur fabulæ; *pulpita*, e quibus recitabantur poëmata; *cathedras* Grammaticorum, e quibus explicabantur.

NOTÆ

- 11 *Permesside*] Permessis fluvius ‘Pœnituit multos vanæ sterilisque ex Helicone dilabatur. cathedræ.’
 13 *Illic æra sonant*] In foro nempe, *Basia*] Quos enim recitantes probaverant, osculabantur antiqui. Vide
 ubi pecuniam accipiunt Causidici. Epig. 4. supra: ‘dum basia captas,’
 14 *Steriles cathedras*] Nullum emolumentum afferentes. Juv. Sat. vii. &c.

LXXVIII.

DE CHARINO.

PULCHRE valet Charinus, et tamen pallet.
 Parce bibit Charinus, et tamen pallet.
 Bene concoquit Charinus, et tamen pallet.
 Sole utitur Charinus, et tamen pallet.
 Tingit cutem Charinus, et tamen pallet. 5
 Cunnum Charinus lingit, et tamen pallet.

Bene se habet Charinus, et nihilominus pallet. Charinus potat temperate, et nihilominus pallet. Charinus digerit recte, et nihilominus pallet. Charinus apricatur, et tamen pallet. Charinus colorat cutem, et tamen pallet. . . .



De Carino lemma est in Ald. Junt. Colin. et aliis vett.—4 *Sole utitur*, &c. Hic versus deest in quibusdam membranis, et edd. vett. Ald. Junt. Colin. &c.

NOTÆ

- 4 *Sole utitur*] Ut cutem coloret. bat Charinus: sic illum turpi vitio laborare notat Poëta.
 Omnibus his adhibitis semper palle-

LXXIX.

DE FESTO.

INDIGNAS premeret pestis cum tabida fauces,
 Inque ipsos vultus serperet atra lues ;
 Siccis ipse genis flentes hortatus amicos
 Decrevit Stygios Festus adire lacus.
 Nec tamen obscuro pia polluit ora veneno, 5
 Aut torsit lenta tristia fata fame :
 Sanctam Romana vitam sed morte peregit,
 Dimisitque animam nobiliore via.
 Hanc mortem fatis magni præferre Catonis
 Fama potest : hujus Cæsar amicus erat. 10

Cum pestilentia contagiosa urgeret guttur immeritum; et nigra contagio irreperet in faciem ipsam; ipse Festus siccis genis excitans amicos lacrymantes statuit petere paludem Stygiam. Nihilominus non fœdavit os sanctum turpi toxico, aut cruciavit mortem diram esurie lenta. Sed morte Romana finivit vitam inviolatam, atque egit spiritum busto illustriore. Fama potest antepone hunc interitum morti magni Catonis: hic carus erat Cæsari.

2 *Inque suos* Grut. Scriv. Farnab. Schrevel. &c. *Inque ipsos* Venet. Ald. Junt. Colin. Gryph. Pulman. Junian. Lang. Delph. aliæ: et sic legit D'Orleans. Vide Gronov. inter Var. Notas, ad Epig. 112. *Inque duos* Barbou Par. 1754. errore manifesto pro *suos*.—5 Janus Guilielmus Verisimil. lib. III. cap. 19. legendum putat, *palluit*, ut apud Virg. de Cleopatra veneno peritura: 'pallentem morte futura.' Hoc improbat Musambertius contra Ramiresium, legens: *Nec tamen obscæno pia polluit ora veneno*.—8 Venet. Ald. Junt. Colin. Gryph. aliæ vett. exhibent, *nobiliore rogo*: et Ramires de Prado, nescio unde, citat, *nobiliore loco*. Musambertius e membranis affert, *nobiliore via*: codex Heraldii habet *vita*, quod confirmat lect. nostram ex optimis libris restitutam. Vide Var. Notas. *nobiliore modo* f. reponendum putat Wakefield. in Sylv. Crit. Part. IV. §. 169.

NOTÆ

- 3 *Siccis ipse*] Id est, non flens. *via*.
 7 *Romana sed morte*] Nempe pectus 10 *Hujus Cæsar*] Se enim intere-
 transfodit, exemplo Lucretiæ, Catonis, mit Cato metu aut odio Cæsaris; at
 et multorum aliorum Romanorum. vero Domitianus hujus Festi amicus
 8 *Nobiliore via* [*rogo*] Rogum sumit fuit.
 pro morte ipsa. Legunt alii *nobiliore*

LXXX.

AD ATTALUM.

SEMPER agis causas, et res agis, Attale, semper :
 Est, non est, quod agas, Attale, semper agis.
 Si res et causæ desunt, agis, Attale, mulas.
 Attale, ne quod agas desit, agas animam.

Attale, dicis causas, atque assidue tractas negotia. Attale, continuo agis, sive sit, aut non sit, quod agas. Si negotia, et lites deficiunt, Attale, ducis mulas. Attale, ne deficiat quod geras, emittas spiritum.

1 In Junt. penes Editorem margini ascriptum legitur : *Semper agis causas, dum agitur res, Attale, semper.* Mox vs. 3. *agis, Attale, nugas.*

NOTÆ

4 *Agas animam*] Id est, pereas. nificatione verbi 'ago.'
 Lusus Epigrammatis est in varia sig-

LXXXI.

AD CANUM.

SPORTULA, Cane, tibi suprema nocte petita est.
 Occidit, puto, te, Cane, quod una fuit.

O Cane, poposcisti sportulam ultima nocte. O Cane, interfecit te, ut arbitror, quod unica extitit.

In hoc Epigrammate nihil variant aut exemplaria scripta aut typis excusa.

NOTÆ

2 *Quod una fuit*] Quæ nempe huic tracto dolore periit. helluoni non sufficeret, unde con-

LXXXII.

AD SOSIBIANUM.

E SERVO scis te genitum, blandequæ fateris,
 Cum dicis dominum, Sosibiane, patrem.

O Sosibiane, non ignoras te natum ex mancipio, et comiter confiteris, cum parentem tuum appellas dominum.

1 *A servo* cod. Thuan. *E servo* omnes alii libri. Musambertius in libello contra Ramires de Prado ipsissimam Valerii manum esse contendit : *E servo scis te genitum, &c.* qua conjectura nihil certius videtur Heraldo. At consule Var. Notas.

NOTÆ

1 *E servo*] Quod nempe mater adultera ex servo suscepisset Sosibianum: vel forte melius legendum *E serva*: cum enim partus ventrem sequatur, ex serva et patrefamilias natus Sosibianus servus est, et patrem habet eundem et dominum. Vide Epig. 85. infra.

LXXXIII.

DE REGULO.

HÆC, quæ pulvere dissipata multo
 Longas porticus explicat ruinas,
 En quanto jacet absoluta casu!
 Tectis nam modo Regulus sub illis
 Gestatus fuerat, recesseratque; 5
 Victa est pondere cum suo repente;
 Et postquam domino nihil timebat,
 Securo ruit incruenta damno.
 Tantæ, Regule, post metum querelæ,
 Quis curam neget esse te Deorum, 10
 Propter quem fuit innocens ruina?

Hæc porticus quæ dissoluta exponit longa excidia in multo pulvere, en quanto casu liberata procumbit! paulo enim ante Regulus vectus fuerat sub illis tectis, et discesserat: cum subito desedit sua mole, et postquam nihil metuebat hero, incruenta concidit ruina tuta. O Regule, post timorem tantæ querimoniam, quis inficietur Deos habere curam tui, cujus gratia ruina fuit innoxia?

7 In Ald. Junt. et Colin. *Et postquam dominum.*—9 Janus Rutgersius Var. Lect. lib. vi. cap. 11. *Tutæ* scribendum putat, postquam evasisset Regulus.

NOTÆ

3 *En quanto*] Vide Epig. 13. supra. mirum tenuit nostras fortuna quere-
 9 *Post metum*] Epig. citato: 'Ni- las.'

LXXXIV.

DE MANNEIA.

Os et labra tibi lingit, Manneia, catellus:
 Non miror, merdas si libet esse cani.

Catellus tibi lambit os et labra: non mirum est, si canis amat comedere stercus.

De Manuella inscribitur in Venet. Ald. Junt. et Colin.—1 In iisdem *lingit Manuella.*—2 *Pro libet*, alii legunt *licet*.

NOTÆ

1 *Os et labra*] Ora et labia Man- tatem tui oris. Juven. Sat. x. Bona
neiā fœtida fuisse notat, canes quippe tota feruntur Ad Phialen, tantum
lambendis immunditiis delectantur, artificis valet halitus oris.
quæ tetro odore non superant fœdi-

LXXXV.

DE QUIRINALI.

UXOREM habendam non putat Quirinalis,
Cum vult habere filios : et invenit
Quo possit istud more : futuit ancillas,
Domumque, et agros implet equitibus vernis.
Pater familiæ verus est Quirinalis. 5

Quirinalis non existimat conjugem esse ducendam, cum cupit suscipere natos, et reperit. Qua ratione id queat? Rem habet cum ancillis, implet agros et domicilium equitibus vernis: Quirinalis verus est paterfamilias.

2. 3 Junius, Ed. Plant. Langius, Pulmannus, aliique nonnulli cum interrogationis nota sic legunt: *Cum vult habere filios, et invenit. Quo possit istud modo?*—5 *Paterfamilias* Heraldus, Scriv. Farnab. Schrevel. Maittair. Barbon, &c. *Pater familiæ* in edd. vett.

NOTÆ

3 *More*] Legunt alii sine interrogatione, unde alius sensus efficitur.

4 *Implet vernis*] Verna servus est domi natus: *equitibus* autem dixit quia Quirinalis eques erat.

5 *Pater*] Sic enim blando nomine dominum servi appellabant patremfamilias; sed hic verum dicit Poëta patrem familiæ Quirinalem, quod ejus familia ab ipso esset genita.

LXXXVI.

DE MARIO.

VENDERET excultos colles cum præco facetus,
Atque suburbani jugera pulchra soli:
Errat, ait, si quis Mario putat esse necesse
Vendere: nil debet; fœnerat immo magis.

Cum præco argutus vellet vendere colles excultos, et pulchra jugera fundi suburbani: Si quis, inquit, arbitratur opus esse Mario alienare, hallucinatur: nihil debet, immo magis dat mutuum. Quæ causa est ergo? ubi amisit omnia mancipia,

De præcone lemma est in cod. Bodl.—3 Editio Juntina nostra an. 1512. ascriptum habet margini: Errat, ait, si quis Mario putat istu necesse Vendere:

Quæ ratio est igitur? servos ubi perdidit omnes, 5
 Et pecus, et fructus, non amat inde locum.
 Quis faceret pretium, nisi qui sua perdere vellet
 Omnia? sic Mario noxius hæret ager.

et armenta, et fructus, exinde non delectatur eo loco. Quis liceretur, nisi qui vellet amittere omnia sua? sic campus pestilens remansit penes Marium.

et hæc lectio forte reponenda est, ut versus claudatur melius.—5 In quibusdam codd. *servos ibi perdidit omnes.*—6 Alii pro *amat*, legunt *amet*.

NOTÆ

5 *Servos ubi perdidit*] Hanc scilicet qua emtores omnes ab emendo deter-
 subjecit causam malitiosus præco, ruit.

LXXXVII.

DE NOVIO MICROPSYCHO.*

VICINUS meus est, manumque tangi
 De nostris Novius potest fenestris.
 Quis non invideat mihi, putetque
 Horis omnibus esse me beatum,
 Juncto cui liceat frui sodale? 5
 Tam longe est mihi, quam Terentianus,
 Qui nunc Niliacam regit Syenen.
 Non convivere, nec videre saltem,

Novius habitat in mea vicinia, et potest manu attingi de nostris fenestris. Quis non invideat mihi, et credat me esse felicem omnibus horis, cui fas sit uti socio vicino? Tam procul a me distat quam Terentianus, qui nunc gubernat Syenen Niliacam. Non datur potestas simul vivendi, nec saltem aspiciendi, non auscultandi;

De Novio Vicino inscribitur in codice Bodl. *De Novio micropsico* in Thuan. *De Novio Microspico* in antiq. ed. Ferrar. an. 1471. Venet. Ald. Junt. an. 1512. Colin. 1528. et Pulman. probante Scaligero: in aliis, *De Novio Micro-*

NOTÆ

* *De Novio*] *Μικρόψυχος*, pusillanimitas, illiberalis. Sic Novium avaritiæ accusat poëta. Alii delendam hanc vocem *Micropsycho* arbitrantur, et nonnullos exagitari a Poëta qui quæ ad manum habent, contemnunt; at vero quæ remotiora sunt et paratu difficiliora, sectantur. Judicet lector.
 6 *Quam Terentianus*] Qui tunc erat præfectus Ægypto, cujus Syene urbs

Non audire licet: nec urbe tota
 Quisquam est tam prope, tam proculque nobis. 10
 Migrandum est mihi longius, vel illi.
 Vicinus Novio, vel inquilinus
 Sit, si quis Novium videre non vult.

nec in omni civitate ullus est tam prope, et tam longe a nobis. Oportet me vel illum longius abire. Si quis nonvult aspiciere Novium, fiat vicinus Novio, vel inquilinus.

spicio, vel Micropsigo, vel Micropsopo. Beverlandus legit (Μικροσκόπω) Microscopo: et sic conj. Vossius. Vide Var. Notas.

NOTÆ

ad Nilum sita, quæ hodie ab aliis appellatur *Guegere*, ab aliis *China*, ab aliis vero *Asna*. Poëta.
 12 *Inquilinus*] Qui nempe in Novii ædibus conductis habitat.

11 *Migrandum est*] Hoc facete dicit

LXXXVIII.

AD FESCENNIAM.

NE gravis hesterno fragres, Fescennia, vino,
 Pastillos Cosmi luxuriosa voras.
 Ista linunt dentes jentacula: sed nihil obstat,
 Extremo ructus cum venit a barathro.
 Quid quod olet gravius mistum diapasmate virus, 5
 Atque duplex animæ longius exit odor?

O Fescennia intemperans, deglutis pastillos Cosmi, ne male oleas gravis hesterna potatione. Ista jentacula unguunt dentes, sed nihil impedit, cum ructus venit ab imo stomacho. Quid quod venenum diapasmate commixtum fœtet pejus, et geminus

Ad Fesceniam lemma est in edd. vett.—3 Pro obstat Musambertius in libello contra Ramiresium conj. obstant, ut ad jentacula, sive pastillos, respiciat: hoc etiam malit Ant. de Rooy. firmat codex Thuan. ubi legitur obstant; quod etsi non omnino bene, viam tamen parat ad veram lectionem.—4 Ex-

NOTÆ

2 *Pastillos Cosmi*] Cosmus myropola erat, qui conficiebat ejusmodi pastillos ex aromatibus, et pulveribus odoratis.

3 *Ista linunt*] Hoc est, cum jejuna sumis illos pastillos, possunt illi quidem opprimere fœtorem in dentibus hærentem, nequeunt vero illum coercere, qui venit ex stomacho.

4 *Ructus cum*] Cruditatis exhalatio est.

5 *Diapasma*] Unguenti genus quod fit ex rosis aridis, de quo Plinius lib. XXI. cap. 19.

Virus] Ponitur pro halitu gravi.

6 *Duplex odor*] Hesterni vini, et diapasmatis.

Notas ergo nimis fraudes, deprensaque furta
Jam tollas, et sis ebria simpliciter.

animæ odor procedit longius? Igitur jam removeas fallacias nimium cognitæ, et sis temulenta simpliciter.

tremo ruptus in Ms. Beverlandi. Extremo ructus quin veniat barathro in margine Junt. nostræ.—8 In eadem Junt. margini ascriptum: sic ebria semper eris.

NOTÆ

7 *Deprensaque*] Vitiū quod cum vinum et ejusmodi medicamenta oleascura tegitur, furtum appellatur a Poëta. Vide lib. III. Epig. 42. et lib. VI. Epig. 7.

8 *Sis ebria simpliciter*] Ne simul

LXXXIX.

AD ALCIMUM.

ALCIME, quem raptum domino crescentibus annis
Labicana levi cespite velat humus;
Accipe non Phario nutantia pondera saxo,
Quæ cineri vanus dat ruitura labor;
Sed fragiles buxos, et opacas palmitis umbras, 5
Quæque virent lacrymis roscida prata meis.

Alcime, quem tegit Labicana terra levi gramine, abreptum hero annis juvenilibus; accipe non molem vacillantem ex silice Ægyptia, quam lapsuram exstruit cineri labor inanis; sed buxos caducus, atque umbras obscuras palmitis, et prata quæ virescunt

In cod. Bodl. inscribitur: *Epitaphium Alcimi pueri.*—1 *Alcime, quam in Junt. an. 1512. operarum lapsu.*—2 *Ant. de Rooy prætulit velet, ex consuetudine bene defunctis precandi formula. Sic infra lib. v. Epig. 35. et IX. Epig. 30. Quam emendationem probat vir quidam doctus in Epist. Crit. ad eundem Antonium.*—3 *Pario in quibusdam: nutantia in Junt. et ab antiqua manu mutatum in imitantia.*—4 *Quæ cineri nanus Junt. an. 1512. nanus et vanus similia sunt in codd. antiq. Vide Burm. ad Propert. IV. 9. 33.*—6 In

NOTÆ

2 *Labicana humus*] Via Labicana ducebat ad Labicum mediterraneum, Latii pagum, hodie *Valmontone*.

Levi cespite] Hoc est, non superbo tumulo; vel potius alludit ad formulam antiquam *S. T. T. L.* hoc est, *sit tibi terra levis.* Vide lib. v. Epig. 35.

3 *Non Phario*] Non Pyramides, Obeliscos, et statuas, quibus tumulos ornabant Ægyptii. Vide lib. Spect. Epig. I. 'pendentia Mansolea.' Pharos colonia et oppidum Ægypti apud Alexandriam. Alii *Pario*: marmor Parium notum est.

5 *Sed fragiles buxos*] Spatium quod-

Accipe, care puer, nostri monumenta laboris :
 Hic tibi perpetuo tempore vivet honor.
 Cum mihi supremos Lachesis perneverit annos,
 Non aliter cineres mando jacere meos.

10

rigata meis fletibus. O dilecte puer, recipe pignora nostri mæroris: hoc decus tibi duret omni tempore. Cum Lachesis mihi perneverit ultimos annos, non alio modo jubeo jacere meos cineres.

antiqua H. Buschii editione legitur, *humida certa meis*; unde *serta* conjiciebat Arntzenius, Professor et Gynnasiarcha Zutphan. Cf. Ovid. Trist. III. 3. 82. et Tibull. II. 7. 14. Ed. Ferrar. 1471. Venet. Ald. Junt. Colin. Gryph. Plant. Pulman. aliæ habent etiam *humida*. Nostram testantur lectionem codd. Bodl. Thuan. Arondell. Grut. et Scriv.—7 In edd. vett. *monumenta doloris*, quod habet etiam cod. Arondell. *labori* citat Langius ex Pulmanni editione.—9 *Lachesis pervenerit* in omnibus edd. vett. Error inde natus est, quod literæ *n* et *v* sæpe commutantur a librariis: sic ‘nox’ et ‘vox,’ ‘nervos’ et ‘vernos,’ ‘nos’ et ‘vos,’ ‘neuter’ et ‘venter,’ ‘noster’ et ‘voster’ vel ‘vester,’ ‘venerat’ et ‘neverat,’ et alia quamplurima. Vide nos ad Catull. LXIV. 289. LXVIII. 7. et 18. et ad Tibull. II. 6. 44. et 45. IV. 1. 84. IV. 2. 24. item Drakenb. ad Sil. II. 282. VI. 434. ad Liv. Tom. II. p. 193. Burm. ad Propert. III. 7. 66. III. 10. 21. et ad Ovid. Epist. III. 116. Beverlandi Ms. habet *supremus....annus*.

NOTÆ

dam sepulcro destinatum in agris religiosum erat, quod variis arborum generibus decorabant antiqui: Martialis vero in honorem Alcimi pueri buxos insevit quibusdam in pratis, quæ per hyperbolen suis lacrymis irrigari dicit.

7 *Monumenta laboris*] Hæc Carmina, sc. buxos, et prata.

8 *Hic tibi perpetuo*] Id de perpe-

tuitate suorum Carminum auguratur Poëta, ut lib. x. Epig. 2. ‘At chartis nec furta nocent, nec sæcula præsent; Solaque non norunt hæc monumenta mori.’

9 *Lachesis*] Una e Parcis, quæ humanæ vitæ stamen net.

10 *Non aliter cineres*] Hoc est, tumulam meam versibus egregii Poëtæ ornari tantum cupio.

XC.

AD CINNAM.

GARRIS in aurem semper omnibus, Cinna;
 Garris et illud, teste quod licet turba.

O *Cinna, perpetuo susurras cunctis in aurem, susurras et illud, quod fas est mul-*

4 In margine Junt. penes nos, *dam̄nas*, i. e. *damnas*: *cl* et *d* centies permutata reperiuntur in codd. Vide Cort. ad Sallust. Cat. XXVI. 4. Jug. XXII. 1. Burm. ad Anthol. Lat. Tom. I. p. 364. Drakenb. ad Sil. II. 52. ad Liv. X. 24.

Rides in aurem, quereris, arguis, ploras :
 Cantas in aurem, judicas, taces, clamas.
 Adeone penitus sedit hic tibi morbus, 5
 Ut sæpe in aurem, Cinna, Cæsarem laudes ?

titudine præsentē : rides in aurem, expostulas, reprehendis, fles : canis in aurem, decernis, siles, vociferaris. Adeone penitus hoc vitium tibi inveteratum, ut sæpe, o Cinna, Cæsarem celebres in aurem ?

et Leopard. Emendatt. x. 25.—5 *Adeoque penitus* exhibet codex opt. Arondell. quod præfert Gronovius; quem vide in Var. Notis.

NOTÆ

5 *Hic morbus*] Garriendi in aurem dat Poëta, innuens laudes ejus palam vitium. esse proferendas.

6 *Ut sæpe*] Sic Cæsarem acute lau-

XCI.

AD BASSAM TRIBADEM.

QUOD nunquam maribus junctam te, Bassa, videbam,
 Quodque tibi moechum fabula nulla dabat :
 Omne sed officium circa te semper obibat
 Turba tui sexus, non adeunte viro :
 Esse videbaris, fateor, Lucretia nobis : 5
 At tu (pro facinus!) Bassa, fututor eras.

1 Pro *junctam* in quibusdam *cinctam*; et sic ed. Par. an. 1754.—3 *Omnis et officium* Ald. Junt. et Colin. ita etiam codex Arondell. aliique, teste Grutero.—4 In Juntina nostra margini ascriptum est: *non adeunda viro*.—7 *Inter se*

NOTÆ

1 *Quod nunquam, &c.*] Bassam tribadem facete carpit confessione erroris sui, quod existimasset castissimam esse fœminam, quia nunquam ad eam vir adiret, sed semper cum fœminis esset: postea vero comperitum est, tribadem esse.

Junctam] Alii *cinctam*.

2 *Fabula*] Proprie fabula. Seneca controv. lib. II. 7. 'Duxi uxorem mature; semper dilexi; ad omnem me tutum fabulam præstiti.'

3 *Omne sed officium*] Quod Gruterus ait in plerisque remanere exemplaribus, *omnis et officium*, constabat et in

Arondelliano. Et forte spernendum non est. *Turba omnis tui sexus* est mera muliebris. Gronovius.

5 *Lucretia nobis*] Casta, ut Lucretia absente viro.

6 *Fututor eras*] Τριβὰς, ὀλίβου opera usa.

Fututor] Est anthesis in nomine *fututor* adjuncto fœminæ, quam fututricem par erat appellare; sed data hoc opera factum, ut turpitudinem ejus magis notaret. Estque hoc tribadibus peculiariter tributum a Martiale, ut de iis 'futuere' dici possit. Ramires.

Inter se geminos audes committere cunnos,
Mentiturque virum prodigiosa Venus.

Commenta es dignum Thebano ænigmate monstrum :

Hic, ubi vir non est, ut sit adulterium.

10

geminos audet Langius.—10 Ant. de Rooy malit per interrogationem: *ut sit adulterium?* quod certe voluit ille, qui margini Junt. nostræ ascripsit: *qui sit adulterium.* At noverat Poëta et in præcedd. explicuerat, quomodo res absurda se haberet. Neque adeo interrogatione opus fuit, quasi de ἀδυνάτω. Id necesse fuit, et sensus postulabat, ut doceret, qua in re ænigma illud consisteret, quod præced. versu memoraverat.

NOTÆ

9 *Dignum, &c.*] Ænigma dignum Vel, ænigma, cui solvendo opus est Thebano monstro, id est Sphinge. Œdipo Thebano.

XCII.

AD LÆLIUM.

CUM tua non edas, carpis mea carmina, Læli.

Carpere vel noli nostra, vel ede tua.

O *Læli*, cum non publices tuos versus, reprehendis meos: noli reprehendere meos, vel publica tuos.



Ad *Lælium obtrectatorem* lemma est in quibusdam codd. Cetera nil variant exemplaria.

NOTÆ

2 *Vel ede tua*] Quæ vicissim carpere possim.

XCIII.

AD MAMURIANUM.

SÆPE mihi queritur non siccis Cestus ocellis,

Tangi se digito, Mamuriane, tuo.

Non opus est digito: totum tibi Ceston habeto,

Si deest nil aliud, Mamuriane, tibi.



1 *Cestos* in Junt. et Colin.—7 Codex Bodl. exhibet *stricta lucerna*; unde

NOTÆ

1 *Cestus ocellis*] Acerbe invehitur in Mamurianum pauperem, qui puerum Cestum de stupro appellabat subinde.

Cestus] Puer Poëtæ.

2 *Digito tuo*] Digito obscæno per

obsœna ipsum ad stuprum pelliciente, et se paratum pædiconem ostentante.

3 *Totum Ceston*] Id est, non solum concedo, quod digito sollicitas; sed totum et integrum puerum.

Sed si nec focus est, nudi nec sponda grabati, 5
 Nec curtus Chiones, Antiopesve calix :
 Cerea si pendet lumbis, et trita lacerna,
 Dimidiasque nates Gallica palla tegit ;
 Pasceris et nigræ solo nidore culinæ,
 Et bibis immundam cum cane pronus aquam : 10
 Non culum (neque enim est culus, qui non cacat olim)
 Sed fodiam digito, qui superest, oculum.
 Nec me zelotypum, nec dixeris esse malignum.
 Denique pædica, Mamuriane, satur.

forsan Gruterus suum eruit *scripta lacerna*, literæ enim *t* et *c* pæne similes sunt in codd. *scruta lacernæ* Janus Rutgersius.—11, 12 *Non culum digito; neque enim est, qui non cacat olim, Culus; sed fodiam, &c.* Pulmannus, Junius, Langius, Delph. alii. Nostram lectionem testantur cod. Bodl. cum edd. Ald. Junt. Colin. Scriv. &c.

NOTÆ

5 *Sed si nec focus est*] Est parasceve ad epiphonema contentum ultimo versu Epigrammatis, et describit summam Mamuriani egestatem. Tum *focus* signum erat locupletis domus, ut lib. x. Epig. 47. inter beatæ vitæ adjuncta focum perennem enumerat.

6 *Nec curtus, &c.*] Si nec ad bibendum tibi sit ruptus calix, vel quali utuntur Chione, Antiope, ceteræque meretrices etiam ad obscænas lotiones, lib. II. Epig. 50.

7 *Cerea, &c.*] Decolor, non candida, a tritura flavescens: vel, sebo et sudore quasi incerata. *Trita lacerna*] Gruter. *scripta lacerna*. J. Rutgers. *scruta lacernæ*. Propius Ms. Bodleian. *stricta lacerna*. Sed retineamus quæ

edita est, probam et Nostro familiarum.

8 *Dimidiasque, &c.*] Οἱ γὰρ Κέλται ἀντὶ χιτώνων σχιστοὺς χειριδωτοὺς φέρουσι μέχρι αἰδοίων καὶ γλουτῶν. Strabo.

11 *Neque, &c.*] Supra vers. 2. Huic lectioni consentiunt Ms. Bodleianus, et P. Scriverii editio.

12 *Sed, &c.*] Consuetæ res olim, in ira, in rixa, digito oculum eruere. *Qui superest, &c.*] Luscum innuit Mamurianum: παρονομάζει. Vide lib. III. Epig. 92. quæ minandi formula, ‘Oculos tibi effodiam,’ Plauto solennis.

14 *Denique, &c.*] Non ægre ferrem. ‘Atqui si id faceres satur tantum,’ Catull. Carm. XXI. unde desumptum videtur hoc Epigramma.

XCIV.

DE AQUINO.

FABRICIO junctus fido requiescit Aquinus,
 Qui prior Elysias gaudet adisse domos.

Aquinus fidei Fabricio conjunctus requiescit, qui lætatur primus petiisse ædes

2 *Qui prior Elysias gaudet abisse* edd. antiquiss. cum Ald. Junt. et Colin.

Ara duplex primi testatur munera pili :

Plus tamen est, titulo quod brevior legis.

FUNCTUS uterque sacro laudatæ fœdere vitæ,

5

Famaque quod raro novit, amicus erat.

Elysias. Duo altaria testificantur officia primipili: nihilominus amplius est, quod evolvis inscriptione brevior. Uterque adimplevit sacrum fœdus vitæ commendatæ, et benevolus erat, quam rem raro cognovit fama.

quam lectionem servat etiam Scriverius.—4 In quibusdam codicibus. *Inscriptum est titulo, quod brevior legis.* Bodl. habet: *Inscriptum titulo quod brevior legis.* Ramiresius vult verba, *brevior legis*, ultima esse Epigrammatis.—5 Sunt qui legant *Unctus*. Cod. Arondell. exhibet: *laudatæ pondere vitæ*.—6 In eodem cod. *raros*; unde Gronov. *Famaque qua raros novit, &c.* quem vide inter Var. Notas. Hoc ultimum distichon alio caractere legitur in omnibus fere libris. Vide ad vs. 4.

NOTÆ

- 2 *Qui prior*] Vide Epig. 37. supra: inter æmulos concordia.
 ‘Quod pro fratre mori vellet uterque prior.’ 5 *Functus*] *Supple est.* Ultimum hoc distichon inscriptum erat tumulo. Videntur enim, qui sic vivunt, cum virtute fœdus pepigisse. *Ramiresius.*
 3 *Ara duplex*] Cui inscriptum erat utrumque primipilum, hoc est, centurionem primæ cohortis fuisse. 6 *Amicus erat*] Id est, amore mutuo se complectebantur.
 4 *Plus tamen est*] Rara quippe est

XCV.

AD ÆGLEN FELLATRICEM.

CANTASTI male, dum fututa es, Ægle.

Jam cantas bene; basianda non es.

In hujus Epigrammatis lectione nulla varietas est in codicibus et libris impressis.

NOTÆ

- 1 *Cantasti male*] Quæ olim male ad fellandum vocant. Quia impuri cantasti, dum, &c. jam diceris bene oris *μύζουπις*.
 cantare ab iis qui te sub vocis specie

XCVI.

AD HELIUM.

QUOD clamas semper, quod agentibus obstrepis, Heli,

Non facis hoc gratis: accipis, ut taceas.

O *Heli*, quod perpetuo vociferaris, quod obtundis agentes, hoc non agis gratis: recipis ut sileas.

Ad *Ælium* inscriptio est in codice Thuaneo.—1 In eodem codice: *obstre-*

pis Æli. Cetera nihil variant libri aut calamo exarati aut typis impressi.

NOTÆ

1 *Quod agentibus]* Qui nempe rusticis Helii clamoribus obtusi, pecunia data, ejus silentium emebant.

XCVII.

AD SCAZONTEM, DE FELLATORE.

SI non molestum est, teque non piget, Scazon,
Nostro, rogamus, pauca verba Materno
Dicas in aurem, sic, ut audiat solus.

Amator ille tristium lacernarum,

Et Bæticus, atque leucophæatus, 5

Qui coccinatos non putat viros esse,

Amethystinasque mulierum vocat vestes,

Nativa laudat; habeat et licet semper

Fuscos colores, Galbanos habet mores;

Rogabit, unde suspicer virum mollem. 10

O Scazon, si non grave est, nec te tædet, oramus ut facias Materno nostro sermones paucos in aurem, ita, ut solus auscultet. Ille qui amat lacernas mæstas, et Bæticus atque leucophæatus est, qui non credit coccinatos esse viros, et amethystinas appellat vestes fæminarum, commendat nativa, quamvis perpetuo habeat colores subnigros, habet mores Galbanos; quæret unde reputem hominem effæmi-

Ad Scazontem de fellatore quodam in Ald. Junt. Colin. et aliis vett.—8 Lipsius Elector. lib. i. cap. 13. legit laudet, quod placet Ramiresio.—9 Alii malint Galbinos.—10 In quibusdam Rogabis.—12 Janus Guilielm. Verisimil.

NOTÆ

1 *Scazon]* Versus Iambo similis, excepto ultimo pede, in quo est spondæus, unde claudicare dicitur a verbo σκάζω: idcirco Poëta dicit, *Si non molestum est.* De Materno dicemus lib. x. Epig. 37. Alloquitur versum suum.

4 *Amator ille]* Nempe cui placent vestes pullæ.

5 *Et Bæticus]* Bætis fluvius est Hispaniæ, hodie *Guadalquivir*, ad quem sunt oves quarum lana subrutili est coloris nativi: hoc est, qui habet vestes non tinctas. Vide lib. xiv. Epig. 133.

Leucophæatus] Nomen compositum a verbo Græco λευκόφαιος, ex albo et fusco mixtus.

6 *Coccinatos]* Id est, existimat eos

Delph. et Var. Clas.

Martial.

esse effæminatos, qui vestibus utuntur tinctis cocco.

7 *Amethystinas]* Vestes amethystini coloris a lapide amethysto, cujus color purpureus est.

8 *Nativa]* Quæ non sunt artificio tincta; quales sunt vestes Bæticiæ, de quibus lib. xiv. Epig. 133. 'Non est lana mihi mendax, nec mutor aëno: Sic placeant Tyriæ: me mea tinxit ovis.'

9 *Galbanos]* Alii *Galbinos*: Galbanus vero color pallidus, flavus dicitur, secundum quosdam cœruleus, et viros dedecet, ut mollior et effæminator: hoc est, mores effæminatos. Juven. Sat. ii. 'Cœrulea indutus scutulata, aut Galbana rasa.'

Una lavamur: aspicit nihil sursum;
 Sed spectat oculis devorantibus draucos:
 Nec otiosis mentulas videt labris.
 Quæris, quis hic sit? excidit mihi nomen.

natum. Balneum nobis idem est: nihil aspectat desuper: rogas quis hic sit? oblitus sum nominis.

lib. III. cap. 19. emendat: *Despectat oculis, &c.* Eadem medicina forte facienda Epig. 64. libri XI. 'Spectas nos, Philomuse, cum lavamur:' et legendum 'Despectas,' cum idem sit argumentum utriusque Epigrammatis.

XCVIII.

AD NÆVOLUM CAUSIDICUM.

CUM clamant omnes, loqueris tu, Nævole, tantum,
 Et te patronum causidicumque putas.
 Hac ratione potest nemo non esse disertus.
 Ecce, tacent omnes: Nævole, dic aliquid.

Cum cuncti vociferantur, tu, Nævole, semper facis verba, et te existimas patronum et Causidicum. Hoc modo quilibet potest videri facundus. Ecce cuncti silent: Nævole, profer aliquid.

1 In Ald. Junt. et Colin. *Cum clamant omnes, loqueris tu, Nevole, semper.* In marg. Plant. sic emendatur: *Dum clamant omnes, loqueris hinc Nevole tantum.* Thuan. habet: *tunc, Nævole, tantum.*

NOTÆ

1 *Cum clamant*] Aliis strepentibus ipse propter imperitiam tacebat. et clamantibus ignarus hic rabula Alii, *Dum clamant omnes, loqueris tunc,* verba faciebat; tacentibus vero, et *Nævole, tantum.*

XCIX.

AD FLACCUM.

LITIGAT, et podagra Diodorus, Flacce, laborat.
 Sed nil patrono porrigit: hæc chiragra est.

O Flacce, Diodorus litigat, et vexatur podagra: at nihil offert Causidico; chiragra est.

2 Alii legunt, *cheragra*, ut constet versus, quod et fieri potest extrita alterutra diphthongi vocali.

NOTÆ

2 *Chiragra est*] Podagra morbus non podagra illum, sed chiragra labor est pedum, chiragra vero manuum: rare facete dicit Poëta. cum patrono nihil daret Diodorus,

C.

AD CALENUM AVARUM.

Non plenum modo vicies habebas ;
 Sed tam prodigus, atque liberalis,
 Et tam lautus eras, Calene, ut omnes
 Optarent tibi centies amici.
 Audit vota Deus, precesque nostras ; 5
 Atque intra, puto, septimas Kalendas
 Mortes hoc tibi quatuor dederunt.
 At tu sic, quasi non foret relictum,
 Sed raptum tibi centies, abisti
 In tantam miser esuritionem, 10
 Ut convivia sumtuosiora,
 Toto quæ semel apparatus in anno,
 Nigræ sordibus explices monetæ ;
 Et septem veteres tui sodales
 Constemus tibi plumbea selibra. 15
 Quid dignum meritis precemur istis ?

Paulo ante non possidebas completum vicies ; sed, o Calene, eras adeo profusus et beneficus, atque adeo splendidus, ut cuncti amici tibi precarentur centies. Deus excepit vota et obtestationes nostras ; et quatuor funera donarunt hoc tibi, opinor, intra septem menses. Sed tu, infelix, tanquam non foret tibi relictum centies, sed ablatum, lapsus es in tantam famem, ut sordibus monetæ nigræ instruas epulas lautiores, quas semel celebras toto in anno ; et impendas selibræ plumbeam pro



9 Ramiresius de Prado legi jussit : *Sed partum tibi centies*, ut lib. x. Epig. 47. ‘ non parta labore, sed relicta.’ Hanc emendationem improbant Mu-

NOTÆ

1 *Plenum vicies*] Id est, non omnino vicies centena millia sestertium : post adverbium decies, vicies, et cetera ejusmodi, subintellige centena millia.

6 *Intra septimas*] Septem menses : Kalendæ enim significant primum mensis diem.

7 *Mortes*] Mortuorum hæreditates.

10 *Tantum*] Tam avarus, tam sordidus et famelicus esse cœpisti.

13 *Nigræ monetæ*] Ærææ nempe, quod Calenus iste aurum aut argen-

tum in conviviis impendere nollet : porro ærea moneta videtur pretium vilissimorum ciborum, quos apponeret suis amicis.

15 *Plumbea selibra*] Monetam plumbeam in usu fuisse apud Romanos negant Interpretes ; sed hanc pro vilissima usurpat Poëta lib. x. Epig. 74. Quoties plumbeam monetam vocat Martialis, vilia, instar plumbi, ærea numismata intelligit. Gron.

Optamus tibi millies, Calene:
Hoc si contigerit, fame peribis.

septem veteribus tuis amicis. Quid optemus dignum meritis istis? O Calene, precamur tibi millies: si advenerit hoc, morieris fame.

sambert. et Farnabius.—17 *Optemus* in Junt. an. 1512. et Colin. an. 1528.

NOTÆ

18 *Hoc si contigerit*] Ex eo quod consequatur. Sic acute Ovidius: Calennis centies adeptus, in summam esuritionem abierit, lepide collegit aquæ.
Poëta fame illum periturum si millies

CI.

DE AFRA VETULA.

MAMMAS atque tatas habet Afra: sed ipsa tatarum
Dici et mammarum maxima mamma potest.

Afra habet mammas atque tatas: sed ipsa potest dici mamma vetustissimu tatarum et mammarum.

Hic nulla lectionis varietas est in libris scriptis aut impressis.

NOTÆ

1 *Afra*] Ut puella videretur, more pillas grandiores habebat, quæ et infantium patrem tatam appellabat, mammæ dicuntur. Vide lib. XIV. matrem vero mammam: forte et pa- Epig. 66.

CII.

DE DEMETRIO.

ILLA manus quondam studiorum fida meorum,
Et felix domino, notaque Cæsaribus,
Destituit primos virides Demetrius annos:
Quarta tribus lustris addita messis erat.

Olim fidelis illa manus meorum studiorum, et utilis hero, et cognita Cæsaribus, Demetrius deseruit primos annos florentes; quatuor anni adjuncti erant tribus

De Afro Demetrio inscribitur in edd. vett. Forte ex Epigraphe superioris Epigrammatis irrepsit illud, *Afro*.—3 Cagnerius legendum censet *viridis*: hoc est, adhuc virens, ut Proserpina puella apud Claudianum. Ansonius:

NOTÆ

1 *Illa manus*] Per Metonymiam mittenda Tito et Domitiano Cæsari-
manum sumsit pro servo amanuensi, bus.
qui Poëtæ Epigrammata scribebat

Ne tamen ad Stygias famulus descenderet umbras, 5
 Ureret implicitum cum scelerata lues,
 Cavimus; et domini jus omne remisimus ægro:
 Munere dignus erat convaluisse meo.
 Sensit deficiens sua præmia, meque patronum
 Dixit, ad infernas liber iturus aquas. 10

lustris. Attamen providimus ne servus delaberetur ad umbras Stygias, cum pestis improba combureret irretitum; atque ægroto condonavimus omne jus heri: merebatur sanari meo dono. Moriens agnovit suam mercedem, et liber profecturus ad undas infernas me appellavit patronum.

‘viridi Trajanus in ævo.’ Idem sentit Gruterus; dicit enim, si *virides* retinuerimus, concurrent duo epitheta.—8 *Munere debuerat* tentabat Ant. de Rooy; quod verbum et intruderet Ovid. *Trist. iv. 8. 14.* ‘Hæc mea sic quoudam peragi speraverat ætas: Hos ego sic annos ponere debueram,’ pro ‘dignus eram.’

NOTÆ

4 *Quarta messis*] Annus quartus additus tribus lustris, id est, quindecim annis: sic novemdecim annos natus erat Demetrius.
 6 *Scelerata lues*] Pestem interpretor: alii vero febrem. Vide Epig. 79. supra.
 7 *Domini jus*] Id est, illum munisimus.
 9 *Sua præmia*] Libertatem nempe.

CIII.

AD LYCORIM.

QUI pinxit Venerem tuam, Lycori,
 Blanditus, puto, pictor est Minervæ.

O Lycori, pictor qui expressit tuam Venerem, meo quidem iudicio adulatus est Minervæ.

In hoc Epigrammate nihil variant exemplaria manu exarata aut typis excusa.

NOTÆ

2 *Blanditus est Minervæ*] Venere scilicet deformiter picta, cum qua olim de forma contendit Minerva. Vide lib. v. Epig. 41. Lycorim sane deformem carpit Poëta, quam male picta Venus ejus jussu Veneribus suis non ornabat.

CIV.

AD SCÆVOLAM.

Si dederint Superi decies mihi millia centum,
 Dicebas nondum, Scævola, justus eques;
 Qualiter o vivam, quam large, quamque beate!
 Riserunt faciles, et tribuere Dei.
 Sordidior multo post hoc toga, pænula pejor: 5
 Calceus est sarta terque quaterque cute;
 Deque decem plures semper servantur olivæ;
 Explicat et cœnas unica mensa duas;
 Et Veientani bibitur fæx crassa rubelli;
 Asse cicer tepidum constat, et asse Venus. 10
 In jus, o fallax atque inficiator, eamus:
 Aut vive, aut decies, Scævola, redde Deis.

Si Dii mihi concesserint decies centena millia, aiebat Scævola, nondum eques factus; qualem ducam vitam, quam profusam, et quam felicem! Superi faciles riserunt, et concesserunt. Postea toga multo turpior, pænula deterior est: habet calceum ex pelle sarta ter et quater. Ex decem olivis semper plures reservantur, atque unum ferculum instruit duas cœnas, et fæx densa Veientani rubelli potatur; cicer tepens, et Venus emitur asse. O fraudulente et inficiator, eamus in jus: aut vive genialiter, o Scævola, aut Superis restitue decies.

2 Edd. antiq. cum Ald. Junt. Colin. Gryph. Pulm. Jun. Lang. Farnab. Delph. &c. habent *factus eques*. Nostram lectionem testantur antiqui codd. Francisci Modii, et servant Gruter. Scriv. Schrevel. et Barbou Par. 1754. Cf. lib. iv. Epig. 67.—8 Ant. de Rooy conj. *Explicat et mensas unica mensa duas*, non insnavi ejusdem vocis repetitione. Sæpius ‘mensa’ et ‘cœna’ fuere permutata. Vide Grut. ad lib. v. Epig. 45. et Heins. et Burm. ad Ovid. Met. i. 165. Post hoc Epigramma in Junt. et Colin. sequuntur Epigg. tria et triginta hujus libri scil. 16—48. deinde quadraginta quatuor alia ex libro quarto, scil. 25—68.

NOTÆ

2 *Nondum factus eques*] Cum nondum legitimum censum equestrem habuit, id est, quadringenta sestertia. Alii legunt *justus eques*: illud enim *justus* dicitur proprie de equite qui justam habet quadringentorum sestertiorum summam ad censum equestrem. Lib. iv. Epig. 67. ‘Ut posset domino plaudere justus eques.’ Videat lector. Ejusdem argumenti est hoc Epigramma cum centesimo supra.

4 *Riserunt*] Dii vota Scævolæ irriserunt, sed exceperunt.

7 *Deque decem*] Id est, major pars

ex decem reservatur in proximam cœnam. Lib. x. Epig. 48. ‘cœnisque tribus jam perna superstes.’

8 *Unica mensa*] Est unicum ferculum; nam epulæ ipsæ appellantur mensæ. Ovidius de Nuce: ‘Poma cadunt mensis non interdicta secundis.’

9 *Et Veientani*] Vinum Veientanum pessimum erat: rubellum dicitur ab uvis rubentibus. Veii urbs est, Veientes gens, hodie *Martheniano*: est aliis, *Cività Castellana*.

10 *Asse Venus*] Lib. ii. Epig. 53.

NOTÆ

‘Si plebeia Venus gemino tibi vincitur asse.’ ducens a Diis decies se accepisse iuficiabatur.

11 *Inficiator*] Sordidam enim vitam

CV.

DE SPECTACULO.

PICTO quod juga delicata collo
 Pardus sustinet, improbæque tigres
 Indulgent patientiam flagello :
 Mordent aurea quod lupata cervi,
 Quod frænis Libyci domantur ursi, 5
 Et quantum Calydon tulisse fertur,
 Paret purpureis aper capistris :
 Turpes esseda quod trahunt bisontes,
 Et molles dare jussa quod choreas
 Nigro bellua nil negat mágistro : 10
 Quis spectacula non putet Deorum?
 Hæc transit tamen, ut minora, quisquis

Quod pardus vario collo subit juga mollia, et tigres feroces ferunt patienter virgas: quod cervi mordent aurea fræna, quod ursi Libyci subiguntur lupatis, et tantus aper, quantus fuisse Calydonius dicitur, obtemperat purpureis capistris: quod bisontes deformes ducunt currus, et quod bellua imperata agere saltationes molles nihil recusat nigro rectori: quis non credat spectacula numinum? Attamen hæc præterit ut inferiora, quisquis aspicit humiles venationes leonum, qui defatigan-

1 Heins. ad Claud. xvii. 326. emendat, *juga deligata collo*. Literæ *c* et *g* sæpissime permutantur in antiquis codicibus. Vide Interpp. ad Virg. Æn. iii. 274. viii. 675. Propert. iv. 10. 42. et Scal. ad Propert. p. 190. Sic mutantur ‘conjugia’ et ‘convicia,’ ‘inter’ et ‘inger,’ &c.—5 *Quod freno* Ald. Junt. Colin. Gryph. &c.—10 *Nigro bellua non*

NOTÆ

1 *Picto collo*] Variis enim maculis distincti sunt pardi.

2 *Improbæ tigres*] Quod ferocissimum sit illud animal, difficillimeque mansuefiat.

3 *Indulgent patientiam*] Hoc est, lubenter patinntur flagellum, nec resistunt, licet possint.

6 *Calydon*] Oppidum Ætoliæ, hodie *Ayton*, ubi Meleager interemit aprum ingentis magnitudinis. Lib. Spect.

Epig. 15. De bisontibus dictum lib. Spect. Epig. 23.

10 *Nigro bellua*] Elephantum intellige, quem nigri Æthiopes regunt; de ejus autem ingenio mira referuntur. Vide Ælianum de Nat. Anim. lib. ii. cap. 11. et Plinium lib. viii. cap. 2. ‘Germanici Cæsaris munere gladiatorio quosdam inconditos motus edidere saltantium modo.’ Elefantos intellige.

Venatus humiles videt leonum,
 Quos velox leporum timor fatigat.
 Dimittunt, repetunt, amantque captos, 15
 Et securior est in ore præda;
 Laxos cui dare perviosque rictus
 Gaudent, et timidos tenere dentes;
 Mollem frangere dum pudet rapinam;
 Stratis cum modo venerint juvencis. 20
 Hæc clementia non paratur arte,
 Sed norunt cui serviant leones.

tur celeri metu leporum. Dimittunt, repetunt, et diligunt captos, atque in ore tutior est præda, cui latantur præbere ora aperta et pervia, et cohibere dentes timidos: dum pudet comminuere prædam delicatam, cum paulo ante tauris interfectis accedant. Hæc clementia non comparatur artificio, sed leones sciunt cujus servitutum patiantur.

negat in cod. Arondell. Vide Gronovium in Var. Notis.—22 In hoc versu verbum cui δισσυλλαβῶς legendum. At in Juntina nostra margini ascriptum est: ‘dñi indolem leones, codex meus:’ i. e. Sed norunt domini ndolem leones. Verba dñi et cui pæne similia sunt in antiquis membranis.

NOTÆ

13 *Venatus humiles*] De leonum et tauris.
 leporum spectaculo egimus supra E- 22 *Cui serviant*] Cæsari scil. Domi-
 fig. 7. 15. 23. tiano, cujus clementiam numine ejus
 20 *Stratis cum*] Hoc est, cum hos afflati referunt: lib. Spect. Epig. 17.
 ludos edant, et tam benigne lepores ‘Crede mihi, numen sentit et ille
 tractent, occisis tamen paulo ante tuum.’

CVI.

AD OVIDIUM.

IN Nomentanis, Ovidi, quod nascitur agris,
 Accepit quoties tempora longa merum,
 Exuit annosa mores nomenque senecta;
 Et, quicquid voluit, testa vocatur anus.

Ovidi, vinum quod gignitur in Nomentanis agris, quoties vetustum factum est, amittit naturam et nomen senectute longæva; atque amphora vetus potest appellari quovis nomine.

1 Quædam exemplaria habent *arvis*.—3 *Exivit* in Junt. an. 1512. et Colin. 1528.

NOTÆ

1 *In Nomentanis*] In Nomentano cum vino generosissimo. Vide lib. XIII. Epig. 119. De Ovidio lib. VII. Epig. 43. et 44. et alibi.
 agro non procul ab urbe vineam habebat Poëta, cujus vinum recens quidem insuave, at vetus contendebat *Agris*] Alii *arvis*.

NOTÆ

3 *Exiit mores*] Asperitatem inter- lernum, vel aliud præstantissimum
pretare et ingratum saporem: at ve- vinum.
ro vetus factum dici poterat vel Fa-

CVII.

AD RUFUM.

INTERPONIS aquam subinde, Rufe,
Et si cogeris a sodale, raram
Diluti bibis unciam Falerni.
Numquid pollicita est tibi beatam
Noctem Nævia, sobriasque mavis 5
Certæ nequitias fututionis?
Suspiras, retices, gemis: negavit.
Crebro ergo bibas licet trientes,
Et durum jugules mero pudorem.
Quid parcis tibi, Rufe? dormiendum est. 10

O Rufe, frequenter infundis aquam, et si impelleris a socio, potas raram unciam mixti Falerni. An Nævia tibi promisit noctem felicem, et jucundiores tibi sunt lasciviæ siccæ....? Suspiras, taces, gemitus facis: recusabit. Igitur fas est ut haurias trientes frequentes, et vino neces asperum pudorem. O Rufe, cur non indulges genio? Dormiendum est.

Ad Ruffum est lemma in edd. vett. et in Epigrammate Ruffe.—7 Alii legunt, *negabit*, improbante Farnabio. Recte Franc. Modius conj. *negavit*, et corruptum esse locum, propter affinitatem literarum *b* et *v*. Est enim hic Poëtæ conjectura, qua divinat repulsam Rufi ex suspiriis, reticentia, et gemitu.—8 *Crebros* in Ald. Junt. Colin. Gryph. Junian. Lang. Pulm. Delph. Par. 1754. aliis.—9 In quibusdam *dolorem*; et sic legendum putat Ramires de Prado. Vincas scilicet desiderium, molestiam, et tristitiam contractam ex repulsa, vino.

NOTÆ

1 *Interponis aquam*] Vinum eni-
purum vires Veneris enervare, dilu-
tum vero accendere dicitur.

7 *Negavit* [*Negabit*] Quod angu-
ratur Poëta ex Rufi suspiriis: hoc
est, non stabit promissis, licet polli-
cita sit: quam lectionem antiquam
retineo. Enimvero si negavisset, ut
legunt alii *negavit*, ab initio cœnæ
non subinde aquam interposuisset
Rufus, cum nihil spei ipsi superfuis-
set. Ergo bene *negabit*, id est, non
dabit.

8 *Trientes*] Triens est tertia pars

assis, et mensuræ genus quatuor cya-
thos continens.

9 *Et jugules*] Scyphi quippe nati
sunt in usum lætitiæ.

Pudorem] Quæ lectio est in anti-
quis codicibus: pudor enim dicitur
ob aliquam rem sordidam timor, ut
ait Sipontinus apud Robertum Ste-
phanum in Thesouro Linguæ Latinæ,
ubi adducuntur exempla ex Cicerone.
Hoc sensu patet sententia hujus ver-
sus; quippe Rufus timebat, ne pu-
ella Nævia esset cariturus. Alii *do-
lorem*.

CVIII.

AD LUCIUM JULIUM.

SÆPE mihi dicis, Luci clarissime Juli,
 Scribe aliquid magnum: desidiosus homo es.
 Otia da nobis; sed qualia fecerat olim
 Mæcenas Flacco, Virgilioque suo:
 Condere victuras tentem per sæcula curas, 5
 Et nomen flammis eripuisse meum.
 In steriles campos nolunt juga ferre juvenci:
 Pingue solum lassat, sed juvat ipse labor.

O clarissime Luci Juli, frequenter mihi dicis, Compose aliquid magnum, homo es iners. Nobis fac tranquillitatem vitæ; sed qualem Mæcenas dederat olim Horatio et suo Virgilio. Coner componere versus victuros per sæcula, et vindicare nomen meum ab igne. Tauri nolunt ferre juga in agros infæcundos: ager opimus defatigat quidem, sed labor ipse placet.

1 *Luci carissime Tuli* Junt. an. 1512. *Luci carissime Juli* in Ald. Colin. Gryph. et aliis edd. vett. quæ est lectio omnium codd.—5 Alii legunt *chartas*. ‘Sic lego, non *curas*. Raro adeo vera et intaminata Martialis vocabula in ipso contextu invenias.’ Colerus.

NOTÆ

3 *Qualia fecerat*] Mæcenas locupletavit Horatium et Virgilium. Vide lib. VIII. Epig. 56. ‘Sint Mæcenate, non deerunt, Flacce, Marones.’

5 *Curas*] Sic lib. III. Epig. 20. ‘Utrumne chartis tradit ille victuris Legenda temporum acta Claudianorum?’ unde legunt alii *chartas*.

6 *Et nomen flammis*] Rogi sc. et

funeris, id est, superstes ero meæ morti, seu, versus mei non peribunt.

8 *Pingue solum*] Operosum sane est arare, maxime vero solum pingue; at fructuosus ille labor placet agricolæ: ita difficile quidem est versus non perituros scribere; sed si merces inde speraretur, arduus ille labor Poëtæ esset gratissimus.

CIX.

AD GALLUM.

EST tibi, sitque precor, multos crescatque per annos,
 Pulchra quidem, verum Transtiberina domus.

Habes, et habeas, cupio, ædes exornatas, sed trans Tiberim, atque augeantur per

At mea Vipsanas spectant cœnacula laurus:

Factus in hac ego sum jam regione senex.

Migrandum est, ut mane domi te, Galle, salutem: 5

Es tanti, vel si longius illa foret.

Sed tibi non multum est, unum si præsto togatum:

Multum est, hunc unum si mihi, Galle, nego.

Ipse salutabo decima vel serius hora:

Mane tibi pro me dicat AVERE liber. 10

multos annos. Sed mea cœnacula respiciunt Vipsanas lauros: ego senui in hac regione: procul eundum est, o Galle, ut mane dicam tibi salutem domi: tam carus es, vel si illa distaret longius. At tibi non est magni momenti, si exhibeo tibi unum togatum; mihi vero magni est, o Galle, si non exhibeo hunc unum. Ipse salutem nuntiabo hora decima vel tardius: mane autem libellus dicat tibi salutem pro me.

3 *At mea Vipsanas* per Συλζησιw legit Ant. de Rooy, et infra lib. iv. Epig. 18. *Vipsaniis*. Siquidem M. Agrippa constanti lectione non ‘Vipsanus,’ sed ‘Vipsanius’ dicitur. Cf. Vetus Inscr. ap. Onuphr. Region. U. R. pag. 94. Murator. p. viii. 1. et Tacit. Hist. i. 31.—6 *Est tanti vel si longius aula foret* citat Langius ex ed. Pulmanni.—9 Legitur in veteri quodam codice apud Ramires de Prado: *decima te sæpius hora.*—10 Pulmannus: *dicet aveto liber.*

NOTÆ

3 *At mea*] Laurus Vipsanas intel- lige ornatam lauris porticum Vipsanii Agrippæ, quem ad summos honores evexit Augustus. Laurus autem secundæ et quartæ declinationis est.

Cœnacula] Superiores sunt domus partes in quibus pauperes habitabant. Juvenalis Sat. x. ‘rarus venit in cœnacula miles.’ Infra Epig. 118. ‘Et scalis habito tribus, sed altis.’

5 *Migrandum est*] Migrare proprie est alio ad habitandum ire, sed hic significat longe ire: cum addat

Poëta, *vel si longius illa foret*, tua domus nempe, attamen etiam lubens te adirem.

7 *Si præsto togatum*] Hoc est, clientem toga indutum. Sensus est: Parvi tibi est momenti ut te summo mane salutem, mea vero maxime interest ut domi maneam: ‘Sic licet excuses: quia qualiacumque leguntur Ista, salutator scribere non potuit.’ Epig. 71. supra.

9 *Hora decima*] Scilicet ab ortu solis. De horis dicemus lib. iv. Epig. 8.

CX.

DE CATELLA PUBLII.

ISSA est passere nequior Catulli.

Issa est purior osculo columbæ.

Issa est lascivior passere Catulli. Issa est purior suavio columbæ. Issa est

Lemma est in quibusdam: *De Catella Publii et Pictura ejusdem.*—8 Fran-

NOTÆ

1 *Issa*] Est nomen catellæ Pub- lii.

Passere Catulli] Tacite præfert Martialis hoc Epigramma Poëmatio

Issa est blandior omnibus puellis.
 Issa est carior Indicis lapillis.
 Issa est deliciæ catella Publî. 5
 Hanc tu, si queritur, loqui putabis.
 Sentit tristitiamque gaudiumque.
 Collo nixa cubat, capitque somnos,
 Ut suspiria nulla sentiantur.
 Et desiderio coacta ventris, 10
 Gutta pallia non fefellit ulla:
 Sed blando pede suscitât, toroque
 Deponi rogat, et monet levâri.
 Castæ tantus inest pudor catellæ.
 Ignorat Venerem: nec invenimus 15
 Dignum tam tenera virum puella.
 Hanc ne lux rapiat suprema totam,
 Picta Publius exprimit tabella,
 In qua tam similem videbis Issam,
 Ut sit tam similis sibi nec ipsa. 20

suavior omnibus puellis. Issa pretiosior est gemmis Indiæ. Catella Issa est voluptas Publîi. Credes hanc loqui, si queritur: habet sensum doloris et tristitiæ. Collo domini innixa recumbit et dormit, sic, ut nulla suspiria audiantur. Et impulsâ desiderio alvi, non fœdavit pallia ulla gutta; sed excitat dominum tenero pede, atque orat deponi e lecto, et monet exonerari. Pudica catella tantam habet verecundiam. Non novit Venerem, nec reperimus maritum dignum puella tam delicata. Ne supremus dies auferat totam, Publius hanc effugit picta tabella, in qua spectabis Issam tam similem ut nec ipsa melius exprimat se. Tandem confer

ciscus Modius lib. I. Epist. 33. legit ex veteri codice Weidneri: *Collo nexa, &c.* et sic est in Ald. Junt. Colin. aliis vett.—13 *Deponi monet, et rogat lavari* in iisdem edd. *Deponi rogat et monet lavari* Pulmannus, Langius, alii.—18 *Pictam Publius, &c.* Ald. Junt. Colin. Gryph. &c.—20 F. Modius eodem loco

NOTÆ

Catulli, de passere Lesbiæ, et Poëmatio Stellæ de columba amicæ ejus. Vide Epig. 8. supra.

7 *Sentit tristitiam*] Sentit tristitiam nempe et gaudium quibus afficitur Publîus.

11 *Pallia*] Propria erant Græcorum, quibus etiam Romani usi sunt in cœna. Lib. XI. Epig. 24. 'Ad

cœnam venies: sed sic divisa recumbes, Ut non tangantur pallia nostra tuis.' Et in lecto etiam palliis utebantur. Ovid. Amor. Eleg. 2. 'Esse quid hoc dicam, quod tam mihi dura videntur Strata? nec in lecto pallia nostra sedent?'

13 *Levari*] Onere scilicet ventris. Alii *lavari*.

Issam denique pone cum tabella :
Aut utramque putabis esse veram,
Aut utramque putabis esse pictam.

Issam cum tabella, vel credes utramque esse veram, vel credes utramque esse effictam.

ex vet. membranis Weidneri emendat hunc locum, cum reponat pro *ipsa, Issa*. Sic etiam Jannus Rutgersius Var. Lect. lib. vi. cap. 11. et Juntina nostra in margine. 'Duo posteriores versus ejusmodi sunt, ut ansim affirmare in simili argumento, nullos inveniri similes.' *Ramires*.

CXI.

AD VELOCEM.

SCRIBERE me quereris, Velox, Epigrammata longa.
Ipse nihil scribis: tu breviora facis.

O Velox, ex postulas a me componi Epigrammata longa. Ipse nihil componis: tu scribis magis concisa.

2 Juntina nostra in margine exhibet: *Tuque nihil scribis: tum breviora facis.* Forte scripserat Martialis: *Tute nihil scribis: tum, &c.* vel; *Ipse nihil scribis: tum, &c.* Verba *tu* et *tū*, (sive *tum*), sæpe permutantur in vet. membranis.

NOTÆ

1 *Scribere me quereris*] Præcedenti tichum, quo irridet Velocem quem- elegantissimo Epigrammati, quod lon- dam qui nihil prorsus scriberet. Vide gius videbatur, recte subjicit hoc dis- Lib. II. Epig. 77.

CXII.

AD REGULUM.

CUM tibi sit sophiæ par fama, et cura Deorum,
Ingenio pietas nec minor ipsa tuo ;
Ignorat meritis dare munera, qui tibi librum,
Et qui miratur, Regule, thura dari.

Cum æstimeris æque sapiens ac cultor Deorum, nec habeas pietatem inferiorem tuo ingenio ; qui miratur donari tibi librum et thura, nescit efficere merita donis.

1 *Scrivarius legit: par cura et fama laborum*, probante Gronovio; quem vide inter Var. Notas. *laborum* quoque Pulmannus.—2 Gruterus e duobus scriptis: *nec minor ipsa suo*, probante eodem Gronovio. Hæc lectio notatur etiam ex codicibus Palat. et Bodl. Sic quoque Pulmannus.

NOTÆ

1 *Cum tibi sit*] Liber virum doctum, religiosum vero decet thus, quo miraretur hujusmodi munera a Martiale mitti ad Regulum, doctum juxta ac pium.

CXIII.

IN PRISCUM.

CUM te non nossem, dominum regemque vocabam :
Cum bene te novi, jam mihi Priscus eris.

Cum te non haberem cognitum, appellabam herum et regem : cum bene te cognovi, jam appellabo te Priscum.

1 *Dum te non noram* margo Junt. ap. Editorem, et recte forsan.

NOTÆ

2 *Jam mihi*] Cum noverim te hominem sordidum atque avarum, jam honoris causa non dominum et regem, sed proprio nomine Priscum appello. Lib. II. Epig. 68. 'Quod te nomine jam tuo saluto, Quem regem et dominum prius vocabam,' &c.

CXIV.

AD LECTOREM.

QUÆCUMQUE lusi juvenis et puer quondam,
Apinasque nostras, quas nec ipse jam novi,
Male collocare si bonas voles horas,
Et invidebis otio tuo, lector,
A Valeriano Pollio petes Quinto, 5
Per quem perire non licet meis nugis.

Quæcumque olim puer et adolescens jocus sum, et apinas nostras, o lector, quas nec ipse jam notas habeo, posces a Quinto Pollio Valeriano, cujus opera meæ ineptiæ vindicantur ab interitu, si cupies male insumere bonas horas, et te capiet invidia otii tui.

Hic nulla lectionis varietas extat in libris manu scriptis et impressis.

NOTÆ

2 *Apinas*] Id est, nugas meas. ludicrum vertere, Apinam et Tricam.' Plinius lib. III. cap. 11. 'Diomedes Lib. XIV. Epig. 1. 'Sunt apinæ tricæque, et si quid vilius istis.'

CXV.

AD FAUSTINUM.

Hos tibi vicinos, Faustine, Telesphorus hortos
 Fœnius, et breve rus, udaq̄ue prata tenet.
 Condidit hic natæ cineres, nomenque sacravit,
 Quod legis, Antullæ, dignior ipse legi.
 Et Stygias æquum fuerat patrem isse sub umbras : 5
 Sed quia non licuit, vivit, ut ossa colat.

O Faustine, Telesphorus Fœnius possidet hos hortos tibi propinquos, et villam exiguam et prata humida. Hic reposuit filia cineres, et, ipse dignior qui legeretur, consecravit nomen Antullæ quod legis. Par fuerat patrem petere umbras infernas : sed quoniam fas non fuit, vivit, ut veneretur ossa.

2 In quibusdam esse *tenent*, inde conjicio, quod scribat Cagnerius : ' Legendum ex vet. cod. *tenet*.' Ald. Junt. Colin. aliæ tamen servant *tenet*.—4 Gronov. conj. *voverat ipse legi*. Vide Var. Notas.—5 In Anglicano esse testatur Junius : *pater iret ut umbras* : hinc Gruter. *iret ad umbras* : Janus Rutgersius : *Ad Stygias æquum fuerat pater isset ut umbras* : et sic erat in cod. Heraldus. P. Scriverius, Scaligerum secutus : *Et Stygias æquus fuerat pater ire sub umbras* ; ut sit Hellenismus, πατήρ δίκαιος ἦν ἰέναι : *pater isse sub umbras* in cod. Palat. hoc est, Ferens nomen patris filia adhuc superstite. Heraldus conj. *æquus fuerat pater isse*, i. e. ἄξιός ἐστις ἔδου καταβῆναι, ut sit purus putus Hellenismus : vel, *Et Stygias æquum fuerat prior isset ad umbras*.—6 *Quod quia non licuit* Pulmannus. Pro *vivit* Palat. habet *vivat* ; imprecatur enim vitam longam, ut, agrum colens, subinde impingat in ossa filia.

NOTÆ

3 *Nomenque sacravit*] Sepulchro debet pater, cujus nomen, non vero nempe inscribebant D. M. S. i. e. Antullæ filia, sepulcro fuerat inscribendum ; nempe non turbato ordine Diis Manibus Sacrum, addito mortui nomine. Vide Epig. 89. supra. mortalitatis.

4 *Dignior ipse legi*] Ante filios mori

CXVI.

IN PROCILLUM.

QUÆDAM me cupit, invide Procille,
 Toto candidior puella cycno,

O Procille invide, me amat quædam puella candidior toto cycno, argento, nive,

In Procellum inscribitur in cod. Thuan. et in Epig. vs. 1. Procelle.—2 Coto in Thuan. Roto Junt. an. 1512. Musambertius qui conj. Loto, totum Epi-

Argento, nive, lilio, ligustro :
 Jam suspendia sæva cogitabis :
 Sed quandam volo nocte nigriorem,
 Formica, pice, graculo, cicada :
 Si novi bene te, Procille, vives.

5

lilio, ligustro: sed quandam amo nigriorem nocte, formica, pice, graculo, cicada. Jam meditaberis suspendia fera: si intus te cognovi, o Procille, respiras.



gramma ordine quo nunc legitur disposuit. In edd. vett. ordinatur hoc modo:

*Quædam me cupit, invide Procille,
 Toto candidior puella cyeno,
 Argento, nive, lilio, ligustro.
 Sed quandam volo nocte nigriorem
 Formica, pice, graculo, cicada.
 Jam suspendia sæva cogitabas, &c.*

—4 Ald. Junt. Colin. Gryph. aliæ, exhibent *cogitabas*: et sic vet. cod. Cagnerii.—7 In nonnullis, *vivis*; sed nostram lectionem servant codd. et edd. vett.

NOTÆ

3 *Ligustro*] Gallice *fleur de troëne*. Virgilius Ecl. II. ‘Alba ligustra cadunt.’

7 *Vives* [*Vivis*] Alii legunt *vives*, id est, non suspendes te, cum me nigræ puellæ amore perditum videas:

etenim præ invidia moriturus erat ille Procillus, si didicisset Martialem amari a formosissima puella quam vicissim redamasset: hæc quippe est natura invidorum ut alterius felicitatem doleant, malo autem lætentur.

CXVII.

DE ANTULLA.

Hoc nemus æterno cinerum sacravit honore
 Fœnius, et culti jugera pauca soli.
 Hoc tegitur cito rapta suis Antulla sepulcro:
 Hoc erit Antullæ mixtus uterque parens.

Fœnius perpetuo decore cinerum dedicavit hunc lucum, et pauca jugera agri ex-culti. Antulla suis velociter ablata conditur hoc tumulo, eodem uterque parens con-



Codex Bodleianus pro lemmate habet: *Epitaphium Antullæ*.—1 Codex Palatinus exhibet, *sacravit honori*.—2 Pulmannus, *jugera pulchra*, et sic codd.

NOTÆ

1 *Æterno honore*] Quod sepulcra in æternum sacra essent.

4 *Hoc erit*] Pro more veterum qui

solebant eodem tumulo eos condere quos mutuus amor viventes conjunxisset. Vide lib. x. Epig. 71.

Si cupit hunc aliquis, moneo ne speret, agellum : 5
Perpetuo dominis serviet iste suis.

junctus erit Antullæ. Si aliquis expetit hunc agellum, suadeo ne speret illum; iste serviet suis dominis æternum.



Voss.—3 Junt. an. 1512. habet *nustus* pro *mistus*.—6 Junt. Colin. aliæ quædam, *serviat*.

NOTÆ

6 *Perpetuo dominis*] Ager enim sepulcro destinatus sacer erat, nec alienari poterat, immo nec aliquando sequebatur hæredes. *H. EXT. N. S.* i. e. hæredes externos ne sequatur. Horat. 1. Sat. 8. ‘Hoc miseræ plebi stabat commune sepulcrum, Pantolabo scurræ, Nomentanoque nepoti: Mille pedes in fronte, trecentos cippus in agrum Hic dabat; hæredes monumentum ne sequeretur.’

CXVIII.

IN LUPERCUM.

OCCURRIS quoties, Luperce, nobis,
Vis mittam puerum, subinde dicis,
Cui tradas Epigrammaton libellum,
Lectum quem tibi protinus remittam?
Non est, quod puerum, Luperce, vexes. 5
Longum est, si velit ad Pyrum venire,
Et scalis habito tribus, sed altis.
Quod quæris, propius petas licebit:
Argi nempe soles subire letum.
Contra Cæsaris est forum taberna, 10

O *Luperce*, quoties nobis venis obviam, statim interpellas, Placet mittam servum tibi, cui des librum *Epigrammatum*, quem cum legero statim remittam? O *Luperce*, non est quod defatiges servum. Longinquum est, si cogitet venire ad *Pyrum*, et domicilium habeo tribus scalis, sed excelsis. Poteris poscere propius quod rogas: nimirum consuevisti adire *Argiletum*. Est officina e regione fori Cæsaris,

6 Alii legunt *ad pilam*, ut lib. v. Epig. 23. Junt. an. 1512. et Colin. 1528.

NOTÆ

6 *Ad Pyrum*] Nomen regionis in qua habitabat *Martialis*; alii insigne esse ædium putant: alii legunt *ad pilam*, ut lib. v. Epig. 23. ‘Sed *Tiburtinæ* sum proximus accola *pilæ*.’
9 *Argi letum*] *Tmesis* est seu divisio: *Argiletum* est regio quædam urbis ubi habitabat bibliopola *Atrectus*. Epig. 4. supra: ‘*Argiletanas* mavis habitare tabernas.’

7 *Et scalis habito*] Hoc est, in scænaculo alto, de quo Epig. 19.

Delph. et Var. Clus.

Martial.

K

Scriptis postibus hinc et inde totis,
 Omnes ut cito perlegas Poëtas.
 Illinc me pete ; ne roges Atrectum :
 Hoc nomen dominus gerit tabernæ.
 De primo dabit, alterove nido,
 Rasum pumice, purpuraque cultum,
 Denariis tibi quinque Martialem.
 Tanti non es, ais ? sapis, Luperce.

15

hinc et inde januis totis inscriptis, ut celeriter perlegas omnes Poëtas. Illinc posce me, ne quæras Atrectum : sic vocatur dominus tabernæ : denariis quinque de primo aut secundo nido tradet tibi Martialem abrasum pumice, et purpura ornatum. Non tanti vales, inquis : O Luperce, sapiens es.

habent ad pirum.—13 Lipsius et Ramires de Prado contendunt omnino esse legendum, *me roges Atrectum*. Gruteri codd. *nec roges*. Ant. de Rooy conj. *me rogas Atrectum*, intellecta conditionali *si*, ut infra lib. III. Epig. 4. ‘Cur absim, quæret.’ Vide Sanct. Minerv. iv. 7. et Broukh. ad Tibull. i. 7. 43. Vel: *me rogas Atrectum?* ut quasi jactabundus, et cum emphasi, alterum *me* efferat. *Illuc me pete, ne roges* in Junt. et Colin.

NOTÆ

- | | |
|---|--|
| 1 <i>Scriptis postibus</i>] In quibus nempe inscripta erant librorum venalium nomina, ut hodie apud nos. | pola Atrecto. Alii, <i>nec roges Atrectum</i> . |
| 13 <i>Ne roges Atrectum</i>] Ne sit opus rogare alios nomen bibliopolæ, Atrectus vocatur. Alii legunt <i>me roges Atrectum</i> ; hoc est, me petas a biblio- | 15 <i>De primo dabit</i>] Hoc est, de primo vel secundo armario. |
| | 18 <i>Tanti non es</i>] Hoc est, tui libri non valent quinque denariis. |
| | <i>Sapis</i>] Non tam laudat Lupercum, quam sordes ejus et avaritiam irridet. |

CXIX.

AD CÆCILIANUM.

CUI legisse satis non est Epigrammata centum,
 Nil illi satis est, Cæciliane, mali.

O Cæciliane, cui non sufficit evolvisse centum Epigrammata, nullum illi malum sufficit.

Ad Seditianum inscribitur in ed. Pulmanni, et in Epig. vs. 2. *Seditiane*. Cetera, nulla varietas est in exemplaribus.

NOTÆ

- | | |
|--|--|
| 1 <i>Cui legisse</i>] Longiorem hunc librum modeste excusat, et Cæciliano petenti plura Epigrammata respondet | ex mente Callimachi apud Athenænm lib. III. cap. 1. ‘Magnum librum magno malo parem esse.’ |
|--|--|

M. VAL. MARTIALIS
EPIGRAMMATUM

LIBER II.

MARTIALIS DECIANO SUO S.¹

QUID nobis,^a inquis, cum Epistola? parumne tibi præstamus, si legimus Epigrammata? quid hic porro dicturus² es, quod non possis versibus dicere? Video quare Tragœdi Epistolam accipiant, quibus pro se loqui^b non licet. Epigrammata Curione non egent,^c et contenta sunt sua, id est,

Quid nobis rei est, ais, cum Epistola? an parum meremur de te, si evolvimus Epigrammata? sed quid hic dicturus es, quod nequeas exponere carminibus? scio cur Tragœdi utantur Epistola, quibus non est permillum explicare suas cogitationes: Curione non est opus Epigrammatibus, et sufficit ipsis sua, hoc est, improba lingua.

~~~~~  
<sup>1</sup> MARTIALIS DECIANO SUO S. deest in edd. vett. *Valerius Martialis Deciano suo salutem* in Ms. Beverlandi.—<sup>2</sup> In cod. Palat. *daturus*.—<sup>3</sup> Legitur

NOTÆ

<sup>a</sup> *Quid nobis*] Fingit Poëta Decianum, de quo lib. i. Epig. 40. mirari, quod utatur Epistola in principio hujus libri, cum mentem suam versibus explicare possit.

<sup>b</sup> *Quibus pro se loqui*] Ideo nempe Epistola utuntur Tragœdi, ut aliqua de re auditores vellectores moneant, quod in Tragœdia, præter argumentum fabulæ, nihil ipsis proloqui liceat.

<sup>c</sup> *Curione non egent*] Hoc est, præcone, qui palam legeret Epistolam, qua se vel populo vel principi commendarent Tragœdi. De Curione Plinius Secundus lib. iv. Ep. 7. 'Scripsit publice ut e Curionibus eligeretur vocalissimus aliquis ex ipsis qui legeret eum populo:' librum intellige, quem scripserat Regulus de vita filii sui mortui.



mala lingua.<sup>d</sup> In quacumque pagina visum est, Epistolam faciunt. Noli ergo, si tibi videtur, rem facere ridiculam, et in toga saltanti<sup>e</sup> inducere personam.<sup>3</sup> Denique videris, an te<sup>4</sup> delectet contra retiarium ferula.<sup>f</sup> Ego inter illos sedeo, qui protinus reclamant. Puto me hercule,<sup>g</sup> Deciane, verum dicis. Quid, si scias, cum qua, et quam longa Epistola negotium fueras<sup>5</sup> habiturus? Itaque, quod exigis, fiat. Debebunt tibi, si qui in hunc librum inciderint, quod ad primam paginam non lassi pervenient.

*In quacumque pagina lubet, scribunt Epistolam. Ne igitur, si ita censes, facias rem absurdam, nec accommodes togam personæ saltanti. Tandem animadvertas, an ferula tibi placeat contra retiarium. Ego sedeo inter illos, qui statim contradicunt. O Deciane, mehercule, opinor, loqueris verum: quid, si teneas, cum qua et quam longa Epistola ratio tibi intercessura fuerit? Quamobrem fiat, quod postulas. Si qui incurrerint in hunc librum, de te promerebuntur, quod non defatigati accedent ad primam paginam.*



et: *in toga saltantem inducere personam*: Ald. Junt. Colin. Gryph. Junian. Lang. Pulman. Delph. &c. habent, et togam saltanti inducere personæ; et sic codd. Cagnerii: hoc quare Grutero displicuerit quærit Scriverius. Codd. Gruteri saltanti testantur: cod. Scriv. saltantem. Vide Gronovium in Var. Notis.—4 *Denique videas, ante* Junt: 1512. et Colin. 1528. *Denique videas, an te* Pulmann. Junian. Lang. Delph. Maittar. &c. Alii *viderit*. Vide Gronov. ad Senec. de Prov. cap. 1.—5 Ald. Junt. Colin. Pulm. Lang. Junian. Delph. Barbou Par. 1754. &c. *fueris*: Scriv. Farnab. et Schrevel. *fueras*.

#### NOTÆ

<sup>d</sup> *Mala lingua*] Hoc est, mordaci et libera, qua mentem suam ubique aperire potest Epigrammatum scriptor.

<sup>e</sup> *Et in toga saltanti*] Gravitatis et dignitatis causa cives Romani utebantur toga, qua ridiculum pantomimum indui non convenisset. Idcirco Poëta lib. vi. Epig. 24. irridet quendam Carisianum, qui Saturnalium tempore togatus ambulabat, dum alii positis togis syntheses induerent. Sensus est, Noli versibus tuis orationem solutam accommodare, hoc enim indecorum videtur.

<sup>f</sup> *Contra retiarium ferula*] Id est, inquit Lipsius Saturnalium Sermonum lib. i. cap. 15. ‘rudis contra tridentem:’ rudis autem gladius erat e ligno; retiarius vero tridente ferreo ute-

batur. Juv. Sat. viii. ‘Movet ecce tridentem.’ Idem Lipsius Saturnalium Sermonum lib. ii. cap. 8. tridens enim sive fuscina illi, pro gladio. Domitius existimat proverbium hoc dici in eos qui infirmo præsidio contra maxime instructum pugnant: sic contra obtrectatores Epistola defendere se non debuit Martialis, sed Epigrammate, quo vehementior erat. Sensus est, inquit Raderus: Operam ludes, Poëta, si te Epistola contra Zoilos defendes: ego primus reclamo et dissuadeo.

<sup>g</sup> *Puto mehercule*] Deciano respondet Martialis, et assentitur; atque ita Epistolam, quam longam erat facturus, breviter concludit.

## I.

## AD LIBRUM SUUM.

TER centena quidem poteras Epigrammata ferre :

Sed quis te ferret, perlegeretque, liber ?

At nunc succincti quæ sint bona disce libelli.

Hoc primum est, brevior quod mihi charta perit.

Deinde, quod hæc una peragit librarius hora, 5

Nec tantum nugis serviet iste meis.

Tertia res hæc est, quod si cui forte legeris,

Sis licet usque malus, non odiosus eris.

Te conviva leget mixto quincunce : sed ante,

Incipiat positus quam tepuisse calix. 10

Esse tibi tanta cautus brevitare videris ?

Hei mihi, quam multis sic quoque longus eris !

*O Libelle, valebas quidem capere trecenta Epigrammata; at quis te toleraret, et evolveret totum? sed nunc accipe quæ sunt commoda brevis libri. Hoc primum est, quod minor est jactura meæ chartæ; præterea quod scriba transcribit hæc una hora, nec tamdiu iste occupabitur meis ineptiis. Tertium commodum hoc est, quod si quis forsitan te evolvat, quamvis semper sis futilis, non eris molestus. Conviva te evolvat mixto quincunce: sed priusquam tepescat positum poculum. Tanta brevitare existimas te tutum? hei mihi, hoc etiam modo quam multis videberis prolixus!*



2 In cod. Palat. *perlegeretve liber*.—3 Junt. an. 1512. et Colin. 1528. *quæ sunt bona disce*. Codex Bodleianus: *quæ sint bona nosce*.—5 Libri manu exarati ap. Musambert. habent, *peraget librarius*: sic enim et versu sequente est, *serviet*.—12 *Hei quam multis* in codice Palatino: unde Gruterus censet rescribendum: *Eheu quam multis, &c.*

## NOTÆ

- 1 *Ferre*] Priori versu continere, num diluebant antiqui. Quincunx posteriore pati et tolerare significat. autem quinque cyathos continet. Liber itaque meus legetur antequam  
7 *Si cui*] Si ab aliquo legeris. vinum aqua calida fervens reducatur  
9 *Mixto*] Etenim aqua calida vi- ad teporem.

## II.

## AD CÆSAREM DOMITIANUM.

CRETA dedit magnum, majus dedit Africa nomen,

Scipio quod victor, quodque Metellus habet;

*Creta imposuit magnum nomen, Africa majus, quo appellatus est Metellus, et quo*



Nobilius domito tribuit Germania Rheno,  
 Et puer hoc dignus nomine, Cæsar, eras.  
 Frater Idumæos meruit cum patre triumphos : 5  
 Quæ datur ex Dacis laurea, tota tua est.

appellatus est *victor Scipio*. *Devicto Rheno Germania dedit clarius nomen, et hoc merebaris puer, o Cæsar. Frater meruit est triumphos Idumæos cum patre: tibi soli debetur laurea quæ conceditur ex Dacis.*

~~~~~

Lemma in codice Thuaneo est, *Ad Cæsarem*.—6 *Quæ datur ex Castis* in Ms. Beverlandi: *ex Chartis* citat Langius e Pulmanno: *ex Cattis* legendum esse contendit Lipsius lib. i. Epist. 5.

NOTÆ

1 *Creta*] Nomen Cretensis a devicta Creta traxit Lucius Metellus: ab Africa vero domita Africanus dictus est Scipio.

3 *Nobilius*] Domitianus admodum juvenis, devictis Germanis qui Rhenum accolunt, nobiliter 'Germanici' cognomen assecutus est: Germani quippe Afris et Cretensibus bellicosiores sunt. Vide Suetonium in Domitiano cap. 2. et Tacitum Hist.

lib. iv.

5 *Frater*] Titus scilicet qui cum patre Vespasiano Judæos domuit. Suetonius in Tito cap. 6. Solus vero Domitianus Dacos subegit. Dacia hodie complectitur Transylvaniam, Walachiam, et Moldaviam

Idumæos] Idumæa regio Palæstinæ inter Arabiam Petræam et Ægyptum, a qua Judæi dicti sunt Idumæi.

III.

AD SEXTUM.

SEXTE, nihil debes; nil debes, Sexte, fatemur.
 Debet enim, si quis solvere, Sexte, potest.

O Sexte, non es in ære alieno; non es, concedimus; nam, Sexte, si quis solvendo est, in ære alieno est.

~~~~~

In hoc Epigrammate exhibendo nullo modo variant aut codices manuscripti aut libri impressi.

## NOTÆ

2 *Debet enim*] Qui solvendo non est, nihil debet, quod scilicet nihil auferri possit ab eo qui nihil habeat.

Lib. ix. Epig. 105. 'Quod tibi non possum solvere, Phœbe, meum est.'



## IV.

## IN AMMIANUM.

O QUAM blandus es, Ammiane, matri!  
 Quam blanda est tibi mater, Ammiane!  
 Fratrem te vocat, et soror vocatur.  
 Cur vos nomina nequiora tangunt?  
 Quare non juvat hoc, quod estis, esse? 5  
 Lusum creditis hoc, jocumque? non est.  
 Matrem, quæ cupit esse se sororem,  
 Nec matrem juvat esse, nec sororem.

*O Ammiane, quam suavis es matri! O Ammiane, quam suavis est tibi genitrix! te appellat fratrem, et soror appellatur. Quare nomina lasciviora vos movent? Cur non placet esse quod estis? Hoc putatis esse festivitatem et facetiam: non est genitrix quæ expetit se esse sororem, nec placet ut sit mater nec soror.*



*In Amianum inscribitur in Ald. Junt. Colin. Gryph. et aliis vett.—6 Lusum creditis hoc jocumque: non est Mater quæ, &c. in iisdem. Lusum creditis hoc, jocumque non est Mater, quæ, &c. Pulmannus aliique.*

## NOTÆ

3 *Fratrem te vocat*] Fratris et sororis nomine turpitudine tegebatur. Vide lib. XII. Epig. 20. et lib. X. Epig. 65.

7 *Sororem*] In penultimo versu amicam interpretare: in ultimo intellige proprie, hoc sensu: Nollet esse mater nec soror, sed uxor.

## V.

## AD DECIANUM.

NE valeam, si non totis, Deciane, diebus,  
 Et tecum totis noctibus esse velim.  
 Sed duo sunt, quæ nos distinguunt, millia passum:  
 Quatuor hæc fiunt, cum rediturus eam.

*Dispeream, o Deciane, ni cupiam tecum versari totis diebus et totis noctibus. Sed sunt duo mille passus qui nos disjungunt. Hi quatuor fiunt, cum reversurus iter*



1 Juntina nostra in margine habet: 'Dispeream codex noster;' i. e. *Dispeream, si non, &c.*—3 Beverlandi Ms. *quæ nos disjungunt*, et recte forsan.

Sæpe domi non es : cum sis quoque, sæpe negaris : 5  
 Vel tantum causis, vel tibi sæpe vacas.  
 Te tamen ut videam, duo millia non piget ire :  
 Ut te non videam, quatuor ire piget.

*faciam. Crebro non es domi ; etiam cum sis, crebro diceris abesse : aut das operam causis duntaxat, aut frequenter tibi. Nihilominus non tædet emetiri duo milliarum ut fruar tuo conspectu ; sed tædet emetiri quatuor, ut non fruar.*

## NOTÆ

5 *Cum sis quoque*] Sic acute carpit bus orationibus vacaret, salutantes Decianum, qui dum sibi vel forensi- excludebat.

## VI.

## AD SEVERUM.

I NUNC, edere me jube libellos.  
 Lectis vix tibi paginis duabus,  
 Spectas ἔσχατοκώλιον, Severe,  
 Et longas trahis oscitationes.  
 Hæc sunt, quæ relegente me solebas 5  
 Rapta exscribere, sed Vitellianis.  
 Hæc sunt singula, quæ sinu ferebas

*I nunc, roga me publicem libros : duabus paginis vix a te lectis, o Severe, inspicias finem libri, et ducis oscitationes longas. Hæc sunt quæ, relegente me, consueveras erepta describere, sed Vitellianis. Hæc sunt singula quæ sinu gestabas per omnia*

3 Pulmannus, Langius, Junius, Delph. &c. legunt, ἔσχατοκωλικόν, i. e. *ultimam paginam libelli*. Pro hoc verbo vacuum relinquitur spatium in Colin. an. 1528. sed ut habetur in Junt. an. 1512. verbum nihili est. Salmasius legendum putat ἔσχατοκόλλιον. Sriverius in codd. invenit, *es cato collion*; unde ille ἔσχατοκολλίον, vel ἔσχατόκολλον. Vide Var. Notas. Lectio nostra debetur Scaligero; quem vide in Var. Notis in Tibull. III. 1. 11.—6

## NOTÆ

1 *I nunc*] Formula indignantis et insultantis, lib. I. Epig. 43.

3 Ἐσχατοκώλιον [ἔσχατοκωλικόν] τὸ ἐν ἔσχάτῳ κώλῳ γεγραμμένον, id est, quod in ultima parte scriptum est; hoc est: Vix una aut altera pagina lecta, fastidii signa jam ostendis. Correxerit Scaliger, ἔσχατοκώλιον, et interpretatur: *partem postremam adglutinatam*: sed hæc ipsa interpretatio ostendit verius esse Salmasii, ἔσχατοκόλλιον. nam κόλλα gluten, non κῶλον. Sic alii.

6 *Rapta*] Alii *Rapta scribere*; alii *Raptim* metri causa, ut aiunt;

sed vocalis brevis ante duas consonantes potest produci. Sic miratur Poëta, quod tam cito Severus defatigetur lectione Epigrammatum, quæ alias recitata tanta festinatione scribebat in suis pugillaribus.

*Sed Vitellianis*] Vitelliani erant pugillares, quibus res amatoriarum et lascivæ scribebantur. Vide lib. XIV. Epig. 8.

7 *Hæc sunt*] Singula Epigrammata magni faciebat Severus: in unum vero librum redacta fastidiebat: quod absurdum videtur.



Per convivia cuncta, per theatra.  
 Hæc sunt, aut meliora si qua nescis.  
 Quid prodest mihi tam macer libellus, 10  
 Nullo crassior ut sit umbilico,  
 Si totus tibi triduo legatur?  
 Nunquam deliciæ supiniore.  
 Lassus tam cito deficis viator,  
 Et cum currere debeas Bovillas, 15  
 Interjungere quæris ad Camœnas.  
 I nunc, edere me jube libellos.

*convivia, per theatra. Hæc sunt aut elegantiora, si tamen quædam ignoras. Quid me juvat liber adeo tenuis, ut nullo umbilico densior sit, si triduum insumas ad illum legendum totum? Nunquam voluptas ignavior. Tam celeriter defatigatus viator langues, et cum tibi currendum sit Bovillas, vis immorari ad Camœnas. I nunc, roga me ut publicem libros.*



*Rapta scribere* Junt. an. 1512. et Colin. 1528. *Raptim scribere* ex alia quadam Colin. editione citat probatque Cagnerius.—12 *Si toto omnino legendum esse contendit* Ramires de Prado. *Scrivierius mavult: Si totus triduo tibi legatur.* ‘Sed prior in *triduo* et *biduo* est porrecta,’ inquit Beverlandus. Recte: sic enim Terentius Andr. II. 6. 9. ‘Nihil hercle: aut si adeo; *bīdui* est, aut *trīdui*.’ Et Paul. Episc. ‘Imago mortis *triduanī* funeris.’—13 *Nusquam* in quibusdam vett. teste Herald.—14 *Lapsus tam cito* Junt. nostra in marg. Haud rarerer vocabula *lassus* et *lapsus* librarii confuderunt, ut ap. Propert. I. 13. 8. et Sil. Ital. x. 606. ubi vide Drakenb.—16 *Iter jungere* ed. antiq. Ferrar. an. 1471. Venet. Ald. Junt. Colin. Gryph. aliæ. Scaliger. ad Propert. p. 195. emendavit *Interjungere*. Verba *iter* et *iter* (*inter*) sæpe confunduntur a librariis.

## NOTÆ

8 *Per convivia*] Ubi nempe recitabantur: ‘sinu ferre’ significat carum habere. Lib. III. Epig. 5.

9 *Si qua nescis*] Si tamen quædam sunt Epigrammata, quæ nondum legeris.

11 *Nullo umbilico*] De quo dictum supra lib. I. Epig. 67. hoc est: Frustra curavi ut liber umbilici crassitudinem non excederet, si tamen tu delicatus et supinus lector triduum illi legendo insumas. *Farnabius*.

12 *Si totus*] Videtur legendum *toto*.

13 *Supiniore*] Hoc est, segnes, et oscitanter perceptæ.

15 *Bovillas*] Urbs est in Latio. Pli-

nus lib. III. cap. 5. Hodie, *Babuca*.

16 *Interjungere*] Significat jumenta solvere a jugo. Lib. III. Epig. 67. ‘Exarsitque dies, et hora lassos *Interjungit* equos meridiana.’ Seneca de *Tranquillitate Vitæ*: ‘Quidam *interjunxerunt*, et in pomeridianas operas aliquid levioris operæ distulerunt.’ Alii minus bene *Iter jungere*. Sensus est: Non uno decursu perlegis tenuem librum, sed oscitanter hæres, et differs in triduum.

*Camœnas*] Templum *Camœnarum* erat *Bovillas* inter et Urbem. Sensus est: Meos versus legere vix incipis, et jam defatigatus es.



## VII.

## IN ATTALUM.

DECLAMAS belle; causas agis, Attale, belle.

Historias bellas, Carmina bella facis.

Componis belle Mimos, Epigrammata belle;

Bellus Grammaticus, bellus es Astrologus.

Et belle cantas, et saltas, Attale, belle.

5

Bellus es arte lyræ, bellus es arte pilæ.

Nil bene cum facias, facis attamen omnia belle.

Vis dicam quid sis? magnus es ardelio.

*O Attale, bene recitas: bene dicis causas. Componis historias egregias, et versus elegantes. Bene facis Mimos, bene Epigrammata: bonus es Grammaticus, bonus Astrologus. Bene cantas, et bene, o Attale, agis choreas. Peritus es arte lyræ, et arte pilæ. Cum nihil agas bene, nihilominus bene agis cuncta. Placet proferam quid sis? Magnus es ardelio.*

.....

3 *Componis numeros* citat Langius ex ed. Pulmanni. Hæc quinque vocabula, *nimius, munus, mimus, numus*, (vel *nummus*,) et *numus*, (sive *numerus*,) facillime a scriba properante confundantur.—8 Beverlandi Ms. *ardalio*; et sic in codice Vaticano.

## NOTÆ

1 *Declamas*] Declamatio est domestica exercitatio et umbratilis, quo in genere pueri apud magistros exercentur. De Attalo jam dictum lib. i. Epig. 80.

3 *Mimos*] Poëmata ridicula, in quibus solus risus quærebatur.

8 *Magnus es ardelio*] Proverbialiter

ardeliones vocantur illi qui in nihil agendo toti occupati sunt. Hoc nomen alii deducunt ab ardore et impetu tentantis multa, nihil vero pericientis: alii ab ardeola ave, quæ sæpissime diu alas quatiens, in aëre veluti pendet, nec loco movetur.

## VIII.

## AD LECTOREM.

Si qua videbuntur chartis tibi, Lector, in istis,

Sive obscura nimis, sive Latina parum;

Non meus est error: nocuit librarius illis,

Dum properat versus annumerare tibi.

*O Lector, si judicaveris quædam in istis chartis aut nimium obscura, aut parum Latina; mea non sunt menda: scriba obfuit carminibus, dum festinat repræsentare*

## NOTÆ

3 *Librarius*] Poëtæ versus, quos in taberna venderet bibliopola, transcri-

bebant librarii, et præ nimia festinatione menda plura faciebant, versus

Quod si non illum, sed me peccasse putabis; 5  
 Tunc ego te credam cordis habere nihil.  
 Ista tamen mala sunt. Quasi nos manifesta negemus:  
 Hæc mala sunt; sed tu non meliora facis.

*illa tibi. Quod si credis illum non errasse, sed me; tunc ego existimabo te hebetem ingenio. Nihilominus ista mala sunt: quasi non fateamur rem evidentem; hæc quidem mala sunt, sed tu non componis elegantiora.*



6 Ramiresius sic legit hunc versum: *Numne ego te credam cordis habere nihil?* Juntina nostra habet in margine, *mentis*; parum recte.—7 ‘Malim ex vet. codice, *quasi nos*; vel, *quid enim manifesta negemus?* idque libens prætulim.’ Cagnerius. Beverlandi Ms. habet, *quæ si manifesta*; quod ex Cagnerii Nota antiquam esse lectionem conjicere licet: *quo si manifesta negemus* legit Janus Rutgersius.

## NOTÆ

quippe aliquando integros præteribant, aut loco mutabant.

6 *Tunc ego te*] Ramiresius legit, forte minus bene: *Numne ego te credam cordis habere nihil?* id est, inquit: Si dixeris me peccasse, te cordatum et sapientem judicabo. Ex conclusione autem evidenter colligitur, quod Poëta non se hic pro more solito vituperet, sed facete irrideat hebetem lectorem.

7 *Ista tamen*] Instat lector, Sed tui versus mali sunt, nec librarii vitio, sed tuo.

*Quasi nos manifesta*] Respondet Poëta, malos quidem esse suos versus, sed ab ipsis censoribus elegantiores non componi. Legunt alii: *quæ si manifesta negamus*. Quam lectionem non intelligo. Alii: *qui sic manifesta negemus?* Videtur bona hæc lectio.

## IX.

## DE NÆVIA.

SCRIPSI, rescripsit nil Nævia, non dabit ergo.  
 Sed puto, quod scripsi, legerat: ergo dabit.

*Scripsi, Nævia nihil rescripsit. Ergo non concedet? Sed, opinor, legerat quod scripsi, ergo concedet.*



1 Pulmannus: *nil dabit ergo*. Ald. Junt. et Colin. *non dabit ergo?* cum interrogationis nota.—2 *Sed puto, quod scripsi, legerit* in iisdem, probante Heraldo. Vide Ovid. Art. Am. lib. I.

## NOTÆ

2 *Legerat*] Epistolas enim ab amatore missas cum legit puella, se non inexorabilem fore indicat. Ovid. Art. Am. lib. I. ‘Legerit, et nolit rescribere: cogere noli: Tu modo blandi-

tias fac legat usque tuas. Quæ voluit legisse, volet rescribere lectis. Per numeros venient ista gradusque suos.’



## X.

## IN POSTHUMUM.

BASIA dimidio quod das mihi, Posthume, labro,  
 Laudo : licet demas hinc quoque dimidium.  
 Vis dare majus adhuc, et inenarrabile munus ?  
 Hoc tibi habe totum, Posthume, dimidium.

*O Posthume, placent oscula quæ mihi libas dimidio labro: permitto hinc etiam tollas dimidium. Placetne largiri majus donum, atque inexplicabile? O Posthume, serva tibi totum hoc dimidium.*

1 Junian. Pulman. Lang. Delph. &c. *quæ das.* Ald. Junt. Colin. aliæ, cum Beverlandi Ms. *quod das.*

## NOTÆ

1 Quod [*quæ*] *das*] Alii, *quod das.* bat iste Posthumus, de quo iterum Videat lector. Epig. 12. et 21. infra.  
 4 *Hoc tibi habe*] Male quippe ole-

## XI.

## AD RUFUM DE SELIO.\*

QUOD fronte Selium nubila vides, Rufe,  
 Quod ambulator porticum terit serus;  
 Lugubre quiddam quod tacet piger vultus;  
 Quod pæne terram tangit indecens nasus;

*O Rufe, quod spectas Selium vultu obscuro, quod tardus ambulator emetitur porticum, quod frons iners silet quiddam funestum, quod nasus turpis fere demissus est*

Lemma in edd. vett. est: *In Selium.* Thuan. exhibet: *Ad Rufum de Sillo cænipeta.*—1 *Quod fronte Sillum* codex idem. *Ruffe* Junt. et Colin.—2 Beverlandi Ms. *sera.* Cod. Palat. *seram*; et sic in cod. Heraldii.—3 *Languore quodam* codex Bodleianus. *Langore* Beverlandi Ms.—4 Codex Vaticanus: *Quod pæne terram tergit.* Vide Heins. ad Claud. Præf. lib. i. in Rufin.—

## NOTÆ

\* Lego, *In Selium.* Alii, *Ad Rufum de Selio cænipeta.*

2 *Porticum*] Europes sane, ubi plerique divites ambulabant, a quibus ad cænâ invitari se sperabat Selius. Vide Epig. 14. infra.

3 *Lugubre quiddam*] Vultus nempe præ se fert signa tristitiæ.

4 *Quod pæne*] Per Hyperbolen ostendit Poëta, quam demitteret caput Selius præ pudore et mæstitia, quod a nemine invitaretur ad cænâ



Quod dextra pectus pulsat, et comam vellit : 5  
 Non ille amici fata luget, aut fratris :  
 Uterque natus vivit, et precor vivat :  
 Salva est et uxor, sarcinæque, servique :  
 Nihil colonus, villicusque decoxit.  
 Mœroris igitur causa quæ ? domi cœnat. 10

*ad terram usque, quod manus percutit pectus, atque evellit capillos : ille non deflet mortem amici, aut fratris : uterque filius fruitur vita, et opto ut fruatur : incolumis est uxor, et supellex, et mancipia salva sunt : colonus, et custos villæ nihil dilapidavit. Ergo doloris ratio est, quod cœnat domi.*

10 *Mœroris igitur causa, quod domi cœnat minus sincere antea legebatur in Junianis, et qui eum secuti sunt. Mœroris igitur causa quæ est ? codd. Heraldus et Palat. cum Ald. Junt. Colin. Gryph. &c. quæ lectio reponenda est, inquit idem Heraldus. domi cœna est Beverlandi Ms.*

## NOTE

10 *Causa quæ ? [quod] domi cœnat] cœnat. Judicet lector. Alii, Mœroris igitur causa quæ ? domi*

## XII.

## IN POSTHUMUM.

Esse quid hoc dicam, quod olent tua basia myrrham,  
 Quodque tibi est nunquam non alienus odor ?  
 Hoc mihi suspectum est, quod oles bene, Posthume, semper :  
 Posthume, non bene olet, qui bene semper olet.

*Quid colligam ex eo, quod odor myrrhæ inest tuis osculis, et ex eo, quod semper habes odorem externum ? In eo mihi subest suspicio, o Posthume, quod bene oles semper : o Posthume, qui semper bene olet, non bene olet.*

2 *Quodque tibi est semper Ald. Junt. et Colin.*

## NOTE

4 *Non bene olet] Sic carpit Posthumum, qui animæ suæ fœtorem atque oris spurcitiem unguentorum accito* odore dissimulare conabatur. Vide lib. vi. Epig. 55.

## XIII.

## AD SEXTUM.

Et judex petit, et petit patronus.  
 Solvas, censeo, Sexte, creditori.

*Et judex exigit, et patronus exigit. O Sexte, suadeo ut satisfacias creditori.*

Hic nulla lectionis varietas est in libris manu exaratis et typis impressis.

## NOTÆ

1 *Et judex petit*] Nolentem solvere debita Sextum carpit, simul et Romanos Judices, qui pecuniam a litigantibus extorquerent. Præstat ergo, inquit Poëta, absque hac lite uni creditori satisfacere, quam tribus, judici, patrono, et creditori, si litigaveris.

## XIV.

## AD PAULINUM DE SELIO.

NIL intentatum Selius, nil linquit inausum,  
 Cœnandum quoties jam videt esse domi.  
 Currit ad Europen, et te, Pauline, tuosque  
 Laudat Achilleos, sed sine fine, pedes.  
 Si nihil Europe fecit, tum Septa petuntur,  
 Si quid Phyllirides præstet, et Æsonides.

5

*Selius nihil non molitur, nihil non audet, quoties sentit jam sumendam esse cœnum domi. Properat ad Europen, et te, o Pauline, laudibus assidue extollit, et tuos pedes Achilleos. Si nihil profuit Europe, tum transfert se ad Septa, si quid proficiat Phyllirides et Æsonides. Hinc etiam frustratus adit ædes Memphiticas, et*



*In Selium lemma est in edd. vett.—6 Si quid Phyllirides Ald. Junt. et Colin.*

## NOTÆ

3 *Currit ad Europen*] Prope campum Martium porticus fuit, in qua picta erat Europes a Jove in taurum converso raptæ fabula. Strabo lib. v. Πλησίον δ' ἐστὶ τοῦ πεδίου τούτου καὶ ἄλλο πέδιον, καὶ στοὰ καὶ κύκλω παμπληθεῖς, καὶ ἄλση, καὶ θέατρα τρία, κ. τ. λ. *Prope hunc campum, [Martium nempe,] alius est campus, porticusque circumcirca permultæ, tum luci, theatra tria, &c.* De hoc Selio vide Epig. 11. supra. Sensus est: Quocumque ibat Selius ut inveniret aliquem, a quo ad cœnam invitaretur.

4 *Achilleos pedes*] Hoc est, celeritatem tuorum pedum, quam passim Achilli tribuit Homerus: πῶδας ὠκὺς Ἀχιλλεύς, *velox pedibus Achilles.* In

campo Martio cursu se exercebant Romani. Lege Strabonem loco citato.

5 *Si nihil Europe*] Si nullum illie reperiat a quo invitetur, se confert ad Septa, quæ et Ovilia dicta, loca nimirum tabulis vallata, in quibus populus Romanus suffragia laturus claudabatur.

6 *Si quid Phyllirides*] In Septis sane fuit porticus in qua Argonautarum fabula miro artificio erat depicta: inter Argonautas vero fuit Chiron Neptuni et Phylliræ filius, et Jason ab Æsone procreatus, unde Æsonides dicitur. De his picturis fuse agit Plinius lib. xxxv. cap. 10.



Hinc quoque deceptus Memphitica templa frequentat,  
 Assidet et cathedris, mœsta juvenca, tuis.  
 Inde petit centum pendentia tecta columnis;  
 Illinc Pompeii dona, nemusque duplex. 10  
 Nec Fortunati spernit, nec balnea Fausti,  
 Nec Grylli tenebras, Æoliamque Lupi.  
 Nam thermis iterum cunctis iterumque lavatur.  
 Omnia cum fecit, sed renuente Deo ;  
 Lotus ad Europes tepidæ buxeta recurrit, 15  
 Si quis ibi serum carpat amicus iter.  
 Per te, perque tuam, vector lascive, puellam,  
 Ad cœnam Selium tu, rogo, Taure, voca.

*sedet prope tuas cathedras, o juvenca tristis. Inde adit porticum innixam centum columnis; illinc munera Pompeii, et lucum duplicem. Nec contemnit balnea Fortunati, nec Fausti, nec tenebras Grylli, et Æoliam Lupi. Rursum enim et rursum abluatur in balneis omnibus. Cum peregit omnia, sed adversante numine; ablutus redit ad buxeta Europes tepentis, si quis amicus sero ambulet illic. O Taure, vector libidinose, oro per te et per tuam puellam, tu invita Selium ad cœnam.*

## NOTÆ

7 *Memphitica*] Hoc est, Ægyptia: Memphis urbs Ægypti clarissima, de qua lib. Spect. Epig. 1. Juven. Sat. vi. 530. 'ut spargat in æde Isidis, antiquo quæ proxima surgit ovili.' Hoc est, prope Septa in campo Martio erat templum Isidis.

8 *Mœsta juvenca*] Io, ut legitur apud Ovid. Met. i. Inachi fluvii filia, a Jove fuit compressa, et in vaccam deinde mutata transiit in Ægyptum, ubi regi Osiridi nupsit, cujus mortem ita deflevit, ut suis lacrymis Nilum auxerit, teste Pausania in Phocicis. Vide Strabonem lib. xvii. Reineccius de Argivorum origine et nomine sic ait: Ex Jaso rege nascitur Io, quæ destinata Junonis sacerdotio, seu Phœnicum raptu, seu spontanea migratione, ad Ægyptum appellit, ubi Telegono matrimonio juncta Epa-phum parit, et novo Isidis nomine honoratur. Cognomentum Isis in Io repetitum propter ejus merita et virtutem: nam quæ prima id habuit, cum Osiride, quod nomen aliqui a Mizraim gentis conditore propagant,

fuisse scribitur. Unde postea Antonius cum se Osiridem nominaret, Cleopatram Isidem dixit.

9 *Centum columnis*] Alii porticum Vipsanam de qua lib. i. Epig. 109. et lib. iii. Epig. 20. Alii Corinthian Cn. Octavii fuisse existimant.

10 *Illinc Pompeii*] Porticum Pompeiam intellige. Vide Plinium lib. xxxv. cap. 10. Ovid. Art. Am. lib. i. 'Tu modo Pompeia lentus spatiare sub umbra.'

*Nemusque duplex*] Vide locum Strabonis supra citatum, ubi agit de lucis. Alii intelligunt duos Pompeii hortos de quibus Cicero pro Milone.

11 *Fortunati*] Qui fuit balneator quidam ignobilis, sicut Faustus.

12 *Nec Grylli*] Cujus tenebrosa erant balnea. Vide lib. i. Epig. 60.

*Æoliamque*] Balnea sane habuit Lupus eo in loco ubi ventus flaret vehementissimus, unde vocat Æoliam a regia Æoli regis ventorum.

15 *Europes tepidæ*] Quia post meridiem illic plerique apricabantur. Vide lib. ii. Epig. 20.



## NOTÆ

18 *Ad cœnam voca]* Adime vitam 'vita discedet: quod urbane dixit, Selio: nam si cœnabit cum Jove, e cum aliud sentire videretur.

## XV.

## IN HERMUM.

QUOD nulli calicem tuum propinas,  
Humane facis, Herme, non superbe.

O Herme, benigne agis, non arroganter, quod nemini propinas tuum poculum.

1 *Quod nulli cyathum* margo Juntinæ nostræ, cum hac notatione: 'codex meus.' Vide Var. Lect. ad lib. 1. Epig. 72.

## NOTÆ

1 *Quod nulli]* Potes intelligere fuisse. Propinare est proprie, præ-Hermi calicem fuisse venenatum; vel, gustato leviter vino poculum [alteri quod magis placet, os illius fœtidum offerre.

## XVI.

## IN ZOILUM.

ZOILUS ægrotat: faciunt hanc stragula febrem.

Si fuerit sanus, coccina quid facient?

Quid torus a Nilo, quid Sidone tinctus olenti?

Ostendit stultas quid nisi morbus opes?

*Zoilus morbo laborat; peristromata pariunt febrem. Si salvus fuerit, quid facient coccina? quid thalamus a Nilo, quid sindon olenti tinctus? quid invaletudo*

*In Zoilum ægrotantem* inscribitur in codice Thuaneo.—3 Ald. Junt. Colin. &c. *quid sindone tinctus olenti.* Rutgersius Var. Lect. lib. vi. cap. 11. legendum autumat: *quid sidone cinctus olenti.* Alii legunt, *sindone cinctus.*

## NOTÆ

1 *Zoilus]* Ut opes lecti ostentaret, ægrotum se simulabat. Invidi, ob-trectatores, ostentatores Zoili dicti sunt, a Zoilo quodam, qui injuriosos in Homerum commentarios scripsit. Ælian. Var. Hist. lib. xi. cap. 10.

2 *Si fuerit sanus]* Si valeret, stragula cocco tincta ostendere non posset.

*Coccina]* Stragula nimirum cocco tincta.

3 *Quid torus]* Lecti scil. ornamentum maximi pretii habebatur, si ex lino Ægyptio; unde dicitur 'torus a Nilo,' id est, ab Ægypto.

*Quid Sidone [sindone] tinctus]* Hoc est, quid sindon olenti tinctura? Alii legunt *cinctus*, id est, torus cinctus sindone tincta murice olenti. Bay-fius de Re Vestiaria, Sindon, inquit, est amictus ex lino Ægyptiaco, sic dicta, ut opinor, quia primum in Si-

Quid tibi cum medicis? dimitte Machaonas omnes. 5  
 Vis fieri sanus? stragula sume mea.

*demonstrat præter divitias insanas? quid rei est tibi cum medicis? remove omnes Machaonas. Cupisne bene valere? accipe mea peristromata.*

## NOTÆ

done urbe hujusmodi amictus fieri ad corpus refer. Vide lib. vi. Epig. cœpit. Ob id Tyria dicta lib. iv. 84.

Epig. 19.

5 *Machaonas*] Medici sic dicti sunt a Machaone filio Æsculapii.

*Sume mea*] Quoniam ea ostentare non cupies, sunt enim vilissima; atque ita fiet sanus: hoc est, non si-

6 *Vis fieri sanus*] Ad mentem et mulabis te ægrotum.

## XVII.

## AD AMMIANUM.

TONSTRIX Suburræ faucibus sedet primis,  
 Cruenta pendent qua flagella tortorum,  
 Argique letum multus obsidet sutor.  
 Sed ista tonstrix, Ammiane, non tondet.  
 Non tondet, inquis? ergo quid facit? radit. 5

*Tonstrix habitat in aditu Suburræ, ubi sanguinolentæ carnificum virgæ sunt suspensæ, et nbi plures sutores occupant Argiletum. Sed ista tonstrix, Ammiane, non tondet. Non tondet, ais? Quid igitur agit? Radit.*

*Ad Amianum inscribitur in Ald. Junt. et Colin.—1 Tonsor Suburræ Pulmannus.—4 Sed ista tonsor, Amiane idem Pulmannus. Sed ista tonstrix, Amiane Ald. Junt. et Colin.—5 Non tondet inquam: quid igitur facit? radit Pulmannus. Non tondet inquam: quid ergo facit? radit in edd. vett. Non tondet? inquis: ergo quid facit? radit legit Cagnerius e veteri quodam codice. Heraldus legendum putat: Non tondet, inquis. Ergo quid facit? Radit.*

## NOTÆ

1 *Suburræ*] Quædam urbis regio erat Suburra.

2 *Cruenta*] Hoc est, locus ubi rei puniebantur.

3 *Argique letum*] Divisio est pro *Argiletum*, ubi multæ erant sutrinæ. Lib. i. Epig. 118.

4 *Non tondet*] Mœcha nempe, quæ nec capillos, nec barbam, sed adolescentum pecunias radebat, id est, eorum marsupium emungebat.

5 *Inquis*] Ammiani responsio. Alii, *Non tondet, inquam: quid ergo facit? Radit.*

## XVIII.

## IN MAXIMUM.

CAPTO tuam, pudet heu, sed capto, Maxime, cœnam:  
 Tu captas aliam: jam sumus ergo pares.

*O Maxime, aucupor tuam cœnam, heu erubesco, sed aucupor: tu aucuparis Delph. et Var. Clas. Martiul. L*



Mane salutatum venio; tu diceris isse

Ante salutatum: jam sumus ergo pares.

Sum comes ipse tuus, tumidique anteambulo regis; 5

Tu comes alterius: jam sumus ergo pares.

Esse sat est servum: jam nolo vicarius esse.

Qui rex est, regem, Maxime, non habeat.

*aliam. Igitur jam æquales sumus. Mane accedo salutem dicturus: comperio te jam ivisse salutatum. Igitur jam sumus æquales. Ipse sum tuus assecla, atque anteambulo regis superbi: tu assecla alterius. Igitur jam sumus æquales. Sufficit esse mancipium: jam nolo esse vicarius. Qui rex est, o Maxime, non habeat regem.*

2 *Tu captas alias* Ald. Junt. Colin. Gryph. Pulman. &c. Cetera, nil variant exemplaria.

#### NOTÆ

5 *Sum comes*] Clientes enim regem suum seu patronum honoris gratia comitabantur.

7 *Vicarius*] Alii erant servi ordinarii, qui conservos in suo peculio habebant, quos vicarios vocabant,

8 *Qui rex est*] Hoc est, qui dominus est, non serviat alteri domino, seu regem non habeat. Epig. 32. infra, 'Non bene, crede mihi, servo servitur amico: Sit liber, dominus qui volet esse meus.'

### XIX.

#### AD ZOILUM.

FELICEM fieri credis me, Zoile, cœna:

Felicem cœna, Zoile? deinde tua?

Debet Aricino conviva recumbere clivo,

Quem tua felicem, Zoile, cœna facit.

O Zoile, putas me beatum fieri cœna: an beatum cœna, o Zoile, et quidem tua? O Zoile, oportet eum convivam recumbere colli Aricino, quem beat tua cœna.

2 *Felicem cœna, Zoile, deinde tua?* in omnibus edd. vett. Distinctio lectionis nostræ debetur Grotio et Scriverio. Codex Bodleianus et Gallicanus Pulmanni exhibent: *Felicem? cœnam, Zoile, dando tuam.* De o corripendo in Gerundiis vide Statium in Var. Notis ad Tibull. III. 6. 3. Bronkh. ad eundem locum, Perizon. ad Sanct. Minerv. Heins. ad Ovid. Epist. IX. 126. et Burm. Sec. ad Anthol. Tom. I. p. 298. Tom. II. p. 722.

#### NOTÆ

3 *Debet Aricino*] Aricia in Via erat Appia centum et sexaginta stadiis ab urbe Roma in clivo sita, Strabo lib. v. ubi erant multi mendici. Juv. Sat. IV. 'Cœcus, adulator, dirusque

a ponte satelles, Dignus Aricinos qui mendicaret ad axes.' Ludit in verbo *recumbere*, quod humi jacere, et mensæ accumbere significat.



## XX.

DE PAULLO.

CARMINA Paullus emit: recitat sua carmina Paullus.

Nam quod emas, possis dicere jure tuum.

*Paullus mercatus est versus; Paullus recitat suos versus. Jure enim possis appellare tuum, quod emas.*

~~~~~

In hujus Epigrammatis lectione haud variant exemplaria manu exarata aut impressa.

NOTÆ

2 *Nam quod emas*] Vide lib. I. qui emit, rei emtæ acquirit domini-
Epig. 30. et lib. VI. Epig. 12. Nam nium. Festive plagiarium carpit.

XXI.

IN POSTHUMUM.

BASIA das aliis; aliis das, Posthume, dextram.

Dicis, Utrum mavis? elige: malo manum.

O Posthume, libas oscula aliis, porrigis manum aliis. Opta, inquis, utrum placet? placet dextera.

~~~~~

Nec in hoc membranæ, aut libri typis impressi, minimam varietatem produnt.

## NOTÆ

1 *Das dextram*] Quam tangant alii, facere solebant. Suetonius in Domi-  
nempe velut fidei et amicitiae pignus, tiano cap. 12.  
vel quam osculentur; quod tamen 2 *Malo manum*] Quam basia tua  
soli imperatores et quidem superbi male olentia. Epig. 10. et 12. supra.

## XXII.

DE EODEM.

QUID mihi vobiscum est, o Phœbe, novemque sorores?

Ecce nocet vati Musa jocosa suo.

Dimidio nobis dare Posthumus ante solebat

Basia; nunc labro cœpit utroque dare.

*O Apollo, et novem Musæ, quid mihi rei est vobiscum? ecce Musa festiva officit suo Poëtæ. Posthumus prius consueverat præbere oscula dimidio labro; cœpit nunc præbere utroque.*

~~~~~

Ad Apollinem de Postumo inscribitur in Beverlandi Ms. Cetera, nulla est lectionis varietas.

NOTÆ

2 *Ecce nocet*] Antea enim dimidio ter versus me amat, atque impurum tantum labro me osculabatur Posthumus, Epig. 10. supra; nunc vero prop-

XXIII.

DE EODEM.

NON dicam, licet usque me rogetis,
 Quis sit Posthumus in meo libello,
 Non dicam: quid enim mihi necesse est
 Has offendere basiationes,
 Quæ se tam bene vindicare possunt? 5

Non proferam in meo libro, quis sit Posthumus; quamvis me assidue obsecretis, non proferam. Quid enim mihi opus est injuriam facere illis osculis quæ possunt sumere tantam vindictam?

4 *Has ostendere basiationes* Beverlandi Ms. quam lectionem habet etiam Juntina nostra margini ascriptam, cum notatione: 'codex meus.'

NOTÆ

1 *Non dicam*] Causam reddit cur sub amicitiae specie libans mihi oscula verum nomen ficti hujus Posthumi malevolentia de me poenas et quidem non proferat; quod nempe, inquit, acerbissimas sumeret.

XXIV.

IN CANDIDUM.

SI det iniqua tibi tristem fortuna reatum,
 Squalidus hærebo, pallidiorque reo.
 Si jubeat patria damnatum excedere terra,
 Per freta, per scopulos exulis ibo comes.

Si sors injusta tibi imponat criminationem mæstam, horridus atque accusato pallidior adstabo. Si imperet condemnatum te discedere e terra patria, profugii socius sequar per maria et scopulos. Tibi largitur opes. Num communicas ista

4 *Per freta per populos* Juntina nostra in margine; sed lectio recepta non solicitanda. Lib. VII. Epig. 43. 'Æquora per Scyllæ magnus comes exulis

NOTÆ

2 *Squalidus hærebo*] Hoc est: Si rei autem sordidam vestem indueris factus fueris, ego mutata veste sordidatus quocumque te comitabor: bant, ut iudices suos ad misericordiam commoverent.

Dat tibi divitias : ecquid sunt ista duorum ? 5

Das partem ? multum est ; Candide, das aliquid ?

Mecum eris ergo miser : quod si Deus ore sereno

Annuerit : felix, Candide, solus eris.

mecum ? Largirisne partem ? Nimum est. O Candide, donasne aliquid ? Igitur mutua est inter nos calamitas. Quod si numen vultu placido assenserit : O Candide, solus eris beatus.



isti ;' i. e. per Scyllæ scopulos.—6 *Das partem : multum est : Candide, &c.* in edd. vett.—7 *Mecum ergo miser es* in iisdem : et sic codex Vaticanus. Lectionem nostram testatur optimus Thuanus. Eadem Junt. in marg. habet *aure*, pro *ore*, sine dubio ex corrupto Propertii loco, i. 1. 31. ' Vos remanete quibus facili Deus annuit aure :' ubi *aure* fere omnes codd. Hæ voces *aure*, *aura*, et *ore* frequenter confunduntur in scriptis exemplaribus. Cf. Heins. ad Ovid. Met. XII. 46. et 430. Burm. ad Propert. i. 1. 31. i. 12. 6. Drakenb. ad Sil. x. 366. et Oudend. ad Lucan. II. 33.

NOTÆ

6 *Das partem*] Dimidiam subintel- es] Alii *Mecum eris ergo miser*. At ligere mihi videtur. vero, inquit Poëta, ego tecum non

Das aliquid] Immo nihil das om- sum felix, sed prospera fortuna solus nino. frueris.

7 *Mecum eris, &c.* [*Mecum ergo miser*

XXV.

AD GALLAM.

DAS nunquam, semper promittis, Galla, roganti.

Si semper fallis, jam rogo, Galla, nega.

O Galla, semper polliceris petenti, nunquam concedis. O Galla, si semper decipis, nunc oro, recusa.



2 *Si semper fallis, cum rogo* Juntina nostra in margine, quod forte verissima est lectio.

NOTÆ

2 *Si semper fallis*] Facete jocatur licita semper decipiat, cum negave- Poëta, et Gallam irridet, quæ si pol- rit, dabit.

XXVI.

AD BITHYNICUM.

QUOD querulum spirat, quod acerbum Nævia tussit,

Inque suos mittit sputa subinde sinus :

Quod Navia flebilem ducit spiritum, quod laborat acerba tussi, et identidem

NOTÆ

1 *Quod acerbum*] Tussis enim sig- 2 *Inque suos*] Nam præ imbecilli- num erat vicinæ mortis. Vide lib. I. tate longius spuere nequibat. Epig. 11.

Jam te rem factam, Bithynice, credis habere?

Erras: blanditur Nævia, non moritur.

salivam effundit in sinus suos: O Bithynice, putasne jam tibi provenisse lucrum? Hallucinaris: Nævia adulatur, non interit.

~~~~~

2 *Inque tuos* e cod. suo profert, probatque Heraldus.—3 *Jam terræ factam* codex Vaticanus.

#### NOTÆ

4 *Blanditur Nævia*] Te vana spe victura te hæredem appellat. lactat nec moritura, immo diutius

## XXVII

### DE SELIO.

LAUDANTEM Selium, cœnæ cum retia tendit,

Accipe, sive legas, sive patronus agas.

Effecte! graviter! cito! nequiter! euge! beate!

Hoc volui! facta est jam tibi cœna: tace.

*Audi Selium laudantem, sive recites, sive dicas causas, cum ille parat retia cœnæ. Effæte, graviter, expedite, malitiose, præclare, beate! hoc placet, jam obtinuisti cœnam: sile.*

~~~~~

3 Ed. antiq. Ferrar. an. 1471. Venet. Ald. Junt. Colin. aliæ exhibent *Effæte*, quod retinendum censet Ramires de Prado. *Effecte* e codice suo attulit Gruterus; unde Pulmannus conj. *Affecte*, quod placet Radero. Pro *nequiter*, alii legunt *naviter*.—4 Domitius e codice antiquo legit *tacet*. 'Legerem libentius *tacet*, quod verbum Poëtæ est notantis Selii aviditatem cœnæ, qui statim ac factam sibi cœnam audivit tacuit.' *Ramires*.

NOTÆ

3 *Effecte* [*Effæte*] *Effæta* dicuntur, quæ omnino fœtum emiserunt: per metaphoram *Effæte* dicitur in laudem illius qui nihil amplius dicendum reliquerit in ea re quam agit. Sic Ramiresius. Mature et sapienter interpretatur Raderus. Alii legunt,

Effecte, hoc est, plene, ut nihil supra. *Nequiter*] Versute. Alii, *naviter*.

4 *Hoc volui*] Verba sunt recitatoris vel patroni respondentis acclamationibus Selii.

Tace] Satis enim adulatus es, hodie cœnabis mecum.

XXVIII.

IN SEXTILLUM.

RIDETO multum, qui te, Sextille, cinædum
 Dixerit, et digitum porrigito medium.
 Sed nec pædico es, nec tu, Sextille, fututor:
 Calda Vetustillæ nec tibi bucca placet.
 Ex istis nihil es fateor, Sextille: quid ergo es? 5
 Nescio: sed tu scis res superesse duas.

In hujus Epigrammatis lectione nulla varietas reperta est in exemplaribus, aut scriptis aut excusis.

NOTÆ

2 *Et digitum*] Erat contumeliæ tuis. Alii de fellatione hunc versum indicium digitus medius porrectus, intelligunt. quod Priapum repræsentaret, atque in molles extenderetur.

4 *Calda Vetustillæ*] Id est, vulva, 6 *Res duas*] Fellandi et lingendi turpitudinem interpretatur Ramiresius. Alii masturbatorem vel irrumatorem argui Sextillum sentiunt.

XXIX.

AD RUFUM.

RUFE, vides illum subsellia prima terentem,
 Cujus et hinc lucet sardonychata manus:
 Quæque Tyron toties epotavere lacernæ,
 Et toga non tactas vincere jussa nives:

O Rufe, cernis illum occupantem primas sedes, cujus dextera ornata sardonycha splendet etiam abhinc: et lacernæ quæ toties hauserunt Tyron, et toga imperata

~~~~~  
 Ad Ruffum inscribitur in Junt. et Colin.—1 *Ruffe* in iisdem. Multi codices, cum ed. antiq. Ferrar. an. 1471. Venet. Ald. Junt. Colin. Gryph. &c. habent: *subsellia prima tenentem*; et hoc retinendum censet Ramires, quod imperiosam quandam possessionem indicat; ut tenere Galliam, Hispaniam, &c. Multi codices habent etiam, *terentem*.—2 In edd. vett. *sardonycata*.—5 *Marcellano*

## NOTÆ

1 *Illum terentem*] Alii *tenentem*, hoc est, in amphitheatro inter primos equites sedentem in quatuordecim subselliis. Vide lib. I. Epig. 27. et lib. v. Epig. 8. Domitius subsellia judicium intelligit, in quibus sedebant equites. Superbum hunc servum, aut forte alterum ad equestrem dignita-

tem evectum insectatur Poëta, lib. v. Epig. 14. 'Sedere primo solitus in gradu semper.'

2 *Sardonychata*] Habebat quippe annulum sardonycha ornatum quem gestabant equites Romani.

3 *Quæque Tyron*] Cujus lacernæ toties epotaverunt purpuram, id est,



Cujus olet toto pinguis coma Marceliano, 5  
 Et splendent vulso brachia trita pilo.  
 Non hesterna sedet lunata lingula planta,  
 Coccina non læsum cingit aluta pedem;  
 Et numerosa linunt stellantem splenia frontem.  
 Ignoras quis sit? splenia tolle, leges. 10

*superare nives puras: cujus uncti crines redolent totum Marcelianum, et brachia levia fulgent evulso pilo. Lingula non vulgaris apposita est calceis lunatis, pellis coccinea circumdat pedem inoffensum; et frequentia emplastra unguunt frontem stellantem. Nescis quis sit? amove emplastra, leges.*

cod. Vat. Ald. Junt. Colin. &c.—6 Beverlandi Ms. *brachia tota*.—7 *Non extrema sedet* in edd. vett. Ald. Junt. Colin. Gryph. &c. *Non hesterna* Pulmanni codd. *Cuique hesterna legit* Heraldus. *Non externa legunt alii*. Hæ voces ‘hesternus,’ ‘externus,’ et ‘extremus’ passim in codd. confunduntur, ut ap. Virg. Æn. viii. 543. Ovid. Trist. i. 3. 44. Propert. i. 1. 29. i. 3. 44. ii. 6. 19. ii. 16. 40. Vide Broukh. ad Propert. ii. 13. 40. Drakenb. ad Sil. Ital. ix. 209. Burm. ad Lucan. i. 314. et Markland. ad Stat. Sylv. i. 2. 100. *lunata lingula* Ald. Junt. Colin. Pulm. &c.—8 Beverlandi Ms. *pingit aluta*, id est, ornat: sunt et qui *stringit* legant.—9 Lipsius legit: *stillantem splenia frontem*; cui astipulatur Ramires de Prado. Alii, *stellatam*.

#### NOTÆ

toties Tyrio murice tinctæ sunt. Lacernæ vero togæ superinduebantur. lib. xiv. Epig. 137. ‘Cum tegat argentes nostra lacerna togas.’

5 *Marceliano*] Unguento delibutus Marcelli unguentarii, cujus myropodium exhauserat novus iste eques.

6 *Et splendent*] Pumice levigata.

7 *Non hesterna* [*extrema*] Hoc est, testibus Ramiresio et Farnabio, non vulgaris, sed pretiosa. Legunt alii, et forte melius: *Cuique hesterna sedet*; id est, nova, ut notet hunc servum hominem novum, et hodie primum nobilitatum. Hoc sensu Persius Sat. iii. dixit ‘hesternos Quirites’ pro novis civibus. Judicet lector.

*Lingula*] Auream vel argenteam fibulam ad formam lingulæ intellige: lunatos autem calceos gestabant nobiles Romani. Lib. i. Epig. 50. ‘Lunata nusquam pellis.’

8 *Non læsum*] Nam si læsum fascia coccinea, calceoque molliore fovisset,

reprehensione caruisset. *Raderus*.

9 *Stellantem*] Hoc est, nitentem, splendentem propter candorem fasciæ: vel a stellis fasciæ seu splenio ornatus causa attextis. Hæc Raderus. Legunt alii *stillantem*, hoc est, frontem madidam fluentibus stillis unguenti Marceliani.

*Splenia*] Emplastra quædam ex unguentis, vel medicamine aliquo, ad capitis dolorem, vel oculorum morbum adhibita: ut autem frontis honor et elegantia constaret, fascia candida adhibebatur, inquit Raderus. Porro quidam frontem liniebant unguento vel cerusa: deinde panniculum sive fasciam ponebant, quod splenium dicebatur: a quibusdam existimatum oculorum operimentum ad arcendam nimiam lucem. Lib. x. Epig. 22.

10 *Leges*] Ex literis fronti ejus inustis cognosces eum fuisse servum stigmaticum.



## XXX.

## IN CAIUM.

MUTUA viginti sestertia forte rogabam,  
 Quæ vel donanti non grave munus erat:  
 Quippe rogabatur felixque vetusque sodalis,  
 Et cujus laxas arca flagellat opes.  
 Is mihi, Dives eris, si causas egeris, inquit. 5  
 Quod peto da, Cai: non peto consilium.

*Forte petebam mutuo viginti sestertia, quæ vel danti non erat molestum donum. Etenim petebam a divite, atque ab antiquo socio, et cujus arca premit divitias amplas. Ille mihi respondet, Opulentus fies, si dixeris causas. O Cai, dona quod rogo: non rogo consilium.*

1 Junt. an. 1512. et Colin. an. 1528. habent, *sextertia*.—2 Beverlandi Ms. *erant*.—3 In antiq. ed. Ferrar. an. 1471. Ald. Junt. Colin. Gryph. aliis, cum cod. Palat. *fidusque vetusque*: Beverlandi Ms. *fidusque verusque*, obstante metro.

## NOTÆ

4 *Arca flagellat*] Turnebus lib. XXI. cap. 4. Flagellare divitias, et flagellare annonam dicuntur, qui magnas arcis clausas opes tenent, et horreis fruges: quod invitas velut verberibus et carceribus coërcitas erumpere foras non sinant. Vide lib. v. Epig. 13. lib. i. Epig. 18. et lib. III. Epig. 40. Papinius Sylvar. lib. II. 'Non tibi sepositas infelix strangulat arca Divitias.'

## XXXI.

## AD MARIANUM.

SÆPE ego Chrestillam futui. Det quam bene, quæris?  
 Supra quod fieri nil, Mariane, potest.

1 *Sæpe ego Christinam f. det q̃ bene* in edd. vett. cum Junt. an. 1510. et Colin. an. 1528. Pulmannus, Junius, Langius, Ramires, &c. legunt etiam *Christinam*, quod testatur Calderini codex antiquus.

## NOTÆ

2 *Supra quod*] Intellige tam libidinosæ et nequiter dare Christinam, ut qui eam faciat, a coitu nequeat abstinere, quin defatigatus sit, effæto prorsus et enervato corpore. Rami- resius aliter explicat his verbis: Significavit, nempe Poëta, ex ambiguo ita male dare Christinam, ut supra, id est, iterum facere non possis. Ita ut si semel eam facias, non possis iterum. Verbum *Sæpe* repugnat huic sententiæ.

## XXXII.

## IN PONTICUM.

LIS mihi cum Balbo est; tu Balbum offendere non vis,  
 Pontice: cum Licino est; hic quoque magnus homo est.  
 Vexat sæpe meum Patrobas confinis agellum:  
 Contra libertum Cæsaris ire times.  
 Abnegat et retinet nostrum Laronia servum: 5  
 Respondes, Orba est, dives, anus, vidua.  
 Non bene, crede mihi, servo servitur amico.  
 Sit liber, dominus qui volet esse meus.

*Litigo cum Balbo, o Pontice, tu non vis in offensa esse apud Balbum: cum Licino, hic etiam est vir magnus. Patrobas vicinus crebro populatur meum agellum: metuis aggredi libertum Cæsaris. Laronia denegat et servat mancipium nostrum: respondes, Est sine liberis, opulenta, vetula, vidua. Mihi fidem adhibe, inhonestum est pati servitutem amici mancipii: qui cupiet esse herus meus, sit liber.*

1 *Lis mihi cum Balbo est* cod. Junii; et sic edd. antiquiss. cum Ald. Junt. et Colin. *est* tamen deest in edd. Calderini et Gryph.—2 *Pontice, cum Licino; hic quoque* Junt. 1512. Colin. 1528. Gryph. et Pulman.—3 *Versat* Junt. nostra in margine. ‘Verso’ et ‘vexo’ sæpius permutata. Vide Propert. III. 11. 1. III. 17. 12. Ovid. Epist. XII. 211. Val. Max. v. 1. 10. Hor. II. Epist. 2. 90. Burm. ad Ovid. Am. II. 2. 29. Græv. ad Cic. de Amic. 26. et Cort. ad Sall. Jug. cap. 14. *Protus confinius* Beverlandi Ms.—5 *Laronia* Pulmanus: *Latronia* Beverlandi Ms.

## NOTÆ

1 *Lis mihi*] Acute carpit cansidicum hunc Ponticum, qui divitum gratia ductus opem suam negabat ipsi. Usus est Poëta nominibus fictis, ut professus est Epistola lib. I. De Licino Persius Sat. II. Patrobii cuiusdam liberti Neronis mentionem facit Suetonius in Galba cap. 20.

Laroniæ vero meminit Juvenalis Sat. II. cujus orbæ hæreditatem cum captaret Ponticus, in eam dicere volebat.

7 *Non bene*] Epig. 18. supra, ‘Esse sat est servum: jam nolo vicarius esse.’ Ergo deinceps Ponticum colere non vult Poëta.

## XXXIII.

## IN PHILÆNIM.

CUR non basio te, Philæni? calva es.  
 Cur non basio te, Philæni? rufa es.

*Quare non osculor te, o Philæni? calva es. Quare non do tibi suavium, o*

## NOTÆ

1 *Cur non basio te*] Deformem hanc non basiabat, quod ejus caput Priapi mulierem irridet Poëta, quam ideo speciem præ se fert.



Cur non basio te, Philæni? lusca es.  
Te qui basiat, hic, Philæni, fellat.

*Philæni? rufa es. Quare non libo tibi oscula, o Philæni? lusca es. O Philæni, qui te osculatur . . . . .*

4 *Te qui basiat, o Philæni* Ald. Junt. et Colin. *Hæc qui basiat, o Philæni* legit Gruterus.

## XXXIV.

## IN GALLAM.

CUM placeat Phileros, tota tibi dote redemptus,  
Tres pateris natos, Galla, perire fame.  
Præstatur cano tanta indulgentia cunno,  
Quem nec casta potest jam decuisse Venus.  
Perpetuam Di te faciant Philerotis amicam, 5  
O mater, qua nec Pontia deterior.

*O Galla, cum ardeas Philerotem a te conductum omni dote, sustines fame interire tres filios. . . . . faxint Dii semper ames Philerotem, o genitrix, qua nec pejor Pontia.*

6 Ed. Schrevel. exhibet, *quia nec*, forte ex incuria typothetarum. *Pontica* margini ascriptum habet Juntina nostra, i. e. *Pontica* mater, sive Medea: hanc lectionem firmant membranæ Arondel. et codd. bibliothecæ Leidensis.

## NOTÆ

1 *Redemptus*] Forte illum ex servitute redemerat; vel conduxerat ejus operas, ut interpretatus sum.

2 *Galla*] Tam vetula erat, ut nec jam de nuptiis legitimis cogitare debuerit: attamen tanta libidine ardebat, ut in suum mœchum omne patrimonium effunderet: sic ergo sibi decrepitæ nimium indulgebat.

5 *Di te faciant*] Phileros veneficus uxores suas veneno necabat. Martialis igitur quasi prædicens futurum

Gallæ interitum optat ex commiseratione, ut perpetua sit Phileroti amica, id est uxor. Lib. x. Epig. 43. 'Septima jam, Phileros, tibi conditur uxor in agro: Plus nulli, Phileros, quam tibi reddit ager.'

6 *Pontia deterior*] Juven. Sat. vi. 638. 'sed clamat Pontia, Feci, Confiteor, puerisque meis aconita paravi.' Legunt alii *Pontica*, et Medeam interpretantur, quæ suos liberos crudeliter necavit.



## XXXV.

AD PHŒBUM.

CUM sint crura tibi, simulent quæ cornua lunæ,  
In rhytio poteras, Phœbe, lavare pedes.

O Phœbe, cum habeas crura quæ repræsentent cornua Lunæ, poteras abluere pedes in rhytio.



1 *Cum sint pura* Junt. 1512. et Colin. 1528. quod correctum est in Junt. nostra.—2 *In rhytio oteras* in iisdem edd. et corr. in nostra poteras ab antiqua manu. *Imbritio poteras* legendum putat Perotus: *In rhidio poteras* Domitius Calderinus. *In Brythio* codex Thuan. 'Ρυτὸν in Epig. ap. Salm. in Solin. p. 638. item Heronem in Spiritalib. Ulpianum in Demosth. p. 679. Brythii figuram habes in Part. 2. Antiquitat. Alex. Petavii. Attamen cum Thuan. ceterique codd. habeant *Brythio*, forte hic locum habet Βρυτέων, de quo Are-tæus p. 14. 112. Βρύτιον Æoles.

## NOTÆ

2 *Phœbe*] Cornibus Lunæ similia crura habebat Phœbus, seu varus erat, diductis nempe poplitibus, plantis vero coëuntibus: itaque dicit Poëta posse Phœbum in rhytio lavari: ῥυτὸν, rhytum, poculi genus est cornibus simile, sed perforatum, ex quo tenuissime profluente vino inferne bibitur. Rhytium vero est diminutivum. De Rhyto agit Athenæus lib. x. et lib. xi.

## XXXVI.

AD PANNICUM.

PECTERE te nolim, sed nec turbare capillos.  
Splendida sit nolo, sordida nolo cutis.  
Nec tibi mitrarum, nec sit tibi barba reorum.  
Nolo virum nimium, Pannice, nolo parum.

*Nolim a te componi crines, sed nec confundi. Non libet ut cutis niteat, nec libet squaleat. Nec habeas barbam mitrarum nec sontium. O Pannice, non mihi*



1 *Flectere te nolim* legendum censent Gruterus et Guilielmus; quod malit etiam Ramires, et in textum recepit Barbou Par. 1754. At vide Var. No-

## NOTÆ

3 *Nec tibi mitrarum*] Mitræ sunt ornamenta mulierum. Sensus est: Ne barbam omnino reseces fœminarum more: vel ne elegantius barbam componas, ut solent homines effœminati. *Pectere*: alii, *Flectere*.

3 *Barba reorum*] Qui barbam pro-

missam et squalidam alebant, ut commiserationem excitarent.

4 *Virum nimium*] Horridum et pilosum, sed volo teneas medium. Ovidius Art. Am. lib. i. 'Forma viros neglecta decet.'

Sunt tibi crura pilis, et sunt tibi pectora setis 5  
 Horrida: sed mens est, Pannice, vulsa tibi.

*placet vir nimium, aut parum. Nunc crura horrescunt pilis, et stomachus pilis; sed, o Pannice, habes animum depilatum.*

tas.—5 *Nunc tibi crura* Ald. Junt. Colin. Gryph. Pulm. Lang. Ramires, Julian. Delph. Farnab. &c. *Sunt tibi* in textu habet Schrevel. et in Notis *Nunc tibi*. Barbou habet etiam, *Sunt tibi*.—6 *Pro vulsa* sunt qui legant, *volsa*.

## NOTÆ

6 *Mens vulsa*] Alii *volsa*. *Meta-* neque vulsa est: at menti tribuit  
*phora est: mens enim neque hirsuta,* quod effœminato corpori convenit.

## XXXVII.

## IN CÆCILIANUM.

QUICQUID ponitur hinc et inde, verris :  
 Mammas suminis, imbricemque porci,  
 Communemque duobus attagenam,  
 Mullum dimidium, lupumque totum,  
 Murenæque latus, femurque pulli, 5  
 Stillantemque alica sua palumbum.  
 Hæc cum condita sunt madente mappa,  
 Traduntur puero domum ferenda.

*Quicquid apponitur hinc et inde, rapis; papillas suminis, et imbricem porci, atque attagenam communem duobus, dimidium mullum, atque integrum lupum, et latus murenæ, et femur pulli, et palumbum stillantem sua alica. Cum hæc involuta sunt mappa madida, servo dantur portanda domum. Nos otiosa turba*

Hoc Epigramma inscribitur in Thuan. *In Cæcilianum cœnipetam*.—6 *Stel-*

## NOTÆ

2 *Suminis*] Quod farcimen erat e papillis porcæ statim ab edito fœtu interfectæ. Lib. XIII. Epig. 44.

*Imbricemque porci*] Alii interpretantur vertebram dentis costis, alii vero auriculam.

3 *Communem attagenam*] Duobus convivis appositam: avis est saporis exquisiti. Lib. XIII. Epig. 61.

4 *Mullum lupumque*] Pisces delicatos.

6 *Alica*] Genus præstantissimi tritici, quo saginatus erat palumbus: hic sumitur alica pro pinguedine ipsa, vel pro condimento ex alica confecto quo perfusus erat palumbus.

7 *Hæc cum*] Solebant Romani ad convivia mappas ferre, et præcipue ii qui rogato convivii rege quosdam cibos ferre domum volebant. Lib. XII. Epig. 29.



Nos accumbimus otiosa turba.

Ullus si pudor est, repone cœnam:

10

Cras te, Cæciliane, non vocavi.

*accumbimus. Si quæ verecundia est, restitue cœnam: O Cæciliane, non te invitavi cras.*

*lantemque halyca Beverlandi Ms.—11 Ed. antiq. Ferrar. an. 1471. Venet. Ald. Junt. et Colin. vocavi: Pulmannus aliique, vocabo. Sed Domitius Calderinus et Heraldus bene monent legendum vocavi; i. e. cœnam paravi ut edas hic, non ut serves in crastinum.*

## NOTÆ

9 *Otiosa turba*] Collectivum nomen argutissimus, *cras non vocavi*, nimirum jungitur numero plurali: hoc est, accumbimus otiosi, nihil habentes in quo dentes exerceamus. non in crastinum, sed hodiernum diem te invitavi, ergo repone cœnam. Domitius reposuit *vocavi*, cum legeretur

11 *Non vocavi*] Solæcismus est, sed *vocabo*.

## XXXVIII.

## IN LINUM.

QUID mihi reddat ager, quæris, Line, Nomentanus?

Hoc mihi reddit ager: te, Line, non video.

*O Line, rogas quid percipiam ex Nomentano fundo? id percipio ex fundo, o Line, non te aspicio.*

In hujus Epigrammatis lectione haud variant libri manuscripti aut typis impressi.

## NOTÆ

2 *Non video*] Ut fugeret Linum sibi modi præstabat, quod ipsi Lini invisum, secedebat Poëta in agrum, spectum auferret. qui, alioquin sterilis, satis tamen con-

## XXXIX.

## DE MUNERIBUS MŒCHÆ.

COCCINA famosæ donas et ianthina mœchæ.

Vis dare, quæ meruit munera? mitte togam.

*Das coccina et ianthina infami adulteræ. Placet largiri dona, quibus digna est? mitte togam.*

1 Heins. ad Ovid. Epist. ix. 78. *hianthina*: Schrevel. in ed. prima, ut et Farnabius, *janthina*.

## NOTÆ

1 *Coccina et ianthina*] Vestes intel- 2 *Mitte togam*] Matronarum stola, lige purpureas et violaceas. meretricum vero et adulterarum de-



## NOTÆ

prehensarum toga erat propria. Lib. x. Epig. 52. 'Thelin viderat in toga spadonem, Damnatam Numa dixit esse mœcham.' Juvenalis Sat. II. 'est mœcha Fabulla: Damnetur, si vis, etiam Carfinia: [talem Non sumet damnata togam.]'

## XL.

## IN TONGILIUM.

URI Tongilius male dicitur hemitritæo.

Novi hominis mores: esurit, atque sitit.

Subdola tenduntur crassis modo retia turdis:

Hamus et in mullum mittitur atque lupum.

Cæcuba saccentur, quæque annus coxit Opimî:

5

Condantur parco fusca Falerna vitro.

Omnes Tongilium medici jussere lavari.

O stulti, febrem creditis esse? gula est.

*Immerito dicitur Tongilius ardere hemitritæo. Miki compertum est hominis ingenium: premitur fame et siti. Fallaces plagæ tantummodo tenduntur pinguibus turdis, et hamus dirigitur in mullum et lupum. Cæcuba liquentur, et quæ maturavit annus Opimii: subnigra Falerna apponantur vitro modico. Omnes medici præceperunt abluï Tongilium. O dementes, an putatis esse febrem? helluatio est.*

*In Tongilium gulosum lemma est in Beverlandi Ms.—2 Novi hominis fraudes in quibusdam.—3 Beverlandi Ms. nunc retia turdis; quod citat etiam Pulmannus. Edd. vett. habent: modo retia turdis.—5 Hadrianus Turnebus lib. xvii. c. 18. et lib. xxiii. c. 24. e veteri codice legit, saccentur: vide lib. xii. Epig. 61. Beverlandi Ms. habet, sincentur: edd. vett. omnes, siccentur. Beverlandi Ms. Opimus: Colin. an. 1528. Opimii.—6 Beverlandi Ms. fusa Falerna; et sic Juntina nostra in marg.*

## NOTÆ

1 *Tongilius*] Gulosus, qui, ut bene cænaret, febri laborare se simulabat. Hemitritæus est semitertiana febris.

3 *Modo*] Alii *nunc*, hoc est, morbum simulat ut ab amicis turdos et pisces delicatos statim accipiat. Tongilii cujusdam meminit Juvenalis Sat. vii.

5 *Cæcuba saccentur*] Id est, color transmittantur, de vino Cæcubo dicemus lib. xiii. Epig. 115. Alii *siccentur*, quæ lectio viris doctis non pro-

batur.

*Annus Opimî*] Id est, vinum Opimianum; eo enim anno quo L. Opimius consulatum gessit, fuit tempestas cœli ad vini maturitatem aptissima. Lib. i. Epig. 27. et lib. xiii. Epig. 113. de Falerno lib. xiii. Epig. 111.

6 *Parco vitro*] Exiguo calice propinetur illi, quod cum esset generosissimum, modice sumtum vel bibaci sufficiebat.

## XLI.

## IN MAXIMINAM.

RIDE, si sapis, o puella, ride,  
 Pelignus, puto, dixerat Poëta :  
 Sed non dixerat omnibus puellis.  
 Verum ut dixerit omnibus puellis,  
 Non dixit tibi ; tu puella non es : 5  
 Et tres sunt tibi, Maximina, dentes ;  
 Sed plane piceique, buxeique.  
 Quare si speculo mihique credis,  
 Debes non aliter timere risum,  
 Quam ventum Spanius, manumque Priscus : 10  
 Quam cretata timet Fabulla nimum,  
 Cerussata timet Sabella solem.

*Pelignus vates, opinor, dixerat, Ride, o puella, si sapis: sed non dixerat omnibus puellis. Licet dixerit omnibus puellis, non dixit tibi. Tu non es puella. Et habes tres dentes, o Maximina, sed prorsus piceos et buxeos. Quapropter si adhibes fidem speculo et mihi, non debes metuere risum minus, quam Spanius ventum, et Priscus manum; quam Fabulla cretata metuit pluviam, et Sabella cerussata*

4 *Verum ut dixerit* in edd. vett. *Quamvis dixerit* Ald. Junt. Colin. Gryph. Juniau. Pulman. &c.—10 *Quam ventum Panius* Beverlandi Ms. Cum e codice Viennensi afferat Gruterus, *Quam ventum vacuus* pro edentulo, et *lippus* pro *Priscus*, P. Scriverius legendum suspicatur: *Quam ventum vatius*, (sive, *vatias*) *manumve lippus*; qui ægre incedit propter crurum distortorum vitium.—11 Pro *Fabulla* in Beverlandi Ms. *tabula*.—13 *Vultus finge tuos* ex Pulmanni

## NOTÆ

2 *Pelignus Poëta*] Ovidius. Peligni populi Italiæ, hodie *Valva*, Ovidii patria. Domitius putat Martialem alludere ad quosdam versus de Arte Amandi, qualis est iste lib. III. ‘*Speculantem specta: ridenti mollia ride.*’ Alii putant Ovidii versum esse integrum petitum ex Medea. Angelus vero Politianus esse ex Epigrammatis Ovidii, non ex Medea. Nam quorsum Phaleucium in tragœdia aut Medea? Ab Angelo Politiano stare placet. Hæc ex Radero.

3 *Sed non dixerat*] Quæ enim nigros dentes habent, aut edentulæ

sunt, ridere non debent.

10 *Spanius, Priscus*] Hos obiter perstringit, quorum alter studiosius capillos componebat; alter vero cum elegantiores haberet vestes manu nolebat tangi, lib. III. Epig. 63. ‘*Pallia vicini qui refugit cubiti.*’ Et lib. x. Epig. 83.

11 *Cretata Fabulla*] Plinius lib. xxxv. cap. 17. cretæ plura genera enumerat. Alia, inquit, creta argentaria appellatur, nitorem argento reddens; qua sane utebatur Fabulla, quæ timebat pluviam, ne fucus ille madidus diffunderet.



Vultus indue tu magis severos,  
 Quam conjux Priami, nurusque major.  
 Mimos ridiculi Philistionis, 15  
 Et convivia nequiora vita,  
 Et quicquid lepida procacitate  
 Laxat perspicuo labella risu.  
 Te mœstæ decet assidere matri,  
 Lugentique virum, piumque fratrem, 20  
 Et tantum tragicis vacare Musis.  
 At tu, judicium secuta nostrum,  
 Plora, si sapis, o puella, plora.

*metuit Solem. Tu compone vultum ad severitatem magis quam uxor Priami, et nurus major. Fuge mimos ridiculi Philistionis, et epulas lasciviores, et quicquid jocularibus dictis pandit labra risu aperto. Tibi convenit assidere genitrici dolenti et mœrenti maritum, et pium fratrem, et solummodo operam dare Musis tragicis. Sed tu obsecuta monitis nostris, o puella, lacrymare, si sapis, lacrymare.*



editione affert Langius.—12 *Cerussata timet tabella* Beverlandi Ms.—18 *Laxat perspicuo* in eodem.

## NOTÆ

12 *Cerussata*] Cerussa genus est pigmenti quo illinitur vultus ad candorem conciliandum, et calore Solis liquefit. De hoc pigmento Plin. libro citato.

14 *Conjux Priami*] Quam mœsto et severo vultu introducunt Poëtæ.

*Nurus major*] Andromache Hectoris uxor, quæ major nurus erat, cum nupsisset Hectori primogenito Priami ex Hecuba; minor vero nurus Helena Paridis adultera.

15 *Mimos*] Poëmata sunt ad excitandum risum. Philistio comicus Sardinianus mortuus est Socratis tempore, et quidem risu immoderato, teste Suida.

19 *Mœstæ matri*] Sensus est: As-

sidere debes Hecubæ mœstæ, Andromache Hectorem maritum lugenti, et Electræ Orestem fratrem deflenti, cum de illis fabula agitur. Assidere autem dixit, quod sederent antiqui dum mortuos lugerent. Tibullus lib. II. Elegia 7. 'Illius ad tumulum fugiam, supplexque sedebo, Et mea cum muto fata querar cinere.'

20 *Piumque fratrem*] In patrem nempe Agamemnonem, cujus mortem ultus est occisa sua matre Clytæmnestra; vel in Pyladem, pro quo mori cupiebat.

21 *Tragicis vacare Musis*] Quæ luctuosa tantum et tristia exhibent spectacula.



## XLII.

IN ZOILUM.

ZOILE, quid solium subluto podice perdis?  
Spurcius ut fiat, Zoile, merge caput.

O Zoile, quid contaminas solium abluto podice? ut impurius fiat, immerge caput.

1 Barthius in codice quodam legit, *perdis*; unde conjicit haud inepte: *quid solio sublato podice parcis?* Cf. lib. xi. Epig. 96.—2 *Spurcior ut fias* Beverlandi Ms.

## NOTÆ

1 *Solium*] Vas quo in balneis mulieres utebantur, et in quo sedentes lavabantur. Suetonius in Augusto cap. 82. 'Contentus hoc erat, ut insidens ligneo solio, quod ipse Hispanico verbo durentam vocabat, manus ad pedes alternis jactaret.' Lib. vi. Epig. 81. et lib. xi. Epig. 96.  
2 *Merge caput*] Quod cum obscœnum sit, magis foedabit solium.

## XLIII.

IN CANDIDUM.

CANDIDE, κοινὰ φίλων, hæc sunt tua, Candide, πάντα,  
Quæ tu magniloquus nocte dieque sonas.  
Te Lacedæmonio velat toga lota Galeso,  
Vel quam seposito de grege Parma dedit.

O Candide, hæc sunt tua verba, Omnia amicorum communia, quæ tu ostentator jactas die et nocte. Tu togam induis lotam Galeso Lacedæmonio, vel quam

1 *Candide κοινὰ φίλων* Junt. an. 1512. sed in Colin. an. 1528. vacuum relinquitur spatium. Pulmannus e suo codice affert: *Κοινὰ φίλων hæc sunt tua semper, Candide, κοινὰ* alia lectio est: *Κοινὰ φίλων hæc sunt, hæc sunt tua, Candide, κοινὰ* et hanc reposuit Ed. Par. an. 1754. *hæc sunt tua, Candide, cæna* Beverlandi Ms. *hæc sunt tua, Candide, verba* malit Schrevelius.—4 In marg. ed. Lut. Par. 1617. fol. 'In manuscripto lectio est ambigua mihi, propter implicitum literarum tractum, *Creta*, an *Acerra* legendum sit. *Creta*

## NOTÆ

3 *Toga lota Galeso*] Oves in Galeso fluvio Tarentino lavabantur, ex quarum nobili vellere togæ conficerentur. Lacedæmonium dixit, quia Tarentum condiderunt Lacedæmones.  
4 *Parma*] Italiæ urbs nota. Lib. xiv. Epig. 155. 'Velleribus primis Apulia, Parma secundis.'

- At me quæ passa est furias et cornua tauri,  
Noluerit dici quam pila prima suam. 5
- Misit Agenoreas Cadmi tibi terra lacernas:  
Non vendes nummis coccina nostra tribus.
- Tu Libycos Indis suspendis dentibus orbes:  
Fulcitur testa fagina mensa mihi. 10
- Immodici tibi flava tegunt chrysendeta nulli:  
Concolor in nostra, cammare, lance rubes.
- Grex tuus Iliaco poterat certare cinædo:  
At mihi succurrit pro Ganymede manus.

*donavit Parma de grege electo. Verum illam indigno, quæ sustinuit furores et cornua tauri, quam suam prædicari recusaverit pila prima. Tellus Cadmi ex Agenore nati misit ad te lacernas: tribus vero nummis non vendes coccina nostra. Tu pedibus eburneis fulcis mensas Libycas; ego testa fulcio mensam faginam. Ingentes nulli implent flava tua chrysendeta: o cammare, rubes eodem colore quo lanx mea. Grex tuus poterat contendere Trojano cinædo: sed ego pro Ganymede*

ovium ferax fuit, et *Acerra* oppidum Campaniæ Glani amne notum.—5 Cod. Bodleianus exhibet: *furiosi cornua tauri*; quam lectionem testantur etiam edd. vett. Ald. Junt. Colin. et Gryph.—10 *Fulcitur terra* in Juntinæ nostræ marg. mendose: male enim interpretantur *τὸ testa*, nonnulli ex Ovidio Met. VIII. ‘mensæ sed erat pes tertius impar: Testa parem fecit.’ Calderinus aliique aiunt, fictiles fuisse pedes. Martialis mens intelligatur e Juvenal. Sat. III. 204. ‘urceoli sex, Ornamentum abaci: necnon et parvulus infra Cantharus, et recubans sub eodem marmore Chiron;’ ubi per ‘sub eodem marmore’ innuit Poëta, Chironis effigiem trapezophorum testaceum fuisse, et ex eadem materia, qua cantharus.—12 *Gammare* in Junt.

## NOTÆ

6 *Pila prima*] De pilis, quæ trita et lacera veste induebantur, ut tauris objicerentur, dictum est lib. Spect. Epig. 19. et 22. Dicitur prima, quia ordine disponebantur illæ pilæ, humanæ scilicet effigies vilissimis pannis indutæ: prima autem erat, quæ primum taurorum impetum patiebatur.

7 *Cadmi terra*] Tyrus nempe tibi mittit vestes purpureas.

8 *Coccina nostra*] Ironicôs pannos suos vocat coccineas lacernas, quas negat valere tribus sestertiis nummis.

9 *Libycos orbes*] Periphrasis mensarum, quæ fiebant e citro, quo abundat Atlas mons Libyæ. Lib. XIV. Epig. 89.

*Indis dentibus*] Hoc est, pedibus eburneis. Juvenal. Sat. XI. 121. ‘lotos nisi sustinet orbes Grande ebur.’ Nempe ex dentibus elephantorum, quibus abundat India. Virgilius Georg. I. ‘India mittit ebur, molles sua thura Sabæi.’

11 *Chrysendeta*] Turnebus lib. XIV. cap. 3. Chrysendeta vasa doctissimi viri explicant crustis aureis illigata et exornata: ut in Martiale lib. II. Epig. 43. Ego vasa gemmata esse puto, quorum gemmæ consertæ et contextæ tenerentur.

12 *Cammare*] Vilissimus ex cancrorum specie piscis cammarus fictilis suæ lancis rubrum colorem referebat.

13 *Grex tuus*] Pueri tui de elegan-



Ex opibus tantis veteri fidoque sodali

15

Das nihil, et dicis, Candide, κοινὰ φίλων?

*utor manu mea. Ex tantis divitiis nihil largiris antiquo et fideli amico, et prædicas, o Candide, communia amicorum.*

## NOTÆ

tia et venustate cum Ganymede disputare possunt. In Ida monte fuit Ganymedes ad cælum raptus ab aquila Jovis, cui servus a mensa dictus est. 14 *At mihi*] Ego vero mihi ipsi servio: alii aliter explicant ex lib. ix. Epig. 42. et lib. xi. Epig. 74.

## XLIV.

## IN SEXTUM.

EMI seu puerum, togamve pexam,  
 Seu tres, ut puto, quatuorve libras;  
 Sextus protinus ille fœnerator,  
 Quem nostis veterem meum sodalem,  
 Ne quid forte petam, timet, cavetque;  
 Et secum, sed ut audiam, susurrat:

5

*Sive mercatus sum servum, aut togam politam, sive tres, ut opinor, aut quatuor libras; subito Sextus ille fœnerator, quem scitis antiquum meum esse amicum, metuit ne quid forte rogem, et cavet, et secum mutit, sed ut auscultem, Debeo Secundo*

2 *Seu tres, vel puto* Junt. an. 1512. et Colin. 1528. *ut pote* in quibusdam aliis. Gruterus conj. *ut puta*; suspicabatur tamen majus subesse ulcus, cui sanando se non esse profitetur. Heraldus, quem sequitur Raderus, *computo* legit, et existimat summam esse aliquam pecuniæ, quam Martialis secum audiente Sexto forte computabat. *Ad tres, ut puto*, conj. Ant. de Rooy: de qua constr. adeas Cannegiet. ad Avian. Præfat. et Oudendorp. ad Sueton. Cæs. c. 20. *ut puto*, inquit, valet h. l. non, ut alias, 'ut opinor'; sed 'ut calculum pono': neque obstat, quod versu priore τὸ *ve* pro *vel* subjungat τῶ *sive*: ita et Flor. lib. iv. cap. 2. ubi vide Duker. et lib. iii. Epig. 5. Consule etiam Miscell. Obs. Vol. ix. 216. Schrevel. proposuit: *Seu tres supputo*; quem vide in Var. Notis.—6 *Et secum sic, ut audiam* in edd. vett. Ald. Junt. Colin. Gryph.

## NOTÆ

1 *Togamve*] Pexa toga est nova et polita. Epig. 58. infra, 'Pexatus pulchre rides mea, Zoile, trita.'

2 *Ut puto*] Heraldus legit, *computo*, existimatque, summam esse aliquam pecuniæ quam Martialis secum audiente Sexto forte computabat: at tamen cum loquatur Poëta de emtionibus suis, alii melius meo judicio retinent, *ut puto*, quod interponitur

dubitationis causa, deficiente scilicet memoria, atque argenti facti libras intelligit poëta: forte legendum *libros, non libras*. Statim vero, inquit Poëta, rationes suas secum tacite computat Sextus, ita tamen ut audiam, ne forte ab ipso pecuniam mutuer. Vide lib. vii. Epig. 85. ubi de libra argenti.



Septem millia debeo Secundo ;  
 Phœbo quatuor ; undecim Phileto ;  
 Et quadrans mihi nullus est in arca.  
 O grande ingenium mei sodalis ! 10  
 Durum est, Sexte, negare, cum rogaris :  
 Quanto durius, antequam rogeris !

*septem millia, Phœbo quatuor, Phileto undecim, et nullum habeo quadrantem in arca. O mentem sublimem mei amici ! O Sexte, grave est, recusare, cum a te petitur ; quanto gravius priusquam petatur.*

## NOTÆ

10 *O grande*] Per ironiam ingeniorum reprehendit, quod preces atque  
*um* dixit pro sordibus et avaritia. ejus petitionem occupasset.

11 *Durum est*] Acute Sextum ava-

## XLV.

## AD GLYPTUM.

QUÆ tibi non stabat, præcisa est mentula, Glypte.  
 Demens, cum ferro quid tibi ? Gallus eras.

*O Glypte, reseuisti penem, qui non arrigebat. O stulte, quid tibi opus ferro ? Gallus eras.*



2 *Demens cum testa quid tibi ?* margini ascriptum habet Juntina nostra. Hoc redolet Glossam ; Samia namque testa Gallos sibi virilitatem secuisse tradit Cælius ap. Plin. xxxv. 12. Cf. etiam Juvenal. Sat. vi. 514. Catull. lxxiii. 5. et Ovid. Fast. iv. 237. Eos tamen *ferro* sibi virilia amputasse, contendit Lactant. v. 9.

## NOTÆ

2 *Gallus*] Galli sacerdotes Cybeles cidere mentulam, cum esset eviratus :  
 Samia testa sibi resecabant genitalia : at non debuit Glyptus sibi præ-

## XLVI.

## IN NÆVOLUM.

FLORIDA per varios ut pingitur Hybla colores,  
 Cum breve Sicania ver populantur apes ;

*Quemadmodum florea Hybla depingitur diversis coloribus, cum apes vere depas-*



1 *Florida per varios ubi* Beverlandi Ms.—3 Cagnerius legit ex veteri co-

Sic tua suppositis perlucet prela lacernis :

Sic micat innumeris arcula synthesibus.

Atque unam vestire tribum tua candida possunt,

5

Apula non uno quæ grege terra tulit.

Tu spectas hyemem succincti lentus amici,

(Pro scelus!) et lateris frigora trita mei.

Quantum erat, infelix, pannis fraudare duobus,

(Quid renuis?) non te, Nævole, sed tineas?

10

*cuntur caducos Siciliae flores; ita tua prela nitescunt subjectis lacernis: ita arca collucet innumeris synthesibus. Atque tuæ lanæ possunt vestire unam tribum, quas de multis gregibus produxit Apulia. Tu immisericors aspicias frigus sodalis succincti (o nefas!) et metuis frigus, cui subjiunt latus meum vestes tritæ. Quanti erat momenti privare duobus pannis! Ne timeas, non te, o Nævole, sed tineas.*

dice: *Sic tua compositus perlucet præla lacernis. Ramires: Sic tua appositis prælucent præla lacernis. Langius: Sic tua appositis perlucet præla lucernis. Pulmannus: Sic tua compositis perlucet. Beverlandi Ms. collucent præla lacernis; quam lectionem citat etiam Pulmannus. Nostram testantur ed. antiq. Ferrar. an. 1471. Venet. Ald. Junt. Colin. Gryph. &c.—5 Ald. Junt. Colin. &c. tua vellera: sed optimi codd. habent tua candida, i. e. tuæ togæ candidæ, ut Epig. 58. ‘mea trita:’ quod qui non caperent, alterum subjecerunt.—8 Codex Thuan. et later frigora: Vat. et lateri. Alii legunt: et lateris frigora trita tui. Lipsius: et lateris frigora tute times; edd. namque vett. habent: et lateris frigora tuta times. Vide Delph. et Var. Notas.—10 Nostram lectionem testantur nonnulli codd. cum edd. antiquiss. Ferrar. an. 1471. &c. Non metuas mortem Ald. Junt. Colin. Gryph. Pulman. &c. Ne metuas, non te Ramires. Quid metuis monte Thuan. Quem renuis non te codex Vaticanus. timas pro tineas habet Beverlandi Ms. timeas Junt. an. 1512.*

#### NOTÆ

1 *Hybla*] Mons Siciliae floribus omnis generis abundans, quos breves seu caducos veris tempore depascuntur apes.

3 *Sic tua*] Nam vestes, quo nitidiores essent, prelis premi solebant. Vulgata lectio habet: *Sic tuæ appositis perlucet prela lucernis. Seneca lib. i. de tranquillitate vitæ cap. 1.*

4 *Synthesibus*] Hoc loco accipitur synthesis pro quavis veste, ut plurimum vero significat vestem cœnatorium. De illius usu varia est mens interpretum. Vide lib. xiv. Epig. 1.

7 *Lentus*] Id est, sine misericordia. Lenti enim spectare dicuntur, qui nec ad commiserationem nec ad iracundiam commoventur: *succincti* vero, hoc est, pene nudi, et quasi ad

iter capessendum accincti.

8 *Et lateris*] Hoc est, sodalis; latus enim, ut aiunt interpretes, sumit Poëta pro laterone, qui latus cingit.

*Frigora trita*] Id est, frigora, quæ admittunt tritæ lacernæ. Lipsius legit *frigora tute*, hoc est, Ego, o Nævole, adeo frigeo, ut tu ipse, quantumvis vestibus tuis securus, verearis ne meum frigus ad te perveniat. Forte melius legeretur *frigora tanta mei*. Hic locus perobscurus est. Vulgata lectio habet, *frigora tuta*, id est, Ego tantopere algeo, ut tu, licet tutus et munitus multis vestibus, nihilominus timeas frigus, quo corripior.

10 *Quid renuis?* [*Ne metuas*] Hoc est, Quanti erat momenti, o miser, privare duobus pannis? *ne metuas*, non



## NOTÆ

dico te privare, o Nævole, sed duobus pannis defraudare tineas, a quibus vestes tuæ in arca inclusæ corro-  
 roduntur. Legit Heraldus: *Quid renuis? non te, Nævole, sed tineas.* Vulgata lectio habet: *Non metuas mortem, Nævole, sed tineas.* Qua ultima lectione recepta subaudiendum esset, 'non te,' post hemistichion *non metuas mortem*: hoc sensu: Ne timeas mortem; non te fraudare quæro, sed tineas.

## XLVII.

## IN GALLUM.

SUBDOLA famosæ, moneo, fuge retia mœchæ,  
 Levior o conchis, Galle, Cytheriacis.  
 Confidis natibus? non est pædico maritus.  
 Quæ faciat duo sunt: irrumat, aut futuit.

Hujus Epigrammatis lectio non variat in membranis aut exemplaribus impressis.

## NOTÆ

1 *Moneo*] Nam si te deprehenderit maritus, non pædicabit; nec enim gaudet natibus, quibus confidis ei te soluturum, te enim irrumabit. 2 *Conchis Cytheriacis*] Id est, marinis, vel venereis, quod concha vecta est ad littus Venus orta mari.

## XLVIII.

## AD RUFUM.

CAUPONEM, laniumque, balneumque,  
 Tonsorem, tabulamque, calculosque,  
 Et paucos, sed ut eligam, libellos:  
 Unum non nimium rudem sodalem,  
 Et caram puero meo puellam,  
 Et grandem puerum, diuque levem:

5

O Rufe, suppedita mihi vel Bitonti cauponem, et lanium, et balneum, tonsorem, tabulamque lusoriam, et calculos, et paucos libros, sed a me electos, unum amicum mediocriter eruditum, et puellam gratam meo servo, et grandem puerum diu imberbem; et tu fruire thermis Neronis.

5. 6 Hi duo versiculi in ed. Barbou Par. 1754. transpositi: sic etiam leguntur in Ald. Junt. Colin. et quibusdam aliis. Nostrum ordinem servant Pulman. Langius, Junius, Grut. Scriv. Farnab. Schrevel. Delph. et Maittair.

## NOTÆ

5 *Et caram puero*] Qui amore irretitus domi assiduus esset.



Hæc præsta mihi, Rufe, vel Bitonti ;  
Et thermas tibi habe Neronianas.

—7 *Bitontis* Junt. an. 1512. et Colin. an. 1528. *Butuntis* legit Scriverius : Jac. Bononiensis Annot. cap. 8. emendat *Bisuntos*, quod oppidum est Hispaniæ ap. Ptolemæum.

## NOTÆ

7 *Vel Bitonti*] Legunt alii *Bitontis*, amœniores: ego autem vel in obscurissimo oppido rebus supra enumeratis contentus ero.

8 *Thermas Neronianas*] Ceteris nempe

## XLIX.

## DE THELESINA.

UXOREM nolo Thelesinam ducere: quare?  
Mœcha est: sed pueris dat Thelesina: volo.

Et hic nulla lectionis varietas reperienda est in exemplaribus scriptis aut excusis.

## NOTÆ

2 *Dat Thelesina*] Sui copiam. pœnas talionis dent. Epig. 47. supra,  
*Volo*] Ut mihi pueri deprehensi et lib. x. Epig. 40.

## L.

## IN LESBIAM.

QUOD fellas, et aquam potas, nil, Lesbia, peccas.  
Qua tibi parte opus est, Lesbia, sumis aquam.

2 *Qua tibi parte decet sumere oportet aquam* Juntina nostra in margine; sed hoc jugulat sensum, quem intelligi vult Martialis.

## NOTÆ

1 *Nil peccas*] Hoc est, Non erras: ex more aliarum fœminarum, quæ a cum enim fellatione ora pollueris, coitu lavant τὰ αἰδοῖα. ideo recte facis, si aquam potas, et

## LI.

## IN HYLLUM.

UNUS sæpe tibi tota denarius arca  
Cum sit, et hic culo tritior, Hylle, tuo;

## NOTÆ

1 *Unus sæpe*] Hyllum pathicum insectatur, quod pauperrimus cum esset, bene vasatos quærebat, et iis si quam pecuniolam habebat, largiebatur, et ipse fame peribat. *Ramiresius.*  
2 *Tritior*] Trita moneta vilior erat, ideo laudata aspera, quod nova, nec manuum tritura levior. *Idem.*

Non tamen hunc pistor, non auferet hunc tibi caupo ;  
 Sed si quis nimio pene superbus erit.  
 Infelix venter spectat convivium culi,  
 Et semper miser hic esurit, ille vorat.

5

4 Ald. Junt. Colin. *penne superbus erit*. Cetera, nulla varietas est in exemplaribus aut manu exaratis aut prelo excusis.

## LII.

## DE DASIO.

NOVIT loturas Dasius numerare : poposcit  
 Mammosam Spatalen pro tribus, illa dedit.

*Dasius cognovit loturas: petiit a mammosa Spatale, illa dedit pro tribus.*

*De Spatale* inscribitur in Junt. an. 1512. et Colin. an. 1528.—1 *Novit loturos* in iisdem. *Novit licturas* in aliis. Scaliger ad Propert. iv. 3. 36. legit: *Novit loturas*, cum hac Nota: ‘ Hic simpliciter loturæ sunt *ὀρήσεις* sed tralatitiae pro eo, quod jam dixi, et quod non nominabo. Locus ille Martialis aliter, et vitiose, editus est.’

## NOTÆ

- 1 *Novit loturas*] Hoc est, eas quæ lavare cupiunt. Alii *licturas*, minus bene. triplicem mercedem ab ipsa exegit balneator. Hic sensus præ alia obscena explicatione quidem placet: nempe Spatale et duæ illius mammæ trium locum occupabant.
- 2 *Mammosam*] Spatales mammæ tantæ erant magnitudinis, ut trium mulierum locum occuparet, atque ita

## LIII.

## IN MAXIMUM.

VIS fieri liber? mentiris, Maxime, non vis :  
 Sed fieri si vis, hac ratione potes.  
 Liber eris, cœnare foris si, Maxime, nolis :  
 Veientana tuam si domat uva sitim :

*Cupisne consequi libertatem? mentiris, o Maxime, non cupis: sed si cupis, licet hoc modo. O Maxime, liber fies, si recuses captare alienam cœnam: si vinum Ve-*

## NOTÆ

- 3 *Cœnare foris*] Durum enim est aliena vivere quadra, ut docet Juvenalis Sat. v. Lib. ix. Epig. 11. ‘ Liber non potes, et gulosus esse.’
- 4 *Veientana*] Vinum ex agro Veientano vilissimum.

Si ridere potes miseri chrysendeta Cinnæ : 5  
 Contentus nostra si potes esse toga :  
 Si plebeia Venus gemino tibi vincitur asse :  
 Si tua non rectus tecta subire potes.  
 Hæc tibi si vis est, si mentis tanta potestas,  
 Liberior Partho vivere rege potes. 10

*entantum restinguit sitim: si potes contemnere chrysendeta infelicis Cinnæ: si potes contentus esse nostra toga: si domas venerem plebeiam duobus assibus: si potes incurvus ingredi tuam domum. Si habes hanc vim, et tantum imperium in te, potes ducere vitam liberiozem rege Parthorum.*

7 Pro *vincitur* Heinsius legendum putavit, *jungitur*; quod probant viri docti. Ovid. 'Quique sui Venerem junxit cum fratre mariti.' Hæc duo verba sæpe permutantur. Vide nos ad Catull. LXI. 68. ad Tibull. I. 1. 64. et Broukh. ibid. Burm. ad Propert. IV. 2. 44. Heins. ad Ovid. Met. I. 121. VIII. 248. Drakenb. ad Liv. Tom. III. p. 95. Cf. Hor. I. Od. 25. 1. et Claud. in Epithal. Pall. et Celer. v. 32. *juncitur* in Beverlandi Ms. unde nullo negotio fit, *jungitur*. De permutatione *c* et *g*, vide Scal. ad Catul. loco laudato.

## NOTÆ

5 *Chrysendeta*] Vasa gemmis ornata, de quibus Epig. 43. supra.

*Miseri Cinnæ*] Præ nimia talium vasorum cupiditate.

7 *Si plebeia*] Si meretricibus contentus non sectaris matronas.

8 *Si tua non rectus*] Vel casam humilem intellige, vel, quod magis

placet, superiores domus contignationes, quæ cœnacula vocabantur, ubi habitabant pauperes, in quæ nisi incurvi ascendere nequibant.

10 *Liberior*] Parthorum reges libertatem acerrime semper propugnaverunt, et regum reges vocabantur, ut docet Suetonius in Caligula cap. 5.

## LIV.

## IN LINUM.

QUID de te, Line, suspicetur uxor,  
 Et qua parte velit pudiciorem,  
 Certis indiciis satis probavit,  
 Custodem tibi quæ dedit spadonem.  
 Nil nasutius hac, maligniusque est. 5

In hoc Epigrammate exhibendo nullam lectionis varietatem produnt aut libri calamo scripti aut typographici.

## NOTÆ

1 *Quid de te*] Lepide carpit cinæ- uxor, ne ab eo pædicaretur. Lib. x.  
 dum, cui custodem spadonem dedit Epig. 69.



## LV.

## AD SEXTUM.

VIS te, Sexte, coli: volebam amare.  
 Parendum est tibi; quod jubes, coleris:  
 Sed si te colo, Sexte, non amabo.

*O Sexte, cupis observari: volebam te diligere. Obtemperandum est tibi: quod imperas, observaberis. Sed si te observo, o Sexte, non diligam.*

In hujus etiam Epigrammatis lectione consentiunt membranæ et libri typis impressi.

## NOTÆ

1 *Vis coli*] Observantiam a me ex-  
 igis.

*Volebam amare*] Te familiariter uti  
 cupiebam.

3 *Non amabo*] Id est, te odio habe-  
 bo: amor enim, et ea quam exigebat

Sextus observantia, non conveniunt.

## LVI.

## AD GALLUM, DE EJUS UXORE.

GENTIBUS in Libycis uxor tua, Galle, notatur  
 Immodicæ fœdo crimine avaritiæ.  
 Sed mera narrantur mendacia: non solet illa  
 Accipere omnino: quid solet ergo? dare.

*O Galle, apud Libyæ populos conjux tua notatur turpi crimine avaritiæ immoderate. Sed mendaciu pura dicuntur: prorsus illa non consuevit accipere. Quid igitur consuevit? dare.*

Lenima in codice Thumano est: *Ad Gallum*: in edd. vett. *De uxore Galli*.—  
 1 In codice membran. Pntean. legitur: *Galle melaudat*; unde Heraldus legendum censet, *male audit*, quæ vere est lectio edd. vett. Ald. Junt. Colin. &c.

## NOTÆ

1 *Gentibus in Libycis*] Hinc colligere est hunc Gallum in Libya magistratum gessisse; cujus uxor a provincialibus munera accipere diceba-

tur; at illius avaritiam salse excusat Poëta: dare quippe verbum est obscenum hoc loco.

## LVII.

## IN FICTUM DIVITEM.

Hic, quem videtis gressibus vagis lentum,  
 Amethystinatus media qui secat septa ;  
 Quem non lacernis Publius meus vincit,  
 Non ipse Codrus alpha penulorum ;  
 Quem grex togatus sequitur, et capillatus, 5  
 Recensque sella linteisque lorisque :  
 Oppigneravit Claudii modo ad mensam  
 Vix octo nummis annulum, unde cœnaret.

*Hic, quem cernitis tardum passibus incertis, qui amethystinatus dividit media septa ; quem lacernis non superat meus Publius, non Codrus ipse primus penulorum : quem comitatur grex togatus, et comatus, et sella nova velis et corrigiis : paulo ante ad Claudii mensam dedit pignori annulum vix octo nummis, quibus emeret cœnam.*

Codex Scriver. pro lemmate habet: *De Micropsycho divite*; quod citat etiam Pulmannus. Codex Bodleianus: *De ornato foris*. Edd. vett. *In Fictum divitem*, quasi Fictus sit nomen proprium.—2 Beverlandi Ms. exhibet: *mediam qui secat viam*.—7 *Oppigneravit admodo Claudii mensam* in edd. antiquiss. cum Ald. Junt. Colin. Gryph. Lang. Pulman. Ramires. Junian. Delph. &c. Salmasius legendum censet: *Oppigneravit modo modo ad Cladi mensam Vix octo mensis annulum, unde cœnaret*. Lectio nostra debetur Grutero, eamque servant Scriverius, Farnab. Schrevel. Maittair. Barbou, &c.

## NOTÆ

1 *Gressibus vagis lentum*] Tardus incessus gravitatis et dignitatis signum.

2 *Amethystinatus*] Hoc est, vestibus conductis ornatus amethysti colorem violaceum referentibus. Lib. 1. Epig. 97. De septis dictum Epig. 14. supra.

*Media secat*] Hoc est, viam sibi aperit per mediam turbam. Ut fastum ficti hujus divitis graphice depingat Poëta, hæc subjungit.

3 *Publius*] Qui tamen pretiosis lacernis erat indutus, sicut Codrus.

4 *Non ipse Codrus*] Cujus et vestes erant elegantissimæ. Raderus explicat hunc Codrum a Martiale intelligi principem pauperum, de quo lib. v. Epig. 27. et Juv. Sat. III. hoc est,

qui habet æque tritas vestes ac Codrus. Prior interpretatio mihi videtur melior: judicet lector.

5 *Grex togatus*] Antambulorum scilicet, quorum indumentum erat toga. Lib. 1. Epig. 109.

*Capillatus*] Grex puerorum, qui longas comas alebat. Lib. x. Epig. 62.

6 *Recensque sella*] De sella, et linteis quibus velabatur, fuse agit Lipsius Elect. lib. 1. cap. 19. Juvenalis Sat. 1. 'Nova cum veniat lectica Mathonis.'

7 *Claudii*] Mensarii nempe. Indicium vero erat extremæ egestatis, annuli vel venditio vel oppigneratio. Juv. Sat. xi. 'Talibus a dominis post cuncta novissimus exit Annulus.'



## LVIII.

## IN ZOILUM.

PEXATUS pulchre rides mea, Zoile, trita.

Sunt hæc trita quidem, Zoile; sed mea sunt.

O Zoile, tu ornate pexatus derides mea vestimenta vilia. O Zoile, hæc sane vilia sunt; sed pertinent ad me.

//////////

1 *Vexatus* Beverlandi Ms. Cetera, nulla varietas est in exemplaribus.

## NOTÆ

1 *Pexatus*] Turnebus lib. v. c. 14. supra.

Vestes illæ pexæ sunt, in quibus nec stamen nec subtegmen apparet, eminente et operiente villo. Epig. 44.

2 *Mea sunt*] Quas vero tu habes vestes, conduxisti.

## LIX.

## DE CŒNATIONE MICÆ.

MICA vocor: quid sim, cernis: cœnatio parva.

Ex me Cæsareum prospicis, ecce, tholum.

*Mica appellor, videsne quid sim? diæta exigua. Ex me prospectas tholum*

//////////

*Stibadium* inscribitur in Beverlandi Ms.—2 In eodem, *ecce thorum*.—

## NOTÆ

1 *Mica vocor*] Loquitur cœnatio quam Domitianus exstruxerat, et micam vocaverat propter exiguitatem: cœnatio vero est locus ad cœnandum. Juvenalis Sat. vii. 81. 'Surgat, et argentem rapiat cœnatio Solem.' Illud addam auctarii loco, antiquorum luxuriam versatilia cœnationum laquearia fecisse, et ita coagmentasse, ut subinde alia facies atque alia succederet, et toties tecta, quoties ferula mutarentur. Sic Philander in Vitruv. lib. iv. cap. 3.

2 *Prospicis, ecce, tholum*] Tholus, teste Philandro ad Vitruv. lib. iv. cap. 7. est ædificii camera, quæ altius crescens rotunda forma in fastigiatum cacumen desinit, &c. Si conjecturæ locus est, inquit Ramiresius, existimaverim micam hanc ita esse

exædificatam, ut ex ipso triclinio prospiceretur alicujus tholus ædificii, quod sepulcrum alicujus Imperatoris contineret; et ausim affirmare esse Mausoleum D. Augusti. Quo viso, de sua sorte admonebantur convivæ: mortis vero memoria ad vitæ lautitias illos excitabat. Martialis se ipsum explicuisse videtur lib. v. Epig. 65. 'Jam vicina jubent nos vivere Mausolea, Cum doceant ipsos posse perire Deos.' Raderus Scaligerum secutus Ausonianarum lectionum lib. ii. cap. 26. intelligit tholum interiorem ipsius micæ, a quo pendebat cranium, quod convivas de morte admonebat, ut eo largius viverent, et potationibus vacarent. Vide lib. i. Epig. 71. ubi de tholo jam facta mentio.



Frangere toros, pete vina, rosas cape, tingere nardo :  
Ipse jubet mortis te meminisse Deus.

*Cæsaris. Rumpere lectos: posce vina: accipe rosas: ungerere nardo; Deus ipse imperat te recordari mortis.*

3 Ant. de Rooy conj. *tangere nardo* sc. capillos. 'Tingo' et 'tango' sæpe permutantur. Vide Burm. ad Ovid. Heroid. Epist. XIX. 44. ad Propert. IV. 3. 60. Oudendorp. ad Lucan. x. 491. Heins. ad Ovid. Fast. IV. 740. et Scriv. ad Nostrum p. 149. At Juntinæ nostræ margini ascriptum reperio: *Scande toros: pete vina: rosas cape, et ungerere nardo*. Hoc verum esse puto, quod ad *rosas cape, et ungerere nardo* attinet. Quod vero ad illud *Scande*, forte legendum *Sterne*; sed alterum propius accedit ad literarum tractum in voce *Frangere*. Vide infra ad lib. IV. Epig. 8.—4 Calderini vetustus codex habebat, *dememinisse Deus*, quod legendum esse ostendit Cujacius ad Africanum. Hoc habet etiam editio Aldina an. 1550.

## NOTÆ

3 *Frangere toros*] Assiduis accumbere, ut usu diurno nocturnoque frangatur torus seu lectus cui accumbebat conviva. Lib. IV. Epig. 8.

*Rosas cape*] Coronati floribus bibere solebant veteres. Lib. XIII. Epig. 51. Plinius lib. XXI. cap. 19. 'Crapulam et gravedines capitis, impositis coronis, olfactu discutiunt.' Heraldus hoc loco fuse agit de more illo antiquorum.

*Tingere nardo*] Ungaris nardino unguento. 'Nardinum sive foliatum constat omphacio, balanino, junco, costo, nardo, amomo, myrrha, balsamo.' Plinius lib. XIII. cap. 1.

4 *Te meminisse Deus*] Domitianus ipse Deus exstructa aurea diæta, ex qua prospicitur Mausoleum Augusti, vel ex cujus tholo suspensum est cranium, monet ut genio hilariter indulgeas. Idem fere leges apud Petronium in Trimalcionis convivio: 'Larvam argenteam attulit servus: hanc cum super mensam semel iterumque abjecisset, Trimalcio adjecit: Hænos miseros, quam totus homuncio nil est! Sic erimus cuncti postquam nos auferet orcus. Ergo vivamus, dum licet esse, bene.'

*Te meminisse*] Alii *dememinisse*, hoc est, oblivisci mortis.

## LX.

## IN HYLLUM.

UXOREM armati futuis, puer Hylle, tribuni,  
Supplicium tantum dum puerile times.

*In Hylum* edd. vett.—2 *Supplicium facti nec, puer Hyle, times* Pulmannus,

## NOTÆ

1 *Uxorem armati*] Monet Hyllum ut discedat ab uxore tribuni militaris, a quo deprehensus non pædicaretur, sed castraretur. Nam quamvis castrari mares vetuisset Domitianus,

adulteria quoque prohibuerat. Suet. cap. 7. in Domit.

2 *Supplicium*] Dum confidis natus. Epig. 47. supra.

Væ tibi, dum ludis; castrabere: jam mihi dices,  
Non licet hoc: quid, tu quod facis, Hylle, licet?

improbante Ramiresio.—4 Ant. de Rooy scribit: *Non licet hoc: quid? tu quod facis, Hylle, licet?* quemadmodum τὸ *quid?* sæpius sententiam absolvit. Vide Cuper. Obs. lib. II. c. 20.

## LXI.

## IN MALEDICUM.

CUM tibi vernarent dubia lanugine malæ,  
Lambebat medios improba lingua viros.  
Postquam triste caput fastidia vespillonum,  
Et miseri meruit tædia carnificis;  
Uteris ore aliter, nimiaque ærugine captus, 5  
Allatras nomen, quod tibi cumque datur.  
Hæreat inguinibus potius tam noxia lingua:  
Nam cum fellaret, purior illa fuit.

1 Pulmanni codex habet: *tenera lanugine malæ*. Vide Var. Notas.—  
5 Sunt qui legant: *miseruque aurigine*. Calderinus legit *rubigine*.—7 Pulmannus, *jam noxia lingua*.

## NOTÆ

1 *Cum tibi*] Acerbe invehitur in maledicum quendam, qui antea fellator erat.

*Dubia lanugine*] Id est, antequam ex ephēbis excessisses.

2 *Lambebat*] Fellabat. Lib. III. Epig. 81.

3 *Postquam*] Tædio fuisti vel vilis-

simis hominibus, quos medios lambebas.

8 *Purior illa fuit*] Nam lingua ejus cum fellaret, non tam impura et mala erat, quamvis impurissima. Impura lingua dicitur maledici, et fellatoris quoque. Ex hac ambiguitate lepidus est jocus. Lib. III. Epig. 80.

## LXII.

## IN LABIENUM.

QUOD pectus, quod crura tibi, quod brachia vellis,  
Quod cincta est brevibus mentula tonsa pilis:

## NOTÆ

1 *Quod pectus*] Labienum pathicum urbane perstringit, ea occasione, quod crura, pectus, brachia, et pondus velleret. Videri hoc poterat

amicæ causa facere: sed interrogat cujus causa culum depilet, quod facere non poterat, nisi pædiconum causa. *Ramiresius*.

Hoc præstas, Labiene, tuæ, quis nescit, amicæ.  
Cui præstas culum, quem, Labiene, pilas ?

3. 4 Ant. de Rooy legit : *Hoc præstas, Labiene, tuæ, quis nescit? amicæ. Cui præstas, c. quod, Labiene, pilas?* in quibusdam enim est quod pro quem. Pulmanni codex habet : *Cum vellis c. cui, Labiene, facis?*

## LXIII.

## IN MILICHUM.

SOLA tibi fuerant sestertia, Miliche, centum,  
Quæ tulit e Sacra Leda redemta Via.  
Miliche, luxuria est, si tanti dives amares.  
Non amo, jam dices : hæc mage luxuria est.

O *Miliche, tantum habebas centum sestertia, quæ abstulit Leda emta ex Sacra Via. O Miliche, intemperantia est, etiamsi locuples amares tanto pretio. Jam respondebis, Non amo : hæc intemperantia major est.*

*In Melichum lemma est in Ald. Junt. et Colin. et in Epigram. vs. 1. et 3. Meliche.—4 Beverlandi Ms. hæc quoque; quod citat etiam Pulmannus.*

## NOTÆ

2 *Leda*] Alii putant Ledam hanc meretricem fuisse, et centum sestertia a Milicho amatore ei data fuisse : alii vero melius intelligunt servam, formæ vel ministerii causa emtam, cum subjiciat Milichus se non esse captum amore Ledæ ; unde concludit Poëta, minus illum esse excusandum, qui nulla motus voluptate tantam pecuniæ summam profuderit. In Sacra Via servi et res aliæ vendebantur.

## LXIV.

## IN TAURUM.

DUM modo causidicum, dum te modo rhetora fingis,  
Et non decernis, Taure, quid esse velis :

*Dum te simulas nunc causidicum, nunc rhetorem, nec statuis, o Taure, quid cupias*

*In Laurum causidicum inscribitur in Thuan. In Laurum Pulmann.—2 Laure cod. Thuan. et Pulman.—3 Optimi libri habent : transit, et Nestoris*

## NOTÆ

1 *Dum modo*] Causas dicere in foro, vel in schola docere cogitas.



Peleos, et Priami transit, vel Nestoris ætas,  
Et fuerat serum jam tibi desinere.

Incipe: tres uno perierunt rhetores anno, 5  
Si quid habes animi, si quid in arte vales.

Si schola damnatur; fora litibus omnia fervent:  
Ipse potest fieri Marsya causidicus.

Eia age, rumpe moras: quo te sperabimus usque?  
Dum, quid sis, dubitas, jam potes esse nihil. 10

*amplecti; ætas Peleos, et Priami, vel Nestoris præterit, et jam tardior esses ad desistendum. Incipe, tres rhetores uno anno mortui sunt, si quid ingenii habes, si quid polles in arte. Si non placeat schola, omnia fora plena sunt controversiarum: Marsya ipse potest evadere causidicus. Macte animo, discute cunctationes. Quamdiu te expectabimus? Dum ambigis quid sis, jam potes esse nihil.*

*ætas, nimirum produxit syllabam ex contractione pro transiit. Scriverius legit: transti vel Nestoris annos; pro 'transisti:' et crebra sunt apud Martialem hujusmodi contracta verba; 'surrexti,' 'adduxti,' &c. transis Pulmannus, qui legit etiam, annos.—8 Alii, potes.—9 Codd. Thuan. et Vat. speravimus: Beverlandi Ms. sperabimus: alii, spectabimus.*

## NOTÆ

3 *Peleos*] Græcus genitivus. Peleus pater Achillis longævus fuit, Priamus quoque, et Nestor, de quibus alias.

4 *Et fuerat serum*] Si artem aliquam professus fuisses, jam serum esset ab ea desistere, atque ita tardissimum est incipere.

5 *Tres perierunt*] Quorum nomina ignorantur.

8 *Ipse potest*] Tam facile est causas dicere, ut vel statua Marsyæ saxeæ in foro posita dicendi artem addiscere possit. Lipsius *Antiquarum Lectio-*

num, lib. III. Ad Marsyæ statuam Romani vadimonia obibant. Legunt alii: *Ipse potes fieri Marsya causidicus.* Hoc est, tu ipse stupidus ut Marsya potes causas dicere. De Marsya lib. x. Epig. 62.

9 *Sperabimus* [*spectabimus*] Alii *sperabimus*, quod expectare significat: nam qui sperat, expectat. Forte legendum *expectabimus: spectare enim vix significet expectare.* Lib. Spect. Epig. 24.

10 *Esse nihil*] Vita te deficiet, priusquam vitæ genus amplexus fueris.

## LXV.

## IN SALEIANUM.

CUR tristiolem cernimus Saleianum?

An causa levis est? Extuli, inquis, uxorem.

*Quare videmus Saleianum mæstiolem? An levis ratio est? Extuli uxorem, ais-*

*In Salernum lenima est in edd. vett. In Saleianum in aliis.*

*Delph. et Var. Clas.*

*Martial.*

N

O grande fati crimen! o gravem casum!  
 Illa, illa dives mortua est Secundilla,  
 Centena decies quæ tibi dedit dotis?  
 Nollem accidisset hoc tibi, Saleiane.

5

*O ingens scelus fati! O acerbum infortunium! An illa, illa locuples Secundilla periit, quæ tibi attulit decies centena millia in dotem? O Saletane, nollem hoc tibi obvenisset.*

## NOTÆ

2 *Extuli*] Verbum est funeris proprium.

3 *Grande crimen*] Fictum Saletani dolorem irridens fatum accusat Poëta.

5 *Centena decies*] Millia sc. sestertium. Juvenalis Sat. x. 334. 'et ritu decies centena dabuntur Antiquo.' Vide lib. v. Epig. 38. lib. xi. Epig. 24.

6 *Nollem accidisset*] Hæc nempe uxoris hæreditas, cum videatur di-

cere: Nollem amisisses tuam uxorem. 'Mortua in matrimonio muliere, dos a patre profecta ad patrem revertitur,' quintis in singulos liberos in infinitum relictis penes virum. Quod si pater non sit, apud maritum remanet. Adventitia autem dos penes maritum remanet, præterquam si is qui dedit, 'ut sibi redderetur, stipulatus sit,' &c. Ulpianus in suis Fragmentis Tit. 6. de Dotibus.

## LXVI.

## IN LALAGEN.

UNUS de toto peccaverat orbe comarum  
 Annulus, incerta non bene fixus acu.  
 Hoc facinus Lalage speculo, quo viderat, ulta est,  
 Et cecidit sectis icta Plecusa comis.  
 Desine jam, Lalage, tristes ornare capillos,  
 Tangat et insanum nulla puella caput.

5

*Unus cincinnus non recte fixus acu incerta erraverat ex toto orbe crinium. Lalage repetiit pœnas hujus criminis eo speculo quo aspexerat, et Plecusa percussa concidit capillis laceratis. O Lalage, jam cessa componere comas mæstas, nec ulla*

2 Heraldus legit *inserta*; ita olim Salmas. ad Solin. p. 760.—3 *Hoc facinus Lalage, speculo quod viderat, ulta est* in edd. vett. Ald. Junt. Colin. &c.—4 Beverlandi Ms. *sævis jacta Phlegusa*: sed *Plecusa* rectum est; i. e. ancilla *πλέκουσα*, quæ plicat et componit crines.—5 *Desine tam* Pulmannus, Langius,

## NOTÆ

2 *Incerta acu*] Quæ crines fideliter non constrinxerat. Alii *inserta*.

3 *Hoc facinus*] Errorem nimirum Plecusæ ornatricis in componendis capillis perinde ac delictum puniit furens Lalage. Juvenalis Sat. vi. 491.

'Componit crinem laceratis ipsa capillis, Nuda humeros Psecas infelix, nudisque mamillis. Altior hic quare cincinnus? tanrea punit Continuo flexi crimen, facinusque capilli.'

4 *Et cecidit*] Non quidem inter-



Hoc salamandra notet, vel sæva novacula nudet,  
Ut digna speculo fiat imago tuo.

*puella tangat caput furens. Salamandra inficiat illud, aut sæva novacula depilet, ut effigies fiat digna speculo tuo.*

alii.—6 *Tangit* Ms. Beverlandi.—7 *Idem* Ms. *nuda novacula*.—8 *Dignior ut speculo* codex vetus Cagnerii, qui vulgatam non ferendam esse pronuntiat.

## NOTÆ

fecta est, sed humi procubuit graviter læsa ictu speculi.

5 *Desine jam*] Alii *tam*, hoc est tanta cura. *Tristes* vero dixit quod ancillæ ornatrici tristitiam parerent.

7 *Hoc salamandra notet*] Id est, inquit Raderus, caput dignum sanie salamandræ, qua imbutum totum depiletur, aut certe ferro ad cutem

radatur, ut caput sit tam nudum ac ipsum speculum est: nihil autem turpius est calva muliere.

8 *Ut digna*] Vel intellige ut caput calvitie deformatum merito percussatur eo speculo quo immerito percussa est infelix Plecusa. In hac voce *digna* ultimam producit propter sequentes duas consonantes.

## LXVII.

## IN POSTHUMUM.

OCCURRIS quocumque loco mihi, Posthume, clamas  
Protinus, et prima est hæc tua vox, Quid agis?  
Hoc, si me decies una conveneris hora,  
Dicis: habes puto tu, Posthume, nil quod agas.

O *Posthume*, ubicumque mihi obvius es, statim vociferaris, et primum verbum tuum hoc est: *Quid facis? Una hora si me adiveris decies, hoc dicis. O Posthume, ut opinor, tu nihil habes agendum.*

3 *Langius* ex ed. Pulmanni citat: *Hoc mihi, si decies una conveneris hora: citat etiam, cum veneris hora.*

## NOTÆ

2 *Quid agis*] Hac scilicet formula obvios salutabant antiqui. Plinius Secundus Lib. III. Epist. 20. 'Et

hercule, quousque illa vulgaria? Eho quid agis? Ecquid commode vales?'

## LXVIII.

## A D O L U M.

QUOD te nomine jam tuo saluto,  
Quem regem et dominum prius vocabam;

*Ne existimaveris me superbum, quod jam nomine tuo te saluto, quem antea ap-*



Ne me dixeris esse contumacem :  
 Totis pilea sarcinis redemi.  
 Reges et dominos habere debet,  
 Qui se non habet, atque concupiscit,  
 Quod reges dominique concupiscunt.  
 Servum si potes, Ole, non habere ;  
 Et regem potes, Ole, non habere.

5

*pellabam regem et dominum. Redemi pilea omnibus sarcinis. Is debet habere reges et dominos, qui sibi non imperat, et appetit quod appetunt reges et domini. Ole, si potes carere servo; potes, Ole, etiam carere domino.*

2 *Quod regem* Beverlandi Ms.—3 *Non me* in eodem.

## NOTÆ

2 *Quem regem*] Vide lib. I. Epig. 113.

4 *Totis pilea*] Hoc est, omni mea supellectili vendita collegi pecuniam, unde sine tua sportula vivere potero. Antiquitus vero servi statum mutantes ac manumissi capite raso pileum accipiebant. Plautus in *Amphitryone*: ‘Quod ille faciat Jupiter Ut ego hodie raso capite calvus capiam pileum.’ Hæc sunt servi *Sosiaë* verba qui optat manumitti. Nostri *Poëtæ* sensus est: Non indigeo domino, sed tenui mea re contentus

vivo liber.

6 *Qui se*] Is dicitur se habere, qui suas cupiditates coërcet.

7 *Quod reges concupiscunt*] Divitias, servos, clientes. Hæc vero ut acquirant domini, majoribus serviunt dominis, ut hodie nobiliores aulici. Ego vero, inquit *Poëta*, me habeo, nihil quæro aliud.

8 *Servum si*] Qui parce vivit, nec servos nec divitias appetit, carere potest domino, a quo hæc consecuturum se speret.

## LXIX.

## IN CLASSICUM.

INVITUM cœnare foris te, Classice, dicis :  
 Si non mentiris, Classice, dispeream.  
 Ipse quoque ad cœnam gaudebat Apicius ire :  
 Cum cœnaret, erat tristior ille, domi.

*O Classice, dicis te non lubenter cœnare foris: O Classice, ne vivam, nisi dicis mendacium. Ipse etiam Apicius lætabatur ire ad cœnam. Ille erat mæstior,*

4 *Ant. de Rooy* pro *ille* proposuit *inde*, quod interpretatur ‘ex hoc’ vel

## NOTÆ

3 *Apicius*] Sensus est: Si ditissimus et luxuriosissimus *Apicius*, de quo

lib. III. Epig. 22. libenter cœnavit foris, cur tu pauper invitus cœnabis?

Si tamen invitus vadis, cur, Classice, vadis? 5

Cogor, ais: verum est; cogitur et Selius.

En rogat ad cœnam Melior te, Classice, rectam.

Grandia verba ubi sunt? si vir es, ecce, nega.

*cum cœnaret domi. Nihilominus si non is libenter, quare is, o Classice? Cogor, inquis: verum est, cogitur et Selius. O Classice, en Melior te invitat ad cœnam rectam. Ubi sunt voces magnificæ? Si vir es, ecce recusa.*



‘propterea.’ Vide Burm. ad Ovid. Fast. iv. 237.—8 Idem Ant. legeret: *Grandia verba ubi nunc?* Solent enim frequentius in ejusmodi increpatione adverbia *nunc* vel *tunc* adhiberi. Virg. Æn. v. 391. x. 897. et Ovid. Heroid. Epist. iv. 150. Porro, pro *ecce nega*, malit *ire nega?* præsertim cùm jam τὸ en versu proximo præcesserit.

#### NOTÆ

6 *Cogor*] Ab amicis, inquit Classicus.

*Cogitur, &c.*] Gula nempe cogit vos. De Seliio dictum Epig. 11. et 14. supra.

7 *Melior*] Cujus tanta fuit mensæ elegantia, ut nitidus fuerit appellatus. Statius Sylv. lib. ii. de arbore Atedii, ‘Stat quæ perspicuas nitidi Melioris opacet Arbor aquas.’ Suetonius in

Domitiano cap. 7. ‘Sportulas publicas sustulit, revocata cœnarum rectorum consuetudine.’ Fuit vero cœna recta ea qua simul cum patrono excipiebantur clientes. Lib. viii. Epig. 50.

8 *Grandia*] Te scilicet invitum cœnare foris.

*Si vir es*] Si gulam cohibere potes, dic te nolle ad cœnam Melioris ire.

### LXX.

#### IN COTILUM.

NON vis in solio prius lavari

Quenquam, Cotile: causa quæ, nisi hæc, est?

Undis ne fovearis irrumatis.

Te primus licet abluas, necesse est,

Ante hic mentula, quam caput, lavetur. 5

Hujus Epigrammatis lectionem non variant membranæ aut libri typographici.

#### NOTÆ

1 *Non vis*] Cotilum fellatorem alios fastidientem, et qui nolebat quenquam prius in solio lavari, notat; et docet spurciorem eum esse, quam quemvis alium. *Ramiresius*. Vide Epig. 42. supra.

4 *Te primus*] Cotilus formidabat

aquas irrumatas; in quibus scilicet alii lavissent mentulas: ne igitur irrumatæ sint, lavet ipse primus: sed hac lege, ut potius obscœnas partes, quam caput in solio abluat: quod fellantes os habent spurcum. Lib. xi. Epig. 96.



## LXXI.

AD CÆCILIANUM.

CANDIDIUS nihil est te, Cæciliane, notavi.

Si quando ex nostris disticha pauca legis,  
Protinus aut Marsi recitas, aut scripta Catulli.

Hæc mihi das, tanquam deteriora legas.

Ut collata magis placeant mea? credimus illud. 5

Malo tamen recites, Cæciliane, tua.

O Cæciliane, nihil est simplicius te : animadverti, si quando legis pauca disticha ex nostris, statim recitas carmina Marsi aut Catulli. Hæc mihi tradis, tanquam legas pejora: an ut mea comparata magis placeant? opinamur illud. Attamen, o Cæciliane, malo recites tua.

1 *Callidus nihil est* in cod. Thuan. librarii errore pro *Callidius*, ut alii legunt.—2 Codex Arondell. *disticha pauca lego*.—4 *Hoc mihi* codd. Put. et Arondell. probante Heraldus.—5 *Et collata* cod. Arondell. *Ut collata magis placeant mea* sine interrogatione Heraldus. Verba, *et, ut*, sæpe permutantur. Vide Drakenb. ad Liv. Tom. III. p. 409. et quos laudat idem Drakenb. ad Sil. Ital. v. 217.

## NOTÆ

1 *Candidius*] Candidus ille dicitur, qui ingenue et absque invidia iudicat.

3 *Marsi*] Qui Epigrammatum scriptor fuit non ignobilis. Vide Epistolam lib. I. et lib. V. Epig. 5.

4 *Hæc mihi das*] Carmina Catulli aut Marsi a te recitata, ut ipse iudicem meis versibus esse deteriora.

5 *Credimus*] Per ironiam subjicit Poëta, credo te eo fine et animo veterum Poëmata recitare, ut, meis collata, deteriora videantur.

6 *Malo*] Tuis enim scriptis collati mei versus facile meliores judicabuntur. Vel, malo ut tua recites, eaque cum egregiis Catulli et Marsi versibus conferas.

## LXXII.

IN POSTHUMUM.

HESTERNA factum narratur, Posthume, cœna,

Quod nollem : quis enim talia facta probet?

## NOTÆ

1 *Hesterna, &c.*] Præ se fert dolorem, audito quam indigne exceptus sit Posthumus a Cæciliano, qui colaphum illi in os impegit, cum interim verbis alienis exprobrat illi turpe crimen fellationis, et deflectat ad im-

probum sensum hæc verba *percisum*. Vide lib. IV. Epig. 48. et lib. XII. Epig. 35. *Rumor* pro *irrum*. Ut lib. III. Epig. 72. 79. et 86. *Factum*, supra Epig. 31. et *testes* sensu etiam obscœniori.



Os tibi præcisum, quanto non ipse Latinus  
 Vilia Panniculi percutit ora sono :  
 Quodque magis mirum est, auctorem criminis hujus 5  
 Cæcilium tota rumor in urbe sonat.  
 Esse negas factum : vis hoc me credere ? credo.  
 Quid quod habet testes, Posthume, Cæcilius ?

3 *Os tibi præcisum* Junt. an. 1512. Colin. an. 1528. Plant. 1579. Lang. &c. *Os tibi percisum* Ald. Turnebus lib. vii. c. 12. Scal. in Catalecta Virgilii, Gruter. Ramires. Scriv. Farnab. et Schrevel. De permutatione præ et per, quæ plerumque litera p in codd. notare solebant librarii, quamvis signum adderetur quo distingui facilis possent, vide nos ad Tibull. i. 10. 68. iii. 1. 11. et iii. 3. 9. Interpp. ad Virg. Æn. i. 721. ii. 566. ad Justin. xxviii. 2. 5. Arntzen. ad Catonis Disticha p. 146. Burm. ad Anthol. Lat. Tom. ii. p. 627. et Drakenb. ad Sil. vi. 43. Ant. de Rooy malit : *Os tibi percussum* ; non ingrata ejusdem vocis repetitione. Vide lib. vii. Epigr. 94. et Ovid. Met. iii. 330. ed. Basil.

## NOTÆ

3 *Os tibi præcisum* [*percisum*] Percidere enim est batuere, tundere. Turnebus lib. vii. cap. 12. Sunt tamen qui legant *præcisum*. Quanto, &c.] Majore sono quam ubi Latinus ille mimus alapis cædit ministrum suum. Juvenal. Sat. vi. 'qua sorbeat aëra sanna.'

*Latinus Vilia Panniculi*] De Latino diximus lib. i. Epig. 5. cui Panniculus minister erat ad risum conciliandum, sinebatque se alapis percuti a Latino. Lib. v. Epig. 61. 'O quam dignus eras alapis, Mariane, Latini! Te successurum credo ego Panniculo.'

## LXXIII.

## IN LYRIM.

QUID faciat vult scire Lyris : quid ? sobria fellat.

Alii legunt : *Quid faciat, vis scire Lyris?* Musambertius : *Quid faciat vis scire Lyris quoque sobria? fellat.* Junt. et Colin. *quod sobria.* Huic versui Pentametrum subjicit codex Bodleianus : *Gaudeo : quid facies ebria facta Lyris?*

## NOTÆ

1 *Quid faciat, &c.*] Alii, *Quid faciat, vis scire Lyris? quid?* &c. Sic hunc versum legit Musambertius : *Quid faciat vis scire Lyris quoque sobria? fellat.* Ut si diceret, illa se videri vult ebriam tantum hoc facinus facere, ut Aristoph. Vespis : sed idem

opus etiam sobriæ. Vis scire quid faciat Lyris nunc ebria? Non aliud certe quam solet sobria, scilicet. Ms. Bodleianus subjicit : *Gaudeo : quid facies ebria facta Lyris?* dignum sane patella operculum.

## LXXIV.

## IN SAUFEIUM.

CINCTUM togatis post et ante Saufeium,  
 Quanta reduci Regulus solet turba,  
 Ad alta tonsum templa cum reum misit,  
 Materne, cernis? invidere nolito.  
 Comitatus iste sit, precor, tuus nunquam. 5  
 Hos illi amicos, et greges togatorum,  
 Fusciculus præstat, et Faventinus.

O Materne, an vides Saufellum stipatum anteaambulonibus a fronte atque a tergo, quanta multitudine solet Regulus reduci domum, cum misit reum tonsum ad templa excelsa? ne inideas. Opto nunquam habeas talem comitatum. Fusciculus et Faventinus comparant illi hos amicos et greges clientum.

In Saufellum inscribitur in edd. vett. Ad Maternum Ramires.—2 Legitur in editione Junii sola turba, pro solet turba; operarum manifestus error.—7 Ruriculum Beverlandi Ms.

## NOTÆ

2 Quanta reduci] Insignis fuit causarum patronus hic Regulus, de quo lib. i. Epig. 13. Domum vero patroni, cum causas obtinuerant, ab amicis reorum absolutorum deducebantur.

3 Ad alta tonsum] Rei nec barbam nec capillos resecebant. Epig. 24. supra: Absoluti vero tondebantur, et Jovi Capitolino gratias acturi ascende-  
 debant Capitolium: idcirco tonsum

reum dixit pro absoluto.

7 Fusciculus et Faventinus] Duo fœneratores, a quibus mutuam pecuniam acceperat Saufeius, qua hunc togatorum comitatum conduceret. Epig. 57. supra. Fusciculus et Faventinus prædia vel vendita vel pignori data, ut esset unde adulatoribus his satisfaceret: nam prædiorum potius quam fœneratorum nomina sunt. Heraldus.

## LXXV.

## DE LEONE.

VERBERA securi solitus leo ferre magistri,  
 Insertamque pati blandus in ora manum,

Leo assuetus pati flagella rectoris sui, et benignus ferre manum immissam in

De Leone et Pueris est lemma in codice Thuaneo.—3 Et didicit Bever-

## NOTÆ

1 Securi magistri] Nihil metuentis. Vide Lib. Spec. Epig. 10.



Dedidicit pacem, subito feritate reversa,  
 Quanta nec in Libycis debuit esse jugis.  
 Nam duo de tenera puerilia corpora turba, 5  
 Sanguineam rastris quæ renovabat humum,  
 Sævus et infelix furiali dente peremit.  
 Martia non vidit majus arena nefas.  
 Exclamare libet: crudelis, perfide, prædo,  
 A nostra pueris parcere disce lupa! 10

*ora, oblitus est patientiæ, immanitate protinus reversa, quanta nec esse debuit in montibus Africae. Nam ferus et miser dente furioso interfecit duos pueros ex turba tenera, quæ rastris versabat terram cruentam. Majus scelus non visum est in arena Romana. Placet exclamare, O sæve, o perfide, o prædo, a nostra lupa disce ignoscere pueris.*

landi Ms.—7 In eodem, furioso dente.

## NOTÆ

4 *In Libycis*] Libya abundat leonibus.

6 *Sanguineam*] Arenam scilicet sanguine et humano et ferino cruentam, quam theatrales ministri solebant cum rastris versare, ut lubrica multo sanguine terra stabilis fieret et firma ad standum et pugnandum. Hoc munus implebant simul cum aliis hi duo pueri a furioso leone dilaniati.

7 *Sævus*] Præter morem suum; et infelix, quia ipse postea interfectus est.

8 *Martia arena*] In qua tamen cædes quamplurimæ perpetrabantur.

10 *Nostra lupa*] Quæ non modo Romulo et Remo infantibus pepercit, sed ipsos uberibus admotis nutrit. Hæc Historia satis nota est ex Plutarcho in Romulo, et aliis.

## LXXVI.

## DE MARIO.

ARGENTI libras Marius tibi quinque reliquit.

Cui nihil ipse dabas, is tibi verba dedit.

*Marius tibi reliquit quinque libras argenti. Is tibi dedit verba, cui ipse nihil donabas.*

2 Nonnulli codices habebant: *Cui nihil, Isse, dabas, ut Isse sit proprium nomen, quod non displicet Calderino. Pro is tibi, codd. Vat. et Thuan. exhibent, hic tibi.*

## NOTÆ

1 *Argenti libras*] Ab instituto hærede Marius heredipetæ, cujus nomen ignoratur, reliquit tantum quinque libras argenti, unde deceptus est, relicto nempe exiguo quinque librarum argenti legato, cum

totam hæreditatem expectaret captator ille. In eo jocus est, quod cum verba tantum, non munera, Mario dedisset captator, vicissim Marius verba dedit, seu illum spe sua frustravit.



## LXXVII.

## IN COSCONIUM.

COSCONI, qui longa putas Epigrammata nostra,  
 Utilis ungendis axibus esse potes.  
 Hac tu credideris longum ratione colossum,  
 Et puerum Bruti dixeris esse brevem.  
 Disce, quod ignoras : Marsi doctique Pedonis 5  
 Sæpe duplex unum pagina tractat opus.  
 Non sunt longa, quibus nihil est, quod demere possis ;  
 Sed tu, Cosconi, disticha longa facis.

*O Cosconi, qui existimas Epigrammata nostra longa, potes esse aptus ungendis axibus. Hoc modo tu existimaveris colossum esse longum, et dixeris puerum Bruti esse brevem. Accipe, quod nescis: sæpe unum opus Marsi atque eruditi Pedonis occupat duas paginas. Non sunt longa, quæ nihil habent quod possis tollere: verum tu, o Cosconi, componis disticha longa.*



Hic nulla lectionis varietas invenienda est in exemplaribus scriptis aut impressis.

## NOTÆ

2 *Utilis ungendis*] Hoc est, esses aptior aurigæ servus, qui in circo axes ad celeritatem ungeres, cum sis celeritatis seu brevitatis studiosus, quam lector Epigrammatum. Ramiresius Cosconium hebetem et stolidum per circumlocutionem a Poëta dici putat: axes enim unguine ungentur: unguen autem extrahitur ab animalibus obesis: obesi vero homines dicuntur ut plurimum stolidi. Si ergo ungendis axibus utilis est Cosconius, pinguis, obesus, atque ita stolidus est.

3 *Hac ratione*] Qua tu censes longa esse mea Epigrammata, ita dices longum esse colossum, qui longus esse nequit, cum habeat suam proportionem.

4 *Et puerum Bruti*] Statuam pueri

a Bruto amati, qui formosissimus fuit, sed exiguæ staturæ, nec tamen parvus dici debet, utpote qui membra habeat proportionata. Lib. IX. Epig. 51. lib. XIV. Epig. 171.

5 *Marsi doctique Pedonis*] Poëtæ nempe egregii fuerunt, qui vel unum Epigramma duabus paginis absolutebant. De Marso supra dictum Epig. 71. Pedonis vero Albinovani restat consolatio ad Liviam.

8 *Sed tu*] Qui nec venuste quicquam, nec argute dicere potes. Brevis vero est ille Poëta, qui facit quod instituit, cum nempe dicit apte pro subjecta materia: longum vero vel unum distichum videri potest, in quo aliquid superfluum est. Cosconii disticha mala nempe hoc sensu longissima esse intelligit.

## LXXVIII.

AD CÆCILIANUM.

ÆSTIVO serves ubi piscem tempore, quæris?

In thermis serva, Cæciliane, tuis.

*Rogas-ne ubi serves piscem æstatis tempore? O Cæciliane, serva in tuis thermis.*

Neque in hoc Epigrammate quicquam variant membranæ aut libri typis excusi.

## NOTÆ

2 *In thermis*] Quæ tamen a calore, pisces a corruptione vindicare possunt qui Græce *θήρμη*, sic denominantur; sint. sed adeo sunt frigidæ, ut vel æstate

## LXXIX.

IN NASICAM.

INVITAS tunc me, cum scis, Nasica, vocasse.

Excusatum habeas me, rogo: cœno domi.

*O Nasica, tunc me vocas ad cœnam, cum scis me invitatum. Oro, me excuses: cœno domi.*

1 Ed. antiquiss. Ferrar. an. 1471. Venet. Ald. Junt. Colin. Gryph. Plaut. aliæ vett. *vocatam*, pro quo Scriv. reposuit *vocasse*. Ant. de Rooy distinguere malit: *Invitas tunc, me cum scis, Nasica, vocasse*. Sic infra lib. iv. Epig. 68. eodem modo 'invitare' absolute: 'Invitas centum quadrantibus.' Lib. viii. Epig. 22. 'Invitas ad aprum.' Lib. ix. Epig. 103. 'Denariis tribus invitas.'

## NOTÆ

1 *Vocasse* [*vocatam*] Alii *vocasse*; hoc est: Cum scis, o Nasica, domi me amicis instruxisse cœnam, tunc me invitas ut tu inviteris. Sed Poëta, quasi non intellecta mente Nasicæ, se excusat.

2 *Cœno domi*] Cum domi cœnatus esset Poëta, facete excusat se, quasi fuisset a Nasica invitatus, cujus cœnam parvi faceret, aut potius tunc invitari se debere ostendit.

## LXXX.

DE FANNIO.

HOSTEM cum fugeret, se Fannius ipse peremit.

Hic, rogo, non furor est, ne moriari, mori?

*Fannius ipse se interfecit, cum vitaret inimicum. Quæso, nonne hic furor est, interire, ne intereas?*2 *Hoc Pulmannus. num furor est* Ms. Beverlandi. *moris* Junt. an. 1512.



## NOTÆ

1 *Fannius*] Quem irridet, quod metu mortis ipse sibi mortem consciverit. De hac voluntaria morte, aut potius de hoc furore, diximus lib. I. Epig. 9.  
2 *Hic rogo*] Alii, *Hoc rogo*.

## LXXXI.

## IN ZOILUM.

LAXIOR hexaphoris tua sit lectica licebit :  
Dum tamen hæc tua sit, Zoile, sandapila.

*Fas erit ut tua lectica sit amplior hexaphoris; cum tamen, o Zoile, sit tuum feretrum.*

2 'Inveni in Ms. *Cum tamen hæc tua sit, Zoile, sandapila est.* Et ita scripsit Martialis.' Gronov. Sic erat etiam in vet. cod. Pulmanni.

## NOTÆ

1 *Laxior*] Divites et nobiles Romani circumferebantur vivi, mortui vero efferebantur, in lecticis: pauperes et plebei in sandapilis. Suetonius in Domitiano cap. 17. 'Cadaver ejus populari sandapila per vespiliones exportatum.' Precatur autem Poëta ut superbi Zoili lectica fiat sandapila, qua dignum illum existimabat: hexaphorum dicitur lectica quæ a sex servis portatur. In vetusto codice sic legitur ultimus versus: *Cum tamen hæc tua sit, Zoile, sandapila est.* Argute quidem, cum vivum cadaver videretur Zoilus.

## LXXXII.

## AD PONTICUM.

ABSCISSA servum quid fingis, Pontice, lingua?  
Nescis tu populum, quod tacet ille, loqui?

*O Pontice, quid simulas linguam fuisse abscissam servo? an tu ignoras populum dicere, quod ille silet?*

1 *Abscissa servum fugias quid* Junt. an. 1512. et Colin. an. 1528. *Abscissa servo* Beverlandi Ms. Ant. de Rooy putat scribendum omnino, *Abscisa*. Vide Arntzen. ad Victor. Epit. cap. 23. Reddendum et hoc verbum infra lib. III. Epig. 85. 'Quis tibi persuasit nares abscidere mæcho?' ubi itidem 'abscindere' circumfertur. Et Senecæ de Ira I. 15. 'Numquis membra sua odit tunc, cum abscidit?' ubi vulgo 'abscindit.' Hinc Anon. in Epist. Crit. ad eundem Ant. ita scribit: 'Primæ voci maculam tu abstersisti; li-

## NOTÆ

1 *Quid fingis*] Cum ipse Ponticus ab alio linguam fuisse servo abscissam: sed frustra, teste etiam Juvenale Sat. IX. 'secretum divitis ullum



ceat mihi quartam sanare: faciam id ope Ms. Thuan. qui pro *fingis*, *figis* præfert: vere si quid video, modo mentem capias auctoris, et sensum vocabuli: illum puta, quem ubique Poëta impudicus sectatur: neque enim *figis* est cruci *figis*, quod non nemini in mentem venit.' *Abscissa sercum quod lingis* legit Janus Rutgersius Var. Lect. lib. vi. cap. 11. Raderus, *quod fædas*. Alii, *quod fugis*.—2 *Nesci tu* Thuan. unde Beverlandus legi jussit, *Nescin tu*.

## NOTÆ

Esse putas? servi ut taceant, ju- et marmora,' &c. Alii *fædas*. Sen-  
menta loquentur, Et canis, et postes, sus manifestus est.

## LXXXIII.

## IN SÆVUM MARITUM.

FÆDASTI miserum, marite, mœchum:

Et se, qui fuerant prius, requirunt

Trunci naribus auribusque vultus.

Credis te satis esse vindicatum?

Erras: iste potest et irrumare.

5

O *marite*, deformasti infelicem adulterum. Et truncata naribus atque auribus forma, quæritur quæ fuerat ante. An existimas te satis vindictæ sumsisse? *Falleris* . . . .

De marito et mœcho pro lemmate profert Pulmannus.—2 *Etsi qui fuerant* in quibusdam. *Et se qui fuerant* edd. vett. *E se qui fuerant* codex Farnabii.

## NOTÆ

2 *Et se requirunt*] Sensus est: Ab qua peccare possit, et forte fœdus uxore tua requiritur prior mœchi quam antea.  
forma, cum sana illi supersit pars

## LXXXIV.

## IN SERTORIUM.

MOLLIS erat, facilisque viris Pæantius heros:

Vulnera sic Paridis dicitur ultra Venus.

## NOTÆ

1 *Mollis*] Pathicus. Fingunt Poëta Venerem solere turpibus amoribus vindicare injurias sibi ac suis illatas. Quare, si, ut refert interpres Thucydidis ad librum i. Philoctetem, quod interfecerit Paridem, ultra fuit Venus hac pœna, ut pathicus esset; credo ego (jocatur Poëta) Sertorium Siculum interfecisse conterraneum suum Erycem, Veneris filium: namque illum non leviori turpitudinis pœna male multavit Venus, &c. *Pæantius heros*] Philoctetes, filius Pæantis.

Cur lingat cunnum Siculus Sertorius, hoc est:

Ex hoc occisus, Rufe, videtur Eryx.

4 ' Non bene hanc lectionem concoquo : præterquam enim, quod insuave sonat *hoc, oc* ; non memini, hanc præpositionem a quoquam bonæ notæ Auctore, pro ' ab ' (eo quidem sensu, quo h. l. capi deberet) usurpari. *Abs hoc* vult Quietus ad Lucan. iv. 719. quod non est nanci. Quid, si legas? *Esse huic occisus, Rufe, videtur Eryx.* Sic Spectac. Epig. 27. ' Hnic percussa foret,' &c. licet ibi in aliis libris legatur *Hinc.* Sed tamen nescio quid duri sic quoque hic versus habet. Tu vide an lenius excogitare queas.' *Ant. de Rooy.*

## NOTÆ

4 *Ex hoc*] Ab hoc. *Eryx*] Filius Veneris et Butæ.

## LXXXV.

## AD AMICUM.

VIMINE clausa levi niveæ custodia coctæ,

Hoc tibi Saturni tempore munus erit.

Dona quod æstatis misi tibi mense Decembri,

Si quereris ; rasam tu mihi mitte togam.

*Custodia niveæ coctæ septa tenui vimine tibi donabitur his Saturnalibus. Si expostulas quod mense Decembri tibi misi munera æstatis, tu mitte ad me togam rasam.*

*De Præposteris donis lemma est in Junt. an. 1512. et Colin. an. 1528.—1 Junius et critici quidam reposuerunt: niveæ custodia coptæ. Beverlandi ms. exhibet: nitidæ custodia coptæ.—4 Si quæris Junt. an. 1512. Colin. an. 1528. Gryph. an. 1535. et Ald. an. 1550.*

## NOTÆ

1 *Custodia coctæ*] Hoc est, ampulla vitrea vimine supertexta qua conservetur aqua decocta, et saccata, et nivibus refrigerata, de qua Juven. Sat. v. ' Si stomachus domini fervet vinoque ciboque, Frigidior Geticis petitur decocta pruinis.' Alii legunt *coptæ* minus bene: est genus placen-

tæ de qua lib. xiv. Epig. 68.

3 *Dona quod æstatis*] Cum aquam frigidam conservet hæc ampulla.

4 *Si quereris*] Si ægre fers hyeme tibi mitti munera æstiva, tu ad me remitte togam æstivam. De Saturnalibus dicemus lib. v. Epig. 85.

## LXXXVI.

## AD CLASSICUM.

QUOD nec carmine glorior supino,

Nec retro lego Sotaden cinædum,

*O Classice, non sum tam malus Poëta, quod nec me prædico versu retrogrado,*



Nusquam Græcula quod recantat Echo,  
 Nec dictat mihi luculentus Attis  
 Mollem debilitate Galliambon ; 5  
 Non sum, Classice, tam malus Poëta.  
 Quid si per graciles vias Petauri  
 Invitum jubeas subire Ladam ?  
 Turpe est difficiles habere nugas,  
 Et stultus labor est ineptiarum. 10

*nec lego carmina recurrentia Sotadæ cinædi, quod Græcula Echo nullo in loco reddit vocem, nec elegans Attis mihi dictat Galliambon mollitie effæminatum. Quid si jubeas nolentem Ladam incedere per iter tenue Petauri? Indecorum est*



5 *Choliambum* Ald. Junt. Colin. Gryph. aliæ vett.—11 *Scriba carmina* Junt. an. 1512.

## NOTÆ

1 *Glorior supino*] Supinus cursus est ille qui retro fit. Ovidius de Ponto Eleg. v. ‘Fluminaque in fontes cursu reditura supino.’ Itaque carmen supinum intellige illud quod metro stante sic recurrit, ut neque literis motis, nec transpositis, ut ab initio ad finem, sic a fine relegitur ad initium: quale est istud: ‘Roma tibi subito motibus ibit amor.’

2 *Sotaden cinædum*] Dixit metonymi *μικῶς* pro eo carmine cujus Sotades Cretensis inventor fuit: scripsit enim obscæna carmina reciproca seu recurrentia. Sotadæ meminit Strabo lib. xiv. Lege Scaligerum Poët. lib. II. cap. 30.

3 *Græcula Echo*] Echica carmina interpretare, maxime in usu apud Græcos, teste Scaligero Poët. lib. II. cap. 29. Sunt in quibus arte id elaboratum est, ut esset extremæ vocis responsio ac repetitio. Exempli gratia: ‘Fæmina dira viri nex est, et terribilis lis.’ Lege Anthol. lib. IV. cap. 10.

5 *Galliambon*] Scaliger Poëtices lib. II. cap. 21. Galliambicum, inquit, appellarunt: propterea quod Gallis Cybeles sacerdotibus multa scripse-

rint eo versu posteri: inter quos Catullus pulcherrimum edidit, ita ut et castigandi et imitandi sustulerit occasionem, cujus initium est: ‘Super alta vectus Attis celeri rate maria.’ Fuit autem Attis Phrygius elegans forma, quem arsit Cybele. Hoc est: Non scribo, inquit Martialis, carminis genus molle et elumbe. Vide Macrobius Saturn. lib. I. cap. 21.

7 *Per graciles*] Scaliger ad hunc versum Manilii lib. v. ‘Corpora quæ valido saliunt excussa Petauro,’ sic de Petauro disserit: Rota in sublimi posita a duobus versabatur. Alter superne, alter inferne nitebatur. Ita fiebat ut alternis dejecti nunc penderent, nunc erecti sederent. Per eandem rotam etiam corpora contento saltu subjecta trajiciebant. Lib. XI. Epig. 22. ‘Quam rota transmissa toties intacta Petauro.’ Ladas cursor erat velocissimus, de quo lib. x. Epig. 100. qui tamen velocitate sua uti nequiret ad subeundam Petauri machinam, quod scilicet hos ludos exercere more funambulorum non sit solitus: ita non debent nobiles Poëtæ minutiis illis et subtilibus ineptiis operam dare.



Scribat carmina circulis Palæmon :  
Me raris juvat auribus placere.

*habere ineptias difficiles, et labor nugarum insanus est. Palæmon plebi componat versus: gaudeo gratus esse auribus raris.*

## NOTÆ

11 *Circulis*] Hoc est, plebeiorum hominum otiosæ coronæ, ut dixit lib. I. Epig. 42.

*Palæmon*] Grammaticorum superbissimus, cujus 'arrogantia fuit tanta, ut Marcum Varronem porcum appelleret, secum et natas et morituras

litteras jactaret.' Suetonius de illustribus Grammaticis cap. 23. vel forte alius fuit hic Palæmon.

12 *Raris*] Hoc est, paucis sed doctis. Horatius I. Serm. Sat. ultima: 'Neque, te ut miretur turba, labores, Contentus paucis lectoribus.'

## LXXXVII.

## IN SEXTUM.

DICIS amore tui bellas ardere puellas,  
Qui faciem sub aqua, Sexte, natantis habes.

*O Phæbe, dicis formosas puellas deperire amore tui, qui habes vultum natantis sub aqua.*



*In Phæbum lemma est in nonnullis codd. et edd. vett. et sic legi jussit Schrevel.—2 Beverlandus legit: sub aqua, Phæbe, nitentis, cum hac Nota: 'Niti quid sit, notum ex Suetonio, qui Vespasianum dixit habuisse vultum nitentis.' Infeliciter hic conjicit Beverlandus; nam nitentis metrum non patitur, atque ea mutatione perit antithesis, ardere puellas, et ipsum, sub aqua natantis.*

## NOTÆ

2 *Qui faciem*] Pallidam nempe, et turgidam, ex eo quod, ut aiunt, sub aqua angescant omnia. Ludit Poëta, inquit Ramiresius, in illa antithesi,

*ardere puellas, et faciem natantis habere, vix enim ejusmodi vultus flammæ accendat.*

## LXXXVIII.

## IN MAMERCUM.

NIL recitas, et vis, Mamerce, Poëta videri.  
Quicquid vis esto, dummodo nil recites.

*O Mamerce, nihil recitas, et cupis Poëta existimari. Esto quicquid placet, dummodo nihil recites.*



*Nihil recitas in Junt. an. 1512. Cetera non variant exemplaria scripta aut impressa.*

## NOTÆ

1 *Nil recitas*] Olim Poëtæ recens elucubrata poëmata publice recitabant. Juvenalis Sat. vii. 39. 'At si dulcedine famæ Succensus recites, Maculonus commodat ædes, Ac longe ferrata domus servire jubetur.'

2 *Dummodo*] Nos enim importunitis recitationibus enecares. Horatius in fine Artis Poëticæ: 'Indoctum doctumque fugat recitator acerbis: Quem vero arripuit, tenet, occiditque legendo.'

## LXXXIX.

## IN GAURUM.

QUOD nimio gaudes noctem producere vino,

Ignosco: vitium, Gaure, Catonis habes.

Carmina quod scribis Musis et Apolline nullo,

Laudari debes: hoc Ciceronis habes.

Quod vomis; Antonî: quod luxuriaris; Apicî: 5

Quod fellas; vitium dic mihi cujus habes?

O Gaure, parco quod delectaris protrahere noctem nimio mero; laboras vitio Catonis. Celebrandus es, quod condis versus, invitis Musis, et Apolline invito: id accipis a Cicerone. Quod vomis, ab Antonio; quod luxuriosus es, ab Apicio....



Hujus Epigrammatis lectio non variat in libris manuscriptis aut prelo typographico excusis.

## NOTÆ

2 *Catonis habes*] Horatius III. Od. 21. 'Narratur et prisca Catonis Sæpe mero caluisse virtus.'

4 *Hoc Ciceronis*] Qui male scribebat carmina. Juvenalis Sat. x. 'O fortunatam natam me consule Romanam! Antonî gladios potuit contem-

nere, si sic Omnia dixisset.'

5 *Quod vomis*] Antonii vomitus describit Cicero in Philipp. II.

*Apicî?*] Qui suum patrimonium luxu consumsit, de quo agemus lib. III. Epig. 22.

## XC.

## AD QUINTILIANUM.

QUINTILIANE, vagæ moderator summe juventæ,

Gloria Romanæ, Quintiliane, togæ,

O Quintiliane, summe rector juventutis errantis, o Quintiliane, decus togæ Ro-



1 Junt. in marg. *gnavæ* pro *vagæ*.—6 Codex Bodleianus: *aptat imaginibus.*  
Delph. et Var. Clas. Martial. O



Vivere quod propero pauper, nec inutilis annis,  
 Da veniam: properat vivere nemo satis.  
 Differat hoc, patrios optat qui vincere census, 5  
 Atriaque immodicis arctat imaginibus.  
 Me focus, et nigros non indignantia fumos  
 Tecta juvant, et fons vivus, et herba rudis.  
 Sit mihi verna satur: sit non doctissima conjux:  
 Sit nox cum somno: sit sine lite dies. 10

*manæ, ignosce quod inops, necdum senex, festino vivere: nullus festinat satis vivere. Proroget hoc, qui cupit superare bona paterna, et qui implet atria multis imaginibus. Focus, et domus non aspernans fumos nigros, fons vivus, et gramen naturale me delectant. Habeam servum saturatum: habeam uxorem non doctissimam: dormiam per noctem; et dies prætereat sine lite.*

## NOTÆ

1 *Quintiliane*] Calaguritanus fuit: Calaguris vero urbs est Hispaniæ ad ripas Iberi, hodie *Calahorra* in Castilia veteri. Summo cum splendore Rhetoricam docuit Romæ, atque ad Senatoriam dignitatem est evectus, ut colligere est ex Juvenalis verbis Sat. VII. sic enim de Quintiliano loquitur: ‘Appositam nigræ linnæ subtexit alutæ.’ Aluta autem Senatorum et nobilium Romanorum erat ornamentum. Epig. 29. supra.

3 *Quod propero*] Properat ille vivere, qui sine ulla mora genio indulget.

5 *Differat hoc*] Non indulgeat genio suo is, qui suo patre ditior vult evadere.

6 *Imaginibus*] Majorum imagines, qui præclari aliquid gesserant, collocabantur in atriis, seu in primo intra ædes aditu. Juvenalis Sat. VIII. ‘Quis fructus generis tabula jactare capaci Corvinum, et posthac multa deducere virga Fumosos equitum cum

dictatore magistris.’

7 *Et nigros non*] Hoc est, ædes auro nitidas non ambio, sed vel fuliginosæ non displicerent.

8 *Fons vivus*] Aqua naturalis, non factus liquor.

*Herba rudis*] Gramina sua sponte nascentia, nec otiosis ordinata myrtetis, ut dixit lib. III. Epig. 58.

9 *Verna satur*] Servi saturi alacriter serviunt, nec conqueruntur, nec convivis invident. Lib. III. Epig. 58. ‘Vescuntur omnes, ebrioque non novit Satur minister invidere convivæ.’

*Non doctissima conjux*] Quæ enim docta, plerumque molesta est. Juvenalis Sat. VI. ‘Non habeat matrona, tibi quæ juncta recumbit, Dicendi genus, aut curtum sermone rotato Torqueat enthymema, nec historias sciat omnes.’

10 *Sine lite dies*] Lib. V. Epig. 15. ‘Nec lites tetricas, forumque triste Nossemus.’



## XCI.

AD CÆSAREM DOMITIANUM.

RERUM certa salus, terrarum gl'oria, Cæsar,  
 Sospite quo magnos credimus esse Deos ;  
 Si festinatis toties tibi lecta libellis  
 Detinuere oculos carmina nostra tuos ;  
 Quod fortuna vetat fieri, permitte videri, 5  
 Natorum genitor credar ut esse trium.  
 Hæc, si displicui, fuerint solatia nobis :  
 Hæc fuerint nobis præmia, si placui.

*O Cæsar, certa salus rerum, decus orbis, quo salvo putamus existere magnos Deos ; si libris properatis versus nostri toties a te lecti demorati sunt tuos oculos ; concede comparere, quod fieri prohibet fortuna, ut existimer puter trium liberorum. Hæc fuerit nobis consolatio, si displicui ; hæc vero nobis fuerit merces, si placui.*

2 Ramiresio pro magnos videtur legendum manos.—7 Hoc, si displicui, fuerit Juntina nostra in margine. Mox, Hoc fuerit nobis : lectio utraque mendosa.

## NOTÆ

2 *Sospite quo*] Ex tua incolumitate credimus et Deos esse, et rerum humanarum curam suscipere : lib. vii. Epig. 59. lib. v. Epig. 1. 'Sospite quo gratum credimus esse Jovem.'

3 *Si festinatis*] Si carmina mea festinata, ac prope ex tempore condita legisti.

5 *Quod fortuna*] Hæc erat formula petendi jus trium liberorum.

6 *Natorum genitor*] Qui tres habebant liberos, multis privilegiis gaudebant. In spectaculis honestior illis locus assignabatur : in honoribus pe-

tendis gratia fiebat annorum propter liberos. Codice de Decurionibus Lege ix. 'In albo decurionum præscriptis, patrem non habenti filios anteferri constat.' Juven. Sat. ix. 'Jura parentis habes, propter me scriberis hæres, Legatum omne capis,' &c. Gellius lib. ii. cap. 15. 'Sicuti capite septimo Legis Juliæ priori ex Consulibus fascas sumendi potestas fit, non qui plures annos natus est, sed qui plures liberos quam collega, aut in sua potestate habet, aut bello amisit.'

## XCII.

AD UXOREM.

NATORUM mihi jus trium roganti  
 Musarum pretium dedit mearum,

*Ille, unicus qui poterat, mihi petenti concessit jus trium liberorum, mercedem*

Solus qui poterat. Valebis, uxor.  
Non debet Domini perire munus.

*mearum Musarum. O conjux, valebis. Donum domini non debet esse inutile.*



4 'Scribere Valerius voluit, *domino*, et intelligi, Quia trium liberorum jus a domino impetravi, *valebis, uxor*, sive nihil jam mihi uxore opus.' *Musamb.* Vide Var. Notas. Juntina nostra habet etiam *domino* in margine.

#### NOTÆ

3 *Solus qui*] Nam solus Cæsar concedebat hoc jus, de quo præcedenti Epig. et lib. III. Epig. 95.

*Valebis, uxor*] A me discedes. Verba divortii hæc sunt; 'Tuas res tibi habeto.' Item hæc; 'Tuas res tibi agito.' Leg. II. D. de Divortiis. Alii aliter explicant *valebis*, nimirum, moriaris oportet.

4 *Non debet*] Jam enim ex matrimonio liberos suscipere nolo, ne, quod mihi beneficium a Domitiano concessum est, paterna lege consequar. Aut intellige τὸ *valebis* pro, morere ut tibi succedam: nam pro numero liberorum sibi invicem succedebant vir et uxor. Vide Ulpianum Lib. Regularum Tit. 15. Judicet lector.

### XCIII.

#### AD REGULUM.

PRIMUS ubi est, inquis, cum sit liber iste secundus?

Quid faciam, si plus ille pudoris habet?

Tu tamen hunc fieri si mavis, Regule, primum:

Unum de titulo tollere iota potes.

*Ubi est primus liber, ais, cum iste sit secundus? Quid agam, si illi plus verecundiæ est? Attamen, o Regule, si tu mavis hunc fieri primum, licet demere unum iota ex titulo.*



Nulla varietas est in hujus Epigrammatis lectione.

#### NOTÆ

1 *Primus ubi*] In lucem prodiit secundus hic liber, primo non edito, forte quia cautior fuit Poëta, donec legentium judicia audiret; vel forte quia in primo libro multa scripserat ad laudem Titi, cujus tamen nomen non addiderat, sed Cæsarem tantum

dixerat, quæ libenter laturus non erat Domitians, qui Titi fratris et patris Vespasiani laudes arrogabat sibi.

4 *Unum de titulo*] Duo II secundum librum denotant, unum vero I primum.

M. VAL. MARTIALIS  
EPIGRAMMATUM

LIBER III.

---

I.

AD LECTOREM, DE LIBRO GALLICANO.

**H**oc tibi, quicquid id est, longinquis mittit ab oris  
Gallia, Romanæ nomine dicta togæ.  
Hunc legis, et laudas librum fortasse priorem :  
Illa, vel hæc mea sunt, quæ meliora putas.  
Plus sane placeat, domina qui natus in urbe est ; 5  
Debet enim Gallum vincere verna liber.

*Gallia sortita nomen a toga Romanorum ad te mittit hoc quaecumque est ex remotis regionibus. Evolvit hunc, et forte commendat priorem libellum. Illi quæ magis probas, vel etiam hæc mea sunt. Magis certe probetur, qui editus est in urbe domina. Nam verna liber Gallo potior esse debet.*

~~~~~  
Lemma deest in codice Thuaneo.—4 Dousa per interrogationem legendum autumat : *quæ meliora putas?* Hinc Gruterus edidit : *Illæ, vel hæc, mea sunt : quæ meliora putas?*

NOTÆ

1 *Longinquis*] E foro Cornelii, librum enim illinc fuisse missum docet Epig. 4. infra, hodie *Imola*, quæ urbs est Galliæ Cisalpinæ, dictæ *Togatæ*, quia vestitum Romanorum assumserat.

4 *Illæ*] Epigrammata scilicet primi vel secundi libri, quæ tibi sunt gratiora, mea sunt, immo et hæc libri tertii mea sunt. Legunt alii per in-

terrogationem: *quæ meliora putas?* An illa primi, aut secundi, vel hæc tertii libri Epigrammata, quæ omnia mea sunt?

6 *Debet enim*] Vernæ servi sunt domi sui domini nati; vernam vero priorem librum Romæ scriptum appellat, ut opponatur huic tertio in Gallia composito.

II.

AD LIBRUM SUUM.

CUJUS vis fieri, libelle, munus?
 Festina tibi vindicem parare,
 Ne nigram cito raptus in culinam
 Cordyllas madida tegas papyro,
 Vel thuris piperisque sis cucullus. 5
 Faustini fugis in sinum? sapisti.
 Cedro nunc licet ambules perunctus,
 Et frontis gemino decens honore
 Pictis luxurieris umbilicis;
 Et te purpura delicata velet, 10
 Et cocco rubeat superbus index:
 Illo vindice nec Probum timeto.

O liber, cui cupis donari? Propera tibi quærere patronum, ne subito raptus in fuliginosam culinam operias cordyllas uvida charta, aut fias cucullus thuris et piperis. Confugisne in gremium Faustini? Recte facis. Nunc fas est incedas perfusus oleo cedrino, et decorus duplici frontis ornamento luxuriose orneris depictis umbilicis; et mollis purpura tegat te, et titulus superbus cocco fulgeat, illo assertore, nec ipsum Probum metue.

8 *Et frontes* Junt. an. 1512. et Colin. an. 1528.—11 *Et croco* Beverlandi Ms.—12 In eodem Ms. *nec probrum timeto*; et sic etiam conj. Ramires de Prado, improbante Musambertio.

NOTÆ

4 *Cordyllas tegas*] Pisciculi sunt, quo libri ungebantur contra tineas et cariem.
 partus scilicet thynnorum, qui post elapsum primum annum thynni nuncupantur. Persius Sat. 1. 'nec scombros metuentia carmina, nec thus.'

6 *Faustini*] De quo lib. 1. Epig. 26.

7 *Cedro nunc*] Synecdochikōs ponitur, pro oleo expresso ex cedro,

8 *Et frontis gemino*] De librorum ornamentis diximus lib. 1. Epig. 67.

12 *Nec Probum*] Grammaticus fuit criticus, cujus meminit Suetonius de Grammaticis.

III.

IN MULIEREM DEFORMEM.

FORMOSAM faciem nigro velamine celas:
 Sed non formoso corpore lædis aquas.

Atro velo obtegis vultum pulchrum; sed deformi corpore corrumpis undas. Puta

1 Ed. antiquiss. Ferrar. an. 1471. Ald. 1501. Junt. 1512. Colin. 1528. aliæ

Ipsam crede Deam verbis tibi dicere nostris,
Aut aperi faciem, vel tunicata lava.

ipsam Deam tibi dicere nostris verbis, Vel detege vultum, vel tunicata ablue te.

vett. habent *nigro medicamine velas*. Pulmanni vetus codex: *nigro medicamine celas*: unde Ramires de Prado conj. *nigro velamine celas*, quod optimos habere libros ait Scriverius, et requirere τὸ ἀπερι vs. 4.—2 *At non* Beverlandi Ms.—4 Codd. Thuan. et Vat. *aut tunicata*: Juntina nostra in marg. *Detege vel faciem, vel, &c.*

NOTÆ

1 *Velamine celas*] Alii *medicamine velas*. Eligat lector. Prior lectio mihi videtur melior. esse colligebant veteres ex perennitate scaturiginis.
4 *Aperi*] Aut ex deformi tuo corpore colligemus faciem quoque esse deformem.

3 *Ipsam crede*] Aquæ Nympham intellige: fontibus autem numen in-

IV.

AD LIBRUM SUUM.

ROMAM vade, liber: si, veneris unde, requiret;
Æmiliæ dices de regione Viæ.

Si, quibus in terris, qua simus in urbe, rogabit:
Cornelî referas me licet esse foro.

Cur absim, quæret: breviter tu, multa, fatere, 5
Non poterat vanæ tædia ferre togæ.

O libelle, proficiscere Romam. Si rogabit Faustinus, unde veneris; respondebis de regione Viæ Æmiliæ. Si percontabitur, quibus in terris simus, qua in civitate; fas est respondeas, me esse in foro Cornelii. Rogabit cur absim: tu breviter fatere multa, Nequibat pati fastidia vanæ togæ. Si dicet, Quando redibit?

3 Beverlandi Ms. et Juntina nostra in marg. *rogarit*.—5 *Cur absim, quæret, breviter: tu, &c.* Ald. Junt. Colin. Gryph. alia. *Cur absim quæret: breviter tu, &c.* Modius et Ramires. *Cur absim quæret, breviter tu, &c.* Musambert. Ant. de Rooy pro *tu* legendum censet *tam*; *tam multa* pro 'tot,' ut infra lib. VII. Epig. 49. 'Tam multi pariter,' &c. Forte olim scriptum fuit *tā multa*. Hanc autem virgulam, loco literæ *m* pictam, properantibusque scribis neglectam, infinitos Auctorum locos conspurcasse, notum est. Vide Arntzen. Specim. Obs. cap. 13. ubi egregie complura veterum loca restituit. Adi et ejusdem Patrum ad Caton. Dist. 1. 12. Et hic tanto facilius fuit lapsus; quia vox sequens a litera *m* incipiat: *a* autem et *u* sæpius fuisse permutata,

NOTÆ

2 *Æmiliæ dices*] Illam intellige quam stravit Æmilius Lepidus, qua scilicet iter erat ad forum Cornelii, hodie Imola. 5 *Breviter tu, multa*] Paucis verbis complectere causas absentiae meæ, scilicet me non posse in urbe tot subire vana togatorum officia.

Si, quando veniet? dicet: responde, Poëta
Exierat; veniet, cum citharædus erit.

Responde, Poëta discesserat, revertetur cum citharædus evaserit.



dudum VV. DD. observatum.—7 *Quando venit, dicet, tu respondeto* in Ald. Junt. Colin. et aliis vett. et sic codd. Gruteri, probante Gronovio. *Et quando veniet, dicens responde* membrana Bong. Vide Var. Notas.

NOTÆ

7 *Responde*] Ultima videtur longa; sed priscorum more hoc verbum est tertiæ conjugationis. Legunt alii: *Quando venit? dicet: tu respondeto, Poëta, &c.*

8 *Cum citharædus*] Tunc enim tem-

poris Romæ plaris fiebant citharædi, quam Poëta: ita Romanorum mores carpit, lib. v. Epig. 56. 'Artes discere vult pecuniosas? Fac discat citharædus aut choraules.'

V.

AD EUNDEM.

Vis commendari sine me cursurus in urbem,
Parve liber, multis? an satis unus erit?
Unus erit, mihi crede, satis, cui non eris hospes,
Julius, assiduum nomen in ore meo.
Protinus hunc primæ quæres in limine Tectæ, 5
Quos tenuit Daphnis, nunc tenet ille, Lares.

O exigue libelle, sine me properaturus Romam, cupisne commendari multis? an unus sufficiet? Mihi fidem adhibe, unus, cui non eris extraneus, sufficiet Julius, cujus nomen prædico assidue. Statim hunc convenias. Nunc vero in introitu primæ domus ille habet domicilium, quod occupavit Daphnis. Habet uxorem quæ



4 *Cujus et assiduum* Beverlandi Ms.—5 *Protinus hunc adeas, primique in limine tecti* ed. antiq. Ferrar. an. 1471. Ald. 1501. Junt. Colin. Gryph. aliæ vett. *primi qui limine tecti* vetus codex Cagnerü. Dan. Heins. ad Claud. III. Cons. Honor. 10. ex vestigiis Vaticani codicis corrigebat: *primæ in limine tectæ*; quod ad Senecam Gronovius jam occupaverat. Nic. vero Heins. ad Ovid. Fast. vi. 192. emendat: *Protinus hunc primæ quæsitum i limina Tectæ: Quas tenuit, &c.* Ita, inquit, ex vestigiis membranarum scribendum, quicquid viri docti obloquuntur. Lectionem nostram testantur codd. Scriverii, unus-

NOTÆ

5 *Primæ* [*primique*] Julius habitat in prima statim domo ingredientibus Romam Via Æmilia: hanc appellat *limen primi tecti*: Julii vero ædes prior possederat Daphnis. Legunt

alii: *Protinus hunc primæ quæres in limine Tectæ*. Tecta vero erat quædam urbis via, in cujus ingressu erant ædes istius Julii, de quo lib. i. Epig. 16.

VII.

DE SPORTULA.

CENTUM miselli jam valete quadrantes,
 Anteambulonis congiarium lassi,
 Quos dividebat balneator elixus.
 Quid cogitatis, o fames amicorum?
 Regis superbi sportulæ recesserunt. 5
 Nihil stropharum est: jam salarium dandum est.

Jam valete, o miseri, centum quadrantes merces clientis defatigati, quos distribuebat balneator elixus. O fames amicorum, quid censetis? Sportulæ regis superbi sublatae sunt. Nihil fallaciarum est: salarium nunc donandum est.

~~~~~

6 *Nihil tropharum est* conj. Calderinus: i. e. alimentorum, quasi dicat amplius non dantur cibi in sportulam: attamen, *stropharum* legi jussit.

## NOTÆ

1 *Valete*] Quia salarium, id est, cœna recta datur. Suetonius in Nerone cap. 16. 'Publicæ cœnæ ad sportulas redactæ.' Nero cœnam rectam clientibus exhibitam a potentioribus redegerat ad sportulam; quæ calathus fuit, quo primum opsonia, postea centum quadrantes dabantur. Domitianus vero abrogato illo Neronis edicto revocavit cœnas rectas. Suetonius in Domitiano cap. 7. 'Sportulas publicas sustulit, revocata cœnarum rectarum consuetudine.'

2 *Congiarium*] Dicitur donum a congio mensura liquidorum.

3 *Balneator elixus*] Aquarum et vaporum calore prope coctus. Balneator hic sumitur pro eo qui sportulam distribuebat clientibus simul cum domino lavantibus.

4 *O fames*] Exiguam quippe spor-

tulam largientes patroni fame necabant suos clientes.

5 *Regis superbi*] Hoc est, patroni, quem dominum et regem appellabant clientes: vel, Neronis superbi, qui cœnas rectas sustulerat. Posterior hic sensus magis mihi placet. Lib. Spect. Epig. 2. 'Abstulerat miseris tecta superbus ager.' Neronis nempe.

6 *Nihil stropharum*] Sportulas quandoque imminuebant avari, nec opsonia data æquabant centum quadrantes, et hæ erant strophæ quibus clientes circumveniebantur, et fame peribant: strophæ fallacia est ἀπὸ τοῦ στρέφειν, *vertere*.

*Salarium*] Annuas mercedes, et stipendia significat, hic vero victum unius diei, et videtur accipiendum pro cœna recta.

## VIII.

## IN QUINTUM.

THAIDA Quintus amat: quam Thaida? Thaida luscam.  
 Unum oculum Thais non habet, ille duos.

*Quintus ardet Thaida. Quam Thaida? Thaida luscam. Thais caret uno oculo, ille duobus.*



Hujus Epigrammatis lectionem non variant exemplaria scripta aut impressa.

## NOTÆ

2 *Unum oculum*] Jocus est a veritate ad metaphoram. Thais enim vere carebat uno oculo; Quintus vero metaphoricè duobus carere dicitur, quod amore ita obcæcabatur, ut vitia illius non deprehenderet.

## IX.

## IN CINNAM.

VERSICULOS in me narratur scribere Cinna.

Non scribit, cujus carmina nemo legit.

*Cinna dicitur scribere carmina adversus me: ille non scribit cujus versus a nemine leguntur.*

Hic nulla lectionis varietas est in libris calamo exaratis aut typis impressis.

## NOTÆ

2 *Nemo legit*] Ineptum Poëtam mine legebantur, ac si nunquam in irridet, cujus versus periinde a ne- lucem prodissent. Lib. VI. Epig. 64.

## X.

## IN PHILOMUSUM.

CONSTITUIT, Philomuse, pater tibi millia bina

Menstrua, perque omnes præstitit illa dies,

Luxuriam premeret cum crastina semper egestas,

Et vitiis essent danda diurna tuis.

Idem te moriens hæredem ex asse reliquit :

5

Exhæredavit te, Philomuse, pater.

*O Philomuse, pater tibi assignavit duo millia in mensem, et præbuit illa per omnes dies, cum crastina inopia semper urgeret luxum, et tribuendum esset diarium tuis vitiis. Idem moriens instituit te hæredem ex asse: O Philomuse, genitor exhæredavit te.*

5 *Et vitiis esset* in quibusdam vett. et sic est in edd. Ramiresii, Junii, Delph. &c. *tanta diurna* conj. Gronovius.

## NOTÆ

2 *Perque omnes*] Duo millia sester- tium distribuit pater in trigiuta partes, et singulas singulis diebus dedit Philomuso, qui adeo prodigus erat, ut omnia effunderet. Alii intelligunt duo quidem millia in unum mensem assignata fuisse Philomuso, sed tamen propter immodicas impen- sas singulis diebus duo millia Philomuso data, atque ab illo fuisse consumpta, ita ut in crastinum nihil ipsi prorsus superesset. Videat lector. Horatius I. Serm. Sat. 3. 'Decies centena dedisses Huic parco, paucis contento, quinque diebus Nil erat in loculis.'



## NOTÆ

5 *Ex asse*] Ex tota hæreditate in duodecim uncias ut plurimum divisa, quæ assem efficiunt.

6 *Exhæredavit te*] Cum enim factus sui juris Philomusus patrimonium brevi dilapidaturus esset, pater illum

hæredem instituens perinde fecerat, ac si exhæredasset. Vel *Exhæredavit*, quod vivens pater tot et tantas impensas suppeditavit Philomuso, ut hæreditatem vel nullam, vel ære alieno obrutam reliquerit.

## XI.

## AD QUINTUM.

SI tua nec Thais, nec lusca est, Quinte, puella,

Cur in te factum distichon esse putas?

Sed simile est aliquid: pro Laide Thaida dixi.

Dic mihi, quid simile est Thais et Hermione?

Tu tamen es Quintus: mutemus nomen amantis;

5

Si non vult Quintus Thaida, Sextus amet.

O Quinte, si tua puella nec est Thais, nec lusca; quare credis distichum esse compositum in te? Sed est aliqua similitudo: pro Laide, nominavi Thaida. Dic mihi quam similitudinem habent Thais et Hermione? Nihilominus tu es Quintus: mutemus nomen amantis: si Quintus non vult, Sextus ardeat Thaida.



2 Beverlandi Ms. *distichon esse doles.*—3 Langius in marg. pro v. l. habet: ‘Pulmanni codex, dixi.’ Nullibi alteram lectionem reperire possum: conjicio tamen ex Ramiresii Nota, illum ante oculos habuisse: *Sed simile est aliquid, pro Laide Thaida dici.* Quem vide in Var. Notis.

## NOTÆ

1 *Si tua*] Hermionen amabat Quintus, non Thaida, ut dictum est Epig. 8. supra.

3 *Pro Laide*] Si puella tua Lais vocaretur, haberet aliquam nominis similitudinem cum Thaide.

5 *Tu tamen es Quintus*] Et ego

Quintum nominavi; unde Quintus videtur notatus.

*Mutemus*] Cum enim meis in jocis semper utar nominibus fictis, nihil refert utrum Quintum aut Sextum Thaidis amatorem nominem.

## XII.

## IN FABULLUM.

UNGUENTUM, fateor, bonum dedisti

Convivis here: sed nihil scidisti.

*Fateor, heri largitus es convivis bonum unguentum: sed nihil scidisti. Res est*

## NOTÆ

1 *Unguentum*] Ante cœnam corpus ungere solebant veteres.

2 *Scidisti*] Verbum est conviviorum proprium: qui vero nihil scin-

Res salsa est bene olere, et esurire.  
 Qui non cœnat et ungitur, Fabulle,  
 Hic vere mihi mortuus videtur. 5

*salsa bene olere, et esurire. O Fabulle, hunc existimo vere mortuum, qui non cœnat, et ungitur.*

3 *Res falsa est* codex Bodleianus.—5 *Hic vero mihi* Junt. an. 1512. et Colin. an. 1528.

## NOTÆ

debat, nihil convivis comedendum cula et inepta.  
 distribuebat. 5 *Mortuus*] Mortui quippe ungun-  
 3 *Res salsa*] Ironikôs, id est ridi- tur, nec comedunt.

## XIII.

## IN NÆVIAM.

DUM non vis leporem, dum non vis carpere mullum,  
 Et plus quam patri, Nævia, parcis apro ;  
 Accusas, rumpisque coquum, tanquam omnia cruda  
 Attulerit. Nunquam sic ego crudus ero.

*O Nævia, dum recusas scindere leporem et mullum, atque ab apro te abstines, plusquam a genitore ; criminaris, et laceras coquum, veluti apposuerit omnia cruda. Hoc modo nunquam ego vexabor cruditate.*

1 *Dum non vis piscem* legit Scriverius: *Dum non vis pullos* Beverlandi Ms. *carpere pisces* codex Thuan. *carpere pullos* in aliis.

## NOTÆ

4 *Nunquam sic ego*] Ex nimia satu- cibos crudos prætexeret Nævia, at-  
 ritate oritur cruditas stomachi, qua que a mensa integros auferri jube-  
 non erat laboraturus Martialis, cum ret.

## XIV.

## DE TUCCIO.

ROMAM petebat esuritor Tuccius,  
 Profectus ex Hispania.

*Tuccius famelicus profectus ex Hispania ibat Romam. Fabula sportularum occurrit illi: reversus est a ponte Mulvio.*

Lemma est in Ald. Junt. Colin. Gryph. &c. *De Tutio*. Langius, Ramires,

Occurrit illi sportularum fabula :  
A ponte rediit Mulvio.

Junius, et Delph. *De Tucio*. Pulmanni Ms. *De Tuscio*.—4 *Milvio* Ald. Junt. et Colin.

## NOTÆ

3 *Occurrit*] In ponte Mulvio distur Romæ, atque illinc ne periret tante mille passibus ab urbe accepit fame, in Hispaniam rediit. Tuccius, quam tenuis sportula dare-

## XV.

## DE CODRO.

PLUS credit nemo, quam tota Codrus in urbe.  
Cum sit tam pauper, quomodo? cæcus amat.

*In tota civitate nullus magis credit, quam Codrus. Qua ratione, cum adeo egenus sit? Cæcus amat.*

1 *Plus credat* Beverlandi Ms. Juntina nostra in margine habet: 'in omnibus credit.' Ant. de Rooy legit: *Plus credit nemo tota, quam, &c.*—2 In edd. vett. *quomodo cæcus amat?* In Pulmanni codd. *Quomodo cæcus amat*, sine interrogationis nota.

## NOTÆ

1 *Credit*] Ludit in ambiguitate verbi 'credere,' quod significat fidem adhibere, et dare pecunias mutuo. mosam, quæ tamen deformis est: vix enim credam vere fuisse cæcum hunc Codrum, qui amaret puellam,

2 *Cæcus amat*] Hoc est, amore obcæcatus existimat puellam esse formosam. Lib. VIII. Epig. 49.

## XVI.

## IN CERDONEM.

DAS gladiatores, sutorum regule, cerdo,  
Quodque tibi tribuit subula, sica rapit.

*O cerdo, regule sutorum, exhibes gladiatores, et quod tibi acquirit subula,*

1 Ramiresius legit: *sutorum, Regule, cerdo*, ut Regulus sit nomen proprium. *Cerdo* nomen proprium esse ait Cagnerius.—2 Junt. an. 1512. *sicca rapit.*—

## NOTÆ

1 *Das gladiatores*] Hunc cordonem Cerdo vero et sutor in eo differunt, iterum irridet Epig. 59. infra, qui quod sutor calceos faciat, cerdo resarciat.

2 *Subula*] Quæstum facis, quem sica, gladiatorum nempe, tibi eripit e manibus.

patet ex Suetonio cap. 28. in Claudio.



Ebrius es: nec enim faceres id sobrius unquam,  
 Ut velles corio ludere, cerdo, tuo.

Lusisti, satis est: sed te, mihi crede, memento 5  
 Nunc in pellicula, cerdo, tenere tua.

*illud aufert gladius. Temulentus es; nunquam enim id ageres siccus, ut cuperes, o cerdo, ludere tuo corio. Lusisti: sufficit: at, mihi crede, recordare nunc te continere in tua pellicula.*

4 *Velles ut corio* Pulmanni Ms.—5 *Lusisti corio; sed Beverlandi Ms. Lusisti satis, sed Ald. 1501. Junt. Colin. Gryph. Lang. &c. Lusisti fatis; sed Jun-  
 tina nostra in margine. Lusisti; satis est: sed codex Pulmanni.*

## NOTÆ

4 *Ut velles corio*] Id est, impensis te: huic proverbio locum dedit Asi-  
 tuis ludos exhibere. nus Cumanus, qui leonis pellem sibi

6 *Nunc in pellicula*] Infra artificii adaptaverat, qua exutus, et agnitus,  
 et conditionis tuæ terminos contine ad necem usque verberatus est.

## XVII.

## IN SABIDIUM.

CIRCUMLATA diu mensis scriblita secundis,  
 Urebat nimio sæva calore manus;  
 Sed magis ardebat Sabidî gula: protinus ergo  
 Sufflavit buccis terque quaterque suis.

Illa quidem tepuit, digitosque admittere visa est: 5  
 Sed nemo potuit tangere: merda fuit.

*Scriblita diu circumgestata secundis mensis nimio calore sæva adurebat manus: sed Sabidii gula ardentior erat; statim igitur suis buccis sufflavit ter et quater. Illa quidem tepefacta est, et visa est posse tangi digitis: sed nullus potuit tangere: merda fuit.*

1 *Circumjacta* Beverlandi Ms. Antiquus codex Calderini *scribitita*; sed male emendarunt, *sportita*; vel, *intrita*, ut in ed. prima Dictionarii Calepini in voc. 'intritum;' et sic legit Merula contra Calderinum; vel *sribilita*. 'Dictio hæc depravata est in novis codd. omni parte, in vetustissimis non omnino; nam vetusti codd. sic habent, *scritiita*, quod ita emendandum censeo *scriblita*; nam *scriblita*, auctore Varrone in Menippea, est genus cibi liquidioris.' *Calderinus. Inscripta* codex Pulmanni, et Beverlandi Ms.

## NOTÆ

1 *Scriblita*] Placentæ species. halitu fuerat corrupta. Lib. VII.

6 *Sed nemo*] Quia impuro Sabidii Epig. 93.

## XVIII.

## IN MAXIMUM.

PERFRIXISSE tuas questa est præfatio fauces.

Cum te excusaris, Maxime, quid recitas?

*In exordio conquestus es raucas esse tuas fauces. O Maxime, cum te excusaris, cur recitas?*

2 *Cum tu exuraris* ex ed. Pulmanni citat Langius.

## NOTÆ

1 *Perfrixisse*] Nimio frigore te factum esse raucum.

2 *Cum te excusaris*] Recitare non debuisti, sed tibi et nobis parcere.

## XIX.

## DE VIPERA IN ORE URSÆ.

PROXIMA centenis ostenditur ursa columnis,

Exornant fictæ qua Platanona feræ.

Hujus dum patulos alludens tentat hiatus

Pulcher Hylas, teneram mersit in ora manum.

Vipera sed cæco scelerata latebat in ore,

5

Vivebatque anima deteriore fera.

Non sensit puer esse dolos, nisi dente recepto,

Dum perit: o facinus, falsa quod ursa fuit!

*Ursa videtur vicina centenis columnis, ubi belluæ adumbratæ decorant Platanonâ. Dum formosus Hylas ludens circum explorat apertas illius fauces, inseruit manum teneram in ora. At vipera improba delitescerat in faucibus tenebrosis, et bellua vivebat spiritu nequiore. Puer non advertit inesse fraudes, nisi dum moritur læsus dente: o scelus quod fuit ursa ficta!*

2 *Exornant pictæ* Ald. Junt. Colin. Gryph. aliæ.—3 Codex Thuan. *temptat hiatus*. Pulmanni codex: *alludere tentat hiatus*.—4 *Vipera sed cæco celata* in eodem: *celo scelerata* in Beverlandi Ms. *latebat in ere* Thuan. *latebat in ære* ex Palat. legendum censet Gruterus.—8 *Dum perit: o facinus ausa quod ursa fuit* in Ald. Junt. Colin. Gryph. &c. *Comperit et facinus ausa* correxit Ramires de Prado. Ex nonnullis codd. *fassa quod* citat Musambertius; unde fecit: *Dum perit: o facinus falsa*; quam lectionem nunc testantur codd. Bodl. et Scriv. Voces *fassa* et *falsa* sæpe permutantur. Alii legunt: *o facinus falsa quod ursa facit*.

## NOTÆ

1 *Proxima*] Platanon locus scilicet platanis consitus erat juxta porticum forte Vipsanam, de qua lib. II. Epig. 14. ubi feræ erant marmoreæ, vel æneæ.

4 *Hylas*] Ejusdem nominis puer

ab Hercule adamatus fuit; ab hoc Hyla pueri formosi Hylæ dicti sunt.

5 *Cæco in ore*] Intus enim videre non poterat: legunt alii, *in ære*, et ursam æneam fuisse intelligunt.

6 *Vivebatque anima*] Pestifera nem-



NOTÆ

pe et exitiali, vipera quippe latebat in ejus faucibus.

8 *Falsa quod*] Vera enim ursa pueri tam formoso pepercisset: vel ab

ea abstinuisset puer. Alii, *o facinus ausa quod ursa fuit.* Alii, *o facinus falsa quod ursa facit.*

XX.

DE CANIO.

DIC, Musa, quid agat Canius meus Rufus?

Utrumne chartis tradit ille victuris

Legenda temporum acta Claudianorum?

An quæ Neroni falsus astruit scriptor?

An æmulatur improbi jocos Phædri? 5

Lascivus elegis, an severus herois?

An in cothurnis horridus Sophocleis?

An otiosus in schola Poëtarum

Lepore tinctos Attico sales narrat?

Hinc si recessit, porticum terit templi; 10

An spatia carpit lentus Argonautarum?

*O Musa, refer quid faciat Canius Rufus meus? Anne committit scriptis non perituris evolvendam Historiam temporum Claudianorum? an quæ Neroni tribuit falsus scriptor? an imitatur facetias Phædri malitiosi? an lascivus Elegis, an gravis Heroicis? an tristis in cothurnis Sophocleis? an feriatus recitat in schola Poëtarum, jocos respersos Attica venustate? hinc si abiit, deambulat in porticu templi. An otiosus emetitur spatia Argonautarum? an post meridiem iterum ad solem sedet*

1 *Ruffus* Ald. Junt. Colin. et Gryph.—4 Beverlandi Ms. *falsus asseruit*

NOTÆ

1 *Canius*] De quo lib. I. Epig. 70.

3 *Acta Claudianorum*] Claudii Imperatoris et ejus familiæ Historia nota est ex Suetonio et aliis.

4 *An quæ Neroni*] An emendat Historiam Neronis quam adulantes ipsi auctores falso scripserant. Tacitus in præmio Annalium: 'Tiberii, Caiique, et Claudii, ac Neronis res, florentibus ipsis ob metum falsæ; postquam occiderunt recentibus odiis compositæ sunt.'

5 *Phædri*] Qui fuit Augusti libertus, fabulas Æsopi ex Græco Latinas fecit: improbum vero dixit, quia fictis animalium colloquiis sui tem-

*Delph. et Var. Clas.*

poris mores acute carpit.

6 *Elegis*] Elegiarum materiam sic definit Horatius in Arte Poëtica: 'Versibus impariter junctis querimonia primum, Post etiam inclusa est voti sententia compos.'

*Severus herois*] Grave est enim Heroici Carminis argumentum.

7 *Cothurnis Sophocleis*] Hoc est, an componit Tragædias? in quibus inducti heroës altis nitebantur calceamentis, quæ dicta sunt cothurni. Sophocles carminis gravitate ceteros Tragicos longe superavit.

10 *Porticum terit templi*] Ambulat in porticu templi Isidis. Lib. II. Epig.

*Martial.*

P



An delicatæ Sole rursus Europæ  
 Inter tepentes post meridiem buxos  
 Sedet, ambulatve liber acribus curis?  
 Titine thermis, an lavatur Agrippæ, 15  
 An impudici balneo Tigillini?  
 An rure Tulli fruitur, atque Lucani?  
 An Pollionis dulce currit ad Quartum?  
 An æstuentes jam profectus ad Baias  
 Piger Lucrino nauculatur in stagno? 20  
 Vis scire, quid agat Canius tuus? ridet.

*inter tepidas buxos delicatæ Europæ? aut ambulat solutus anxietatibus molestis? an Titi, an Agrippæ thermis abluatur? an balneo impuri Tigillini? an potitur villa Tulli, et Lucani? an properat ad Quartum amœnum Pollionis? an jam profectus ad Baias ferventes iners navigat in stagno Lucrino? Placet discere quid faciat tuus Canius? ridet.*

~~~~~

scriptor.—15 *Stertitve? thermis an lavatur Agrippæ?* Ms. Oxoniensis. *Stertitne* Beverlandi Ms.—16 *Tigellini* legi jussit Ramires.—18 Beverlandi Ms. *curritat quartum*.—20 *Piger Lucrino nauiculatur* in ed. antiq. Ferrar. an. 1471. Ald. Junt. Colin. Gryph. aliis. Ita Phædrus in quarta regione sæpe posuit Anapæstum. Pulmannus legit, *naviculatur*. Lectionem nostram testantur opt. Gruteri codd. Sic ex ('nauita') 'navita' simplici Syncope fit 'nauta'; namque veteres Romani *v* consonantem non pronuntiabant.

NOTÆ

14. ubi etiam egimus de porticu Argonautarum et Europæ porticu, in qua post meridiem apricabatur Canius. ronis, de quo Tacitus Annal. xiv. Juvenalis Sat. i. 'Pone Tigellinum,' &c.

15 *Titine thermis*] Titi Imperatoris thermas interpretare. Legunt alii *Stertitne thermis*, minus bene meo iudicio, sed forte bene legeretur: *Stertitne, thermis an lavatur Agrippæ?* Agrippa quoque thermas construxerat, quibus nomen suum imposuerat.

16 *Tigellini*] Alii legunt *Tigellini*: fœdissimus fuit ille temporibus Ne-

17 *Tulli atque Lucani*] De his duobus fratribus dictum lib. i. Epig. 37. hoc est, an rusticatur?

18 *Ad Quartum*] Prædium nempe ad quartum ab urbe lapidem.

19 *An æstuentes*] Aquas calidas Baiarum intellige in Campania, ubi et stagnum Lucrinum. Lib. i. Epig. 63.

XXI.

IN CRUDELEM DOMINUM.

PROSCRIPTUM famulus servavit fronte notatus.

Non fuit hæc domini vita, sed invidia.

Servus fronte signatus tuitus est proscriptum. Non fuit hæc salus heri, sed vituperium.

~~~~~

*De domino et famulo lemma est in cod. Pulmanni.*

## NOTÆ

- 1 *Proscriptum*] Antium Restionem Epig. 29.  
hunc fuisse putant Interpretes, de 2 *Sed invidia*] Summa enim hu-  
quo Macrobius Saturn. lib. i. cap. 11. manitate usus erga dominum crude-  
*Fronte notatus*] De notis quæ ser- lem servus omnibus eum fecit odio-  
vorum frontibus inurebantur, lib. ii. sum.

## XXII.

## DE APICIO.

DEDERAS, Apici, bis tricenties ventri,  
Sed adhuc supererat centies tibi laxum.  
Hoc tu gravatus, ut famem et sitim ferre,  
Summa venenum potione duxisti.  
Nil est, Apici, tibi gulosius factum. 5

O Apici, donaveras sexcenties abdomini, sed tibi restabat adhuc centies largum.  
Hoc tu dolens extremo haustu bibisti venenum, ne patereris famem et sitim. Apici,  
nihil egisti gulosius.

Hoc Epigramma, et quæ sequuntur quadraginta duo, locum obtinent in  
Junt. et Colin. post Epigr. LXVII. libri quinti.—1 *Dederas Apicibus* in Colin. an.  
1528.—2 Beverlandi Ms. *luxit*: codex Pulmanni *luxu*.—3 Edd. vett. *ne famem  
et sitim ferres*. Nostram lectionem ex codd. suis dedit Gruterus.—4 Bever-  
landi Ms. *perduxit* pro *duxisti*. Scriverius legi jussit *perduxti*, pro ‘perduxisti.’  
Vide Carrion. Antiq. Lect. i. 11. Heins. ad Virg. Æn. iv. 682. Tollium ad Anson.  
p. 270. et Burm. ad Propert. i. 3. 27.—5 *Nullum est Apici* Beverlandi Ms. et sic  
legit Pulmannus. *te gulosius* in aliis. *Nil est, Apici, tibi gulosius factum* Ald.  
Junt. Colin. et Gryph.

## NOTÆ

- 1 *Bis tricenties*] Apicius, de quo legunt *luxu*, pro luxui.  
Seneca ad Helviam, septingenta mil- 5 *Tibi*] Alii *te*.  
lia sestertium habebat in bonis; sex- *Gulosius*] Is enim omnium gulosis-  
centa millia luxu consumserat, cen- simus videtur, qui centum sestertium  
tum vero millia supererant, at veri- millibus dives famem et sitim timeat:  
tus ille ne hac summa explere gulam vel Poëta irridet Apicium, quasi  
non posset, venenum bibit. centies emisset summam potionem  
2 *Centies laxum*] Hoc est, non mi- qua periit, unde cariore pretio nun-  
nus centies, immo vero amplius. Alii quam biberat.

## XXIII.

## IN INVITATOREM.

OMNIA cum retro pueris opsonia tradas:  
Cur non mensa tibi ponitur a pedibus?

*Cum a tergo porrigas servis omnes cibos, quare non sternis mensam ad pedes?*



In antiquis codd. lemma est: *In cœnippetam avarum*: in edd. vett. *In Invitatore*, improbante Herald. — 1 Beverlandi Ms. *pueris retrahens*. In quibusdam edd. *obsonia*: in membranis fere scribitur, *opsonia*, ut est in marg. Juntinæ nostræ; et recte: nam Gr. est, ὀψώνιον. Beverlandi Ms. *tractas pro tradas*, quæ verba sæpe permutantur in codd.

## NOTÆ

1 *Omnia cum retro*] Discumbentibus dominis ministrantes servi ad pedes stabant. Seneca de Beneficiis lib. III. cap. 27. 'Ut primum diluxit, servus qui cœnanti ad pedes steterat, narrat quæ inter cœnam ebrius dixisset.' Avarus vero iste invitator cibos omnes pueris tradebat auferendos, ut crastinam in cœnam servarentur: vel forte pueris quos amabat, comedenda opsonia tradebat: ergo debuit mensam ponere a pedibus.

## XXIV.

## DE HARUSPICE HERNIOSO.

VITE nocens rosa stabat moriturus ad aras

Hircus, Bacche, tuis victima grata sacris.

Quem Tuscus mactare Deo cum vellet haruspex,

Dixerat agresti forte rudique viro,

Ut cito testiculos peracuta falce secaret,

5

Teter ut immundæ carnis abiret odor.

Ipse super virides aras luctantia pronus

Dum resecat cultro colla, premitque manu;

*Hircus reus palmitis corrosi interiturus stabat ad altaria, victima grata tuis sacrificiis, o Bacche; quem Deo immolare volens haruspex Tuscus forte dixerat homini agresti atque imperito, ut quamprimum exsecaret testiculos falce peracuta, ut putidus odor fœdæ carnis evanesceret. Dum ipse haruspex pronus super altaria viridantia cultro resecat cervicem resistentem, et stringit manu, grande scrotum*

*De Tusco haruspice* inscribitur in Ald. Junt. Colin. Gryph. Lang. Junian. aliis. *De hernioso haruspice* in cod. Pulmanni. — 2 Cod. Bodl. et Beverlandi Ms. *tuis victima digna sacris*. — 5 Junt. *per acuta*. Quia in codd. legerat, et *acuta*, Scriv. malit, *sed acuta*.

## NOTÆ

1 *Vite nocens rosa*] Lib. XIII. Epig. 39. 'Lascivum pecus, et viridi non utile Baccho, Det pœnas: nocuit jam tener ille Deo.' Alii legunt *Vite rosea*. Judicet lector.

3 *Quem Tuscus*] Ex Tuscia, sive Hetruria, hodie *la Toscana*, Romam allata est haruspicina. Haruspex autem, teste Donato ad Phormionem

Terentii Act. IV. Sc. 4. ab haruga nominatur. Nam haruga dicitur hostia, ab hara in qua concluditur et servatur. Alii, qui sine aspiratione scribunt, dici putant quia 'in ara inspicit exta.'

7 *Virides*] Hoc est, stratas herba viridi.



Ingens iratis apparuit hernia sacris.

Occupat hanc ferro rusticus, atque secat: 10

Hoc ratus antiquos sacrorum poscere ritus,

Talibus et fibris numina prisca coli.

Sic modo qui Tuscus fueras, nunc Gallus haruspex,

Dum jugulas hircum, factus es ipse caper.

*visum est sacrificiis infensis: rusticus ferro invadit illud, atque secat: existimans hoc requiri ex prisca consuetudine sacrorum, et numina antiqua coli ejusmodi fibris. Sic qui paulo ante fueras Tuscus haruspex, nunc Gallus, dum mactas hircum, ipse evasisti caper.*

#### NOTÆ

9 *Iratis*] Forte propter irreverentiam haruspices, cujus hernia apparebat, quam exsecuit rusticus, cum hirci testiculos abscindere debuisset.

13 *Qui Tuscus*] Ludit Poëta in voce *Gallus*, quasi ille haruspex patriam commutasset; sed intelligit Gallum fuisse factum, hoc est, castratum:

Sacerdotes enim Cybeles castrati dicebantur Galli.

14 *Ipsa caper*] Hircus et caper in eo differunt, quod hic castratus sit, ille vero minime: [aliquando tamen confunduntur. Virgilius *Ecloga VII.* 'Vir gregis ipse caper.'

### XXV.

#### AD FAUSTINUM.

Si temperari balneum cupis fervens,

Faustine, quod vix Julianus intraret:

Roga, lavetur, rhetorem Sabinæum.

Neronianas hic refrigeret thermas.

*O Faustine, si vis refrigerari balneum æstuans, quod vix ingrederetur Julianus: ora rhetorem Sabineum, in eo lavetur. Ille temperat thermas Neronianas.*

Lemma in Beverlandi Ms. est: *De Sabineo Rhetore frigido.*—3 *Rogo laves uti rhetorem Sabineum* legit Calderinus. *Rogo lavetur rhetorem Sabineum* Ald. an. 1550. *Rogo lave tuti rhetorem Sabineum* Ald. an. 1501. Junt. an. 1512. Colin. an. 1528. aliæ. *Rogo lavet uti* in quibusdam. *Rogo laver uti* in aliis. Legitur etiam: *Roga lavetur hic rhetor Sabineus*; probante Ramiresio: et, *Rogo lavetur hic rhetor Sabineus*. Ant. de Rooy conj. *Rogo, lavet tibi rhetorem Sabineum*; ut *Rogo* sit adhortantis, vel pro 'quæso': sic supra, lib. II. Epigr. 14. et lib.

#### NOTÆ

2 *Julianus*] Qui aquis nonnisi ferventibus lavabat.

3 *Roga*] Secutus sum Aldinam lectionem. Alii, *Roga, lavetur hic rhetor Sabineus*. Alii, *Rogo lavet uti rheto-*

*rem Sabineum*. Ineptum nempe, qui orationis frigore aquam etiam ferventem refrigeraverit.

4 *Neronianas*] Ceteris calidiores.

*Refrigeret* [refrigerat] Alii *refrigeret*:

II. Epigr. 79.—4 *Neromanas is refrigerat thermas* Junt. an. 1512. *Neronianus is refrigerat thermas* Ald. Colin. Gryph. &c. *refrigeret* pro *refrigerat* non placet eidem Ant. de Rooy.

## NOTÆ

hoc est, qui vel aquam calidissimam aëris ad orationis frigus seu potius refrigerare possit. Jocus est a frigore ineptias. Videat lector.

## XXVI.

## IN CANDIDUM.

PRÆDIA solus habes, et solus, Candide, nummos :

Aurea solus habes, myrrhina solus habes :

Massica solus habes, et Opimî Cæcuba solus :

Et cor solus habes, solus et ingenium.

Omnia solus habes : hoc me puta velle negare :

5

Uxorem sed habes, Candide, cum populo.

O Candide, solus possides prædia, et solus nummos: solus possides pocula aurea, solus possides myrrhina: solus possides Massica, et solus Cæcuba Opimii: tu solus cordatus es, et solus ingeniosus. Solus possides cuncta: hoc, opinor, negaturus sum; at tibi, o Candide, uxor est communis cum populo.

5 Alii legunt: *hoc nec puto posse negari*. Ramiresius: *hoc non puto posse negare*. Edd. vett. Ald. Junt. Colin. Gryph. *hoc me puto velle negare*. Scriverius: *nec me puta velle negare*.

## NOTÆ

- |                                                                           |                                                                                                                                             |
|---------------------------------------------------------------------------|---------------------------------------------------------------------------------------------------------------------------------------------|
| 1 <i>Candide</i> ] De quo jam supra lib. II. Epig. 43.                    | Massico lib. XIII. Epig. 3.                                                                                                                 |
| <i>Solus habes</i> ] Ex tuis bonis nihil communicas cum amicis.           | 4 <i>Et cor</i> ] Solus sapere tibi videris.                                                                                                |
| 2 <i>Myrrhina</i> ] De quibus lib. XIV. Epig. 113.                        | 5 <i>Hoc me puta</i> ] Negaturus sum, inquit Poëta, te unum frui omnibus tuis bonis: alii enim simul cum eo dominantem ejus fundum arabant. |
| 3 <i>Opimî Cæcuba</i> ] De vino Opimiano dictum lib. I. Epig. 27. De vino | Legunt alii: <i>Hoc nec puto posse negari</i> .                                                                                             |

## XXVII.

## IN GALLUM.

NUNQUAM me revocas, venias cum sæpe vocatus :

Ignosco, nullum si modo, Galle, vocas.

*Nunquam me revocas, cum invitatus crebro accedas: O Galle, parco, si modo*

1 Beverlandi Ms. cum codd. Pulmanni: *cum sis prior ipse*.—3 Codex Farnabii: *vitium est utrinque*.

Invitas alios : vitium est utriusque. Quod? inquis.

Et mihi cor non est ; nec tibi, Galle, pudor.

*neminem invitas : vocas alios : dedecus est utriusque. Quod? ais. O Galle, nec ego habeo prudentiam, nec tu verecundiam.*

## NOTÆ

4 *Et mihi cor non est*] Nec enim te bene meritum ad cœnam non revocare deberem. ces.

*Nec tibi, Galle*] Cum me de te

## XXVIII.

## IN NESTOREM.

AURICULAM Mario graviter miraris olere!

Tu facis hoc : garris, Nestor, in auriculam.

*Tibi mirum est, fœtere aurem Mario. Tu efficis hoc, o Nestor, garris in aurem.*

Hic nulla lectionis varietas est in libris manuscriptis aut impressis.

## NOTÆ

2 *Tu facis hoc*] Tu in causa es cur tiam affers impuro tuo halitu. illi male oleat auricula, cui graveolen-

## XXIX.

## IN ZOILUM.

HAS cum gemina compede dedicat catenas,

Saturne, tibi Zoilus, annulos priores.

*O Saturne, cum duplici compede Zoilus tibi consecrat has catenas, annulos priores.*

Nec in hoc Epigrammate quicquam variant membranæ aut libri impressi.

## NOTÆ

1 *Gemina compede*] Servi improbi compedibus vincti opus in ergastulo faciebant.

*Dedicat*] Servi libertate donati compedes et catenas consecrabant Saturno, qui, per annum laneo vinculo alligatus, Saturnalibus, mense sc. Decembri, solvebatur : Saturnus ergo victorum Deus : his verbis significat Poëta Zoilum fuisse servum.

2 *Annulos*] Cum appellat annulos

priores, notat Zoilum ex servo factum esse equitem : si enim ferrei fuerint annuli priores, indicat alios deinde gestavisse Zoilum, et quidem dignitatis equestris insigne. Lib. XI. Epig. 38. 'Zoile, quid tota gemmam præcingere libra Te juvat, et miserum perdere sardonycha? Annulus iste tuis fuerat modo cruribus aptus ; Non eadem digitis pondera conveniunt.'



## XXX.

AD GARGILIANUM.

SPORTULA nulla datur; gratis conviva recumbis :

Dic mihi, quid Romæ, Gargiliane, facis ?

Unde tibi togula est, et fuscæ pensio cellæ ?

Unde datur quadrans ? unde vir es Chiones ?

Cum ratione licet dicas te vivere summa :

5

Quod vivis, nulla cum ratione facis.

*Nulla donatur sportula ; conviva recumbis gratuito. Rogo, o Gargiliane, quid agis Romæ? Unde habes togulam, et mercedem gurgustii obscuri? Unde accipis quadrantem? Unde es vir Chiones? Licet dicas te vivere cum summa frugalitate: sine ullo iudicio agis, quod vivis.*

4 *Unde datur quadrans, unde vir es Chiones?* in Ald. Junt. Colin. &c. probante Ramiresio. Alii vero sic interpungunt: *Unde datur quadrans? Unde? Vir es Chiones!* Nostram interpunctionem dedit Calderinus.

## NOTÆ

1 *Gratis*] Nulla enim mercede accepta, clientes tunc una cum patrono cœnabant.

4 *Quadrans*] Quo pretio lavabant pauperes. Horatius 1. Sat. 3. 'dum te quadrante lavatum Rex ibis.' Chione vero, scortum sui corporis copiam

egenis faciebat.

5 *Cum ratione licet*] Jocus est in ambiguo, in priori versu moderationem, in posteriori vero iudicium significat: enimvero mori præstaret, quam vitam tam miseram ducere.

## XXXI.

AD RUFINUM.

SUNT tibi, confiteor, diffusi jugera campi,

Urbanique tenent prædia multa Lares :

Et servit dominæ numerosus debitor arcæ,

Sustentatque tuas aurea mensa dapes.

*Habes agros valde amplos, fateor, ædes tuæ urbanæ occupant multa prædia: et multi debitores serviunt arcæ herili, et tuæ epulæ nituntur aurea mensa. At-*

2 *Albanique* codex Thuaneus.—3 *Et servit domino numerosæ* in eodem Thuan. ut et in codice Vaticano.—4 'Non est temere, quod in Thuan. memb. legabatur: *aurea massa dapes.*' Gronov.

## NOTÆ

2 *Urbani Lares*] Dii tui domestici occupant multa ædificia. 'Ædificia omnia urbana prædia appellamus,' Justi-

nianus Instit. lib. II. Tit. 3.

nia urbana prædia appellamus,' Justi-

3 *Dominæ arcæ*] Hoc est, multi sunt in ære tuo. Merito arcam dominam

Fastidire tamen noli, Rufine, minores.

5

Plus habuit Didymus : plus Philomelus habet.

*tamen, o Rufine, noli respuere inferiores. Didymus fuit locupletior ; Philomelus ditior est.*

## NOTÆ

appellat; nam pecuniæ omnia obediunt. Lib. I. Epig. 77. fuisse, aut inauratam.

4 *Aurea mensa*] Coronas tantum consecutus erat infamis hic Didymus mensarum, non totas mensas aureas de quo lib. XII. Epig. 43. Philomelus fuisse interpretatur Raderus: vel vero citharædus forte fuit tempore forte mensam auream dixit, quæ Martialis locupletissimus, qui ambo nempe ornata esset multis vasis utpote ditiores Rufinum fastidire reis. Vel, simpliciter intellige auream possint.

## XXXII.

## IN MATRINIAM.

NUM possim vetulam, quæris Matrinia? possum

Et vetulam: sed tu mortua, non vetula es.

Possum Hecubam, possum Nioben, Matrinia: sed si

Nondum erit illa canis, nondum erit illa lapis.

*Non possum subagitare vetulam, an expostulas, o Matrinia? possum et anum: at tu mortua es, non anus. O Matrinia, possum Hecubam et Nioben; at si illa nondum erit conversa in canem, nec hæc in lapidem.*

1 *An possim vetulam* codex Pulmanni. *Num possim* conj. Heraldus. *quereris Matrinia* edd. vett.

## NOTÆ

1 *Num possim*] Legunt alii, *An possim vetulam, quæris Matrinia?* Hæc vetula accusabat Martialem, quod parum vir esset. bes notissima est fabula: his verbis significat se posse quidem vetulas, sed si nondam formam mulierum nimia senectute exuerint.

3 *Possum Hecubam*] Cujus et Nio-

## XXXIII.

## QUALEM PUELLAM VELIT.

INGENUAM malo: sed si tamen illa negetur,

Libertina mihi proxima conditio est:

*Ingenua magis placet: at nihilominus si non sit copia illius, libertina mihi est*

Hujus Epigrammatis lectio non variat in libris scriptis aut excusis.

Extremo est ancilla loco : sed vincet utramque,  
Si facie nobis hæc erit ingenua.

*secundo loco : serva ultimo loco est. At si hanc habuero liberali forma, superabit utramque.*

## NOTÆ

1 *Ingenuam malo*] Ingenui dicuntur qui statim ut nati sunt, liberi sunt : libertini vero qui ex justa servitute manumissi sunt.

3 *Sed vincet*] Ancilla vincet ingenuam et libertinam, si formosa fuerit, atque ita solius formæ non conditionis rationem habet Poëta.

## XXXIV.

## AD CHIONEM.

DIGNA tuo cur sis, indignaque nomine, dicam.  
Frigida es, et nigra es : non es, et es Chione.

*Proferam cur merearis tuum nomen, et non merearis. Gelida es, et atra es, non es, et es Chione.*

~~~~~  
Neque hic ulla lectionis varietas est in exemplaribus.

NOTÆ

2 *Chione*] *Χιών* nix est : hæc mulier erat quidem Chione, quia frigida

erat ut nix : at cum non esset candida ut nix, sed nigra, non erat Chione.

XXXV.

DE PISCIBUS SCULPTIS.

ARTIS Phidiacæ toreuma clarum,
Pisces aspicias : adde aquam, natabunt.

Vides pisces opus egregium artis Phidiacæ : adjunge aquam, natabunt.

~~~~~  
Neque in hoc Epigrammate exhibendo quicquam variant exemplaria scripta aut typis impressa.

## NOTÆ

1 *Artis Phidiacæ*] Phidias sculptor Atheniensis clarissimus toreuticen invenit, id est, artem conficiendorum toreumatum : est autem toreuma opus

torno factum, et cœlatum.

2 *Adde aquam*] Adeo naturam æmulantur, ut a veris vix secerni possint.



## XXXVI.

## IN FABIANUM.

QUOD novus et nuper factus tibi præstat amicus,

Hoc præstare jubes me, Fabiane, tibi.

Horridus ut primo semper te mane salutem,

Per mediumque trahat me tua sella lutum :

Lassus ut in thermas decima, vel serius, hora

5

Te sequar Agrippæ, cum laver ipse Titi.

Hoc per triginta merui, Fabiane, Decembres,

Ut sim tiro tuæ semper amicitiae?

Hoc merui, Fabiane, toga, tritaque, meaque,

Ut nondum credas me meruisse rudem?

10

*O Fabiane, eadem officia a me exigis, quæ a novo et paucis ante diebus facto amico. Ut primo diluculo tibi incultus nuntiem salutem, et tua sella me agat per medium cænum: ut decima hora vel tardius defatigatus comiter te in thermas Agrippæ, cum ipse laver in thermis Titi. O Fabiane, hocne meritus sum per triginta annos, ut semper sim novus in tua amicitia? O Fabiane, hoc meritus sum toga lacera, et mea, ut nondum existimes me dignum rude.*

5 *Lapsus Beverlandi Ms.*—6 *Beverlandi Ms. cum laver ipse citi*, ob similitudinem literarum *t* et *c* in codicibus antiquis. *Codex Pulmanni: cum laver ipse lacu.*

## NOTÆ

2 *Fabiane*] De illo conqueritur, quod cum vetus esset ejus amicus, nihilominus easdem semper anteambulonis operas quas a novis amicis exigebat.

5 *Decima hora*] Hoc est, duabus horis tardius solito: æstate enim octava hora lavabant, nona vero cœnabant. De horis fuse diximus lib. iv. Epig. 8.

6 *Cum laver ipse Titi*] Lavante enim in thermis Agrippæ Fabiano, cogebatur Martialis currere ad Titi thermas longe dissitas. Notat arrogantiam Fabiani, qui in iisdem thermis lavari secum clientes non pateretur.

9 *Meaque*] Cum clientes suos vestibus donare soleant alii patroni.

10 *Meruisse rudem*] Hoc est, liberationem officiorum: tractum est a gladiatoribus; nam gladiatores ingravescente ætate rude donabantur, ut apud Horat. in Epistolis, et Juven. Qua rude accepta non cogebantur amplius pugnare; sed publicaalebantur pecunia. Sensus est: Putas me non demeruisse rudem, ut me alas sine officio. *Domitius*. Ramiresius putat Poëtam ambigue alluisse ad togam rudem, tritæ scilicet oppositam, et villosam, quam pexam dixit lib. ii. Epig. 44.

## XXXVII.

IN IRASCENTES AMICOS.

IRASCI tantum felices nōstis amici.

Non belle facitis : sed juvat hoc facere.

O divites amici, scitis tantum succensere. Non decenter agitis, sed prodest hoc agere.

//////////

In hujus Epigrammatis lectione consentiunt exemplaria manuscripta et impressa.

## NOTÆ

2 *Non belle*] Irasci enim amico, amicitiae leges violare est. amicis, quibus succensetis. Lib. XII. Epig. 13.

*Sed juvat*] Quia nihil datis postea

## XXXVIII.

AD SEXTUM.

QUÆ te causa trahit, vel quæ fiducia Romam,

Sexte? quid aut speras, aut petis inde? refer.

Causas, inquis, agam Cicerone disertius ipso,

Atque erit in triplici par mihi nemo foro.

Egit Atestinus causas, et Caius: utrumque

5

Noras: sed neutri pensio tota fuit.

O Sexte, quæ ratio, aut quæ spes certa te accersit Romam? dic quid inde aut speras, aut pōscis? dicam, ais, causas eloquentius ipso Cicerone, nec ullum habebō æqualem in triplici foro. Atestinus dixit causas, et Civis: cognoveras utrumque: at neuter habuit integram pensionem domus. Si nihil hinc assequar, componam

~~~~~

3 Pulmannus, *dissertior*: Beverlandi Ms. *dissertior*.—5 Pro Caius, multi legunt Civis, pro nomine proprio; quod et Gruterus confirmat. Marcus ex ed. Pulmanni citat Langius.—6 In edd. vett. Ald. Junt. Colini. Gryph. *tota fuit*; quod in Junt. nostra correctum est *tota fuit*, et ab alia manu in margine, *certa*.

NOTÆ

1 *Quæ te*] Corruptos Romanorum mores arguit Poëta, fingendo Sextum quendam decrevisse vivere Romæ.

3 *Disertius*] Alii *dissertior*.

4 *In triplici foro*] Vetus seu Romanum unum, alterum Julii Cæsaris, tertium Augusti intellige.

5 *Egit Atestinus causas, et Cuius* [*civis*] Alii *Caius*. Nomina forte ficta aut pauperum causidicorum, qui ex causis non erant consecuti unde totam solverent annuam conductæ domus pensionem.

Si nihil hinc veniet; pangentur carmina nobis:

Audieris, dices esse Maronis opus.

Insanis: omnes gelidis quicumque lacernis

Sunt ibi; Nasones, Virgiliosque vides.

10

Atria magna colam. Vix tres, aut quatuor ista

Res aluit: pallet cetera turba fame.

Quid faciam? suade: nam certum est vivere Romæ.

Si bonus es, casu vivere, Sexte, potes.

versus: audieris, affirmabis esse opus Virgiliti. Desipis: omnes quicumque tibi occurrunt frigidis lacernis, cernis Nasones et Virgilios. Colam magna atria. Vix tribus aut quatuor ista res suppediavit cibos: reliqua multitudo pallet fame. Quid agam? mone: nam statui vivere Romæ. Si probus es, o Sexte, potes vivere fortuito.



—10 *Sunt tibi* ed. antiquiss. Ferrar. an. 1471. Ald. 1501. Junt. Colin. Ald. 1550. Gryph. &c. *Sunt ibi* codex Farnabii; ejus lectionis monuit et P. Scriverius, probantibus Gronovio et aliis. *Sunt tibi, Nasones Virgiliosque putes?* cum interrogationis nota Beverlandi Ms.

NOTÆ

9 *Gelidis*] Hoc est, tritis lacernis, quæ frigus undique admitterent.

10 *Sunt ibi* [*tibi*] Alii *sunt ibi*, Romæ scil.

11 *Atria magna*] Hoc est, potentiores colam, in atriis quippe magnum

amicum expectabant clientes.

14 *Si bonus*] Solis enim malis certa est vivendi ratio, hominis vero probi vita ex casu pendet. Juvenalis Sat. III. 'Quid Romæ faciam? mentiri nescio,' &c.

XXXIX.

DE LYCORI.

ILIACO similem puerum, Faustine, magistro

Lusca Lycoris amat: quam bene lusca videt!

Lycoris lusca ardet puerum parem magistro Trojano. Quam perspicax est lusca!



1 Ald. Junt. Colin. Gryph. &c. *magistro*. Legendum omnino *ministro* contendit Ramiresius. Vide lib. XI. Epigr. 104.

NOTÆ

1 *Iliaco magistro*] Pecoris scilicet magistro: Paridem forte intelligit.

Legunt alii *ministro*, id est, Ganymedi Jovis pocillatori.

XL.

IN THELESINUM.

MUTUA quod nobis ter quinquaginta dedisti
 Ex opibus tantis, quas gravis arca premit;
 Esse tibi magnus, Thelesine, videris amicus.
 Tu magnus, quod das? immo ego, quod recipis.

O Thelesine, te existimas magnum amicum, quod nobis credidisti centum et quinquaginta ex tantis divitiis, quas coërcet arca ponderosa. Tunc magnus es quod credis? Immo ego sum magnus quod restituo.



1 Legitur in quibusdam, *ter quinquagena*; et sic in Beverlandi Ms. Nostram lectionem exhibent edd. vett.—4 *Tum magnus, quod das* Langius aliique. *Tun' magnus*, &c. legendum censet Ramiresius.

NOTÆ

1 *Ter quinquaginta*] Millia scilicet sestertium. Legunt alii *ter quinquagena*, ne finalis in *ginta* corripatur: verum est anceps: reperitur longa lib. VII. Epig. 8. et brevis lib. XII. Epig. 26.

4 *Tu magnus*] Legunt alii, *tun' magnus*.

Immo ego] Quia ego pauper restituo diviti. Significat Poëta plus esse ter quinquaginta a paupere restitui, quam mutuo dari a divite.

XLI.

IN LACERTAM CÆLATAM.

INSERTA phialæ Mentoris manu ducta
 Lacerta vivit, et timetur argentum.

Lacerta ducta manu Mentoris insculpta phialæ spirat, et metuitur argentum.



Mentoris manu ficta Juntina nostra in margine. Ant. de Rooy malit: *Mentoris manu docta*. Cf. Ovid. Fast. III. 832. Amor. II. 4. 28. Nostrum infra Epigr. 82. et lib. X. Epigr. 92. Senec. Herc. Cæt. 669. et Burm. ad Ovid. Art. Am. I. 518. 'Doctus' et 'ductus' sæpe fuisse permutata, docebit idem Burm. ad Ovid. Heroid. Epist. XX. 210.

NOTÆ

1 *Mentoris*] Qui cælator fuit clarissimus. Lib. IX. Epig. 60. 'et si qua fuerunt Pocula Mentorea nobilitata manu.' Plinius lib. XXXIII. cap. 11. 'Lucius vero Crassus orator duos scyphos Mentoris artificis manu cælatos habuit centum sestertiis.'

Ducta] Proprium est cælatorum et sculptorum verbum. Virgilius Æn. VI. 848. 'Excudent alii spirantia mollius æra, Credo equidem, vivos ducent de marmore vultus.'

2 *Et timetur*] Cum lacerta vivere videatur.

XLII.

IN POLLAM.

LOMENTO rugas uteri quod condere tentas,
 Polla; tibi ventrem, non mihi labra linis.
 Simpliciter pateat vitium fortasse pusillum:
 Quod tegitur, majus creditur esse malum.

O Polla, quod conaris lomento tegere rugas uteri, tibi linis uterum, non mihi labra. Sincere detegatur vitium forte parvum. Majus esse malum existimatur quod occultatur.

1 *Lomento* Beverlandi Ms. Hoc distichon ita legit Scaliger: *Lomento, rugas uteri quo condere tentas, Polla, tibi ventrem nonnihil abra linit.* Vide Var. Notas. Pro *condere* alii legunt *credere*.—4 Pulmannus et Beverlandi Ms. *creditur esse nefas*.

NOTÆ

1 *Lomento*] Lomentum, teste Roberto Stephano, farina fabacea qua ad eruganda corpora usa est antiquitas. Uterum vero linebat Polla, ut sulcis absconditis puella videretur.

2 *Non mihi labra linis*] Id est, non me decipis hoc fuco, quo sensu Plautus dicit, 'os sublinere.' Hæc dicendi formula originem traxit a genere ludi quo dormientibus ora

pinguntur, quos cum aliis ludibrio esse vellent antiqui, eos dormientes per jocum linebant colore aliquo, vel fuligine. Hæc formula potest etiam desumi ab iis qui amaras portiones ægrotis vel pueris exhibentes, labra poculorum melle illinunt, ut hac dulcedine primum decepti portionem hauriant.

4 *Malum*] Alii *nefas*.

LXIII.

IN LENTINUM.

MENTIRIS juvenem tinctis, Lentine, capillis:
 Tam subito corvus, qui modo cycnus eras.

O Lentine, fingis te juvenem comis coloratis: tam repente corvus factus, qui

1 Ant. de Rooy corrigit, *fictis*; et fictos capillos exponit 'galerum,' quasi dicat Poëta: Mentiris galero juvenem; sed non omnes falles: scit probe Proserpina, canos sub illo delitescere, quos tibi morti propinquo reseccabit. Neque parum hanc conj. juvat, quod addit Martialis, 'Personam capiti,' &c.

NOTÆ

1 *Mentiris juvenem*] Lentinus canos capillos tingebat, ut juvenis videretur.

3 *Scit te Proserpina*] Jovis et Ce-

Non omnes falles : scit te Proserpina canum :
 Personam capiti detrahet illa tuo.

paulo ante cygnus eras. Non imponis omnibus. Proserpina novit te canum : illa auferet luvam a tuo capite.

—3 *Non omneis fallis?* cum interrogationis nota in Ald. Junt. Colin. &c.

NOTÆ

reris filia, quæ a Plutone rapta est in conjugem, unde Inferorum regina dicitur. Qui autem morituri sunt, priusquam a Proserpina tondeantur, animam efflare nequeunt, ut canunt Poëtæ. Hanc causam affert Virgilius cur Dido difficulter animam emitteret, *Æn.* iv. ‘Nondum illi flavum Proserpina vertice crinem

Abstulerat, Stygioque caput damnaverat orco.’

4 *Personam*] Persona dicitur ficta imago vultus seu larva: illa vero capillorum tinctura eleganter capitis persona dicitur, qua ablata Lentinus canus videbitur, atque orco dammandus.

XLIV.

IN LIGURINUM.

OCCURRIT tibi nemo quod libenter :
 Quod, quacumque venis, fuga est, et ingens
 Circa te, Ligurine, solitudo :
 Quid sit, scire cupis? nimis Poëta es :
 Hoc valde vitium periculosum est. 5
 Non tigris catulis citata raptis,
 Non dipsas medio perusta Sole,
 Nec sic scorpius improbus timetur.

O Ligurine, visne scire quid sit, quod nullus tibi obviam fit æquo animo, quod omnes fugiunt, et vasta est solitudo circum te, in quemcumque locum venis? Nimmium Poëta es. Hoc vitium periculosissimum est. Ablatis catulis tigris festina non incutit tantum metum, nec dipsas adusta medio sole, nec scorpius venenosus.

In Lygurinum lemma est in edd. vett. In Ligurinum poëtam cod. Pulmanni.

NOTÆ

4 *Nimis Poëta es*] Lepide Horatius in fine Artis Poëticæ: ‘Vesanum tetigisse timent fugiuntque Poëtam Qui sapiunt.’

6 *Non tigris*] Quæ tamen periculosissima est dum equitem suorum

catulorum raptorem insequitur.

7 *Dipsas*] Serpens a quo icti vexantur siti et æstu: δίψα, sitis, unde nomen deducit: *perusta Sole* dicitur, vel quod apricetur ad Solem meridianum, vel quod plaga meridiana vivat.

Nam tantos, rogo, quis ferat labores?
 Et stanti legis, et legis sedenti : 10
 Currenti legis, et legis cacanti.
 In thermas fugio ; sonas ad aurem.
 Piscinam peto ; non licet natare.
 Ad cœnam propero ; tenes euntem.
 Ad cœnam venio ; fugas sedentem. 15
 Lassus dormio ; suscitas jacentem.
 Vis, quantum facias mali, videre?
 Vir justus, probus, innocens timeris.

Quæso enim, quis patiatur tantas molestias? Legis stanti, et legis sedenti: legis properanti, et legis exoneranti ventrem. Fugio in thermas: clamas ad aurem. Eo in piscinam: non fas est natare. Festino ad cœnam: moraris euntem. Venio ad cœnam: fugas sedentem. Defatigatus dormio: excitas cubantem. Cupisne scire quantum mali facias? Metueris licet vir justus, probus, innocens.

—8 Pulman. *impius timetur.*—9 *Nam tantos cogo* Junt. an. 1512.—12 *In thermas fugio; fugas edentem* codex Thuan.—13 Beverlandi Ms. *non sinis natare.* Codex Vat. *tu tenes euntem.*—14 *Ad cœnam propero, sonas in aurem* idem Vat.—15 *Ad cœnam venio, fugas edentem* in eodem codice.

NOTÆ

13 *Piscinam peto*] Locus erat domi ubi aqua frigida lavabant: fuisse etiam piscinas tepidas constat ex Plinio juniore lib. v. Epist. 3. Fuit etiam piscina publica.

Non licet] Alii *non sinis.*

15 *Fugas sedentem*] Nempe qui ad cœnam maturius veniebant, dum ster-

nerentur lecti sedebant. Lib. viii. Epig. 67. 'Sternantur lecti: Cæciliane, sede.'

18 *Vir justus*] Importuna tua recitatione adeo intolerabilis es, ut te patienter ferre quamvis probum nemo possit.

XLV.

DE EODEM.

FUGERIT an mensas Phœbus cœnamque Thyestæ,
 Ignoro: fugimus nos, Ligurine, tuam.

Nescio uirum Sol fugerit mensas et cœnam Thyestæ: O Ligurine, nos fugimus

1 *Thyestis* Ald. Junt. Colin. et aliæ vett.

NOTÆ

1 *Fugerit an mensas*] Thyestes filius fuit Pelopis ex Hippodamia, et nepos Tantali, qui uxorem fratris sui Atrei in adulterium pellexit, atque ex

ea suscepit filios, quos Atreus in vindictam tanti sceleris eidem Thyestæ comedendos apposuit. Propterea Poëtæ fingunt Solem horrore tantæ

Delph. et Var. Clas.

Martial.

Q

Illa quidem lauta est, dapibusque instructa superbis :

Sed nihil omnino, te recitante, placet.

Nolo mihi ponas rhombum, mullumve bilibrem : 5

Nec volo boletos, ostrea nolo : tace.

tuam. Illa quidem splendida est, et ornata epulis lautis : at nihil prorsus gratum est te recitante. Non placet mihi apponas rhombum, aut mullum bilibrem : nec placent boleti, nec ostrea : sile.

NOTÆ

immanitatis expalluisse, mutatoque te recitantem. Epig. 50. infra.
solito cursu rediisse ad Auroram. 6 *Tace*] Nos enim importuna recitatione enecas.

Vide Senecam in Thyest.

2 *Fugimus nos*] Ne cogamur audire

XLVI.

AD CANDIDUM.

EXIGIS a nobis operam sine fine togatam.

Non eo, libertum sed tibi mitto meum.

Non est, inquis, idem : multo plus esse probabo.

Vix ego lecticam subsequor ; ille feret.

In turbam incideris ; cunctos umbone repellet : 5

Invalidum est nobis, ingenuumque latus.

Quidlibet in causis narraveris, ipse tacebo :

At tibi tergeminum mugiet ille sophos.

A nobis continuo postulas officia anteambulonis : non vado, sed mitto libertum meum. Non idem est, ais : docebo multo plus esse. Ægre ego subsequor lecticam : ille gestabit. Si incurreris in turbam, umbone propulsabit omnes : ego habeo latus debile et ingenuum. Quidlibet narraveris in causis ipse silebo : sed ille tibi vociferabitur tergeminum sophos. Controversia erit, summa voce in-

5 Beverlandi Ms. *cuneos* pro *cunctos*. Vide Turneb. Adverss. lib. XIII. cap. 19.—7 In eodem Ms. *causam*.

NOTÆ

1 *Operam togatam*] Id est, officium præstare ego nequeo, ea præstabit tibi meus libertus.

5 *In turbam incideris*] Ille in turbam tibi expediet, et velut umbone clypei obstantes rejiciet nisi corporis, aut laterum firmitate. Turnebus lib. XIII. cap. 15. et 19.

3 *Non est idem*] Majori, inquis, mihi honori esset tuus quam liberti comitatus. 6 *Ingenuumque latus*] Debile interpretare, quod ingenui hominis vires oneri ferendo non sint.

Plus esse probabo] Quæ enim officia 8 *At tibi tergeminum*] Meus libertus

Lis erit ; ingenti faciet convicia voce :

Esse pudor vetuit fortia verba mihi.

10

Ergo nihil nobis, inquis, præstabis amicus?

Quicquid libertus, Candide, non poterit.

geret contumelias: verecundia prohibuit me habere vocem altam. Nihilne igitur, inquis, tu amicus præstabis nobis? Præstabo, o Candide, quicquid non poterit libertus.

ad cœlum usque laudibus te efferet. voce alta clamare.

Vide lib. I. Epig. 4.

9 *Lis erit*] Si litigaveris cum aliquo, tuo nomine lacerabit adversarium conviciis.

12 *Quicquid*] Officia liberalia præstabo, quæ nec servus nec libertus præstare possunt: famam, scilicet, et nominis æternitatem meis versibus tibi conciliabo.

10 *Esse pudor*] Nam rusticorum est

XLVII.

DE BASSO.

CAPENA grandi porta qua pluit gutta,
Phrygiæque Matris Almo qua lavat ferrum,
Horatiorum qua viret sacer campus,
Et qua pusilli fervet Herculis fanum,

O Faustine, Bassus ibat vehens in rheda plena omnes fructus fertilis villæ, qua porta Capena pluit grandi gutta, et qua Almo abluit ferrum matris Phrygiæ, qua religiosus ager Horatiorum virescit, et qua fervet ædes Herculis minoris. In rheda

2 *Phrygiumque matris almo* Ald. Junt. Colin. Gryph. &c. et sic in cod. Palat. *almæ* Beverlandi Ms. Pro *ferrum* Farnabius conj. *sacrum*.—3 *Oratiorum* in edd. vett.—4 *Et qua pusillum* Ant. de Rooy, ut *pusillum* ad *fanum* referatur. Siquidem in Regione I. Urbis, ubi et Porta Capena, ædicula tantum Herculis locatur. Itaque *pusillum* dicit, ut distinguat ab æde Herculis Custodis Circi Flamini, quæ erat in Regione IX. et a templo Herculis in

NOTÆ

1 *Pluit*] Propter aquæductum, quo super eam portam aqua in urbem fluebat. Juvenalis Sat. III. 'Substitit ad veteres arcus, madidamque Capenam.'

que Cybeles simulacrum. Ovid. Fast. IV. 'Illic purpurea canus cum veste Sacerdos Almonis dominam sacraque lavit aquis.'

2 *Phrygiæque*] Cybele Deorum mater ex Phrygia Romam fuerat advecta, unde Phrygia mater dicitur. Almo fluvius territorii Romani in Tyberim defluit, hodie *Dachia*. In eo Cybeles Sacerdotes lavabant cultros quibus hostias mactabant, ipsum quo-

3 *Horatiorum*] Nempe extra portam Capenam erat sepulcrum Horatiorum, et campus ubi cum Curiatiis pugnauerant; quorum satis nota est historia ex Livio.

4 *Et qua pusilli*] Pusillum appellat Herculem, ad assentationem Domitiani, qui se majorem Herculem præ-

Faustine, plena Bassus ibat in rheda, 5
 Omnes beati copias trahens ruris.
 Illic videres frutice nobili caules,
 Et utrumque porrum, sessilesque lactucas,
 Pigroque ventri non inutiles betas.
 Illic coronam pinguibus gravem turdis, 10
 Leporemque læsum Gallici canis dente,
 Nondumque victa lacteum faba porcum.
 Nec feriatuſ ibat ante carrucam,
 Sed tuta fœno cursor ova portabat.
 Romam petebat Bassus? immo rus ibat. 15

cerneres brassicas stirpe nobili, atque utrumque porrum, et lactucas sessiles, et betas utiles albo strictæ. Illic videres coronam ponderosam pinguibus turdis, et leporem vulneratum dente canis Gallici, et lacteum porcellum nondum fracta faba. Nec otiosus cursor incedebat ante rhedam, sed ferebat ova segura fœno. Bassus ibatne Romam? immo petebat villam.

Regione XIV.—8 Juntina nostra in marg. *sectilesque*.—15 Heraldus legit interrogatorie: *Romam petebat Bassus?*

NOTÆ

dicabat, ut patet ex lib. ix. Epig. 65. et Spect. Epig. 16.

Fervet fanum] Hoc est, a multis frequentatur.

8 *Utrumque porrum*] Sectivum intellige et capitatum.

Sessilesque lactucas] Lactucarum genus quoddam sessile dicitur seu laticonicum. Vide Plinium lib. xix. cap. 8.

9 *Pigroque ventri*] Quem solvunt betæ.

10 *Illic coronam*] Factam forte e vimine, ex qua suspensi erant turdi.

11 *Gallici canis dente*] Velocissimi nimirum, utpote lupino satù editi. Vide Plinium lib. viii. cap. 11.

12 *Nondumque victa*] Hoc est, porcellum lacteum, qui fabas frangere nondum posset.

14 *Sed tuta fœno*] Hoc est, munita fœno, ne collisa contererentur.

15 *Romam petebat*] Cum tot fructus rure nascentes veheret.

Immo rus] Amœna quidem erat illa Bassi villa, sed sterilis, in quam tot edulia deportare cogebatur.

XLVIII.

DE O L L O.

PAUPERIS exstruxit cellam, sed vendidit Ollus
Prædia: nunc cellam pauperis Ollus habet.

Ollus ædificavit cellam inopis, at vendidit fundos: Ollo nunc est cella pauperis.

In hoc Epigrammate exhibendo non variant libri calamo exarati aut typis impressi.

NOTÆ

1 *Exstruxit cellam*] Lipsio teste in Senecæ Epist. 18. divites exstruebant pauperis cellam contiguam, aut in vicinia suarum ædium, in quam fastidiosi miseros, tribules, et advenas pauperes, amicosque minorum gentium recipiebant: ne intra ædes admitterent. Cum vero Ollus esset dives, ex more reliquorum divitum construxerat cellam pauperis: sed

bonis ablignritis, et prædio divendito, unam sibi cellam reliquam fecit, quæ tunc pauperis cella verius quam olim dici posset. Seneca Epistola 100. 'Desit sane varietas marmorum, et concisura aquarum cubiculis interfluentium, et pauperis cella, et quicquid aliud luxuria, non contenta decore simplici, miscet.' Lib. VIII. Epig. 14.

XLIX.

IN INVITATOREM.

VEIENTANA mihi misces, tu Massica potas:
Olfacere hæc malo pocula, quam bibere.

Mihi porrigis vina Veientana, tu bibis Massica: magis placet odorari hæc pocula, quam haurire.

1 Beverlandi Ms. *ubi Massica potas*. Codex Bodl. *tibi Massica ponis*, ut et conj. Ramiresius. Raderus legendum censet: *tu Massica potus*.—2 *Olfacere hæc malo pocula, quem bibere* in Junt. an. 1512. typosetarum manifesto errore.

NOTÆ

1 *Tu Massica potas*] Vetus codex, *tibi Massica potas*. Ramiresius vero legit, *tibi Massica ponis*. Judicet Lector. Vinum Veientanum vilissimum, lib. II. Epig. 53. Massicum vero

optimum, lib. XIII. Epig. 111.

2 *Olfacere*] An erant pocula myrrhina? inquit Raderus. Vinum myrrhinae amarioris, cujus gratus odor, ingratus gustus.

L.

IN LIGURINUM.

HÆC tibi, non alia, est ad cœnam causa vocandi,
Versiculos recites ut, Ligurine, tuos.
Deposui soleas; affertur protinus ingens
Inter lactucas oxygarumque liber.

O Ligurine, invitas ad cœnam non alia de causa quam ut legas tua carmina. Abjeci crepidas; statim apportatur immensus libellus inter lactucas et oxygarum.

In Lygurinum inscribitur in edd. vett.—3 Codex Vat. *protinus apponitur*.—4 Beverlandi Ms. *ostrigerum*. Calderinus legit, *origanum*, nec animadvertit

NOTÆ

3 *Deposui soleas*] Cum cœnaturi essent veteres, deponebant soleas, ne

stragula lecti, in quo recumbebant, luto fœdarentur. Gellius lib. XIII.

Alter perlegitur, dum fercula prima morantur : 5
 Tertius est, nec adhuc mensa secunda venit.
 Et quartum recitas, et quintum denique librum.
 Putidus est, toties si mihi ponis aprum.
 Quod si non scombris scelerata poemata donas:
 Cœnabis solus jam, Ligurine, domi. 10

Alter totus legitur, dum primæ dapes cunctantur. Tertius adest, necdum secunda fercula afferuntur. Et recitas quartum libellum, et tandem quintum. Si mihi vel aprum apponis toties, male olet. Quod si non tradas scombris scelestâ poemata, o Ligurine, solus jam cœnabis domi.

quantitatem syllabæ ; nam *origanum* (*ὀρείγανον*) Græca est dictio, corripitque primam, et secundam producit. Scribitur et 'organus.' Seren. Sammon. Ict. Scorp. 'Cumque hoc absumi debet origanus herba.' Vide hoc verbum in Nicand. Ther.—5 Alii, *porrigitur*.—7 *Et quartum ponis* Beverlandi Ms. *quintum denique bruma* in eodem.—8 *Putridus est* habet idem Ms.—9 Sunt qui legant, *dones*. Gruterus mallet legi *damnas*. Vide supra Epig. 2. vs. 2.

NOTÆ

cap. 20. 'Omnia quibus plantarum calces tantum infime teguntur, cetera prope nuda, et teretibus habenis juncta sunt, soleas dixerunt.' Vide Epig. 44. et 45. supra.

4 *Oxygarumque*] Garum intellige, sive liquamen ex aceto et intestinis piscinum. Lib. XIII. Epig. 102.

5 *Alter perlegitur*] Legunt alii, *porrigitur*.

9 *Quod si non scombris*] Versus mali scombris et aliis piscibus involvendis inserviebant. Alii, *damnas*.

Scelerata] Importuna enim carminum recitatione convivas enecabat Ligurinus.

LI.

AD GALLAM.

CUM faciem laudo, cum miror crura manusque ;
 Dicere, Galla, soles : Nuda placebo magis.
 Et semper vitas communia balnea nobis.
 Numquid, Galla, times, ne tibi non placeam ?

Cum commendo tuum vultum, cum manus et crura mihi admiranda videntur, o Galla, consuevisti dicere, Ero gratior nuda: et semper fugis thermas nobis communes. O Galla, an metuis ne tibi injucundus sim?

Hic nulla lectionis varietas est in exemplaribus scriptis aut prelo excusis.

NOTÆ

3 *Et semper vitas*] Ironikōs carpit Gallam, quæ formosa videri volebat, nec tamen unquam cum Poëta lava-

bat, ne corporis deformitas pateret.

4 *Ne tibi non placeam*] Ne tibi vi-

dear parum vir.

LII.

AD TONGILIANUM.

EMTA domus fuerat tibi, Tongiliane, ducenis :

Abstulit hanc nimium casus in urbe frequens.

Collatum est decies. Rogo, non potes ipse videri

Incendisse tuam, Tongiliane, domum ?

O Tongiliane, emeris ædes ducentis: infortunium creberrimum in urbe evertit illas. Donatum est decies: O Tongiliane, quæso, nonne potes videri ipse combussisse tuas ædes?



1 Ald. Junt. Colin. Gryph. Junian. Delph. aliæ habent, *ducentis*.

NOTÆ

1 *Ducenis*] Sestertiis, vel ducentis millibus sestertium.

Non potes] Nempe ut ex incendio lucrum faceres. Eodem sensu Juvenalis Sat. III. 'et merito jam Suspectus tanquam ipse suas incenderit ædes.'

3 *Collatum est decies*] Hoc est, tui clientes tibi donarunt decies centena millia sestertium.

LIII.

AD CHLOEN.

Et vultu poteram tuo carere,

Et collo, manibusque, cruribusque,

Et mammis, natibusque, clunibusque :

Et, ne singula persequi laborem,

Tota te poteram, Chloë, carere.

5

Valebam me abstinere et a tua facie, et collo, et manibus, et cruribus, et mammis, et natibus, et clunibus; et, ne defatiger referre singula membra, valebam, o Chloë, me abstinere a te integra.



In hoc Epigrammate exhibendo consentiunt et libri calamo exarati et impressæ editiones.

NOTÆ

1 *Et vultu poteram*] Singula sua spernit Poëta, affirmans illa tota carere se posse. Martialem accenderet; at vero illam

LIV.

AD GALLAM.

CUM dare non possim, quod poscis, Galla, rogantem :
 Multo simplicius, Galla, negare potes.

O Galla, cum nequeam donare quod petis a me poscente noctem ; O Galla, potes recusare multo apertius.

1 Beverlandi Ms. exhibet, *quod poscis, Galla, roganti.*

NOTÆ

1 *Quod poscis, Galla*] Poëta arguit quam præstare posset ; sic ergo non astutiam Gallæ, quam cum ille noctem simpliciter quidem, sed artificios rogaret, poscebat illa multo plus recusabat Galla.

LV.

IN GELLIAM.

QUOD quacumque venis, Cosmum migrare putamus,
 Et fluere excusso cinnama fusa vitro :
 Nolo peregrinis placeas tibi, Gellia, nugis.
 Scis, puto, posse meum sic bene oleré canem.

Quod credimus Cosmum venire quacumque vadis, et vitro agitato labi cinnama dispersa ; O Gellia, nolo tibi jucunda sis externis ineptiis. Credo meum canem posse bene olere hoc modo.

4 *Sic puto posse meum, sic, &c.* in Ald. Junt. Colin. Gryph. &c. quam lectionem servat etiam codex Palatinus. *tam bene* Beverlandi Ms.

NOTÆ

1 *Cosmum*] Unguentarium, cujus polio illam sequi videretur. Lib. I. mentionem sæpe facit Poëta. Tot Epig. 88. vero unguentis delibuta erat Gellia, 3 *Nolo peregrinis*] Unguentis externis, sed naturali oris venustate et tantus odor spargebatur, quacumque iret, ut Cosmus cum pharmaco- bene oleas.

LVI.

DE CISTERNA RAVENNATE.

SIT cisterna mihi, quam vinea, malo Ravennæ :
 Cum possim multo vendere pluris aquam.

Magis mihi placet habere eisternam Ravennæ, quam vitem : cum possim vendere aquam multo pluris.

Hic nihil variant exemplaria manuscripta aut prelo excusa.

NOTÆ

1 *Sit cisterna*] Ravenna urbs in vero vini copia, atque adeo illic plura Italia ad mare Adriaticum, ubi erat ris aqua, quam vinum vendebatur. penuria aquarum potabilium, magna

LVII.

DE CAUPONE.

CALLIDUS imposuit nuper mihi caupo Ravennæ:

Cum peterem mixtum, vendidit ille merum.

Paucis ante diebus versutus caupo me decepit Ravennæ: cum poscerem mixtum, ille vendidit merum.

Neque in hoc Epigrammate quicquam variant exemplaria calamo exarata, aut typis impressa. Sed in Junt. an. 1512. et Colin. an. 1528. hoc et præced. unum faciunt Epigramma.

NOTÆ

1 *Callidus imposuit*] Patet hoc epigramma ex præcedente: cum enim aqua Ravennæ carior esset vino, dilutum aqua vinum carius erat mero.

LVIII.

DE VILLA FAUSTINI, AD BASSUM.

BAIANA nostri villa, Basse, Faustini,

Non otiosis ordinata myrtetis,

Viduaque platano, tonsilique buxeto

Ingrata lati spatia detinet campi:

O Basse, villa Baiana nostri Faustini non composita sterilibus myrtetis, et platano cœlibe, et buxeto tonsili occupat sterilia spatia agri ampli: sed gaudet rure

De Villa Faustini inscribitur in Junt. Colin. Gryph. &c.—11 Pulmannus:

NOTÆ

1 *Baiana villa*] Baiis prope Neapolim erat villa Faustini, quam a fructuum abundantia commendat Martialis, rus vero Bassi vituperat a sterilitate. Epig. 47. supra.

3 *Vidua platano*] Id est sterili, metaphora ducta a viduis fœminis quæ

liberos non pariunt.

Tonsili buxeto] Myrtetum et buxetum sunt loca myrtis et buxis sterilibus frequentia: buxus vero in varias, ut nunc, animalium et aliarum rerum figuras tondebatur.

Sed rure vero barbaroque lætatur. 5
 Hic farta premitur angulo Ceres omni,
 Et multa fragrat testa senibus autumnis.
 Hic post Novembres, imminente jam bruma,
 Seras putator horridus refert uvas.
 Truces in alta valle mugiunt tauri, 10
 Vitulusque inermi fronte prurit in pugnam.
 Vagatur omnis turba sordidæ cortis,
 Argutus anser, gemmeique pavones,
 Nomenque debet quæ rubentibus pennis,
 Et picta perdix, Numidicæque guttata, 15
 Et impiorum phasiana Colchorum.
 Rhodias superbi fœminas premunt galli;
 Sonantque turres plausibus columbarum.

vero, et ineleganti. Hic congestum frumentum coacervatur omni angulo, et plures amphoræ bene olent vino vetusto. Hic post Novembres, jam instante hyeme, incultus vinitor reportat uvas tardas; tauri truculenti mugiunt in profunda valle, et vitulus inermi fronte appetit prælium. Omnis turba cortis rusticæ errat, anser argutus, et pavones gemmei, et quæ habet nomen ab alis rubris, et perdix colorata, et Numidicæ guttata, et phasiana impiorum Colchorum. Galli superbi comprimunt fœminas Rhodias, et turres resonant plausibus columbarum. Palumbus ingemiscit

prurit ad pugnam.—12 Beverlandi Ms. cohortis, et sic correctum est in Juntina nostra.—17 Pulmannus: fœminas produnt galli.—20 Rob. Titius Loc.

NOTÆ

5 *Sed rure vero barbaroque*] Hoc est, fertili, nec arboribus sibi invicem respondentibus ornato.

6 *Ceres*] Cererem frumenti Deam pro frumento ipso posuit.

7 *Senibus autumnis*] Vinum intellige a multis annis reconditum; autumnum usurpat pro fructibus autumnii, et quidem præcipuis, vino nimirum.

9 *Seras putator*] Uvas duracinas tarde maturescentes intellige, de quibus lib. I. Epig. 44. et lib. XIII. Epig. 22.

11 *Inermi fronte*] Sine cornibus. Idem de hædo dicit Horat. III. Od. 13. 'cui frons turgida cornibus Primis et Venerem et prælia destinat Frustra.'

13 *Argutus anser*] Hoc est, strepens.

Virgilius Ecloga IX. 'sed argutos inter strepere anser olores.'

Gemmeique pavones] Pavonum cauda gemmis varii coloris ornata videtur.

14 *Nomenque debet*] Phœnicopterum intellige, sic dictum ab alis rubris. Lib. XIII. Epig. 71. 'Dat mihi penna rubens nomen.'

15 *Numidicæque guttata*] Hoc est, gallinæ Africanæ, quarum plumæ maculis veluti guttis distinctæ. Lib. XIII. Epig. 73.

16 *Phasiana*] Avis nota, sic dicta a hasi Colchidis fluvio. *Colchorum* autem *impiorum* dixit propter scelus Medæ.

17 *Rhodias*] Gallinas intellige, aliis pretiosiores.

Gemit hinc palumbus, inde cereus turtur.
 Avidi sequuntur villicæ sinum porci ; 20
 Matremque plenam mollis agnus expectat.
 Cingunt serenum lactei focum vernæ,
 Et larga festos lucet ad Lares sylva.
 Non segnis albo pallet otio caupo :
 Nec perdit oleum lubricus palæstrita : 25
 Sed tendit avidis rete subdolum turdis ;
 Tremulave captum linea trahit piscem,
 Aut impeditam cassibus refert damam.
 Exercet hilares facilis hortus urbanos,
 Et pædagogo non jubente lascivi 30

ex hac parte, ex illa turtur cereus. Porci cupidi sectantur gremium villicæ, atque agnus tener præstolatur matri abundanti lacte. Servuli candidi circumdant caminum lucidum, et ligna copiosa splendent ad Lares solennes. Non otiosus caupo exalbescit pallida inertia: nec lubricus palæstrita amittit oleum: ut tendit plagas fallaces cupidis turdis, vel filo tremente trahit piscem captum, aut reportat damam implicitam plagis. Hortus facilis præbet umbras amœnas, nec imperante præceptore

Controv. lib. II. cap. 12. olim emendaverat: *villicæ sonum porci*.—22 Calderinus legit *lutei*, i. e. sordidi infantes. Vide lib. I. Epigr. 50. Codex Farnabii habet: *Cinguntque circum lutei focum vernæ*.—29 *Exercet hilare facilis hortus umbras* in Junt. an. 1512. *Exercet hilares facilis hortus umbras* in Colin. an. 1528. *facilis hortus umbellas* Langius, Junins, &c. *facilis hortus arcus umbras* legunt alii. At ego, inquit Musambert. si quis conjecturæ locus est, dixerim fuisse a Valerii manu: *Exercet hilares facilis hortus ancillas*.—30 Hadrian de Valois ad Juven. Sat. IX. 130. legit: *non vidente lascivi Patere gaudent*, &c. 'Video' et 'jubeo' sæpe permutantur ut ap. Propert. II. 26. 51. Valesii Notæ in Juvenalem nuper Parisiis repertæ sunt, et in lucem productæ a

NOTÆ

19 *Cereus turtur*] A pinguedine quæ pallidum colorem ceræ similem efficit. Alii colorem illum cereum ad plumas referunt.

20 *Villicæ sinum*] In quo villica fert pastum. Legunt alii *sonum*: suculi enim villicæ vocem eos ad pastum vocantis agnoscunt, et sequuntur.

23 *Ad Lares*] Deos domesticos, qui ad focum colebantur. Lib. I. Epigr. 50.

24 *Non segnis albo*] Caupo exercebatur aucupio et piscatu: in villa viatorum gratia constituebatur caupona.

25 *Nec perdit oleum*] Ungebantur oleo, qui in palæstra erant luctaturi: hic palæstrita cum rure non luctaretur, oleo non utebatur, sed venatione et aucupio se exercebat ut caupo. Oleum vero et operam perdere dicitur, qui male tempus insumit: hoc loco significat Poëta, nec palæstritam nec cauponem fuisse otiosos.

29 *Exercet urbanos* [*umbellas*] Hoc est, præbet umbras. Alii legunt, *exercet urbanos*, hoc est, occupat eos qui ex urbe in villam venerunt. Alii legunt *exercet ancillas*, ut ostendat

Parere gaudent villico capillati ;
 Et delicatus opere fruitur eunuchus.
 Nec venit inanis rusticus salutator :
 Fert ille ceris cana cum suis mella,
 Metamque lactis : Sassinate de sylva 35
 Somniculosos ille porrigit glires ;
 Hic vagientem matris hispidæ foetum ;
 Alius coactos non amare capones.
 Et dona matrum vimineo ferunt texto
 Grandes proborum virgines colonorum. 40
 Facto vocatur lætus opere vicinus,
 Nec avara servat crastinas dapes mensa ;
 Vescuntur omnes, ebrioque non novit
 Satur minister invidere convivæ.

lascivi capillati lætantur obsequi villico, et mollis eunuchus vacat labori: nec accedit agrestis salutator vacuis manibus. Ille portat cana mella cum suis ceris, et metam lactis de sylva Sassinate. Ille offert somniculosos glires, hic vagientem partum matris villosæ, alius capones coactos non amare. Atque adultæ puellæ bonorum colonorum canistro portant munera matrum. Peracto labore hilaris vicinus invitatur, nec avara mensa servat cibos in crastinum convivium; cuncti epulantur, et saturatus ser-

viro doctissimo N. L. Achaintre.—33 *Non venit inanis* vetus codex Ramiresii.—35 Alii contendunt legendum esse, *Sarsinate*.—36 *Somniculos* Beverlandi Ms.—38 *Alius coactus* Junt. an. 1512.—39 *Et ova matrum* in quibusdam. Calderinus legit, *vimine ferunt texto*: Scriverius *vimine offerunt texto*, vel *afferunt*.

NOTÆ

Poëta totam Faustini familiam vacare alicui operi. Judicet lector.

Facilis hortus] Qui facile, et nullo fere labore colitur; rure enim vero et barbaro lætabatur illa villa.

31 *Capillati*] Pueri scilicet comam alentes, qui domino in deliciis erant, uni pædagogō parebant, alios servos dicteriis lacessebant. Laudat Poëta hanc villam ubi lascivi illi pueri, non cogente pædagogo, ultro obtemperabant villico: vel intellige filios ipsius villici, cui sua sponte obtemperabant.

33 *Nec venit inanis*] Sed affert munera, quæ sequuntur.

35 *Metamque lactis*] Caseum intellige, ut lib. I. Epig. 44.

Sssinate de sylva] Baiis vicina, ut videtur. Legunt alii *Sarsinate*. Sarsina vero Umbriæ urbs, Plauti patria: sed longe distat a Baiis. Videat lector.

37 *Matris hispidæ foetum*] Hoc est, hædillum, qui vagitu suo matrem abesse queritur.

38 *Coactos non amare*] Quia sunt castrati.

39 *Et dona matrum*] Agricolarum filia a matribus suis afferunt munera. Legunt alii, *et ova matrum*, hoc est, gallinarum. Lib. VII. Epig. 30. 'Raucæ cortis aves, et ova matrum.'

44 *Satur minister*] Cum enim in crastinum convivium non serventur

At tu sub urbe possides famem mundam. 45
 Et turre ab alta prospicis meras laurus,
 Furem Priapo non timente securus.
 Et vinitorem farre pascis urbano,
 Pictamque portas otiosus ad villam
 Olus, ova, pullos, poma, caseum, mustum. 50
 Rus hoc vocari debet, an domus longe?

rus nescit invidere temulento convivæ. At tu sub urbe possides famem elegantem, atque ab alta turre spectas tantum lauros, et tutus es Priapo non metuente furem, atque alis vinitorem frumento allato ex urbe, atque ad villam pictam feriatu fers olus, ova, pullos, poma, caseum, mustum. Hocne rus debet appellari, an domus procul?

//////////

Beverlandi Ms. exhibet *cisto* pro *texto*.—46 Pulmannus, *prospicis moros, laurus*, improbante Ramiresio.—51 Junius legendum existimabat, *an domus longa*, refragantibus libris, et improbante Herald.

NOTÆ

cibi, saturantur servi nec invident convivis, quod secus fit in urbe.

45 *Possides famem mundam*] Jam alloquitur Bassum, cujus amœna quidem erat villa, sed sterilis.

46 *Meras laurus*] Ex quibus nullus fructus percipitur.

47 *Priapo non timente*] Hortorum custode, qui fures quidem non metuebat, cum illic nulli essent fructus.

49 *Pictamque*] Sterilem, sed visu amœnam, qualis in tabella exprimi solet. Epig. 47. supra.

LIX.

DE SUTORE ET FULLONE.

SUTOR cerdo dedit tibi, culta Bononia, munus.
 Fullo dedit Mutinæ: nunc ubi caupo dabit?

O polita Bononia, sutor cerdo tibi exhibuit spectaculum: fullo exhibuit Mutinæ: O caupo, ubi nunc exhibebis?

//////////

2 In edd. vett. Ald. Junt. Colin. &c. sine interrogatione legitur: *nunc tibi copo dabit*. Junius, Laugius, Pulmannus, Ed. Delph. alii legunt: *nunc tibi caupo dabis?* et sic in margine Juntinæ nostræ.

NOTÆ

1 *Sutor cerdo*] Indignatur Poëta, quod vilissimi etiam homines edant munera gladiatoria, cum id olim non nisi clarioribus viris liceret. Est autem cerdo is qui ex quacumque arte

lucrum facit, unde sutor cerdo qui ex sutrina, cerdo tonsor ex tonstrina, &c. Bononia vero et Mutina, hodie Bologna et Modena. Epig. 16. supra.

LX.

IN PONTICUM.

CUM vocor ad cœnam, non jam venalis, ut ante,

Cur mihi non eadem, quæ tibi, cœna datur?

Ostrea tu sumis stagno saturata Lucrino :

Sumitur inciso mytilus ore mihi.

Sunt tibi boleti : fungos ego sumo suillos. 5

Res tibi cum rhombo est : at mihi cum sparulo.

Cereus immodicis turtur te clunibus implet :

Ponitur in cavea mortua pica mihi.

Cur sine te cœno, cum tecum, Pontice, cœnem ?

Sportula quod non est, prosit : edamus idem. 10

Cum invitor ad cœnam, non jam venalis ut prius, quare non iidem cibi mihi apponuntur qui tibi? Tu accipis ostrea nutrita in lacu Lucrino : ego sugo mytilum ore scisso. Tu habes boletos ; ego accipio fungos porcinos. Tu sumis rhombum, ego vero sparulum. Aureus turtur te saturat clunibus latis : pica mortua in cavea apponitur mihi. O Pontice, cum tecum cœnem, quare cœno sine te? Proficiat mihi, sublata esse sportulam : comedamus idem.

1 Ald. Junt. Colin. Gryph. Junian. Lang. &c. *non tam venalis.*—4 *Sugitur Pulmannus, Junius, Delph. alii, mytilus ore mihi* codex Thuan. *myrtilis ore mihi* codex Vat.—5 Alii legunt: *fungos ego sumo pusillos*; et sic in Beverlandi Ms.—7 *Aureus* in Junt. quæ margini etiam ascriptum habet *Cereus.*—10 *Sportula quæ non est* Beverlandi Ms. *Sportula quod non sit* conj. Ramiresius.

NOTÆ

1 *Non jam venalis*] Alii *non tam.* De sportulis sublatis, et cœna recta a Domitiano revocata, vide Epig. 7. supra. Edicto Domitiani fraudem fieri conqueritur Martialis, cum Ponticus rectam quidem cœnam daret, sed non meliorem sportula.

3 *Stagno saturata*] Ostreis optimi saporis abundabat lacus Lucrinus in Campania, hodie *Lago Licola* vel *Mare morto.*

4 *Sumitur* [*Sugitur*] *inciso*] Ego vero, inquit Poëta, mytilum sugo, sed illius testa tam dura est, ut mihi sugenti labra scindat. Legunt alii, *Sumitur.*

5 *Sumo suillos*] Boleti optimi sunt saporis, fungos vero per contemptum suillos vocat.

6 *Cum rhombo*] Qui piscis est exquisitus, sparulus autem vilissimus.

7 *Cereus* [*Aureus*] Alii *Cereus* ut Epig. 58. supra. Aureum vocat a colore pinguedinis.

8 *In cavea mortua pica*] Cavea hic significat septum in quo aves et bestiæ includuntur: alias locus est ubi populus sedens ludos spectabat.

9 *Cum sine te*] Tecum, sine te, cœno, quia non eosdem cibos comedimus.

10 *Sportula quod non est*] Sublata a Domitiano.

LXI.

IN CINNAM.

ESSE nihil dicis, quicquid petis, improbe Cinna :
Si nil Cinna petis ; nil tibi, Cinna, nego.

O Cinna nequam, ais nihil esse quicquid postulas : o Cinna, si nihil postulas, nihil recuso tibi, o Cinna.

In hujus Epigrammatis lectione nihil variant aut libri manu scripti, aut typis impressi.

NOTÆ

1 *Esse nihil*] Sic lepide omnia importuno Cinnæ negat Poëta.

LXII.

IN QUINTUM.

CENTENIS quod emis pueros, et sæpe ducenis :

Quod sub rege Numa condita vina bibis :

Quod constat decies tibi non spatiosa supellex :

Libra quod argenti millia quinque rapit :

Aurea quod fundi pretio carruca paratur :

5

Quod pluris mula est, quam domus emta tibi :

Hæc animo credis magno te, Quinte, parare ?

Falleris : hæc animus, Quinte, pusillus emit.

Quod mercaris servos centenis, et sæpe ducentis : quod potas vina recondita sub rege Numa : quod emis decies supellectilem non pulchram : quod libra argenti constat quinque millibus : quod aureus currus emitur pretio fundi : quod nemo pluris mercatus est ædes quam tu : O Quinte, putasne te hæc emere animo magno ? Hallucinaris, o Quinte, abjectus animus hæc mercatur.

3 Edd. vett. *speciosa* : Calderini vet. cod. *spaciosa*. Lipsius legit *spatiosa*.—
4 *Mula quod argenti* Junt. in margine.—6 *Quod pluris nulla est* in edd. vett. alii legunt, *nulli est*.

NOTÆ

1 *Centenis*] Millibus sestertium.

2 *Sub rege Numa*] Hyperbolicôs significat vinum vetustissimum.

3 *Non spatiosa [speciosa]* Alii *non spatiosa*, id est, quæ non occuparet multum spatii : sed pretiosa esset, ita ut una argenti libra affabre cælata quinque millibus constaret.

5 *Aurea carruca*] Currum inauratum intellige, qui tanti constaret quanti fundus.

6 *Quod pluris mula [nulli] est*] Alii *Quod pluris mula est*. Videtur hæc lectio melior : quæ enim pretio carrucæ, eadem pretio mulæ accommodatur hyperbole.

7 *Hæc animo*] Qui tantas impensas facit in rebus tam pusillis, non magno sed pusillo est animo : habendus autem magnanimus ille, qui pecuniam pauperibus amicis largitur.

LXIII.

IN COTILUM.

COTILE, bellus homo es: dicunt hoc, Cotile, multi.

Audio: sed quid sit, dic mihi, bellus homo?

Bellus homo est, flexos qui digerit ordine crines:

Balsama qui semper, cinnama semper olet:

Cantica qui Nili, qui Gaditana susurrat: 5

Qui movet in varios brachia vulsa modos:

Inter foemineas tota qui luce cathedras

Desidet, atque aliqua semper in aure sonat:

Qui legit hinc illinc missas, scribitque tabellas:

Pallia vicini qui refugit cubiti: 10

Qui scit, quam quis amet, qui per convivia currit:

Hirpini veteres qui bene novit avos.

O Cotile, homo es bellus: o Cotile, multi id loquuntur: audio: at doce me, quid sit homo bellus? bellus homo est, qui ordine distinguit capillos flexos: qui perpetuo fragrat balsamis, perpetuo cinnamis: qui susurrat cantilenas Ægyptias et Gaditanas: qui versat depilata brachia in diversos modos: qui die integro torpet inter sellas mulierum, et perpetuo susurrat in aure alicujus: qui legit tabellas missas hinc et illinc, et scribit: qui vitat pallia propinqui cubiti: qui novit, quam quis depereat, qui currit per convivia: qui recte tenet avos antiquos Hirpini. Quid ais? hoc est,

2 Beverlandi Ms. *sed quid sit, Cottile, bellus homo?*—3 Alii legunt *flexo qui*, improbante Ramiresio.—5 *Cantica qui Nili qui et Beverlandi Ms.*—6 In codd. et edd. vett. *volsa*. Beverlandi Ms. pro *modos* exhibet *choros*.—9 In quibusdam libris: *recipitque tabellas*.—14 *Res petricosa* in ed. antiq. Ferrar. an.

NOTÆ

1 *Cotile, bellus homo*] Docet Poëta bellum hominem mollem et effœminatum esse. Cotilus vero se bellum prædicabat, ratus τὸ bellus referri tantum ad corporis formam, non ad mores.

3 *Flexos [flexo] qui*] Alii *flexos*. Ex persona Cotili hominem bellum definit Poëta.

4 *Balsama qui*] Effœminatorum est semper unguentis alienis bene olere.

5 *Cantica qui Nili*] Nilus fluvius Ægypti, quem usurpat pro Ægypto. Cantilenæ vero Ægyptiæ et Gaditanæ choreis atque impudicis motibus accommodatæ. Gaditani populi

Hispaniæ, hodie Cadis. Epigr. 42. vs. 12. et lib. I. Epigr. 62.

6 *Brachia vulsa*] Alii *volsa*. Vide lib. II. Epigr. 29.

9 *Scribitque tabellas*] Amatorias nempe.

10 *Pallia vicini*] Ne proxime sedens, aut in convivio accumbens, inquinet vestes ejus elegantiores. Vide lib. II. Epigr. 41. 10.

12 *Hirpini veteres*] Hirpinus equus nobilis multas in circo palmas retulerat, cujus meminit Juvenalis Sat. VIII. vs. 61. Bellus itaque homo amat circum, et equos victores, quorum stemma studiose recenset.

Quid narras? hoc est, hoc est homo, Cotile, bellus?
Res prætriosa est, Cotile, bellus homo.

o Cotile, hoc est homo bellus? O Cotile, homo bellus res est petricosa.

1471. Ald. an. 1501. Junt. 1512. Colin. 1528. Ald. 1550. Gryph. &c. *pertriosa* in quibusdam aliis.

NOTÆ

13 *Quid narras*] Belli hominis definitionem miratur Poëta. *triosa est.* Trica est impedimentum tenue quidem, sed molestum: hoc

14 *Res prætriosa* [*petricosa*] Id est, salebris et petris impedita: *Metaphorikōs* loquitur. Legunt alii *per-* totus est occupatus.

LXIV.

AD CASSIANUM.

SIRENAS hilarem navigantium pœnam,
Blandasque mortes, gaudiumque crudele,
Quas nemo quondam deserebat auditas,
Fallax Ulysses dicitur reliquisse.
Non miror: illud, Cassiane, mirarer, 5
Si fabulantem Canium reliquisset.

Fraudulentus Ulysses fertur deseruisse Sirenas, suave exitium navigantium, et jucundum interitum, et sævam lætitiã, quas auditas olim nullus relinquebat. Non miror, o Cassiane: id mirarer, si deseruisset Canium fabulantem.

1 *Sirenas hilares navigantium moras* in codice Pulmanni.—4 *Duplex Ulysses* Junt. nostra in margine. Homero, πολύμητις Ὀδυσσεύς.

NOTÆ

1 *Sirenas hilarem*] Nota Sirenum fabula, quæ littus Siculum incolentes suavitate cantus nautas præternavigantes in naufragium pellicere solebant: unde Poëta illas vocat 'hilarem navigantium pœnam.' Legunt alii, *hilares navigantium moras.*

4 *Fallax Ulysses*] Ut Sirenas fuge-

Delph. et Var. Clas.

ret, navis malo alligari se jussit. Homerus Odyss. M.

6 *Si fabulantem Canium*] Fuit ille Poëta Gaditanus, de quo lib. I. Epig. 62. et 70. qui lascivis suis et ridiculis versibus vel ipsum Ulyssem morari potuisset.

Martial.

R

LXV.

AD DIADUMENUM.

QUOD spirat tenera malum mordente puella :

Quod de Corycio quæ venit aura croco :

Vinea quod primis floret cum cana racemis :

Gramina quod redolent, quæ modo carpsit ovis :

Quod myrtus, quod messor Arabs, quod succina trita : 5

Pallidus Eoo thure quod ignis olet :

Gleba quod æstivo leviter cum spargitur imbre :

Quod madidis nardo sparsa corona comis :

Hoc tua, sæve puer Diadumene, basia fragrant.

Quid, si tota dares illa sine invidia ?

10

Quod redolet pomum mordente tenera virgine: quod aura, quam exhalat Corycius crocus: quod vitis cum floret alba primis uvis: quod spirant gramina, quæ paulo ante delibavit ovis: quod fragrat myrtus, quod messor Arabs, quod electra attrectata: quod spirat pallida flamma ab Orientis thure: quod cespes cum tenuiter perfunditur æstiva pluvia: quod corona cujus comæ sunt perfusæ nardo: o Diadumene puer acerbe, id spirant tua oscula. Quid si libares illa integra sine malevolentia?

2 *Quod de Corycio* pervenit in codice Thuan. et Beverlandi Ms.—4 Multi codd. inquit Calderinus, habent *quæ modo carpsit apis*, ut de thymo intelligatur: hoc etiam habent codd. Scriverii, et sic conj. Barthius, probante Gronovio. Nonnulli exhibent, *quæ modo carpsit avis*, ut de Phœnice possis intelligere, quæ nidos construit ex cinnamomo et cassia. Nostram lectionem testantur edd. vett. Vide Var. Notas.—8 Scriverius legit, *madidas nardo sparsa corona comas*, quod servant etiam edd. vett. *passa* pro *sparsa* codex Thuan.—9 *Hoc tua sæva* Junt. 1512. et Colin. 1528.—10 *Quod si* Beverlandi Ms.

NOTÆ

2 *Quod de Corycio*] Corycus mons Ciliciæ, qui bene olenti croco abundabat, Spect. Epig. 3. lib. ix. Epig. 39. et lib. xi. Epig. 9.

4 *Ovis*] Alii *apis*, quæ suavissimi odoris herbas sugit, quibus odorem mellis inspirat, et brevi contactu vim sui relinquit, teste Quintiliano Declam. XIII.

5 *Quod messor Arabs*] In Arabia Felici fiebat messis herbarum bene olentium, unde messorum gratissimum spirabant odorem.

Quod succina] Tritum manibus electrum bene olet. Lib. v. Epig. 38.

6 *Pallidus Eoo*] Igneus color immisso thure fit pallidus.

8 *Sparsa corona*] Hellenismus est, pro sparsis comis: comæ vero hic sumuntur pro ramusculis florum, ex quibus componitur corona.

9 *Diadumene*] Juvenem quendam egregiæ formæ intellige: hæc de puella convenientius dixisset Poëta.

10 *Sine invidia*] Id est, sine repugnantia, sed libenti animo.

LXVI.

IN M. ANTONIUM.

PAR scelus admisit Phariis Antonius armis ;

Abscidit vultus ensis uterque sacros.

Illud, laurigeros ageres cum læta triumphos ;

Hoc tibi, Roma, caput, cum loquereris, erat.

Antonî tamen est pejor, quam causa Pothini :

5

Hic facinus domino præstitit ; ille sibi.

Antonius fecit flagitium simile armis Ægyptiis : uterque gladius amputavit sacra capita. O Roma, tu habebas illud caput cum hilaris reportares triumphos laureatos ; hoc autem cum verba faceres. Nihilominus Antonii ratio deterior est quam Pothini : hic admisit scelus domino, ille sibi.

Hoc Epigramma translatum fuit a quodam olim philologo ; et insertum quibusdam aliis scriptis ejusdem generis, quod satis liquet ex veterum Epig. Volumine quod Pithæus edidit : ubi hæc inscriptio, ' Valeriani de Antonio.' Sed loco ultimi distichi hoc substituitur : *Quid prosunt sacræ pretiosa silentia linguæ, Incipient omnes pro Cicerone loqui.* Vide Senecam. Rhet. et vetusta Cic. Epitaphia apud eundem Pithæum.—1 Pro Phariis Beverlandi Ms. habet *pactis* : hæc verba permutantur etiam in Juvenale Sat. iv. 24. Vide Marklandi Epist. Crit. p. 152.—2 *Abscidit heu vultus* conj. Dousa P. probante Pulmanno : citra necessitatem ; nam *Abscidit* venit a 'cædo.' 'Illa comam læva morienti abscidit ephebo.' Lucan.—3 Beverlandi Ms. *ageres cum Roma triumphos.*

NOTÆ

1 *Par scelus*] Antonius triumvir Ciceronem interfici jussit, cujus facinus confert Poëta cum scelere Pothini Ægyptii, qui Pompeium magnum interficiendum Ptolemæo suasit. Vide lib. v. Epig. 70.

2 *Abscidit vultus*] Alii *abscidit heu vultus.*

3 *Illud laurigeros*] Pompeio dnce triumphavit Roma, et Cicerone ora-

tore diserta habita est.

6 *Hic facinus domino*] Pothinus in gratiam Cæsaris regi Ptolemæo suasit ut Pompeium interfici juberet, Ciceronem vero occidi jussit Antonius, ut animi sui crudelitatem expleret : ergo gravius est Antonii scelus, quam Pothini. Pompeii et Ciceronis historia passim obvia est.

LXVII.

DE PIGRIS NAUTIS.

CESSATIS, pueri, nihilque nostis,

Vatreno Eridanoque pigriores :

O pueri, conquiescitis, nihilque progressi estis : segniores Vatreno atque Eri-

1 Hic versus varie legitur : Pulmannus scribi jussit : *Cessatis pueri, nihilque*

Quorum per vada tarda navigantes,
 Lentos tingitis ad celeusma remos.
 Jam prono Phaëthonte sudat Æthon, 5
 Exarsitque dies, et hora lassos
 Interjungit equos meridiana.
 At vos tam placidas vagi per undas
 Tuta luditis otium carina.
 Non nautas puto vos, sed Argonautas. 10

dano, per vada quorum tarda navigantes figitis remos lentos ad celeusma. Æthon sudat inclinato jam Phaëthonte, et dies inflammatus est, et meridies solvit equos defatigatos. Sed vos incerti per aquas adeo tranquillās abutimini otio in nave secūra. Ego non existimo vos nautas, at Argonautas.

môstis Veientone asinoque; sed hæc est emendatio Lipsii, quam probat Turneb. lib. XIII. cap. 19. et recepit Scriverius. Pontanus in notis ad Macrobii Saturn. cap. 16. emendat pôstis pro 'potestis.' Farnabius, si quid mutandum, adoptaret: Cessatis pueri, et nihil movetis. Ant. de Rooy malit: Cessatis, pueri, nihilque motis, &c. ut τὸ motis referatur ad fluvios, qui sequuntur, hoc sensu: Cessatis, pueri, et pigriores Vatreno Eridanoque nihil motis a vobis, (acri sc. ut oportebat, remorum impulsione,) tingitis lentos ad celeusma remos. Vide Lucan. v. 448. et Ovid. Am. II. 11. 5. 'Pellere' in eadem re utitur idem Ovid. Pont. IV. 10. 33. et Tibull. II. 5. 34. ubi vide Broukh.—2 Vatreno, Ratinaque Beverlandi Ms. Vatreno Rasinaque Gruterus ex codice Palatino. Veterno resinaque Ald. Junt. Colin. Gryph. Junian. Lang. Ramires. Calderinus, &c. Vide G. Vossii Aristarchum p. 300. l. 2. et Var. Notas. remoraque pigriores ex Pnlmanni editione citat Langius. Lectio nostra debetur Cluverio in Ital. Antiq.—3 Quorsum per vada Ramiresius.—4 Lentos fingitis Beverlandi Ms. figitis in edd. vett. quasi fixos tenetis, non movetis.—6 Beverlandi Ms. lapsos.—9 Tutæ luditis otium carinæ legit Scriverius. Tarde luditis alii. Vide Gronovium in Var. Notis.

NOTÆ

1 *Nihilque nostis* [môstis] Legunt alii *nostis*, alii *pôstis*.

2 *Vatreno*] Vatrenus amnis apud Plinium, qui forum Cornelii, hodie *Imola*, alluit. Leander eum *Santerno* hodie vocat: Vatrenus est apud Martialem, inquit Ortelius citans hoc Epigramma: Vatrenus, et Vatrenus promiscue dicit Ferrarius. Poëta ait hos nautas tardius navigare, quam laberentur isti amnes, quorum cursus erat lentissimus. Illuc vero secesserat Martialis, ut ipse testatur Epig. 1. et 4. supra. Legunt alii *Veterno resinaque*. Alii *Veterno, remoraque*. Per hos amnes forte navigabat Poëta. Cluverius in Italia Antiqua lib. I. cap. 35. restituit hunc versum, cujus lec-

tionem secuti sumus: Vatrenum enim lentissime fluere affirmat, ut et Padum, quem Vatreno auctum proprie Eridanum vocari existimat. Alii legunt *Vatreno, Sapique pigriores*. Sapis autem fluvius est Æmiliæ ex monte Apennino supra Sarsinam oriens, &c. *Ferrarius*.

4 *Lentos tingitis* [figitis] Alii *tingitis*. *Celeusma* fit a κελεύω, *jubeo*: est autem hortamentum quo remiges ad navigandum incitantur.

5 *Æthon*] Equus solis defatigatus, Sole jam vergente ad occasum.

7 *Interjungit equos*] Hoc est, solvit a jugo quietis causa. De hoc verbo dictum lib. II. Epig. 6.

9 *Tuta luditis*] Hoc est, abutimini

NOTÆ

otio, velut portum jam ingressa navi
et secura.

10 *Sed Argonautas*] Ludit in hoc
verbo: Argonautæ fuerunt Heroës
fortissimi Jason, Theseus, Hercules,

et alii; hi vero pueri erant Argo-
nautæ, hoc est, nautæ inertes et de-
sidiosi, composito nomine ab ἀργός,
piger, et ναύτης, nauta.

LXVIII.

AD MATRONAM PUDICAM.

Huc est usque tibi scriptus, matrona, libellus.

Cui sint scripta rogas interiora? mihi.

Gymnasium, thermæ, stadium est hac parte: recede.

Exuimur: nudos parce videre viros.

Hic jam deposito post vina rosasque pudore,

5

Quid dicat, nescit saucia Terpsichore.

Schemate nec dubio, sed aperte nominat illam,

Quam recipit sexto mense superba Venus:

Custodem medio statuit quam villicus horto;

Opposita spectat quam proba virgo manu.

10

O matrona, hactenus compositus est liber pro te. Quarisne pro quo composita sint subsequencia? pro me. Hac parte gymnasium est, thermæ, stadium; abi. Denudamur: fuge conspectum nudorum virorum. Inde abjecta jam verecundia, post merum et rosas ebria Terpsichore ignorat quid proferat. Figura non ambigua, sed plane nuncupat illam, quam sexto mense excipit Venus arrogans: quam custodem ponit villicus in medio horto; quam objecta manu aspicit casta puella. Si

Ad Matronas inscribitur in edd. vett.—2 Beverlandi Ms. inferiora.—3 In quibusdam: stadium est ex parte.—4 Junt. an. 1512. habet: nudos parte videre viros. Pulmanni cod. videre mares.—6 Quid dicas in quibusdam vett. Quid dicat vet. cod. Cagnerii.—7 Schemate non dubio, per te cognoverat illam in eodem codice.—8 Junt. nostra margini ascriptum habet: Quam recipit sexto mense

NOTÆ

2 *Interiora*] Id est, subsequencia; ducta metaphora a domo, cujus interiores partes dicuntur, quæ a primo limine sunt remotiores: dicit autem Poëta hujus libri Epigrammata lucusque scripta esse matronis pudicis: quæ vero subsequuntur lasciva prorsus, et castis auribus aliena.

3 *Gymnasium, thermæ*] In iis locis viri denudabantur.

Hac parte] Alii *ex parte*.

4 *Videre viros*] Alii *mares*.

6 *Saucia Terpsichore*] Musam hanc

nominavit, quia præest choreis et voluptatibus, quibus deinceps indulgebit Poëta.

8 *Quam recipit sexto*] Intelligit Priapum, quem mense sextili, hoc est, Augusto, qui sextus est a mense Martio, a quo annum incipiebant veteres, matronæ ferebant ad Veneris templum, atque illum in illius sinu deponebant.

9 *Custodem medio*] Notum est Priapum custodire hortos.

Si bene te novi; longum jam lassa libellum
Ponebas: totum nunc studiosa leges.

bene te novi, jam defatigata abjiciebas longum librum: nunc cupida evolvis integrum.

proterva Venus.—10 Beverlandi Ms. proca virgo.—12 Cod. Thuan. tantum nunc studiosa leges. Edd. vett. pro leges habent legis.

NOTÆ

12 *Studiosa leges*] Res enim ob quam honestæ. Legunt alii *legis*. scœnæ plerumque magis placent,

LXIX.

AD COSCONIUM.

OMNIA quod scribis castis Epigrammata verbis,
Inque tuis nulla est mentula carminibus;
Admiror: laudo: nihil est te sanctius uno:
At mea luxuria pagina nulla vacat.
Hæc igitur juvenes nequam facilesque puellæ, 5
Hæc senior, sed quem torquet amica, legat.
At tua, Cosconi, venerandaque sanctaque verba
A pueris debent virginibusque legi.

Admiror, probo, quod componis cuncta Epigrammata pudicis vocibus.... Nihil castius est te uno: sed nulla mea pagina expers est libidinis. Hæc ergo legant lascivi adolescentes et faciles virgines, hæc evolvat senior, at ille qui cruciatur ab amica: sed, o Cosconi, vocabula tua colenda et casta evolvenda sunt a pueris et puellis.

4 *At mea pruritu Juntina nostra in margine.*

NOTÆ

7 *At tua, Cosconi*] De quo jam dictum lib. II. Epig. 77. quem laudat Martialis ironikôs, cum dicat Epigrammata ejus, tanquam insulsa et sine acumine, legenda a simplicibus atque ab indoctis, quales sunt virgines et pueri.

LXX.

AD SCÆVINUM.

MÆCHUS es Aufidiæ, qui vir, Scævine, fuisti.
Rivalis fuerat qui tuus, ille vir est.

O *Cervine, qui fuisti maritus Aufidiæ, adulter es illius. Ille vero est ma-*

Cur aliena placet tibi, cui sua non placet uxor?

Numquid securus non potes arrigere?

ritus, quæ fuerat tuus rivalis. Cur amas alienam conjugem, quam non amas tuam?...

Ad Cervinum Ald. Junt. Colin. Gryph. Junian. Lang. &c. Ad Scævinum cod. Pulmanni.—1 Mæchus es Aufidie, quid vir Cervine fuisti in Junt. an. 1512. Mæchus es Aufidie, qui vir Cervine fuisti Ald. et Colin.—3 In iisdem: quæ tua non placet uxor.

NOTÆ

1 *Mæchus es Aufidiæ*] A Cervino deperibat Cervinus: vetita enim imper fastidium repudiata Aufidia probis magis placent, quam licita. nupsit suo mæcho, illam vero postea

LXXI.

IN NÆVOLUM.

MENTULA cum doleat puero, tibi, Nævole, culus:

Non sum divinus, sed scio quid facias.

2 Langius ex editione Pulmanni citat: *si scio quid facias.* In Junt. 1512. et Colin. 1528. cum interrogationis nota: *sed scio, quid facias?*

NOTÆ

1 *Cum doleat*] Nævolum pathicum *Ramir.*
insectatur, qui pædicabatur a servo. 2 *Quid facias*] Immo quid patiaris.

LXXII.

AD LAUFEIAM.

Vis futui, nec vis mecum, Laufeia, lavari.

Nescio quod magnum suspicor esse nefas.

Aut tibi pannosæ pendent a pectore mammæ:

Aut sulcos uteri prodere nuda times:

Aut infinito lacerum patet inguen hiatu:

5

Aut aliquid cunni prominet ore tui.

Ad Laufellam inscribitur in edd. vett. alii legunt, *Saufeiam*: alii *Lauferam*, vel *Laufelam*. Eadem est varietas in codd. Juvenalis Sat. vi. 320.—2 *Nescio quid* correctum est in Juntina nostra. *Nescio quod majus* in vett. codd. Pulmanni et Ramiresii.—3 Codex Pulmanni: *dependent pectore mammæ*.

NOTÆ

1 *Nec vis mecum*] Communia fuisse 2 *Nescio quod magnum*] Alii *majus*, viris cum fœminis balnea constat ut Epig. 42. supra. etiam ex Epig. 51. supra.

Sed nihil est horum: credo, pulcherrima nuda es.
Si verum est, vitium pejus habes: fatua es.

NOTÆ

8 *Fatua es*] Insulsa, nullo lepore meretricio instructa. Lib. xi. Epig. 61.

LXXIII.

IN PHŒBUM.

DORMIS cum pueris mutoniatis,
Et non stat tibi, Phœbe, quod stat illis.
Quid vis me, rogo, Phœbe, suspicari?
Mollem credere te virum volebam:
Sed rumor negat esse te cinædum. 5

In nonnullis codd. inscribitur: *In Gallum*. Alii codd. habent: *In Phœbum quendam*, et in Epig. vs. 2. *Et non stat tibi, Galle*.

NOTÆ

4 *Mollem*] Id est, cinædum. mutoniatis morem gerebat: spurcissimo ore pathicum forte intelligit.
Sed rumor] Fellatorem carpit, qui cum fœminis nequiret, pueris

LXXIV.

IN GARGILIANUM.

PSILOTHRO faciem lævas, et dropace calvam.
Numquid tonsorem, Gargiliane, times?

Psilothro depilas vultum, et calvam dropace. O Gargiliane, metuisne tonsorem?

1 *Psilothro faciemque lavas* in edd. vett. *Psilothro faciem lævas* Heraldus: nam psilothro non lavabatur facies, sed lævabatur. Cf. Auson. Epig. 123. *Psilothro faciemque levas* Ramires. Hinc lectio mendosa in ed. Bipont. *Psilothro faciemque lævas*. Dele τὸ que, et lege cum Schrevel. *faciem lævas*, quem omnino sequitur Editor Bipontinus. *et dropace culum* legit Musambert. quam

NOTÆ

1 *Faciem lævas*] Faciem depilas psilothro, quod erat unguentum evellendis pilis aptum, de quo Plinius lib. xxiv. cap. 9. 'Amerinæ nigræ semen cum spuma argenti pari pondere a balneo illitum, psilothrum est.' Vide etiam lib. xxii. cap. 1.
Et dropace] Est etiam unguentum, quod pilis evellendis inservit, de quo lib. x. epig. 65. Legunt alii, *psilothro faciemque lavas*.
2 *Numquid tonsorem*] Poëta irridet Gargilianum, qui pauper tonsorem timere non debuit ad exemplum Dionysii tyranni. Vel sic intellige: An adeo mollis es et timidus, ut novaculam experiri nequeas?

Quid facient ungues? nam certe non potes illos
Resina, Veneto nec resecare luto.

Desine, si pudor est, miseram traducere calvam: 5
Hoc fieri cunno, Gargiliane, solet.

quid fiet de unguibus? Nequis enim resecare illos resina, nec luto Veneto. Si verecundia est, omitte infelix notare infamia calvam.....

lectionem margini ascriptam exhibet etiam nos penes Junt. an. 1512.—3 *Quid facient ungues?* in margine ejusdem Junt. et sic emendavit Franciscus Modius Epist. 109. *Quid faciem tinguis?* Ferrar. an. 1471. Ald. Junt. Colin. Gryph. Junian. Pulmann. Lang. &c. *Quid faciunt ungues?* codex Herald; unde ille conj. *Quid facient unguis?*

NOTÆ

3 *Quid facient ungues*] Veteres solebant non solum barbam, sed et resecandos ungues tonsoribus præbere: hoc est, Saltem ad resecandos ungues ferro uti debes. Alii, *Quid faciem tingis?* minus bene.

4 *Veneto nec*] Mixta aceto terra ex Cypro advehebatur, quam vocabant

lutum Venetum, ex quo unguentum fiebat ad evellendos crines. Hæc ex interpretibus.

5 *Traducere*] De hoc verbo dictum lib. Spect. Epig. 4.

6 *Solet*] Alii *soles*. Sensus est: O Gargiliane, videris te componere ad fellandum, &c.

LXXV.

IN LUPERCUM.

STARE, Luperce, tibi jam pridem mentula desit:

Luctaris demens tu tamen arrigere.

Sed nihil erucæ faciunt, bulbique salaces;

Improba nec prosunt jam satureia tibi.

1 Pulmanni codex, *desit*.—5 *Cæpisti puras Opicus* Lipsius Epistolarum

NOTÆ

1 *Stare*] Irrisio est in Lupercum quendam jam enervem, qui ἀστυρία laborabat: ipse tamen omnem movebat lapidem ut posset. *Ramires*.

Desit] Desiit.

3 *Erucæ, &c.*] Erucam, bulbos, et satureiam, Venerem excitare notissimum est ex Medicis: erucam enim

alibi appellat salacem herbam, lib. x. Epig. 8.

4 *Improba nec, &c.*] Salax, Venerem improbam irritans. Βολβός, καὶ κοχλί-ας, καὶ ὠδὸν, καὶ τὰ ὅμοια, δοκεῖ σπέρματος εἶναι ποιητικά, ... διὰ τὸ ὁμοειδὲς ἔχειν τὰς πρώτας φύσεις, καὶ τὰς αὐτὰς δυνάμεις, κ.τ.λ. Athenæus lib. II. cap. 23.

Cœpisti puras opibus corrumpere buccas :

5

Sic quoque non vivit sollicitata Venus.

Mirari satis hoc quisquam, vel credere possit,

Quæ non stat, magno stare, Luperce, tibi?

lib. v. 6. quasi sit fell. Farnabio placet vulgata lectio, quam astruit in ultimo versu, *magno stare*.—8 Pro *Quæ* codex Palat. exhibet *Quod*.

NOTÆ

5 *Puras buccas*] Magno dicit constare Luperco, quod opibus corrumpat buccas puras puerorum, qui, nisi oblato summo pretio, non possent ad tantam allici turpitudinem. *Opibus corrumpere*] Tò *opibus* hujus ævi scriptoribus idem esse quod pecunia, jactura, largitione, monuimus in pecunia vetere. *Gronovius. Opibus, &c.*] Lipsius *Quæst. Epist. lib. v. Epist. 6.*

legit *Opicus*, quasi sit fellator. Præplacet vulgata lectio, quam astruit in ultimo versu, *magno stare*.

6 *Sic quoque non vivit*] Bene *vivit*, quod mortua membra communiter dicat jacentia. *Ramires.*

8 *Quæ, &c.*] Jocum quærit ab ambiguo τὸν *stare*: prius obscœnum significat, posterius ‘constare.’

LXXVI.

IN BASSUM.*

ARRIGIS ad vetulas, fastidis, Basse, puellas :

Nec formosa tibi, sed moritura placet.

Hic, rogo, non furor est, non est hæc mentula demens?

Cum possis Hecubam, non potes Andromachen.

3 In Junt. an. 1512. *non hæc m. demens?* contra metrum.

NOTÆ

* Notat Bassi in vetulas furorem, qui puellas fastidiebat; nec in vetulis forma, sed senectus hominem delectabat. *Ramires.*

2 *Moritura placet*] Capularis ani-

cula, et morti vicina.

4 *Possis*] Supra Epig. 31. *Hecubam*] Vetulam. *Andromachen*] Juniores.

LXXVII.

IN BÆTICUM.

NEC mullus, nec te delectat, Bætice, turdus :

Nec lepus est unquam, nec tibi gratus aper.

O *Bætice, nec mullus, nec turdus tibi placet: nec lepus unquam, nec aper tibi*

NOTÆ

1 *Nec mullus*] Irridet Bæticum, quod fastidiat bonos cibos, appetat putridos; atque ex hoc conjicit Poëta,

illum esse rebus turpibus addictum. Epig. 81. infra.

Nec te liba juvant, nec sectæ quadra placentæ :

Nec Libye mittit, nec tibi Phasis aves.

Capparin, et putri cepas halece natantes,

5

Et pulpam dubio de petasone voras.

Teque juvant gerres et pelle melandrya cana :

Resinata bibis vina, Falerna fugis.

Nescio quod stomachi vitium secretius esse

Suspignor : ut quid enim, Bætice, saprofagis?

10

jucundus est : nec liba tibi grata sunt, nec quadra placentæ divisæ : nec Africa, nec Phasis tibi mittit volucres. Liguris capparin, et cepas natantes putrida halece, et pulpam ancipitis petasonis. Et te delectant gerres, et melandrya pelle alba ; potas vina olentia resinam, respuis Falerna. Suspignor nescio quem occultiorem esse morbum stomachi : nam, o Bætice, quorsum comedis res putridas ?



4 *Nec Lybe mittit* in Junt. an. 1512.—5 *Capparis et turpis* Beverlandi Ms. ‘Miror, ulcus, quod hic versus habet, adhuc intactum. Quid enim cappari, quid cepis cum halece? Nullus dubito, quin a manu Hispani nostri sit : *Cammaron et putri mænas halece natantes*. Cammarus certe, sive Gammarus, vilior piscis, et tenuiorum cibus. Noster supra lib. II. Epig. 43. Et mænæ inter salsamenta numerantur infra lib. XII. Epig. 32. Vides ibi et gerres et mænæ, ut h. l. memorari. Ceterum consule Heins. ad Ovid. Fast. II. 578. ubi fuse de hisce plebeiorum ferculis disputat. Et ne quenquam offendat Græca terminatio in τῶ *Cammaron* ; sciat, huic sæpissime indulsisse Martialem. Sic, ut alias præteream, ‘cercopithecon’ dicit infra lib. VII. Epig. 86. ‘Cyllaron’ lib. VIII. Epig. 21. ‘Hippodromon’ lib. XII. Epig. 50. ‘Monaulon’ lib. XIV. Epig. 64. Plura pete a Vossio Analog. lib. II. cap. 7.’ *Ant. de Rooy*.—7 Edd. vett. habent, *melandria*.—10 Beverlandi Ms. *ut quid enim, Bætice, figis apros?* Græcis literis in quibusdam codd. scriptum est, σαπροφαγεῖς. Ramires de Prado emendavit, κοπροφαγεῖς, quod verbum est Galeni de Simpl. Medic. lib. x. cap. 1. significatque vorare stercus: ubi vide quæ dicit de Xenocrate. Duplicem lectionem exhibet nos penes Juntina margini ascriptam : *ecquid enim, Bætice, putre fugis?* et *ut quid enim, Bætice, turpe sugis*, metro, si nihil aliud, obstante. Si quid mutandum, forte: *ecquid enim, Bætice, turpe fugis?*

NOTÆ

3 *Nec sectæ quadra*] Dividebantur placentæ in partes quadratas. Lib. VI. Epig. 75. lib. IX. Epig. 92.

4 *Phasis*] Colchidos fluvius, unde phasiani mittebantur ; ex Africa quoque gallinæ Numidicæ dictæ mittebantur. Epig. 58. supra.

5 *Halece*] Alex vel halec, liquamen ex intestinis piscium ; capparis vero

Gallice *câpre*.

6 *Dubio de petasone*] Hoc est, cujus media pars jam fœtida est.

7 *Gerres*] Vilissimi pisces et odoris fœtidi.

Melandrya] Pars thyuni vilissima. Plinius lib. IX. cap. 15.

10 *Saprofagis*] Alii Græce scribunt σαπροφαγεῖς, hoc est, *putrida edis*.

LXXVIII.

AD PAULINUM.

MINXISTI currente semel, Pauline, carina.
Meiere vis iterum? jam Palinurus eris.

Q Pauline, nave currente minxisti. Placet rursus mingere? Jam fies Palinurus.

In hoc Epigrammate nulla est varietas in libris calamo exaratis aut prelo typographico excusis.

NOTÆ

2 *Jam Palinurus*] Gubernator navis Æneæ, notus ex Virgilio, qui somno oppressus, in mare lapsus periit. Poëta ludit in voce Paulini et Palinuri: *παλιν* significat *rursum*, *οὐρεῖν* vero *meiere*; ita ut Paulinus rursus

meiens evasurus sit Palinurus: sed simul alludit ad Palinuri casum, cui similem Paulino imminere conjicit, si dum magno impetu fertur navis, in aquam exoneraverit vesicam.

LXXIX.

AD SERTORIUM.

REM peragit nullam Sertorius, inchoat omnes.
Hunc ego, cum futuit, non puto perficere.

Et hic nihil variant aut membranæ aut exemplaria impressa.

NOTÆ

2 *Perficere*] Festive Sertorium irridet, qui cum omnia inchoaret, nihil tamen perficiebat, &c. Lib. I. Epig. 47.

LXXX.

AD APICIUM.

DE nullo quereris, nulli maledicis, Apici:
Rumor ait, linguæ te tamen esse malæ.

Neque in hoc Epigrammate quicquam variant scripti aut impressi libri.

NOTÆ

1 *Maledicis*] Lib. II. Epig. 61.

2 *Rumor ait, &c.*] Lib. II. Epig. 72. vs. 1.

Linguæ malæ] Ad quod allusit Minutius Felix in Oct. 'Apud quos tota

impudicitia vocatur urbanitas: qui medios viros lambunt, &c. homines malæ linguæ, etiamsi tacerent.' Sic *κακή γλῶσσα* Græcis, maledica. *Heraldus*.

LXXXI.

IN BÆTICUM.

QUID cum foemineo tibi, Bætice Galle, barathro ?

Hæc debet medios lambere lingua viros.

Abscissa est quare Samia tibi mentula testa,

Si tibi tam gratus, Bætice, cunnus erat ?

Castrandum caput est: nam sis licet inguine Gallus, 5

Sacra tamen Cybeles decipis: ore vir es.

3 *Abscissa est quare* margini ascriptum habet nos penes Juntina.—6 Hic versus male interpungitur in omnibus fere edd. vett. *Sacra tamen Cybeles decipis ore, vir es.*

NOTÆ

1 *Quid*] Insectatur Bæticum, de quo Epig. 77. supra.

Galle] Qui sacerdos es Cybeles eviratus. *Barathro*] Αἰδοίω.

2 *Medios, &c.*] Lib. II. Epig. 61. vs. 2.

3 *Abscissa, &c.*] Lib. II. Epig. 45. Plinius lib. xxxv. cap. 12.

5 *Castrandum, &c.*] Es enim impuri oris et malæ linguæ.

6 *Cybeles decipis, &c.*] Sic lib. XI. Epig. 62. 'mæchus ore Manneius.'

LXXXII.

IN ZOILUM.

CONVIVA quisquis Zoili potest esse,

Summœnianas cœnet inter uxores,

Curtaque Ledæ sobrius bibat testa :

Hoc esse levius puriusque contendo.

Jacet occupato galbinatus in lecto : 5

Cubitisque trudit hinc et inde convivas,

Quicumque potest convivari cum Zoilo, cœnet inter uxores Summœnianas, et siccus potet mutilata lagena Ledæ. Affirmo hoc esse levius et castius. Galbanatus recumbit in lecto occupato: innixus ostro, et pulvinis sericis, ex hac et illa parte



4 *Pulmannus: puriusque contendi.*—5 *Jacet occupato galbinatus* codex Vat. *galba natus* in nonnullis vett.—6 *Cubitis trudit* in edd. vett. *Cubitisque tundit*

NOTÆ

2 *Summœnianas uxores*] Hoc est, meretrices, quæ eo in loco prostabant, qui Summœnium appellabatur. Lib. I. Epig. 35. lib. XII. Epig. 32.

3 *Curtaque Ledæ*] Meretricis obscœnæ, cujus calices mutilati: addidit *sobrius*, ut turpitudinem augetet,

quæ in ebrio minor esset.

5 *Galbinatus*] Galbanum genus est vestimenti delicatioris, albi et sublucidi, quod nullos habet pilos. Juven. Sat. II. 9. 'Cœrulea indutus scutulata, aut galbana rasa.' Vide lib. I. Epig. 97.

Effultus ostro, sericisque pulvinis.
 Stat exoletus, suggeritque ructanti
 Pinnas rubentes, cuspidesque lentisci;
 Et æstuanti tenue ventilat frigus 10
 Supina prasino concubina flabello;
 Fugatque muscas myrtea puer virga.
 Percurrit agili corpus arte tractatrix,
 Manumque doctam spargit omnibus membris:
 Digiti crepantis signa novit eunuchus, 15
 Et delicatæ suscitator urinæ
 Domini bibentis ebrium regit penem.
 At ipse retro flexus ad pedum turbam,
 Inter catellas anserum exta lambentes
 Partitur apri glandulas palæstritis, 20

cubitis propellit convivas. Exoletus stat, et ructanti suppeditat pinnas rubras, et cuspides lentisci; et supina concubina viridi flabello excitat sudanti auram tenuem, et servus repellit muscas myrtea virga. Tractatrix habili arte perfricat corpus, et palpat omnia membra manu perita. Eunuchus nota sunt indicia digiti strepentis Sed ille Zoilus a tergo conversus ad pueros stantes ad pedes, inter canes lingentes præcordia anserum distribuit palæstritis glandulas apri, et cum vina ex saxis

codex Pulmanni. Nostram lectionem exhibet Beverlandi Ms.—8 Beverlandi Ms. *suggestitque ruptanti*.—9 *Spinas rubentes* in eodem.—13 *Percurrit habili corpus arte palpatrix* Juntina nostra in margine.—14 *Manumque dextram* Beverlandi Ms. forte, *Manumque dextre*.—16 *Et delicatæ suscitator* in quibusdam vett.—20 Lipsius legit, *palæstritæ*; vide Var. Notas.—23 *Massilianis* in

NOTÆ

Occupato lecto] Hoc est, jacet in lecto quem totum occupabat solus.

6 *Cubitisque trudit*] Alii *tundit*, vel ut commodius recumberet, vel ne pretiosæ illius vestes inquinarentur.

8 *Exoletus*] Puerum intellige a deliciis sui domini.

Suggestitque] Pinna in os immissa stomachum exonerare solebant helinones, ut constat ex Suetonio in Claudio cap. 3.

9 *Rubentes*] Pennas Phœnicopteri forte intelligit. Lib. XIII. Epig. 71.

Cuspidesque lentisci] Dentiscalpia, Lib. XIV. Epig. 22.

13 *Tractatrix*] In conviviis delectationis causa antiqui adhibebant fœ-

minas vel mares, qui membra eorum perfricarent. Tractatoris meminit Seneca Epist. 66. sub finem: ‘An potius optem, ut malacissandos articulos exoletis meis porrigam?’

15 *Digiti crepantis*] Digitorum crepitu matella poscebatur, ut etiam constat ex lib. VI. Epig. 89. lib. XIV. Epig. 119.

20 *Apri glandulas*] Pars est apri juxta cervicem delicata.

Palæstritis] Intellige servos palæstritas, ut supra Epig. 57. Quid si intelligas cum Farnabio ‘depilatores?’ sic enim eos Persius appellat Sat. IV. 38. ‘Quinque palæstritæ licet hæc plantaria vellant.’

Et concubino turturum nates donat :
 Ligurumque nobis saxa cum ministrentur,
 Vel cocta fumis musta Massilitanis ;
 Opimianum morionibus nectar
 Crystallinisque myrrhinisque propinat. 25
 Et Cosmianis ipse fusus ampullis,
 Non erubescit murice aureo nobis
 Dividere mœchæ pauperis capillare.
 Septunce multo deinde perditus stertit :
 Nos accubamus, et, silentium ronchis 30
 Præstare jussi, nutibus propinamus.
 Hos Malchionis patimur improbi fastus ;
 Nec vindicare, Rufe, possumus ; fellat.

Ligurum porrigantur nobis, aut musta cocta fumis Massilianis ; propinat scurris nectar Opimianum poculis et crystallinis et myrrhinis. Nec pudet ipsum delibutum ampullis Cosmi unguentarii nobis partiri ex murice aureo capillare adulteræ egenæ. Postea stertit sepultus multo septunce : nos accumbimus atque imperati facere silentium ronchis, nutibus propinamus. Hanc ferimus superbiam impuri Malchionis, nec possumus ulcisci, o Rufe....

edd. vett. Vide Vitruv. x. cap. ult. Adde iv. 36. XIII. 120. et XIV. 116. Cagnerius legendum contendit, *Massilæanis*.—25 *Crystallinisque myrrinisque* mendose in Beverlandi Ms. *murrheisque* Juntina nostra in margine. *Myrrhina, murrhea, murrea, myrrhea*, scil. vasa, sive pocula. Quibusdam *myrrha* videtur esse crystallum, a quo tamen h. l. et ap. Plin. XXXVII. 2. Juvenal. VI. 155. 156. et Senec. Epist. ult. distinguitur ; aliis porcellana Sinica, quam Anglice dicimus, *China* ; aliis onyx, species marmoris, non gemmæ. Vide Interpp. ad Propert. III. 10. 22. IV. 5. 26. Senec. Benef. VII. 9. et Epist. ult. Juvenal. VII. 133. et l. c. Plin. l. c. et XXVII. 2. XXXVII. 12. Sueton. Aug. 71. Stat. Theb. I. 330. Adde Ernesti Archæol. Liter. P. I. c. 3. § 7. et Salmas. Exercit. Plin. p. 1063.—26 In Beverlandi Ms. *fuscis*.—28 In eodem, *capitale*.—33 Scriverius, auctore Jos. Scaligero, scripsit : *Nec vindicare, Rufe, possumus? fellas ; h. e. ineptis : stultos quippe vocabant homines ' spurco ore.'*

NOTÆ

22 *Ligurumque nobis saxa*] Dixit *saxa* pro vino tenui in saxosa Liguria nato.

23 *Vel cocta fumis*] Vina Massiliæ asperrima adulterabantur fumo, ut saporem mutarent. Lib. x. Epig. 36.

24 *Opimianum nectar*] De quo lib. II. Epig. 40.

27 *Murice aureo*] Concha erat aurei coloris, vel inaurata, in qua unguentum servabatur. Horatius II. Od. 7. ' funde capacibus Unguenta de conchis.'

28 *Capillare*] Hoc est, unguentum ad unguendos capillos. Sensus est : Nobis parce dividit unguenta Zoilus, quibus utuntur mœchæ vilissimæ.

29 *Septunce multo*] Hoc est, multis cyathis: septunx capit septem uncias.

32 *Malchionis*] Hoc est, effæminati: nomen fictum a *μαλακός*, *mollis*.

33 *Nec vindicare*] Etenim impuri hominis os valde timendum. Lib. II. Epig. 23.

LXXXIII.

IN COCLITEM.

UT faciam breviora mones Epigrammata, Cocles.

Fac mihi, quod Chione: non potui brevius.

Ad Cordum inscribitur in cod. Pulmanni.—1 *Corde* in eodem codice.—2 In quibusdam *non potuit brevius*, quod Calderinus interpr. Non potuit dicere tibi ut des, &c.

NOTÆ

2 *Fac mihi, &c.*] Vide quam te utar non melius non tectius, quam confre-
brevitatis magistro: nec potui pauciendo te cum Chione. Infra Epig. 87.
oribus verbis notare te vitio fellandi; et 97.

LXXXIV.

IN TONGILIONEM.

QUID narrat tua mœcha? non puellam

Dixi, Tongilion: quid ergo? linguam.

2 In quibusdam vett. *lingam* pro *linguam*, quod vitium esse typographiæ credit Cagnerius. Hoc tamen servant Junius, Langius, alii.

NOTÆ

2 *Linguam*] Quæ λείχουσα καὶ μύξουσα, patitur quod mœcha. Sic lib. XI. Epig. 62. 'mœchus ore Manneius.' Verbum etiam 'narrat' linguæ impuritatem innuit. Vel per *linguam* innuit puellam istam adeo fuisse loquacem, ut lingua dici mereatur: aut linguam instar canis Appulæ, et quidem sitientis ubique et semper linguam exerentis.

LXXXV.

AD MARITUM.

QUIS tibi persuasit nares abscindere mœcho?

Non hac peccatum est parte, marite, tibi.

Stulte, quid egisti? nihil hic tua perdidit uxor,

Cum sit salva sui mentula Deiphobi.

Quis tibi auctor fuit, ut amputares nares adultero? O marite, hæc pars non te offendit. O demens, quid fecisti? Hoc in loco conjux tua nihil amisit, cum sit incolumis....sui Deiphobi.

4 *Cum sit salva tibi* in Ald. Junt. Colin. aliisque vett.

NOTÆ

1 *Abscindere mœcho*] Quem castrare debuerat. Vide lib. II. Epig. 83. 4 *Sui Deiphobi*] Alludit Poëta, ut aiunt interpretes, ad illum Virgilii

NOTÆ

locum Æn. vi. quo Deiphobus naribus raptis Auribus, et truncas inhonesto
obtruncis describitur: 'Ora, manus- vulnere nares.'
que ambas, populataque tempora

LXXXVI.

AD CASTAM MATRONAM.

NE legeres partem lascivi, casta, libelli,
Prædixi et monui : tu tamen, ecce, legis.
Sed si Panniculum, si spectas, casta, Latinum
Non sunt hæc mimis improbiora : lege.

Prædixi, et præcepi, ne tu, pudica, evolveres partem libri impuri : nihilominus ecce evolvis. At si, pudica, aspicias Panniculum et Latinum, hæc non sunt nequiora mimis. Evolve.

1 *Nec legeres* Beverlandi Ms.—2 *Prædixisti* in eodem. *Tu tamen usque legis* ascriptum margini habet nos penes Juntina.

NOTÆ

2 *Prædixi*] Supra Epig. 68. lanter lasciviebant. De his lib. I.
3 *Sed si Panniculum*] Latinus et Epig. 5. et lib. II. Epig. 72.
Panniculus mimi in Comædiis petu-

LXXXVII.

IN CHIONEM.

NARRAT te rumor, Chione, nunquam esse fututam,
Atque nihil cunno purius esse tuo.
Tecta tamen non hac, qua debes, parte lavaris.
Si pudor est, transfer subligar in faciem.

In hujus Epigrammatis lectione nulla est varietas in exemplaribus scriptis aut typis excusis.

NOTÆ

1 *Narrat te*] Fellatricem Chionem ligari tegas inferiora præ pudore, reprehendit, quod tecta pudenda cur non potius os tegis? namque hac parte corporis lavaretur, cum tamen parte *rumor* est te peccare *μύζουριν*. In voce *rumor* latet ulcus Paronomasticon.

Rumor, &c.] Lib. II. Epig. 72.

4 *Transfer in faciem*] Ut contegat os impurum.

3 *Tecta tamen non hac, &c.*] Si sub-

Delph. et Var. Clas.

Martial.

S

LXXXVIII.

IN FRATRES FELLATORES.

SUNT gemini fratres, diversa sed inguina lingunt.

Dicite, dissimiles sint magis, an similes ?

In hoc quoque Epigrammate nihil variant aut libri manu exarati aut typis impressi.

NOTÆ

1 *Diversa sed, &c.*] Ὁ μὲν τὰ τῆς γυναικὸς λείχει, ὁ δὲ τὰ τοῦ ἀνδρὸς μύζει.

LXXXIX.

AD PHŒBUM.

UTERE lactucis, et mollibus utere malvis :

Nam faciem, durum, Phœbe, cacantis habes.

Sume lactucas et malvas molles ; etenim, Phœbe, tibi vultus est hominis exonerantis ventrem difficulter.



Et in hoc Epigrammate exhibendo non variant exemplaria scripta aut excusa.

NOTÆ

1 *Utere lactucis*] Lactuæ et malvæ est apud Suetonium in Vespasiano utiles sunt ad solvendum ventrem. cap. 20. 'Statura fuit quadrata, compactis firmisque membris, vultu veluti nitentis,' &c.

2 *Nam faciem*] Phœbi jam meminit lib. I. Epig. 87. Similis jocus

XC.

DE GALLA.

VULT, non vult dare Galla mihi : nec dicere possum,

Quod vult, et non vult, quid sibi Galla velit.

Gallæ placet mihi concedere, et non placet : nec possum dicere quæ sit mens Gallæ, cum ipsi placeat, et non placeat.



Et hic nulla lectionis varietas reperienda est in codicibus aut exemplaribus impressis.

NOTÆ

1 *Non vult dare*] Lusus est in verbo dare, quod pecuniam donare, et sui copiam facere significat. Lib. VII. Epig. 74.

XCI.

DE MISITIO.

CUM peteret patriæ Misitius arva Ravennæ,
 Semiviro Cybeles cum grege junxit iter.
 Huic comes hærebat domini fugitivus Achilles,
 Insignis forma nequitiaque puer.
 Hoc steriles sensere viri: qua parte cubaret, 5
 Quærent; sed tacitos sensit et ille dolos.
 Mentitur, credunt: somni post vina petuntur:
 Continuo ferrum noxia turba rapit;
 Exciduntque senem, spondæ qui parte jacebat;
 Namque puer pluteo vindice tutus erat. 10
 Suppositam, fama est, quondam pro virgine cervam;
 At nunc pro cervo mentula supposita est.

Cum Misitius iret in agros Ravennæ suæ patriæ, se comitem dedit castrato gregi Cybeles. Achilles fugitivus heri puer et pulchritudine et lascivia clarus comitabatur hunc. Homines castrati id intellexerunt; rogant qua parte cubilis decumberet: at ille quoque intellexit fraudes latentes. Mentitur, adhibent fidem, a cæna eunt cubitum: multitudo improba statim arripit ferrum, et exsecant senem, qui decumbebat ex parte spondæ; etenim puer erat securus pluteo vindice. Cervæ fertur fuisse olim subjecta pro puella, sed nunc subjecta est. . . . pro cervo.

1 Gronovius legendum putat, *missicius*, et non proprium, sed commune nomen esse.—3 *Achilles* legit Douza, quod eo nomine formosos pueros a poculis nominasse veteres e Luciano constet. Vide lib. VII. Epigr. 56.—8 *Juntina* nostra in margine *testam pro ferrum*. At vide quæ diximus ad lib. II. Epigr. 45.—9 *Beverlandi Ms. cum parte*.—11 In eodem: *quondam fama est*.—12 *At nunc pro puero* in edd. vett.

NOTÆ

1 *Arva Ravennæ*] Ravenna urbs Italiæ, de qua supra Epigr. 56.

2 *Semiviro Cybeles*] Castratos Cybeles Sacerdotes intellige.

3 *Fugitivus Achilles*] Qui a suo domino fugerat, et Misitium senem sequebatur. Achillæ iterum mentionem fecit, lib. VII. Epigr. 56.

8 *Continuo ferrum*] Posuit ferrum pro Samia testa, seu cultro ex terra Samia, quo Sacerdotes illi exsecabant mares, Epigr. 81. supra, lib. II. Epigr. 45.

10 *Namque puer pluteo*] Lecti duo

erant latera, exterius ‘sponda’ vocabatur, interius verò versus parietem ‘pluteus’ dicebatur. Achilles vero Gallis dixerat parte spondæ cubiturum se, cum in pluteo esset dormiturus tutus ab illorum injuria.

11 *Pro virgine cervam*] Nota est historia Iphigeniæ, quam in Anlide immolare pater Agamemnon parabat, cum a Diana fuit rapta, et ejus loco cervæ supposita, quam Græci dnces pro Iphigenia immolarunt. Ovid. Met. XII. ‘Supposita fertur mutasse Mycenida cervæ.’

NOTÆ

12 *Pro cervo*] Servos antiqui appellarunt *cervos*. Festus in voce ‘servorum dies.’ Alii legunt *pro puero*. Sed prior lectio videtur melior, propter similitudinem cum præcedenti versu.

XCII.

AD GALLUM.

UT patiar mœchum, rogat uxor, Galle; sed unum :
Huic ego, non oculos eruo, Galle, duos ?

1 Pulmanni codex habet: *rogat uxor Galla*. Ceterum male interpungitur in edd. vett. *sed unum Huic ego, non oculos eruo, Galle, duos*.

NOTÆ

1 *Ut patiar, &c.*] De more sæculi. Lib. vi. Epig. 90.
Seneca de Beneficiis lib. III. cap. 16. 2 *Oculos duos*] Lib. i. Epig. 93.
‘Infrunita et antiqua est, quæ nesciat matrimonium vocari unius adultarium.’ *Heraldus. Mœchum, unum*] Ludit autem in auxesi ab uno ad duos.

XCIII.

IN VETUSTILLAM.

CUM tibi trecenti consules, Vetustilla,
Et tres capilli, quatuorque sint dentes,
Pectus cicadæ, crusculumque formicæ ;
Rugosiolem cum geras stola frontem,
Et aranearam cassibus pares mammas ; 5
Cum comparata rictibus tuis ora

O *Vetustina*, cum nata sis trecentos annos, et habeas tres crines, et quatuor dentes, pectus cicadæ, et crusculum formicæ: cum tibi sit vultus rugosior stola, et mammæ similes rictibus aranearam: cum ora crocodilo Niliaco arcta sint collata tuis

In *Vetustinam* inscribitur in edd. vett. De *Vetustilla* in cod. Thuan.—1 *Vetustina* in iisdem vett. Lectionem nostram testatur codex Thuan.—3 Gruterus legit: *crus colorque formicæ*; quod exhibet etiam Beverlandi Ms. Vide supra

NOTÆ

1 *Cum tibi*] Hyperbolicus significat Poëta *Vetustinam* esse decrepitam, et habere trecentos annos, aut saltem centum quinquaginta, cum singulis annis duo consules crearentur. Alii *Vetustilla*.
3 *Crusculumque*] Alii *crus colorque*.

Niliacus habeat crocodilus angusta,
 Meliusque ranæ garriant Ravennates,
 Et Adrianus dulcius culex cantet,
 Videasque quantum noctuæ vident mane, 10
 Et illud oleas, quod viri capellarum,
 Et anatis habeas orropygium macræ,
 Senemque Cynicum vincat osseus cunnus;
 Cum te lucerna balneator extincta
 Admittat inter bustuarias mœchas; 15
 Cum bruma mensem sit tibi per Augustum,
 Regelare nec te pestilentia possit:
 Gaudes ducentas nupturire post mortes,
 Virumque demens cineribus tuis quæris
 Prurire. Quid, sarrire si velit saxum? 20

rictibus, et ranæ Ravennates dulcius canant, atque Adriaticus culex edat cantus suaviores, et videas quantum noctuæ vident mane, atque illud oleas quod mariti capellarum; et tibi sit uropygium macilentæ anatis . . . cum balneator extinctis luminibus te intromittat inter scorta bustuaria: cum frigeas mense Augusto, nec pestis valeat solvere tuam glaciem: delectaris appetere nuptias post interitum ducentorum maritorum, atque insana quæris maritum prurientem tuis cineribus. Quid si cu-

lib. I. Epig. 96.—7 *Niliacus habeat crocodilus* in vet. cod. Regio ap. Gndium, quem vide ad Phædr. I. 25. 4. Sic scribitur in cod. vet. Cic. Tusc. Quæst. lib. v. 27. qui codex extat in Biblioth. Reg. Paris. in cod. Neapol. Plin. VIII. 3. in Antiq. Gloss. Divonens. septingentis annis vetustioribus, apud Ampliss. Senatorem De la Mare; et in alio vetustissimo Gloss. Longobardicis literis exarato, quem olim Jac. Mentelius cum Gudio communicavit.—9 *Et Adrianus* codex Thuan. *Et Hadrianus* codex Vat.—12 In edd. vett. *urophygium*; in codd. Thuan. et Vaticano, *ortopygium*.—17 *Beverlandi Ms. possis*.—18 In edd. vett. *Gaudes ducentas nuptum ire post mortes*; in aliis, *Gaudes ducentas nuptum iri, &c.* Pulman. conj. *Gaudes ducentas ire nuptum*; at sic est in Ald. 1550.

NOTÆ

8 *Ranæ Ravennates*] De Ravenna supra Epig. 56.

9 *Adrianus* [*Adriaticus*] *culex*] Hoc est, culex ad littora maris Adriatici. Alii *Adrianus*, in Adria scilicet, quæ Romanorum colonia in Piceno. Plinius lib. III. cap. 13.

11 *Viri capellarum*] Periphrasis hircorum, qui grave olent.

12 *Orropygium* [*Uropygium*] Alii *orropygium*: est extremitas illa vertebræ podici proxima, Gallice *le*

croupion.

14 *Lucerna extincta*] Ne scilicet illa vetula dignosci posset.

15 *Inter bustuarias*] Extra urbem ad monumenta prostabant scorta vilissima, de quibus supra lib. I. Epig. 35.

18 *Gaudes ducentas*] Alii *Audes*, et pro *nupturire* legunt *nuptum ire*. *Ducentas post mortes* est hyperbole.

20 *Quid, sarrire*] Hoc est, te saxeam exercere. *Sarrire* proprie est sar-

Quis conjugem, quis te vocabit uxorem,
 Philomelus-aviam quam vocaverat nuper?
 Quod si cadaver exigis tuum scalpi;
 Sternatur a Coricle clinico lectus,
 Thalassionem qui tuum decet solus,
 Ustorque tædas præferat novæ nuptæ:
 Intrare in istum sola fax potest cunnum.

25

piat sarrire saxum? Quis te appellabit conjugem, quis uxorem, quam nuper aviam appellaverat Philomelus? Quod si optas mortuum tuum corpus scalpi, lectus sternatur a Coricle clinico, qui solus canet tuum Thalassionem, atque ustor præferat tædas tibi novæ nuptæ: sola fax potest ingredi...

nupturire vetus codex, Cagnerii.—21 Thuan. et Vat. *te quis vocabit*.—24 *Sternatur a Coride in triclinio* in quibusdam vett. probante Musambertio. *Sternatur Acoride triclinio* in Ald. Junt. et Colin. *Sternatur Achori de triclinio* legit Cagnerius. Nostram lectionem servat ed. Gryph. Vide Joseph. Scalig. *Ausoniar. Lect. lib. II. cap. 4. De permutatione cl et d jam diximus ad lib. I. Epigr. 90. Sternatur a Coriole triclinio* ex antiquis codd. profert Musambertius.

NOTÆ

culis fodere, cum nempe a noxiis herbis leviter scalpendo purgantur segetes.

24 *Sternatur*] Vulgata lectio, *Sternatur Acoride triclinio lectus*. Hic versus emendatus est a Scaligero *Ausoniarum Lectionum lib. II. cap. 4. Quid sit clinicus* supra dictum est lib. I. Epigr. 31. Est medicus et vespillo.

25 *Thalassionem*] Carmen nuptiale, de quo supra lib. I. Epigr. 36.

26 *Ustorque*] Ustores sunt ii qui rogum extruunt, in quo mortui cremantur.

Tædas præferat] Solebant veteres tædas præferre novis nuptis. Dicit Poëta tædas *Vetustinæ* esse præferendas ab ustore, aut potius faces quibus rogus incendatur.

XCIV.

IN RUFUM.

Esse negas coctum leporem, poscisque flagella:
 Mavis, Rufe, coquum scindere, quam leporem.

O Rufe, dicis non esse coctum leporem, et petis virgas: mavis scindere coquum, quam leporem.

In Ruffum inscribitur in edd. vett. et in Epigr. v. 2. *Ruffe*.—2 Pulmannus: *coquum cædere*.

NOTÆ

1 *Esse negas*] Rufum quendam avarum irridet Poëta, qui fingebat crudum esse leporem, ne illum scinderet.

Similis jocus est in *Næviam* supra Epigr. 13.

XCV.

IN NÆVOLUM.

NUNQUAM dicis ave, sed reddis, Nævole, semper,
 Quod prior et corvus dicere sæpe solet.

Cur hoc expectas a me? rogo, Nævole, dicas:

Nam puto, nec melior, Nævole, nec prior es.

Præmia laudato tribuit mihi Cæsar uterque, 5

Natorumque dedit jura paterna trium.

Ore legor multo, notumque per oppida nomen

Non expectato dat mihi fama rogo.

Est et in hoc aliquid: vidit me Roma tribunum,

Et sedeo qua te suscitatur Oceanus. 10

Quot mihi Cæsareo facti sunt munere cives,

Nec famulos totidem suspicor esse tibi.

Sed pædicaris: sed pulchre, Nævole, ceves:

Jam jam sic prior es, Nævole: vincis: ave.

O Nævole, nunquam dicis ave, at semper reddis, quod Curius et quidem prior sæpe solet dicere. Quare expectas hoc a me? Quæso, o Nævole, dicas: etenim, o Nævole, nec melior, nec prior es. Ego probatus ab utroque Cæsare accepi mercedem, et mihi concessum est jus paternum trium liberorum. Libri mei leguntur a multis, ante obitum fama mihi tribuit nomen celebratum per urbes. Est et aliquis honos in hoc; Roma me spectavit tribunum, atque in eo loco sedeo unde te amovet Oceanus. Opinor te non habere tot servos, quot civitate donavit Cæsar in meam gratiam..... Jam vero ita antecellis, o Nævole, superas. Ave.

2 Quod prior et Curius edd. vett. quasi per Synecd. Curium poneret pro quovis nobili et gravi viro.—3 Cur hoc exspectes legunt alii.—14 Jam jam tu prior es Pulmannus, aliique.

NOTÆ

1 Sed reddis] Superbum quendam Nævolum increpat, qui illum nunquam prior salutabat; inferioris erat salutem dicere, reddere vero superioris.

2 Quod prior et corvus [Curius] Quem virum gravissimum ponit Poëta pro quovis nobili viro. Legunt alii: Quod prior et corvus. Macrobius Saturn. lib. II. cap. 4. Corvi salutatoris meminit.

5 Cæsar uterque] Titum et Domitianum intellige.

6 Natorumque dedit] De illo trium

liberorum jure dictum lib. II. Epig. 91.

9 Tribunum] Honorarium nempe, ex beneficio Cæsaris.

10 Et sedeo] Inter equites sedeo ex munere Imperatoris, non ex censu Equestri.

Suscitat] Verbum est theatrale, hoc est, loco amovere. Oceanus autem designator disponendis ordinibus præerat, atque unumquemque in theatro pro sua dignitate sedere jubebat. Lib. VI. Epig. 9.

XCVI.

IN GARGILIUM.

LINGIS, non futuis meam puellam:
Et garris quasi mœchus, et fututor.
Si te prendero, Gargili, tacebis.

3 *Si te prendero, Gargili* in Junt. an. 1512. et Colin. an. 1528.

NOTÆ

1 *Lingis*] Gargilius quidam cun- tacebit. Similis jocus apud Catul-
nilingus jactabat se tanquam mœchus, lum in quendam Gellium, Epig. 75.
et corruptor puellæ Martialis. Inter- *Ramiresius*. Vel sic interpretare ver-
minatur ei, si prehensus fuerit, ore bum *tacebis*, quod nempe linguam sit
ut irrumetur, quod vocem perdet, et abscissurus illi Poëta.

XCVII.

AD RUFUM.

NE legat hunc Chione, mando tibi, Rufe, libellum.
Carmine læsa meo est; lædere et illa potest.

Ad Ruffum inscriptio est in Ald. Junt. et Colin.—1 Junt. *mendo tibi, Ruffe*.
—2 Ald. Junt. Colin. et Gryph. *lædere et ipsa potest*.

NOTÆ

2 *Carmine*] Supra Epig. 34. 83. 87. *Lædere*] Epig. 81. supra, versu ultimo.

XCVIII.

IN SABELLUM.

SIT culus tibi quam macer, requiris?
Pædicare potes, Sabelle, culo.

In hoc Epigrammate non variant membranæ aut libri typographici.

NOTÆ

2 *Pædicare potes*] Præ macie in Epig. 93. vers. 12.
tantum prominet *ὀροπύγιον*. Modo

XCIX.

AD CERDONEM.

IRASCI nostro non debes, cerdo, libello.
Ars tua, non vita est, carmine læsa meo.

O *cerdo*, non debes succensere nostro libro: artem tuam, non mores carpunt

Innocuos permitte sales. Cur ludere nobis
Non liceat, licuit si jugulare tibi ?

versus mei. Patere jocos innoxios. Cur mihi non permittatur joculari, si tibi permissum est necare?

~~~~~  
Neque in hoc quicquam variant aut exemplaria scripta aut prelo typographico excusa.

## NOTÆ

1 *Non debes, cerdo*] De quo supra non liceat joculari? Juvenalis Sat. III. Epig. 16. et 58. 34. 'Quondam hi cornicines, et municipalis arenæ Perpetui comites,

3 *Cur ludere nobis*] Si enim tibi licuit homines jugulare, cum gladiatorium munus exhibuisti, cur mihi notæque per oppida buccæ,...Quemlibet occidunt populariter.'

## C.

## AD RUFUM.

CURSOREM sexta tibi, Rufe, remisimus hora,  
Carmina quem madidum nostra tulisse reor.  
Imbribus immodicis cælum nam forte ruebat.  
Non aliter mitti debuit iste liber.

*O Rufe, hora sexta ad te remisimus cursorem, a quo madido latos fuisse versus meos arbitror. Casu enim cælum ruebat pluvia ingenti. Hic libellus alio modo non fuit mittendus.*

~~~~~  
Et hic nulla lectionis varietas, nisi quod ed. Schrevel. an. 1671. habet *Ruse*, pro *Rufe*, et edd. vett. non præter solitum, *Ad Ruffum*, et vs. 1. *Ruffe*.

NOTÆ

1 *Sexta hora*] Hoc est, meridie. De digna quæ aqua deleantur. Lib. IV. Epig. 10. 'Curre: sed instructum comitetur punice librum Spongia: muneribus convenit illa meis.'

4 *Non aliter mitti*] Modeste significat Poëta mala esse sua carmina, et

M. VAL. MARTIALIS
EPIGRAMMATUM

LIBER IV.

I.

DE NATALI DOMITIANI.

CÆSARIS alma dies, et luce sacratior illa,
Conscia Dictæum qua tulit Ida Jovem,
Longa precor, Pylioque veni numerosior ævo,
Semper et hoc vultu, vel meliore nite.

O lux alma, et sacratior illo die quo Jovem Cretensem tulit Ida particeps, accede longa, quæso, et diuturnior ætate Nestoris, et semper splende hoc vultu, vel

~~~~~  
1 *Cæsaris alba dies* tentabat Ant. de Rooy. *alba*, i. e. fausta, sive, albo nota calculo, ut solebant dies fausti. Vide Lindenb. ad Censorin. i. 2. Bentl. ad Hor. i. Od. 36. 10. et iv. Od. 7. 7. Cf. etiam Ovid. Trist. v. 5. 14. *alma* tamen non est temere rejicienda, quia pro sancta accipi potest. Vide Fest. et Wopkens. ad Paulin. in Obs. Misc. Dorv. Tom. viii. p. 921. *et luce sacratior omni* Pulmannus.—2 Edd. vett. *qui tulit*.—5 In iisdem, *cultus in auro*.

NOTÆ

1 *Cæsaris alma*] Hoc est, dies natalis: natus autem est Domitianus 9. Kal. Novembris. Suetonius in ejus vita cap. 1.

*Luce sacratior*] Natalem Domitiani diem assentatorie præfert natali Jovis, qui natus vel certe educatus fuit in Ida monte Cretæ, ubi illum Curetibus alendum, ne a Saturno patre devoraretur, clam commisit Rhea mater; unde Ida conscia dicitur, illius

nempe arcani.

3 *Pylio ævo*] Nestor, a Pylo urbe Arcadiæ, teste Strabone, Pylius dictus, nonaginta annos vixit secundum Poëtas Græcos: at vero secundum Ovidium, atque alios Latinos Poëtas, vixit trecentos annos: nam sumserunt γενεάν, hoc est, generationem vel ætatem, pro sæculo seu centum annis, cum triginta tantum annos significet.

4 *Semper et hoc vultu*] Millies redi,

Hic colat Albano Tritonida multus in auro, 5  
 Perque manus tantas plurima quercus eat.  
 Hic colat ingenti redeuntia sæcula lustrò,  
 Et quæ Romuleus sacra Terentus habet.  
 Magna quidem, Superi, petimus, sed debita terris.  
 Pro tanto quæ sunt improba vota Deo? 10

*puriorè. Hic Domitianus assiduus in auro Albano veneretur Minervam, et manus illius tam magnæ donent multas coronas quernas. Hic celebret ludos sæculares ingenti lustrò recurrentes, et sacrificia quæ fiunt in Terento Romuleo. O Dii, magna sane poscimus, at debita terris. Quænam postulata sunt injusta pro tanto numine?*

Pro auro, sunt qui malint arvo. Ant. de Rooy conj. Sic colat Albano Tritonida multus in aula; vel, in arce. Vide lib. ix. Epig. 103. lib. xi. Epig. 8. et Sueton. Domit. cap. 4.—7 Sic colat ingenti idem Ant. de Rooy.—8 Nonnulli legunt *Terentus*: at vide Rutgers. Var. Lect. lib. iv. cap. 10.—10 Alii legunt *quæ sint*.

## NOTÆ

et semper æque felix, aut felicior præsentè.

5 *Multus in auro*] ‘Celebrabat et in Albano quotannis Quinquatria Minervæ, cui collegium instituerat.’ Suetonius in Domitiano cap. 4. Aurum Albanum appellat, coronam auream, qua coronatus in Albano monte prope urbem Quinquatria celebrabat. *Multus in auro*, id est, totus colendæ Minervæ addictus. Lipsius legit, *Albano in arvo*, omnium optime meo iudicio: antiquorum tamen codicum lectionem secutus sum. Alii sic explicant: Sæpe honorem habeat Palladi distributis aureis coronis in victores agonis Albani. Vulgata lectio *cultus*, hoc est, redimitus auro, &c.

6 *Perque manus tantas*] Quas infra Epig. 8. ingentes vocat, hoc est, divinas. In Albano, ut patet ex eodem Suetonii capite, ludos scenicos atque oratorum et Poëtarum certamina exhibebat Domitianus, quos pro meritis donabat querna corona.

7 *Hic colat ingenti*] Suetonius eodem cap. 4. ‘Fecit et ludos sæculares, computata ratione temporum ab anno, non quo Claudius proxime, sed olim Augustus ediderat.’ *Ingenti lustrò* dixit Poëta, quia ab eo tempore quo sæculares ludos celebraverat Augustus, usque ad hos Domitiani ludos, centum anni, legitimum nempe sæcularium ludorum tempus, fuerant elapsi: alias lustrum simpliciter quinque annorum spatium continet; sæculum vero ingens lustrum forte appellaverit, quod quinquies videnos annos complecteretur.

8 *Sacra Terentus habet*] De Terento lib. i. Epig. 70. Locus erat ubi Diti sacra fiebant in Campo Martio. Valerius Maximus lib. ii. cap. 1. describit causam propter quam instituti sunt ludi sæculares.

9 *Sed debita terris*] Vota enim nostra a Diis exaudiri debent, et probari, cum pro tanto Deo Domitiano nempe suscipiantur.

10 *Improba*] Hoc est, nimia, injusta.



## II.

## DE HORATIO.

SPECTABAT modo solus inter omnes  
 Nigris munus Horatius lacernis,  
 Cum plebs, et minor ordo, maximusque  
 Sancto cum duce candidus sederet.  
 Toto nix cecidit repente cœlo: 5  
 Albis spectat Horatius lacernis.

*Unus Horatius inter omnes pullis lacernis modo aderat spectaculo, cum plebs, et ordo minor, et maximus albatuS sederet cum Divo Imperatore. Subito nix delapsa est ex omni parte cœli. Horatius spectat candidis lacernis.*

2 *Nigris mimus* Beverlandi Ms. *Oratius* in edd. vett. et sic vs. 6.

## NOTÆ

2 *Nigris munus*] Adesse spectaculis non licebat nisi iis qui veste alba induti essent; sed Domitiani tempore usus invaluerat, ut indecenter quidem, sed tamen Indos impune spectarent atrati. Vide lib. xiv. Epig. 137.

3 *Minor ordo*] Equestris nempe,

maximus vero Senatorius.

4 *Sancto cum duce*] Domitiano, quem sanctum vocat, vel quod summum Magistratum gereret, qui sanctus erat, vel quia Deum se prædicabat.

6 *Albis spectat*] Horatium irridet, quem et nix decidens dealbavit.

## III.

## DE NIVIBUS.

ASPICE quam densum tacitarum vellus aquarum  
 Defluat in vultus Cæsaris, inque sinus.

*Aspice quam spissum aquarum vellus sine strepitu decidat in faciem et gremium*

1 Barthius ad Gratian. Cyneg. 77. legit *densum nivearum vellus aquarum*: sed hic forte memoriæ lapsus. Eleganter dicit nives 'aquas tacitas;' quia decedentes non audiuntur, ut imber vel grando. Quin ipse hunc errorem corrigit ad Calpurn. Ecl. ii. 7.—2 Idem Barth. ad eundem Gratiani locum conj. *Depluat in vultus*. 'Depluo' et 'defluo' sæpissime permittantur. Vide Heins. ad Ovid. Met. i. 573. Burm. ad Propert. ii. 20. 7. Drakenb. ad Sil. Ital. xii. 53. Obs. Misc. Tom. viii. p. 263. et nos ad Tibull. i. 10. 68. ubi inter

## NOTÆ

1 *Tacitarum vellus*] Periphrasis nivium, quæ veluti lanarum vellera

cadunt sine ullo strepitu, unde nives vocat aquas tacitas.

Indulget tamen ille Jovi, nec vertice moto  
 Concretas pigro frigore ridet aquas,  
 Sidus Hyperborei solitus lassare Bootæ,  
 Et madidis Helicen dissimulare comis.  
 Qui siccis lascivit aquis, et ab æthere ludit,  
 Suspisor has pueri Cæsaris esse nives.

5

*Cæsaris. Nihilominus ille fert Jovem ningentem, et capite immoto deridet aquas conflatas segni frigore, assuetus defatigare sidus Bootæ septemtrionalis, et capillis humidis spernere Helicen. Opinor has esse nives filii Cæsaris, qui lascivit siccis aquis, et jocatur e cælo.*

se commutantur verba 'perfluo,' 'præfluo,' 'profluo,' 'perpluo,' &c.—4 Heraldus hunc locum mendosum esse suspicatur, et legit vel *reicit* pro 'rejecit;' vel, *ne vertice moto Concretas pigro frigore tardet aquas.* Farnabius retinet *ridet*, et exponit 'non curat,' ut infra Epig. 19. vs. 11.—7 *Quis siccis* legit Heraldus, interrogatorie.

## NOTÆ

3 *Indulget tamen*] Non recessit Domitiani; sed sub Jove, id est, aëre, permansit.

4 *Concretas pigro*] Hoc est, nivem contemnit, quam affirmat Plinius lib. II. cap. 60. 'Grandinem congelato imbre gigni, et nivem eodem humore mollius coacto,' &c.

5 *Sidus Hyperborei*] Domitiani enim adhuc juvenis in Germanos bellum suscepit, atque illic frigus Bootæ, seu Arctophylacis, patienter tulit. Suetonius in Domitiano cap. 2.

6 *Et madidis Helicen*] Id est, toleravit imbres Septemtrionis. Helice

vero est Ursa major.

7 *Siccis aquis*] Nivem lepide appellat aquam siccam, id est, ex aquis concretam.

8 *Pueri Cæsaris*] Nè Jove irato decidisse nix videretur, assentatorie innuit Poëta filium Domitiani, quem ex Domitia uxore susceptum adhuc infantem amisit, esse in Deorum numero, et cum Domitiano patre, velut cum Deo, jocari. Heraldus versum penultimum sic legit per interrogationem: *Quis siccis lascivit aquis, et ab æthere ludit?*

## IV.

## IN BASSAM.

QUOD siccæ redolet palus lacunæ,  
 Crudarum nebulæ quod Albularum,

*Quod spirat palus lacunæ exhaustæ, quod nebulæ crudarum Albularum, quod vetus*

## NOTÆ

1 *Quod siccæ*] Siccata lacuna gravem emittit fœtorem.

2 *Crudarum nebulæ*] De Albula jam dictum lib. I. Epig. 13. ubi nebulæ ob

sulphur male olent. *Crudarum* dixit, quod solis radiis non bene concocti essent illi vapores.



Piscinæ vetus aura quod marinæ,  
 Quod pressa piger hircus in capella,  
 Lassi bardaicus quod evocati, 5  
 Quod bis murice vellus inquinatum,  
 Quod jejunia sabbatariorum,  
 Mœstorum quod anhelitus reorum,  
 Quod spurcæ moriens lucerna Ledæ,  
 Quod ceromata fæce de Sabina, 10  
 Quod vulpis fuga, viperæ cubile,  
 Mallem, quam quod oles, olere Bassa.

*status piscinæ maritimæ, quod hircus lente comprimens capellam, quod bardiacus evocati defatigati, quod lana bis tincta murice, quod jejunia Judæorum, quod respiratio tristium sontium, quod moriens lucerna sordidæ Ledæ, quod ceromata ex fæce Sabina, quod fuga vulpis, latibulum viperæ, hoc ipsum, o Bassa, malles spirare, quam quod spiras.*

5 *Lassi bardiaci os, quod evocati* Ferrar. Ald. et Junt. *Lassi bardiacios, quod evocati* Colin. an. 1528. *Lassi bardaici os, quod exoleti* Beverlandi Ms. quæ lectio debetur Turnebo. *Lazi bardiacus quod evocati* legunt alii.—9 Heraldus pro *Ledæ* legit *tedæ*.—12 *Malles* Ald. Junt. Colin. &c. sed minus recte.

## NOTÆ

3 *Piscinæ vetus aura*] Id est, quod vetus piscina redolet in qua sunt aquæ marinæ.

5 *Bardaicus*] Genus est vestis sordidæ, qua induebantur milites; illa autem male olebat propter sudorem et squalorem illorum: evocati autem milites erantii, qui expletis stipendiis, ducis vel mercedis gratia iterum stipendia merebant: *lassi* vero dixit ob longam militiam, et provectam ætatem; unde fœtor bardaici major erat. Georgius legit, *Lassi bardaici os quod advocati*. Bardaicus autem, inquit, erat advocatus, qui post peroratas dintius causas gravem emittebat halitum. Illius meminit Juvenalis Sat. XVI. 13. ‘Bardiacus judex datur hæc punire volenti.’

6 *Bis murice*] Lib. I. Epig. 50. ‘Olidæque vestes murice.’

7 *Jejunia sabbatariorum*] Diem sabbati religiose colunt Judæi; ob jejunium vero halitus graviter olet.

8 *Mæstorum quod*] Curis enim et anxietatibus stomachi calor dissipatur, unde ex mala concoctione male olent rei.

9 *Lucerna Ledæ*] Quam posuit pro quavis meretrice prostante ad lucernas. Juvenalis Sat. VI. 132. de Messalina: ‘Obscurisque genis turpis, fumoque lucernæ, Fœdalupanaris tulit ad pulvinar odorem.’

10 *Quod ceromata*] Unguenta nempe ex luto et oleo: oleum porro Sabinum male olebat.

11 *Quod vulpis fuga*] Vulpis canes fugiens fœtidum effundit lotium.

12 *Mallem* [*Malles*] Alii *Mallem*. Bassa quippe ab oris impuritate terrimam spirabat animam.

## V.

## AD FABIANUM.

VIR bonus et pauper, linguaque et pectore verus,  
 Quid tibi vis, urbem qui, Fabiane, petis?  
 Qui nec leno potes, nec comissator haberi,  
 Nec pavidos tristi voce citare reos:  
 Nec potes uxorem cari corrumpere amici: 5  
 Nec potes argentes arrigere ad vetulas:  
 Vendere nec vanos circa Pallatia fumos:  
 Plaudere nec Cano, plaudere nec Glaphyro.  
 Unde miser vives? homo fidus, certus amicus.  
 Hoc nihil est: nunquam sic Philomelus eris. 10

O Fabiane, quæ tua est mens, qui vir probus, et egenus, lingua et corde verus, proficisceris Romam? qui nequis esse leno, nec comessator, nec mæstu voce vocare in jus sotes timidos: nec vales corrumpere conjugem dilecti amici: nec vales . . . ad frigidus anus: nec vendere inanes fumos circa palatia: nec plaudere Cano nec Glaphyro. O infelix, qua ratione vives tu, homo fidelis, amicus certus? Id nihil prodest: hoc modo nunquam fies Philomelus.

1 Vir vagus et pauper Pulmannus.—4 Nec pavidos stricta idem Pulmannus.—7 Alii legunt: vanos circum Pallatia fumos.—8 Plaudere nec plano codex Thuan. Plaudere nec Plano Vat. Plaudere nec Canio Pulmann.—10 Philomelus Beverlandi Ms.

## NOTÆ

1 *Linguaque*] Verba enim cum mente boni viri consentiunt. Hic Romanorum mores eo modo Martialis carpit, quo Juvenalis Sat. III. 'Quid Romæ faciam? Mentiri nescio:' et fuse Petronius Romam sub nomine Crotonæ describit: 'Sed quoscunque homines in hac urbe videritis, scitote in duas partes esse divisos: nam aut captant, aut captantur.'

3 *Nec comissator* [*comessator*] Alii *comissator*: is nempe est qui esui et potui præter statuta tempora indulget.

4 *Nec pavidos*] Quod præconis erat officium, et quidem quæstuosum, ut patet ex lib. VI. Epig. 8.

7 *Vendere nec vanos*] Ut solent Au-

lici, qui commendationis officia mentiti, Principis gratiam accepto pretio vendunt.

8 *Plaudere nec Cano*] Qui celebris fuit choraulæ tempore Galbæ, ut patet ex Suetonio in Galba. Glaphyrus vero citharædus. Juvenalis Sat. VI. 'Accipis uxorem, de qua citharædus Echion, Aut Glaphyrus fiat pater, Ambrosiusque choraulæ.' Citharædi et tibicines Martialis tempore summo erant in pretio. Lib. III. Epig. 4.

10 *Hoc nihil est*] Honestis enim artibus locus non erat Romæ.

*Philomelus*] Hoc est, nunquam fies dives: Philomelus quippe cithara dives factus erat. Lib. III. Epig. 31.



## VI.

## IN MALISIANUM.

CREDI virgine castior pudica,  
 Et frontis teneræ cupis videri,  
 Cum sis improbior, Malisiane,  
 Quam qui compositos metro Tibulli,  
 In Stellæ recitat domo libellos. 5

O Massiliane, vis purior haberi puella casta, et præferre speciem cultus modesti; cum nequior sis, quam qui in ædibus Stellæ recitat libros scriptos metro Tibulli.

In Massilianum in edd. vett. In Macilianum inscribitur in cod. Pulmanni.—  
 3 Maciliane citat Heraldus: Malisiane Beverlandi Ms.

## NOTÆ

- 2 Frontis teneræ] Hoc est, modestam Elegiarum recitatorem intelligit. tæ, qualem habent infantes. Metro Tibulli] Lascivas quippe Elegias scripsit Tibullus.
- 4 Quam qui] Effæminatum quendam Elegiarum recitatorem intelligit. Metro Tibulli] Lascivas quippe Elegias scripsit Tibullus.

## VII.

## AD HYLLUM.\*

CUR here quod dederas, hodie, puer Hylle, negasti?  
 Durus tam subito, qui modo mitis eras?  
 Sed jam causaris barbamque, annosque, pilosque:  
 O nox quam longa es, quæ facis una senem!  
 Quid nos derides? here qui puer, Hylle, fuisti, 5  
 Dic nobis, hodie qua ratione vir es?

Ad Hylum inscribitur in edd. vett.—6 Ant. de Rooy hunc versum ita depungendum putat: *Dic, nobis hodie qua ratione vir es?* Cf. infra Epig. 42. ‘Et timeat pueros,’ &c.

## NOTÆ

\* Accusat Hyllum puerum instantiæ, qui quod uno die dederat, sequenti negavit; causabatur annos barbamque, quæ emeritum jam facere debebant eum. Hoc factum esse una nocte ridet Poëta. *Ramires.*

1 Here] Heri. Lib. I. Epig. 44. vs. 1.

Quod dederas, &c.] Tui copiam.  
 3 Barbamque, annosque, pilosque] Quæ te emeritum reddiderint.  
 5 Puer, &c.] Patiendo.  
 Vir es] Faciendo, ut Epig. 42. infra.

## VIII.

## AD EUPHEMUM.

PRIMA salutantes atque altera continet hora ;  
 Exercet raucos tertia causidicos.

In quintam varios extendit Roma labores.

Sexta quies lassis, septima finis erit.

Sufficit in nonam nitidis octava palæstris ; 5

Imperat exstructos frangere nona toros.

Hora libellorum decima est, Eupheme, meorum ;

Temperat ambrosias cum tua cura dapes ;

Et bonus æthereo laxatur nectare Cæsar,

Ingentique tenet pocula parca manu. 10

*Prima et secunda hora exercet salutantes, tertia occupat raucos causidicos. Roma vacat diversis operibus in quintam usque: sexta quiescunt defatigati: septima cessant ab opere: nitidi palæstritæ exercentur ab octava ad nonam; nona jubet frangere lectos paratos. O Eupheme, hora decima apta est meis libris, cum tua cura moderatur divinas epulas, et bonus Cæsar exhilaratur cœlesti nectare, et*

1 Pulmannus: *atque altera distinet hora: alii, conterit hora.*—6 Pro *exstructos* alii legunt *excelsos*. Juntina nostra in margine exhibet: *Imperat excelsos scandere nona toros*. Sic ‘scande cubile’ ap. Propert. iv. 4. 90. Forte: *excelsos sternere nona toros*; sic enim loquuntur Ovid. Met. vi. 431. viii. 658. ad Liv. 316. Amor. ii. 11. 47. Fast. ii. 337. Juvenal. vi. 5. x. 335. Noster iii. 93. 24. viii. 67. 6. alii. Vide quæ annotavimus ad lib. ii. Epig. 59.—7 *Euphene* Beverlandi Ms.—9 In eodem: *lassatur nectare Cæsar*. De hac permutatione vide Burm. ad Propert. ii. 15. 7. et iv. 4. 64.—10 Pulmanni vet. cod. *pocula larga manu*; quod omnino rejiciendum putat Ramires.—11 Beverlandi Ms.

## NOTÆ

1 *Prima salutantes*] Describit Poëta quid singulis diei horis Romæ fieret; de quibus jam dictum est Epig. 36. lib. iii.

*Continet*] Alii *conterit*. Alii melius *distinet*.

4 *Sexta quies lassis*] Circa sextam paululum quiescebant Romani: hora vero septima omnino ab opere desistebant.

6 *Imperat exstructos*] Id est, mensæ accumbere.

*Frangere toros*] Hoc est, lectos

*Delph. et Var. Clas.*

disturbare, quibus cœnando accumbent veteres.

7 *Hora libellorum*] Inter pocula versus legere moris erat: Euphemus vero structor mensarius Imperatoris fuisse videtur.

8 *Temperat ambrosias*] Hoc est, divinas. Domitianus enim Deum se appellari jubebat, atque ita ambrosiæ Deorum dapes ipsi conveniebant.

10 *Pocula parca*] Domitiano assentatur, quem parce bibere innuit.

*Martial.*

T



Tunc admitte jocos: gressu timet ire licenti  
Ad matutinum nostra Thalia Jovem.

*magna manu tenet pocula modica. Tunc intromitte ludos: nostra Thalia metuit jocosso incessu convenire matutinum Jovem.*

*gressu metire licebit. Pulmanni codex: gressum metire licebit: alii, gressu metire licenti: alii, licenter.*

## NOTÆ

11 *Tunc admitte*] Hoc est, libros meos Domitiano offer, *jocari non audet, quippe qui tunc rebus seriis occupetur. Vide lib. x.*

*Gressu timet*] Festiva mea Musa in matutino tempore coram Domitiano Epig. 19.

## IX.

## IN FABULLAM.

SOTÆ filia clinici, Fabulla,  
Deserto sequeris Clitum marito,  
Et donas, et amas, ἔχεις ἀσώτως.

*O Fabulla filia Sotæ clinici, viro derelicto sequeris Clitum, et das, et ardes, perdit te geris.*

*In Labullam lemma est in Ald. an. 1501. Junt. 1512. Colin. 1528. aliis.—1 Labulla in iisdem.—3 Hic versus corrupte legitur in Juntina: Græca verba, ut semper, omisit Colin. Codex Vaticanus sic habet: Et donas, et amas, ethisacos octhos.*

## NOTÆ

3 Ἐχεις ἀσώτως] In hac voce ludit Poëta, cum dicit Fabullam esse filiam clinici Sotæ, id est, medici qui aliis salutem restitueret: σῶζω enim servo: illam tamen perdit se habere, cum bona omnia effunderet, et luxuriose viveret. Sotæ es filia, inquit, et asota es, hoc est, prodiga et luxuriosa. De medico clinico dictum lib. i. Epig. 31. Aristoteles lib. iv. ad Nicomachum cap. 1. Ἄσωτος γὰρ ὁ δι' αὐτὸν ἀπολλύμενος: *Asotus enim est qui se ipsum perdit.*

## X.

## AD FAUSTINUM.

DUM novus est, neque adhuc rasa mihi fronte libellus,  
Pagina dum tangi non bene sicca timet:

*Dum meus liber recens est, necdum fronte rasa, dum pagina non bene sicca metuit*

1 *Dum novus est, et adhuc non rasa fronte Pulmanni vetus codex et Bever-*

I puer, et caro perfer leve munus amico,  
 Qui meruit nugas primus habere meas.  
 Curre, sed instructus; comitetur Punica librum 5  
 Spongia: muneribus convenit illa meis.  
 Non possunt nostros multæ, Faustine, lituræ  
 Emendare jocos: una litura potest.

*attrectari: o serve, proficiscere, et deporta tenue donum ad dilectum amicum, qui dignus est ut ipsi primo offerantur meæ ineptiæ. Propera, at munitus: Punica spongia comitetur libellum; illa apta est meis donis. O Faustine, plures lituræ nequeunt corrigere nostros libros: una litura potest.*

~~~~~

landi Ms.—5 *Curre, sed instructum comitetur pumice librum Spongia correxit Junius, cum omnes codd. et edd. vett. nostram exhibuerint lectionem. pumica pro Punica Beverlandi Ms.*

NOTÆ

1 *Neque adhuc rasa*] De iis quæ ad librorum ornamenta pertinerent, dictum est lib. 1. Epig. 67.

5 *Comitetur Punica*] Spongia optimi generis, cujusmodi sunt spongiæ Africanæ, de quibus Plinius lib. ix. cap. 45. ut deleantur mea carmina. Alii legunt: *Curre, sed instructum comitetur pumice librum Spongia*: quæ lectio minus probatur: etenim si liber nondum erat pumice æquatus, ut ait primo ver-

su, pumice instructus non erat. Lib. viii. Epig. 72. Lib. i. Epig. 67. 'Sed pumicata fronte si quis est nondum.' Alii sic hanc lectionem interpretantur, ut vel probatus pumice posciatur, vel damnatus spongia deleatur.

8 *Una litura potest*] Quæ scilicet omnia mea carmina, utpote prorsus mala, deleat. Sic modeste deprimit se Poëta.

XI.

IN ANT. SATURNINUM.

DUM nimium vano tumefactus nomine gaudes,
 Et Saturninum te, miser, esse pudet:
 Impia Parrhasia movisti bella sub ursa,
 Qualia qui Phariæ conjugis arma tulit.

Dum, o infelix, nimis inflatus vano nomine lætaris, et erubescis esse Saturninus: sub ursa Parrhasia suscepisti bella impia, qualia movit qui meruit sub uxore Ægypt-

NOTÆ

2 *Et Saturninum*] Hic vocabatur Lucius Antonius, cognomento Saturninus, Germaniæ superioris Præses: nolebat autem Saturninus appellari, sed Antonius; nam pudebat eum esse

tantum Germaniæ Præsidentem, sed exemplo Antonii imperium orbis affectabat. De illo agit Suetonius in Domitiano cap. 6.

Excideratne adeo fatum tibi nominis hujus, 5
 Obruit Actiaci quod gravis ira freti?
 An tibi promisit Rhenus, quod non dedit illi
 Nilus, et Arctois plus licuisset aquis?
 Ille etiam nostris Antonius occidit armis,
 Qui tibi collatus, perfide, Cæsar erat. 10

tia. Itane eras oblitus fatum illius nominis, quod oppressum est acerba ira freti Actiaci? Rhenusne tibi pollicitus est, quod illi non concessit Nilus, majorque potestas data esset fluminibus Septemtrionis? Ille quoque Antonius cecidit nostris armis, qui tecum comparatus, o perfidiose, erat Cæsar.

7 *An ibi promisit Junt.*—9 *Pro Ille etiam, Gruterus mallet, si liceret per membranaceos, Ille tamen.*

NOTÆ

3 *Parrhasia sub ursa]* Hoc est, in promontorium ab Augusto victus est Antonius.
 Septemtrione: ursa Parrhasia dicitur a Parrhasia Arcadiæ urbe, ex qua nata erat Callisto, a Jove amata, et in ursam commutata.

4 *Pnariæ conjugis]* Cleopatrar, cuius et Antonii mariti nota est historia.

6 *Obruit Actiaci]* Ad Actium Epiri subministrabit superior Germania?

XII.

IN THAIDEM.

NULLI, Thai, negas: sed si te non pudet istud,
 Hoc saltem pudeat, Thai, negare nihil.

O Thai, nemini recusas: sed si in ea re non erubescis, in hac saltem erubescas, o Thai, recusare nihil.

Hujus Epigrammatis lectio non variat in libris manuscriptis aut prelo excusis.

NOTÆ

2 *Negare nihil]* Lib. XII. Epig. 72. et 81. et Lib. XI. Epig. 50. in fine.

XIII.

AD RUFUM, DE NUPTIIS PUDENTIS ET CLAUDIÆ PEREGRINÆ.

CLAUDIA, Rufe, meo nubit Peregrina Pudenti:
 Macte esto tædis, o Hymenæe, tuis.

O Rufe, Pudens meus uxorem duxit Claudiam Peregrinam: O Hymenæe, macte

Tam bene rara suo miscentur cinnama nardo,
 Massica Theseis tam bene vina favis.
 Nec melius teneris junguntur vitibus ulmi, 5
 Nec plus lotos aquas, littora myrtus amat.
 Candida perpetuo reside, Concordia, lecto,
 Tamque pari semper sit Venus æqua jugo.
 Diligat illa senem quondam : sed et ipsa marito,
 Tunc quoque cum fuerit, non videatur anus. 10

esto tuis tædis. Tam bene infrequentia cinnama confunduntur suo nardo, tam bene vina Massica favis Atticis. Nec ulmi aptius copulantur teneris vitibus, nec rivuli loto, nec littora gratiora sunt myrto. O Concordia, remane benigna æterno thalamo, et Venus faveat semper copulationi tam æquali. Illa quondam amet senem : at illa quoque senium adepta tunc vetula non compareat marito.



De nuptiis Pudentis et Claudiæ est lemma in edd. vett.—1 Claudiæ, Ruffe, meo nupsit Ald. Junt. Colin. Gryph. &c. parenti pro Pudenti in Beverlandi Ms.—7 Candida perpetuo residet Ald. Junt. Colin. Gryph. &c.—9 Diligat ipsa in iisdem : illa codex Pulmanni et Beverlandi Ms.

NOTÆ

1 *Pudenti*] De quo jam lib. i. Epig. 32. de Claudiæ nihil reperi.

2 *Macte esto*] Mactus idem est ac auctus, et in vocativo ut plurimum ponitur, ut ‘macte virtute.’

4 *Massica Theseis*] Ex melle et vino mulsum conficiebatur, potio videlicet antiquis gratissima: favos Theseos dicit pro Atticis, quia Theseus regnavit in Attica. Significat

Poëta tam dulces fore nuptias Claudiæ et Pudentis, quam mulsum.

6 *Nec plus lotos*] Arbor notissima ex Homero Odyss. lib. ix. et Plinius describit loton lib. xiii. cap. 17. est etiam lotos herba in palustrium genere ibidem.

7 *Concordia*] Deam intellige Concordiam, cui templum erexit Vespasianus.

XIV.

AD SILIUM.

SILI, Castalidum decus sororum,
 Qui perjuriam barbari furoris

O Sili, ornamentum sororum Castalidum, qui verbis magnificis urges perjuriam

NOTÆ

1 *Sili, Castalidum*] Silium Italicum intellige poëtam satis notum. Musæ dicuntur Castalides a virgine Castalia, quæ Apollinem fugiens ad radices Parnassi in fontem a se

Castalium dictum, et Musis sacrum, versa est.

2 *Qui perjuriam*] De bello Punico secundo poëma scripsit Silius: initio primi libri sic habet: ‘ter Marte si-

Ingenti premis ore, perfidosque
 Fastus Hannibalis, levesque Pœnos
 Magnis cedere cogis Africanis: 5
 Paulum seposita severitate,
 Dum blanda vagus alea December
 Incertis sonat hinc et hinc fritillis,
 Et ludit Popa nequiore talo,
 Nostris otia commoda Camœnis. 10

furoris barbari, atque adigis perjuram superbiam Hannibalis, atque inconstantes Pœnos dedere se magnis Africanis: remota paulisper severitate, fac audientiam nostris Musis, dum levi alea December solutus hinc et inde strepit dubiis fritillis, et

4 *Fastus Annibalis* Ald. Junt. Colin. Junian. Lang. Delphi. &c. *sævosque Pœnos* Beverlandi Ms.—6 *Paulum deposita* in quibusdam vett.—8 Beverlandi Ms. *hinc et inde*.—9 *Et ludit rota* ed. antiq. Ferrar. an. 1471. Ald. 1501. Junt. Colin. Gryph. Ald. 1550. Plant. &c. *Popa* Scriverius e codd. restituit, cui velificatur codex Bodleianus, *pompa* a librario perperam scripto pro *Popa*.

NOTÆ

nistro Juratumque Jovi fœdus, conventaque patrum Sidonii fregere duces.’

5 *Magnis cedere*] Scipio enim Major, Africanus cognominatus, vicit superbum Hannibalem, et Carthaginenses cœgit pacem a Romanis petere: fuit et alter Scipio ob eversam Numantiam dictus Numantinus, qui Carthagine funditus deleta, Africanus minor dictus est: quas res gestas cum caneret Silius, poëtica Metonymia dicit Martialis fieri a Silio id quod canit factum. Sic Horat. i. Sat. ultima. ‘Turgidus Alpinus jugulat dum Memuona.’

7 *December*] Quo mense talis potissimum ludebant Romani.

8 *Incertis sonat*] De fritillis, turriculis, talis, et tesseris copiose dicemus lib. xiv. tamen per transcursum notandum talum eum esse apud Latinos, quem Græci vocant Astragalum. Plinius l. xxxiv. ubi Polycleti meminit, ‘Fecit,’ inquit, ‘et distringentem se et nudum telo incessentem, duosque pueros item nudos talis ludentes: qui vocantur Astragalizontes.’ Alia

pleraque, ut hoc probet, testimonia adducit Calcagninus de talorum ludo. Ad summovendas vero aleatorum fraudes, qui subdola manu uti callent, in pyrgo, seu turricula, sive pyxidem mavis appellare, repositi tali sicut et tesserae promebantur in abacum. Horatius ii. Sat. 7. ‘qui pro se tolleret atque Mitteret in pyrgum talos.’ Tesserae quoque ludentes turricula utebantur. Turnebus lib. xxvii. cap. 3. Turriculam et fritillum distinxit Suidas: idem tamen videtur, cum scribit Martialis de turricula lib. xiv. Epig. 16. Seneca de ludo Claudii: ‘Nam quoties missurus erat resonante fritillo Utraque subducto fugiebat tessera fundo.’

9 *Et ludit Popa [rota]* Locus hic perobscurus mihi videtur: Radernus intelligit ipsum fritillum dici rotam, quia rotundus fritillus velut turricula, ex qua intus gradatim aspera tali excutiebantur: quare autem dicat, *nequiore talo*, non mihi compertum est, nisi forte, quod tali pruriginem libidinis excitent, ut docet Junius Animadvers. lib. iv. cap. 13. et lib. ii.

Nec torva lege fronte, sed remissa
 Lascivis madidos jocis libellos.
 Sic forsan tener ausus est Catullus
 Magno mittere passerem Maroni.

rota ludit nequiore talo. Nec severo, sed leni vultu evolve libros perfusos lascivis salibus. Hoc fortasse modo tener Catullus ausus est mittere passerem magno Virgilio.

Qui *rota* legunt interpretantur, aleatorum circumstantium corona.—13
 Nonnulli legunt: *ausus et Catullus*, probante Musambertio.

NOTÆ

cap. 4. quod talis lusum est pro patrare potest; ita ut aleatores alii, fœminis. Ramiresius hunc versum ut in versu præcedenti, fritillis uterentur, alii manu luderent, lib. XIV. Epig. 16. Judicet lector.

a nemine intellectum, ut ait, intelligere se putat hoc sensu. Rotam accipit pro corona aleatorum, quam sic vocat Martialis a similitudine rotarum: sedebant enim aleatores in orbibus quos cingebant omnes circum. *Nequiore talo*, hoc est, talis manu jactis sine fritillo, in quo jactu manus improba compositiones et nequitias

13 *Ausus est Catullus*] Ætate Virgilium præcessit Catullus, cujus Carin. III. est de passere mortuo Lesbiæ; sed hoc fingit Poëta, ut se cum Catullo æquiparet, Silinm autem cum Virgilio, quem diligenter imitatus est, conferat: lib. XI. Epig. 51.

XV.

AD CÆCILIANUM.

MILLE tibi nummos hesterna luce roganti,
 In sex aut septem, Cæciliane, dies,
 Non habeo, dixi: sed tu causatus amici
 Adventum, lancem paucaque vasa rogas.
 Stultus es? an stultum me credis, amice? negavi 5
 Mille tibi nummos: millia quinque dabo?

O Cæciliane, hesterna nocte respondi tibi petenti mille nummos in sex aut septem dies, Non habeo: at tu prætexens adventum amici petis lancem et pauca vasa. Demensne es, o amice? an existimas me dementem? tibi recusavi mille nummos, an donabo quinque millia?

1 In edd. vett. *hesterna nocte*. Pulmanni et Beverlandi Ms. *hesterna luce*, quod habent etiam Gruteri et Cagnerii vett. codd.—4 Beverlandus legit, *pandaque vasa*, ut ap. Virg. Georg. II. ‘Lancibus et pandis fumantia condimus exta.’ Lanx, *μαζονόμος*, in Gloss.

NOTÆ

6 *Millia quinque dabo*] Cæcilianum commodaturus vasa emta quinque quendam irridet Poëta argumento a nummorum millibus, quæ nunquam minori ad majus: Si tibi, inquit, negavi mille nummos, non sum tibi mihi redderes.

XVI.

IN GALLUM.

PRIVIGNUM non esse tuæ te, Galle, novercæ

Rumor erat, conjux dum fuit illa patris.

Non tamen hoc poterat vivo genitore probari.

Jam nusquam pater est, Galle; noverca domi est.

Magnus ab infernis revocetur Tullius umbris,

5

Et te defendat Regulus ipse licet;

Non potes absolvi: nam quæ non desinit esse

Post patrem, nunquam, Galle, noverca fuit.

O Galle, sermo increbuerat te non esse privignum tuæ novercæ, dum illa fuit uxor genitoris. Nihilominus vivente patre id probari nequibat. O Galle, nunc pater discessit e vita; noverca moratur in ædibus tuis. Quamvis magnus Tullius reducatur ab umbris Tartareis, et Regulus ipse te tueatur, liberari nequis: etenim o Galle, quæ post patrem mortuum, non cessat esse noverca, nunquam fuit.

7 *Non potes absolvi* ed. Junt. an. 1512.

NOTÆ

1 *Privignum non esse*] Vivo patre patre domi novercam retineat Gallus, Gallus quidam se cum noverca minus illi jampridem turpe cum ea fuisse honeste gerebat, quam privignum commercium colligit Poëta. deceret.

4 *Noverca domi est*] Ex eo quod, 5 *Revocetur*] Regulum, de quo lib. 1. Epig. 13. in causis dicendis Ciceroni assentatorie æquiparare videtur.

XVII.

AD PAULUM.

FACERE in Lyciscam, Paule, me jubes versus,

Quibus illa lectis rubeat, et sit irata.

O Paule, malus es: irrumare vis solus.

O Paule, vis me scribere carmina in Lyciscam, quibus lectis illa erubescat, et succenseat. O Paule, nequam es: vis solus

2 In eadem Junt. margini ascriptum est: '*rubeat et fit irata* vetus codex.'

NOTÆ

1 *In Lyciscam*] Meretricem quam Juvenalis Sat. vi. 'Prostitit auratis urbane carpit Poëta, cum de Paulo titulum mentita Lyciscæ.' conqueri videatur. Lyciscæ meminit

XVIII.

DE PUERO STILLICIDIO JUGULATO.

QUa vicina pluit Vipsanis porta columnis,
 Et madet assiduo lubricus imbre lapis,
 In jugulum pueri, qui roscida tecta subibat,
 Decidit hyberno prægravis unda gelu:
 Cumque peregisset miseri crudelia fata, 5
 Tabuit in calido vulnere mucro tener.
 Quid non sæva sibi voluit Fortuna licere?
 Aut ubi mors non est, si jugulatis, aquæ?

Qua pluit porta finitima columnis Vipsanis, et lapis lubricus perfunditur pluvia continua, aqua prægravis hyemali glacie cecidit in guttur pueri, qui ingrediebatur templa madida. Et cum gladius infelici attulisset acerbam mortem, mollis liquefactus est in plaga calida. Quid non sibi permissum esse voluit crudelis fortuna? aut ubi letum non est, si jugulatis, o aquæ?

De Puerio glacie occiso lemma est in Ald. Junt. Colin. &c.—1 Vipsaniis legit Ant. de Rooy. Vide ad lib. I. Epig. 109.—3 Codd. Florent. et Vat. habent: qui roscida templa subibat; et sic legunt Ald. Junt. Colin. Gryph. Pulman. Junian. Lang. Delph. &c.

NOTÆ

- 1 *Qua vicina pluit*] Capenam portam intellige, de qua jam sic locutus est lib. III. Epig. 47. De porticu Vipsana dictum lib. I. Epig. 109.
 2 *Lubricus lapis*] Aream lapidibus stratam, seu pavementum intellige, in quod aqua, quam imbrem dicit, ex aquæductu portæ Capenæ assidue defluebat.
 4 *Prægravis unda gelu*] Elegans stiria periphrasis.
 6 *Mucro tener*] Stiria enim non secus ac mucro puerum jugulavit.

XIX.

DE ENDROMIDE.

HANC tibi Sequanicæ pinguem textricis alumnam,
 Quæ Lacedæmonium barbara nomen habet,

Crassam hanc alumnam textricis Sequanicæ munus ad te mittimus externam en-

De Andromide in edd. vett. Ad Sequanicum Beverlandi Ms.—4 Andromeda

NOTÆ

Hanc tibi] Endromis vestis erat textricis Sequanicæ, quia fuerat confecta a muliere in provincia Galliæ

Sordida, sed gelido non aspernanda Decembri

Dona, peregrinam mittimus endromida :

Seu lentum ceroma teris, tepidumve trigona, 5

Sive harpasta manu pulverulenta rapis ;

Plumea seu laxi partiris pondera follis ;

Sive levem cursu vincere quæris Atham :

dromida, cui barbaræ nomen est Lacedæmonium : squalida est, at non contemnenda frigido Decembri. Sive teris molle ceroma, aut trigona tepidum, seu manu arripis pulverulenta harpasta : seu partiris plumea pondera magni follis : seu cupis supe-

in codice Vat. *Endromiden* Junt. et Colin. *Endromeda* cod. Florent.—5 Beverlandi Ms. *trepidumve trigona*.—8 Pulmanni codex habet: *forsan vincere quæris Atham*. Hermolaus Barbarus Castigat. lib. vii. pro *Atham* legit

NOTÆ

quam vocant hodie *Franche-Comté*: licet autem barbara, id est, Sequanica esset, tamen Græcum nomen retinebat: eam enim invenerunt Lacedæmones, atque ea usi sunt ἐν τῷ δρόμῳ, id est, in cursu, unde dicta endromis, ne sudantes post cursum repentino frigore corriperentur.

5 *Seu lentum ceroma*] Ceromate, id est, unguento ex oleo et pulvere, uncti palæstritæ certabant, quod corpori astrictum variis motibus terebatur.

Tepidumve trigona] Ut hic locus intelligatur, breviter aliquid dicendum de pilarum genere, et ludo: quatuor ergo fuerunt pilarum genera, quibus ludebant antiqui, follis scilicet, trigonalis, paganica, et harpastum. Follis erat pila magna ex aluta confecta, soloque vento repleta, quæ si major erat, brachiis impellebatur. Propertius lib. III. 'Cum pila veloces fallit per brachia jactus.' Si minor, pugnis ejiciebatur, atque pugillaris follis vocabatur, ut apud Plautum in Rudente: 'follem pugillatorium faciam Extemplo hercle ego te.' Trigonalis pila, quæ parva erat, non triquetra figura, sed a loco trigono, vel a numero, figura, aut situ ludentium. Stabant enim tres eo ordine,

ut trigonum seu triangulum efficerent. Vide lib. XII. Epig. 84. 'Tepidum' vero dicit, vel quod ludentes calefaceret, vel potius quod attrectata pila ludentium et sudantium manu tepifieret. Paganica, qua in pagis et gymnasiis quoque ludebatur, major trigone, folle vero minor, farciebatur pluma, lib. VII. Epig. 32. et lib. XIV. Epig. 45. 'Hæc quæ difficilis turget paganica pluma Folle minus laxa est, et minus arcta pila.' Postremum est harpastum a Græco verbo ἀρπάζω, *rapio*: pila erat omnium minima ex corio, quam alter ludens alteri rapiebat: in solo pulverulento antiqui ludebant harpato, ut hic docet Poëta, et lib. VII. Epig. 32. Hæc ex Mercuriali de Arte Gymnastica lib. II. cap. 5.

7 *Plumea seu laxi*] Hoc est, inquit Mercurialis, levia; follis enim vento inflatus levis est: paganica enim farciebatur pluma, ut diximus supra, quod de folle non constat: 'laxi' autem, hoc est, teste Radero, magni, lati, vel minime duri.

Partiris] Id est, metiris, et advertis motum follis plumei seu levis. Videat lector.

8 *Atham*] Puerum cursu volocem. Plinius lib. VII. cap. 20.

Ne madidos intret penetrabile frigus in artus,

Neve gravis subita te premat Iris aqua.

10

Ridebis ventos hoc munere tectus et imbres :

Nec sic in Tyria sindone tutus eris.

rare Atham cursu velocem : ne frigus penetrabile subeat membra humida, neve Iris facta repentina pluvia te opprimat. Hoc dono munitus illudes ventis et pluvia. Non ita eris securus in Tyria sindone.

Athan : sed codd. Florent. et Vat. exhibent Atlan.—12 Idem Florent. pro sindone habet Sidone. Pulmanni codex : sindone cultus eris. Ramires de Prado, sindone nudus eris. Juntina nostra in margine, sindone tectus eris; sed tectus præcesserat.

NOTÆ

9 *Ne madidos*] Endromis enim defendit corpus a pluvia et frigore.

10 *Iris*] Nuntia est pluvia, pro qua sumitur.

12 *In Tyria sindone*] Quam Julius Pollux lib. VII. cap. 16. sic explicat : Σινδών, ἔστιν Αἰγυπτία μὲν, περιβόλαιον δ' ἂν εἴη, τὸ νῦν δίκροσσον καλούμενον : Sin-

don quidem est Ægyptiaca; amiculum vero est, quod nunc utrimque fimbriatum vocant. Dicta autem est, ut opinatur Bayfius, quia primum in urbe Sidone hujusmodi amictus fieri cœpit. Ob id Tyria a Martiali dicta: erant enim vicinæ urbes Tyrus et Sidon.

XX.

DE CÆRELLIA ET GELLIA.

DICIT se vetulam, cum sit Cærellia puppa :

Puppam se dicit Gellia, cum sit anus.

Ferre nec hanc possis, possis, Coline, nec illam :

Altera ridicula est, altera putidula.

Cum Cærelia sit puella, prædicat se anum : Gellia se prædicat puellam, cum sit vetula. Nequeas, Coline, hanc tolerare, nec illam. Altera inepta est, altera putidula.

Hoc Epigramma superiori adjunctum legitur in editione Schrevel. an. 1670. in ejusdem ed. prima an. 1656. non item. *Ad Collinum* inscribitur in codice Thuaneo.—1 Beverlandi Ms. *Cherellia puppa.*

NOTÆ

4 *Altera ridicula*] Gellia nempe, cum modos omnes et puellæ gestus affectaret.

Altera putidula] Cærellia nempe ani-

lem gravitatem imitata omnibus erat fastidio, atque ab ea tanquam a re putida vultum quilibet avertibat.

XXI.

DE SELIO.

NULLOS esse Deos, inane cœlum
Affirmat Selius, probatque; quod se
Factum, dum negat hoc, videt beatum.

Selius asseverat nulla esse numina, cœlum commentitium, et probat; quod dum inficiatur hæc, cernit se evasisse divitem.

De Celio est lemma in Ald. Junt. Colin. &c. De Segio in codd. Florent. et Vat.

NOTÆ

- 1 *Inane cœlum*] Hoc est, Diis vacuum, vel rem commentitiam, ut interpretatus sum. sententiam vide apud Senecam libro, 'Quare bonis viris mala accidant, cum sit providentia.'
- 3 *Videt beatum*] Multa in hanc

XXII.

DE CLEOPATRA.

PRIMOS passa toros, et adhuc placanda marito,
Merserat in nitidos se Cleopatra lacus;
Dum fugit amplexus: sed prodidit unda latentem,
Lucebat totis cum tegetur aquis.
Condita sic puro numerantur lilia vitro: 5
Sic prohibet teneras gemma latere rosas.

Post primos congressus Cleopatra adhuc lenienda a viro se immerserat in lacus perlucidos; dum vitat amplexus: sed aqua patefecit delitescentem: splendebat enim, cum occultaretur totis undis. Lilia reposita in nitido vitro ita numerantur: hoc modo gemma vetat delitescere teneras rosas. Irrui, atque undis immersus li-

De Cleopatra uxore inscribitur in Ald. Junt. Colin. &c. De Cleopatra natatrice in Beverlandi Ms.—1 Codd. Florent. et Vat. nec adhuc placanda.—2 Merserat in liquidos Ant. de Rooy. Vide Ovid. Met. III. 407. IV. 354. Epist. Heroid. xv. 157. Avian. Fab. II. 4. et Snakenb. ad Curt. III. 1.—5 Candila

NOTÆ

- 1 *Primos passa*] Cleopatra Martialis uxor, amissa virginitate, subrata marito in aquas se immersit, quam tamen secutus ille invitam deosculatus est. 6 *Gemma*] Lapidem pellucidum intellige vitri instar, quo rosæ in hortis tegebantur. Lib. VIII. Epig. 68. 'Condita perspicua vivit vindemia gemma.'

Insilui, mersusque vadis luctantia carpsi
 Basia: perspicuæ plus vetuistis aquæ.

bavi oscula resistentia. O undæ nitidæ, impediistis cetera.

sic puro Beverlandi Ms.—6 Pro teneras Scriverius legit tenuis.—8 Oscula codex Vaticanus.

XXIII.

AD THALIAM, DE BRUTIANO.

DUM tu lenta nimis, diuque quæris,
 Quis primus tibi, quisve sit secundus;
 Graium quisve Epigramma comparabit:
 Palmam Callimachus, Thalia, de se
 Facundo dedit ipse Brutiano. 5
 Qui si Cecropio satur lepore,
 Romanæ sale luserit Minervæ;
 Illi me facias, precor, secundum.

Dum tu, o Thalia, nimis cunctaris, et diu dubitas cui des primas, aut secundas; aut quis componet elegans Epigramma: ipse Callimachus detulit victoriam de se eloquenti Brutiano. Qui si fastidiens Atticam venustatem, jocatus fuerit urbanitate Romanæ Minervæ; rogo, mihi des secundas ab illo.

Ad Thalam lemma est in edd. vett.—3 Gratum quisve in iisdem: Gratumque codex Florent. comparavit Beverlandi Ms.—6 Qui sic Cecropio Beverlandi Ms. Qui si secropio Junt. an. 1512.—7 Romanæ scolæ cod. Florent.

NOTÆ

4 Callimachus] Poëta Cyrenæus Martialis. Brutiani vero meminit præstantissimus, quem in antiquam Plinius Junior lib. vi. Epist. 22. Probitate et rerum gestarum gloria edidit erudita Tanaquilli Fabri filia; nobilis imperante Trajano floruit: ab vixit temporibus Ptolemæi Philadelphi, quo familiariter usus est. Epigrammata, Hymnos, et Elegias illo autem secundus esse optat noster Poëta, si a Græcis versibus ad Græcæ scripsit elegantissimas; a Latinos se contulerit.
 Brutiano tamen illum superari dicit Thalia] Una ex novem Musis, quæ jocus præest.

XXIV.

DE LYCORI, AD FABIANUM.

OMNES, quas habuit, Fabiane, Lycoris amicas
Extulit; uxori fiat amica meæ.

O Fabiane, Lycoris extulit omnes amicas quas habuit; ineat amicitiam cum mea conjugē.

Ad Fabianum lemma in Ald. Junt. Colin. Gryph. Pulman. Lang. Junian.
Ad Fabianum de Lycori venefica in aliis.

NOTÆ

- 1 *Lycoris*] Quædam fuit meretrix prium.
venefica, quæ æmulas omnes veneno Uxori] Ut ab ea quoque efferatur
interficiebat. uxor mea.
2 *Extulit*] Verbum funeris pro-

XXV.

DE LITTORIBUS ALTINI ET AQUILEIA.

ÆMULA Baianis Altini littora villis,
Et Phaëthontei conscia sylva rogi;
Quæque Antenoreo Dryadum pulcherrima Fauno
Nupsit ad Euganeos sola puella lacus;

O littora Altini æmula Baianis villis, et nemus conscium mortis Phaëthontis:
et tu, o virgo formosissima Dryadum, quam unicam ad Venetas paludes Patavinus

Ante hoc Epigramma multa ex lib. i. erant in codice Cagnerii: similis confusio est in Colin. et Junt. vide ad lib. i. Epig. 104. 105. Ad Aquileiam Pulmanni codex. De littoribus Altini inscribitur in edd. vett.—3 Quemque in iisdem.—5 Aquileia Tymanno Beverlandi Ms.

NOTÆ

- 1 *Altini littora*] Altinum oppidum Ovid. Met. ii. Plin. lib. iii. cap. 16.
fuit amœnissimum ad mare Adriaticum, Ἔστι δὲ καὶ τὸ Ἄλτινον ἐν ἔλει 3 *Quæque Antenoreo*] Antenor capta
Troja fugit, atque ad Venetorum
littus appulit, ubi Patavium condidit,
hodie, Padoua. Euganei, qui et Heneti,
et postea Veneti, Italiæ populi ad
mare Adriaticum, quorum regio
hodie Marca Trarvisana vocatur.
Poëta autem fugit Dryadem, id est,
nemoris Nympham, nupsisse Fauno
qui præest agro Patavino.
- Est et Altinum in palude, eodem quo
Ravenna situ. Strabo lib. v. Plinius
lib. iii. cap. 18.
2 *Et Phaëthontei conscia sylva*] Po-
pulos intelligit in quas Phaëthontis
sorores miserum ejus casum deflentes
ad Padi ripas fuerunt commutatæ.

Et tu Ledæo felix Aquileia Timavo,
 Hic ubi septenas Cyllarus hausit aquas;
 Vos eritis nostræ portus requiesque senectæ,
 Si juris fuerint otia nostra sui.

5

Faunus duxit uxorem: et tu, o Aquileia, beata Timavo Ledæo, hic ubi Cyllarus bibit septenas undas: vos fietis perfugium et requies meæ senectutis, si otia nostra se asseruerint in libertatem.

NOTÆ

5 *Ledæo Timavo*] Timavus, hodie *Timauo*, fons est in Foro Julii, hodie *le Frioul*, ex quo tanta scaturit aquarum copia, ut septem ostiis influat in mare. Virgilius *Æn.* i. novem ostia refert: 'fontem superare Timavi, Unde per ora novem,' &c. Ledæum dixit, quia Castor Ledæ filius una cum Argonautis ad Timavum venit, in cujus septem ostiis Cyllarus ejus equus bibisse fingitur. Aquileia autem, *Aquilegia*, urbs Patriarch. Carnorum metropolis, &c.

XXVI.

AD POSTHUMUM.

QUOD te mane domi toto non vidimus anno,
 Vis dicam, quantum, Posthume, perdiderim?
 Tricenos, puto, bis; vicanos ter, puto, nummos.
 Ignosces; togulam, Posthume, pluris emo.

O Posthume, placet proferam quantum amiserim, quod per annum integrum te mane non salutaverim in ædibus tuis? Opinor centum viginti nummos me perdidisse. Veniam dabis, o Posthume, pluris mihi constat togula.

3 Codex Pulmanni exhibet, *de nostris computo nummis.*

NOTÆ

2 *Vis dicam quantum*] Poëta avaverit, parvam fecisse se jacturam, rum quendam Posthumum irridet, centum nempe et viginti nummorum, qui tenuissima clientibus mercede cum togam pluris emeret. Legunt data coli volebat. Martialis ergo alii: *Tricenos puto bis de nostris computo nummis.*

XXVII.

AD CÆSAREM AUGUSTUM DOMITIANUM.

SÆPE meos laudare soles, Auguste, libellos.
 Invidus ecce negat: non minus ergo soles.

O Auguste, consuevisti frequenter commendare meos libros: en lividus inficiatur:

Ad Augustum inscribitur in edd. vett.—2 Raderus reponendum putat cum

Quid, quod honorato non sola voce dedisti,
 Non alius poterat quæ dare dona mihi?
 Ecce iterum nigros corrodit lividus ungues.
 Da, Cæsar, tanto tu magis, ut doleat.

5

propterea non minus consuevisti. Quid vero, quod non verbis solis mihi laudato largitus es munera, quæ mihi largiri nequibat alius? en rursus malevolus corrodit nigros ungues. Tu, Cæsar, largire tanto magis, ut mæreat.

interrogatione: *num minus ergo soles?*—5 Codex Vat. *contorsit lividus ungues*; quod habent etiam Ald. Junt. et Colin.

NOTÆ

2 *Non minus ergo*] Hoc loco ergo significat propter hanc causam, idcirco. Sensus est: Licet invidus neget, non idcirco libros nostri Poëtæ minus legebat Domitianus. Legunt alii per interrogationem, et forte melius: *num minus ergo soles?*

3 *Quid*] Hoc est, quid vero faciet invidus, &c.

4 *Non alius poterat*] De his muneribus dictum lib. II. Epig. 91. et 92.

6 *Da, Cæsar*] Urbane aliquid sibi mendicat ab Imperatore.

XXVIII.

AD CHLOEN.

DONASTI tenero, Chloë, Luperco
 Hispanas, Tyriasque, coccinasque,
 Et lotam tepido togam Galeso,
 Indos sardonichas, Scythas smaragdus,
 Et centum dominos novæ monetæ,
 Et quicquid petit usque et usque donas.
 Væ glabraria, væ tibi misella:
 Nudam te statuet tuus Lupercus.

5

O Chloë, molli Luperco dedisti Hispanas vestes, et Tyrias, et coccinas, et togam ablutam tepido Galeso, sardonichas Indos, smaragdus ex Scythia, et centum dominos novæ monetæ, et semper et semper largiris quicquid postulat. Væ glabraria, væ tibi misella; tuus Lupercus denudabit te.

3. 4 Hi duo versus transpositi sunt in Ald. Junt. et Colin.—5 *Et centum numeros* in iisdem: *nummos* in aliis. *Numus*, (nummus) et *numus*, i.e. *numerus*, sæpissime permutata a librariis.—7 *Miscella* Beverlandi Ms.

NOTÆ

1 *Chloë*] Mulier libidinosa.

3 *Togam Galeso*] De hoc fluvio diximus lib. II. Epig. 43. 'Te Lacedæmonio velat toga lota Galeso.' Vestes quoque e lana Bætica summo erant in pretio.

5 *Et centum dominos*] Aureos nummos intelligo Domitiani effigie notatos. Alii legunt *numeros*.

7 *Glabraria*] Proprie dicitur ovis tonsa.

8 *Nudam te*] In Luperci nomine

NOTÆ

Indit Poeta: Luperci enim erant quo ictu fœcundæ fieri credebantur. Sacerdotes ab Evandro instituti in Juvenalis Sat. II. 'Nec prodest honorem Panos; vel, ut alii volunt, agili palmas præbere Luperco.' Ovid. a Romulo; qui Lupercales ludos celebrantes nudi per urbem discurrebant, Fast. II. 'Tertia post Idus nudos aurora Lupercos Aspicit, et Fauni fœminasque sibi obvias percutiebant: sacra bicornis erunt.'

XXIX.

AD PUDENTEM.

OBSTAT, care Pudens, nostris sua turba libellis:

Lectoremque frequens lassat et implet opus.

Rara juvant: primis sic major gratia pomis:

Hybernæ pretium sic meruere rosæ.

Sic spoliatricem commendat fastus amicam,

5

Janua nec juvenem semper aperta tenet.

Sæpius in libro memoratur Persius uno,

Quam levis in tota Marsus Amazonide.

O dilecte Pudens, sua multitudo officit nostris libris, atque opus ingens defatigat et saturat lectorem. Rara placent: hoc modo prima poma gratiora sunt: hoc modo hyemales rosæ fuerunt æstimatæ: hoc modo superbia commendat spoliatricem meretricem, nec perpetuo patens janua retinet adolescentem. Uno in libro frequentior fit mentio Persii, quam vani Marsi in tota Amazonide. Tu etiam quemcumque

5 Sunt qui legant *Faustus*; at *fastus* hic est illa meretricum ars, qua fastidire fingunt amatores suos, quo acrius incendiant. Alii legunt, *Fastus*, litera majuscula, ut sit nomen proprium. *Fustus* Langius, errore forsitan typhotarum.—7 *Sæpius in libro numeratur* Pulmanni codex et Beverlandi Ms.—8 'Sicut duo fuere Codri, unus Poëta celebris a Virgilio laudatus, alter a Juvenale explosus; ita quoque duos crediderim fuisse Marsos: unus ab Ovidio cum Rabirio comparatus, alter hic a Martiale *levis* dictus. Nam quod Scaliger in codd. *Codrus* legerit, vix adducor habere fidem, cum opt. Thuan. Florent. aliosque pervolverim, qui cuncti habent *Marsus*. Scaliger intelligit eum Codrum, de quo in Juvenal. Sat. I. Vereor tamen ne ipsum fefellerit

NOTÆ

1 *Care Pudens*] De quo lib. I. Epig. 32.

4 *Hybernæ pretium*] De rosis hybernis lib. VI. Epig. 80.

5 *Commendat fastus*] Superbo enim meretricis fastidio alliciuntur juvenes. Alii legunt *Faustus*, ut sit nomen proprium. Quam lectionem minus probo.

Delph. et Var. Clas.

Martial.

7 *Persius*] Poëta satis notus. Hoc est: Magis placet brevis Persii liber, quam ingens Marsi Poëma de Amazonibus. Hic autem Marsus, quicumque ille fuerit, alius esse videtur ab eo cujus mentio facta est Epistola libri primi.

U

Tu quoque de nostris releges quemcumque libellis,
Esse puta solum: sic tibi pluris erit. 10

evolves ex nostris libris, crede esse solum; sic pluris facies.

corrighendi labor.' *Beverland.*—9 Edd. vett. *quæcumque libellis.* Lectio nostra Raderi ingenio debetur.

NOTÆ

9 *Quemcumque*] Alii *quæcumque*, minus bene.

XXX.

AD PISCATOREM.

BAIANO procul a lacu monemus,
Piscator, fuge, ne nocens recedas.
Sacris piscibus hæ natantur undæ,
Qui norunt Dominum, manumque lambunt 5
Illam, qua nihil est in orbe majus.
Quid, quod nomen habent, et ad magistri
Vocem quisque sui venit citatus?
Hoc quondam Libys impius profundo,
Dum prædam calamo tremente ducit,
Raptis luminibus repente cæcus 10
Captum non potuit videre piscem:
Et nunc sacrilegos perosus hamos,
Baianos sedet ad lacus rogator.
At tu, dum potes, innocens recede,

O piscator, monemus, longe declina a lacu Baiano, ne reus abeas. Pisces sacri natant his in undis, qui agnoscunt dominum, et lambunt manum illam, qua nihil majus est in mundo. Quid quod nomen est ipsis, et singuli vocati accedunt ad vocem sui magistri? Hoc olim lacu Afer impius, dum calamo tremente trahit prædam, ereptis oculis subito excæcatus nequivit aspicere piscem: et nunc odio habens sacrilegos hamos mendicus sedet ad lacus Baianos. Sed tu, dum licet, innoxius abi, cibus

8 Gruterus legit, *Libys improbus*, quod non spernendum putat Gronovius.

NOTÆ

3 *Sacris piscibus*] Deo nempe Domitiano consecratis.

4 *Qui norunt*] Domitianum: pisces vero mansuetos fieri docet Ælianus lib. viii. de animalibus cap. 4. Hoc idem repetit Martialis lib. x. Epig. 30.

6 *Quid quod*] Vehementius instandi gratia *quid quod* in oratione ponitur. Cicero pro lege Manilia: 'Quid quod salus sociorum summum in periculum ac discrimen adducitur?'

8 *Libys impius*] Miraculum hoc mihi poëticum videtur.

Jactis simplicibus cibus in undas,
Et pisces venerare dedicatos.

15

non dolosis immissis in aquas, et cole pisces consecratos.

—13 Beverlandi Ms. *rogare*.—16 *Et pisces sine errare delicatos* in eodem Ms. *delicatos* placet Grutero; nam ‘*delicata*’ veteres dixere pro ‘*dedicata*,’ et ‘*delicare*’ pro ‘*dedicare*,’ teste Festo.

XXXI.

AD HIPPODAMUM.

QUOD cupis in nostris dicique legique libellis;

Et nonnullus honos creditur esse tibi:

Ne valeam, si non res est gratissima nobis,

Et volo te chartis inseruisse meis.

Sed tu nomen habes averso fonte sororum

5

Impositum, mater quod tibi dura dedit:

Quod nec Melpomene, quod nec Polyhymnia possit,

Nec pia cum Phœbo dicere Calliope.

Quod optas prædicari et legi in chartis nostris, atque inde putas consequi aliquod decus: dispeream, nisi hoc mihi jucundissimum sit, et cupio te inserere meis libris. At tibi contrario fonte Musarum datum est nomen quod tibi imposuit agrestis genitrix; quod celebrare nequeat Melpomene, nec Polyhymnia, nec pia

2 Beverlandi Ms. *creditur iste tibi*.—5 In eodem Ms. *aversa fronte*, et sic legit Seriverius: in edd. vett. *aversum fonte*.—7 *Quod neque Melpomene in*

NOTÆ

5 *Averso fonte*] Id est, Tuum nomen propter syllabarum contumaciam non convenit carminibus.

7 *Quod nec Melpomene*] Tres Musas pro triplici Carminum genere posuit. Melpomene præest Tragædiis et Elegiis: unde Horatius I. Od. 24. ‘*præcipe lugubres Cantus, Melpomene,*’ &c.

7 *Nec Polyhymnia*] Cui curæ sunt

versus lyrici. Horatius I. Od. 1. ‘*nec Polyhymnia Lesboum refugit tendere barbiton.*’

8 *Calliope*] Versibus heroicis præsidet. Virgilius Æn. IX. 525. ‘*Vos, o Calliope, precor, aspirate canenti.*’ Piam dixit, vel quia filii sui Orphei mortem deflevit, vel quia heroum et maxime Deorum laudes canit.

Ergo aliquod gratum Musis tibi nomen adopta :

Non semper belle dicitur Hippodamus.

10

Calliope cum Apolline. Igitur facius tibi aliquod nomen jucundum Musis: non semper venuste dicitur Hippodamus.

iisdem. *Polymneia* cod. Pulmanni.—9 Beverlandi Ms. *nomen adoptes*.—10 *Hippodannus* in eodem. Sic ‘Hippodamna’ et ‘Hippodamia’ apud Justinum M. Cf. Ovid. ex Pont. iv. 12. Rutil. Numat. ad Rufum 419. et Sirmond. ad Sidon. 103. p. 222.

NOTÆ

10 *Non semper belle*] Nomen Hippodami Poësiæ quidem non repugnat omnino, sed minus eleganter Carmini sæpius accommodaretur.

XXXII.

DE APE ELECTRO INCLUSA.

ET latet et lucet Phaëthontide condita gutta,

Ut videatur apis nectare clausa suo.

Dignum tantorum pretium tulit illa laborum.

Credibile est ipsam sic voluisse mori.

Inclusa succino delitescit et splendet apis, ut videatur condita suo nectare. Illa consecuta est mercedem convenientem tantis laboribus: verisimile est ipsam optavisse hujusmodi interitum.

Hujus Epigrammatis lectionem non variant membranæ aut libri excusi.

NOTÆ

1 *Et lucet Phaëthontide*] Sorores Phaëthontis in populos fuerunt transmutatæ, ex quibus defluit succinum, quod idcirco vocat Phaëthontidem guttam. Ovid. Met. II. Forte succini guttæ in apem deciderant, quibus condensatis tanquam tumulo claudebatur. Idem dicit de vipera infra Epig. 59. et de formica lib. VI. Epig. 15.
2 *Nectare clausa*] Id est, suo melle; electrum quippe mellis colorem refert.
3 *Tantium laborum*] De quibus fuse Virgil. Georg. IV.

XXXIII.

AD SOSIBIANUM.

PLENA laboratis habeas cum scrinia libris,

Emittis quare, Sosibiane, nihil ?

Sosibiane, cum tibi sint foruli referti libris elaboratis, cur nihil edis in lucem ?

In hoc Epigrammate etiam nulla est lectionis varietas.

Edent hæredes, inquis, mea carmina: quando?
Tempus erat jam te, Sosibiane, legi.

Hæredes, ais, publicabunt meos versus: quando? O Sosibiane, jam tempus erat te evolvi.

NOTÆ

4 *Tempus erat*] Sosibianum quendam irridet Poëta: videtur enim ipsum hortari ut edat suos libros; sed cum nolit Sosibianus legi nisi post suam mortem, intelligit Poëta jam mori illum debuisse, quo legi possent ejus libri. Heraldus sic explicat: Tempus erat decessisse te, et ossa tua esse lecta. Nam ossilegium profecto videtur alludere.

XXXIV.

AD ATTALUM.

SORDIDA cum tibi sit; verum tamen, Attale, dixit,
Quisquis te niveam dixit habere togam.

O Attale, cum habeas vestem spurcam, nihilominus profert veritatem, quisquis profert tibi niveam esse togam.

1 *Attale dicit* Ald. Junt. Colin. Gryph. Pulman. Junian. Lang. Delph. &c.
—2 *In iisdem, dicit habere togam.*

NOTÆ

1 *Sordida cum tibi sit*] Attali cujusdam toga tam attrita erat, ut fila nuda albescerent, unde nivea dici poterat; vel nivea dicitur, quia frigida. Vide lib. ix. Epig. 50. In eo vero jocus est, quod toga nivea opponatur sordidæ.

XXXV.

DE PUGNA DAMARUM.

FRONTIBUS adversis molles concurrere damas
Vidimus, et fati sorte jacere pari.
Spectavere canes prædam: stupuitque superbus
Venator, cultro nil superesse suo.

Spectavimus imbelles damas congregari adversis frontibus, et procumbere æquali casu fati. Canes viderunt prædam: mirumque feroci venatori visum est, nihil

2 *Pulmanni vetus codex: et fato forte jacere pari.*

NOTÆ

3 *Spectavere canes*] Nempe se a præda abstinuerunt, cum viderent damas illas mutuum in necem adversa fronte ruere. 4 *Cultro nil*] Cultrum venatorium intellige, quo feras interficere solebant venatores in amphitheatri venationibus.

Unde leves animi tanto caluere furore ?

5

Sic pugnant tauri, sic cecidere viri.

restare suo cultro. Unde molles animi accensi sunt tanta rabie? hoc modo tauri dimicant, hoc modo viri prostrati sunt.

NOTÆ

5 *Unde leves animi*] Domitiano 6 *Sic cecidere*] Gladiatores scilicet adulatur, cujus numine damas fuisse cet. concitatas intelligit Poëta.

XXXVI.

AD OLUM.

CANA est barba tibi: nigra est coma: tingere barbam

Non potes, hæc causa est: sed potes, Ole, comam.

Ole, habes barbam canam; habes nigros capillos: nequis colorare barbam, hæc ratio est: at potes capillos.



2 Juntina nostra margjini ascriptum habet: *quæ causa est? sed potes, Ole, comam.*

NOTÆ

1 *Tingere barbam*] Forte quia fucus in barba minns commode quam in capillis tegebatur; vel forte, quod Olus eodem morbo laborabat, quo Charinus, de quo lib. i. Epig. 78. unde facile dilneretur fucus.

XXXVII.

AD AFRUM.

CENTUM Coranus, et ducenta Mancinus,

Trecenta debet Titius, hoc bis Albinus,

Decies Sabinus, alterumque Serranus;

Ex insulis fundisque tricies soldum,

Coracinus debet centum, et Mancinus ducenta, Titius trecenta, Albinus sexcenta, Sabinus decies, et Serranus alterum decies. Ex insulis et fundis tricies plene



1 *Centum Coracinus* in quibusdam: *Coranus* habent edd. antiquiss.—3 Alii legunt *Cerranus*, quod exhibet Beverlandi Ms. alii, *Saranus*, alii denique *Sarranus*. Similis confusio est ap. Juvenal. vii. 80.—4 Beverlandi Ms. *solidum*.

NOTÆ

1 *Centum, ducenta, Trecenta*] Adjunge millia sestertium: adverbii vero *bis, decies, tricies, ter*, adde centena millia sestertium. sola stant, ab aliis separata, dicuntur insulæ, ex quarum locatione magnam pensionem percipiebat Afer.

4 *Ex insulis*] *Ædificia* in urbe quæ *Tricies soldum*] Sic lib. i. Epig. 100. dixit 'vicies plenum.'

Ex pecore redeunt ter ducena Parmensi: 5
 Totis diebus, Afer, hoc mihi narras:
 Et teneo melius ista, quam meum nomen.
 Numeres oportet aliquid, ut pati possim:
 Quotidianam refice nauseam nummis.
 Audire gratis, Afer, ista non possum. 10

percipio, ex pecore Parmensi sexcenta. O Afer, id mihi recenseres per diem solidum; atque ista mihi notiora sunt meo nomine. Par est des aliquid, ut ferre valeam: nummis compensa tædium quotidianum. O Afer, nequeo auscultare ista gratuito.

NOTÆ

5 *Ex pecore Parmensi*] Oves Parmenses interpretare, quarum lana passim laudatur a nostro Poëta.

XXXVIII.

AD GALLAM.

GALLA, nega: satiatur amor, nisi gaudia torquent:
 Sed noli nimium, Galla, negare diu.

O Galla, recusa; amor expletur, nisi lætitia cruciat: at, o Galla, ne recuses diutius.

In hujus Epigrammatis lectione nulla est varietas in libris impressis aut scriptis.

NOTÆ

1 *Galla, nega*] Ejusdem argumenti est lib. I. Epig. 58. et Epig. 82. infra.

XXXIX.

AD CHARINUM.

ARGENTI genus omne comparasti,
 Et solus veteres Myronis artes,

Emisti omnem argenti speciem, et solus possides antiquas artes Myronis, solus

NOTÆ

1 *Argenti genus omne*] Id est, vasa ne, Praxitele, Scopæ, et Phidiæ; de quibus vide Plinium lib. xxxiv. cap. 8.

2 *Myronis artes*] Vasa nempe cæ- lata ab egregiis his artificibus, Myro-

Solus Praxitelis manus, Scopæque,
 Solus Phidiaci toreuma cœli,
 Solus Mentoreos habes labores. 5
 Nec desunt tibi vera Grantiana,
 Nec quæ Callaico linuntur auro,
 Nec mensis anaglypta de paternis.
 Argentum tamen inter omne, miror,
 Quare non habeas, Charine, purum. 10

opera Praxitelis et Scopæ, solus toreuma Phidiaci cœli, solus opera Mentoris. Nec vera Glaniana te deficiunt, nec quæ oblinuntur auro Callaico, nec anaglypta de mensis paternis. Nihilominus inter omne argentum, miror, o Charine, cur tibi non sit purum.

3 *Copæque* Beverlandi Ms.—6 *Bera glaniana* in marg. Junt. quod tribuunt Pithæo. Alii legunt, *vasa glaniana*. Pro *Grantiana* alii legendum putant *Gratiana*, ut est ap. Plin. lib. xxxiii. cap. 11. alii, *Graniana*: Salmasius, *Gentiana*. Raderus putat retinendum *Glaniana*, quod habent edd. antiquiss. cum Ald. Junt. Colin. Gryph. Pulman. Lang. &c. Vide Var. Notas.—7 *Callaico* in ed. antiq. Ferrar. Ald. 1501. 1517. Junt. Colin. Gryph. &c. *Gal-laico* Junian. Lang. &c. Vide D. Heins. ad Claud. in Prob. i. 49. *Callanico* Beverlandi Ms.

NOTÆ

4 *Phidiaci toreuma*] De quo lib. iii. Epig. 35.

5 *Solus Mentoreos*] De Mentore dictum quoque lib. iii. Epig. 41.

6 *Grantiana* [*Glaniana*] Ex officina Glanii. Vel forte legendum, *Gratiana*, ut legitur apud Plinium lib. xxxiii. cap. 11. ‘Vasa ex argento mira inconstantia humani ingenii variat, nullum genus officinæ diu probando, nunc Furniava, nunc Clodiana, nunc Gratiana.’ Legunt alii *Gentiana*, pocula scilicet, quæ fiebant in castris Gentianis, in septima urbis regione.

7 *Nec quæ Callaico*] Vasa auro Callaico inaurata summo in pretio fue-

runt lib. xiv. Epig. 95. Callaici autem populi Hispaniæ, hodie regnum Galliciæ.

8 *Anaglypta*] Hoc est, vasa in asperitatem excisa, ut scribit Plinius lib. xxxiii. cap. 11. ab ἀνά, sursum, et γλύφω, scalpo.

Mensis de paternis] Hoc addit ut ostendat illorum poculorum antiquitatem.

10 *Quare non habeas*] De Charino dictum lib. i. Epig. 78. cum impurus esset, quicquid tangeret, contaminabatur, et spurcum fiebat: alias argentum purum significat non cælatum, atque ita in ambiguo ludit Poëta.

XL.

AD POSTHUMUM.

ATRIA Pisonum stabant cum stemmate toto,
 Et docti Senecæ ter numeranda domus;

Atria Pisonum florebant cum toto stemmate, et ter numerandæ ædes periti

Prætulimus tantis solum te, Posthume, regnis:
 Pauper eras, et eques, sed mihi consul eras.
 Tecum ter denas numeravi, Posthume, brumas: 5
 Communis nobis lectus et unus erat.
 Jam donare potes, jam perdere, plenus honorum,
 Largus opum: expecto, Posthume, quid facias.
 Nil facis: et serum est alium mihi quærere regem.
 Hoc, Fortuna, placet? Posthumus imposuit. 10

Senecæ. O Posthume, te unum anteposuimus tantis patrociniis: egenus eras, et eques, at te colebam ut consulem. O Posthume, tecum consumsi triginta annos: unum et commune habebamus cubile. Nunc potes largiri, nunc perdere, divitiis abundans, cumulatus honoribus: præstolor, o Posthume, quid agas. Nihil agis: et turdum est mihi comparare alium patronum. O fortuna, hocne tibi arridet? Posthumus decepit.

4 *Pauper eras, sed eques legi vult* Scriverius.—10 *Fortunæ placet hoc* Beverlandi Ms.

NOTÆ

1 *Atria Pisonum*] Clarissima fuit Romæ Pisonum familia: in primo autem domus aditu nobilitatis insignia collocabant antiqui; unde Seneca de Beneficiis lib. III. cap. 28. 'Qui imagines in atrio exponunt, et nomina familiæ suæ longo ordine, ac multis stemmatum illigata flexuris, in parte prima ædium collocant, noti magis quam nobiles fiunt.' Juvenalis Sat. VIII. 'Stemmata quid faciunt?' Sensus est Poëtæ: Poteram colere Pisones, a quibus multa beneficia accepissem.

2 *Et docti Senecæ ter numeranda*] Vel propter Senecam rhetorem, et filium ejus Philosophum, et Lucanum nepotem: vel propter tres filios Rhetoris, Annæum, Novatum, et Melam, de quibus plura apud Lipsium Elect. I. cap. 1. Hanc opinionem refutat Ramiresius; cum enim extincta esset

Senecarum familia, existimat hanc Senecæ domum nobilem dici propter Pollam Lucani uxorem, quæ vidua Martialis tempore mortuum maritum summo studio colebat, ejusque diem natalem celebrabat, ut constat ex lib. VII. Epig. 20. 21. 22. Hanc ergo Pollam colere potuisset Poëta. *Ter numeranda domus* dicitur more Græco, domus valde memoranda et celebranda.

9 *Nil facis*] Hoc est, nihil donas.

10 *Posthumus imposuit*] Me, et fortunam decepit Posthumus, quæ illi eo consilio divitias dederat, ut in amicos esset liberalis. Ejusmodi avaros fallaces vocat Poëta lib. I. Epig. 104. 'In jus, o fallax atque inficator, eamus.' Vide lib. II. Epig. 43. *Hoc, fortuna, placet?* Vel sic intellige: O fortuna, an locupletasti Posthumum, ut erga me ingratus foret?

XLI.

IN MALE RECITANTEM.

QUID recitaturus circumdas vellera collo?
Conveniunt nostris auribus illa magis.

Quid recitaturus cingis collum lanis? illæ auribus nostris aptiores sunt.

//////////

In Poëtam inscribitur in Pulmanni codice.

NOTÆ

1 *Circumdas vellera*] Intellige focalia, quæ erant fasciæ, seu vellera, quibus aures, fauces, et colla muniebant recitaturi, ne frigore corripentur, nec obstrepentium clamore terrentur.
2 *Conveniunt nostris*] Ne te inep- tum recitatore audiamus.

XLII.

AD FLACCUM.*

SI quis forte mihi posset præstare roganti:
Audi, quem puerum, Flacce, rogare velim.
Niliacis primum puer is nascatur in oris:
Nequitias tellus scit dare nulla magis.
Sit nive candidior: namque in Mareotide fusca 5
Pulchrior est, quanto rarius iste color.

1 Alii legunt *locanti* pro *roganti*: utraque lectio probari potest.—2 Et hic etiam nonnulli legunt *locare* pro *rogare*. Ald. Junt. et Colin. quæ versu primo *roganti* habent, hic *locare* exhibent.—4 *Nequitiam* in edd. vett.—8 *Iustina* nostra

NOTÆ

* Landat Flacci puerum Amazonicnm artificiose: describit enim quem puerum optaret, et post longam descriptionem talem fuisse Amazonicum affirmat. *Ramiresius*.

1 *Roganti*] Pretio prostitutnm, lib. ix. Epig. 7. et 9. Alii legunt *locanti*: utraque lectio probari potest. Commodato enim petere, per verbum *rogandi* exprimitur. Sequenti etiam versu leg. *locare*.

3 *Niliacis primum, &c.*] In Ægypto. Mareotis autem est lacus Ægypti.

4 *Nequitias tellus, &c.*] Lasciviam et improbitatem Veneream. Juvenal. Sat. xv. 45. Vide lib. iii. Epig. 62. 4.

5 *Namque, &c.*] Namque inter Ægyptios, qui omnes fere fusci sunt, majori in pretio est, quo quis sit candidior.

Lumina sideribus certent, mollesque flagellent
 Colla comæ : tortas non amo, Flacce, comas.
 Frons brevis, atque modus breviter sit naribus uncis :
 Pæstanis rubeant æmula labra rosis. 10
 Sæpeque nolentem cogat, nolitque volentem :
 Liberior domino sæpe sit ille suo.
 Et timeat pueros, excludat sæpe puellas.
 Vir reliquis, uni sit puer ille mihi.
 Jam scio, nec fallis : nam me quoque iudice verum est : 15
 Talis erat, dices, noster Amazonicus.

margini ascriptum habet *curtas* pro *tortas*, quod probabilius est. Hæc verba facillime permutentur in membranis. Vide Sueton. in Tib. cap. 68. et Ner. cap. 51.—11 Alii ex Palat. et vett. edd. legunt : *Sæpe et nolentem* : recte, inquit Farnabius. *Sæpe et nolentem ogat, lolitq; nolentem* in Junt. an. 1512.

NOTÆ

7 *Flagellent*] Dimissæ et diffusæ fluant per colla, non crobylis, annulis, aut cirris calamistratæ.

9 *Frons brevis, &c.*] Frons tenuis veteribus in laude. Sic Horatius Od. i. 33. ad Tibullum : 'Insignem tenui fronte Lycorida Cyri torret amor.'

Modus breviter, &c.] Sit modus naribus breviter, id est, modice uncis. Sic Petronius loquitur : 'nares paululum inflexæ.' Et Sidonius lib. i. Epist. 2. de Theodorico rege : 'nasus venustissime incurvus.'

10 *Pæstanis rubeant, &c.*] In Pæsto Lucaniæ oppido bis in anno proveniebant rosæ.

11 *Sæpeque nolentem, &c.*] Grata

petulantia et protervitate. Ut sæpe excitentur et quasi cogantur nolentes; sæpeque volentes, quo magis incendantur, ad tempus frustrentur : ut videre est lib. v. Epig. 47. et 84. et supra 38. Alii vero ex Palatina et vet. edd. legunt : *Sæpe et nolentem*. Recte.

13 *Et timeat, &c.*] Zelotypia testetur amorem.

14 *Vir reliquis, &c.*] Aliis neget, mihi soli det.

15 *Jam scio, &c.*] Respondet voto suo Poëta ex persona Flacci, cujus puerum Amazonicum talem fuisse dicit.

XLIII.

IN CORACINUM.*

NON dixi, Coracine, te cinædum :
 Non sum tam temerarius, nec audax,

NOTÆ

* Est faceta quædam in Coracinum illusio expressa per suspensionem, quæ desinit in paradoxon. Negat enim quod minus est probrum, et fateatur quod est majus. *Ramiresius*.

2 *Temerarius*] Vides distingui te-

Nec mendacia qui loquar libenter.
 Si dixi, Coracine, te cinædum,
 Iratam mihi Ponticæ lagenam, 5
 Iratum calicem mihi Metili.
 Juro per Syrios tibi tumores,
 Juro per Berecynthios furores.
 Quod dixi tamen, hoc leve et pusillum est:
 Quod notum est, quod et ipse non negabis: 10
 Dixi te, Coracine, cunnilingum.

5 Junt. in marg. *Ponticæ lagenam*. Vide lib. II. Epig. 34.—7 *Juro per Syrios tibi timores* in codice Pulmanni. *per Syrium tibi cruorem* Juntinæ margo. —9 *Quid dixi tamen? hoc leve, &c.* legit Musambertius.

NOTÆ

merarium ab audaci. Distinxerunt et alii. Titus Livius lib. xxv. ‘Martins ad consilium, prima specie temerarium magis quam audax, animum adjecit, ut ultro castra hostium oppugnaret.’

5 *Iratam mihi*] Supple ‘precor,’ ‘habeam,’ aut ‘experiar.’ Imprecationis formula. *Ponticæ*] Veneficæ. Lib. II. Epig. 34.

Lagenam, calicem mihi] Vas quo miscetur venenum. Epig. 69. infra vs. 4. et lib. XII. Epig. 93.

6 *Metili*] Venefici: vel etiam putidi, cui fœtebat anima.

7 *Syrios tumores, Berecynthios, &c.*] Cl. J. Seldeus Syntagm. II. cap. 3. de Diis Syris. Beroaldus Annot. cap. 25. intelligit tumores et vibices a

cultris et flagris quibus sacerdotes Cybeles, quam Deam Syriam esse volunt, se sauciabant. Ego autem censeo magis dici tumores illos, ulcera et morbos quibus credebatur irata Isis inflare pejerantes, ex mente Persii Sat. v. 187. ut et Furores quibus incitati Berecynthiæ matris Cybeles sacerdotes, cultris sibi lacertos, pectus, et humeros secant.

9 *Quod dixi, &c.*] Alii, *Quid dixi tamen? hoc leve, &c.*

11 *Dixi te, &c.*] Negabat levius, fatetur sarcastice quod gravius est. Sic Junius Bassus, referente Quintiliano, lib. VI. cap. 4. ‘Non dixi, inquit, te calceos veteres vendere; sed emere solere dixi.’

XLIV.

DE VESUVIO MONTE.

Hic est pampineis viridis modo Vesvius umbris:
 Presserat hic madidos nobilis uva lacus.

Ecce Vesuvius paulo ante virens umbris pampineis: hoc in loco præstantes racemi

De Vesbio monte in edd. vett.—1 *Vesbuis* in iisdem.—3 Beverlandi Ms. modo *Bacchus amavit*.

Hæc juga, quam Nysæ colles, plus Bacchus amavit :

Hoc nuper Satyri monte dedere choros.

Hæc Veneris sedes, Lacedæmone gratior illi :

5

Hic locus Herculeo nomine clarus erat.

Cuncta jacent flammis, et tristi mersa favilla :

Nec Superi vellent hoc licuisse sibi.

impleverant humidas cupas. Hi vertex Baccho cariores fuerunt collibus Nysæ : nuper Satyri hoc in monte egerunt choreas. Hæc Veneris habitatio jucundior illi Lacedæmone : hic locus erat celebris nomine Herculis. Omnia sunt profligata flammis, et sepulta mæstis cineribus : nec Dii vellent habuisse hanc potestatem.

NOTÆ

1 *Vesvius*] Vel Vesuvius, mons prope Neapolim vitibus fertilis, qui flammam interdum evomit. Suetonius in Tito c. 8.

2 *Presserat hic*] Hoc est, vinum expressum ex uva nobili impleverat lacus : est autem lacus vas quod excipit vinum prelo expressum. Lib. VII. Epig. 27.

3 *Quam Nysæ*] ‘Nysam urbem plerique Indiæ ascribunt, montem-

que Merum Libero sacrum.’ Plinius lib. VI. cap. 21.

4 *Satyri*] Comites Bacchi.

5 *Hæc Veneris sedes*] Veneri et Herculi templum in Vesuvio dicatum fuit : Lacedæmone autem colebatur Venus. Pausanias in Laconicis.

8 *Nec Superi vellent*] Hyperbolicè innuit Poëta Deos ipsos hujus incendii pœnituisse.

XLV.

VOTUM PARTHENII AD PHÆBUM PRO BURRO.

HÆC tibi pro nato plena dat lætus acerra,

Phœbe, Palatinus munera Parthenius.

Ut qui prima novo signat quinquennia lustro,

Impleat innumeras Burrus Olympiadas.

O Apollo, Parthenius Palatinus pro filio tibi offert hæc dona pleno thuribulo. Ut Burrus, qui novo lustro claudit primum quinquennium, perficiat plures Olympiadas.

Ad Phæbum est lemma in edd. vett.—5 Codex Scriv. sic te tua diligit arbor :

NOTÆ

2 *Parthenius*] Burri sui filii quinquennis natalem diem celebrans Phæbo thus adolebat, cui utpote semper juveni commendatur juvenus. Parthenius autem in Palatio Imperatori serviebat a cubiculo, de quo Suetonius in Domitiano cap. 16. et Noster

lib. V. Epig. 6.

3 *Lustro*] Lustrum est spatium quinque annorum, Olympias vero quatuor ; quarto enim anno expleto, quinto ineunte Olympici ludi celebrabantur. Vide lib. VII. Epig. 40.

Fac rata vota patris : sic te tua diligat arbor, 5
 Gaudeat et certa virginitate soror.
 Perpetuo sic flore mices : sic denique non sint
 Tam longæ Bromio, quam tibi, Phœbe, comæ.

Approba vota genitoris : sic te depereat tua conjux, et soror lætetur virginitate non dubia : sic niteas perpetuo juventutis flore : sic tandem, o Apollo, Bacchus habeat capillos tuis breviores.

in edd. vett. *sic te tua diligat uxor* : i. e. Daphne, quam amabas. Nostram lectionem exhibet codex Bodl. et sic omnino legendum ex opt. membranis docuit Heins. ad Ovid. ex Pont. II. 2. 82.

NOTÆ

5 *Diligat arbor* [*uxor*] Daphne nempe, quam uxorem ducere cupiebat Apollo. Ovid. Met. I.

6 *Soror*] Diana scilicet, cujus pudicitiam tentaverat Orion. Horatius III. Od. 4. 'et integræ Tentator Orion Dianæ Virginea domitus sagit-

ta.' Et Callimachus in Hymnis : Δός μοι παρθενίην αἰώνιον, ἄππα, φυλάσσειν. *Da mihi, tata, virginitatem in æternum conservare.*

7 *Non sint Tam longæ*] Bacchus enim, ut Apollo, gloriatur æterno juventutis flore. Ovid. Met. IV.

XLVI.

DE SABELLO.

SATURNALIA divitem Sabellum
 Fecerunt : merito tumet Sabellus :
 Nec quenquam putat esse, prædicatque
 Inter causidicos beatiorem.
 Hos fastus animosque dat Sabello 5
 Farris semodius, fabæque fressæ,

Saturnalia locupletarunt Sabellum : jure inflatur Sabellus : et credit et commemorat nullum esse locupletiozem inter causidicos. Hanc arrogantiam et hos spiritus Sabello conciliat semodius frumenti, et fabæ fractæ, et tres semilibræ

NOTÆ

1 *Saturnalia*] Quorum tempore patronis suis munera mittebant clientes, lib. XIII. Sabellum atque alios causidicos irridet, quorum merces Romæ erat perexigua, nisi locupletes essent. Juvenalis Sat. VII. 'Quod vocis pretium? Siccus petasunculus, et vas Pelamidum,' &c.

6 *Semodius*] Mensura aridorum dimidiam modii partem continebat : modius vero, inquit Raderus, capiebat viginti sex libras et octo uncias.

Fabæque fressæ] Frenere idem est ac frangere : fabæ frangebantur ut ex iis puls fieret.

Et thuris piperisque tres selibræ,
 Et Lucanica ventre cum Falisco,
 Et nigri Syra defruti lagena,
 Et ficus Libyca gelata testa, 10
 Cum bulbis, cochleisque, caseoque.
 Piceno quoque venit a cliente
 Parcæ cistula non capax olivæ,
 Et crasso figuli polita cœlo
 Septenaria synthesis Sagunti, 15
 Hispanæ luteum rotæ toreuma,
 Et lato variata mappa clavo.

thuris et piperis, et Lucanica cum ventre Falisco, et Syra lagena nigri defruti, atque ficus Africana testa gelata, cum bulbis, et cochleis, et caseo. Accepit etiam cistulam non amplam paucarum olivarum a cliente Piceno, et data est septenaria synthesis Sagunti elaborata crasso cœlo figuli, luteum toreuma rotæ



9 Beverlandi Ms. *defricti*.—10 *Et ficus Libycæ* Ald. Junt. Colin. &c. *cellata testa* Beverlandi Ms.—12 In eodem, *clyento*.—14 Ed. vett. *polita cæno*, et sic in codice Palat. probante Grutero. *polluta cæno* Beverlandi Ms.—15 *Septenaria* in edd. vett.

NOTÆ

8 *Et Lucanica*] Farciminiis genus quod milites a Lucanis, quorum regio hodie *Basilicata*, atque a Faliscis Tuscis populis ventrem porcinum condire didicerant, lib. XIII. Epig. 35.

9 *Et nigri Syra*] Syra lagena, hoc est, vitrea, quia vitrum in Syria inventum, teste Plinio lib. XXXI. cap. 26. Defrutum vero Columella lib. XII. cap. 21. sic explicat: 'Mustum quam dulcissimum decoquitur ad tertias, et decoctum sicut supra dixi, defrutum vocatur.' Idem dicit Plinius lib. XIV. cap. 9.

10 *Et ficus Libyca*] Aliæ sunt ficus hybernæ, aliæ æstivæ. Plinius lib. XV. cap. 18. testa autem condebantur, lib. VII. Epig. 53. 'Et Libycæ fici pondere testa gravis.' Gelatam testam dixit, quod brumali tempore missa esset; vel quod ficum cortex esset tactu frigidus; vel quod re vera ficus gelatæ et condensatæ essent

in testa. Judicet lector.

12 *Piceno quoque*] Hodie, *Marche d'Ancone*, ubi sunt olivæ optimi saporis.

14 *Et crasso figuli*] Synthesis pro veste sumitur lib. II. Epig. 46. hic autem synthesis septenaria significat vas capax septuncis: septunx autem septem cyathos continet: nisi malis cum Turnebo lib. XXIII. cap. 19. synthesis sumere pro septem poculis Saguntinis.

16 *Luteum toreuma*] Dicitur, quia synthesis illa figuli Saguntini torno facta fuit. Synthesis ex Budæo, teste Roberto Stephano in suo *Thesaurus Linguae Latinæ*, est vasorum compositio qua multa ejusdem generis vasa in se invicem includuntur. Statius Sylv. lib. IV. 'Aut unam dare synthesis, (quid horres?) Alborum calicum, atque cacaborum?'

Saturnalia fructuosiora
Annis non habuit decem Sabellus.

Hispanæ, et mappa variata lato clavo. Decem annis Sabellus non habuit Saturnalia utiliora.

NOTÆ

- 17 *Et lato variata*] Mantilia purpureis clavis distingui solebant: latus autem clavus Senatorum erat insigne, angustus vero equitum. Petronius mappam ejusmodi laticlaviam ap-
pellat.
18 *Fructuosiora*] Vilissima tamen munera acceperat Sabellus, quem hoc scommate carpit Poëta.

XLVII.

DE PHAËTHONTE.

ENCAUSTUS Phaëthon tabula depictus in hac est.
Quid tibi vis, dipyron qui Phaëthonta facis?

Encaustus Phaëthon depictus est in hac tabula. Quæ tua mens est, o Pictor, qui facis Phaëthonta dipyron?

1 *Incaustus Phaëthon* Beverlandi Ms. *tabula tibi pictus in hac est* Ald. Junt. Colin. Gryph. &c.

NOTÆ

- 1 *Encaustus Phaëthon*] Encaustice genus est picturæ, quæ in cera vel ebore ignitis instrumentis fiebat, ab *ἐγκαλομαι, inuror*. Vide Plinium lib. xxxv. cap. 11.
thontis, qui fulmine ictus in Padum præceps actus est: nunc vero ignitis instrumentis depictus eundem rursus casum subire videtur. Dipyros ergo, hoc est, bis ustus, merito dici potest.
- 2 *Dipyron*] Alludit ad casum Phaë-

XLVIII.

IN PAPILUM.

PERCIDI gaudes: percisus, Papile, ploras.
Cur, quæ vis fieri, Papile, facta doles?
Pœnitet obscœnæ pruriginis? an magis illud
Fles, quod percidi, Papile, desieris?

1 *Præcidi gaudes, præcisus* in edd. antiquiss. cum Ald. Junt. Colin. Gryph. Junian. Pulman. Lang. &c. Mox versu 4. *quod præcidi*. De permutatione *præ* et *per* vide nos ad Tibull. II. 5. 74. III. 1. 11. et III. 3. 9.

NOTÆ

- 1 *Percidi* [*Præcidi*] Alii *Percidi*. Vide lib. II. Epig. 72.
cur ultra pateris? immo a desiderio lacrymæ tuæ.
2 *Cur, &c.*] Si enim pœniteat facti,

XLIX.

AD FLACCUM.

NESCIS, crede mihi, quid sint Epigrammata, Flacce,
 Qui tantum lusus illa, jocosque putas.
 Ille magis ludit, qui scribit prandia sævi
 Tereos; aut cœnam, crude Thyesta, tuam;
 Aut puero liquidas aptantem Dædalon alas, 5
 Pascentem Siculas aut Polyphemon oves.
 A nostris procul est omnis vesica libellis:
 Musa nec insano syrmate nostra tumet.
 Illa tamen laudant omnes, mirantur, adorant.
 Confiteor: laudant illa, sed ista legunt. 10

O Flacce, mihi fidem adhibe, ignoras quid sint Epigrammata, qui credis illa esse duntaxat ludos atque argutias. Ille magis jocatur, qui memorat prandia crudelis Tereos, aut cœnam tuam, o sæve Thyesta; vel Dædalum accommodantem puero pennas liquidas, aut Polyphemum pascentem oves in Sicilia. Omnis tumor longe removetur a nostris libris: nec Musa nostra turgescit vesano syrmate. Nihilominus illa omnibus sunt admirationi, celebrantur, coluntur. Fateor: illa commendantur, at hæc evolvuntur.

2 Pulmanni codex, jocosque vocas.

NOTÆ

3 Prandia sævi] Terei et Thyestæ liberos comedentium historia satis nota est ex Seneca in Thyesta, et Ovid. Met. vi.

5 Aut puero liquidas] Aptantis pennas Icaro Dædali fabula constat ex lib. viii. Met. Ovidii.

Liquidas alas] Ex cera nempe, quæ solis ardore liquefacta est.

6 Polyphemon] Cyclopem satis notum, maxime ex Theocriti Idyll. xi.

7 Omnis vesica] Hoc est, menm scribendi genus non est tumidum.

8 Nec insano syrmate] Syrma vestis

est tragica, a σὺρω, traho, oblonga nempe et solum verrit, quam in Tragœdiis trahebant Heroës. Metaphorikῶs intelligit Poëta stylum suum non esse Tragicum.

9 Illa tamen] Flaccus objicit, tamen laudantur Poëmata Tragica et Epica.

10 Sed ista legunt] Respondet Martialis, tumida illa et longa Poëmata laudari, sed sua Epigrammata, brevi et venusto argumento scripta, ab omnibus legi.

L.

IN THAIDEM.

QUID me, Thai, senem subinde dicis?
 Nemo est, Thai, senex ad irrumandum.

In hoc Epigrammate nihil variant aut libri impressi aut manuscripti.

Delph. et Var. Clas.

Martial.

X

NOTÆ

2 *Nemo est, &c.*] Namque hic non tanta vi opus est, et ad hoc genus libidinis pronior est senectus, ut de Tiberio Suetonius cap. 44. et Juvenalis Sat. x. 208. et ipsam Thaidem arguit magis gaudere vitio fellationis.

LI.

AD CÆCILIANUM.

CUM tibi non essent sex millia, Cæciliane,
 Ingenti late vectus es hexaphoro.
 Postquam bis decies tribuit Dea cæca, sinumque
 Ruperunt nummi: factus es, ecce, pedes.
 Quid tibi pro meritis, et tantis laudibus optem? 5
 Di reddant sellam, Cæciliane, tibi.

O Cæciliane, cum non haberes sex millia, gestatus es hexaphoro valde amplo. Postquam Dea cæca concessit vicies, et nummi fregerunt sinum; ecce pedes factus es. Quid tibi precer pro meritis, et tantis præconiis? O Cæciliane, numina tibi restituant sellam.

2 *Ingenti late vectus hexaphoro* in Junt. an. 1512. *vectus es asse foro Beverlandi Ms. laxè vectus es hexaphoro* in aliis.—4 Beverlandi Ms. *factus es ipse pedes.*

NOTÆ

1 *Sex millia*] Sestertium. Carpit Cæcilianum quendam, qui pauper sella vehebatur, factus vero dives pedes incedebat. Hexaphorum lectica erat, quæ a sex servis gestabatur.
 3 *Postquam bis decies*] Centena sestertium millia.
Sinumque] Solebant veteres ea in sinu reponere, quæ secum ferre necesse erat: his verbis pecunia abundasse Cæcilianum significat.
 5 *Et tantis laudibus*] Frugalitatis nempe per ironiam.
 6 *Di reddant*] Hoc est, hexaphorum, seu pristinam conditionem reddant, cum fortunæ muneribus abutaris: vel morbos illi precatur Poëta; morbos enim gestabantur; cum videatur opes illi optare.

LII.

IN HEDYLUM.

GESTARI junctis nisi desinis, Hedyle, capris:
 Qui modo ficus eras, jam caprificus eris.

O Ædyle, nisi cessas vehi capris junctis, qui paulo ante ficus eras, mox caprificus fies.

In Ædulum inscriptio est in Ald. Junt. Colin. Gryph. Pulman. Junian. Lang. Delph. &c. et in Epig. Ædile. Beverlandi Ms. Hedyle.

NOTÆ

1 *Gestari junctis*] Fico laborans *Ædylus*, seu *Hedylus*, ut scribunt alii, de quo morbo dictum lib. I. Epig. 66. Capris simul junctis vehebatur, ut lib. I. Epig. 105. de pardis, cervis, &c. diximus. Illinc colligit Poëta illum mox fore caprificum, habita ratione

vocum, non veræ significationis; ex capra enim et ficu fit caprificus. Similis jocus est in voce 'Argonautas' lib. III. Epig. 67. Alii has capras meretrices fuisse putant. Hic locus mihi videtur perobscurus.

LIII.

AD COSMUM.

HUNC, quem sæpe vides inter penetralia nostræ
 Pallados, et templi limina, Cosme, novi,
 Cum baculo, peraque senem: cui cana, putrisque
 Stat coma, et in pectus sordida barba cadit:
 Cerea quem nudi tegit uxor abolla grabati,
 Cui dat latratos obvia turba cibos:

5

O Cosme, delusus vana specie credis Cynicum esse hunc senem, quem cum baculo et pera crebro spectas inter penetralia nostræ Palladis, et introitum novi templi; qui habet canos, et putridos capillos, et cui squalida barba labitur in pectus: qui obtegitur abolla uxore cerea nudi grabati, cui multitudo occurrens

//////////

1 Pulmanni codex, *intra penetralia nostræ*, quod placet Ramiresio. Alii legunt: *inter penetralia vestræ*. 'Noster' et 'vester' sæpius permutantur ob similitudinem *n* et *u*, et quia 'vester' nonnunquam legitur 'voster' in antiquis membranis. Vide nos ad Catull. LXVII. 7. 18. Tibull. III. 4. 4. et Drakenb. ad Liv. v. 44. 6. *inter penetralia Vestæ*; *Pallados et templu* legit Musambertius. Nam quomodo Cynicus ille inter penetrabile et limen? sive quis inter penetrabile templi et limen locus habitatori Cynico?—5 *Cerea quem nudum* legit Heraldus, et ineptire eos dicit qui *nudi* legunt.—6 Sunt qui legant: *Cuique datis latrant obvia turba cibis*, improbante Farnabio.

NOTÆ

1 *Inter penetralia*] Templum intelligit erectum a Domitiano in honorem Minervæ, quam summo studio colebat. Lib. IX. Epig. 4.

3 *Cum baculo*] Hæc est descriptio cultus Cynici. Ansonius Epig. 52. 'Pera, polenta, tribon, baculus, scyphus, arcta supellex Ista fuit Cynici.'

5 *Cerea quem*] Abolla vestis erat duplicis generis, altera militum, altera vero philosophorum propria.

Cerea dicitur, nempe quod attrita flavesceret, vel quod sebo et sudore quasi incerata videretur. Uxor autem, quod cum ea cubaret Cynicus sola abolla tectus pro lodice. Vide lib. XIV. Epig. 119.

Nudi grabati] Hoc est, sine sindone et lodice.

6 *Cui dat latratos*] Suis enim latratibus stipem a prætereuntibus extorquebant Cynici. Legunt alii: *Cuique datis latrant obvia turba cibis*.

Esse putas Cynicum, deceptus imagine falsa.

Non est hic Cynicus, Cosme: quid ergo? canis.

porrigit cibos extortos latratu. Hic non est Cynicus, o Cosme: Quid ergo? canis.

NOTÆ

8 *Non est hic*] Sensus est: Iste habitum quidem Cynici præ se fert, doctrinam autem non profitetur, sed mere in canem degeneravit.

LIV.

AD COLINUM.

O cui Tarpeias licuit contingere quercus,

Et meritas prima cingere fronde comas:

Si sapis, utaris totis, Coline, diebus,

Extremumque tibi semper adesse putes.

Lanificas nulli tres exorare puellas

5

Contigit: observant, quem statuere, diem.

Divitior Crispo, Thræsea constantior ipso,

Lautior et nitido sis Meliore licet;

O Coline, cui fas fuit tangere quercus Capitolinas, et prima fronde circumdare dignos capillos; si sapiens es, frueri diebus integris, et crede semper tibi imminere ultimum. Nemo potuit flectere puellas nentes lanam, custodiunt diem quem decreverunt. Quamvis sis locupletior Crispo, firmior ipso Thræsea, et splendidior nitido

5 Beverlandi Ms. *exorare sorores.*—7 *Divitior Cræso* in quibusdam. *Criso*

NOTÆ

1 *O cui Tarpeias*] Colinus adeptus erat coronam e quercu, qua donabantur victores in ludis quos in honorem Jovis Capitolini instituerat Domitianus. Suetonius in Domitiano cap. 4. et Noster Epig. 1. supra, et lib. VIII. Epig. 82. Juvenalis Sat. VI. 387. 'Cum farre et vino Janum Vestamque rogabat, An Capitolinam deberet Pollio quercum Sperare, et fidibus promittere.'

2 *Prima fronde*] Vel quod Jovi sacra, vel quod ab Imperatore prima data fuerat omnium victori Colino.

5 *Lanificas*] Hoc est, tres Parcas, Cloton, Lachesim, et Atropon, quæ dicuntur metiri vitam hominum ex fuis et staminibus quæ ex sua colu-


nent et deducunt. Earum vero officia sic distinguuntur a poëtis, ut velint unam esse quæ vitam hominis ordiatur, alteram quæ contexit, tertiam demum quæ filum rescindat. Seneca in Hercule Furente choro primo: 'Duræ peragunt pensa sorores, Nec sua retro fila revolvunt.'

7 *Divitior Crispo*] Fuit is vitricus Neronis. Suetonius in Nerone cap. 6. 'Sed et Crispi Passieni vitrici sui hæreditate ditatus est.' De Thræsea actum lib. I. Epig. 9.

8 *Lautior et nitido*] Huic Meliori librum secundum Sylvarum dedicavit Statius. Nitidus dicitur, quod laute convivaretur. Lib. II. Epig. 69.

Nil adicit penso Lachesis, fusosque sororum
Explicat, et semper de tribus una secat. 10

Meliore; Lachesis nihil addit penso, atque evolvit fusos sororum, atque una ex tribus semper interficit.



legit Beverlandus.—10 Pro *secat*, alii legunt *necat*.

NOTÆ

10 *Una secat* [*necat*] Alii, *una se-* maneret. Vide lib. i. Epig. 89. lib
cat. Sensus est: Etiam si duæ exorari ix. Epig. 88.
possint, tertia tamen inexorabilis per-

LV.

AD LUCIUM.

LUCI, gloria temporum tuorum,
Qui Graium veterem Tagumque nostrum
Arpis cedere non sinis disertis;
Argivas generatus inter urbes,
Thebas carmine cantet, aut Mycenas, 5
Aut claram Rhodon, aut libidinosæ

O Luci, decus tui avi, qui non permittis ut Graius antiquus, et Tagus noster primas det facundis Arpis; natus in urbibus Græciæ versibus celebret Thebas, aut Mycenas, aut nobilem Rhodon, aut Ledæas palæstras libidinosæ Lacedæ-



1 Codex Bodl. *temporum novorum*. Gruterus ex Palat. legit *temporum duorum*; præteriti sc. et præsentis.—2 *Qui Gaurum* Ald. Junt. Colin. Gryph.

NOTÆ

1 *Luci*] Is fuit Poëta Hispanus egregius, qui floruit tempore Domitiani.

2 *Qui Graium*] Veterem dixit, quia, veteribus 'Graius,' posteris vero 'Gravius' fluvius scilicet dictus est, ut affirmant Interpretes, de quo nihil reperi. Gravii populi sunt ceterioris Hispaniæ, teste Plinio lib. iv. cap. 20. Legunt alii *Gaurum*: sed Gaurus mons est Campaniæ in Italia: Poëta vero de locis Hispaniæ loquitur. Forte ejusdem nominis mons fuit in Hispania.

3 *Arpis cedere*] Arpi urbs Apuliæ, in

finibus cujus natus est Horatius. Sensus est: Tu, o Luci, gloria Hispaniæ, qui contendis laude carminis cum Horatio.

4 *Argivas generatus*] Hoc est: Poëtæ Græci celebrent suas urbes, nos Hispani nostras commendemus. Idem Horatius i. Od. 7. 'Laudabunt alii claram Rhodon,' &c.

6 *Aut libidinosæ*] Ledæas palæstras dixit puellarum luctas, quæ nudæ simul cum viris ludos Lacedæmone exercebant in honorem Ledæ, quæ cum Jovi placuit, nuda erat in balneo. De his ludis agit Propertius lib. iii.

Ledæas Lacedæmonis palæstras.
 Nos, Celtis genitos et ex Iberis,
 Nostræ nomina duriora terræ
 Grato non pudeat referre versu : 10
 Sævo Bilbilin optimam metallo,
 Quæ vincit Chalybasque, Noricosque,
 Et ferro Plateam suo sonantem,
 Quam fluctu tenui, sed inquieto,
 Armorum Salo temperator ambit : 15
 Tutelamque, chorosque Rixamarum,
 Et convivia festa Carduarum,
 Et textis Peteron rosis rubentem,
 Atque antiqua patrum theatra Rigas,
 Et certos jaculo levi Silaos, 20

monis: nos vero geniti a Celtis atque ab Iberis, non erubescamus carmine memori dicere asperiora nomina nostræ patriæ: Bilbilim nobilissimam crudæi metallo, quæ superat et Chalybas, et Noricos, et Plateam strepentem suo ferro, quam circumit Salo temperator armorum fluctu exili, sed turbulento, Tutelamque, et choros Rixamarum, et lætus epulas Carduarum, et Peteron rubrum rosis textis, et Rigas vetera theatra majorum, et Silaos peritos levis jaculi, et lacus Turgentis, et Petusiæ,

quod falso attribuunt Junio.—16 *Tuteclamque* legunt alii. *Risamorum* edd. vett. *Rixamorum* in aliis.—18 *Petoror* in quibusdam: in aliis *Peterem*, vel *Paterem*.—19 In edd. vett. *ripas*, pro *Rigas*; quod prisici juxta ripas ederent spectacula et aurigationes.—20 *Suevos* in Ald. Junt. et Colin. *Suellos* legit Raderus: alii *Suebos*, vel *Silebos*. Raderus dicit *Suillum* sive *Suelum* oppi-

NOTÆ

- Eleg. 12. *Libidinosæ*, vel quod ejusmodi luctæ parum honestæ essent; vel quod Venus præcipue illic colebatur, Epig. 44. supra; vel propter Helenam.
- 8 *Nos Celtis*] Hispaniæ populis ad Iberum, de quibus jam lib. I. Epig. 50.
- 10 *Grato versu*] Erga patriam.
- 11 *Sævo Bilbilin*] De qua lib. I. Epig. 50. et lib. XII. Epig. 18. Fuit patria Martialis.
- 12 *Quæ vincit Chalybas*] Populi sunt Asiæ minoris ad Pontum Euxinum circa Bithyniam, ubi ferrum optimum.
- Noricosque*] Germaniæ populos, hodie, *Bavaros*, ubi etiam ferrum præstans.
- 13 *Plateam*] Hispaniæ oppidum ferrariis officinis nobile. Vide lib. XII. Epig. 18.
- 15 *Salo*] Fluvius Celtiberiæ Lib. I. Epig. 50.
- 16 *Tutelamque*] Forte hodie est, *Tudela*, ad Iberum. De aliis urbibus quæ subsequuntur nihil reperio.
- Chorosque Rixamarum*] *Rixamaræ* sane choreis gaudebant. Legunt alii, *Rixamorum*.
- 19 *Rigas*] Raderus legit *ripas*, fluminum nempe, juxta quas spectacula edebant antiqui. Sed prior lectio videtur retinenda, nempe juxta urbem *Rigas* erat forte convallis quæ theatrum naturale efficiebat.

Turgentisque lacus, Petusiæque,
 Et parvæ vada pura Vetonissæ,
 Et sanctum Baradonis ilicetum,
 Per quod vel piger ambulat viator;
 Et quæ fortibus excolit juvencis
 Curvæ Manlius arva Matinessæ.
 Hæc tam rustica, delicate lector,
 Rides nomina? rideas licebit.
 Hæc tam rustica malo, quam Bituntos.

25

atque aquas limpidas parvæ Vetonissæ, et sanctum ilicetum Baradonis per quod viator etiam iners ambulat, et agros curvæ Matinessæ, quos Manlius excolit validis tauris. O delicate lector, deridesne nomina tam agrestia? Fas erit derideas. Hæc tam agrestia magis mihi placent, quam Britannii.

dum esse Hispaniæ, hodie, Molena.—21 Tiruntique lacus codex Bodl. Turusiæque lacus in Palat. Turentique lacus Beverlandi Ms. Turusiæque lacus, vel Pctusiæque lacus in aliis.—22 Tovenissæ in Ald. Junt. et Colin. Teutonissæ in aliis: Vetonissæ in Pulmanni codice.—23 Duratonis in edd. vett. Ald. Junt. Colin. Gryph. &c. alii legunt Buradonis, vel Purateonis.—24 Et quod Ald. Junt. et Colin. Et quæ in aliis.—25 Et quod in edd. vett.—26 Curvæ Manilius in Junt. Matinense Beverlandi Ms. Vatinessæ, vel Vativessæ in aliis.—28 Beverlandi Ms. ridebis.—29 Bitunnos in codice Vaticano. Musambertius legendum censet, Britannos, quod habent Ald. Junt. et Colin. ut sit contentio inter provincias Hispaniarum et Britannorum. Alii legunt, Butuntos; alii, Bitundos.

NOTÆ

23 *Ilicetum*] Locus est in quo consitæ sunt multæ ilices.

24 *Vel piger*] Ea quippe loca tam amœna sunt, ut vel iners viator in iis libenter ambulet.

29 *Quam Bituntos* [*Britannos*] Hoc est: Licet hæc Hispaniæ loca aspera sint, minus tamen horrida videntur quam Britannica: quasi esset contentio inter Britanniam et Hispa-

niam. Hoc vix capio. Alii itaque melius meo iudicio legunt *Bituntos*, vilissimum Apuliæ oppidum, quod nominis rusticitate superat barbara Hispaniæ oppida quæ hic enumerantur: quasi diceret Poëta: O delicate lector Itale, magis irridere debes tuos Bituntos, de quibus lib. II. Epig. 48. quam nostra hæc oppida.

LVI.

IN GARGILIANUM.

MUNERA quod senibus, viduisque ingentia mittis,
 Vis te munificum, Gargiliane, vocem?

O Gargiliane, cupisne te appellem liberalem, quod mittis senibus et viduis dona

1 Pulmanni codex, *retulisque ingenia mittis*, improbante Ramiresio.

Sordidius nihil est, nihil est te spurcius uno,

Qui potes insidias dona vocare tuas.

Sic avidis fallax indulget piscibus hamus : 5

Callida sic stultas decipit esca feras.

Quid sit largiri, quid sit donare, docebo,

Si nescis : dona, Gargiliane, mihi.

maxima? Nihil fœdus est, nec turpius te uno, qui potes munera appellare tuas insidias. Hoc modo dolosus hamus obsequitur famelicis piscibus : hoc modo esca versuta fallit feras fatuas. Explicabo quid sit largiri, et donare. Si ignoras, O Gargiliane, esto munificus in me.

NOTÆ

2 *Vis te munificum]* Viduarum et senum hæreditates suis donis captabat, atque ita liberalis haberi non debebat ; sed ejus dona erant insidiæ, quibus senum hæreditates, tanquam pisces esca, caperet. Lib. v. Epig. 18. et Epig. 60.

8 *Dona]* Tunc enim sine controversia liberalis videberis, cum nulla a me merces tibi sit expectanda.

LVII.

AD FAUSTINUM.

DUM nos blanda tenent lascivi stagna Lucrini,

Et quæ pumiceis fontibus antra calent ;

Tu colis Argivi regnum, Faustine, coloni,

Quo te bis decimus ducit ab urbe lapis.

Horrida sed fervent Nemeæi pectora monstri : 5

Nec satis est, Baias igne calere suo.

Dum fruimur mollibus stagnis lascivi Lucrini, et speluncis quæ fervent pumiceis fontibus ; O Faustine, tu habitas regnum Argivi coloni, quo pervenis emensus duomillia passuum ab urbe. At terribile pectus monstri Nemeæi ardet : nec sufficit

2 *Et quæ pumiceis fontibus arva rigant* in Beverlandi Ms.—3 *Argæi codex*

NOTÆ

1 *Lascivi stagna]* Lucrinus lacus est in Campania, de quo jam lib. i. Epig. 63. Lascivum dixit ob delicias, et loci amœnitatem, et hominum illic lascivientium frequentiam.

2 *Et quæ pumiceis]* Hoc est, fontibus e pumice vel topho scaturientibus, quorum aquæ sunt calidæ.

3 *Tu colis]* Hoc est, tu manes Tiburæ, quod condidit Catillus quidam

Argivus qui et Tiburnus dictus est. Vide Statium Sylv. lib. i. in Tiburtino Manlii. Horatius ii. Od. 6. ‘ Tibur Argeo positum colono.’

5 *Nemeæi pectora]* Hoc est, leonis in sylva Nemeæa ab Hercule intercepti, et relati inter astra. Sol autem mense Augusto ingressus Leonem ardores auget. *Pectora* dixit, quod in Leonis pectore, inquit Ramiresius,

Ergo sacri fontes et littora grata valete,
 Nympharum pariter Nereidumque domus.
 Herculeos colles gelida vos vincite bruma,
 Nunc Tiburtinis cedite frigoribus. 10

Baias fervere suo æstu. Itaque valete, o sacri fontes, et sacra littora, domicilium Nympharum simul et Nereidum. Vos quidem hyeme frigida superate Herculeos colles, nunc primas date frigoribus Tiburis.

Pulmanni. *Argoi Thuan. Argolici cod. Vat.—7 Salmàsius legit, littora Graia: alii, littora sacra. Lectionem nostram e vett. codd. dedit Gruterus. Vide Var. Notas, ubi Graia perperam Grutero ascribitur.*

NOTÆ

astrum est fulgentissimum, ab Astrologis dictum cor Leonis.

6 *Nec satis est*] Aquis enim ferventibus Solis calor additur.

7 *Littora grata* [sacra] Legunt alii, *littora grata*, aliis scilicet anni tempestatibus.

8 *Nympharum*] Fontes illi Nymphis sacri, mare vero Nereidibus sacrum.

9 *Herculeos colles*] Tibure enim Hercules colebatur: lib. I. Epig. 13. 'Itur ad Herculei gelidas qua Tiburis arces.'

LVIII.

IN GALLAM.

IN tenebris lugens amissum, Galla, maritum.
 Nam plorare pudet te, puto, Galla, virum.

O Galla, secreto defles virum mortuum. O Galla, numquid, opinor, erubescis deflere maritum?

2 *Jam plorare pudet* Beverlandi Ms. *Non plorare pudet* Gruterus. *Num plorare pudet* in edd. vett. *Nam plorare pudet* codd. Pulmanni et Scriverii. Vide Var. Notas.

NOTÆ

2 *Nam* [Num] *plorare*] Galla vivente viro tam impudica fuerat, ut eum mortuum palam deflere, merito illam puderet: vel flebat, quod illam utpote infamem mortuo marito uxorem nullus esset ducturus. Lib. IX.

Epig. 6. Epig. vero 34. lib. I. secretas lacrymas landat noster Poëta: 'Ille dolet vere, qui sine teste dolet.' Legunt alii: *Nam plorare pudet te, puto, Galla, virum.*

LIX.

DE VIPERA ELECTRO INCLUSA.

FLENTIBUS Heliadum ramis dum vipera repit,
 Fluxit in obstantem succina gemma feram:
 Quæ dum miratur pingui se rore teneri,
 Concreto riguit vincta repente gelu.
 Ne tibi regali placeas, Cleopatra, sepulcro;
 Vipera si tumulo nobiliore jacet. 5

Dum vipera serpit per flentes ramos Heliadum, succina gemma lapsa est in feram obstantem: quæ dum miratur se astringi humore denso, subito induruit implicita concreto gelu. O Cleopatra, ne te jactes de tumulo regio, si vipera conditur splendidiore monumento.

1 Pulman. Lang. Junian. Delph. &c. *dum vipera serpit*: Gruterus præfert, *dum vipera repit*.—2 In quibusdam, *gutta feram*.—4 Codex Pulmanni, *victa repente gelu*. Verba *victa* et *vincta* sæpe permutantur a librariis. Vide nos ad Tibull. I. 2. 2.

NOTÆ

1 *Flentibus Heliadum*] Heliades dictæ sunt Phaëthontis sorores, cujus casum deflentes ad Padi ripas in populos fuerunt conversæ, ex quarum ramis fluit electrum. Vide Epig. 25. et 32. supra.

2 *Fluxit in obstantem*] Poëtice laudat hujus operis artificium: nam adeo affabre electro inclusa fuerat vipera, ut casu succini visco implicita videretur.

Succina gemma] Legunt alii suc-

cina gutta, ut lib. VI. Epig. 15. ‘*Implicuit tenuem succina gutta feram.*’

5 *Ne tibi*] De morte Cleopatrarum vide Suetonium in Augusto, cap. 17. ‘*Qui ambobus,*’ Cleopatrarum scilicet et Antonio, ‘*communem sepulturam honorem tribuit, ac tumulum ab ipsis inchoatum perfici jussit.*’ Nobilior erat hoc viperarum mausoleum, quippe quod totum electro esset ædificatum.

LX.

DE CURIATIO.

ARDEA solstitio, Castranaque rura petantur,
 Quique Cleonæo sidere fervet ager;

Solstitio adeamus Ardeam, et rura Pæstana, et agrum qui calet sidere Leo-

1 *Pestannaque rura* in Junt. *Pæstanaque rura* in aliis vett.—5 Beverlandi Ms. *quin mors*.

NOTÆ

1 *Ardea solstitio*] Æstivo scilicet, quo calor est vehementissimus. Ar- dea vero urbs erat Latii sub cælo calidissimo posita, de qua Livius lib.

Cum Tiburtinas damnet Curiatius auras,
 Inter laudatas ad Styga missus aquas.
 Nullo fata loco possis excludere: cum mors 5
 Venerit, in medio Tibure Sardinia est.

nis: cum Curiatius damnet cœlum Tiburis, missus ad inferos inter celebratas aquas illius. Nullo loco possis arcere fata: cum mors accesserit, Sardinia est in medio Tibure.

NOTÆ

1. 'Dum Tarquinius obsidet Ardeam, exactus est regno.' Latium hodie, *Campania di Roma.*
Castranaque [Pæstanaque] rura] Pæstanus sinus in Lucania, a Pæsto urbe nomen sortitus, hodie, Golfo di Salerno.
- 2 *Quique Cleonæo] Intellige Leonem, in cœlum relatum, quem Hercules interfecit in Nemeæa Peloponnesi sylva, juxta Cleonam urbem. Augusto mense vehementissimis caloribus terram accendit Leo. Ager hic Baianus intelligitur; Baias enim*
- aquis et pectore Leonis fervere dixit supra Epig. 57.
- 3 *Cum Tiburtinas] Hoc est, cum Curiatius perierit Tibure loco saluberrimo, hodie, Tivoli.*
- 4 *Ad Styga] Fons est Arcadiæ, cujus aqua est frigidissima, omnibus animalibus est exitiosa. Poëtæ fabulantur paludem esse apud inferos.*
- 6 *Sardinia est] Insula nota: hoc est, Cum fati necessitas advenerit, perinde morieris Tibure, ac in Sardinia, etsi Tiburis cœlum salubre, Sardinia vero pestilens est.*

LXI.

IN MANCINUM.

DONASSE amicum tibi ducenta, Mancine,
 Nuper superbo lætus ore jactasti.
 Quartus dies est, in schola Poëtarum
 Dum fabulamur, millibus decem dixti
 Emtas lacernas munus esse Pompillæ; 5
 Sardonycha verum, lineisque ter cinctum,

O Mancine, hilaris nuper gloriatus es ore superbo, te dono accepisse ducenta ab amico. Quarta lux est, dum fabulamur in schola Poëtarum, dixisti lacernas emtas decem millibus esse donum Pompillæ. Jurasti Bassam et Cæliam tibi donasse sar-

6 *Sardonychas auro linteisque ter cinctum in Ald. Junt. Colin. &c. Sardonychas auro linteisque ter vinctos in aliis. Sardonychis veris citat Pulmannus, et Sardonycha verum legi jussit. Codex Palatinus habet: Lychenitisque cerytum;*

NOTÆ

- 1 *Ducenta] Millia sestertium.*
- 3 *In schola Poëtarum] In quam ad recitandum conveniebant Poëtæ. Ille autem locus confabulationibus erat*
- apertissimus.
- 5 *Emtas lacernas] Lacerna togæ superinduebatur ad arcendum frigus, inquit Bayfius.*

Duasque similes fluctibus maris gemmas
Dedisse Bassam Cæliamque jurasti.

Here, de theatro, Pollione cantante,

Cum subito abires, dum fugis, loquebaris,

10

Hæreditatis tibi trecenta venisse :

Et mane centum, et post meridiem centum.

Quid tibi sodales fecimus mali tantum ?

Miserere jam, crudelis, et sile tandem.

Aut, si tacere lingua non potest ista,

15

Aliquando narra, quod velimus audire.

donycha verum, et circumdatum tribus lineis, et duas gemmas concolores fluctibus maris. Cum heri repente discederes ex theatro, Pollione cantante, dum fugis, dicebas, tibi obvenisse hæreditatem trecentorum : et mane centum, et post meridiem centum. Quo tanto malo te affecimus nos socii ? O inhumane, jam miserere, et tandem tace. Aut si ista lingua silere nequit, o Mancine, aliquando narra quod cupiamus.

unde Rutgersius conj. *Lychnin atque ceritin*; quæ nomina gemmarum. *lychnidemque et ceritem* tamen ex Palat. citat Beverlandus.—16 In edd. vett. *quod Mancine velimus. Cod. Pulmanni, quod velimus audire.*

NOTÆ

6 *Sardonycha verum*] Sic lib. ix. Epig. 60. ‘Sardonychæ veros mensâ quæsivit in omni,’ id est, non adulterinos.

Lineisque ter cinctum] Sardonyx enim tribus lineis, nigra scilicet, candida, et miniata cingitur. Plinius lib. xxxvii. cap. 12. ‘Sardonyches e Cerauniis glutinantur gemmis, ita ut ars deprehendi non possit, aliunde nigro, aliunde candido, alinnde minio sumtis.’ Legunt alii: *Sardonychas auro, lineisque ter cinctum.*

7 *Duasque similes*] Forte *cyanos,*

Gallice, *turquoises.*

8 *Bassam Cæliamque*] Nomina mulierum ficta.

9 *Pollione cantante*] Citharædo nobili, de quo Juvenalis Sat. vi. 388.

13 *Quid tibi fecimus*] Ut nos vanissimis felicitatum tuarum narrationibus quotidie cruciaries.

16 *Aliquando narra*] Te nempe aliquam fecisse jacturam, atque hoc nobis erit auditu jucundissimum; vel narra aliud quidpiam, unde nobis lucrum obvenire possit.

LXII.

DE LYCORI.

TIBUR in Herculeum migravit nigra Lycoris,

Omnia dum fieri candida credit ibi.

Nigra Lycoris petiit Tibur dicatum Herculi, dum putat illic albescere omnia.

1 Beverlandi Ms. exhibet: *migravit fusca Lycoris, ut infra.*

NOTÆ

1 *Tibur*] Cujus cœlum erat frigidum, eoque candidior illic mulierum forma. Vide lib. VII. Epig. 12. ‘Dum Tiburtinis albescere collibus audit Antiqui dentis fusca Lycoris ebur.’

LXIII.

DE CÆRELLIA.

DUM petit a Baulis mater Cærellia Baias,
Occidit insani crimine mersa freti.
Gloria quanta perit vobis! hæc monstra Neroni
Nec quondam jussæ præstiteratis aquæ.

Dum mater Cærelia it Baias a Baulis, demersa periit crimine maris furentis. O undæ, quantum decus amittitis! olim nec imperatæ exhibueratis hæc monstra Neroni.

1 *Cærelia* in edd. vett. *Cerellia* Heins. ad Ovid. Art. Am. I. 255.

NOTÆ

1 *Dum petit a Baulis*] Villa in litore Campaniæ non procul a Baiis. cupierat. Suetonius in Nerone cap. 34. et Tacitus Annal. XIV. Hanc gloriam amiserant illæ aquæ, cum sponte et ultro Cæreliam hausissent.
3 *Gloria*] Hæc aquarum gloria proveniebat ex eo, quod undæ illæ nequidem jussæ, ut fingit Poëta, fuerant obsecutæ Neroni, qui matrem suam Agrippinam his in aquis perire
Hæc monstra] Naufragium nempe, et mortem.

LXIV.

DE HORTIS JULII MARTIALIS.

JULI jugera pauca Martialis,
Hortis Hesperidum beatiora,

Pauca jugera Julii Martialis fertiliora hortis Hesperidum recubant in longo ver-

De Hortis Martialis in edd. vett. Ald. Junt. Colin. Gryph. Pulman. &c.—
1 *Tulli* in iisdem. *Juli* codd. Pulmanni, Junii, Gruteri et Palat.—4 Ald. Junt.

NOTÆ

1 *Juli*] Ut lib. VII. Epig. 16. ‘Julii bunt *Tulli* Martialis.
2 *Hesperidum*] Atlantis filiæ, quibus hortos tribunt Poëtæ aureis pomis pretiosos. Vide lib. Spect. Epig. 21.

Longo Janiculi jugo recumbunt:
 Lati collibus imminent recessus:
 Et planus modico tumore vertex 5
 Cœlo perfruitur sereniore:
 Et curvas nebula tegente valles
 Solus luce nitet peculiari:
 Puris leniter admoventur astris
 Celsæ culmina delicata villæ. 10
 Hinc septem dominos videre montes,
 Et totam licet æstimare Romam,
 Albanos quoque, Tusculosque colles,
 Et quodcumque jacet sub urbe frigus,
 Fidenas veteres, brevesque Rubras, 15
 Et quod virgineo cruore gaudet,

tice Janiculi: amplæ solitudines impendent collibus: atque exîgno tumulo cacumen æquum potitur aëre puriore: et solum nitescit proprio lumine, caligine occultante curvas valles: delicata fastigia villæ altæ placide accedunt ad sidera serena. Hinc fas est spectare septem montes dominos, et circumspicere totam Romam et Albana juga, et Tuscula, atque omnia loca frigida suburbana, Fidenas antiquas, et parvas Rubras, et sylvam pomiferam Annæ Perannæ, quæ lætatur vir-

Colin. Gryph. *eminent*; et sic Beverlandi Ms.—11 Pulmanni codex *domino*, i. e. Julio Martiali.—15 Beverlandi Ms. *brevesque Rufras*. Rufrarum meminit Livius. Sic Virgilii codex Florent. ‘Rufras.’—16 *Et quod virgineo canore gaudet* Heins. ad Ovid. Fast. III. 675. ‘Nec Interpp.’ inquit, ‘quid sibi velit cruor iste virgineus assequuntur. Si quis apud Martialem malit, *virgineo rubore gaudet*, ut ad obscœna carmina respiciatur, nil repugno.’ Vide lib. VI.

NOTÆ

3 *Longo Janiculi*] Ab Aventino et Vaticano ad pontem Mulvium, vel Milvium, usque porrigebatur Janiculum.

11 *Hinc septem*] Palatinus, Capitolinus, Quirinalis, Cælius, Æsquilius, Viminalis, Aventinus vocantur, quibus imposita Roma orbis domina.

12 *Æstimare Romam*] Hoc est, prospicere et considerare. Lib. VII. Epig. 16. ‘Ruris bibliotheca delicati Vicinam videt unde lector urbem.’

13 *Albanos*] Colles Latii intellige.

15 *Fidenas veteres*] Quia Roma antiquiores. Rubras vero parvum oppidum circa Tibur fuisse existimat

Ortelius.

16 *Et quod virgineo*] Anna Peranna, vel Perenna, Didonis soror, in Italia apud Æneam exulavit, atque in amnem Numicum, ut Lavinia insidias declinaret, se præcipitem dedit, et tandem pro Dea culta est. Ovid. Fast. III. ‘Ipsa loqui visa est: Placidi sum Nympha Numici, Amne perenne latens, Anna Perenna vocor.’ Macrobius lib. I. cap. 12. ‘Eodem quoque mense, (Martio nempe,) et publice et privatim ad Annam Perennam sacrificatum itur; ut annare perennareque commode liceat.’ Hoc est, per annos durare. Virgineum

Annæ pomiferum nemus Perannæ.
 Illic Flaminiae Salariaeque
 Gestator patet, essedo tacente,
 Ne blando rota sit molesta somno, 20
 Quem nec rumpere nauticum celeusma,
 Nec clamor valet helciariorum;
 Cum sit tam prope Mulvius, sacrumque
 Lapsæ per Tiberim volent carinæ.
 Hoc rus (seu potius domus vocanda est) 25
 Commendat dominus; tuam putabis:
 Tam non invida, tamque liberalis,
 Tam comi patet hospitalitate.
 Credas Alcinoi pios Penates,
 Aut facti modo divitis Molorchi. 30

gineo sanguine. Illic prospicitur gestator currus in via Flaminia et Salaria curru non strepente, ne rota sit incommoda molli somno, quem nec turbare potest cohortatio nautarum, nec clamor helciariorum: licet Mulvius sit tam vicinus, et naves volent dilapsæ per sacrum Tiberim. Hæc villa, seu potius domus est appellanda, commendatur ab hero, existimabis tuam: tam amica, tam benigna, tam liberali hospitalitate aperta est. Putes piam domum Alcinoi, aut Molorchi paulo ante



Epig. 47.—17 Ald. Junt. Colin. Gryph. &c. *Perennæ*; et sic legit ad Ovid. loco modo citato.—19 *Gestator tacet* Beverlandi Ms. *Gestator jacet* codex Pulmanni.—21 Ald. Junt. Colin. Gryph. Pulman. Junian. Lang. Delph. &c. *nauticum celeuma*.—28 *Tam comi pater* Beverlandi Ms.—31 In eodem, *quæ*

NOTÆ

cruorem dixit propter victimarum sanguinem, quæ Dianæ virgini in nemore Aricino immolarentur, teste Strabone lib. v. Vel quod illic, ut ait Douitius, flagellis cæderentur pueri, ut Lacedæmone ex ritu Thoantio. Alii Annam Perennam affirmant animum fuisse ortam Bovillis prope Romam, quæ populo in montem per seditio-nem digresso victum tulerit; in cujus memoriam hæc celebritas tandem instituta est. Hæc est Raderi sententia, quæ mihi verisimilior videtur.

18 *Flaminiae*] Via sic dicta a Flaminio consule, qui ad lacum Trasi-mennum ab Annibale interfectus est. Salaria ducebat in Sabinos, atque a

sale nomen sortita est, quia per eam Sabini sal a mari Romam deferebant.

19 *Gestator*] Currus nempe in quo ambulantes per urbem gestabantur: etenim pro lecticario sumi non mihi videtur, propter sequentia verba, *essedo tacente*.

21 *Nauticum celeusma*] Est verbum Græcum nautarum proprium, Latine cohortatio.

22 *Helciariorum*] Helciarum sunt ii qui onera moliuntur funibus, vel qui naves deducunt, aut remulco trahunt.

23 *Mulvius*] Alii *Milvius*, pons, hodie, *Ponte Molo*, ultra primum ab urbe lapidem.

29 *Credas Alcinoi*] Alcinous regna-

Vos nunc omnia parva qui putatis,
 Centeno gelidum ligone Tibur,
 Vel Præneste domate, pendulamque
 Uni dedite Setiam colono:
 Dum, me iudice, præferantur istis
 Julî jugera pauca Martialis.

35

*locupletati. Vos nunc, qui creditis omnia exigua, colite frigidum Tibur centum
 ligonibus, aut Præneste, et tradite uno agricultori acclivem Sætiam: dum me
 arbitro, pauca jugera Julii Martialis anteponantur istis.*

putatis.—34 Uni deditis ediam in eodem Ms.—36 Tulli edd. vett. ut supra vs. 1.

NOTE

vit in Corcyra insula, et benigno hospitio Ulyssem naufragum excepit. Homer. Odyss. Z.

30 *Divitis Molorchi*] Molorchus pastor venientem ad leonem Nemeæum opprimendum humanissime excepit Herculem: factus vero dives dicitur, quia Domitianus fanum Herculi exstruxerat, lib. III. Epig. 65. juxta quod Molorcho sacellum ædificavit multis donis locupletatum, de quo Statius Sylv. III.

32 *Centeno ligone*] Hoc est, centum

servis colite fundos amplissimos.

Tibur Vel Præneste] Latii urbes, hodie Tivoli, et Pilastrina.

34 *Setiam* [*Sætiam*] Alii *Setiam*, Latinorum urbs mediterranea, hodie *Sezza*. Lib. XIII. Epigr. 112. 'Pendula Pontinos qua spectat Setia campos.'

35 *Dum, me iudice*] Sensus est: Fundi Tiburtini, Prænestini, et Setini sunt optimi: attamen Julii Martialis horti omnibus illis sunt anteponendi.

LXV.

DE PHILÆNI.

OCULO Philænis semper altero plorat.
 Quo fiat istud, quæritis, modo? lusca est.

Philænis perpetuo flet altero oculo. Rogatis qua ratione id fiat? Lusca est.

In hoc Epigrammate exhibendo non variant libri excusi aut manu exarati.

NOTE

2 *Lusca est*] Obiter naturæ vitium in illa muliere irridet Poëta, quæ utroque oculo plorasset, nisi altero caruisset.

LXVI.

A D L I N U M.

EGISTI vitam semper, Line, municipalem :

Qua nihil omnino vilius esse potest.

Idibus, et raris togula est excussa Kalendis :

Duxit et æstates synthesis una decem.

Saltus aprum, campus leporem tibi misit inemtum : 5

Sylva graves turdos exagitata dedit.

Raptus flumineo venit de gurgite piscis :

Vina rubens fudit non peregrina cadus.

Nec tener Argolica missus de gente minister,

Sed stetit inculti rustica turba foci. 10

Villica vel duri compressa est nupta coloni,

Incaluit quoties saucia vena mero.

O Line, semper duxisti vitam municipalem, qua nihil prorsus suavius potest esse. Togula est excussa Idibus, et raris Kalendis: atque una synthesis egit decem annos. Saltus tibi suppeditavit aprum, campus leporem non emtum; sylva vexata præbuit turdos pingues. Piscis allatus est tractus ex voragine fluviali: cadus ruber fudit vina non externa. Nec servus mollis missus ex natione Græca, sed agrestis multitudo foci inculti stetit. . . . Nec flamma obfuit ædibus, nec



2 In edd. vett. *dulcius esse potest*. Ramiresius legit: *durius esse potest*; dure nimis, inquit Farnabius. Gruterus ex trium codd. fide correxit: *vilius esse potest*, ut lib. vii. Epig. 27. 'vilis esuro,' i. e. minori sumtu.—3 Heraldus e vet. cod. legit: *togula est tibi sumta*, quod interpretamentum esse alicujus Grammatistæ existimat Ramiresius: ita tamen codex Pulmanni.—9 *Nec tenet* Junt. an.

NOTÆ

1 *Egisti vitam*] Linum quendam ad inopiam redactum irridet Poëta. Municipalem vitam dixit pro agresti; in Municipiis enim, quæ erant oppida civitate donata certa lege, vita ducebatur sobria et frugalis, at vero in urbe lauta et delicata.

2 *Vilium* [*dulcius*] *esse*] Legunt alii *vilium*, alii *durius*.

3 *Togula est excussa*] Alii *est tibi sumta*. Kalendis et Idibus sacrificia publica fiebant, populisque togatus conveniebat. Kalendæ autem Junoni, Idus vero sacræ erant Jovi. Ovid. Fast. i. 'Vindicat Ausonias Junonis

cura Kalendas; Idibus alba Jovi grandior agna cadit.' Excussa, hoc est, explicata est togula, dum enim ex arca depromuntur collectæ vestes, ut plurimum excutiuntur.

4 *Synthesis*] Vestis nempe cœnatoria, de qua lib. ii. Epig. 46.

5 *Saltus aprum*] Hoc est, venaris, piscaris, et vindemias colligis in tuis prædiis.

9 *Nec tener Argolica*] Hoc est, nec Græcus puer ingenti pretio comparatus, sed rustica proles a pedibus stetit.

Nec nocuit tectis ignis, nec Sirius agris :

Nec mersa est pelago, nec fluit ulla ratis.

Supposita est blando nunquam tibi tessera talo :

15

Alea sed parcæ sola fuere nuces.

Dic ubi sit decies, mater quod avara reliquit ?

Nusquam est : fecisti rem, Line, difficilem.

Canicula campis : nec ulla navis tua demersa est mari, nec fluit. Tu nunquam substituisti tesseram talo jucundo : sed subiisti solam aleam parcarum nucium. Profer, ubi sit decies, quod reliquit avara genitrix ? nullibi est : O Line, fecisti rem difficilem.

1512.—14 *Nec merces pelago perdidit ulla ratis, vel Nec merces pelago prodidit ulla ratis* conj. Ant. de Rooy. Cf. lib. v. Epig. 43. Haud ineleganter, inquit, navis merces pelago 'prodere' dicitur pro 'effundere,' atque adeo possessorem spe fraudare. Vide quæ de hac verbi hujus notione dat Gronov. Obs. lib. III. cap. 20. Deinde dubitat scripseritne Martialis : *Nec mersas pelago obruit unda rates, vel Nec mersas pelagi obruit unda rates.* Cf. Virg. Æn. I. 73. Nostr. infra IX. 41. Lucan. III. 195. Ovid. Amor. II. 11. 1. Pont. I. 5. 39. Trist. II. 196. Nec est, quod hiatum moremur. Sæpius hunc vel primi ordinis Vates neglexisse, noverunt illi, qui Veterum monumenta versarunt. Vide Cannegiet. ad Avian. Fab. XXVIII. 12. Vonk. Lect. Lat. II. 6. Miscell. Obs. Vol. X. p. 190. Barth. ad Calpurn. Ecl. v. 12. Wasii Senar. c. 4. et Voss. Art. Gramm. lib. II. cap. 14. *nec fuit ulla ratis* Beverlandi Ms.—16 Idem Ant. de Rooy conj. *tota fuere nuces.* Cf. Ovid. Nuc. 75.

NOTÆ

15 *Supposita est blando*] Hoc est, non decoxisti patrimonium tessera: lusores autem solebant a minori ludo, a talis nempe, incipere, mox animis incalescentibus, depositis talis, supponebantur tesserae, in quibus major erat alea : lib. XIV. Epig. 15. 'Non sim talorum numero par tessera, dum sit Major, quam talis, alea sæpe mihi.'

16 *Alea sed parcæ*] Hoc est, sed victoriæ præmium erant nuces.

17 *Ubi sit decies*] Post adverbia 'decies,' 'tricies,' &c. intellige semper centena millia sestertium.

18 *Fecisti rem*] Hoc est, rem familiarem dissipans : fecisti rem difficilem sane, et cujus ratio non apparet. Hic est sensus istius loci, licet referendus videatur ad vitam municipalem gravem et laboriosam : vel forte intelligit secretum Lini flagitium, quod totum ejus patrimonium exhausserat.

LXVII.

IN PRÆTOREM.

PRÆTOREM pauper centum sestertia Gaurus

Orabat cana notus amicitia.

Gaurus egenus cognitus cara amicitia rogabat Prætorem centum sestertia.

2 *Orabat cara* in edd. vett. ut lib. I. Epig. 26. *nota carus amicitia* in Bever-

Dicebatque suis hæc tantum deesse trecentis,
 Ut posset domino plaudere justus eques.
 Prætor ait: Scis me Scorpo, Thalloque daturum; 5
 Atque utinam centum millia sola darem.
 Ah pudet ingratae, pudet ah male divitis arcæ!
 Quod non vis equiti, vis dare, Prætor, equo?

Atque aiebat hæc tantum deesse suis trecentis, ut justus eques posset plaudere domino. Prætor respondet: Tenes me donaturum Scorpo, et Thallo: atque utinam donarem tantum centum millia. Ah erubesco arcam ingratam, et male locupletem. O Prætor, placetne donare equo quod non donas equiti?

landi Ms.—4 In eodem Ms. *jussus eques*; et sic Ald. Junt. Colin. Gryph. Junian. Lang. &c. Cf. lib. i. Epig. 104. Verba *jussus* et *justus* passim permutantur.—5 *Strope* Beverlandi Ms. *Thalioque daturum* in edd. vett. *Thalloque* debetur Lipsio Epist. Quæst. i. 5.—8 *Quod non das equiti* Ald. Junt. Colin. Gryph. Pulman. Junian. Lang. Delph. &c.

NOTÆ

3 *Deesse trecentis*] Quadringenta sestertia in censu habere debebant equites. Vide lib. v. Epig. 26.

4 *Posset domino*] Hoc est, ut posset intra equites sedere, et adveniendi in amphitheatrum domino Domitiano plausum dare: lib. vi. Epig. 34.

5 *Scis me Scorpo*] Thallus et Scorpus nobilissimi erant agitadores: mortem Scorpi deflet Poëta lib. x. Epig. 50. 53. 74. Alii legunt *Thalioque*. Sed legendum *Thallo*, inquit Raderus, ad-

ducta veteri inscriptione ubi fit mentio *Thalli*.

7 *Male divitis arcæ*] Quia Prætor abutebatur suis opibus, nec illas cum amicis communicabat.

8 *Equo*] Statuæ equestres, inter alia victoriæ præmia, agitatoribus excitabantur ab iis qui fautores illorum se profitebantur. *Dare equo*, hoc est, statuæ equestri erigendæ, vel homini qui nihil aliud novit quam equos agitare?

LXVIII.

A D S E X T U M.

INVITAS centum quadrantibus, et bene cœnas.
 Ut cœnem invitor, Sexte, an ut invideam?

Vocas ad cœnam centum quadrantibus, tu laute epularis. O Sexte, an vocor ut epuler, an ut invideam?

Hujus Epigrammatis lectionem non variant libri manuscripti aut impressi.

NOTÆ

1 *Invitas*] Sexti cujusdam impudentiam carpit, a quo tenui sportulæ pretio fuerat invitatus, hoc est, cibos

vilis pretii Poëtæ, sibi autem lautissimos apponi jusserat Sextus. Vide lib. iii. Epig. 7.

LXIX.

AD PAPHILUM.

TU Setina quidem semper, vel Massica ponis,
 Papile: sed rumor tam bona vina negat.
 Diceris hac factus cœlebs quater esse lagenæ.
 Nec puto, nec credo, Papile, nec sitio.

O Pamphile, tu quidem semper apponis Setina aut Massica; sed fama inficiatur esse vina tam bona. Diceris quater evasisse viduus hac lagenæ. Nec opinor, nec fidem adhibeo, o Pamphile, nec sitio.

Ad Paphylum inscriptio est in codice Thuan. Ad Pamphilum in Ald. Junt. Colin. Gryph. Pulman. &c.—1 Marsica potas Beverlandi Ms.

NOTÆ

1 Tu Setina] De Setia Latii urbe, unde vinum Setinum dictum, Epig. 51. supra. De vino Massico egimus lib. III. Epig. 26.

2 Sed rumor] Serpebat quippe rumor vina a Pamphilo apponi infecta

veneno.

3 Diceris hac factus] Hoc est, quatuor uxores veneno necasse.

4 Nec puto] Sensus est: Non credo quidem verum esse illum rumorem: attamen experimento discere nolo.

LXX.

DE AMMIANO AD MARONILLUM.

NIHIL Ammiano, præter aridam restem
 Moriens reliquit ultimis pater ceris.

Genitor occumbens ultimis tabulis nihil reliquit Ammiano præter aridam vestem.

1 Mamiano in cod. Florent. Ramiresius legit vestem pro restem, et, ut credit, meliore sensu; quod arida vestis sit sola vestis, nulla alia re adhibita.

NOTÆ

1 Præter aridam restem [vestem] Hoc est, tritam, inquit Domitius: at Lipsius Elect. I. cap. 18. legit restem. Sensus est: Pater perditio filio Ammiano restem seu laqueum, quo se suspenderet, testamento reliquit.

2 Ultimis pater ceris] Hoc est, in

suo testamento, vel ultima testamenti parte: in prioribus vero ceris alios sane hæredes scripserat: in tabulis autem inceratis scribere solebant veteres, unde quævis scripturæ, vel etiam tabulæ, dicerentur ceræ.

Fieri putaret posse quis, Maronille,
Ut Ammianus mortuum patrem nollet?

O Maronille, quis credat potuisse fieri ut Ammianus cuperet genitorem non esse defunctum?

~~~~~

Sic est etiam in edd. vett. Ald. Junt. Colin. Gryph.—3 *Fieri putet potuisse* in iisdem vett. *putat posse* cod. Vat. *putaret posse* cod. Florent. *Marulline Beverlandi Ms.*—4 *Mamianus* cod. Florent.

## NOTÆ

4 *Mortuum nollet*] Vivum patrem prodigus Ammianus optabat mortuum, quia sperabat copiosam adepturum se hæreditatem: mortuum optabat vivum, quia moriens nihil ipsi reliquerat præter restem: ab eo autem dum viveret, semper aliquid accipiebat, quo vitam hilarem duceret. Turpior sensus posset colligi ex lib. II. Epig. 4.

## LXXI.

AD SOPHRONIUM RUFUM.

QUÆRO diu totam, Sophroni Rufe, per urbem,  
Si qua puella neget; nulla puella negat.  
Tanquam fas non sit, tanquam sit turpe negare,  
Tanquam non liceat; nulla puella negat.  
Casta igitur nulla est? castæ sunt mille: quid ergo 5  
Casta facit? non dat; non tamen illa negat.

O Sophroni Rufe, diu investigo per totam civitatem, si qua puella recuset: nulla puella recusat. Quasi non æquum sit: quasi inhonestum sit recusare: quasi non liceat, nulla puella recusat. Ergo nulla est pudica. Mille sunt pudicæ. Quid igitur agit pudica? Non dat ultro: nihilominus illa rogata non recusat.

~~~~~

Ad Sophronium inscribitur in Ald. Junt. Colin. Gryph. Pulman. Lang. Julian. &c. Ad Sempronium in aliis. Ad Saphronium in cod. Thuan.—1 Beverlandi Ms. per orbem.

NOTÆ

2 *Si qua puella*] Forte negantem puellarum, in quam tanta propensione feruntur, ut roganti negare nequeant. Sed lepide carpit libidinem

LXXII.

AD QUINTUM.

EXIGIS, ut donem nostros tibi, Quinte, libellos.
Non habeo, sed habet bibliopola Tryphon.

O Quinte, postulas ut tibi dem nostros libros. Illi non sunt penes me, at sunt

Æs dabo pro nugis, et emam tua carmina sanus?

Non, inquis, faciam tam fatue: nec ego.

penes bibliopolam Tryphonem. An dabo pecuniam pro ineptiis, et sanus emam tuos versus? Non tum stulte agam, ais: nec ego.

//////////

3 Beverlandi Ms. *et emam tua carmina si vis.*

NOTÆ

2 *Bibliopola Tryphon*] De quo iterum lib. XIII. Epig. 3.

4 *Nec ego*] Hoc est, nec ego tam fatuus ero, qui tibi gratis donem meos libros. Istius Quinti avaritiam argute

carpit, qui paucos impendere nummos recusabat, ut sibi hos libros compararet, quos tamen legere summo studio expetebat. Lib. I. Epig. 118.

LXXIII.

DE VESTINO.

CUM gravis extremas Vestinus duceret horas,

Et jam per Stygias esset iturus aquas;

Ultima volventes orabat pensa sorores,

Ut traherent parva stamina pulla mora.

Jam sibi defunctus, caris dum vivit amicis;

Moverunt tetricas tam pia vota Deas.

Tum largas partitus opes, a luce recessit:

Seque mori post hoc credidit ille senem.

5

Cum Vestinus ægrotus ageret ultimas horas, et jam esset petiturus undas Stygias, rogavit sorores versantes pensa extrema, ut afferrent brevem dilationem nigris staminibus. Jam sibi mortuus, dum spiritum ducit pro dilectis amicis, vota tam pia flexerunt Deas truces. Distributis tam copiosis divitiis exiit e vita: et deinde existimavit se interire senem.

//////////

2 *Et tam* Junt. an. 1512.—3 Ald. Junt. Colin. Gryph. &c. *oravit.*—4 Codex Vat. *stamina nulla.* Alii legunt, *stamina nigra.*—5 Codex Florent. *curus.*—8 Alii legunt, *posthac:* alii *post hæc.*

NOTÆ

1 *Vestinus*] Filius fuit illius Vestini, teste Lipsio in lib. xv. Annalium Taciti, qui damnatus a Nerone præter omnem culpam est interfectus.

3 *Ultima volventes*] Parcas intellige, quæ hominum vitam nere dicuntur: pulla vero earum stamina mortem cito minantur, lib. vi. Epig. 58. candida autem protrahunt. Juvenalis Sat. XII. 65.

5 *Jam sibi defunctus*] Non vitæ desiderio tenebatur Vestinus: sed hanc moram orabat, ut bona sua amicis partiretur.

8 *Senem*] Idem ingeniose dixit lib. x. Epig. 53. de Scorpo: 'Dum numerat palmas credidit esse senem:' a virtute enim et præclare factis annos numerare debent mortales.

LXXIV.

DE DAMIS.

ASPICIS, imbelles tentent quam fortia damæ
 Prælia? tam timidis quanta sit ira feris?
 In mortem parvis concurrere frontibus audent.
 Vis, Cæsar, damis parcere? mitte canes.

Videsne quam strenua certamina experiantur damæ imbecilles? quantam iracundiam habeant feræ tam ignavæ? Non dubitant exiguis frontibus oppetere mortem. O Cæsar, placetne ignoscere damis? Immitte canes.



Ad Cæsarem inscribitur in Beverlandi Ms.—3 In eodem *frontibus ardent*; et sic Gruterus ex marginali lectione Colinæi legere mallet, modo illa lectio aliquo codice confirmaretur.

NOTÆ

1 *Aspicis, imbelles*] Nota hoc distichum elegantibus antithetis ornari, et vide Epig. 35. supra, ubi pugnam huic similem descripsit Poëta.

4 *Mitte canes*] Argute Epigramma concludit: quid enim magis abhorrent damæ, quam canes? Tam ferociter tamen inter se decertabant damæ

ut essent casuræ, nisi canum latratu a se invicem diremtæ fuissent. Similis est jocus lib. 1. Epig. 49. ‘Si vitare canum morsus, lepus improbe, quæris, Ad quæ confugias, ora leonis habes.’ Sic intelligo: Minus damis timendum est a canibus, quam a semetipsis.

LXXV.

DE NIGRINA.

O FELIX animo, felix, Nigrina, marito,
 Atque inter Latias gloria prima nurus!
 Te patrios miscere juvat cum conjuge census
 Gaudentem socio, participique viro.

O Nigrina, beata animo, beata viro, et primum decus inter nurus Latias. Placet communices libenter cum marito divitias paternas, gaudens conjuge socio et



3 *Jam patrios* Beverlandi Ms. *cum conjuge census* in edd. vett.—4 In iisdem,

NOTÆ

3 *Te patrios*] Nigrinæ liberalitatem ternam adepta communicavit cum commendat, quæ hæreditatem pa- marito.

Arserit Evadne flammis injecta mariti, 5
 Nec minor Alcestem fama sub astra ferat.
 Tu melius: certo meruisti pignore vitæ,
 Ut tibi non esset morte probandus amor.

consorte. Evadne combusta fuerit immissa in rogam conjugis, nec minus decus extollat Alcestem ad cælum. Tu melius sane merita es pignore vitæ, ut amor non esset tibi probandus interitu.



participemque.—5 Beverlandi Ms. intenta mariti; sed flammis injecta maritis correxit Heins. ad Claud. xv. 407.—6 Nec minus Ald. Junt. Colin. an. 1528. &c.—7 Tu melius certe in iisdem. Tu melius certo cod. Palat. et Beverlandi Ms. et sic legit Musambertius. Tu melius certa ed. Colin. recentior. Tu melius certæ legendum putabat Ramiresius. pignora vitæ codex Pulmanni.

NOTÆ

5 *Arserit Evadne*] Iphiæ filia et uxor Capanei, quem tanto amore prosequabatur, ut, cum mortuum illum cremari videret, in eundem se rogam immiserit. Virg. *Æn.* vi. Ovid. *Trist.* iv. Elegia 3. 'Cum cecidit Capaneus subito temerarius ictu, Num legis Evadnen erubuisse viro,' &c. Et *Art. Am.* iii. 'Accipe me, Capaneu: cineres miscemus, inquit Iphias, in medios desiluitque rogos.'

6 *Alcestem* [*Alcestin*] Alii *Alcestem*. Peliæ fuit filia, et uxor Admeti regis Thessaliæ, pro quo lubens se morti objecit, cum Oraculum respondisset, brevi Admetum moriturum, nisi ali-

quis ex propinquis pro eo mortem sponte oppeteret. Ovid. *Art. Am.* iii. 'Si mea mors redimenda tua, quod abominor, esset, Admeti conjux, quam sequereris, erat.'

7 *Tu melius: certo* [*certe*] Vivens nempe pignore vitæ, seu opibus paternis cum viro communicatis, quibus sustentatur vita, melius tuum erga illum amorem probasti, quam morte. *Lib. i. Epig.* 9. 'Nolo virum facili redimit qui sanguine vitam: Hunc volo laudari qui sine morte potest.' Legunt alii, *Tu melius: certo meruisti pignore vitæ.*

LXXVI.

IN AVARUM AMICUM.

MILLIA misisti mihi sex, bis sena petenti:
 Ut bis sena feram, bis duodena petam.

Misisti ad me sex millia rogantem duodecim: ut duodecim impetrem, rogabo viginti quatuor.



In Bissenam inscriptio est in codice Florentino.

NOTÆ

2 *Ut bis sena feram*] Avarum quendam amicum carpit, a quo se petitorum dicit duplum summæ illius, qua

sibi opus fuerit, cum ille postulati dimidium concedere solitus sit.

LXXVII.

IN ZOILUM INVIDUM.

NUNQUAM divitias Deos rogavi,
 Contentus modicis, meoque lætus.
 Paupertas, veniam dabis, recede.
 Causa est quæ subiti, novique voti?
 Pendentem volo Zoilum videre.

5

Nunquam petii opes a Diis, contentus mediocribus, et gaudens meo. Paupertas, ignosces, abi. An ratio est voti adeo repentini, et novi? cupio aspiciere Zoilum suspensum.



In Zoilum invidum de voto est Lemma in Beverlandi Ms.—2 Ant. de Rooy conj. Contentus modico. Cf. Galli (sive Maximil.) Eleg. i. 53. Tibull. i. 1. 47. Claud. in Rufin. i. 214. et Veget. lib. i. cap. 3.—4 Causa est tam subiti Ald. Junt. Colin. &c.

NOTÆ

4 *Causa est quæ [tam]* Unde fit, ut petur invidia, et præ livore se sus-
 ego divitias nunc optem, cum semper pendet, cuius rei desiderio teneor.
 paupertatem amaverim? quia, inquit, Alii, *Causa est quæ subiti, &c.*
 cum Zoilus ditescere me viderit, rum-

LXXVIII.

IN VARUM.

AD cœnam nuper Varus me forte vocavit;
 Ornatus dives, parvula cœna fuit.
 Auro, non dapibus oneratur mensa: ministri
 Apponunt oculis plurima, pauca gulæ.
 Tunc ego: Non oculos, sed ventrem pascere veni: 5
 Aut appone dapes, Vare, vel aufer opes.

Cum Varus forte me invitavit ad cœnam nuper, opulentus apparatus fuit, parvula vero cœna. Mensa instruitur auro, non cibis, servi objiciunt multa oculis: pauca gulæ. Tunc ego dixi, Non accessi, ut explerem oculos, sed ventrem: Vare, aut appone cibos, aut tolle divitias.



Hoc Epigramma deest in edd. antiquis. Ferrar. Ald. 1501. 1517. 1550. Junt. 1512. Colin. 1528. Gryph. 1535. &c. Certe Janus Gruterus in codice suo non reperit. Extat in edd. Junian. Pulman. Ramires. Lang. et recentt.

NOTÆ

2 *Ornatus dives]* Poëta irridet Varum quendam, qui ornatum quidem divitem, parvulam vero cœnam apponebat: per se patet hoc Epigramma, quod aliqui Martialis esse negant. Vide lib. i. Epig. 44. lib. III. Epig. 59. et Epig. 68. supra.

LXXIX.

IN AFRUM.

CONDITA cum tibi sit jam sexagesima messis,
 Et facies multo splendeat alba pilo;
 Discurre tota vagus urbe, nec ulla cathedra est,
 Cui non mane feras irrequietus, ave.
 Et sine te nulli fas est prodire tribuno, 5
 Nec caret officio consul uterque tuo;
 Et sacro decies repetis Pallatia clivo,
 Sigeriosque meros, Partheniosque sonas.
 Hæc faciant sane juvenes: deformius, Afer,
 Omnino nihil est ardelione sene. 10

Cum jam natus sis sexaginta annos, et vultus fulgeat canus multo pilo; incertus vagaris per totam civitatem, nec ulla est cathedra, cui sollicitus non portes matutinum ave. Nec licet ulli tribuno exire sine te, et præstas officia tua utrique consuli, et decies redis in palatia sacro clivo, et prædicas solos Sigerios, et Parthenios. Juvenes agant quidem ista, o Afer, nihil prorsus est turpius sene ardelione.

Ad Rufum senem inquietum inscribitur in cod. Thuan.—7 Beverlandi Ms. *repetis Pallatia divo.* De permutatione *cl* et *d*, vide quæ diximus ad lib. I. Epig. 90.—8 *Sydereosque* codex Vat. Sunt qui legant *Sigeriosque modos*, ut est in Ald. Junt. Colin. &c. sed Musambertius legendum censet, *Sigeriosque modo*, i. e. tantum Sigerios, sive nihil aliud sonas quam Sigerios et Parthenios.

NOTÆ

3 *Nec ulla*] Cathedra significat sellam muliebrem, lib. III. Epig. 63. et lib. XII. Epig. 38. Horatius I. Sat. 10. 'Discipularum inter jubeo plorare cathedras.' Afer iste domo egredientes, vel admissus intro sedentes in cathedris salutabat. De modo salutandi vide lib. I. Epig. 56.

5 *Et sine te*] Hoc est, tribunos et consules domo exeuntes comitaris. Vide lib. XI. Epig. 99.

8 *Sigeriosque*] Sigerius et Parthenius duo erant cubicularii Domitiani, quos Afer semper habebat in ore, ut ancicis familiariter uti videretur. Sic Horatius I. Epist. 7. 'ex nitido fit

rusticus, atque Sulcos et vineta crepat mera.' Sic et Martialis lib. VII. Epig. 53. 'Semper mane mihi de mera somnia narras.' Legunt alii, *Sigeriosque modos*, &c. et Raderus interpretatur orationem ad Sigerii et Parthenii aures accommodatam, qua illorum amicitiam sibi conciliare conaretur Afer. Musambertius legit: *Sigeriosque modo*, hoc est, tantum Sigerios loquitur Afer. Hic sensus in primum recidit.

10 *Ardelione*] Is nempe est, qui totus occupatur in nihil agendo, qui ubique et nusquam est. Vide lib. II. Epig. 7.

LXXX.

AD MATHONEM.

HOSPES eras nostri semper, Matho, Tiburtini.

Hoc emis: imposui; rus tibi vendo tuum.

*Matho, semper eras hospes nostri Tiburtini. Hoc mercaris: decepi: tibi vendo tuam villam.**Ad Maronem inscribitur in cod. Scriverii.—1 Codex Vat. semper, Maro, Tiburtini.—2 Hoc emas in eodem. jus tibi vendo in codd. Florent. et Pulman.*

NOTÆ

1 *Matho*] De quo Epig. sequenti, tanquam suo fruebatur. Tibur hodie, quem facete dicit deceptum fuisse *Tivoli*, Tiburtina vero villa, teste Ortelio, dicitur hodie, *Villa Hadriani*.
emendo prædium quo ante emtionem

LXXXI.

IN MATHONEM.

DECLAMAS in febre, Mathon: hanc esse phrenesim

Si nescis, non es sanus, amice Mathon.

Declamas æger, declamas hemitritæus.

Si sudare aliter non potes, est ratio.

Magna tamen res est: errans cum viscera febris

5.

Exurit, res est magna tacere, Mathon.

*O Mathon, declamas in febre: si ignoras hanc esse insaniam, o amice Mathon, insanis. Ægrotus declamas, semitertiana laborans declamas: si nequis aliter sudare, est ratio. Nihilominus est quid arduum. Cum intestina ardent febris discurrente, o Mathon, est quid arduum silere.**Ad Maronem febricitantem in codice Thuan.—1 Maron Thuan. et Florent. et sic in versu seq. et ver. 6.—5 Alii pro errans, legunt erras; et referunt ad Poëtam redarguentem: Non est magna res, inquit Poëta, declamare in febris: erras Matho; magna res est, tum posse tacere.*

NOTÆ

1 *Mathon*] Insaniæ arguit Mathonem, qui tacere nequiret. De quodam Mathone causidico loquitur Juven. Sat. 1. Nescio an hic idem sit. 'Causidici nova cum veniat lectica Mathonis Plena ipso.'

3 *Hemitritæus*] ἡμιτριταῖος, semitertianus: hoc est, semitertiana febre laborans, lib. XII. Epig. 92. 'Cui

gravis et fervens hemitritæus erat.' subauditur πυρετός: febris vero semitertiana est tertiana imperfecta, et accedens ad quotidianam: quod citius recurat, quam vera tertiana.

5 *Magna tamen*] Respondet Matho, Magna tamen res est in febre declamare.

Errans cum viscera] Subjicit Poëta:

NOTÆ

Cum vehementi febre laboras, summis clamare; hoc enim phrenesim, seu in doloribus nec clamare nec ingemiscere difficile est. Vel sic intellige: Res magna non est in febre desane ardua.

LXXXII.

DE FABULLA.

EPIGRAMMA nostrum cum Fabulla legisset,
Negare nullam quo queror puellarum,
Semel rogata bisque terque neglexit
Preces amantis. Jam, Fabulla, promitte:
Negare jussi, pernegare non jussi. 5

Cum Fabulla evolvisset nostrum Epigramma, quo conqueror nullam puellam negare, semel rogata bis et ter contempsit vota amatoris. O Fabulla, jam promitte: volui quidem negare, non jussi prorsus negare.

3 *Semel rogata bis terque* in Ald. Junt. et Colin.

NOTÆ

1 *Epigramma*] Supra Epig. 71. 'Nolo nimis facilem, difficilemque
5 *Pernegare*] Lib. I. Epig. 58. nimis.'

LXXXIII.

AD RUFUM.

Hos quoque commenda Venuleio, Rufe, libellos;
Imputet et nobis otia parva, roga:
Immemor et paulum curarum, operumque suorum,
Non tetrica nugas exigat aure meas.
Sed nec post primum legat hæc, summumve trientem; 5
Sed sua cum medius prælia Bacchus amat.

O Rufe, commenda etiam hos libros Venuleio, atque ora ut nobis faciat brevem audientiam. Et parum oblitus solitudinum et operum suorum examinet meas ineptias aure non severa. At nec evolvat hæc post primum aut ultimum trientem, sed

Ad Ruffum in edd. vett.—2 Pulmanni codex *rogo*.—8 Junt. nostra in marg.

NOTÆ

2 *Imputet*] Hoc est, concedat. nuleius initio mensæ, nec in fine, sed
5 *Sed nec post primum*] Triens quatuor cyathorum poculum est: hoc est, in media cœna cum fervet convivii alacritas.
nugatoria mea carmina nec legat Ve-

Si nimis est legisse duos; tibi charta plicetur
 Altera: divisum sic breve fiet opus.

cum suæ pugnæ sunt gratæ medio Baccho. Si nimium est evolvere duos libros, complica alteram chartam: opus divisum hoc modo contrahetur.

~~~~~  
 pro breve, exhibet leve; et Beverlandi Ms. onus pro opus.

## NOTÆ

7 *Si nimis est*] Hoc est, ne nimium x. Epig. 1. 'Si nimius videor, sera-  
 defatigeris legens duos libros, divide que coronide longus Esse liber: legito  
 opus, brevius fiet. Idem dixit lib. pauca, libellus ero.'

## LXXXIV.

## IN NÆVOLUM.

SECURO nihil est te, Nævole, pejus: eodem

Solicito nihil est, Nævole, te melius.

Securus, nullum resalutas, despicias omnes:

Nec quisquam liber, nec tibi gratus homo est.

Solicitus, donas: dominum regemque salutas;

5

Invitas: esto, Nævole, sollicitus.

O Nævole, nihil est deterius quam tu tranquillus. O Nævole, nihil est melius quam tu idem anxius. Tranquillus nemini reddis salutem, contemnis cunctos. Nec quisquam liber tibi placet, nec ullus servus. Anxius largiris, nuntias salutem domino et regi, vocas ad cœnam. O Nævole, esto anxius.

~~~~~  
 4 Codd. Thuan. et Palat. *natus homo est*, et sic Gruter. at in Florent. Vat. et Pulman. *notus homo est*. Bodl. exhibet: *visus nec tibi notus homo est*.

NOTÆ

1 *Securo nihil est*] Securus, hoc est, Usufructu, et Reditu, &c. Legunt sine cura. Nempe cum nihil timeret alii, *Nec quisquam visus, nec tibi notus* Nævulus, omnes despiciebat; at vero *homo est*. Alii, *Nec liber quisquam, nec* curis et infortuniis pressus omnes *tibi natus homo est*.
 5 *Dominum regemque*] De hac salutatione vide lib. 1. Epig. 113.

4 *Gratus homo est*] Vox homo significat servum. Lege II. ff. de Usu, et

LXXXV.

IN THAIDEM.

NON est in populo, nec urbe tota,

A se Thaida qui probet fututam;

~~~~~  
 In hoc Epigrammate nulla lectionis varietas est in editionibus impressis aut libris scriptis, nisi quod Beverlandi Ms. vs. 2. habet *Fraudat pro Prodat*.



Cum multi cupiant, rogentque multi.  
 Tam casta est, rogo, Thais? immo fellat.

## NOTÆ

*Fellat*] Supra epig. 50.

## LXXXVI.

## IN PONTICUM.

Nos bibimus vitro, tu myrrha, Pontice: quare?  
 Prodat perspicuus ne duo vina calix.

*Nos potamus vitro, tu myrrha, o Pontice: cur? Ne crater perlucidus patefaciat duo vina.*

## NOTÆ

1 *Tu myrrha*] Propter cujus opacitatem vinum perspici nequibat, lib. xiv. Epig. 113.

## LXXXVII.

## AD LIBRUM SUUM DE APOLLINARI.

SI vis auribus Atticis probari,  
 Exhortor, moneoque te, libelle,  
 Ut docto placeas Apollinari.  
 Nil exactius, eruditiusque est,  
 Sed nec candidius, benigniusque: 5  
 Si te pectore, si tenebit ore,  
 Nec ronchos metues maligniorum,  
 Nec scombris tunicas dabis molestas.

*O liber, si cupis placere auribus Atticis, tibi suadeo et auctor sum, ut arrideas erudito Apollinari; nemo est politior et doctior, at nec humanior et candidior. Si te excipiet amplexu et basio, nec timebis irrisiones invidorum, nec præbebis scombris*

*Ad librum suum in edd. vett. Cetera, nulla est lectionis varietas.*

## NOTÆ

1 *Auribus Atticis*] Hoc est, politis: Attici enim ceteris politiores habitusunt.

3 *Apollinari*] De quo etiam lib. vii. Epig. 25.

6 *Si tenebit ore*] Vide lib. i. Epig. 4.

8 *Nec scombris*] Carmina quippe

inornata, et alia opera minus elegantiascombris involvendis inserviebant. lib. iii. Epig. 2. Tunica molesta dicitur, ut conjicit Farnabius, qua non tam involuti, quam frixi fuerint illi pisciculi. Metaphora ducta a tunica illa molesta, pice et bitumine illita,

Si damnaverit, ad salariorum  
 Curras scrinia protinus licebit, 10  
 Inversa pueris arande charta.

*jucunda tegmina. Si improbaverit, o libelle in tergo scribende a pueris, poteris subito properare ad arcam salariorum.*

## NOTÆ

qua induti ardebant damnati. Lib. x. tus, et in tergo, necdum finitus Ores-  
 Epig. 25. 'Nam cum dicatur tunica tes.' Salariorum ergo pueri nacti  
 præsentē molesta, Ure manum.' hanc chartam per ludibrium a tergo  
 11 *Inversa pueris*] In una tantum scribent. Arare per metaphoram sig-  
 chartæ facie scribi solebant Poëmata: nificat scribere, quod in chartis ince-  
 unde Juvenalis Sat. I. arguens longam ratis stylo literas, veluti sulcos, desig-  
 cujusdam Poëtæ Fabulam ait: 'Scrip- nabant antiqui.

## LXXXVIII.

## DE BASSA.

INFANTEM secum semper tua Bassa, Fabulle,  
 Collocat, et lusus deliciasque vocat.  
 Et quod mireris magis, infantaria non est.  
 Ergo quid in causa est? pedere Bassa solet.

*O Fabulle, tua Bassa secum semper constituit infantem, atque appellat jocos et voluptates. Et quod magis mireris, non amat infantes. Quid igitur in causa est? Bassa consuevit pedere.*

*Ad Fabullam inscribitur in edd. vett.—1 Catulle Beverlandi Ms.—2 In eodem: deliciasque facit.*

## NOTÆ

3 *Infantaria non est*] Verbum a ventris emitteret Bassa, in infantem Poëta fictum: hoc est, non est amatrix infantium, sed cum crebro flatum rejiciebat culpam.

## LXXXIX.

## IN DISSIMULATOREM.

NULLA remisisti parvo pro munere dona;  
 Et jam Saturni quinque fuere dies.

*Pro exiguo munere nulla remisisti dona, et jam quinque dies Saturni præterie-*

*Ad Septicianum lemma est in cod. Thuan. In Dissimulatorem Septitianum*



Ergo nec argenti sex scriptula Septitiani  
 Missa, nec a querulo mappā cliente fuit ;  
 Antipolitani nec quæ de sanguine thynni 5  
 Testa rubet, nec quæ coctana parva gerit ;  
 Nec rugosarum vimen breve Picenarum :  
 Dicere te posses ut meminisse mei.  
 Decipies alios verbis vultuque benigno :  
 Nam mihi jam notus dissimulator eris. 10

*runt. Itaque nec missa sunt sex scrupula argenti septitiani, nec mappa fuit missa a queribundo cliente; nec testa quæ rubra est a sanguine thynni Antipolitani, nec quæ fert exigua coctana; nec parvum canistrum olivarum rugosarum ex Piceno: ut posses dicere, te mei memorem fuisse. Dictis et vultu blando circumvenies alios: jam enim te existimabo dissimulatorem.*

in Ald. Juut. Colin. &c.—3 Pulmanni codex, *scriptula*. in quibusdam, *Septitiane*, ad quem Epigramm. ult. lib. XI.—5 *Antipolitano* in edd. vet. et omnibus codd. teste Grutero. Beverlandi Ms. *de sanguine cyrri*.—8 *Dicere te possis* Beverlandi Ms.—9 In eodem, *benigne*.—10 *Nam mihi jam notus* in eodem Ms.

## NOTÆ

2 *Quinque fuere*] Saturnalium tempore dona sibi invicem mittere solebant Romani. Quinque vero diebus durabant Saturnalia, de quibus agit Lipsius Saturn. lib. I. cap. 3. et 4.

3 *Sex scriptula* [*scrupula*] Hoc est, exiguum munus. Scrupulum, teste Roberto Stephano in suo Thesaurō Linguae Latinæ, est nomen ponderis: Latine 'obolus' dicitur, et sex siciliquis conficiebatur, et ex tribus scrupulis drachma. Denarium nostrum valet. Alii *scriptula*.

*Septitiani*] Lib. VIII. Epig. 71. meminit libræ septitianæ. Legunt alii *Septitiane*, ad quem scribit, lib. XI. Epig. 108.

4 *A querulo*] De mappis, quæ mense Decembri mitterentur, supra Epig. 46. Querulum clientem vocat, quia apud patronum de egestate semper queritur, atque auxilium rogat.

5 *Antipolitani*] Nec missa est mu-

ria, quæ ex sanguine thynni optima conficiebatur Antipoli in urbe Asiæ, ut aiunt Interpretes. Vide lib. XIII. Epig. 103. Antipolis urbs etiam fuit in Gallia Narbonensi, hodie, *Antibe*, vel *Ragni*, ut refert Ortelius.

6 *Nec quæ coctana*] Parvæ sunt ficus ex Syria, de quibus lib. XIII. Epig. 28. Olivæ vero optimæ mitterentur ex Piceno, hodie, *la Marche d'Ancone*.

8 *Dicere te*] Mittendis in muneribus hæc usitata fuisse videtur formula, ut amicus amici memorem se diceret.

10 *Dissimulator*] Quidam interpretantur ingratum; est enim ingratus qui beneficium accepisse se dissimulat. Alii sic explicant, *dissimulator eris*, quia simulas te non intelligere quid velim; munus enim ad te misi, ut vicissim munus ad me remitteres. Ergo non mittam ad te deinceps vel levis momenti donum.

## XC.

## DE RUSTICATIONE.

RURE morans quid agam, respondeo pauca, rogatus :

Luce Deos oro, famulos, post arva reviso,

Partibus atque meis justos indico labores.

Inde lego, Phœbumque cio, Musamque lacesso.

Hinc oleo corpusque frico, mollique palæstra

5

Stringo libens, animo gaudens, ac fœnore liber.

Prandeo, potō, cano, ludo, lavo, cœno, quiesco,

Dum parvus lychnus modicum consumat olivi.

Hæc dat nocturnis nox lucubrata Camœnis.

*Interrogatus quid faciam manens rure, respondeo pauca. Diluculo precor Numina, reviso servos, deinde agros, et meis famulis distribuo opus per partes æquas. Hinc lego, atque invoco Apollinem, et provoco Musam. Inde ungo corpus oleo, et libens comprimo illud molli palæstra, mente hilari, et solutus fœnore. Pondero, bibo, canto, ludo, lavo, cœno, quiesco, dum exigua lucerna absumat parum olei. Nox concedit nocturnis Musis elaborata hæc carmina.*

5 *Hinc oleo corpus frico* Ald. an. 1501. 1517. Junt. Colin. &c. repugnante lege carminis. *corpus frigo* Pulmannus. *corpus fingo* Cujacius.—7 *Prandeo* cod. Pulmanni et Beverlandi Ms. et sic omnes uno ore emendant, neque enim prandium omnino Latio exulabat.—9 *Nec dat nocturnis elucubrata* Beverlandi Ms.

## NOTÆ

2 *Famulos, post arva*] Hoc est, famulos, deinde arva; vel arva reviso, et deinde famulos, si præpositio fuerit.

3 *Justos indico*] Transpositio est, hoc est, Indico labores justis partibus. Sic Virgilius Æn. 1. 'Jura dabat, legesque viris, operumque laborem Partibus æquabat justis,' &c.

4 *Phœbumque cio*] Compono carmina.

6 *Stringo*] Uctione laxatur cutis, lucta vero astringitur, vel forte palæstræ pulvere.

7 *Prandeo* [*Pondero*] Vetus codex sic habet. Alii emendant *Prandeo*. Non sæpe quidem, attamen aliquando senes et pueri, immo et sani prandebant. Videat lector.

9 *Lucubrata*] Intellige carmina ad lucernam elaborata. Hoc Epigramma a quibusdam rejicitur.

## XCI.

## AD LIBRUM.

OHE jam satis est, ohe libelle.

Jam pervenimus usque ad umbilicos :

*Ohe jam sufficit, ohe libelle, jam pervenimus usque ad umbilicos. Tu vis pergere*

2 Juntina nostra in margine : *usque ad umbilicum*.—4 *Nec summa potes in Delph. et Var. Clas. Martial. Z*



Tu procedere adhuc, et ire quæris :

Nec summa potes in scheda teneri.

Sic tanquam tibi res peracta non sit,

5

Quæ prima quoque pagina peracta est.

Jam lector queriturque, deficitque ;

Jam librarius hoc et ipse dicit :

Ohe jam satis est, ohe libelle.

*adhuc, et progredi, nec potes consistere in extrema pagina. Sic tanquam non perfeceris rem, quam perfecisti etiam prima pagina, jam lector expostulat, et defessus est: jam et ipse librarius loquitur idem: Ohe jam sufficit, ohe libelle.*

//////////

*scola codex Florentinus. Nec summa potes in schola codex Vaticanus. Nec summa potes in stola conj. Beverlandus.—6 Pulmanni cod. pagina notatur.—8 Jam librarius ohe et ipse dicit legendum forte credit Heraldus.*

#### NOTÆ

1 *Ohe*] Satietaſtem et faſtidium ſignificat.

2 *Usque ad umbilicos*] Opus abſolutum eſt. De hoc loquendi modo dictum lib. I. Epig. 67.

4 *In scheda*] Hoc eſt: O libelle, tu nec contentus eſ paginae extremam etiam partem implere. *σχέδη*, tabella,

vel papyrus, aut phylira, aliudve in quo ſcribebant antiqui.

6 *Quæ prima quoque*] Nam, o libelle, vel prima pagina lectorem tædio expleviſti, et tamen modum tenere non viſ.

8 *Librarius*] Ille eſt qui libros tranſcribit.

M. VAL. MARTIALIS  
EPIGRAMMATUM

LIBER V.

I.

AD CÆSAREM.

Hoc tibi, Palladiæ seu collibus uteris Albæ,  
Cæsar, et hinc Triviam prospicis, inde Thetin;  
Seu tua veridicæ discunt responsa sorores,  
Plana suburbani qua cubat unda freti;

*O Cæsar, felix præsidium rerum, et salus, quo incolumi putamus Jovem esse memorem; mittimus ad te hunc librum, seu es in montibus Albæ Palladiæ, atque ex hac parte spectas templum Dianæ, ex illa mare; seu veraces sorores accipiunt tua*

1 *Hæc tibi Palladiæ* codex Thuanæus. *uteris Albis* codex Vat.—2 *Thetym* in edd. vett.—3 *Seu tua veridicæ discent* cod. Pulmanni: *dicunt* Beverlandi Ms.—4 *Plena suburbani qua cubat unda maris* in eodem.—5 Pulmanni codex:

NOTÆ

1 *Palladiæ seu collibus*] In honorem Minervæ Quinquatria quotannis celebrabat Domitianus in monte Albano prope Romam. Lib. iv. Epig. 1.

2 *Et hinc Triviam*] A monte Albano prospiciebatur hinc Dianæ templum ad Ariciam, hodie, *Rizza*, illinc vero Thetis, quam sumit pro mari. Vide lib. x. Epig. 13. et lib. Spect. Epig. 3. Dianam jam vocavit Triviam lib. Spect. Epig. 1. Eodem lib. irrepit mendum in Epig. 26. ubi lege *Thetis*.

3 *Seu tua veridicæ*] Hoc est, sive et Antii ubi sub imagine duarum sororum Fortuna colebatur. Suetonius in Caligula cap. 57. ‘nonnerunt et sortes Antianæ.’ Horatius l. Od. 35. ‘O di-va gratum quæ regis Antium.’ Germanas vero sorores dixisse videtur, quod una prospera, altera adversa sit. De Fortunæ templis fuse agit Alexander ab Alexandro Geuial. *Dier.* lib. i. cap. 13. Antium, hodie, *Antio*.

*Tua responsa*] His verbis Domitiano adulari Poëta; nam ostendit Fortu-



Seu placet Æneæ nutrix, seu filia Solis, 5  
 Sive salutiferis candidus Anxur aquis:  
 Mittimus, o rerum felix tutela, salusque,  
 Sospite quo gratum credimus esse Jovem.  
 Tu tantum accipias: ego te legisse putabo,  
 Et tumidus Galla credulitate fruar. 10

*responsa, qua jacet aqua maris suburbani: sive placet nutrix Æneæ, sive filii Solis, sive albus Anxur undis salubribus. Tu solummodo accipias, ego credam a te lectum esse, et superbus potiar Galla credulitate.*

*quærimus esse Jovem.—9 Tu tantum aspicias codex Pulmanni. Tu tantum accipies Ald. Junt. Colin. Gryph. Lang. Junian. &c.—10 Et tumidus falsa cod. Pulmanni et Beverlandi Ms.*

## NOTÆ

nam a Domitiano velut a majore Deo discere responsa, ut inferiores Dii a superioribus afflari solent.

4 *Plana suburbani*] Mare enim alluit urbem Antium, atque ita illius suburbium esse videtur.

5 *Æneæ nutrix*] Hoc est, Caieta, urbs maritima in finibus Latii versus Campaniam, hodie *Gaieta*. Virgil. Æn. vii. ‘Tu quoque littoribus nostris Æneia nutrix Æternam moriens famam, Caieta, dedisti.’ Strabo lib. v. τὰ γὰρ κοῖλα πάντα Καϊάττας οἱ Λάκωνες προσαγορεύουσιν: *Omnes enim cavitates Caiattas appellarunt Lacones.* Non tamen negat ab Æneæ nutrice etiam dictam Caietam.

*Seu filia Solis*] Sive es Circeis, hodie, *Circelli*: oppidum est Latii maritimum, a Circe filia Solis denominatum.

6 *Candidus Anxur*] Latii oppidum, hodie *Terracina*, cujus aquæ sunt valde

salutares: dicitur candidus vel a candore saxorum, vel a calce quæ conficitur ex lapidibus inde petitis. Neutrins generis reperitur apud Horatium i. Sat. 5. ‘Impositum late saxis candentibus Anxur.’

8 *Gratum credimus*] Hoc est, memorem beneficii a te accepti: nam bello Vitelliano Domitianus adhuc puer, una cum patruo Sabino, Capitolium pro viribus suis defenderat, incensum tamen postea restituit. Suetonius in Domitiano cap. 5. Vide etiam lib. ix. Epig. 104.

9 *Accipias*] Alii *accipies*; alii vero *aspicias*.

10 *Galla credulitate*] Galli enim vera simplicitate boni sunt, atque hinc creduli. Strabo lib. iv. ἄλλως δὲ ἀπλοῦν καὶ οὐ κακὸς, supple φῶλον Γαλλικόν: *Ceterum Gallica gens ingenio simplici, ac nulla malignitate devincto.*

## II.

AD LECTORES.\*

MATRONÆ, puerique, virginesque,  
 Vobis pagina nostra dedicatur.

O *Matronæ, juvenes, et puellæ, noster libellus vobis dedicatur. Tu, cui nimis*

## NOTÆ

\* *Ad Lectores*] Alii, *De Eodem*.

Tu, quem nequitiaë procaciores  
Delectant nimium, salesque nudi,  
Lascivos lege quatuor libellos;  
Quintus cum Domino liber jocetur;  
Quem Germanicus ore non rubenti  
Coram Cecropia legat puella.

5

*placent lasciviæ petulantiores et nudi joci, evolve quatuor præcedentes libros petulantes. Quintus libellus ludat cum domino, quem Germanicus sine rubore evolvat, præsentem virginem Atheniensi.*

6 *Quintus cum Domino liber jocatur* Beverlandi Ms.

## NOTÆ

7 *Quem Germanicus]* Domitianus a devictis Germanis Germanici nomen assumpsit. Hunc vero librum tam verecundum et castum esse dicit Poëta, ut ab Imperatore legi possit *Coram Cecropia puella*, hoc est, coram Miner-

va, quæ Athenis colebatur, quam et summo studio colebat Domitianus. Suetonius in Domitiano cap. 4. Alii interpretantur virginem Palladi sacram, quæ ritu Vestalium viveret.

## III.

## AD DOMITIANUM.

ACCOLA jam nostræ Degis, Germanice, ripæ,  
A famulis Istri qui tibi venit aquis,  
Lætus et attonitus, viso modo præside mundi,  
Affatus comites dicitur esse suos:  
Sors mea quam fratris melior! cui tam prope fas est  
Cernere, tam longe quem colit ille Deum.

5

*O Germanice, Degis jam accola nostræ ripæ, qui te adivit ab undis Danubii subditis, hilaris et stupens, paulo ante conspecto moderatore orbis fertur allocutus suos socios: Quanto sum felicior fratre meo: cum possim tam prope intueri Deum, quem ille veneratur tam procul.*

1 Inedd. vett. *degis*.—2 *A domitis Istri* Juntina nostra in margine. At apud Ovid. Fast. i. 285. 'Pax erat; et vestri, Germanice, causa triumphii Tradiderat famulas jam tibi Rhenus aquas:' ubi vulgo legitur 'domitas,' quod proculdubio interpretamentum est. Vide Heins. ad hunc locum. Cf. ex Pont. ii. 2. 80.

## NOTÆ

1 *Accola jam nostræ]* Hoc est, jam Tiberis accola; Romam enim venerat Degis accola sc. Danubii, qui nobis nunc subditus est. Ad Domitianum, a Germania devicta dictum Germanicum, pacis sancienda gratia lega-

tum misit Decebalus Dacorum rex. Hæc refert Raderus ex fragmento Theodosii, unde tamen non constat quis Degis ille, vel Diegis, fuerit.

6 *Quem colit ille Deum]* Domitianum nempe: eodem sensu Ovidius



## NOTÆ

lib. II. de Ponto : ' Felices illi, qui Deum coram corpora vera vident.'  
non simulacra, sed ipsos Quique

## IV.

## AD PAULUM DE MYRTALE.

FÆTERE multo Myrtale solet vino :  
Sed fallat ut nos, folia devorat lauri,  
Merumque cauta fronde non aqua miscet.  
Hanc tu rubentem prominentibus venis  
Quoties venire, Paule, videris contra ; 5  
Dicas licebit : Myrtale bibit laurum.

*Myrtale consuevit male olere multo mero: at comedit frondes lauri ut decipiat nos, et callidu temperat vinum fronde non aqua. O Paule, quoties conspexeris hanc tibi occurrere rubicundam venis inflatis: poteris dicere, Myrtale potavit laurum.*

Lemma est in Ald. Junt. Colin. Gryph. Lang. Junian. &c. *Ad Myrtalem*: in cod. Pulmanni, *Ad Paulum*.—1 *Fætere multo Tuccius solet vino* in eodem codice.—3 *Merumque cauta fronte* Ald. Junt. et Colin.

## NOTÆ

3 *Merumque cauta*] Lauri folia ebrietatem arcent: laurum ergo comedit Myrtale, ut ebrietatem, simul et vini graveolentiam vitaret, lauri quippe vis potentior vini odorem obruit. Alii *cauta* jungunt cum *fronde*.  
Judicet lector.  
6 *Bibit laurum*] Non Baccho, sed Apolline inflata est, cum lauro Phœbo sacra ebrietatem dissimularet Myrtale.

## V.

## AD SEXTUM.

SEXTE, Palatinæ cultor facunde Minervæ,  
Ingenio frueris qui propiore Dei ;

*O diserte Sexte, cultor Minervæ Palatinæ, qui penitus pervadis mentem Dei :*

In hoc Epigrammate exhibendo nihil variant libri scripti aut impressi.

## NOTÆ

1 *Palatinæ cultor*] Hic Sextus erat secretioribus. Epig. 3. supra jam Domitiano a sacræ religionis cultu, mitianum ' Deum ' vocavit. et a studiis ingenii, atque a consiliis

Nam tibi nascentes Domini cognoscere curas,  
 Et secreta ducis pectora nosse licet;  
 Sit locus et nostris aliqua tibi parte libellis, 5  
 Qua Pedo, qua Marsus, quaque Catullus erit.  
 Ad Capitolini cœlestia carmina belli,  
 Grande cothurnati pone Maronis opus.

*nam tibi fas est notas habere primas cogitationes domini, et discere intimos sensus Imperatoris. Des etiam locum nostris libris aliqua parte qua collocabitur Pedo, qua Marsus, et qua Catullus. Et colloca divinos versus belli Capitolini juxta opus sublime cothurnati Virgilii.*

## NOTÆ

6 *Qua Pedo*] De quo jam dictum lib. II. Epig. 77. Restat adhuc ex eo elegia ad Liviam de morte Drusi Neronis. De Marso etiam dictum lib. II. Epig. 71. et 77. cujus Epigrammata apud antiquos summis laudibus fuerunt celebrata, teste Gyrardo Dialogo 10. de Historia Poëtica: Catullus vero satis est notus.

7 *Ad [Et] Capitolini*] Puer adhuc Domitianus Capitolium cum patruo Sabino a Vitellianis defendit. Suetonius in Domitiano cap. 1. Illa propugnatio dicta est bellum Capitoli-

num, postea descriptum ab ipso forte Domitiano, vel ab ipso Sexto, vel ab aliis, quorum Carmina comparat cum Æneide Virgilii, atque eodem in loco reponenda esse dicit. Legunt alii: *Ad Capitolini cœlestia carmina belli: pone, hoc est repone, et colloca.*

8 *Cothurnati Maronis*] Cothurnus genus fuit calceamenti Tragicorum proprium, de quo lib. III. Epig. 20. Itaque cothurnatum Maronem dicit, propter gravitatem heroici ejus Poëmatis.

## VI.

AD MUSAS: VEL LIBRUM COMMENDAT PARTHENIO.

Si non est grave, nec nimis molestum,  
 Musæ, Parthenium rogate vestrum:  
 Sic te serior et beata quondam  
 Salvo Cæsare finiat senectus,

*O Musæ, si non displicet, nec nimis grave est, orate Parthenium vestrum his verbis: Sic tardior senecta et felix quondam absolvat tuam vitam sospite Impera-*

*Ad Musas* inscribitur in edd. vett.—6 *Sic Burrus cito nesciat codex*

## NOTÆ

2 *Parthenium*] Cultorem vestrum: lib. VIII. Epig. 28. lib. XI. Epig. 1.  
 Parthenius vero Domitiani cubiculo 3 *Sic te serior*] Oratio Musarum ad  
 erat præpositus. Suetonius in Do- Parthenium.  
 mit. cap. 16. de quo lib. IV. Epig. 45.



Et sis invidia favente felix ; 5  
 Sic Burrus cito sentiat parentem ;  
 Admittas timidam brevemque chartam  
 Intra limina sanctioris aulæ.  
 Nosti tempora tu Jovis sereni,  
 Cum fulget placidus, suoque vultu, 10  
 Quo nil supplicibus solet negare.  
 Non est, quod metuas preces iniquas :  
 Nunquam grandia nec molesta poscit,  
 Quæ cedro decorata purpuraque  
 Nigris pagina crevit umbilicis. 15  
 Nec porrexeris ista, sed teneto,  
 Sic tanquam nihil offeras agasque.  
 Si novi dominum novem sororum,  
 Ultro purpureum petet libellum.

*tore : et sis beatus suffragante invidia. Sic Burrus mox sapiat genitorem, excipias libellum pavidum et exiguum intra limina aulæ sanctioris. Tibi innotescunt tempora Jovis placidi, cum tranquillus micat et sua fronte, qua consuevit nihil recusare rogantibus. Non est, quod timeas obsecrationes injustas. Libellus, qui ornatus cedro et purpura adauctus est nigris umbilicis, nunquam petit res immodicas nec importunas. Nec obtuleris ista : at habeto præ manibus, sic velut nihil porrigas et facias. Si novi dominum novem Musarum, sponte poscet librum ornatum purpura.*

Pulmanni.—8 *Intrat limina* Junt. an. 1512. *sanctioris ævi* codex Pulmanni.

#### NOTÆ

6 *Sic Burrus*] Parthenii filius indolis paternæ det specimen. Vide lib. iv. Epig. 45.

8 *Sanctioris aulæ*] Hoc est, introduce in conclave Cæsaris, seu in intimam aulam, quam sanctam dicit, vel quod illic coleretur Minerva, vel quod Domitianus ipse vellet haberi Deus.

9 *Jovis sereni*] Cæsaris Domitiani.

10 *Suoque vultu*] Vultus quidem Domitiani venustus erat, teste Suetonio in Domit. cap. 18.

11 *Nil supplicibus*] Initio enim omnes circa se largissime prosecutus est.

Sueton. in Domit. cap. 9.

15 *Crevit umbilicis*] De quibus dictum lib. iii. Epig. 2. umbilici autem erant ornamenta vel ex osse, vel ex ebore, quæ extremis librorum partibus addebantur : significat Poëta magna se non petere, sed contentum fore iis, quæ ultro donabit Imperator.

18 *Dominum novem sororum*] Domitianum intellige, qui, teste Suetonio in Domit. cap. 2. in primis Poëticæ studium simulavit. Musas ergo colebat, immo ipsis imperabat, inquit Poëta adulator.

## VII.

## AD VOLCANUM.

QUALITER Assyrios renovant incendia nidos,  
 Una decem quoties sæcula vixit avis ;  
 Taliter exuta est veterem nova Roma senectam,  
 Et sumsit vultus præsidis ipsa sui.

Jam precor oblitus nostræ, Volcane, querelæ 5  
 Parce: sumus Martis turba, sed et Veneris.

*Quemadmodum flamma instaurat nidos Assyrios, quoties unica ales vixit mille annos; sic nova Roma deposuit antiquam senectutem, atque ipsa induit frontem juvenilem sui Imperatoris. O Volcane, jam rogo oblitus nostræ querimoniæ ignosce; ducimus quidem genus a Marte, sed a Venere quoque. Ignosce, o Parens;*

*Ad Vulcanum in edd. vett. Ad Volcanum in libris mann scriptis.—3 Talis exuta est Beverlandi Ms.—4 In eodem ista pro ipsa.—5 In quibusdam codd. natæ, Volcane, querelæ: in aliis, notæ.—6 ‘Rescribendum hic esset turba, si turba semper de re abjecta et vili diceretur, quod quidam volunt: sed hic turba, τὸ πᾶν, seu potius τὸ ἅπαν significat.’ Heraldus. turba pro turma, et versa vice, error solennis est. Vide Guilielm. Quæst. Plautin. p. 240. Heins. ad Ovid. Art. Am. III. 2. Drakenb. ad Sil. v. 277. XII. 185. et XIV.*

## NOTÆ

1 *Qualiter Assyrios*] Urbem incendiis et ruinis vastatam, a Domitiano vero instauratam, confert Poëta cum Phœnice, qui, constructo in Assyria rogo, cremando se renovatur. Ovid. Met. xv. ‘Una est, quæ reparet, seque ipsa reseminet ales. Assyrii Phœnica vocant. Nec fruge, nec herbis, Sed thuris lacrymis, et succo vivit amomi. Hic ubi quinque suæ complevit sæcula vitæ, Ilicis in ramis, tremulæque cacumine palmæ, Unguibus, et duro nidum sibi construit ore; Quo simul ac casias, et nardi lenis aristas, Quassaque cum fulva substravit cinnama myrrha, Se superimponit, finitque in odoribus ævum.’ De Phœnice fuse agit Tacitus Annal. VI. ‘Sacrum soli id animal, et ore ac distinctu pinnarum a ceteris avibus

diversum, consentiunt qui formam ejus definiere. De numero annorum varia traduntur; maxime vulgatum, quingentorum spatium. Sunt qui asseverent, mille quadringentos sexaginta unum Phœnicem vivere.’ Lege etiam Plinium lib. x. cap. 2.

4 *Et sumsit vultus*] Hoc est, Roma facta est venusta: vultus enim Domitiani venustus erat, ut diximus præcedenti Epigrammate.

5 *Oblitus nostræ*] Quæ inter te et nos Martis posteros intercessit. Alii legunt *notæ* melius meo judicio: hoc est, Obliviscere querelam omnibus notam, quod scil. Venerem tuam uxorem compresserit Mars, a quo genus suum repetunt Romani. Vulcanus est Deus ignis.



Parce, pater: sic Lemniacis lasciva catenis  
 Ignoscat conjux, et patienter amet.

*sic petulans uxor parcat Lemniacis catenis, et placide diligit te.*

209.—8 Rutgersius legendum censet: *et sapienter amet*; ut illud ‘Deprendi veto te, Lesbia, non, &c. Gronovius exponit *patienter amet*, moderate amet, et ne laboret impatientia erga Martem. Pulmanni codex: *et patienter ames*.

NOTÆ

7 *Parce, pater*] Vulcanum patrem appellat eo sensu, quo Deos omnes patres hominum vocantur; eteum Vulcanus non est Romanorum pater, sed Mars.

*Sic Lemniacis*] In Lemno insula Ægei maris, hodie dicta, *Stalimene*,

catenas fabricavit Vulcanus, quibus Martem cum Venere in adulterio deprehensum illigavit. Hæc fabula satis nota. Sensus est: Venus injuriæ a te acceptæ obliviscatur, teque quamvis claudum et deformem patienter amet.

VIII.

DE PHASIDE.

EDICTUM Domini, Deique nostri,  
 Quo subsellia certiora fiunt,  
 Et puros eques ordines recepit,  
 Dum laudat modo Phasis in theatro,  
 Phasis purpureis rubens lacernis,  
 Et jactat tumido superbus ore :

5

*Dum Phasis in theatro, Phasis ruber purpureis lacernis, modo commendat edictum Domini, et Numinis nostri, quo sedes certius distinguuntur, atque ordines non permixti cum plebe assignati sunt equiti, atque arrogans gloriatur ore superbo:*

*De edicto Cæsaris* inscribitur in codice Pulmanni.—5 *Phasis purpureis ruber* in Ald. Junt. Colin. Gryph. Junian. Lang. Pulman. &c. *rubens* Beverlandi Ms.

NOTÆ

1 *Edictum Domini*] Domitiani. Suetonius in Domitiano cap. 13. ‘Dominus et Deus noster sic fieri jubet.’ Domitianus ergo renovavit legem Rosciam, qua nulli in quatuordecim equitum subselliis sedere liceret, nisi illi qui haberet censum equestrem, quadraginta nempe sestertium millia.

2 *Subsellia*] Quæ triplicis fuere generis: in primis sedebant Senatores, in secundis Equites, plebs vero occupabat tertia.

3 *Et puros eques*] Seorsim a plebe ludos spectabant equites.

4 *Phasis*] Libertus, qui veste purpurea indutus erat, ut videretur eques. Lib. iv. Epig. 2. Legimus Romanos, cum spectaculis adessent, vestibus candidis, immo et nigris, hoc autem loco etiam rubris usos fuisse; unde colligere licet, nullam legem jussisse ut candida veste, quamvis solerent, uterentur. Augustus, teste Suetonio in Augusto cap. 40. prohibuerat ne

Tandem commodius licet sedere,  
 Nunc est reddita dignitas equestris ;  
 Turbâ non premimur, nec inquinamur :  
 Hæc, et talia dum refert supinus, 10  
 Illas purpureas et arrogantes  
 Jussit surgere Lectius lacernas.

*Tandem fas est sedere commodius, nunc dignitas equestris est restituta, non urgemur multitudine, nec fœdamur. Dum supinus profert hæc et similia, Lectius imperavit surgere lacernas illas purpureas et superbas.*

## NOTÆ

quis in foro circove nisi positus lacer-  
 nis togatus consisteret : attamen diu  
 non obtinuit.

8 *Nunc est reddita*] Hoc est, equites  
 amissum bellis civilibus equestrem  
 honorem tandem recuperarunt.

9 *Nec inquinamur*] Sordibus plebis.

11 *Illas purpureas*] Metonymia est ;  
 id est, designator Lectius, qui bene  
 noverat Phasidem, jussit illum lacer-  
 nis purpureis indutum loco cedere,  
 atque ad plebem transire.

## IX.

## IN SYMMACHUM.

LANGUEBAM : sed tu comitatus protinus ad me  
 Venisti centum, Symmache, discipulis.  
 Centum me tetigere manus Aquilone gelatæ.  
 Non habui febrem, Symmache, nunc habeo.

*Flaccessebam : at subito, o Symmache, me convenisti comitatus centum discipulis. Centum manus gelatæ Aquilone me attrectavere : non laboravi febre, o Symmache, nunc laboro.*

//////////

1 Beverlandus ex quodam codice affert, *comitatus omnibus ad me ; sed pro-*  
*tinus* retinendum censet.

## NOTÆ

1 *Linguebam*] Nondum plane æger  
 eram, sed me tantum deficiebant  
 vires.

2 *Venisti centum*] Poëta irridet  
 Symmachum quendam medicum, qui

cum suis auditoribus illum invisit :  
 cum vero omnes illius arteriam manu  
 gelata exploravissent, frigidissimo

illo attactu febrem contraxisse se  
 dicit.

## X.

## AD REGULUM, DE FAMA POETARUM.

ESSE quid hoc dicam, vivis quod fama negatur,  
 Et sua quod rarus tempora lector amat ?

*Quid causæ dicam, cur æstimatio denegetur viventibus, et cur pauci lectores*



Hi sunt invidiæ nimirum, Regule, mores,  
 Præferat antiquos semper ut illa novis.  
 Sic veterem ingrati Pompeii quærimus umbram ; 5  
 Sic laudant Catuli vilia templa senes.  
 Ennius est lectus salvo tibi, Roma, Marone ;  
 Et sua riserunt sæcula Mæonidem.  
 Rara coronato plausere theatra Menandro :  
 Norat Nasonem sola Corinna suum. 10

*amantes sint sui sæculi? O Regule, hæc scilicet natura est livoris, ut semper anteponat veteres novis. Sic immemores cupimus umbram veteris porticus Pompeianæ, et senes commendant ædem Juliam Catuli. O Roma, legisti Ennium vivo Virgilio: atque Homerus irrisus est suo ævo. Infrequentia theatra plausere Menandro vic-*

*Ad Regulam* inscribitur in edd. vett.—3 *Insunt invidiæ* codices Vat. et Florent.—6 *Et laudant Catuli Julia templa senis* edd. antiquiss. cum Ald. Junt. Colin. Gryph. Calderin. Junian. Pulman. &c. *Sic laudant Catuli Julia templa senes* in codice Florent. *Sic laudant Catuli vilia templa senes* in Vaticano. *Et laudant Catuli vilia templa senes* codex Thuanens. *Julia* (sic *iulia*) et *vilia*

## NOTÆ

3 *Regule*] De quo lib. i. Epig. 112. semper fastidio esse nova, antiqua vero pluris æstimari demonstrat Poëta.

5 *Pompeii quærimus*] De porticu Pompeii dictum lib. ii. Epig. 14. Sensus est: Porticus atque ambulacra Domitiani, licet pulcherrima, nos ingrati spernimus, antiquam vero Pompeii porticum præferimus. Lib. xi. Epig. 48.

6 *Sic laudant Catuli vilia [Julia] templa*] Lutatius Catulus Syllæ temporibus incensum Capitolium et a Sylla restauratum dedicavit; cujus 'Lutatii Catuli nomen inter tanta Cæsarum opera usque ad Vitellium mansit.' Tacitus Hist. lib. iii. *Julia templa* dixit, quia, teste Dione lib. xliii. 'decretum ut eraso Catuli nomine substitueretur Cæsaris.' Quod decretum executioni mandatū negat Tacitus, cum Lutatii Catuli nomen ad Vitellium usque permanserit. Lipsius existimat inscriptum quidem Capitolio Julii Cæsaris nomen, et Catuli nomen erasum quidem, sed in hominum memoria hæsisse. Alii Ju-

*lia templa* interpretantur basilicam Cæsaris in foro Romano a senibus laudari præ templis novis a Domitiano exstructis. Alii vero *Julia templa* intelligunt ædem Veneris a Julio Cæsare ædificatam. Tandem legunt alii *vilia templa*, nimirum præ Capitolio a Domitiano instaurato. Vide Suetonium in Julio cap. 15. Valerium Maximum lib. vi. cap. 9.

7 *Ennius*] Latinus Poëta antiquus, cujus restant adhuc Fragmenta.

8 *Mæonidem*] Dicitur Homerus, quod secundum aliquos in Mæonia regione Asiæ patriam habuerit. Verum Plutarchus in Homeri vita dicit Mæonem Lydorum regem loco filii educavisse Homerum, atque inde Mæonidem fuisse dictum.

9 *Menandro*] Qui Græce scripsit plures Comædias, de quo Gyraldus de Historia Poëtica Dialogo 7.

10 *Corinna*] Nomen fictum puellæ ab Ovidio adamatæ. Ipse Ovidius de se Trist. iv. 'Noverat ingenium, totam cantata per urbem, Nomine non vero dicta Corinna mihi.'

Vos tamen, o nostri, ne festinate libelli:  
Si post fata venit gloria, non propero.

*tori: una Corinna noverat suum Ovidium. Vos itaque, o nostri libri, ne properate: si decus pendet a morte, non festino.*

vix distingui possunt in vett. membranis.—12 D'Orleans legit, *mox propero.*

## XI.

### DE STELLA.

SARDONYCHAS, smaragdos, adamantas, iaspidas uno  
Versat in articulo Stella, Severe, meus.  
Multas in digitis, plures in carmine gemmas,  
Invenies: inde est hæc, puto, culta manus.

*O Severe, meus Stella gestat uno digito sardonychas, smaragdos, adamantas, iaspidas. Reperies multas gemmas in digitis, plures in versibus: illinc, opinor, hæc manus ornata est.*

1 In quibusdam *zmaragdos*. Sic scribunt Broukh. Burm. et Kuin. ad Propert. II. 16. 43. ubi omnes codd. habent, *smaragdos*: sic etiam Broukh. et H. Voss. ad Tibull. I. 1. 51. et II. 4. 57. contra codd. fidem: sic Burm. ad Ovid. Met. II. 24. Vide Bronkh. ad Propert. l. c. Pier. ad Virg. Æn. VII. 648. Dausq. Orthogr. Vol. II. Tract. 21. Voss. ad Catull. p. 321. Gud. ad Phædr. III. 11. p. 73. Hemsterh. ad Lucian. Ind. Vocal. I. 94. Turneb. Adv. XVI. 2. Lambin. ad Lucr. II. 1122. Mart. Capell. lib. III. p. 57. Gruter. DLXXXVI. 5. Inscript. ap. Donium, Class. XVII. 18. et Buher. ad Marm. Brett. p. 10. et 34. Athenæus tamen lib. III. p. 94. contendit 'maragdum,' ἀπὸ τοῦ μαρμαίρειν, *splendere*, scribendum esse, adducto Menandri loco. Calderinus ad h. l. stulte annotavit: 'Scilicet in fine abjicias S; demum facias collisionem vocalium.' At *smaragdos* Bacchius est, nonnunquam etiam Anapæstus, ut h. l. nullibi vero Molossus.—2 *Portat in articulo* ed. vet. Ferrar. an. 1471. Ald. Junt. Colin. Gryph. Pulman. Junian. Lang. &c. *Versat in articulo* codd. Florent. et Vat. Verba 'porto' et 'vorso,' sive 'verso' sæpe permutantur in codd.

### NOTÆ

1 *Smaragdos*] Hujus vocis mediam syllabam, quæ longa videtur, corripuit Græcorum exemplo, qui geminas mutas breves faciunt. Sic Theocritus Idyl. XVII. brevem facit secundam syllabam ultimæ vocis in hoc versu: Ὠρηχθεὶς ἐπὶ βοσὸν ἀνάσσιος Αἰγυπτήσῳ: *Thorace munitus invadens injuste boves Ægyptias*. Varias gemmarum species enumerat poëta, de quibus Plinius libro ultimo. De Stella dictum lib. I. Epig. 8.

3 *In carmine gemmas*] Elegantiæ atque ornamenta versuum appellat gemmas.

4 *Inde est*] Hoc est, Manus Stellæ non tam dicitur culta a gemmis, quam a versuum venustate et elegantia. Farnabius vero sic explicat: Gemmis annulis ornatur, quod elegantias et lumina in carmine ponere sciat: et gemmas forte consequabatur ab iis, quorum laudes celebrabat.



## XII.

## DE EODEM.

QUOD nutantia fronte perticata  
 Gestat pondera Masthion superbus,  
 Aut grandis Linus omnibus lacertis  
 Septem quod pueros levat, vel octo ;  
 Res non difficilis mihi videtur :  
 Uno cum digito, vel hoc, vel illo,  
 Portet Stella meus decem puellas.

5

*Quod arrogans Masclion obfirmato capite portat vacillantia pondera, vel quod ingens Linus ambobus brachiis attollit septem pueros, vel octo ; non existimo rem arduam, cum Stella meus hoc vel illo digito gestet decem puellas.*

*De annullus Stellæ lemma est in codice Florent. De Masclione in codice Pulmanni.—1 Scriverius e cod. suo reposuit perticata pro pertinaci, quod exhibent omnes edd. vett.—2 Masclion edd. antiq. Ferrar. Ald. Junt. Colin. Gryph. Pulman. Junian. Lang. &c. Masthilion supinus conj. Farnabius.—7 Levat stella in cod. Florent.*

## NOTÆ

1 *Fronte perticata* [*pertinaci*] Scriverius legit *fronte perticata*, et interpretatur contum, seu perticam stupendæ molis erectam in area frontis gestatam a Masclione.

2 *Masthion* [*Masclion*] *Linus*] Viri duo maximis viribus præditi. Alii, *Masthion*.

7 *Decem puellas*] Lepide jocatur Poëta in gemmis quas digito gestabat Stella. Varia est hujus loci interpre-

tatio. Hoc est: Cum Stella uno digito gestet decem annulos a puellis donatos, totidem nempe puellarum pignora, vel pretium decem puellarum, ut intelligit Domitius. Sed meo judicio omnium optime Raderus intelligit decem annulos, in quorum singulis unius puellæ effigies esset insculpta; vel unum tantum annulum gemma ornatum, in qua expressæ viderentur decem puellarum imagines.

## XIII.

## IN CALLISTRATUM.

SUM, fateor, semperque fui, Callistrate, pauper,  
 Sed non obscurus, nec male notus eques :

*O Callistrate, confiteor, sum inops et semper fui ; at eques non ignobilis, nec*

Hic nulla lectionis varietas est in codd. aut libris prelo excusis.

## NOTÆ

1 *Callistrate*] Fuit is divitiarum amantissimus, quem irridet Poëta.

2 *Nec male notus*] Ingenio nempe fuit clarus: attamen equestrem cen-

Sed toto legor orbe frequens; et dicitur, Hic est:

Quodque cinis paucis, hoc mihi vifa dedit.

At tua centenis incumbunt tecta columnis, 5

Et libertinas arca flagellat opes:

Magnaue Niliacæ servit tibi gleba Syenes;

Tondet et innumeros Gallica Parma greges.

Hoc ego, tuque sumus: sed quod sum, non potes esse:

Tu quod es, e populo quilibet esse potest. 10

*ignotus: at multi legunt meos libros toto orbe, et aiunt, Hic est; et vivus assequor quod pauci post mortem: sed ædes tuæ fulciuntur centum columnis, atque arca coërcet libertinas divitias: atque ampli fundi Syenes Ægyptiæ sunt in tuo dominio, et Gallica Parma tibi tondet innumerabiles greges. Ego et tu sumus hoc; sed nequis esse quod sum: quilibet autem e populo potest esse quod tu es.*

#### NOTÆ

sum quadringenta scilicet sestertium millia non possidebat, at jus sedendi inter equites fuerat illi concessum ex munere Cæsaris Domitiani. Lib. III. Epig. 94. ‘vidit me Roma tribunum, Et sedeo qua te suscitatur Oceanus.’ De censu equestri clare Juvenalis Sat. XIV. 324.

4 *Quodque cinis*] Sic lib. III. eodem Epig. ‘Ore legor multo, notumque per oppida nomen Non expectato dat mihi fama rogo.’ et Ovidius Trist. IV. Eleg. 10. ‘Tu mihi, quod rarum est, vivo sublime dedisti Nomen, ab exequiis quod dare fama solet.’

6 *Libertinas*] Prope immensas interpretare, quales possederunt liberti locupletissimi Narcissus et Pallas, Claudio regnante, et Crispinus etiam,

quem exagitat Juvenalis Sat. I. *Arca flagellat*] Opes quæ vix contineri possunt in arca. Hoc verbo jam usus est lib. II. Epig. 30.

7 *Magnaue Niliacæ*] Syene urbs Ægypti quondam nobilissima. Lib. I. Epig. 87. ‘Glebam’ dixit pro ‘fundo.’

8 *Gallica Parma*] Urbs Galliæ Cisalpinæ ad Padum, ubi lana optima. Lib. II. Epig. 43. ‘Vel quam seposito de grege Parma dedit.’

9 *Hoc ego*] Ego quidem sum inops, tu vero dives.

*Non potes esse*] Non intelligit Martialis Callistratum a paupertate posse esse semper immunem, sed nobilem Poëtam illum evadere posse negat.

10 *E populo quilibet*] Ignarus enim, et quilibet ex plebe, rem facere potest.

#### XIV.

##### DE NANNEIO.

SEDERE primo solitus in gradu semper,

Tunc cum liceret occupare, Nanneius;

*Manneius consuetus semper sedere in primo gradu, tunc cum fas esset præcipere*

~~~~~  
De Manneio lemma est in edd. vett.—2 Tunc cum licebat Ald. Junt. Colin.

Bis excitatus terque transtulit castra,
 Et inter ipsas pæne tertius sellas
 Post Caiumque Luciumque consedit. 5
 Illinc cucullo prospicit caput tectus,
 Oculoque ludos spectat indecens uno.
 Et hinc miser dejectus in viam transit,
 Subselloque semifultus extremo,
 Et male receptus altero genu, jactat 10
 Equiti sedere, Lectioque se stare.

locum, bis et ter suscitatus migravit loco, et tertius consedit fere inter ipsas sellas post Caium et Lucium: inde spectat capite aperto cucullo, atque indecore prospicit spectacula uno oculo, et hinc infelix expulsus migrat in viam, et semifultus ultimo subsellio, et male receptus altero genu, gloriatur sedere equiti, et se stare Lectio.

//////////

Gryph. &c.—11 *Equiti sedere se* in [iisdem. τὸ se post sedere delevit Farnabius.

NOTÆ

2 *Cum liceret*] Ante legem theatrali a Domitiano revocatam, qua plebs ab Equite, Eques a Senatore secerneretur in theatro, primi advenientes subsellia prima occupabant.

3 *Transtulit castra*] A designatore coactus est sellam suam in locum remotiorem transferre: et hoc facete dicit transferre castra: sellas vero in theatrum inferre solebant Romani.

5 *Post Caium Luciumque*] Equites scil. Posnerat sellam suam Nanneius in ipsis forte gradibus, ex quo loco, licet tectus cucullo, et vix uno oculo ludos spectans, nihilominus agnitus a designatore fuit expulsus. De sellis in theatrum allatis Suetonius in Nerone cap. 26. Lipsius cap. 13. de

amphitheatro dubitat an sic intelligendus sit hic versus, an sellæ sumendæ pro subselliis graduum ipsorum.

8 *In viam transit*] Ad plebem. Via autem erat interstitium quoddam inter ordines et cuneos. Vide Lipsium de amphitheatro capite citato.

10 *Jactat*] Dimidia corporis parte sedebat Nanneius velut eques, altera vero stabat, ut designatori Lectio obtemperaret, metuens ne et illinc expelleretur, ex quo Nannei situsum captat Martialis.

11 *Equiti sedere*] Alii addunt *se*, sed contra legem carminis. Equiti sedet, hoc est, velut eques. Interpretes omnes sic explicant.

XV.

AD CÆSAREM DOMITIANUM.

QUINTUS nostrorum liber est, Auguste, jocorum,
 Et queritur læsus carmine nemo meo.

O *Auguste, quintus libellus continet nostros ludos, et nullus queritur offensus meis*

NOTÆ

2 *Et queritur læsus*] Ubi enim laudat aliquem, verum illius nomen po-

nit: at vero si improbos carpat, fictis nominibus utitur.

Gaudet honorato sed multus nomine lector,
 Cui victura meo munere fama datur.
 Quid tamen hæc prosunt, quamvis venerantia multos? 5
 Non prosint: sane me tamen ista juvant.

versibus. At multi lectores lætantur nomine cohonestato, quibus fama non peritura donatur meo beneficio. Nihilominus quid hæc proficiunt licet colentia multos? Non proficiunt quidem, attamen iis delector.

3 *Gaudet honoratus, sed multum carmine Beverlandi Ms. honorato, sed multus carmine codex Pulmanni.—5. 6 Quid tamen hæc prosunt? quamvis venerantia multis Non prosunt: sane, &c. in cod. Bodl. Non prosunt sane, me, &c. in Ald. Junt. Colin. &c. et sic distingui malit Ant. de Rooy. sane eleganter concedenti inservit. Vide Burm. ad Ovid. Heroid. Epist. XXI. 213. Nostr. infra lib. VI. Epig. 32.*

NOTÆ

3 *Gaudet honorato]* Hoc est, Meis Carminibus sempiternam nominis memoriam multis conciliavi. nullum quidem mihi fructum afferunt, sed tamen me delectant. Hoc idem repetit Epigrammate sequenti.
 5 *Quid tamen hæc]* Versus mei

XVI.

AD LECTOREM.

SERIA cum possim, quod delectantia malim
 Scribere, tu causa es, lector amice, mihi,
 Qui legis, et tota cantas mea Carmina Roma.
 Sed nescis, quanti stet mihi talis amor.
 Nam si falciferi defendere templa tonantis, 5
 Sollicitisque velim vendere verba reis;

O amice lector, tu mihi causa es, cur malim componere res jucundas, cum possim graves, qui evolvis, et canis meos Versus tota Roma: at ignoras quanti mihi constet hæc benevolentia. Nam si placeat tueri ædes Tonantis falciferi, et vendere verba

1 Beverlandi Ms. malo.—3 *Qui legis, et cunctas codex Thuaneus. Qui legis,*

NOTÆ

4 *Sed nescis]* O lector, ut meis Versibus captem tuam benevolentiam, ad inopiam redigor; sed aliis ex studiis, quæ omitto, mercedem consequer amplissimam. velim causas perorare in foro, juxta quod Saturno falcem gerenti dicatum erat templum, teste Macrobio Saturn. lib. I. cap. 8.

6 *Vendere verba]* Causas agere.

5 *Nam si falciferi]* Hoc est, Si

Delph. et Var. Clas.

Martial.

2 A

Plurimus Hispanas mittet mihi nauta metretas,
 Et fiet vario sordidus ære sinus.
 At nunc conviva est, comissatorque libellus,
 Et tantum gratis pagina nostra placet. 10
 Sed non hac veteres contenti laude fuerunt,
 Cum minimum vati munus Alexis erat.
 Belle, inquis, dixti: satis est: laudabimur usque.
 Dissimulas? facies me, puto, causidicum.

reis anxiiis; multi nautæ ad me mittent metretas ex Hispania, et sinus sordescet pecunia varii generis. At meus liber nunc vacat conviviiis et comessationibus, et nostra Carmina jucunda sunt tantum gratuito: at antiqui non satis habuerunt hanc laudem, cum Alexis erat Poëtæ minimum donum. Recte dixisti, ais: satis est. Laudibus perpetuis efferemur. Dissimulas? opinor, me efficies causidicum.

~~~~~

*et jactas in cod. Florent.—8 Et fiet Phario scribendum putabat Rutgersius. Et fieret vario codex Pulmanni.—9 Beverlandi Ms. miseraturque libellus.—11 Sed non et veteres codex Thuan. Sed non ut veteres codex Vaticanus.—13 Beverlandi Ms. juvat et laudabimus.*

#### NOTÆ

7 *Metretas*] Metretam, amphoram, et cadum pro eodem genere mensuræ a Romanis usurpari Raderus contendit, et capere 48. sextarios existimat. Alii aliter.

9 *Comissator*] Libri mei apti sunt tantum conviviiis et comessationibus. Est autem comessatio, vel comissatio, intempestivum convivium, præsertim nocturnum et quidem post cœnam, cum non cibus tantum, sed et lasciviæ indulgerent veteres.

10 *Et tantum gratis*] Juvenalis Sat. VII. 81. 'Gloria quantalibet quid erit, si gloria tantum est?' Lib. XI. Epig. 4. 'Nescit sacculus ista meus.'

12 *Munus Alexis*] Puer elegantis forma Virgilio donatus a Mæcenate, vel Pollione, de quo Virg. Ecl. II.

14 *Dissimulas*] Surdus es, nec vis intelligere me aliud poscere præter laudem. Vide Epig. 26. infra.

*Facies me*] Cum nihil dones, coges me mutare studia, et causas agere.

## XVII.

### IN GELLIAM.

DUM proavos, atavosque refers, et nomina magna;  
 Dum tibi noster eques sordida conditio est:  
 Dum te posse negas nisi lato, Gellia, clavo  
 Nubere: nupsisti, Gellia, cistifero.

*Dum recenseres proavos atque atavos et nomina magna; dum fastidis equestrem nostrum ordinem; dum dicis te non posse nubere nisi lato clavo; O Gellia, nupsisti cistifero.*

~~~~~

4 Pulmannus malit *Cellibero*. Beverlandus conj. *cæstifero*, i. e. pugili, qui

flagellum fert, et in cuius cæsto clavi erant ferrei. Virgil. 'Terina boum plumbo insuto, ferroque rigebant.' Turnebus Adverss. III. 21. *cistigero*.

NOTÆ

3 *Lato, Gellia, clavo*] Hoc est, viro Senatorii ordinis, cuius insigne erat latus clavus, quem sic describit Budæus in Pandectas lib. I. Ex dictis apparet, inquit, latum clavum tunicam fuisse purpura prætextam, latorem tunica vulgari, longioremque, ac discinctam, cui toga superinduebatur ut tunicæ. Suetonius in Augusto 94. 'Sumentis virilem togam tunica lati clavi ex utraque parte resuta ad

pedes decidit.'

4 *Cistifero*] Turnebus lib. III. cap. 21. legit *cistigero*, quem pro contemptissimo et vilissimo homine poni existimat: erat autem cistifer Cybeles sacrificulus, qui ferebat cistulam, in qua erant quædam Cybeles arcana. Alii Judæum intelligunt, cuius, ut ait Juvenalis Sat. III. 'Cophinus, fœnumque supellex.'

XVIII.

AD QUINTIANUM.

QUOD tibi Decembri mense, quo volant mappæ,
Gracilesque ligulæ, cereique, chartæque,
Et acuta senibus testa cum damascenis,
Præter libellos vernulas nihil misi:
Fortasse avarus videar, aut inhumanus. 5
Odi dolosas munerum et malas artes.

Forte existimer parcus, aut inurbanus; quod exceptis libris vernulis ad te nihil nisi mense Decembri, quo mappæ circumferuntur, et ligulæ tenues, et cerei, et chartæ, et acuta testa cum prunis Damascenis vetustis. Fraudulentæ et improbæ

5 *Forte avarus videor* legunt alii, probante Farnabio.—8 Brodæus legendum

NOTÆ

1 *Volant mappæ*] Quas patronis mittebant clientes. Lib. IV. Epig. 89.

2 *Ligulæ*] Lingulam Grammatici dicunt lib. XIV. Epig. 120. quam Gellius sic definit lib. X. cap. 25. 'Existimo lingulam veteres dixisse gladiolum oblongum in speciem linguæ factum.' Ligula vero in calceis a ligando deducitur. Ligula est etiam apud Plinium lib. XX. cap. 5. genus mensuræ; hic autem puto sumendam esse pro gladiolo argenteo.

Cerei, chartæque] Dona nimirum quæ mitti solebant: lib. XIV. Epig. 10.

et 11. 'Cereos Saturnalibus muneri dabant humiliores potentioribus; quia candelis panperes, locupletes cereis utebantur.' *Festus*.

3 *Et acuta*] Vas testaceum intellige, plenum prunis Damascenis, quorum mentionem facit Plinius lib. XIII. cap. 5. Damascus, vel Damascus, nobilis Syriæ civitas: alii, *Scham*; alii, *Siam* a Turcis vocari affirmant. Vide lib. XIII. Epig. 29.

4 *Libellos vernulas*] Hoc est, domesticos scriptos.

Imitantur hamos dona : namque quis nescit,
 Avidum vorata decipi scarum musca ?
 Quoties amico diviti nihil donat,
 O Quintiane, liberalis est pauper. 10

artes donorum mihi odiosæ sunt. Munera imitantur hamos: etenim quis ignorat, avidum scarum circumveniri hausta musca? O Quintiane, quoties inops nihil dat amico locupleti, munificus est.

//////////

censet: *Avidum vorato decipi scarum musco: i. e. alga; nam Athenæus lib. VII. Χαίρει δὲ τῇ τῶν φυκίων τροφῇ διδὸν καὶ τοῦτοις θηρεύεται. Gaudet algis vesci, quare et illis capitur.*

NOTÆ

8 *Scarum*] Piscem. Vide lib. IV. num valeat; unde avaritia est, nedum liberalitas. Vide Isocratis Oratio-
 Epig. 56. huic simile. nem ad Nicoclem.
 10 *Liberalis est pauper*] Donando enim plus petere videtur, quam do-

XIX.

AD CÆSAREM DOMITIANUM.

Si qua fides veri, præferri, maxime Cæsar,
 Temporibus possunt sæcula nulla tuis.
 Quando magis dignos licuit spectare triumphos?
 Quando Palatini plus meruere Dei?
 Pulchrior et major quo sub duce Martia Roma? 5
 Sub quo libertas principe tanta fuit?

Si credendum veritati, o maxime Cæsar, nulla sæcula possunt anteponi tuo ævo. Quando fas fuit videre triumphos nobiliores? quando Numina Palatii plus merita sunt de nobis? quo sub Imperatore Martia Roma fuit major atque ornatio? sub quo principe fuit tanta libertas? Nihilominus reperitur hoc vitium, at non parvi

//////////

1 *Si qua fides veris* Beverlandi Ms.—5 *Pulchrior et melior* Beverlandi

NOTÆ

1 *Si qua fides veri*] Immo, si qua aliter explicant: Quando majoribus fides adulationis. culti fuerunt honoribus, quam nostro ævo? Summo quippe studio Minervam in Palatio colebat Domitianus. Eligat lector.
 3 *Dignos triumphos*] In spectaculis nempe; nam de hostibus non retulit triumphos nisi indignos, ut colligere est ex Suetonio in Domitiano cap. 6.
 4 *Quando Palatini*] Hoc est, Quando Juno, Minerva, et Jupiter qui colebantur in Palatio, plus de nobis meriti sunt, quam tu, o Cæsar? Alii

Est tamen hoc vitium, sed non leve, sit licet unum,
 Quod colit ingratas pauper amicitias.
 Quis largitur opes veteri fidoque sodali,
 Aut quem prosequitur non alienus eques? 10
 Saturnalitiae ligulam misisse selibrae,
 Flammataeve togae scriptula tota decem,
 Luxuria est, tumidique vocant haec munera reges.
 Qui crepet aureolos, forsitan unus erit.
 Quatenus hi non sunt, esto tu, Cæsar, amicus. 15
 Nulla ducis virtus dulcior esse potest.

momenti, quamvis sit unum, quod inops observat ingratos amicos. Quis donat divitius veteri et fideli socio, vel quis dona accipit a vero equite? Profusio est, misisse ligulam selibrae Saturnalitiae, aut togam purpuream valentem decem scrupulis integris, et haec appellantur dona a superbis dominis. Forte unus erit qui numeret aureolos. Tu, o Cæsar, esto amicus, quandoquidem hi non sunt amici. Nulla virtus Imperatoris potest esse gratior largitate. O Germanice, jampridem

//////////

Ms.—11 ‘Hic vulgo faciunt novum Epigramma: sed recte notarunt Gruterus et Scriverius hanc partem et conclusionem esse prioris.’ Gronovius.—12 *Flammataeve togae* codex Pulmanni. *Flammariæve togae* in codd. Thuan. et Florent. *Palmariæve togae*, vel *stolæ* legi jussit Beverlandus. ‘Palmata tunica’ legitur apud Festum. *veripala* pro *scriptula* citat idem Beverlandus. Alii, *scrupula*.—13 Beverlandi Ms. *tumidique vocant haec munera regis*. Muneribus pacem sibi redimebant a Romanis reges timentes.

NOTÆ

10 *Non alienus eques*] Triplex Romæ fuit equitum ordo. Alii enim stirpe sua et censu erant equites, et quidem veri equites: alii qui equo stipendia mererent, atque opponebantur peditibus. Tertius denique equitum ordo sub Cæsaribus primum natus, quibus honoris causa in quatuordecim gradibus sedere licebat, in quo numero fuit noster Poëta: Lipsius in Amphitheatro cap. 14. Hoc vero loco *non alienus eques* stirpe et censu eques. Sensus est: Veri equites neminem prosequuntur donis. Alii aliter. Eques non alienus, secundum Turnebum lib. ix. cap. 24. est ille quem dives aliquis censu equestri donatum equitem fecerit: hoc est, quem patronum deducit, quem regem comitatur eques factus liberalitate ipsius regis seu patroni. Vide lib. xiv.

Epig. 122.

11 *Saturnalitiae*] Ligula mensuræ genus est: hic videtur sumi ut supra v. 11. pro gladiolo argenteo, qui constaret selibra argentea sane, ut in versu sequenti loquitur de toga, quæ constaret decem scrupulis: interpretes tamen sumunt pro mensura.

12 *Flammataeve*] Togam purpuream intelligit, a flammæ ardentis similitudine, qua micat purpura.

Scriptula [*scrupula*] *decem*] Anri nempè; nam decem argenti scrupulis non emeris togam purpuream. Est autem scrupulum vicesima quarta pars unciæ; in libra autem 12. erant unciæ. De scrupulis jam dictum lib. iv. Epig. 89.

14 *Qui crepet aureolos*] Nummos aureos clientibus numeret; nam dum numerantur crepitum edunt.

Jamdudum tacito rides, Germanice, naso :
Utile quod nobis, do tibi consilium.

rides tacito naso : affero tibi consilium fructuosum, quod respuis.

—17 *Jamdudum adunco* Juntina nostra in margine.—18 *Utile quod non vis* edd. vett. Ferrar. an. 1471. Ald. Junt. Colin. Gryph. &c. *Utile quod nobis* codex Vaticanus, et optt. Scriverii.

XX.

AD JULIUM MARTIALEM.

SI tecum mihi, care Martialis,
Securis liceat frui diebus ;
Si disponere tempus otiosum,
Et veræ pariter vacare vitæ :
Nec nos atria, nec domos potentum, 5
Nec lites tetricas, forumque triste
Nossemus, nec imagines superbas :
Sed gestatio, fabulæ, libelli,
Campus, porticus, umbra, virgo, thermæ ;
Hæc essent loca semper, hi labores. 10

O dilecte Martialis, si mihi fas sit tecum consumere dies tutos, si frui tempore vacuo, et simul indulgere veræ vitæ : nec cognovissemus aulam, nec ædes divitum, nec causas molestas, et forum mæstum, nec fastosas imagines. At gestatio, fabulæ, libri, campus, porticus, umbra, virgo, thermæ, hæc perpetuo essent loca, hæ occupa-

Ad Martialem inscribitur in edd. vett.

NOTÆ

1 *Si tecum*] Vide lib. iv. Epig. 64. de eodem Julio Martiali.

4 *Et veræ*] Lege lib. i. Epig. 16. et lib. ii. Epig. 90. Vera vita apud nostrum Poëtam accipitur, pro eo tempore quo indulgemus voluptatibus honestis, ut jam dictum est supra.

7 *Imagines superbas*] Hoc est, Non coleremus nobiles superbos, qui de longa stemmatum, atque imaginum serie gloriantur. Lib. ii. Epig. 90. 'Atriaque immodicis arctat imagi-

nibus.'

8 *Gestatio*] Significat vectionem, quæ vel lectica vel vehiculo fieret; significat quoque deambulationem arboribus opacam atque amœnam. Plinius jun. lib. ii. Epist. 17. 'Gestatio buxo, aut rore marino, ubi deficit buxus, ambitur.'

9 *Virgo*] Aquam virginem intellige, de qua lib. vi. Epig. 42. et Marlianus lib. vi. cap. 15. et Plinius lib. xxxi. cap. 3.

Nunc vivit sibi neuter, heu, bonosque
 Soles effugere atque abire sentit;
 Qui nobis pereunt, et imputantur.
 Quisquam vivere cum sciat, moratur?

tiones. Neuter heu nunc sibi vivit, atque intelligit elabi atque effluere dies felices, qui occidunt nobis, et nobis numerantur. An quisquam cunctatur vivere, cum norit quid sit vita beata?

NOTÆ

- 11 *Bonosque*] Nempe ad vivendum liter absumsisti. Lib. x. Epig. 44.
 hilariter. ‘Gaudia tu differs, at non et stamiua
 13 *Et imputantur*] Hoc est, Alius differt Atropos, atque omnis scribitur
 dies non redditur, pro eo quem inuti- hora tibi.’

XXI.

DE APOLLONIO.

QUINTUM pro Decimo, pro Crasso, Regule, Macrum
 Ante salutabat Rhetor Apollonius.

Nunc utrumque suo resalutat nomine: quantum
 Cura, laborque potest! scripsit, et edidicit.

O Regule, Apollonius Rhetor antea salutabat Quintum pro Decimo, et Macrum pro Crasso. Nunc salutat utrumque suo nomine: quantum cura, et labor prodest! scripsit, et edidicit.



1 Rob. Titius emendavit *Macrum*; nam Marcus erat etiam prænomen Licinii Crassi: et sic conj. Heraldus. Macri meminit Tibullus II. 6. 1. ‘Castra Macer sequitur,’ &c. In antiq. ed. Argent. ex quodam cod. notatur *Macrum*.—2 Codex Thuaneus: *rhetor Apollodorus*; unde Beverlandus legendum censet: *rhetor Apollodotus*. ‘Memini audire ex Cl. V. Is. Vossio in Ms. esse, *Apollododus*, de quo dubitandum non est: τὸ Ἀπολλώνιος repugnat legi versus, ut et Ἀπολλόδωρος.’ Gronovius.—4 Beverlandi Ms. scripserat et edidicit.

NOTÆ

- 1 *Quintum*] Apollonium Rhetorem dicat.
 facete irridet, qui vel duo amicorum nomina tenere memoria nequiret.
 3 *Quantum Cura*] Videtur alludere ad illud Virgilio: ‘labor omnia vincit Improbus.’ Apollonius enim assiduo labore edidicit duo amicorum nomina.
Macrum] Alii *Marcum*, minus bene, meo iudicio: jocus est in nominibus ut ostendat ineptiam Apollonii, qui contraria, et secum prorsus pugnantia

XXII.

IN PAULLUM.

MANE domi nisi te volui, meruique videre,
 Sint mihi, Paulle, tuæ longius Exquilix.
 Sed Tiburtinæ sum proximus accola pilæ;
 Qua videt antiquum rustica Flora Jovem.
 Alta Suburrani vincenda est semita clivi, 5
 Et nunquam sicco sordida saxa gradu :
 Vixque datur longas mulorum rumpere mandras ;
 Quæque trahi multo marmora fune vides.
 Illud adhuc gravius, quod te post mille labores,
 Paule, negat lasso janitor esse domi. 10
 Exitus hic operis vani, togulæque madentis :
 Vix tanti Paullum mane videre fuit.

O Paulle, si meritus sum, atque optavi mane videre te domi, tuæ Exquilix a me distent longius. Sed habito prope pilam Tiburtinam, qua agrestis Flora spectat Jovem veterem. Superanda est alta semita clivi Suburrani, et saxa cænosa nunquam gradu sicco. Et vix licet superare longas mandras mulorum, et marmora quæ cernis trahi multis funibus. Illud adhuc molestius, o Paulle, quod post mille labores mihi defatigato janitor respondet te non esse domi. Hic est eventus laboris inanis, et togulæ madentis: vix tanti fuit mane cernere Paullum. Officioso semper sunt

1 *Mane domi si te merui, voluique* in quibusdam vett. *Mane domi nisi te merui, voluique* Ferrar. an. 1471. Ald. Junt. Colin. Gryph. *nisi te volui metuique* codex Palat. Sed Farnabius censet rescribendum, *metui*. Volebat amicum visere, sed metuebat ne Paulus vel domi non esset, vel negaretur esse.—2 *Sunt mihi* codex Pulmanni.—7 *Codex Palatinus, rumpere mandras*: in aliis, *vincere mandras*.—11 *Exitus hinc* Ald. Junt. Colin. Gryph. &c. *Exitus hic* Pulmanni codex.

NOTÆ

1 *Nisi te volui, meruique* [*si te merui, voluique*] Hoc est, Tua domus a mea longius distet, non recuso tamen te adire, si merear te domi reperire, et tibi salutem dicere: *nisi te* legunt alii, id est, Mihi etiam longius iter sit suscipiendum, nisi merear, et cupiam te videre. Eligat lector. Exquilix vero locus erat urbis valde distans a pila Tiburtina, ubi erat templum Floræ, unde Capitolium vetus prospiciebatur. Marlianus lib. v. cap. 9. et 26.

5 *Alta Suburrani*] Ad montem,

Exquilinum per Suburram ascendebatur.

7 *Rumpere mandras*] Ovium, bonum, mulorum septa et claustra mandræ proprie appellantur, hic vero mandra significat longam mulorum seriem et multitudinem. Juvenalis Sat. III. ‘stantis convicia mandræ.’

8 *Quæque trahi*] Viarum impedimenta eleganter describit Juvenalis Sat. III.

10 *Negat lasso*] Idem dixit lib. II. Epig. 5.

11 *Togulæque madentis*] Vel pluvia,

Semper inhumanos habet officiosus amicos :
Rex, nisi dormieris, non potes esse meus.

amici inofficiosi ; nequis esse meus dominus, nisi dormieris.

NOTÆ

vel sudore propter longitudinem itineris.

12 *Vix tanti*] Vix suscipiendus esset tantus labor, etiamsi certus essem te domi futurum ; quam ergo moleste feram, post tot labores domi non reperire te, judices velim.

14 *Rex, nisi*] Si cupis esse meus patronus seu dominus, dormi tantisper, donec salutatum te adveniam. His verbis innuit Poëta Paulum summo maue exire, ut et ipse alios salutaret. Lib. II. Epig. 18.

XXIII.

AD BASSUM.

HERBARUM fueras indutus, Basse, colores,
Jura theatralis dum siluere loci.

Quæ postquam placidi censoris cura renasci
Jussit, et Oceanum certior audit eques ;

Non nisi vel cocco madida, vel murice tincta
Veste nites, et te sic dare verba putas.

Quadringentorum nullæ sunt, Basse, lacernæ :
Aut meus ante omnes Codrus haberet equum.

5

O Basse, indueras vestes herbei coloris, dum abrogatæ fuerunt leges loci theatralis: quas renovari postquam imperavit cura benigni censoris, et eques distinctus audit Oceanum ; non splendes nisi vestimento perfuso cocco atque imbuto murice, et sic credis imponere designatori. O Basse, nullæ lacernæ valent quadringentis: aut meus Codrus esset eques præ omnibus.

2 Ant. de Rooy conj. *dum siluere fori*. Sic infra lib. VII. Epig. 63. 'jura fori.' An forte sub oculis habuit locum Auctoris Elegiæ de Morte Drusi, 185. 'Jura silent, mutæque jacent sine vindice leges, Aspicitur toto purpura nulla foro.'—5 Codex quidam apud Beverlandum : *ostro madida*.—8 *Cordus* ed. vett. Ferrar. an. 1471. Ald. Junt. Colin. Gryph. &c. *Codrus* codex Pulmanni. Similis confusio est in codd. Juvenal. I. 2. ubi vide Cl. Ruperti.

NOTÆ

1 *Herbarum fueras*] Vestes virides intelligit Poëta : legem vero theatrallem, qua equites a plebe in amphitheatro distincti sunt, revocavit Domitianus, quem benignum censorem vocat. Epig. 8. et 14. supra.

6 *Veste nites*] Ut videaris verus eques.

7 *Quadringentorum*] Quamvis ves-

tibus purpureis sis indutus, illæ tamen non æstimantur quadringentis millibus sestertium, quæ censum equestrem constituebant.

8 *Aut meus*] Licet enim pauperri- mus, ut vidimus lib. II. Epig. 57. lacernam tamen coccineam posset sibi comparare. Legunt alii *Cordus*.

XXIV.

DE HERMETE.

HERMES Martia sæculi voluptas ;	
Hermes omnibus eruditus armis ;	
Hermes et gladiator, et magister ;	
Hermes turba sui tremorque ludi ;	
Hermes, quem timet Helius, sed unum ;	5
Hermes, cui cadit Advolans, sed uni ;	
Hermes vincere, nec ferire doctus ;	
Hermes supposititius sibi ipsi ;	
Hermes divitiæ locariorum ;	
Hermes cura, laborque ludiarum ;	10

Hermes deliciæ Martiæ hujus temporis ; Hermes doctus omni genere armorum ; Hermes et gladiator et magister ; Hermes perturbatio et terror sui ludi ; Hermes, quem veretur Ælius, at solum ; Hermes, a quo sternitur Advolans, at solo ; Hermes sciens superare, nec percutiendo ; Hermes qui sibi ipsi sufficitur ; Hermes divitiæ locariorum ; Hermes amor et sollicitudo ludiarum ; Hermes superbus hasta bellica ;

5 *Ælius* in edd. vett. in aliis *Lælius*. Hæc nomina sæpe confusa a librariis. Vide Vinetum ad Sueton. Illustr. Gramm. cap. 2. extr. et init. cap. 3. Guilielm. Quæst. Plautin. p. 239. Interpp. ad Gell. x. 21. et Oudendorp. ad Frontin. iv. 5. 14.—7 *Hermes vincere se et ferire* Lipsius Epist. i. 5. *sed ferire* in vulgatis: *nec ferire* codd. Pulmanni, Cagnerii et Junii, probante Dousa ad Petronium.—9 Codd. Pulmanni et Beverlandi *jocariorum*. Vide Salm. ad Solin. p. 234. et Cælium lib. xiv. cap. 23.

NOTÆ

3 *Et gladiator*] Is nempe est qui in arena spectante populo pugnat. Magister vero gladiatorum Lanista dicitur, qui toti familiæ præest, illamque docet artem gladiatoriam.

4 *Tremorque ludi*] Quem arma gerentem reformidat omnis gladiatorum familia.

5 *Quem timet Helius*] Gladiator proximus ab Hermete.

6 *Advolans*] Alter gladiator nobilis.

7 *Nec ferire*] Sic enim adversarium implicabat, ut sine ictu illum vincret, vel qui victo adversario parcebat. Vulgata lectio, *sed ferire*.

8 *Supposititius*] Gladiatores supposititii erant ii qui defatigatis et victis aliis sufficerentur: Hermes vero pugnando nunquam defatigabatur, atque ita non indigebat supposititio.

9 *Divitiæ locariorum*] Pauperes qui loca commoda in spectaculis a se occupata divitibus tarde venientibus locarent, locarii dicebantur.

10 *Laborque ludiarum*] Uxores vel amicæ gladiatorum ludicæ dicebantur, quæ omnes Hermetem amabant, eumque salvum anxie cupiebant.

Hermes belligera superbus hasta ;
 Hermes æquoreo minax tridente ;
 Hermès casside languida timendus ;
 Hermes gloria Martis universi ;
 Hermes omnia solus, et ter unus.

15

Hermes horrificus tridente marino ; Hermes metuendus rete languenti ; Hermes decus universi Martis ; Hermes solus omnia, et ter unus.

NOTÆ

11 *Superbus hasta*] Samnites ante pugnam vibrabant hastas, quos æmulabatur Hermes, atque ut plansum populi captaret, in prælusione hastam mirifice vibrabat.

12 *Æquoreo minax*] Retiarius nimirum, qui adversus Myrmillonem reti et tridente utebatur. Juvenalis Sat. VIII. 'movet ecce tridentem Postquam vibrata pendentia retia dextra Nequicquam effudit.' Armaturam retiarii expressam vide apud Lipsium lib. II. Sat. cap. 8.

13 *Hermes casside*] Hunc versum explicat Lipsius Sat. lib. II. cap. 12. Martialem, inquit, de Andabata interpreter, ubi Hermetem gladiatorem attollit, et variis armis pugnacem facit: quid enim aliud sit languida

illa cassis, quam hæc quæ tenebras et languidam caliginem inducit, qua nempe tegebantur Andabatæ, qui cæcorum more pugnabant? Sic Lipsius. Sed forte intelligit Poëta Hermetem fuisse etiam egregium Myrmillonem. In Myrmillonis galea pictus erat piscis; unde cum retiarius esset vibraturus retia, aiebat, Non te peto, piscem peto. Hunc autem versum ita explico, nempe Hermetem fuisse tremendum, licet galea ejus esset remissa et veluti neglecta, id est *languida*, cum ageret partes Myrmillonis. Ergo erat minax cum moveret hastam, cum esset retiarius, et aliquando Myrmillo. Itaque solus obibat officia trium gladiatorum. Hinc liquet sensus ultimi versus.

XXV.

DE CHÆRESTRATO.

QUADRINGENTA tibi non sunt, Chærestrate, surge ;
 Lectius ecce venit: sta, fuge, curre, late.

O Chærestrate, non habes quadringenta, surge, en Lectius advenit: sta, fuge,

2 Codex Florent. *sta, fuge, surge, tace.*—8 In eodem codice, *permaduisse*

NOTÆ

1 *Quadringenta*] Census nempe equestris, de quo lib. XIV. Epig. 67. et Epig. 8. supra.

2 *Lectius*] Designator, qui ex quatuordecim gradibus expellebat equites censu requisito carentes.

Ecquis, io, revocat, discedentemque reducit?
 Ecquis, io, largas pandit amicus opes?
 Quem chartis famæque damus, populisque loquendum? 5
 Quis Stygios non vult totus adire lacus?
 Hoc, rogo, non melius, quam rubro pulpita nimbo
 Spargere, et effuso permaduisse croco?
 Quam non sensuro dare quadringenta caballo,
 Aureus ut Scorpi nasus ubique micet? 10
 O frustra locuples, o dissimulator amici,
 Hæc legis et laudas? quæ tibi fama perit?

propera, delitescere. Ecquis, io, retrahit, et reducit abeuntem? Ecquis, io, amicus offert amplas divitias? Quem prædicandum tradimus chartis, et famæ, et populis? Quis cupit non omnis mori? Hoc, quæso, nonne melius est quam irrigare pulpita pluvia rubra, et perfundi croco disperso? Quam donare quadringenta equo non sensuro, ut aureus nasus Scorpi splendent ubique? O nequicquam dives, o amice dissimulator: evolvis hæc, et probas: quantum nomen perdis?

mero.—10 Bulengerus emendat Æreus. Ærea scilicet Scorpi statua. Sed stant a vulgato omnes codd. et dicit alibi Noster lib. x. Epig. 74. 'Cum Scorpus una quindecim graves hora Ferventis auri victor auferat saccos.' Nihil igitur mirum, tam diviti statuas aureas. Inquit enim Poëta: Confers aurum ad statuam equestrem Scorpi agitatoris, et negligis amicum nobilem.—11 Ald. Junt. Colin. Gryph. Junian. Delph. &c. o dissimulator amice.

NOTÆ

3 *Ecquis, io*] Conqueritur Martialis Chærestratum abeuntem a nemine revocari; hoc est, a nullo divite censum equestrem illi suppeditari.

6 *Quis Stygios*] Quis omni ex parte perire non vult, sed liberalitate nomen suum immortalitati mandari cupit?

7 *Hoc, rogo*] Sensus est: Nonne præstaret pecunia famam emere, quam maximas impensas facere in res inanes?

Quam rubro] Croco scilicet amphitheatrum spargere. Vide lib. Spect. Epig. 3.

9 *Quam non sensuro*] Hoc est, quam ponere statuas equo non sensuro.

10 *Aureus*] Lib. x. Epig. 74. 'Cum Scorpus una quindecim graves hora Ferventis auri victor auferat saccos.' Unde mirum videri non debet auream illi statuam positam fuisse: nasus per synecdochen sumitur pro tota statua. Legunt alii *Æreus ut Scorpi*, de quo dictum lib. iv. Epig. 67. et lib. iii. Epig. 50. 53.

11 *O frustra locuples*] Qui divitiis uti nescis, meæque paupertatis notitiam dissimulas. Legunt alii: *O dissimulator amici*.

12 *Quæ tibi*] Quantam famam tibi comparares, mihi divitias largitus, ut meis Carminibus nomen tuum posteritati commendarem.

XXVI.

AD CODRUM.

QUOD Alpha dixi, Codre, pænulatorum
Te nuper, aliqua cum jocarer in charta ;
Si forte bilem movit hic tibi versus,
Dicis licebit Beta me togatorum.

O Codre, quod paucis ante diebus te vocavi Alpha pænulatorum, cum luderem in aliqua charta; si forte hoc carmen tibi concitavit iracundiam, poteris me appellare Beta togatorum.

2 Te nuper, aliqua dum Beverlandi Ms.—4 Dicis licebit vita in eodem Ms.

NOTÆ

1 Quod Alpha] Irridet Codrum, 4 Dicis licebit] Ut pares simus jam quem lib. II. Epig. 57. dixerat Alpha me voca Beta togatorum, hoc est, pænulatorum, hoc est mendicorum secundum inter egenos, qui togam primum. ferebant.

XXVII.

IN FICTUM EQUITEM.

INGENIUM, studiumque tibi, moresque, genusque
Sunt equitis, fateor: cetera plebis habes.
Bis septena tibi non sunt subsellia tanti,
Ut sedeas viso pallidus Oceano.

Habes ingenium, et studium, et mores, et stirpem equitis, confiteor; in reliquis vero plebeius es. Non facis tanti quatuordecim subsellia, ut pallidus sedeas conspecto Oceano.

‘ Inscriptio hujus Epigrammatis in cod. Bibliothecæ Lugdunensis est, non *In fictum Equitem*; sed, *De non respondenti natalibus suis*: multo melior vulgata. Nec enim iste, quicumque est, inserebat se equestri ordini, unde non erat, sed cum equestri loco natus esset, vitabat tamen quatuordecim ordines propter deficientem censum: et id æquo animo ferebat.’ Gronovius.—3 *Bis septem tibi jam non* ed. antiq. Ferrar. an. 1471. Ald. Junt. Colin. Gryph. Calderin. &c. *Bis septena tibi non sint* Beverlandi Ms. et sic est in codice Palatino. Hoc distichon interrogatorie legit Farnabius, improbante Gronovio.

NOTÆ

2 *Sunt equitis, fateor*] Hoc per ironiam concedit Martialis. Aliter inscribit hoc epigramma Gronovius, *De non respondenti natalibus suis*, et explicat sic: Iste quicumque est non inserebat se equestri ordini; sed cum equestri loco natus esset, vitabat tamen quatuordecim ordines, propter deficientem censum.

Cetera plebis habes] Hoc est, non habes censum equestrem.

3 *Bis septena*] Non æstimas tanti quatuordecim subsellia, ut paupertatis conscius in iis sedere audeas viso Oceano designatore, de quo lib. III. Epig. 95. et quatuordecim gradibus fuse dictum Epig. 8. et 14. supra.

XXVIII.

AD AULUM, DE MAMERCO.

UT bene loquatur, sentiatque Mamercus,
 Efficere nullis, Aule, moribus possis :
 Pietate fratres Curtios licet vincas,
 Quiete Nervas, comitate Rusones,
 Probitate Macros, æquitate Mauricos, 5
 Oratione Regulos, jocis Paullos :
 Rubiginosis cuncta dentibus rodit.
 Hominem malignum forsā esse tu credas :
 Ego esse miserum credo, cui placet nemo.

O Aule, nullis moribus valeas consequi, ut Mamercus recte loquatur et cogitet. Quamvis pietate superes Curtios fratres, tranquillitate Nervas, affabilitate Rusones, integritate Marcos, æquitate Mauricos, eloquentia Regulos, salibus Paullos. Exedit omnia rubiginosis dentibus. Tu forte putes hominem malitiosum, ego puto esse infelicem, cui nullus arridet.

Ad Aulum codex Pulmanni. In Mamercum edd. vett.—3 Curios licet vincas ed. antiq. Ferrar. an. 1471. Ald. Junt. Colin. Gryph. Pulman. Lang. Junian. &c. Curios licet vincat codex Pulmanni. Curtios ex ingenio dedit Doussa, ne claudicet Scazon, alioquin semper claudus. Fallitur Ed. Delph. cum primam in Curios per Ectasin posse produci putet. Talis Ectasis nullibi apud poëtas Latt. reperienda est.—4 Drusones pro Rusones edd. vett. Alii Rufones.—5 'Pro Marcos lege Macros, fide codd. intelligit enim Bæbium Macrum, ad quem aliquot Plinii Epistolæ extant.' Gruterus. Marcos exhibent edd. vett.—6 Faulos pro Paulos Beverlandi Ms.

NOTÆ

1 *Sentiatque*] A persona Mamerci cujusdam maledici occasionem captat laudandi nobiles Romanorum familias, quarum cuique propriam quandam virtutem tribuit Poëta. Aliilemma scribunt, *Ad Aulum*.

3 *Fratres Curtios*] Alii *Curios*, sed repugnat legi hujus carminis; nam syllaba prima est brevis. Juvenalis Sat. II. 'Qui Curios simulant,' &c. Attamen per Ectasin posset produci. Itaque judicet lector.

4 *Quiete Nervas*] Nervam, qui Domitiano successit, intelligunt Inter-

pretes, cujus mite ingenium fuisse testatur Xiphilinus.

Comitate Rusones] Alii, *Drusones*, de quibus nihil reperi.

5 *Mauricos*] Junii Maurici mentionem facit Plinius Junior lib. IV. Epist. 22.

6 *Oratione Regulos*] Vide lib. I. Epig. 112. et lib. IV. Epig. 16.

9 *Ego esse miserum*] Vere quidem miser est, cui nihil placet, qui nullum amat, nec a quoquam amatur. Epig. 61. infra.

XXIX.

AD GELLIAM.

SI quando leporem mittis mihi, Gellia, dicis,
 Formosus septem, Marce, diebus eris.
 Si non derides, si verum, lux mea, narras,
 Edisti nunquam, Gellia, tu leporem.

O Gellia, si quando ad me mittis leporem : O Marce, inquis, eris pulcher per septem dies. Si non ludis, o lux mea, si profers veritatem, O Gellia, tu nunquam comedisti leporem.



In hoc Epigrammate nulla est lectionis varietas, nisi quod Junt. nostra in marg. habet vs. 4. *Gellia, tute parem.*

NOTÆ

2 *Formosus*] Vulgi erat opinio, eum xxviii. cap. 19. explicat, quis usus nempe per septem dies pulchrum fore, sit leporis mulieribus.
 qui comedisset leporem. Plinius lib. 4 *Edisti*] Quia deformis es.

XXX.

AD VARRONEM.

VARRO, Sophocleo non inficiande cothurno,
 Nec minus in Calabria suspiciende lyra ;
 Differ opus : nec te facundi scena Catulli
 Detineat, cultis aut Elegia comis.

O Varro, non amovende a cothurno Sophocleo, nec minus admirande in lyra Calabria, intermitte laborem : nec scena eloquentis Catulli te occupet, aut Elegia capillis



2 Ald. Junt. et Colin. *in calabra suscipiende lyra.*—3 Beverlandi Ms. *nec te*

NOTÆ

1 *Varro, Sophocleo*] Tragicum Poëtam fuisse Varronem constat ex hoc Epigrammate : dixit enim cothurnum Sophocleum, pro stylo Tragico quo claruit Sophocles, de quo dictum est lib. III. Epig. 20.

2 *In Calabria*] Per Calabram lyram alii intelligunt versus lyricos, quorum princeps Horatius Venusinus Calabriæ vicinus, ut ipse testatur II. Sat. 1. ‘Lucanus, an Appulus anceps.’ Alii vero intelligunt versus Heroicos, qui-

bus floruit Ennius Calaber, natus quippe Aletii, hodie, *Lecci*. Judicet lector.

3 *Scena Catulli*] Mimos forte intelligit a Catullo scriptos. Juvenalis Sat. VIII. ‘clamosum ageres ut phasma Catulli.’ Hoc est, fabulam dictam phasma, id est, spectrum, a Catullo Mimographo scriptam. Raderus interpretatur suavitatem versuum Catulli, et amœnitatem, quæ omnes etiam Scenarum voluptates superet.

Sed lege fumoso non aspernanda Decembri

5

Carmina, mittuntur quæ tibi mense suo.

Commodius nisi forte tibi, potiusque videtur,

Saturnalitias perdere, Varro, nuces.

exornatis. At evolve versus non contemnendos fumoso Decembri, qui ad te mittuntur mense suo. Nisi, o Varro, forte opportunius et gratius tibi videtur amittere nuces Saturnalitias.

facundi scema Catulli.—6 In eodem: mittuntur quæ tibi mense novo.

NOTÆ

4 *Cultis aut Elegia*] Stylum cultum requirit Elegia. Hinc cultus Tibullus dicitur.

5 *Sed lege fumoso*] Hoc enim mense calet focus, et fumum mittit.

6 *Quæ tibi mense suo*] Hæc nempe Epigrammata læto Decembri conve-

niunt, quo aguntur Saturnalia.

8 *Saturnalitias*] Nisi mavis ludere talis et perdere nuces. Sic maxime deprimit se Martialis, qui suorum versuum lectioni etiam præferendas nugas censere videtur; aut potius ipsos nugatores carpit.

XXXI.

DE LUDO PUERORUM CUM JUVENCIS.

ASPICE, quam placidis insultet turba juvencis,

Et sua quam facilis pondera taurus amet.

Cornibus hic pendet summis: vagus ille per armos

Currit, et in toto ventilat arma bove.

At feritas immota riget: non esset arena

5

Tutior, et poterant fallere plana magis.

Vide quam mansuetos in tauros insiliat agmen puerorum, et quam leni juvenco placeant sua pondera. Hic suspensus est summis cornibus: ille errans currit per humeros, et vibrat arma per totum taurum. Sed immanitas immobilis torpet, arena non esset securior, et plana possent magis decipere. Nec incessus titubat, at puer

Parabola tauri lemma est in cod. Florent.—5 Ah feritas in quibusdam. Ant. de Rooy conj. Ut feritas immota riget! cum admirationis nota, ut ap. Terent. Eun. II. 2. 43. 'Ut falsus animi est!' Adde Hor. II. Sat. 8. 62. Virg. Æn. II. 283. et Nostr. lib. XIV. Epig. 109. Sed particulam at haud ineleganter nonnunquam in admiratione adhibitam videmus. Ovid. Fast. II. 395. et ibi Heins. Idem Ant. conj. etiam: At cervix immota riget, h. e. intenta, erecta

NOTÆ

1 *Insultet turba*] Puerorum nempe tauris insidentium.

4 *Et in toto*] Hoc est, vibrat tela ex omnibus taurorum partibus.

5 *At feritas*] Illi quippe tauri vel certe defatigati, vel potius erant cicures.

Nec trepidant gestus: sed de discrimine palmæ
Securus puer est, sollicitumque pecus.

est tutus de periculo victoriæ, pecus vero anxium.

stat, ne devolvantur inhærentes. Ovid. Met. VIII. 284. Senec. Herc. Fur. 73. Denique, his non contentus, proposuit: *At cervix immota timet.* Cf. lib. I. Epig. 7. 23. et 105. et Ovid. Met. I. 652.—6 Gruterus legit: *et poterant*; quod exhibent etiam codd. Pulmanni, Thuan. et Florent. cum Juntina nostra in margine. *et possent* ed. antiq. Ferrar. an. 1471. Ald. Junt. Colin. Gryph. Calderin. Junian. Lang. &c.—7 *Nec trepidant gestus* codd. Pulmanui, Thuan. et Florent. quasi diceret, pecus magis est sollicitum pro homine, quam homo de seipso; pueri non timent, et timet pecus: pueri certi sunt de victoria, feræ timent ne impediunt victoriam. *et nec discrimine parvo* Beverlandi Ms.

NOTÆ

6 *Et poterant* [*Et possent*] Alii *et poterant.*

7 *Nec trepidant gestus* [*gressus*] Hoc est, Taurus incedens figit pedem sine ulla trepidatione. Alii legunt *gestus.*

8 *Sollicitumque pecus*] Hoc est, Pueri certi sunt de victoria; tauri vero timent ne victoriæ impedimentum afferant.

XXXII.

AD FAUSTINUM, DE CRISPO.

QUADRANTEM Crispus tabulis, Faustine, supremis
Non dedit uxori: cui dedit ergo? sibi.

O Faustine, Crispus suo testamento non donavit quadrantem conjugi. Cui ergo donavit? Sibi.

Hujus Epigrammatis lectionem non variant libri calamo exarati aut prelo excusi.

NOTÆ

1 *Quadrantem Crispus*] Nihil uxori decoxerat. moriens reliquerat; nam omnia vivus

2 *Sibi*] Hoc est, ventri suo.

XXXIII.

IN CAUSIDICUM.

CARPERE causidicus fertur mea Carmina: qui sit,
Nescio: si sciero, væ tibi, causidice.

Causidicus dicitur reprehendere meos Versus; ignoro qui sit. Si didicero, væ tibi, o causidice.

Neque in hoc Epigrammate quicquam variant aut exemplaria manuscripta aut impressa.

XXXIV.

EPITAPHIUM EROTII AD FRONTONEM PARENTEM.*

HANC tibi, Fronto pater, genitrix Flaccilla puellam,

Oscula commendo, deliciasque meas :

Paulula ne nigras horrescat Erotion umbras,

Oraque Tartarei prodigiosa canis.

Impletura fuit sextæ modo frigora brumæ; 5

Vixisset totidem ni minus illa dies.

Inter tam veteres ludat lasciva patronos,

Et nomen blæso garriat ore meum.

Mollia nec rigidus cespes tegat ossa, nec illi,

Terra, gravis fueris : non fuit illa tibi. 10

O Fronto genitor, tibi, et Flaccilla mater, commendo hanc puellam, basia atque amores meos. Ne Erotium pallida formidet umbras nigras, atque ora portentosa canis inferni. Jamjamque completura fuit sextum annum, nisi illa vixisset sex dies minus. Lasciva ludat inter tam veteres patronos, et garriat nomen meum ore balbutiente. Nec gleba dura tegat tenera ossa, nec illi ponderosa fueris, o tellus, non fuit illa tibi ponderosa.

De Herotiente inscribitur in edd. vett. De Erotio in aliis vett. Ad Frontonem in codd. Leid. et Thuan. Epitaphium Erotii ad Frontonem patrem malit Gronovius, quem vide in Var. Notis.—1 Ald. Junt. Colin. aliæ vett. habent, Flacilla.—3 Hic novum Epigramma orditur in cod. Thuan. cum hac inscriptione, De Erotione: in cod. Leid. cum Lemmate, Epitaphium Erotionis: in quibusdam vett. cum inscriptione, Ad Eandem. Scaligeri Versio Græca utrum conjungit. Pallida nec nigras Ald. Junt. Colin. Gryph. aliæ vett. Parvula nec nigras codex Pulmanni. Lectionem Pallida nec damnat Scriverius, tanquam a mala manu profectam; et reponit Paulula ne, &c. At Pallida valet h. l. 'consternata,' ut sæpius. Cf. Senec. Thyest. 563. Ovid. Trist. v. 2. 1. Sidon. Carm. v. 79. et Nostr. lib. VIII. Epig. 55. Adi et Wopkens. ad Paulin. in Misc. Obs. Nov. Tom. VIII. p. 857. Herotion in edd. vett.—9 Mollia non rigidus codex Pulmanni.

NOTÆ

* Epitaphium] Inscribunt alii, De Erotio, alii addunt puella. Gronovius contendit corruptum esse hoc lemma, et scribendum: Epitaphium Erotii ad Frontonem patrem. Et primum versum sic explicat: Ego Flaccilla genitrix tibi, o Fronto pater, commendo nostrum Erotion, ita ut mater adhuc superstes defuncto marito commendet filiam. Sed hic sensus vix congruat cum sequente versu: Inter tam veteres, &c. Erotium et Erotion dicitur, ut apud Terentium Glycerion, et Gly-

cerium. Alii primum distichon dividunt a sequenti, sed male meo iudicio; quod ipse cohærens verborum sensus demonstrat. Defunctis ergo parentibus puellam vernulam suam commendat Poëta, ut scilicet animam ejus benigne excipiant, illamque a larvis et monstris inferis tueantur.

7 Lasciva patronos] Hoc est, inter patrem et matrem antiquos defensores ludat in campis Elysiis.

8 Blæso ore] Balbutiunt enim infantes.

NOTÆ

9 *Mollia nec rigidus*] Solennis fuit hæc bene precandi mortuis formula, 'sit tibi terra levis,' tam a Græcis quam Latinis usurpata. Inde vero originem sumsit, quod sepultos incantationibus esse obnoxios, quas hac pia precatione amoveri, crederent veteres; terram autem incantatis gravem esse, nec facile animæ patere iter ad sepulcrum in parentalibus existimabant. Brissonius de Formulis lib. I. agit de his precationibus.

XXXV.

DE EUCLIDE.

DUM sibi redire de Patrensibus fundis
 Ducena clamat coccinatus Euclides,
 Corinthioque plura de suburbano;
 Longumque pulchra stemma repetit a Leda,
 Et suscitanti Lectio reluctatur: 5
 Equiti superbo, nobili, locupleti,
 Cecidit repente magna de sinu clavis.
 Nunquam, Fabulle, nequior fuit clavis.

Cum Euclides coccinatus vociferatur se percipere ducenta ex fundis patruelibus, et plura ex suburbano Corinthio; et ducit longum genus a formosa Leda, et resistit Lectio expellenti illum; subito magna clavis e sinu lapsa est equiti arroganti, illustri, diviti. O Fabulle, nunquam clavis fuit improbior.

1 *Cum sibi redire de patruelibus* Ald. Junt. Colin. Gryph. Junian. Lang. Delphi. aliæ. *Dum sibi redire de Patrensibus* Beverlandi Ms. Pro *redire* aliam extare lectionem conjicio, quam reperire non possum: margini enim ed. Langianæ adjectum invenio, 'al. *redire.*' *Patrensibus* in quibusdam vett. et sic legit Calderinus.—2 *Ducenta* edd. vett. *Ducena* Beverlandi Ms.

NOTÆ

1 *De Patrensibus* [patruelibus] Hoc est, ex fundis relictis sibi a fratribus patruelibus ducenta sestertia percipere se dicebat Euclides. Legunt alii, et forte melius, *Patrensibus*. Patræ autem urbs erat ad sinum Corinthiacum.

2 *Coccinatus*] Veste coccinea indutus Epig. 24. supra.

3 *Corinthioque*] Atque ex agro qui erat in suburbio Corinthi, quia Euclides Corinthius fingitur.

4 *A Leda*] Matre Castoris et Polucis, cujus satis nota historia.

5 *Lectio*] Designatori, cujus munus erat unicuique in theatro locum assignare.

7 *De sinu clavis*] Quæ prodidit Euclidem, ostenditque vel esse servum, qui gestabat claves ædiurni, vel saltem egenum, qui famulum non haberet, sed suæ domus clavem ipse gestare cogeretur.

XXXVI.

AD FAUSTINUM.

LAUDATUS nostro quidam, Faustine, libello
Dissimulat, quasi nil debeat: imposuit.

O Faustine, quidam celebratus nostro libro dissimulat, quasi nihil debeat: me decepit.

Nullam lectionis varietatem exhibent exemplaria in hoc Epigrammate.

NOTÆ

1 *Laudatus*] Suis versibus Romanos celebrabat Martialis, ut ab illis munus aliquod acciperet; hic vero, de quo loquitur, finxit se nescire dandum esse Poëtæ præmium, atque ita spem ejus defraudavit.

XXXVII.

DE EROTIO PUELLA.

PUELLA senibus dulcior mihi cycnis,
Aagna Galesi mollior Phalantini,
Concha Lucrini delicatior stagni;
Cui nec lapillos præferas Erythræos,
Nec modo politum pecudis Indicæ dentem, 5
Nivesque primas, liliumque non tactum:

Puella mihi suavior senibus cycnis, tenerior aagna Galesi Phalantini, delicatior concha lacus Lucrini: cui nec anteponas gemmas Erythræas, nec dentem elephantis modo politum, et primas nives, et lilium illibatum; quæ coma superat vellus gregis

De Herotione puella Ald. Junt. Colin. Gryph. &c. *De Herotione puella* Beverlandi Ms.—2 *Phalanini* edd. vett. *Phalanthini* cod. Pulmanni.—5 Be-

NOTÆ

1 *Puella*] De qua jam dictum et habitatum Tarentum. Ergo bene Epig. 34. supra: senes cycni eximio legitur, *Phalantini*; non, *Phalanini*.
pollent candore, et suavissime, ut
3 *Lucrini stagni*] Lacus ille est in
multis placet, ante mortem cantant. Campania prope Baias.

2 *Aagna Galesi*] Galesus est agri Tarentini fluvius, ubi multæ oves, quarum lana est nobilissima. Lib. II.
4 *Lapillos præferas*] Pretiosos nempe, hoc est, gemmas natas in Mari Rubro.
Epig. 43. Duce Phalantore restauratum

Quæ crine vicit Bætici gregis vellus,
 Rhenique nodos, aureamque nitelam ;
 Fragravit ore, quod rosarium Pæsti,
 Quod Atticarum prima mella cerarum, 10
 Quod succinorum rapta de manu gleba ;
 Cui comparatus indecens erat pavo,
 Inamabilis sciurus, et frequens phœnix :
 Adhuc recenti tepet Erotion busto,
 Quam pessimorum lex avara fatorum 15
 Sexta peregit hyeme, nec tamen tota,
 Nostros amores, gaudiumque, lususque.
 Et esse tristem me meus vetat Pætus :

Bætici, et nodos Rheni, atque auream nitellam ; ore spiravit idem quod rosæ Pæstanæ, quod prima mella cerarum Atticarum, quod gleba electri extorta ex manu ; cui collatus pavo erat deformis, insuavis sciurus, et phœnix creber : Erotium adhuc tepescit busto recenti, quam confecit lex avara fatorum improbissimorum sexto anno, nec tamen absoluto, nostras delicias, et lætitiam, et ludos. Et meus Pætus prohibet

verlandi Ms. pecoris Indici.—7 *Quæ crine vincit* Ferrar. an. 1471. Ald. Junt. Colin. Gryph. Junian. Plant. Lang. Delph. aliæ. *Quæ crine vicit* codex Pulmanni. *vicit* facillime migravit in *vicit*, i. e. *vincit* ; et versa vice.—8 Edd. vett. *aureamque nitellam*: codex Vaticanus habet *aureamque mitellam* ; et sic conj. Calderinus. ‘Aureæ mitellæ meminit Optatus, 82. 83. quem locum male corrigit Casanbonus : ‘Fiebant istæ mitellæ (mitræ) ex panno et lana aurea.’ Isid. Etym. Male Salmasius *nitelam* legit, cum *nitela*, eo teste, idem sit ac *sciurus*, quod sequitur : quam idem male a *nitendo* deducit prima producta, ad Solin. p. 316. Hinc Theocrito Πέρσαι αἰολόμυτραί. In Copa corripitur prima in *mitella*. Sed tamen dixere quoque ‘*mitrella*’ et ‘*mittella*.’ ‘*Nitella*, κάλλυντρον,’ Gloss. H. Steph. Sed aliud id ; namque *nitela* est dentifricium, ut ex Apuleio constat.’ *Beverland*. In edd. antiquiss. quibusdam *nidelam* legit Cagnerius ; in aliis reperit, *micellam*, i. e. parvam micam, quæ a Plinio sumitur pro lapillis in littore oblique auri vel argenti specie ad solem nitentibus.—12 Codex Pulmanni *pavus* sive *panus*.—15 Codex Pulmanni et Beverlandi Ms. *lex amara*.—16 ‘*Pro peregit* reponendum videri queat, *peremit* ; nam sic omnino lib. x. Epig. 61. ‘Hic festinata requiescit Erotion umbra, Crimine quam fati sexta peremit hyems.’ Sed ‘*peragere*’ etiam pro ‘*perimere*,’ Val. Flac. lib. i. ‘Fert gravis invito victorem Nestora tergo Monychus, ardenti

NOTÆ

7 *Bætici gregis*] Oves Bæticiæ nativo colore rutilabant. Vide lib. xiv. Epig. 133. Bætis fluvius in Hispania hodie, *Guadalquivir*.

8 *Rhenique nodos*] Germani enim Rheni accolæ crines in nodum colligebant. Lib. Spect. Epig. 3.

Nitelam] Nitelæ sunt micæ pulveris anrei inter arenas respersæ.

3 *Rosarium Pæsti*] Rosæ Pæsti oppidi in Lucania, hodie *Pesti*, suavis-

simum emittebant odorem. Lucania vero hodie dicitur, *Principauté citérieure* in regno Neapolitano. Attica regio abundat melle optimo.

11 *Quod succinorum*] Electrum manu tritum bene olet. Lib. iii. Epig. 64.

13 *Frequens phœnix*] Erotium tam pulchra fuit, ut Phœnice rarior videretur, de quo diximus Epig. 7. supra.

Pectusque pulsans, pariter et comam vellens :

Deflere non te vernulæ pudet mortem ?

20

Ego conjugem, inquit, extuli, et tamen vivo,

Notam, superbam, nobilem, locupletem.

Quid esse nostro fortius potest Pæto ?

Ducenties accepit, et tamen vivit.

me lugere: et pectus tundens, simul et evellens capillos, non erubescis lugere interitum vernulæ? Ego, inquit, extuli uxorem cognitam, arrogantem, illustrem, divitem, et nihilominus respiro. Quid constantius esse potest nostro Pæto? accepit ducenties, et tamen respirat.

peragit Clytus Actora quercu.' Sic διαπράττειν Græcis.' *Heraldus*. Vide *Epig.* 35. supra.—19 *Pectusque pulsans* Codex Pulmanni. *Pectusque pulsem* Beverlandi Ms. et *coma vellem* codex Vaticanus: 'et ita omnino legendum; nempe inquit Pætus vetat ut pulsem pectus, &c.' *Beverlandus*. Sed omnino errat hic Beverlandus, iudicio Cl. Wernsdorfii. 'An versus hic ad Pætum referendus, qui ex indignatione pectus pulsaret, et comam velleret? non puto. Ad Poëtam ergo? at non bene procedit oratio: *Non te pudet pectus pulsans et comam vellens?* Dicendum fuerat, nisi me omnia fallunt, *Non te pudet pectus pulsantem et comam vellentem?* Ἀνακόλουθον itaque statue; vel mecum lege: *Pectusque pulsus, pariter et comam vellis? Deflere non te vernulæ pudet mortem?* Quasi e persona Pæti dicentis: 'Tu pectus pulsas? &c. quod proprium erat defunctos lugentium. Vide supra lib. II. *Epig.* 11. (et infra lib. X. *Epig.* 50.) et Kirchmann. de *Funerib.* lib. II. capp. 11. 12. J. Nicolai de *Luc. Gr.* cap. 12. quibus adde Tacit. *Annal.* I. 23.' *Ant. de Rooy*.

NOTÆ

24 *Ducenties*] Centena millia: ar- hæreditate accepta læto animo ux oris
gute irridet Pætum, qui tam ampla mortem ferebat.

XXXVIII.

IN CALLIODORUM.

CALLIODORUS habet censum (quis nescit?) equestrem,

Sexte: sed et fratrem Calliodorus habet.

Quadringenta secat, qui dicit σῦκα μέριζε;

Uno credis equo posse sedere duos ?

O *Sexte*, est census equestris Calliodoro (quis ignorat?) sed et frater est Calliodoro: separat quadringenta, qui dicit, *divide ficus*; an putas duos posse sedere uno

3 *Quadringenta seca* legendum censet Janus Rutgers. *Var. Lect.* lib. VI. cap. 11. Rescribendum putat Petitus in *Miscellaneous*, *Quadringenta secat, qui dicit σὺ κ' ἐμέ ρ' ἴζε, &c.* Beverlandi Ms. σῦκον ἐφ' Ἑρμῆ. Proverbium cum

NOTÆ

3 *Quadringenta*] Sestertia nempe, cum quo dividenda erant illi quadrin-
quæ censum equestrem efficiabant. genta.
Calliodorus autem fratrem habebat σῦκα μέριζε] Hoc est, *divide ficus*

Quid cum fratre tibi, quid cum Polluce molesto? 5

Non esset Pollux si tibi, Castor eras.

Unus cum sitis; duo, Calliodore, sedetis.

Surge: solæcismum, Calliodore, facis.

Aut imitare genus Ledæ; aut cum fratre sedere

Non potes: alternis, Calliodore, sede. 10

equo? quid tibi negotii cum fratre, quid cum importuno Polluce? si non haberes Pollucem, eras Castor. O Calliodore, unus sedetis, cum sitis duo. O Calliodore, surge: facis solæcismum. Aut imitare filios Ledæ: aut nequis sedere cum fratre. O Calliodore, sede alternatim.

aliquid in via reperissent: pro eo dicebant *κοινὸς ὁ Ἑρμῆς*. Suid. Vide Phurnutum p. 23. Ineptam Petiti conjecturam pronuntiat idem Beverlandus.—7. *Unius cum sitis* Junt. an. 1512. et Colin. an. 1528.

NOTÆ

Proverbium hoc dicitur de iis qui cum parvam adierint hæreditatem, eam tamen inter plures cohæredes dividere coguntur.

4 *Uno credis*] Calliodorus una cum fratre censum equestrem habebat: Ergo, inquit Poëta, si ex censu communi estis equites, equo pariter communi sedere debetis, et communi subsellio, quod ridiculum est.

6 *Non esset Pollux*] Pollux et Castor filii Ledæ ex Jove, quorum ille pugil, hic vero eques, unde in nominibus facetus est Poëtæ lusus.

7 *Unus cum sitis; duo* [*Unus, cum*

sitis duo] Neque enim licet dicere, Unus sedetis; et tamen deberet dici. Hoc est: Unum tantum deberetis occupare subsellium, cum unum habeatis censum equestrem. Apage ergo, o Calliodore, facis solæcismum. Posset aliter interpungi, *Unus cum sitis*: hoc est, eques.

9 *Aut imitare*] Pollux enim et Castor alternis diebus moriuntur et reviviscunt, nec unquam simul esse illis concessum est: Calliodorus pariter cum fratre simul eques esse nequibat.

XXXIX.

IN CARINUM.

SUPREMAS tibi tricies in anno

Signanti tabulas, Carine, misi

Hyblæis madidas thymis placentas.

Defeci: miserere jam, Carine.

O Charine, tibi tricies in anno signanti testamentum misi liba uncta Hyblæis thymis. Exhaustus sum: O Charine, jam miserere. Signa rarius, aut semel fac

NOTÆ

3 *Hyblæis madidas*] Melle Siculo imbutas. Hybla mons Siciliæ, ubi thymus vel thymum frutex nobilis, unde flores melli conficiendo aptissi-

mos decerpunt apes. Videtur Poëta captatorem se fingere, quo argutius captatorum artes patefaciat.

Signa rarius, aut semel fac illud, 5
 Mentitur tua quod subinde tussis.
 Excussi loculosque sacculumque.
 Cræso divitior licet fuisset,
 Iro pauperior forem, Carine,
 Si conchen toties meam comesses. 10

id quod tua tussis mentitur identidem. Excussi crumenam et sacculum. Quamvis fuisset locupletior Cræso, o Charine, essem pauperior Iro, si toties comedisses meam conchem.

10 *Si conchem* in edd. vett. in quibusdam aliis, *Si concham*. Cetera, nulla est varietas in libris impressis aut manuscriptis.

NOTÆ

4 *Miserere*] Id est, morere, aut rarius scribe testamentum.

6 *Mentitur tua*] Sæpius enim interitum tuum pollicita spem nostram defraudavit.

8 *Cræso*] Lydiæ rex fuit ditissimus, cujus nota est historia ex Herodoto.

9 *Iro pauperior*] Fuit Irus homo pauperrimus, de quo Homerus Od. Σ.

10 *Si conchen*] Conchis fabæ genus, sive edulium ex faba. Juvenalis Sat. III. 'Cujus conche tumes?' Sensus est: Si quoties signas testamentum, toties conchen tantum, non vero melitas placentas misissem, ad extremam tamen paupertatem essem redactus.

XL.

AD ARTEMIDORUM.

PINXISTI Venerem; colis, Artemidore, Minervam:
 Et miraris, opus displicuisse tuum?

Pinxisti Venerem: O Artemidore, veneraris Minervam; et obstupescis opus tuum injucundum fuisse?

In hoc Epigrammate exhibendo nullo modo variant aut scripti aut impressi.

NOTÆ

1 *Pinxisti Venerem*] Cui anteponebat Minervam, quam coleret Artemidorus; unde mirum videri non debet,

Veneri deesse Veneres. Vide lib. I. Epig. 103.

XLI.

IN DIDYMU.

SPADONE cum sis eviratio fluxo,
 Et concubino mollior Celæneo,
 Quem sectus ululat matris entheæ Gallus,
 Theatra loqueris, et gradus, et edicta,
 Trabeasque, et Idus, fibulasque, censusque; 5
 Et pumicata pauperes manu monstras.
 Sedere in equitum liceat an tibi scamnis,
 Videbo, Didyme: non licet maritorum.

Cum sis effæminatio molli spadone, et delicatio Celenæo concubino, quem vociferatur castratus Gallus sacerdos matris Cybeles, prædicat theatra, et gradus, et edicta, et trabeas, et Idus, et fibulas, et census: atque ostendis egenos manu levi. Considerabo, an tibi fas sit sedere in subselliis equitum: non fas est maritorum.

In Dindimum lemma est in edd. vett. In Didymum in aliis. Pulmannus conj. Didymum, i. e. Dindimum, de quo lib. XII. Epig. 75.—8 Videbo Didyme in Junt. an. 1512. quamvis in lemmate habeat Dindimum.

NOTÆ

2 *Et concubino*] Atyn intellige puerum a Cybele amatum. *Celenæ*] Urbs Phrygiæ, in qua natus est Atys.

3 *Matris entheæ*] Hoc est, Cybeles, sacerdotes nempe suos in furorem vertentis.

4 *Theatra loqueris*] Hoc est, ore superbo sermonem facis de edictis Domitiani in theatro servandis. Epig. 8. supra.

5 *Trabeas*] De quibus Bayfius de re vestiaria cap. 10. Vestes interpretare purpureas quas gestabant equites, cum Idibus Juliis, quo die victoriam olim reportaverant, coronati frondibus oleæ transveherentur, initio pompæ facto ab æde Martis.

De hac pompa agit Dionysius Halic. Antiquitatum Rom. lib. vi. et Valerius Maximus lib. xi. cap. 11.

Fibulasque] Quas in trabea vel chlamyde gestabant equites ut nobilitatis insignia.

6 *Et pumicata*] Hoc est, pumice polita manu per contentum monstras pauperes.

8 *Videbo*] An sis verus eques, si nempe designatores permiserint sedere te in quatuordecim subselliis.

Non licet] Sedere in scamnis maritorum, quia spado es, vel effæminatus ut spado. Ordinem vero maritorum olim in theatro constituerat Augustus. Suetonius in Augusto cap. 44.

XLII.

AMICIS QUOD DATUR, NON PERIRE.*

CALLIDUS effracta nummos fur auferet arca :

Prosternet patrios impia flamma Lares.

Debitor usuram pariter sortemque negabit :

Non reddet sterilis semina jacta seges.

Dispensatorem fallax spoliabit amica :

5

Mercibus exstructas obruet unda rates.

Extra fortunam est, quicquid donatur amicis :

Quas dederis, solas semper habebis opes.

Fur versutus abripiet nummos effracta arca : ignis impius profligabit ædes paternas. Debitor negabit fœnus simul et sortem : ager sterilis non restituet semina commissa. Amica fraudulenta denudabit dispensatorem : aqua opprimet naves oneratas mercibus. Non est obnoxium fortunæ, quicquid datur amicis. Perpetuo possidebis solas divitias, quas donaveris.

Amicis esse donandum inscriptio est in Ald. Junt. Colin. Gryph. Pulm. Junian. Lang. Delph. &c.

NOTÆ

* *Amicis, &c.* [*Amicis esse donandum*] Inscribunt alii *Amicis quod datur, non perire.*

1 *Callidus effracta*] Partium enumeratione probat Poëta divitias omnis generis casu perire posse, præter

eas quæ donantur amicis.

5 *Dispensatorem*] Servus nempe qui familiæ rationes administrat, domini pecuniam amicæ donare potest.

8 *Quas dederis*] Memores amici accepta beneficia reponunt.

XLIII.

DE THAIDE ET LECANIA.

THAIS habet nigros, niveos Lecania, dentes.

Quæ ratio est? emtos hæc habet, illa suos.

Thaidi nigri sunt dentes, candidi Lecaniæ. Qua de causa? Hæc habet emtos, illa vero suos.

In hoc Epigrammate nullam lectionis varietatem produnt exemplaria, aut scripta aut excusa.

NOTÆ

1 *Thais habet*] De emtis dentibus lib. I. Epig. 73. et lib. XII. Epig. 23.

2 *Emtos hæc habet*] Nimirum Lecania.

XLIV.

IN DENTONEM.

QUID factum est, rogo, quid repente factum ?
 Ad cœnam mihi, Dento, quod vocanti
 (Quis credat ?) quater ausus es negare.
 Sed nec respicis, et fugis sequentem ;
 Quem thermis modo quærere, et theatris, 5
 Et conclavibus omnibus solebas.
 Sic est: captus es unctiore cœna,
 Et major rapuit canem culina
 Jam te : sed cito cognitum et relictum
 Cum fastidierit popina dives, 10
 Antiquæ venies ad ossa cœnæ.

Quid contigit, quæso, quid subito contigit ? O Dento, quis putet quod non dubitasti quater recusare mihi invitanti te ad cœnam ? Sed nec respicis, et vitas sequentem: quem consueveras paulo ante requirere thermis, et theatris, atque omnibus conclavibus. Ita se res habet: allectus es cœna pinguiore, et culina amplior jam attraxit te canem: at cum popina locuples fastidio te habuerit brevi cognitum et derelictum, redibis ad ossa veteris cœnæ.

7 Gruterus legendum censet, ex tribus codd. *unctiore mensa*; et sic codex Pulmanni. Sæpius *mensa* et *cœna* permutantur. Vide ad lib. I. Epig. 104.

NOTÆ

1 *Quid factum*] Facete irridet istum Dentonem; quater ad cœnam vocatus recusaverat, qui alias per totam urbem sequi Poëtam soleret. Jocum etiam quærît Martialis a nomine Dentonis, quod videtur ex dentibus deduci. Vide lib. II. Epig. 14. Canem porro illum vocat, quod culinam unctiorem odoratus alliceretur.
 7 *Unctiore cœna*] Alii, *unctiore mensa*.

XLV.

IN BASSAM.

DICIS formosam, dicis te, Bassa, puellam.
 Istud quæ non est, dicere Bassa solet.

O Bassa, te prædicas pulchram et puellam. Bassa solet prædicare hoc quod non est.

2 *Istud quod non est* ed. antiquiss. Ferrar. an. 1471. Ald. Junt. Colin. Gryph.

Pulm. Junian. Lang. Delph. Par. an. 1754. &c. Nostram lect. ex codd. suis dederunt Gruterus et Scriverius, probantibus VV. DD.

NOTÆ

1 *Bassa*] De qua jam dictum lib. VII. Epig. 91.

2 *Istud quæ [quod] non est*] Alii, *Istud quæ non est.*

XLVI.

AD DIADUMENUM.

BASIA dum nolo, nisi quæ luctantia carpsi,
Et placet ira mihi plus tua, quam facies :
Ut te sæpe rogem, cædo, Diadumene, sæpe ;
Consequor hoc, ut me nec timeas, nec ames.

Dum recuso oscula, nisi quæ libari coacta ; et gratior est ira tua, quam vultus : O Diadumene, sæpe tibi cedo, ut te sæpe exorem. Sic hoc nanciscor, ut me nec metuas, nec diligas.

1 Pulmanni codex : *nisi quæ luctantia carpis.*—3 Janus Rutgersius legit : *cedo o Diadumene.* Vide Var. Notas.

NOTÆ

3 *Cædo [cedo]* Alii *cædo.* Lib. III. Epig. 65. de Diadumeno diximus.

XLVII.

DE PHILONE.

NUNQUAM se cœnasse domi Philo jurat : et hoc est :
Non cœnat, quoties nemo vocavit eum.

Philo jurat se nunquam cœnasse domi : et hoc est verum, nam non cœnat, quoties a nemine invitatus est.

Pro lemmate Beverlandi Ms. habet : *De Philone Foriscæna.* Sic ‘domi-cœna :’ ‘cupidicenus’ in Gloss. Τρεχέδειπνος.—1 *Nusquam se cœnasse Beverlandi Ms.*

NOTÆ

1 *Nunquam se*] Alii *Nusquam.* Philo domi, cum non habeat unde cœnet. lo, inquit Poëta, non cœnat quidem

XLVIII.

DE ENCOLPO.

QUID non cogit amor? secuit nolente capillos

Encolpus domino, nec prohibente tamen.

Permisit, flevitque Pudens: sic cessit habenis

Audaci questus de Phaëthonte pater.

Talis raptus Hylas, talis deprensus Achilles

5

Deposuit gaudens, matre dolente, comas.

Sed tu nec propera, brevibus nec crede capillis;

Tarda que pro tanto munere, barba, veni.

Ad quid non impellit amor? Encolpus totondit crines invito hero, nec vetante tamen. Pudens concessit, et lacrymatus est. Sic genitor tradidit habenas conquestus de temerario Phaëthonte. Talis Hylas raptus, talis agnitus Achilles lætus abjecit capillos mærente genitrice. At tu, o barba, nec festina, nec crede crinibus brevibus, et sera cresce tanti doni gratia.

2 Beverlandi Ms. *non prohibente.*—7 *Sed tu ne propera, brevibus ne cede capillis* in Beverlandi Ms. et cod. Pulmanni: i. e. succede, ut sit sensus: Semper tu Encolpe sis brevis et similis capillis tuis brevibus, diuque puer. Vel sic: O barba tarda veni et ne cede; sed si venias, sis similis brevibus capillis.

NOTÆ

2 *Encolpus domino*] Vide lib. i. Epig. 32. Phæbo capillos suos voverat iste puer, si quando Pudens suus dominus primipilus fieret, nunc exsolvit votum, domino primipilarem dignitatem adeptus.

3 *Sic cessit*] Sic invito animo Phæbus permisit Phaëthonti suum currum moderari. Nota hæc fabula ex Ovidio.

5 *Talis raptus*] Hercules monuerat Hylam ne iret aquatum, attamen petenti puero recusare nequivit, unde

raptus est a Nymphis. Lib. iii. Epig. 19. Alii aliter explicant.

Talis deprensus] Nota Achillis historia, qui ab Ulysse apud Lycomedem deprensus Trojam profectus est, lugente Thetide, ut pote sciente quod fatum maneret Achillem.

7 *Brevibus nec crede*] Ex eo quod breves capillos habeat Encolpus, ne credas, o barba, illum jam virum evasisse. Delicati pueri comas tondebant anno decimo septimo.

XLIX.

AD LABIENUM.

VIDISSEM modo forte cum sedentem

Solum te, Labiene: tres putavi.

O Labiene, cum forte paulo ante te spectassem solum sedentem: existimavi tres:

NOTÆ

2 *Tres putavi*] Tempora Labieni erat glabrum; atque ita tria fuisse erant capillata, medium vero caput capita facete dicit. Lib. x. Epig. 83.

Calvæ me numerus tuæ fefellit.
 Sunt illinc tibi, sunt et hinc capilli,
 Quales nec puerum decere possint. 5
 Nudum est in medio caput, nec ullus
 In longa pilus area notatur.
 Hic error tibi profuit Decembri,
 Tunc, cum prandia misit Imperator ;
 Cum panariolis tribus redisti. 10
 Talem Geryonem fuisse credo.
 Vites, censeo, porticum Philippi,
 Si te viderit Hercules, peristi.

numerus tuæ calvæ me decepit. Habes ex hac et illa parte crines, quales nec possint ornare puerum. Caput nudum est in medio, nec ullus pilus spectatur in longa area. Hic error te juvit mense Decembri ; tunc cum Imperator misit prandia : reversus es cum tribus panariolis. Existimo Geryonem fuisse tibi similem. Moneo ut fugias porticum Philippi : si Hercules te aspexerit, occidisti.

2 *Solum te, Laviane* Beverlandi Ms.—5 *Quales vel puerum* codd. Thuan. et Florent.

NOTÆ

5 *Quales nec*] Etiam si ad ornandum pueri caput paucissimi requirantur.

7 *In longa area*] Hoc est, in summa calva.

8 *Decembri*] Hoc est, Saturnalibus, quibus ultro citroque dona mittebantur.

9 *Cum prandia*] Tunc enim Domitianus opsonia plebi distribuebat : unus autem Labienus, cum trium hominum speciem referret, tres quoque

sportulas referre debuit.

11 *Talem Geryonem*] Qui triceps victus est ab Hercule. Hæc nota historia, de qua iterum infra Epig. 65.

12 *Porticum*] Ubi erat Herculis statua. Jocus elegans, quæsitus a calva Labieni ; ut enim Domitianus erravit in sportulis distribuendis, uni tibi tres largitus, ita errans Hercules te pro Geryone invadet.

L.

IN CHAROPINUM.

CÆNO domi quoties, nisi te, Charopine, vocavi,
 Protinus ingentes sunt inimicitiae :
 Meque petis stricto medium transfigere ferro,
 Si nostrum sine te scis caluisse focum.

O Charopine, quoties cæno domi, nisi te invitavi, statim graves inimicitiae intercedunt ; et quæris me transdigere educto gladio, si novisti caluisse nostrum focum

3 *Meque paras stricto* codex Pulmanni. *Meque velis stricto* cod. Thuan.

Nec semel ergo mihi furtum fecisse licebit? 5

Improbius nihil est hac, Charopine, gula.

Desine jam nostram, precor, observare culinam,

Atque aliquando meus det tibi verba coquus.

sine te. Nec igitur mihi permittetur semel fecisse furtum? O Charopine, nihil pejus est hac helluatione: jam cessa speculari nostram culinam, et meus coquus aliquando te circumveniat.



Meque putes stricto codex Florentinus.—8 Codex Pulmanni et Beverlandi Ms. det tibi verba coquus.

NOTÆ

4 *Si nostrum*] Hoc est, si scis me domi cœnasse, te non vocato.

5 *Nec semel*] Id est, non licebit mihi vel semel domi cœnare te inscio?

LI.

AD RUFUM.

Hic, qui libellis prægravem gerit lævam,

Notariorum quem premit chorus levis,

Qui codicillis hinc et inde prolatis,

Epistolisque commodat gravem vultum,

Similis Catoni, Tullioque, Brutoque; 5

Exprimere, Rufe, fidiculæ licet cogant,

Hic qui gestat sinistram onustam libellis, quem circumdat mollis corona notariorum, qui accommodat grave supercilium epistolis, et codicillis hinc et hinc oblatis, par Catoni, et Ciceroni, et Bruto; O Rufe, quamvis fidiculæ cogant, nequit pro-



Ad Ruffum inscriptio est in edd. vett. et sic vs. 6. Ruffe.—1 Hic qui libellis pergravem in edd. antiquiss. cum Ald. Junt. Colin. aliis. De permutatione per et præ vide nos ad Tibull. i. 10. 68. ii. 5. 74. iii. 1. 11. iv. 1. 175. Duker. ad Flor. ii. 12. 14. Drakenb. ad Liv. iv. 27. 5. vi. 5. 4. Obs. Misc. Tom.

NOTÆ

1 *Prægravem gerit*] Libellos vel supplices vel accusatorios palam ferebat in via hic causidicus, ut negotiorum suorum multitudinem populo ostentaret. De notario vide lib. xiv. Epig. 208.

2 *Levis [lævis]* Male *levis* propter legem carminis.

3 *Qui codicillis*] Hoc est, qui attente et sublato supercilio anres præbet codicillis. Sunt autem codicilli, parvi quidam et breves codices,

in quibus veteres supremas suas voluntates scribebant, non adhibitis iis solennitatibus, quæ in testamentis requirebantur. Porro codices erant tabulæ lignæ, unde codicilli dicti, in quibus scribebant veteres.

5 *Similis Catoni*] Non humanitate quidem aut moribus, sed negotiorum multitudine et gravitate. Cato, Tullius, et Brutus percussor Cæsaris, viri sunt notissimi.

6 *Fidiculæ*] Adeo inurbanus est, ut

Ave Latinum, χαῖρε non potest Græcum.
Si fingere me istud putas, salutemus.

ferre ave Latinum, nec χαῖρε Græcum. Si credis a me excogitari istud, salutemus illum.

VIII. p. 327. Heins. ad Ovid. Heroid. xvii. 107. et ad Fast. iv. 940.—7 *Ave Latinum, χόμρε* in Junt. an. 1512. quod verbum nihili est. Vacuum relinquitur spatium in Colin. an. 1528.—8 *Si fingere istud me* codex Pulmanni.

NOTÆ

nec tormentis cruciatus possit adduci ad reddendam salutem, vel Græce vel Latine. Raderus aliter: Hoc est, inquit, adeo imperitus est hic caudicus, ut ave Latinum quidem proferre possit, Græcum vero nequeat χαῖρε, id est, *ave*. Eligat lector. Fidiculæ quæ in tormentis nume-

rantur, inquit Turnebus lib. iv. cap. 3. mihi videntur lascivia quadam joci nomen invenisse, quod ut in fidibus nervi, item quoque ut nervi hinc et inde multis funibus homines distendebantur, sed et illa machina funes multos ut nervos habebat.

LII.

IN POSTHUMUM.

QUÆ mihi præstiteris memini, semperque tenebo.

Cur igitur taceo? Posthume, tu loqueris.

Incipio quoties alicui tua dona referre,

Protinus exclamat, Dixerat ipse mihi.

Non belle quædam faciunt duo: sufficit unus

5

Huic operi: si vis, ut loquar, ipse tace.

Crede mihi, quamvis ingentia, Posthume, dona

Auctoris pereunt garrulitate sui.

Recordor eorum quæ in me contuleris, et recordabor in æternum: cur ergo sileo, o Posthume? quia tu loqueris. Quoties exordior narrare alicui tua munera, statim exclamat, Ipse mihi narraverat. Quædam non fiunt convenienter a duobus, unus par est huic operi: si placet, ut loquar, ipse tace. O Posthume, crede mihi, licet des ingentia, intereunt loquacitate sui auctoris.

In Postumum, de munere Beverlandi Ms.—7 In Ald. Junt. Colin. Gryph. Pulman. Junian. Plant. Lang. Delphi. &c. Postume, dones: in aliis donas. Lectionem nostram dedit Gruterus ex cod. Palatino; quod nunc confirmant codd. Thuan. et Florent.

NOTÆ

2 *Tu loqueris*] Lege Senecam de Beneficiis lib. ii. cap. 10. et 11. Dantem oportet oblivisci, inquit Poëta, meminisse vero solum accipientem.

7 *Quamvis ingentia, Posthume, dona*

[*dones*] Alii: *Quamvis ingentia, Posthume, dona.*

8 *Pereunt*] Beneficia enim a se collata commemoranti nulla amplius gratia debetur.

LIII.

AD BASSUM.

COLCHIDA quid scribis, quid scribis, amice, Thyesten?

Quid tibi vel Nioben, Basse, vel Andromachen?

Materia est, mihi crede, tuis aptissima chartis

Deucalion; vel, si non placet hic, Phaëthon.

O amice, quid componis fabulam Medæ et Thyestæ? O Basse, quid Niobe aut Andromache tibi materia est? Mihi crede, Deucalion est argumentum convenientissimum tuis scriptis; aut, si hic non arridet, Phaëthon.

2 Quo tibi vel Nioben, Basse, vel Andromedem? in codice Florent. Quo tibi vel Niobe, Basse, vel Andromache? in cod. Palat. et aliis. Quid tibi vel Nioben, Basse, vel Andromachen? in quodam cod. apud Cagnerinm. Quid tibi vel Niobe, Basse, vel Andromache? in ed. antiq. Ferrar. an. 1471. Ald. Junt. Colin. Gryph. Pulman. Junian. Plant. Lang. Delph. Farnab. aliis. Quo tibi vel Nioben, Basse, vel Andromachen? Gruterus; quem secuti sunt Scriverius et Schrevel. Hoc loco tandem Edd. Bipont. textum Schrevelianum non receperunt, data lectione codicis Cagnerii.

NOTÆ

1 Colchida] Colchis, hodie Mengrellia, patria Medæ, pro qua sumitur: ejus vero historia, sicut et Thyestæ, satis nota, lib. III. Epig. 45. et Andromaches uxoris Hectoris ex Seneca et Euripide, Niobes in saxum conversæ ex Ovid. Met. VI. Poëta carpit hunc Bassum, qui argumentum suis versibus conveniens non sumeret: argutissime autem dicit Deucalionem et Phaëthontem materiam esse idoneam malo Poëtæ; atque ita indicat Carmina Bassi vel aquis vel flammis esse digna. Deucalion fuit tempore

Diluvii, et illum ponit pro Diluvio: Phaëthon flammis periit, pro quibus hoc loco usurpatur. Simile est Epigramma in Anthologia lib. II. Εἰς ζῶγρᾶφους.

2 Quid tibi vel Nioben [Niobe] Legunt alii: Quid tibi vel Nioben, Basse, vel Andromachen? et subintelligendum, 'scriptio est:' hoc est, quid scribis Nioben, &c. Sic apud Plantum in Anularia, 'Quid tibi meam tactio est?' hoc est, Quid meam tangis? Judicet lector.

LIV.

DE RHETORE APOLLONIO.

EXTEMPORALIS factus est meus Rhetor:

Calpurnium non scripsit, et salutavit.

Extemporalis evasit meus Rhetor: non scripsit Calpurnium, et salutavit.

Hujus Epigrammatis lectionem non variant codices manuscripti aut libri impressi.

NOTÆ

1 Extemporalis] Poëta irridet Apollonium Rhetorem, de quo supra Epig. Delph. et Var. Clas.

22. qui adeo infelicis erat memoriæ, ut nomina eorum, quos erat salutavit.

Martial.

2 C

NOTÆ

turnus, scriberet, ut ea memoriter tempore aliquem nominare posset, ediceret: jam vero tantum exerci- etsi nomen ejus antea non scripserat. tatione profectum fecerat, ut ex

LV.

DE AQUILA PORTANTE JOVEM.*

DIC mihi, quem portes, volucrum regina? Tonantem.

Nulla manu quare fulmina gestat? Amat.

Quo calet igne Deus? Pueri. Cur mitis aperto

Respicis ore Jovem? De Ganymede loquor.

O avium regina, dic mihi quem feras? Jovem. Cur nulla fulmina gerit manu? Amore captus est. Qua flamma uritur Deus? Pueri. Cur lenis respicis Jovem ore patenti? Loquor de Ganymede.

De Aquila inscribitur in edd. vett. Cetera, nullam lectionis varietatem produnt exemplaria, aut scripta aut impressa.

NOTÆ

* *De Aquila, &c.*] Inscribunt alii: 1 *Dic mihi*] Per se patet hoc Epigramma: Aquila enim Jovem portans a Poëta interrogata respondet.

LVI.

AD LUPUM.

CUI tradas, Lupe, filium magistro,

Quæris sollicitus diu, rogasque.

Omnes Grammaticosque Rhetorasque

Devites, moneo; nihil sit illi

Cum libris Ciceronis aut Maronis. 5

Famæ Tutilium suæ relinquat.

O Lupe, anxius perquiris cui præceptori committas filium, et diu periculum facis. Suadeo ut fugias omnes Grammaticos et Rhetoras: non legat libros Ciceronis aut Virgiliti: non curet existimationem Rutilii: si componit Carmina, averte illum a Poë-

2 Ed. antiquiss. Ferrar. Ald. Junt. Colin. Gryph. Junian. Delph. &c. *Quæris sollicitus, diuque tentas.* Lectionem nostram primus reposuit Gruterus, accedentibus Scriv. Farnab. Schrevel. Barbou, &c. hanc firmant codd. Florent. et Pulman.—6 *Rutilium* in edd. vett. pro *Tutilium*. Alii legunt

NOTÆ

2 *Diu, rogasque* [*dinque tentas*] consilium affert per ironiam, quod tunc Romæ non esset locus honestis artibus. Alii: *Quæris sollicitus diu, rogasque.* Scribitur *sollicitus* atque *sollicitus*.

3 *Omnes Grammaticos*] Hoc Lupo 6 *Famæ Tutilium* [*Rutilium*] Vide-

Si versus facit, abdicēs Poëtam.

Artes discere vult pecuniosas?

Fac, discat, citharædus, aut choraules.

Si duri puer ingenî videtur,

10

Præconem facias, vel architectum.

si. An cupit discere artes quæstuosas? Da operam evadat citharædus aut choraules. Si puer videtur mentis stupidæ, efficias illum præconem aut architectum.

Lucilium, quod exhibet codex Pulmanni.—9 Fac hiscat legit Janus Guilhelm. Verisimil. lib. III. cap. 19. improbante Farnabio. choraulas Ald. Junt. et Colin. choraulos in aliis.

NOTÆ

tur is esse quem commendat Cicero de Oratore lib. I. et Suetonius in Augusto cap. 89.

9 *Fac discat, citharædus*] Græcus dicendi modus: hoc est, discat fieri citharædus. Choraules is est qui tibiam in choro inflat: citharædi vero et choraulæ ars tuuc summo fuit in pretio. Sic Poëta acute carpit mores

sui temporis.

10 *Si duri puer*] Architectus sane ingenio valere debet, et multis semper laudibus fuit celebrata architectura. Sed hoc invidiose dicit Martialis, quod plus architectis et præconibus, quam viris doctis et poëtis, faverent Romani.

LVII.

AD CINNAM.

CUM voco te dominum, noli tibi, Cinna, placere:

Sæpe etiam servum sic resaluto meum.

O Cinna, cum te appello dominum, noli te efferre: sic quoque crebro saluto meum servum.

1 Codex Pulmanni: *noli tibi, Cinna, placere*: in edd. vett. *nolo tibi*.—
2 Beverlandi Ms. *sic resaluto tuum*; et sic legit Petrus Scriverius.

NOTÆ

1 *Noli tibi*] Alii *nolo*, minus bene. Cinnam dominum assentatorie vocabat Poëta, cum aliquid ab eo impetrare vellet: sic et servum appellabat, vel cum ipsi blandiretur, vel cum illum irrideret.

LVIII.

AD POSTHUMUM.

CRAS te victurum, cras dicis, Posthume, semper.

Dic mihi cras istud, Posthume, quando venit?

Quam longe cras istud? ubi est? aut unde petendum?

Numquid apud Parthos Armeniosque latet?

Jam cras istud habet Priami vel Nestoris annos. 5

Cras istud quanti, dic mihi, possit emi?

Cras vives: hodie jam vivere, Posthume, serum est.

Ille sapit, quisquis, Posthume, vixit heri.

O Posthume, perpetuo prædicas cras te fruiturum vita. O Posthume, dic mihi quando illucescit istud cras? quam procul est cras istud, ubi est, aut unde accersendum? Num delitescit apud Parthos et Armenios? Jam cras istud habet annos Priami vel Nestoris. Dic mihi quo pretio istud cras comparari possit? Cras vives: tardum est, o Posthume, jam vivere hodie. O Posthume, ille sapiens est quisquis vixit heri.

3 *Quam longe eras istud ubi est* Junt. *Quam longe est cras* legit Scriverius.—
7 *Posthume, tardum est* codex Florentinus.

NOTÆ

1 *Cras te*] Idem est argumentum lib. i. Epig. 16. voluptates nempe sine mora esse percipiendas. Ludit Poëta in frequenti repetitione istius *cras*.

4 *Apud Parthos*] Parthia Asiæ regio, quam hodie vocant alii *Arach*, alii *Chorasan*. Armenia duplex: Major hodie, *Turcomania*; Minor

hodie, secundum aliquos, *Anaduolè*: secundum alios, *Pegian*.

5 *Jam cras istud*] Moram vitæ hilariter interponens annos Nestoris vel Priami assecutus es, quorum ætas et historia omnibus nota est.

8 *Ille sapit*] Idem dixit lib. i. Epig. 16.

LIX.

AD STELLAM.

QUOD non argentum, quod non tibi misimus aurum,

Hoc facimus causa, Stella diserte, tua.

O Stella facunde, quod ad te non misimus argentum nec aurum, hoc facimus in

1 Pulmanni codex: *quod non tibi mittimus aurum*.

NOTÆ

1 *Quod non*] Hoc est, Ad te mitto parva munera, ut facile, si volueris, par pari referas: odit enim Poëta, ut

ipse dicit Epig. 18. hoc libro: ‘Dolosas munerum et malas artes.’ Vide lib. iv. Epig. 56.

Quisquis magna dedit, voluit sibi magna remitti :
Fictilibus nostris exoneratus eris.

tuam gratiam. Quisquis donavit ingentia, cupiit ad se remitti ingentia: fictilia nostra te levabunt onere.

NOTÆ

4 *Exoneratus]* Liberatus eris onere vasa fictilia parvi sint momenti.
ad me munera remittendi, cum nostra

LX.

AD DETRACTOREM.

ALLATRES licet usque nos et usque,
Et gannitibus improbis laccessas ;
Certum est hanc tibi pernegare famam,
Olim quam petis in meis libellis,
Qualiscumque legaris ut per orbem. 5
Nam te cur aliquis sciat fuisse ?
Ignotus pereas, miser, necesse est.
Non deerunt tamen hac in urbe forsitan
Unus, vel duo, tresve, quatuorve,
Pellem rodere qui velint caninam. 10
Nos hac a scabie tenemus ungues.

Quamvis allatres nos semper, et semper provocos perfidiosis gannitibus ; ratum est tibi recusare hanc existimationem, quam jamdiu quæris in meis libris, ut qualitercumque sis notus per orbem. Cur enim aliquis noverit te vixisse ? O ærumnose, oportet te mori incognitum. Nihilominus hac in urbe forte reperientur unus, vel duo, aut tres, aut quatuor, quibus placeat rodere pellem caninam. Nos cohibemus ungues ab hac scabie.

3 *Certum est mi tibi Juntina nostra in margine. Certum est hanc mihi Calderinus.*—5 *Junt. nostra in marg. per urbem.*

NOTÆ

2 *Gannitibus]* Hoc est, maledictis canis, Ignavus adversum lupos ?
et conviciis. 11 *Nos hac a scabie]* A libidine
10 *Pellem rodere]* Hoc est, qui maledicendi me cohibebo, nec un-
velint te canem insectari maledictis ; quam meis in versibus legetur nomen
invidi quippe et maledici canibus tuum, unde famam qualemcumque
comparantur. Horatius Epod. 6. colligeres.
' Quid immerentes hospites vexas,

LXI.

IN MARIANUM.

CRISPULUS iste quis est, uxori semper adhæret
 Qui, Mariane, tuæ? crispulus iste quis est?
 Nescio quid dominæ teneram qui garrit in aurem,
 Et sellam cubito dexteriore premit?
 Per cujus digitos currit levis annulus omnes : 5
 Crura gerit nullo qui violata pilo?
 Nil mihi respondes? uxoris res agit, inquis,
 Iste meæ: sane certus et asper homo est,
 Procuratorem vultu qui præferat ipso :
 Acrior hoc Chius non erat Aufidius. 10
 O quam dignus eras alapis, Mariane, Latini!
 Te successurum credo ego Panniculo.

O Mariane, quis est iste crispulus qui semper adhærescit tuæ conjugī? quis est iste crispulus qui susurrat in teneram aurem dominæ nescio quid, et incumbit cathedræ cubito dexteriore, per cujus omnes digitos fluit levis annulus, cujus crura non sunt polluta ullo pilo? Nihilne mihi respondes? Iste, ais, administrat negotia meæ conjugis: expertus quidem et gravis est homo; qui fronte ipsa exprimat procuratorem; Chius Aufidius non erit asperior hoc crispulo. O Mariane, quam merebaris colaphos Latini! ego puto te occupaturum locum Panniculi. Procuratne nego-

8 Beverlandi Ms. sane cæcus.—9 'Scribendum est ex codd. qui præferat æquo. Vulgo, qui præferat ipso: quod substituerunt illi, qui non tam æquitatem in procuratore requiri putabant, quam ut acriter nitatur pro eo, cujus negotium gerit. Sed vultu æquo est respondenti, referenti, æquali. Sic æquitatem membrorum Augusti, pro æqualitate seu symmetria, laudat Suetonius.' Ita scribit Gronovius ad Stat. p. 397.—10 Ald. Junt. Colin. non erit

NOTÆ

2 *Crispulus*] Poëta irridet Marianum, qui inepte crederet, quendam crispulum, hoc est, mollem et capillis crispis juvenem, uxoris suæ esse procuratorem.

6 *Qui violata pilo*] Cujus crura levia sunt et depilata.

8 *Sane certus*] Hoc est, eruditus quem nulla ratio rei gerendæ fallit.

10 *Non erat Aufidius*] Mæchus notissimus ex Juvenalis Satyra ix. 25. Sensus est: Aufidius Chius non esset

procurator gravior nec certior hoc crispulo.

11 *Alapis Latini*] O digne, inquit Farnabius, qui in spectaculis theatralibus risum moveas alaparum contumeliis exceptus; non secus ac Panniculus mimus, a Latino mæchi partes agente cæsus. Lib. II. Epig. 72. 'Os tibi præcisum, quanto non ipse Latinus Vilia Panniculi percutit ora sono.'

Res uxoris agit? res nullas crispulus iste:
Res non uxoris, res agit iste tuas.

tia uxoris? Iste crispulus nulla procurat negotia: iste non curat res uxoris, sed tuas.

Aufidius.—13 Codex Pulmanni, res ullas; nempe deleta erat lineola, quam vocali imposuerat librarins.—14 In quibusdam, res agit ipse tuas.

NOTÆ

14 *Res agit iste tuas]* Mœchus quippe mariti partes sustinet.

LXII.

AD HOSPITES.

JURE tuo nostris maneat licet, hospes, in hortis,
Si potes in nudo ponere membra solo:
Aut si portatur tecum tibi magna supellex:
Nam mea jam digitum sustulit hospitibus.
Nulla tegit fractos nec inanis culcita lectos: 5
Putris et abrupta fascia reste jacet.
Sit tamen hospitium nobis commune duobus:
Emi hortos; plus est: instrue tu; minus est.

O hospes, potes pro jure tuo commorari in nostris hortis, si potes recumbere in terra nuda: vel si tecum fertur magna supellex: mea enim jam sustulit digitum hospitibus. Nulla culcitra nec detrita operit cubilia fracta: et instita putrida jacet fune disrupto. Nihilominus diversorium commune sit nobis ambobus: mercatus sum hortos, plus est: tu adorna, minus est.

4 Beverlandi Ms. *lectum sustulit*, et sic adjectum erat in margine codicis Pulmanni. Vide Erasm. in Adag. 'Tolle digitum.'—5 *Nulla tegit fractos* in quibusdam.

NOTÆ

4 *Nam mea]* Hoc est, Mea supellex consumpta est frequenti hospitio. Metaphora est petita a gladiatoribus, qui, cum essent victi, digitum tollebant in signum victoriæ adversario concessæ. *Mea supellex sustulit digitum hospitibus*, hoc est, victa est atque attrita ab hospitibus. Vel forte hæc Metaphora petitur a licitationibus, in quibus, teste Festo in verbo

'Mauceps,' digito sublato emtorem se aliquis profitebatur. Et sensus erit: Mea supellex emta est ab aliis hospitibus, id est, alii hospites supellectilem meam tanquam a se emtam consumserunt. Eligat lector.

6 *Putris et abrupta]* Fasciæ lecti seu institæ humi demissæ sunt, ruptis nempe funibus quibus fulciebantur.

LXIII.

AD PONTICUM.

QUID sentis, inquis, de nostris, Marce, libellis?

Sic me sollicitus, Pontice, sæpe rogas.

Admiror, stupeo: nihil est perfectius illis,

Ipse tuo cedit Regulus ingenio.

Hoc sentis? inquis; faciat tibi sic bene Cæsar,

5

Sic Capitolinus Jupiter: immo tibi.

O Marce, quid censes, ais, de nostris scriptis? O Pontice, crebro anxius sic me interrogas. Admiror, stupeo; nihil est elegantius illis, Regulus ipse primas dat tuæ solertiæ. Hocne censes? ais; sic utaris propitio Cæsare, sic Jove Capitolino, immo tu.

//////////

In hoc Epigrammate exhibendo nullam lectionis varietatem produnt libri manuscripti aut typis impressi.

NOTÆ

1 *Quid sentis*] Ponticum deridet, cujus Versus nonnunquam laudabat, ut ipsi blandiretur, licet pessimos judicaret.

4 *Regulus*] Causidicus celebris de quo lib. i. Epig. 13.

5 *Faciat tibi sic*] 'Sic' particulasæpe

usurpatur in precationibus. Ponticus precatur ut sic Jupiter bene faciat Martiali, ut de ejus scriptis bene senserat.

6 *Immo tibi*] Precationem Pontico regerit Poëta: mala enim erat, cum male sensisset de Pontici versibus.

LXIV.

AD SUOS MINISTROS.

SEXTANTES, Calliste, duos infunde Falerni:

Tu super æstivas, Alcime, solve nives.

Pinguescat nimio madidus mihi crinis amomo,

Lassenturque rosis tempora sutilibus.

O Calliste, infunde duos sextantes Falerni: tu, Alcime, super Falernum funde nives æstivas. Capillus madens amomo pinguescat mihi, et tempora defatigentur

//////////

2 *Alcime funde nives* ed. antiq. Ferrar. an. 1471. Ald. Junt. Colin. Gryph. Pulman. Junian. Lang. Delph. &c. *Alcime, solve nives* codex Florentinus; et

NOTÆ

1 *Sextantes*] Sextans est sexta pars assis, atque ita duabus unciis constat: cum de mensuris agitur, duos continet cyathos.

2 *Tu super solve* [*funde*] Hoc est, Aquam gelidam e nivibus expressam funde. Alii legunt, *solve*.

3 *Pinguescat*] Unguentis madidi

Jam vicina jubent nos vivere Mausolea : 5
 Cum doceant, ipsos posse perire Deos.

rosis consutis. Jam propinqua monumenta hortantur nos indulgere genio : cum argumento sint posse mori ipsos Deos.

sic Gruterus.—5 Idem Gruterus e codd. mavult, *Tam vicina*, &c. probante Gronovio ; quem vide inter Var. Notas.

NOTÆ

et floribus coronati convivabantur veteres. *Amomo*] Hoc est, unguenta ex amomo arbore odorifera expresso : rosas vero ‘sutiles’ dixit pro corona ex rosis facta et consuta.

5 *Jam vicina*] Hoc est, sepulcrum Augusti, ad similitudinem Mausolei ab Artemisia exstructi, de quo lib. Spect. Epig. 1. nos invitat ad volup-

tates alacriter percipiendas. Legunt alii *Tam vicina*, quod sepulcrum Augusti proximum esset ei loco, in quo potabat Martialis. *Vivere* hic est voluptatibus indulgere. Lib. I. Epig. 16. lib. II. Epig. 59.

6 *Ipsos Deos*] Cæsares intellige, quos tanquam Deos colebat populus.

LXV.

AD CÆSAREM.

ASTRA, polumque dedit, quamvis obstante noverca,
 Alcidæ, Nemeæ terror, et Arcas aper ;
 Et castigatum Libycæ ceroma palæstræ ;
 Et gravis in Siculo pulvere fusus Eryx :

Hercules, licet noverca impediante, assecutus est sidera et cælum propter victum leonem terrorem Nemeæ, atque aprum Arcadiæ ; et punitum ceroma palæstræ Afri-

3 *Libycæ ceroma* in edd. vett. *Siculæ ceroma* codex Vaticanus.—6 *Ducere*

NOTÆ

1 *Obstante noverca*] Junone, quæ oderat Alcmenam Amphitryonis uxorem, Jovis pellicem, et Herculis matrem.

2 *Nemeæ terror*] In Nemeæa sylva Argolidis leo, in Arcadia vero aper Mænalis interfectus est ab Hercule. Vide lib. Spect. Epig. 27.

3 *Libycæ ceroma*] Antæum intellige, pro quo per Metonymiam dixit

ceroma, id est, unguentum ex oleo, pulvere, et cera mixtum, quo ungebantur athletæ. *Libycæ palæstræ*] In Libya enim cum Antæo pugnavit Hercules, cujus certamen fuse describit Lucanus lib. IV.

4 *Fusus Eryx*] Veneris filius cæstum certamine in Sicilia victus est a Hercule.

- Sylvarumque tremor, tacita qui fraude solebat 5
 Ducere nec rectas Cacus in antra boves.
 Ista tuæ, Cæsar, quota pars spectatur arenæ?
 Dat majora novus prælia mane dies.
 Quot graviora cadunt Nemeæo pondera monstro?
 Quot tua Mænalios collocat hasta sues? 10
 Reddatur si pugna triplex pastoris Iberi;
 Est tibi, qui possit vincere Geryonem.
 Sæpe licet Graiæ numeretur bellua Lernæ,
 Improba Niliacis quid facit Hydra feris?
 Pro meritis cælum tantis, Auguste, dederunt 15
 Alcidæ cito Di; sed tibi sero dabunt.

cæ ; atque Erycem gravem prostratum in pulvere Siculo ; et Cacus tremorem sylvarum, qui latentibus dolis solebat ducere boves aversas in speluncas. Ista, o Cæsar, quota portio est tuæ arenæ? lux nova mane exhibet majora certamina. Quot pondera procumbunt graviora monstro Nemeæo? quot sues Mænalios sternit tua hasta? Si triplex certamen pastoris Iberi renoretur, habes eum qui valeat superare Geryonem. Quamvis crebro prædicetur bellua Lernæ Arcadiæ, quomodo Hydra pestifera potest comparari feris Nili? O Auguste, Di pro tantis meritis celeriter donaverunt Herculem cælo, at te donabunt tarde.

non rectas codex Florentinus, probante Farnabio. Alii legunt: Ducere neglectus. —14 Codex Vaticanus, quod facit ira feris.

NOTÆ

6 *Cacus*] Vulcani filius, latro insignis, qui boves in antrum suum cauda retro traxerat, ne earum vestigia deprehenderentur. Hoc modo bovem Herculi rapuerat, a quo depreheus in Albano monte interfectus est. Virg. *Æn.* VIII.

7 *Ista*] Omnia nempe Herculis facta, o Cæsar, cum tuis spectaculis collata quotam partem efficient?

8 *Mane dies*] Mane cum bestiis pugnabant gladiatores, post meridiem vero inter se. Seneca *Epist.* VII. ‘Mane leonibus et ursis homines, meridie spectatoribus suis objiciuntur. Interfectores interfecturis jubentur objici, et victorem in aliam detinent cædem,’ &c.

10 *Collocat hasta*] Lib. Spect. Epig. 15. dixit Poëta: ‘longo porrexit vulnere pardum.’ Ex hoc versu, et duobus sequentibus, colligunt Inter-

pretes hoc Epigramma referri ad Carpophorum, de quo lib. Spect. Epig. 27. et Domitiano tribuit quicquid venator ejus Carpophorus facit.

11 *Pastoris Iberi*] Geryonis nempe tricipitis victi ab Hercule in Hispania.

12 *Est tibi*] Carpophorus nimirum.

13 *Bellua Lernæ*] Lerna est Achaia locus, et palus in qua erat hydra novis capitibus in locum abscissorum renascentibus pernicioza, quam tamen domuit Hercules.

14 *Niliacis feris*] Crocodilos intellige, qui in spectaculis exhibiti interficiebantur, cum quibus ipsam hydram conferendam esse negat Poëta.

16 *Sed tibi sero*] Majora sunt tua gesta Herculis factis, atque dignior es cælo, quo tamen tarde donaberis, ut diu rempublicam administres.

LXVI.

IN PONTILIANUM.

SÆPE salutatus, nunquam prior ipse salutas :
Sic erit æternum, Pontiliane, vale.

Crebro salutatus, nunquam ipse salutas prior : O Pontiliane, sic erit æternum vale.

~~~~~  
2 *Sic eris æternum* codex Vaticanus. *Diceris æternum* codex Thuanens. *Sic erit ; æternum, Pontiliane, vale* malit Heraldus, ut ap. Virg. Æn. xi. 'Salve, mi maxime Palla, Æternumque vale.'

## NOTÆ

2 *Sic erit*] Sic solebant antiqui salutare mortuos. Virgilius : 'salve, mi maxime Palla, Æternumque vale.' Sensus est : Te in posterum mortuum existimabo, cum omnis in te mortua sit humanitas. *Pontiliane*] Quem Poëta ut inurbanum et agrestem hominem carpit, qui nevinem unquam ipse prior salutaret.

## LXVII.

## DE HIRUNDINE.

HYBERNOS peterent solito cum more recessus  
Atthides, in nidis una remansit avis.  
Deprendere nefas ad tempora verna reversæ,  
Et profugam volucres diripuere suæ.  
Sero dedit pœnas : discerpi noxia mater  
Debuerat : sed tunc, cum laceravit Itym. 5

*Cum hirundines more solito peterent hyemalia receptacula, una volucris remansit in nidis. Primo vere reversæ agnoverunt scelus, atque aves suæ speciei discerpserunt fugitivam. Tarde punita est : nefanda mater dilanianda erat : at tunc, cum dilaniavit Itym.*

~~~~~  
4 Codex Thuan. *deripuere suam*. Cetera nulla varietas.

NOTÆ

2 *Atthides*] Sic hirundines dictæ sunt a Procne Pandionis regis Atticæ filia, quæ in hirundinem fuit conversa. Ovid. Met. vi.
3 *Deprendere nefas*] Nefas vocat, quod ista hirundo ab aliarum more desciverit, nec cum reliquis avolarit.
5 *Noxia mater*] Procne in hirundinem conversa tunc, inquit, fuit discerpenda, cum Itym suum filium dilaniatum Tereo marito apposuit comedendum, ob stupratam ab illo Philomelam suam sororem.

LXVIII.

AD LESBIAM.

ARCTOA de gente comam tibi, Lesbia, misi:
Ut scires, quanto sit tua flava magis.

O Lesbia, ad te misi cæsariem ex septentrionali natione, ut cognosceres quanto tua sit magis flava.

In hoc Epigrammate nihil variant exemplaria, aut manuscripta, aut prelo excusa.

NOTÆ

1 *Arctou de gente*] Ex Germania, quæ est sub Arcto ad Septemtrionem: Germani vero flavam comam alunt, at Romæ nigram alebant matronæ, flavam meretrices. Sic Poëta Lesbiæ impudicitiam ostendit, quæ flavos crines affectaret. Juvenalis de Messalina Sat. vi. 121. 'Et nigrum flavo crinem abscondente galero Intravit calidum veteri centone lupanar.'

LXIX.

IN M. ANTONIUM.

ANTONI Phario nil objecture Pothino,
Et levius tabula, quam Cicerone, nocens:
Quid gladium demens Romana stringis in ora?
Hoc admisisset nec Catilina nefas.
Impius infando miles corrumpitur auro: 5
Et tantis opibus vox tacet una tibi.

O Antoni, nihil oppositure Photino Ægyptio, et minus nocens tota proscriptorum tabula quam uno Cicerone: O insane, quid educis ensem in ora Romanorum? Nec ipse Catilina fecisset hoc scelus. Impius miles corrumpitur improbo auro: et tanta

1 *Photino* in edd. vett.—8 Raderus legendum censet: *Incipiunt omnes, &c.*

NOTÆ

1 *Antoni*] Nota est Antonii triumviri historia, qui multos cives Romanos proscriptione durante interfici jussit, scelus tamen minus alios omnes interficiens, quam unum Ciceronem opprimens admisit: Photinus Ægyptius Pompeium magnum jussu Ptolemæi occidit.

3 *Romana stringis*] Ultimam vocalem vocis præcedentis brevem produxit propter duas consonantes se-

quentis dictionis. Sic Virgilius: 'date tela, scandite muros.'

Romana in ora] Hoc est, in Ciceronem. Unde lib. III. Epig. 65. de eodem Cicerone: 'Hoc tibi, Roma, caput, cum loquereris, erat.'

4 *Nec Catilina*] Notus ex Sallustii Historia.

5 *Miles corrumpitur*] Percussor Ciceronis.

Quid prosunt sacræ pretiosa silentia linguæ?
Incipient omnes pro Cicerone loqui.

pecunia vox una silet tibi. Quid juvant cara silentia sacræ linguæ? Omnes incipient loqui pro Cicerone.

NOTÆ

7 *Pretiosa*] Hoc est, Magno pretio cum totus populus dicat, quod jam silentium frustra emisti, o Antoni, tacet Cicero. Lib. II. Epig. 82.

LXX.

DE SYRISCO, AD MAXIMUM.

INFUSUM sibi nuper a patrono
Plenum, Maxime, centies Syrisus
In sellariolis vagus popinis
Circa balnea quatuor peregit.
O quanta est gula, centies comesse!
Quanto major adhuc, nec accubare!

5

Syriscus errans in sellariolis popinis circum quatuor balnea consumsit centies luxum nuper sibi donatum a patrono. O quanta est helluatio decoxisse centies! quanto major adhuc non accumbere!

De Syrisko inscriptio est in edd. vett. Cetera nihil variant libri, aut scripti, aut impressi.

NOTÆ

2 *Plenum, centies*] Centena scilicet non accumbendo, ut mos erat honestorum virorum, sed sedendo ventri itaque manumissus dictam summam indulgebant.
a patrono acceperat, quam breviter consumsit in popinis sellariolis, quæ tabernæ erant in quibus ganeones
4 *Circa balnea quatuor*] Thermas Neronianas, Grylli, Titi, et Agrippæ, ut putant Interpretes.

LXXI.

AD FAUSTINUM.

HUMIDA qua gelidas summittit Trebula valles,
Et viridis, Cancri mensibus, alget ager,

Ubi uda Trebula deprimit frigidus valles, atque ager virens friget mensibus Can-

NOTÆ

1 *Trebula*] Vicius aut oppidum in ardet. Cleonæus dictus, quia prope Sabinis æstate frigidissimum. Cleonas, oppidum Peloponnesi,
2 *Cancri mensibus*] Mense scilicet nemem inter astra deinde relatum interfecit Hercules.
Julio, quo Cancer signum cœleste fervet; et mense Augusto, quo Leo

Rura Cleonæo nunquam temerata Leone,
 Et domus Æolio semper amica Noto,
 Te, Faustine, vocant: longas his exige messes 5
 Collibus: hybernum jam tibi Tibur erit.

cri; rura nunquam violata Cleonæo Leone, et villa semper objecta Austro Æolio te invitât, o Faustine: his collibus age longos dies æstivos, jam frueris Tibure hyemis tempore.

5 *Te, Faustine, vocat* Ald. Junt. Colin. &c.

NOTÆ

4 *Noto*] Ventus meridianus pluviosus. Æolius autem dicitur, quod in ditione Æoli sint venti. ager adeo frigidus est, ut æstate non jam frigido Tibure, sed Trebulæ mansurus sis. Vide lib. iv. Epig. 57.

6 *Hybernum*] Hoc est, Trebulanus 60. et 62.

LXXII.

AD RUFUM, DE ORIGINE BACCHI.

QUI potuit Bacchi matrem dixisse Tonantem,
 Ille potest Semelen dicere, Rufe, patrem.

Cui licuit vocare Jovem matrem Bacchi, illi licet, o Rufe, vocare Semelen patrem.

De origine Bacchi lemma est in Ald. Junt. Colin. Gryph. Pulman. Junian. Lang. aliis.—2 Hic potuit Semelen Beverlandi Ms.

NOTÆ

1 *Qui potuit*] Δηήτωρ a Græcis dictus est Bacchus, hoc est, *habens duas matres*, Semelen nempe Cadmi filiam, et Jovem, ex cujus femore natus esse dicitur. Hæc nota est fabula. 2 *Potest Semelen*] Nam ut Jupiter vir et tamen mater, ita Semele licet fœmina potest dici pater, aut si hoc absurdum, erit et illud.

LXXIII.

AD THEODORUM.

NON donem tibi cur meos libellos
 Oranti toties, et exigenti,

O Theodore, mirarisne cur non dem tibi meos libros toties roganti atque expostu-

Hic nullam lectionis varietatem exhibent exemplaria calamo exarata aut typis excusa.

Miraris, Theodore? magna causa est:
Dones tu mihi ne tuos libellos.

lanti? Magna causa est, ne tu mihi des tuos libellos.

NOTÆ

1 *Non donem*] Per se patet hoc VII. Epigramma 2.
Epigramma, cui simile plane est lib.

LXXIV.

DE POMPEIO ET FILIIS.

POMPEIOS juvenes Asia atque Europa, sed ipsum
Terra tegit Libyes; si tamen ulla tegit.
Quid mirum toto si spargitur orbe? jacere
Uno non poterat tanta ruina loco.

Asia atque Europa condunt Pompeios juvenes, at terra Libyæ condit ipsum Pompeium, si tamen ulla condit. Quid mirum si diffunditur per universum mundum? Tanta ruina nequibat jacere uno loco.



Hujus Epigrammatis lectionem non variant exemplaria, aut manuscripta, aut typis impressa.

NOTÆ

1 *Asia atque Europa*] Nobile elogium Pompeii et filiorum. Cneius Pompeii magni filius periit in Hispania a Cæsare victus ad urbem Mundam: Sextus vero a militibus Antonii Mileti interceptus in Asia interiit: Pompeius pater in Africa ad Pelusium occisus est, de cujus morte jam dictum lib. III. Epig. 65.

2 *Si tamen ulla tegit*] Non constat

enim sepultum fuisse Pompeium, ut patet ex hoc disticho: 'Marmoreo in tumulo Licinus jacet, at Cato parvo, Pompeius nullo: quis putat esse Deos?'

3 *Toto orbe*] Hoc est, in tribus orbis partibus tunc cognitis, de quibus Pompeius magnus triumpharat, teste Cicerone pro lege Manilia.

LXXV.

AD QUINTUM.

QUÆ legis causa nupsit tibi Lælia, Quinte,
Uxorem potes hanc dicere legitimam?

O Quinte, potesne vocare legitimam uxorem Læliam, quæ tibi nupsit propter legem?



2 *Uxorem potes hanc ducere* Beverlandi Ms. Cetera nulla est varietas.

NOTÆ

1 *Quæ legis causa*] Legem Juliam secundum leges nubit: in quo verbo in adulteros revocavit Domitianus, de Indit Poëta, cum metu legis Juliæ qua Juvenalis Sat. II. 'qui tunc leges nupsisset adultera hæc Lælia, quæ revocabat amaras.' Lælia ergo adulteri legi obsecuta aliquo modo uxor Quinto mæcho nupsit, ne puniretur. Legitima uxor dicitur quæ legitima videri poterat. Lege lib. VI. Epig. 7.

LXXVI.

AD CINNAM.

PROFECIT poto Mithridates sæpe veneno,
 Toxica ne possent sæva nocere sibi.
 Tu quoque cavisti cœnando tam male semper,
 Ne posses unquam, Cinna, perire fame.

Sæpe hausto veneno consecutus est Mithridates, ne virus crudele posset obesse sibi. Tu etiam, o Cinna, cœnando semper tam male, providisti ne posses unquam necari fame.

1 *Profecit loto* ex codice Florentino citat Beverlandus.

NOTÆ

1 *Profecit poto*] Plinius lib. XXV. etiam nomen ejus retinet. Illius cap. 2. 'Uni ei (Mithridati) exco- inventum autumant sanguinem anatum Ponticarum miscere antidotis, gitatum quotidie venenum bibere, quoniam veneno viverent.' De eo præsumtis remediis, ut consuetudine agit etiam Gellius lib. XVII. cap. 16. ipsa innoxium fieret. Primo inventa genera antidoti, ex quibus unum

LXXVII.

AD MARULLUM.

NARRATUR belle quidam dixisse, Marulle,
 Qui te ferre oleum dixit in auriculam.

O Marulle, quidam refertur lepide dixisse, qui dixit te instillare oleum in auriculam.

Ad Pedarifiæ inscribitur in codice Florentino.—2 *Qui te ferre olens* Beverlandi Ms. 'Lege *tolens* vel potius *toles*, quod nihil aliud est quam faucium inflammatio et tumor. Ut enim illi qui *toles* habent in faucibus, non possunt

NOTÆ

2 *Qui te ferre*] Assentatores enim, tur. Alii aliter explicant hoc adadum potentioribus blandiuntur, in gium, et legunt, *in auricula*, ut sit eorum anres oleum infundere viden- sensus: Marullum rigida et supina

loqui, ita nec audire qui eas habent *in auricula*. Itaque ait illum nolle audire, sed semper loqui.' *Beverland*. 'Ingeniosa satis hæc conjectura *Beverlandi*; sed vereor ne *toles* h. l. adversum sit metro.' *Wernsdorf*. Alii legunt, *auricula*.

NOTÆ

aure fnisse, id est, omnia aversantem et fastidientem aliorum dicta. Sic lib. vi. Epig. 42. 'Non attendis, et aure me supina Jamdudum quasi negligenter audis.' Metaphora ducta a gestu eorum, quibus aliquid in aurem infusum est; et, ne effluat, aurem supinant. Qui loqui non posset, apud antiquos dicebatur oleum ore gestare: ita qui nihil audit, videtur oleum ferre in auricula. Vel, Poëta irridet Marullum, ita caput incurvantem, ac si in ea oleum tulisset. Eligat lector.

LXXVIII.

AD TURANIUM.

SI tristi domicœnio laboras,
Turani, potes esurire mecum.
Non deerunt tibi, si soles προπίνειν,
Viles Cappadocæ, gravesque porri.
Divisis cybium latebit ovis: 5
Ponetur digitis tenendus unctis

O *Turani*, si habes domi cœnam tristem, licet tibi esurire mecum. Si soles propinare, viles Cappadocæ, et porri succo gravi non tibi deerunt. *Cybium* delitescet ovis sectis, cauliculus viridis qui modo allatus est ex horto frigido tractandus digitis

Ad Turanium inscriptio est in edd. vett.—3 *Non dederint si soles propinqui* *Beverlandi* Ms. si soles propinqui habet etiam codex *Heraldi*. *Non deerunt tibi sessiles propinquæ* legendum censet *Merula* ex vett. libris.—5 *Et divisis Sycibium* in cod. *Florent*. *Divisis cibium* *Ald. Junt. Colin. &c.*—6 *Ponetur digitis tenendus ustis* ed. antiq. *Ferrar. an. 1471. Ald. Junt. Colin. Gryph. Gruter. &c. unctis* debetur *Lipsio* *Epist. Quæst. 1. 5. Cf. Pers. Sat. vi. 70. Flor. II. Sat. 3. 125. et Juvenal. Sat. v. 87. Ant. de Rooy tentabat udis*, ab humore sc. qui succidis caulibus tenendo exprimitur. Quod epitheton et

NOTÆ

1 *Domicœnio*] Nova vox lepide ficta a domo et cœna. *Turanius* singularis fuit nostri Poëtæ amicus, de quo iterum epistola lib. ix.

2 *Esurire mecum*] Hoc est, contentus esse frugali mensa.

3 *Si soles προπίνειν*] Nimirum tibi non deerunt quæ bibendi desiderium excitent. *Merula* legit: *Non deerunt tibi sessiles propinquæ*: hoc est, sessiles lactucæ ex vicinis hortis, de

Delph. et Var. Clas.

quibus lib. III. Epig. 47. *Plinius* lib. XIX. cap. 7. facit mentionem Cappadocarum. 'Diligentiores,' inquit, 'plura genera [lactucarum] faciunt, purpureas, crispas, Cappadocas, Græcas.'

5 *Cybium*] Est piscis genus, ex quo cibus conficiebatur simul cum ovis modice sectis.

6 *Unctis*] Teste *Lipsio*, propter infusum caulibus oleum. Alii legunt

Martial.

2 D

Nigra cauliculus virens patella,
 Argentem modo qui reliquit hortum :
 Et pultem niveam premens botellus,
 Et pallens faba cum rubente lardo. 10
 Mensæ munera si voles secundæ,
 Marcentes tibi porrigentur uvæ,
 Et nomen pyra quæ ferunt Syrorum ;
 Et quas docta Neapolis creavit,
 Lento castaneæ vapore tostæ : 15
 Vinum tu facies bonum bibendo.
 Post hæc omnia forte si movebit
 Bacchus, quam solet, esuritionem,
 Succurrent tibi nobiles olivæ,
 Piceni modo quas tulere rami, 20
 Et fervens cicer, et tepens lupinus.
 Parva est cœnula, (quis potest negare?)

unctis apponetur in nigra patella, et botellus impositus candidæ puli, et pallida faba cum rubente larido. Si dona mensæ secundæ tibi placebunt, marcentes uvæ tibi apponentur, et pyra quæ denominantur a Syris, et castaneæ tostæ calore moderato, quas produxit erudita Neapolis: potando probabis vinum esse bonum. Post hæc omnia, si vinum excitabit solitam famem, præstantes olivæ tibi præsto erunt, quas modo produxerunt oleæ Picenæ, et fervens cicer apponetur, et tepens lupinus. Exigua est cœnula, (quis potest inficiari?) at nihil dissimulabis, nec audies quicquam

.....

summo jure Burmannus vindicavit Nasoni Art. Am. I. 662. ubi 'uncta' parum feliciter ex nonnullis codd. defendit Heinsius.—7 *Nigra coliculus* in edd. vet.—13 *Et nomen pyra* in iisdem.—15 Codex Bodleianus et Beverlandi Ms. *coctæ*.—18 Beverlandi Ms. *quam solet exhauritionem*.—25 *Nec crassum domini*

NOTÆ

ustis, propter antithesim argenti horti.

9 *Et pultem*] De pultribus scribit Apicius lib. v. cap. 1. Nivea dicitur, hoc est, ex farina tritici candida. Lib. II. cap. 5. Sic botellum describit Apicius: 'Botellum sic facies ex ovi vitellis coctis, nucleis pineis concisis, quibus cepam, et porrum concisum, thnsque crudum admiscebis, cum pipere modico, atque ita intestinum farcies, adjectoque liquamine, et vino decoquas.'

10 *Rubente lardo*] Rubens dicitur laridum vetus et fumosum.

12 *Marcentes uvæ*] Alii intelligunt maturas: alii, liquore perfusas.

16 *Vinum tu*] Hoc est, Si hilariter vinum meum biberis, qualecunque sit, ostendes tibi sapere.

17 *Si movebit*] Prava vina bibebant antiqui, ut vomitu purgarent stomachum, quo major deinde foret edendi et bibendi appetentia.

20 *Piceni modo*] De olivis Picenis dictum lib. I. Epig. 44.

Sed finges nihil, audiesve fictum,
 Et vultu placidus tuo recumbes;
 Nec crassum dominus leget volumen: 25
 Nec de Gadibus improbis puellæ
 Vibrabunt sine fine prurientes
 Lascivos docili tremore lumbos.
 Sed, quod non grave sit, nec inficetum,
 Parvi tibia condyli sonabit. 30
 Hæc est cænula. Claudiam sequeris:
 Quam nobis cupis esse te priorem.

excogitatum, et accubabis fronte tua serena, nec herus leget densum volumen, nec prurientes sine fine puellæ ex lascivis Gadibus agitabunt petulantes lumbos docili tremore: at tibia parvi condyli sonabit, quod nec molestum sit, nec illepidum. Hæc est cænula: sequeris Claudiam, quam tu optas adesse prius quam nos.

leges codex Florentinus.—29 Sed quod nec Beverlandi Ms.—30 In eodem, condylis.—31. 32 Claudiam sequeris Quam nobis cupis esse turpiorem in edd. antiq. cum Ald. Junt. Colin. Gryph. &c. Claudiam sequeris? Quam nullis cupis esse turpiorem legunt alii. Hæc est cænula: credo jam sequeris, Jam nobis cupis esse te priorem; vel, Claudiam sequeris Quæ nobis cupit esse te priorem legendum censet Heraldus. Claudiam si queris Beverlandi Ms. esse tu priorem codex Pulmanni.

NOTÆ

21 *Et fervens cicer*] Genus est pisi, vel ab igne cocti, vel natura fervidi. Lupinus *tepens* dicitur, quia aqua tepenti macerabatur: est vero genus leguminis.

22 *Parva est cænula*] Sed jucunda, qualis esse solet inter amicos, in qua, quicquid in buccam venerit, quisque garriet sine ullo delatorum timore.

24 *Vultu tuo*] Hoc est, non composito in alterius gratiam: nec tibi, inquit, ero molestus longi voluminis lectione.

26 *De Gadibus*] De quibus lib. I. Epig. 42. unde puellæ saltatriculæ levitate et lascivia famosæ Romam

ducebantur. Lib. II. Epig. 42.

30 *Tibia condyli*] Condylus tibicen fuisse videtur. Alii putant loqui Poëtam de tibia quæ parvum haberet foramen instar condyli, qui proprie nodus est in digitis incurvis extans. Prior sensus mihi videtur melior.

31 *Claudiam*] Hoc est, Aderit et Claudia a te amata, quam libenter sequeris, et omnium primam adesse cupis. Legunt alii: *Quæ nobis cupit esse te priorem*. Vulgata lectio: *Quam nobis cupis esse turpiorem*: ne illius amore capiamur, ut nempe solus ea potiaris.

LXXIX.

IN ZOILUM.

UNDECIES una surrexti, Zoile, cœna ;
 Et mutata tibi est synthesis undecies :
 Sudor inhæreret madida ne veste retentus,
 Et laxam tenuis læderet aura cutem.
 Quare ego non sudo, qui tecum, Zoile, cœno? 5
 Frigus enim magnum synthesis una facit.

O Zoile, surrexisti undecies una cœna, atque undecies mutavisti synthesim, ne sudor retentus remaneret in veste perfusa, et tenuis aura noceret remissæ cuti. Cur, Zoile, ego non sudo, qui cœno tecum? Una enim synthesis causa est magni frigoris.

1 *Undecies una surrexit* ed. antiq. Ferrar. Ald. Jun. Colin. &c. Lectio nostra debetur Turnebo lib. XXIII. cap. 18.— 2 *Et mutata tibi Synthesis* edd. vett.

NOTÆ

1 *Undecies*] Zoilum hunc, de quo 46.
 jam lib. II. Epig. 16. carpit, qui alia
 de causa synthesim non mutabat, 4 *Laxam cutem*] Propter sudorem.
 nisi ut suarum vestium copiam ostentaret. Synthesis vestis est qua domi
 utebantur Romani in cœna, et foris 6 *Frigus enim*] Solus sudas, alii
 Saturnalium tempore, lib. II. Epig. frigent, quippe unus multas habes
 syntheses, quas ostentare cupis. Lib.
 II. Epig. 16.

LXXX.

AD SEVERUM.

NON totam mihi, si vacabis, horam,
 Dones, et licet imputes, Severe,
 Dum nostras legis exigisque nugas.
 Durum est perdere ferias : rogamus,

O Severe, si otium erit, concedas mihi horam non totam ; et licet ascribas muneri : grave est amittere otia dum evolvis atque examinas nostras ineptias, oramus patiariis

1 Farnabius malit, *vacabit*. Cetera, non variant codd. aut libri impressi.

NOTÆ

2 *Et licet imputes*] Hoc est, Per me debitorem facias.
 licet ut me semihoræ mihi concessæ

Jacturam patiaris hanc, ferasque. 5
 Quod si legeris ipse cum deserto
 (Sed numquid sumus improbi?) Secundo,
 Plus multo tibi debiturus hic est,
 Quam debet domino suo libellus.
 Nam securus erit, nec inquieta 10
 Lassi marmora Sisyphi videbit;
 Quem censoria cum meo Severo
 Docti lima momorderit Secundi.

et feras hoc damnum. Quod si evolveris ista cum eloquenti Secundo (at numquid sumus impudens?) hic libellus tibi debiturus est multo plus quam suo auctori. Nam tutus erit, nec spectabit inquieta saxa defatigati Sisyphi, quem momorderit censoria lima eruditi Secundi simul cum meo Severo.

NOTÆ

7 *Sumus improbi*] Hoc est: Numquid sum impudens, qui te rogem ut meos libros legas, cum tu gravioribus negotiis operam des? Secundi jam meminit lib. i. Epig. 2.

10 *Nec inquieta*] Nota Sisyphi fabula, qui in Inferis ingens saxum sine ulla quiete movet. Sensus est: Meus

libellus non adibit Inferos. Dicebant veteres poëmata adire Inferos, et interire, cum non legerentur.

13 *Lima*] Egregia Metaphora. Lima habet suos dentes, unde dicitur mordere ferrum, cum illud polit. Sic eruditi viri emendendo versus impolitos mordent seu poliunt.

LXXXI.

AD ÆMILIANUM.

SEMPER eris pauper, si pauper es, Æmiliane.
 Dantur opes nulli nunc, nisi divitibus.

O Æmiliane, semper eris egenus, si egenus es: nunc nulli donantur divitiæ nisi locupletibus.



2 *Dantur opes nullis* Ald. Junt. Colin. Gryph. aliæ vett.

NOTÆ

1 *Semper eris*] Mores sui temporis carpit Poëta, quo soli divites rem faciebant. Idem queritur Juvenalis

Sat. III. cum de Codro paupere et Artorio divite agit.

LXXXII.

IN GAURUM.

QUID promittebas mihi millia, Gaure, ducenta :
 Si dare non poteras millia, Gaure, decem ?
 An potes, et non vis ? rogo, non est turpius istud ?
 I, tibi disperdas, Gaure: pusillus homo es.

O Gaure, cur mihi pollicebaris ducenta millia ; si nequibas, o Gaure, largiri decem millia ? An potes, et non placet ? Nonne illud, quæso, inhonestius est ? I, tibi dispereas, es homo sordidus.

3. 4 *Ante potes et non* Schrevel. ed. an. 1670. operarum lapsu. *An potes, et non vis, rogo ? Non est turpius istud Si tibi: Dispereas, Gaure, pusillus homo es* correxit Lipsius Epist. Quæst. 1. 5. quæ lectio non minus intricata est, iudicio Heraldî, qui proposuit: *An potes, et non vis ? Rogo non est turpius istud Sic tibi ? Dispeream, Gaure, &c.* Ant. de Rooy conj. *At potes, et non vis: rogo, &c.* ut sit Prolepsis. At dices fortasse, te posse quidem ; sed non velle. Cf. Cic. Fam. lib. VII. Epist. 23. *Si tibi desperas* cod. Pulmanni: *Si tibi etiam* in Beverlandi Ms. Lectio nostra debetur Scaligero. *homo est* Beverlandi Ms.

NOTÆ

2 *Si dare non poteras*] Vel fœnori, vel gratis.

3 *Rogo, non est*] Hoc est: Si potes dare, et non vis, cur mihi promittebas? Numquid hoc turpius est quam si mihi ab initio petenti denegasses?

4 *I, tibi disperdas* [*dispereas*] Hæc lectio mihi videtur perobscura: omnium optime, meo iudicio, legit Heraldus: *An potes, et non vis ? rogo non est turpius istud Sic tibi ? Dispeream, Gaure, pusillus homo es.*

LXXXIII.

AD DINDYUM.

INSEQUERIS, fugio ; fugis, insequor ; hæc mihi mens est:
 Velle tuum nolo, Dindyme, nolle volo.

Insequeris, fugio ; fugis, insequor : hæc est mea sententia : quod vis, mihi non placet : quod non vis, gratum est.

1 *Insequeris, fugio ; fugis, et sequor* in codice Thuaneo.

NOTÆ

1 *Insequeris, fugio*] Per se patet hoc Epigramma, quo lepide docet Poëta

Dindymi voluntatem a suo esse diversam.

LXXXIV.

A D G A L L A M.

JAM tristis nucibus puer relictis
 Clamoso revocatur a magistro :
 Et blando male proditus fritillo,
 Arcana modo raptus e popina,
 Ædilem rogat udus aleator. 5
 Saturnalia transiere tota,
 Nec munuscula parva, nec minora
 Misisti mihi, Galla, quæ solebas.
 Sane sic abeat meus December.
 Scis certe puto vestra jam venire 10

Jam puer mæstus abjectis nucibus revocatur a clamoso præceptore : et madidus aleator incommode proditus sono blandi fritilli modo abreptus ex secreta popina obtestatur Ædilem. Saturnalia omnino effluerunt, nec misisti ad me, o Galla, munuscula exigua, nec minora, quæ consueveras. Sic hercle effluat meus December.

3 *Et blando male perditus* in edd. vett. *Et blando male protinus* Beverlandi Ms.—7 ‘*Pro munuscula parva puto reponendum munuscula parca, quia minora sequitur, ne bis idem dicat.*’ Ita Heinsius ad Ovid. p. 354.—8 Beverlandi Ms. et cod. Pulman. *quam solebas*; et sic Heinsius infra.—9 ‘*Sane pro At ne nunc legitur: qui nævus totum ferme Epigrammati acumen interverterat. Restituamus lepidissimum Carmen, antequam manum de hac tabula tollimus, et Gallam Martialis Nasouianis Heroisin addamus: Saturnalia transiere tota; Nec munuscula parca, nec minora Misisti mihi, Galla, quam solebas. At, ne sic abeat meus December, Scis certe puto, vestra jam, &c.* Omnia jam optime se habent. Prioribus versibus tangit Gallæ avaritiam, quæ cum solens parva semper miserit munuscula, nunc mittat nulla. Perperam legebatur, *quæ solebas*. Deinde *Sane pro At ne* frigidissime profecto. Allusit ad formulam minantium, ‘*Non sic abibit.*’ Ne, inquit, impune feras indonata mihi hæc transiisse Saturnalia, at proximis

NOTÆ

1 *Nucibus relictis*] Nucibus ludere solebant pueri Romani Saturnalium tempore, mense scilicet Decembri, quo vacabant a studio. Quinque vero erant legitimi Saturnalium dies (lib. vii. Epig. 53. et lib. iv. Epig. 84.) quibus finitis ad studium revocabantur.

3 *Et blando*] Saturnalium tempore concessum erat juvenibus virisque alea ludere; at præteritis Saturnalibus si ludentesprehenderentur ab

Ædili, magistratu nempe cui id curæ erat, puniebantur. Fritillus, pyrgus seu turricula est, ex qua mittebantur tesserae in tabulam lusoriam.

6 *Saturnalia transiere*] Quibus nempe solebant amici ad sese invicem munera mittere.

9 *Meus December*] Quo mense Saturnalia virorum celebrabantur; Kalendis vero Martiis Saturnalia fœminarum. Suet. in Vespasiano: ‘Sicut Saturnalibus dabat viris apophoreta,

Saturnalia, Martias Kalendas.

Tunc reddam tibi, Galla, quod dedisti.

Tenes, opinor, Martias Kalendas vestra Saturnalia jam appropinquare. Tunc, o Galla, tibi restituum quod donasti.

Kalendis Martiis istam ego illiberalitatem tuam pari parsimonia probe ulciscar.' Ita scribit idem Heinsius ad Ovid. Heroid. Epist. XXI. 213. 'Sane eleganter concedenti inservit. Injurius certe in Martialem fuit Heinsius, qui hoc ei eripere sit conatus, proque eo reponere *At ne*. Vide Burm. ad Ovid. l. c. et Nostrum infra lib. vi. Epig. 32.' *Ant. de Rooy*.—10 *Scis certe, puto, nostra ex exempl. suo vet. probat Pulman. et sic Beverlandi Ms. De permutatione pronominum 'noster,' et 'vester,' vide nos ad Tibull. iv. 2. 24.*

NOTÆ

ita et Kalendis Martii fœminis.' matronæ: ut domini Saturnalibus.'
 Macrobius lib. i. cap. 12. 'Et servis Juvenalis Sat. ix. 53. 'Munera fœ-
 [mense Martio] cœnas apponebant mineis tractes secreta Kalendis.'

M. VAL. MARTIALIS
EPIGRAMMATUM

LIBER VI.

I.

AD JULIUM MARTIALEM.

SEXTUS mittitur hic tibi libellus,
In primis mihi care Martialis :
Quem si terseris aure diligenti,
Audebit minus anxius tremensque
Magnas Cæsaris in manus venire.

5

*O mihi dilectissime Martialis, mitto tibi hunc sextum librum: quem si emenda-
veris sedula censura, minus sollicitus et pavidus audebit venire in manus ingentes
Cæsaris.*

//////////

Lemma deest in edd. vett. 'Ego hoc Epigramma credo ad amicum scribi,
quamvis alii dicant ipsum se alloqui.' *Calderinus*.—5 Sunt qui legant, *Magni
Cæsaris*.

NOTÆ

1 *Sextus mittitur*] Huic Epigram-
mati deest titulus in antiquis codici-
bus, in novis vero reperitur, *Ad
Julium Martialem*, de quo jam lib. v.
Epig. 21. et lib. x. Epig. 47. et lib.
iv. Epig. 64.

3 *Si terseris*] Alludit ad spongiam
de qua lib. iv. Epig. 10. Hoc est, si

acri iudicio, quæ sunt delenda, accu-
rate deleveris, et emendaveris. *Aure
diligenti* dixit, quod snperbissimum
sit aurium iudicium.

5 *Magnas*] Sic jam de Domitiano
locutus est lib. iv. Epig. 8. 'Ingen-
tique tenet pocula parca manu.' Le-
gant alii, *Magni*.

II.

ADULATORIUM.

LUSUS erat sacræ connubia fallere tædæ :

Lusus et immeritos exsecuisse mares.

Utraque tu prohibes, Cæsar, populisque futuris

Succurris, nasci quos sine fraude jubes.

Nec spado jam, nec mœchus erit, te præside, quisquam. 5

At prius (o mores) et spado mœchus erat.

Jocus erat decipere conjugia sacri matrimonii, et jocus erat castrare mares sine causa. O Cæsar, tu vetas utraque, et subvenis populis venturis, quos imperas gigni sine dolo. Nec jam ullus spado erit, nec adulter, te Imperatore, sed prius, o mores, etiam spado erat adulter.

Ad Cæsarem inscribitur in codice Pulmanni. Vide Dionem Nicænum in Domit.—1 Ludus erat legit Calderinus. Lusus erat seræ codex Florentinus.—2 Lusus et innumeros in eodem codice.—4 Beverlandi Ms. quod sine fraude jubes.

NOTÆ

1 *Lusus erat*] Hoc est, antea lusus erat adulteria committere, et mares castrare, quod utrumque fieri prohibuit Domitianus, teste etiam Suetonio in Domitiano cap. 7.

4 *Sine fraude*] Id est, legitime, non ex adulterio.

6 *Et spado*] Qui ducebat uxorem non sibi, sed aliis, unde ipse erat

adulter suæ uxoris. Juvenalis Sat. i. 'Cum tener uxorem ducat spado,' &c. Vel potius intellige etiam spadones mulieribus, quæ parere nollent, gratos fuisse, infra Epig. 67. Juven. Sat. vi. 367. 'Sunt, quas ennucci imbelles, et mollia semper Oscula delectent.'

III.

DE FILIO DOMITIANI.

NASCERE, Dardanio promissum nomen Iulo,

Vera Deum soboles: nascere, magne puer.

O nomen promissum Dardanio Iulo, orire, o vera progenies Numinum; o magne

Ad Cæsarem est lemma in codice Pulmanni.—6 Et toto Phryxi Beverlandi

NOTÆ

1 *Nascere, Dardanio*] Iulo nempe filio Æneæ promiserant fata aliquando nasciturum hunc pnerum.

2 *Vera Deum*] Domitianus enim ejus pater Dominus et Deus appella-

batur. Lib. v. Epig. 8.

Magne puer] Ex Domitia uxore, cujus mentionem facit Suetonius in Domit. cap. 3. non ex Julia Titi ejus fratris filia, cujus amore misere peri-

Cui pater æternas post sæcula tradat habenas :

Quique regas orbem cum seniore senex.

Ipsa tibi niveo trahet aurea pollice fila,

5

Et totam Phryxi Julia nebit ovem.

puer, orire. Cui immortales habenas committat genitor post sæcula: et qui senex gubernes mundum cum seniore patre. Julia ipsa candido pollice ducet pro te aurea fila, et nebit totam ovem Phryxi.

~~~~~

Ms. *Et totam Phryxi Julia nubit ovem* codex Florentinus.

#### NOTÆ

bat Domitianus, quam conceptum abigere coëgit, teste eodem Suetonio cap. 22. in Domit. ‘ut etiam causa mortis illius extiterit.’

3 *Habenas*] Hoc est, imperium administrandum, postquam Domitianus diu illud rexerit.

5 *Ipsa tibi*] Julia a Domitiano patruo adamata, te filium ejus amabit, et Parcarum partibus fungetur, tibi-que ducet fila aurea, quæ summam felicitatem portendunt.

6 *Et totam ovem*] Hoc est, tibi nebit totum vellus aureum, quale erat arietis illius, quo vectus mare trajecerat Phryxus. Ex Hetruscorum autem doctrina aries aureo vellere ornatus Imperatori omnium rerum copiam portendebat. Sic Virgilius, Augustum felicem fore conjiciens, ait Ecl. iv. ‘Ipse sed in pratis aries jam suave rubenti Murice, jam croceo mutabit vellera luto.’

### IV.

#### ADULATORIUM.

CENSOR maxime, principumque princeps,

Cum tot jam tibi debeat triumphos,

*O censor maxime, et princeps principum, cum Roma jam tibi debeat tot trium-*

~~~~~

Adulatorium lemma est in omnibus edd. *Ad Cæsarem* in codd. Vatt. Florent. Bodl. et Beverlandi Ms. ‘Sic (sc. *Adulatorium*) lib. x. Epig. 72. et lib. xii. Epig. 15. Non videtur lemma ab ipso Martiale Epigrammati suo inscriptum.’ *Beverland.*

NOTÆ

1 *Censor maxime*] Vide Suetonium in Domitiano cap. 8. Domitianus revocavit legem Juliam de adulteriis puniendis, mares castrari vetuit, Vestalium impudicitiam severe coërcuit; Corneliam enim virginem maximam, absolutam olim, dehinc convictam

defodi imperavit; unde merito maximus censor dicitur.

Principumque princeps] Romanorum enim Imperatori exterarum gentium reges tributa solvebant.

2 *Tot triumphos*] De Dacis, Cattis, et Sarmatis, de quibus supra.

Tot nascentia templa, tot renata,
 Tot spectacula, tot Deos, tot urbes :
 Plus debet tibi Roma, quod pudica est. 5

phos, tot templa nova, tot restituta, tot spectacula, tot Numina, tot civitates: tibi debet plus, quod casta est.

NOTÆ

- 3 *Nascentia templa*] Lege Suetonium in Domit. cap. 5. voluit.
 4 *Tot spectacula*] Suetonius cap. 4. *Tot urbes*] Populorum quos vicit.
 Lib. v. Epig. 19. 5 *Plus debet*] Revocatis legibus
Tot Deos] Ipsum Domitianum intellige, patrem ejus, et fratrem Titum, quos in Deorum numerum referri quæ impudicitiam coërcerent, plus meritus es de urbe Roma. Suet. in Domit. cap. 7. et 8. illas leges recenset. Vide Epig. 2. supra.

V.

AD CÆCILIANUM.

RUSTICA mercatus multis sum prædia nummis :
 Mutua des centum, Cæciliane, rogo.
 Nil mihi respondes? tacitum te dicere, credo,
 Non reddes : ideo, Cæciliane, rogo.

Multis nummis emi possessiones rusticas: o Cæciliane, oro mihi des centum mutuo. Nullum mihi das responsum, puto te tacitum dicere: Non reddes: idcirco, o Cæciliane, oro.



1 *Rustica mercatus nummis sum prædia multis* Ald. Junt. Colin. Gryph. Pulman. Junian. Lang. &c. Nostrum ordinem servant Gruter. Scriv. Farnab. Schrevel. Barbou, &c.—3 *Nil mihi respondes, tacito te, &c.* Beverlandi Ms. *Nil mihi respondes, tacitum, &c.* sine interrogatione in edd. vett.

NOTÆ

- 2 *Des centum*] Millia scil. sestertium. turnus, non rogarem, quia non gratis dares, sed poscerem, nec precibus
 4 *Ideo rogo*] Si enim essem redditerer. uterer.

VI.

AD LUPERCUM.

COMÆDI tres sunt: sed amat tua Paulla, Luperce,
 Quatuor; et κωφὸν Paulla πρόσωπον amat.

Tres sunt comædi: at tua Paulla, o Luperce, amat quatuor: et Paulla ardet personam mutam.



1 Codex Pulmanni: *sed amat tua Paula Lupercos.*

NOTÆ

1 *Sed amat tua*] Paullam irridens, eam excusat quod amaret quatuor comædos, nec eam facere præter legem Dramatis ostendit: licet enim in Scena tres tantum colloqui inter se conveniat: Horat. 'Nec quarta loqui persona laboret:' tamen quarta persona potest induci, quæ vel muta sit, vel parce loquatur. Tacite intelligit Poëta, omnes comædos quotquot sint a Paulla amari.

VII.

DE THELESINA.

JULIA lex populis ex quo, Faustine, renata est;

Atque intrare domos jussa Pudicitia est:

Aut minus, aut certe non plus tricesima lux est:

Et nubit decimo jam Thelesina viro.

Quæ nubit toties, non nubit: adultera lege est.

5

Offendor mæcha simpliciore minus.

O Faustine, ex quo lex Julia revocata est in gratiam populorum, et Castitas jussa est ingredi domos, sunt triginta dies aut minus, aut sane non plus, et Thelesina jam nubit decimo viro. Quæ nubit toties, non nubit: mæcha est lege. Adultera publica minus mihi displicet.



Codd. Thuan. et Florent. inscriptionem ita habent: *De Thelesilla*.—1 Codices Pulmanni, ut et Florent. et Vat. exhibent: *ex quo Faustine relata est*. Ita etiam codd. Heinsii, qui vulgatam damnat in Notis ad Ovid. Fast. II. 532. quem vide ibidem.—2 In edd. vett. *est* in fine versus deest.—4 *Et nubet* codex Pulmanni.

NOTÆ

1 *Julia lex*] De qua Epig. 2. et 4. Sic erat adultera legitima, ut dixit supra. lib. v. Epig. 76. et Epig. 22. infra.

5 *Adultera lege est*] Thelesina enim, ne adulterii accusaretur, a marito repudiata nubebat mæcho, atque conjugii nomine prætexebat adulterium. 6 *Mæcha simpliciore*] Illa quippe nullam fraudem facit legi, nec adulterat nuptias quas non contrahit.

VIII.

AD SEVERUM.

PRÆTORES duo, quatuor Tribuni,

Septem Causidici, decem Poëtæ,

Duo Prætores, quatuor Tribuni, septem Causidici, decem Poëtæ, paulo ante roga-

NOTÆ

1 *Prætores duo*] Per se patet hoc pluris fieri: quod jam dixit lib. v. Epigramma, bonas nempe artes continentium, Præcones vero et Citharædos Epig. 57.

Cujusdam modo nuptias petebant
 A quodam sene : non moratus ille
 Præconi dedit Eulogo puellam.
 Dignum quid fatuo, Severe, fecit ?

5

bant quendam senem conjugium cujusdam puellæ : ille sine mora tradidit virginem Præconi Eulogo. O Severe, quid egit dignum stulto ?

1 *Præcones duo* Juntina nostra in margine.—6 *Dic numquid ibidem. Dic numquid fatue* codex Thuaneus.

NOTÆ

6 *Dignum quid fatuo*] Immo sapienter fecit ; nam tunc Præconis ars erat pecuniosa, aliæ autem honestiores artes spernebantur. Legunt alii : *Dic numquid fatue, Severe, fecit ?*

IX.

AD LÆVINUM.

IN Pompeiano dormis, Lævine, teatro :
 Et quereris, si te suscitât Oceanus ?

O Lævine, dormis in teatro Pompeii : attamen quereris, si Oceanus te suscitât ?

In hoc Epigrammate exhibendo nullo modo variant aut scripti aut excusi.

NOTÆ

2 *Si te suscitât*] Dormire se simulabat Lævinus, ne ex quatuordecim subselliis ejiceretur, cum censum equestrem non haberet. Illum irridet Poëta, et Indit in ambiguitate hujus verbi *suscitât*, id est, removel: alias potest significare, a somno excitat. Oceanus vero erat designator, cui curæ erat unicuique locum suum assignare, de quo diximus lib. III. Epig. 94.

X.

PETIT LATENTER A DOMITIANO PECUNIAM.

PAUCA Jovem nuper cum millia forte rogarem :
 Ille dabit, dixit, qui mihi templa dedit.

Cum nuper forte peterem a Jove pauca millia, Ille donabit, inquit, qui mihi dona-

NOTÆ

1 *Pauca millia*] Sestertium nempe. Non latenter, immo aperte a Domitiano pecuniam petit Poëta. cuius honorem Capitolium incendio absumptum restituit Domitianus. Suetonius in Domitiano cap. 5.

2 *Qui mihi*] Respondet Jupiter, in

Templâ quidem dedit ille Jovi: sed millia nobis
 Nulla dedit: pudeat pauca rogasse Jovem.
 At quam non tetricus, quam nulla nubilus ira, 5
 Quam placido nostras legerat ore preces!
 Talis supplicibus tribuit diademata Dacis:
 Et Capitolinas itque reditque vias.
 Dic, precor, o nostri dic conscia virgo Tonantis:
 Si negat hoc vultu, quo solet ergo dare? 10
 Sic ego: sic breviter posita mihi Gorgone Pallas:
 Quæ nondum data sunt, stulte, negata putas?

vit ædem. Ille quidem donavit ædem Jovi, sed nulla millia largitus est nobis: pudeat petiisse a Jove pauca. Sed quam non acerbus, quam nulla iracundia nubilus legerat nostras rogationes! Tuli fronte concedit Dacis abjectis coronam; et petit Capitolium, et redit. Dic, rogo, o virgo conscia nostri Tonantis, si recusat hæc fronte, qua igitur solet donare? Sic ego quærebam: sic paucis Pallas respondit deposita Gorgone: Quæ nondum donata sunt, o fatue, credisne recusata?



4 Codex Pulmanni: *pudet heu, pauca.* Beverlandi Ms. *pudet ah, pauca.*—
 9 *Dic precor, o nostro dic conscia virgo Tonanti* malit Ant. de Rooy. Nescio quam majorem elegantiam hoc loco Dativus habet. Vide Oudendorp. ad Lucan. i. 20. et præcipue, quem ibi laudat, Heins. ad Ovid. Met. vi. 588.—
 11 *Sic ego: si breviter* Junt. an. 1512. *Sic ego: sic breviter posita modo* Beverlandi Ms.

NOTÆ

4 *Pudeat*] Alii *pudet heu.* A magnis viris magna petere decet; et forte, ut intelligere videtur, nihil dedit Jupiter, seu potius Cæsar, quod nihil dignum ipso petierat Martialis.

7 *Diademata*] Hoc est, Dacis victis concessit uti suis legibus. Lib. v. Epig. 3.

8 *Et Capitolinas*] Et talis triumphans in Capitolium ascendit.

9 *Conscia virgo*] Minerva familiare erat numen Domitiani. Vide lib. iv. Epig. 1. Palladem astute interrogat Poëta, quod ipsum Domitianum in-

decenter interrogaret.

Nostrî Tonantis] Domitiani.

11 *Posita Gorgone*] Hoc est, posito clypeo, in cujus medio depictum erat caput Medusæ dirum ac terribile, quod qui intuerentur, statim in lapides commutabantur. Forte alludit Poëta ad simulacrum Palladis in Capitolio positum sine Ægide: quod factum erat in gratiam Domitiani, cujus statua Ægidem gestabat. Lib. xiv. Epig. 179.

12 *Negata putas*] Quasi dicat: Jamjam dabit.

XI.

IN MARCUM.

QUOD non sit Pylades hoc tempore, non sit Orestes,
 Miraris? Pylades, Marce, bibebat idem.

An mirum tibi videtur quod hoc ævo non existat Pylades nec Orestes? O Marce,

Nec melior panis turdusve dabatur Oresti :

Sed par atque eadem cœna duobus erat.

Tu Lucrina voras : me pascit aquosa Peloris :

5

Non minus ingenua est et mihi, Marce, gula.

Te Cadmea Tyros, me pinguis Gallia vestit :

Vis te purpureum, Marce, sagatus amem ?

Ut præstem Pyladen, aliquis mihi præstet Orestem.

Hoc non fit verbis, Marce : ut ameris, ama.

10

Pylades potabat idem. Nec melior panis aut turdus apponebatur Oresti : at ambo habebant æqualem cœnam atque eandem. Tu voras ostrea Lucrina : me vero alit aquosa Peloris : o Marce, non habeo gulam minus delicatam. Cadmea Tyros te vestit, me Gallia pinguis : o Marce, placetne ut ego sagatus diligam te purpureum ? Aliquis mihi præbeat Orestem, ut præbeam Pyladem. Hoc non fit verbis : o Marce, dilige ut diligaris.

3 *Nec melior rhombus* ex codd. reposuit Scriverius : alii habent, *Nec melior parvus*. Heinsius ad Ovid. Heroid. Epist. VIII. 9. ex duobus veterrimis codd. legit : *Nec melior rhombus, turdusve dabatur Orestæ* : sed omnes impressi habent, *Oresti*.

NOTÆ

1 *Quod non sit*] Causam affert Pœta, cur nulla esset vera amicitia ; quod nempe inter eos qui amici esse cuperent, nulla esset rerum communio. Vide lib. II. Epig. 43. et lib. III. Epig. 59. Pylades vero et Orestes inter se fuerunt conjunctissimi, quorum satis nota est historia. Vide etiam Epig. 11.

5 *Tu Lucrina*] Lacus Lucrini ostrea optimi sunt saporis. Lib. III. Epig. 59.

Aquosa Peloris] Ostrei genus est Pe-

loris, quam aquosam dicit, hoc est, flaccidam ; nempe sine callo, ut ait Raderus, quo multum commendantur ostrea.

7 *Cadmea Tyros*] Hoc est, Te vestit purpura ex Tyro, me vero tegit sagum Gallicum rude et crassi filii. Lib. IV. Epig. 19.

10 *Non fit verbis*] Sed re. Seneca Epist. 9. ‘ Ego tibi monstrabo amatorium sine medicamento, sine herba, sine ullius veneficæ carmine. Si vis amari, ama.’

XII.

DE FABULLA.

JURAT capillos esse, quos emit, suos

Fabulla : numquid, Paulle, pejerat ? nego.

Fabulla jurat suos esse crines, quos mercata est. O Paulle, numquid illa pejerat ?

2 Ed. antiq. Ferrar. an. 1471. Ald. Junt. Colin. Gryph. &c. *Fabulla : num-*

NOTÆ

1 *Jurat*] Ludit in hac voce suos. Meum enim est quod mihi natura tri-

buit, vel quod ab alio emi. Lib. II. Epig. 20. ‘ Nam quod emas, possis

quid, Paule, pejerat? In aliis: *Fabulla: numquid ipsa, Paule, pejerat?* vel, *Fabulle: numquid illa, Paule, pejerat?* Versum, ut exhibent edd. vett. claudicare jam viderant Gruterus et Sriverius; quorum hic tanquam spurium damnabat hoc Epigramma. Supplebat tamen *nego* e duobus codd. 'Nec incommode legeres: *Fabulla: numquid, Paule, pejerat? rogo.* Quod verbum in istiusmodi interrogatione frequenter addit Valerius: ut cuius hæc Epigrammata volenti centies occurret.' *Ant. de Rooy.*

NOTÆ

dicere jure tuum.' Unde *Fabulla* nec licet crines non nativos suos esse di-
jusjurandum, nec fidem negligebat, ceret.

XIII.

DE STATUA JULIÆ.

QUIS te Phidiaco formatam, Julia, cœlo;
Vel quis Palladiæ non putet artis opus?
Candida non tacita respondet imagine Lygdos,
Et placido fulget vivus in ore liquor.
Ludit Acidalio, sed non manus aspera, nodo, 5
Quem rapuit collo, parve Cupido, tuo.

O Julia, quis non credat te effictam cœlo Phidiæ, aut opus artis Palladiæ? Candida Lygdos simulacro non silente respondet, et naturalis pulchritudo micat in ore sereno. Manus at tenera ludit balteo Veneris, quem eripuit ex tuo collo, o parve

Ad Juliam lemma est in codice Pulmanni.—1 Quis te Phidiaco formavit in codice Florentino.—2 Codex Pulmanni: non putat artis opus.—3 Candida non tacta in codd. Florent. Vat. et Pulman.—4 Ferrar. Ald. Junt. Colin. Gryph. aliæ: vivus in ore decor. Codd. Pulman. Vat. aliique: vivus in ore liquor: splendor scilicet resultans ex statua Juliæ, et fulgor defluus oculos præstringens. Turneb. lib. xxiii. cap. 28.—5 Ludit Acidalio Junt. an. 1512.—6 Ut Martis

NOTÆ

1 Quis te Phidiaco] Amore Juliæ, ut vidimus jam Epig. 3. supra, ardebat Domitianus, cui statuam miro artificio elaboratam erigi curavit. De Phidia sculptore nobilissimo dictum lib. iii. Epig. 35.

2 Palladiæ artis] Præstantiora opera Palladi, ut artium inventrici, tribuuntur.

3 Candida Lygdos] Hoc est, marmor candidissimum Lygdinum dictum, in monte Tauro repertum, Epig. 42. infra, quod formam Juliæ sic re-
Delph. et Var. Clas.

præsentabat, ut loqui videretur.

4 In ore liquor [decor] Turnebus lib. xxiii. cap. 28. legit, in ore liquor, pro mollitudine quadam et teneritate. Gronovius vero sic explicat: vivus liquor est succus ille, et sanguis faciei, qui splendet e viventi, viva, veraque facie: ille fulget in hac statua: loqui putes, et vivo succo os accendi.

5 Ludit Acidalio nodo] Hoc est, blanda manu Julia gerit ceston Veneris, quæ dicta est Acidalia ab Acidalio fonte in Bœotia, in quo lavare

Martial.

2 E

Ut Martis revocetur amor summique Tonantis,
A te Juno petat ceston et ipsa Venus.

Cupido. Juno et ipsa Venus a te petat balteum, ut revocetur amor Martis et supremi Jovis.

renovetur codex Florentinus; non inepte, judicio Farnabii.

NOTÆ

Gratiæ dicebantur: in eo autem cingulo omnes Gratiæ et Veneres inerrant, quo qui percutiuntur, percutientis amore accenduntur.

8 *Juno petat*] Hoc est, Si Juno Jo-

vem sibi conciliare velit, et Venus Martem, utantur balteo quo Domitianum percussit Julia. His verbis indicat Poëta Juliam esse pulchriorem Junone, et ipsa Venere.

XIV.

IN LABERIUM.

VERSUS scribere posse te disertos
Affirmas, Laberi: quid ergo non vis?
Versus scribere qui potest disertos,
Non scribat, Laberi; virum putabo.

O Laberi, asseveras te posse componere docta carmina: cur igitur non placet? qui potest condere docta carmina, o Laberi, non condat, existimabo eum virum.

Nihil in hoc Epigrammate variant libri calamo exarati aut typis impressi.

NOTÆ

1 *Versus scribere*] Fictum est nomen hujus Laberii: alterius vero minorum scriptoris meminit Macrobius Saturn. lib. II. cap. 7. Suetonius in Julio cap. 39.

4 *Virum putabo*] Hoc est, fortissimi esse quæmi eum putabo, qui famam

nominis sui contemnat, et qui versus disertos cum possit scribere, se tamen a scribendo cohibeat. Sic Laberium carpit, qui sane a scribendo non se abstinisset, si versus facere disertos valuisset, ut ipse jactabat.

XV.

DE FORMICA SUCCINO INCLUSA.

DUM Phaëthontea formica vagatur in umbra,
Implicuit tenuem succina gutta feram.

Dum formica errat in umbra populea, gutta electri intricavit exilem feram: sic

NOTÆ

1 *Dum Phaëthontea*] Dum formica reperet sub frondibus populorum, in

quas conversæ fuerunt sorores Phaëthontis, in liquorem succini e populo

Sic modo quæ fuerat vita contemta manente,
Funeribus facta est nunc pretiosa suis.

quæ paulo ante nullius erat pretii dum viveret, nunc evasit pretiosa sua morte.

De Formica electro inclusa lemma est in edd. vett.—4 Beverlandi Ms. nec pretiosa suis.

NOTÆ

fluentis lapsa est, quo implicita lucebat nobilem sortita tumulum. Idem argumentum est de ape Epig. 32. et de vipera lib. iv. Epig. 59.

XVI.

AD PRIAPUM.

Tu qui pene viros terres, et falce cinædos,
Jugera sepositi pauca tuere loci.
Sic tua non intrent vetuli pomaria fures;
Sed puer, aut longis pulchra puella comis.

1 Tu qui falce viros terres, et pene cinædos legendum censet Gronovius. Tu qui pene viros terres et falce in edd. vett. Tu qui pene codex Pulmanni.—3 Gruterus legendum censet e codd. Sic tua, &c. vulgo legitur, Sed tua.—4 Sed puer, et longis codex Pulmanni.

NOTÆ

1 Viros terres, &c.] Forte, nec falcem quam manu geris, timentes; sed te custodem ἀνδροσάθη aversatos. Lib. i. Epig. 36. vers. 15. Cinædos] Molles, sed falcem tuam veritos. Gronovius hic legendum censet: Tu qui falce viros terres, et pene cinædos.

2 Jugera sepositi, &c.] Hortum. Lib. iii. Epig. 58. vers. 47.

3 Sic [Sed] tua] Gruterus legendum censet e Mss. Sic sua, &c.

4 Puer, puella comis] Qui talione luant pœnas, si intrarint hortum.

XVII.

IN CINNAMUM.

CINNAM, Cinnamon, te jubes vocari.
Non est hic, rogo, Cinna, barbarismus?

O Cinnamon, vis appellari Cinna. Quæso, o Cinna, nonne est hic barbarismus?

NOTÆ

1 Cinnamon] Exemplo Furii et Furis allato Poëta irridet hunc Cinnamon, qui detracta ultima sui nominis syllaba Cinnam vocari se jubebat, ut nempe ab antiqua Cinnarum stirpe genus suum repeteret.

2 Barbarismus] Est cum verbum aliquod vitiose profertur. Cinnamon tonsor fuit, de quo lib. vii. Epig. 63.

Tu si Furius ante dictus esses,
Fur ista ratione dicereris.

Si prius tu vocatus fuisses Furius, hac ratione vocareris Fur.

3 Tu si Furius arte dictus esses in codice Pulmanni.

XVIII.

EPITAPHIUM SALONINI, AD PRISCUM.

SANCTA Salonini terris requiescit Iberis,
Qua melior Stygias non videt umbra domos.
Sed lugere nefas; nam qui te, Prisce, reliquit,
Vivit, qua voluit vivere parte magis.

Sancta umbra Salonini requiescit in terris Iberis, qua probior non spectat sedes Tartareas. At non licet mœrere; nam, o Prisce, qui te reliquit, vivit ea parte qua magis cupiit vivere.

Ad Priscum de Salonino inscriptio est in edd. vett.

NOTÆ

1 *Sancta Salonini*] Manes a veteribus sancti proprie dicti sunt. Vide Macrobius Saturn. lib. III. cap. 3. Iberus, *Ebro*, fluvius Hispaniæ Tarracon.

3 *Sed lugere nefas*] Nam Saloninus

mortuus in te, o Prisce, qui alter es Saloninus, vivit, et præterea vivit fama et gloria recte factorum. Sic Horatius III. Od. 30. 'Non omnis moriar: multa que pars mei Vitabit Libitinam.'

XIX.

IN POSTHUMUM CAUSIDICUM.

NON de vi, neque cæde, nec veneno,
Sed lis est mihi de tribus capellis.
Vicini queror has abesse furto.
Hoc iudex sibi postulat probari:

Habeo controversiam non de vi, nec occisione, nec veneno, at de tribus capellis. Expostulo has deesse furto propinqui: iudex petit probationem hujus furti. Tu magis

In Posthumum lemma est in Ald. Junt. Colin. Gryph. &c.

NOTÆ

2 *De tribus capellis*] Fac verba de re cujus controversia movetur, nec figurarum tumore et vana rerum alie-

narum a nostra causa commemoratione iudices obtundas.

Tu Cannas, Mithridaticumque bellum, 5
 Et perjuria Punici furoris,
 Et Syllas, Mariosque, Muciosque
 Magna voce sonas, manuque tota.
 Jam dic, Posthume, de tribus capellis.

na voce, et tota manu clamas Cannas, bellum Mithridaticum, et perjuria furoris Punici, et Syllas, et Marios, et Mucios. Jam, o Posthume, fac verba de tribus capellis.

NOTÆ

5 *Cannas*] Ignobilis est Apuliæ vicus, ad quem funditus ab Hannibale cæsi sunt Romani: quam cladem fuse describit Livius.

Mithridaticum] Gestum a Lucullo, Sulla, alii Sylla, et Pompeio contra Mithridatem.

6 *Et perjuria*] Silius Italicus de Bello Punico lib. 1. sic canit: 'ter Marte sinistro Juratumque Jovi fœdus conventaque patrum Sidonii fregere duces,' &c. Omnibus vero notum

civile bellum inter Syllam et Marium.

7 *Mucios*] Porsenæ bellum intelligit, in quo Mucius Scævola manu in ignem immissa immortalē gloriam consecutus est. Lib. 1. Epig. 22.

8 *Manuque tota*] Hoc est, omni conatu, totis viribus gestum agens.

9 *Jam dic*] Invehitur in Causidicos, qui otiosorum controversias Rhetorum a foro alienas proponebant, nec ad rem quicquam dicebant.

XX.

IN PHŒBUM.

MUTUA te centum sestertia, Phœbe, rogavi:
 Cum mihi dixisses, exigis ergo nihil?
 Inquiris, dubitas, cunctaris, meque diebus
 Teque decem crucias: jam rogo, Phœbe, nega.

O Phœbe, a te petivi centum sestertia mutuo, posteaquam mihi dixeras, igitur nihil postulus? inquiris, hæres, differs, et decem diebus afflitas te et me: o Phœbe, jam oro, recusa.



3 *Anquiris* in quibusdam. Cetera nulla est lectionis varietas in libris manuscriptis aut prelo typographico excusis.

NOTÆ

2 *Exigis ergo nihil*] His verbis sæpius Martialem hortatus fuerat Phœbus, ut ab eo aliquid peteret: jam vero cum ille petiisset centum sestertia, et quidem mutuo, Phœbus non

ausus aperte negare longa mora se et Poëtam cruciabat: itaque illum rogat Martialis, ut tandem neget, cum nihil gravius sit quam diu pendere. Epig. 42. infra.

XXI.

DE STELLA ET IANTHIDE.

PERPETUAM Stellæ dum jungit Ianthida vati
 Læta Venus, dixit, Plus dare non potui.
 Hæc coram domina : sed nequius illud in aurem,
 Tu ne quid pecces exitiose, vide.
 Sæpe ego lascivum Martem furibunda cecidi, 5
 Legitimos esset cum vagus ante toros.
 Sed postquam meus est, nulla me pellice læsit :
 Tam frugi Juno vellet habere Jovem.
 Dixit, et arcano percussit pectora loro.
 Plaga juvat : sed tu jam, Dea, cæde duos. 10

Dum Venus hilaris copulat Ianthida in perpetuum cum poëta Stella, dixit : Nequivi plus donare. Hæc præsentem domina : at garriit in aurem illud improbius : Tu cave, o improbe, ne quid pecces. Ego furens crebro percussi lascivum Martem, cum vagaretur ante legitimum connubium. At ex quo meus est, non me offendit ulla concubina ; Juno optaret habere Jovem ita temperantem. Locuta est, et secreto balteo læsit cor. Vulnus placet : at tu, o Diva, jam percute duos.

De Hiantide et Stella est lemma in Ald. Junt. Colin. Gryph. Pulman. Junian. &c. De conjunctione Stillæ et Hiantidæ in cod. Thuaneo.—1 Athlantida codd. Vat. et Florent.—3 In iisdem codd. sed nequius illud in aure.—4 Bernmanni Ms. exitiosa.—6 Legitimos isset in quibusdam.—8 Codex Florentinus : vellet habere virum.—10 Codex Pulmanni : jam, Dea, parce Deæ. Codd. Florent. et Vat. cum duobus aliis : jam, Dea, parce Deo : i. e. desine male loqui de Jove.

NOTÆ

1 *Perpetuam Stellæ*] De Stella lib. 1. Epig. 8. qui Violantillam, cujus amore jam diu deperibat, duxit uxorem. Violantilla autem Græce dicitur Ianthis ab ἰον, *viola*, et ἄνθος, *flos*.

3 *Coram domina*] Violantilla.

4 *Ne quid pecces*] Amori Stellæ insultat Venus illum monens, ne Violantillæ anteponat aliam puellam.

5 *Cecidi*] Cesto, de quo supra Epig. 13. ut scilicet mihi Martem conciliarem.

6 *Esset vagus*] Alii, *isset vagus*, hoc

est, cum antequam ipsi nuberem, mæcharetur. Legitimum Veneris maritum fuisse Martem vix reperias ; sed idem hic de Venere dici posse existimo, quod de Didone Virgil. *Æn.* iv. 171. ‘Nec jam furtivum Dido meditatatur amorem, Conjugium vocat, hoc prætexit nomine culpam.’

9 *Arcano loro*] Hoc est, cesto, cujus erat arcana virtus. Epig. 13. supra.

10 *Plaga juvat*] Placet Stellæ.

Cæde duos] Ut mutuo amore ardeat Violantilla.

XXII.

IN PROCULINAM.

QUOD nubis, Proculina, concubino,
 Et mœchum modo, nunc facis maritum ;
 Ne lex Julia te notare possit :
 Non nubis, Proculina, sed fateris.

O Proculina, quod nubis mœcho, et nunc facis maritum paulo ante adulterum : ne lex Julia queat te punire : O Proculina, non nubis, at confiteris.

Hic nullam lectionis varietatem produnt exemplaria aut excusa aut calamo exarata.

NOTÆ

3 *Ne lex Julia*] Quæ vetabat adul- 4 *Sed fateris*] Te cum illo mœcha-
 teria. Epig. 7. supra, et lib. i. Epig. tam fuisse.
 75.

XXIII.

IN LESBIAM.

STARE jubes nostrum semper tibi, Lesbia, penem :
 Crede mihi, non est mentula, quod digitus.
 Tu licet et manibus, blandis et vocibus instes :
 Contra te facies imperiosa tua est.

3 *Tu licet et manibus blandis, &c.* interpungitur in edd. vett. ut *blandis et manibus* conjungantur.

NOTÆ

4 *Contra te facies*] Tanta erat Juven. Sat. vi. 195. ubi eadem est
 Lesbiæ deformitas, ut vocibus blan- sententia.
 dis excitare Poëtam nequiret. Vide

XXIV.

DE CHARISIANO.

NIL lascivius est Charisiano :
 Saturnalibus ambulat togatus.

Nihil petulantius est Carisiano : togatus incedit Saturnalibus.

De Carisiano inscribunt Ald. Junt. Colin. Gryph. Pulman. Junian. Lang. &c.

NOTÆ

2 *Saturnalibus*] Quo tempore Equi- et synthesim, id est, vestem cœnato-
 tes et Senatores togam deponebant, riam assumebant. Lib. xiv. Epig. 1.

NOTÆ

Cum vero Carisianus pauper non haberet synthesim, sed tantum togam, ambulabat togatus. Ludens autem Poëta paupertatis causam ascribit lasciviæ, quasi lasciviens contra morem incederet Carisianus.

XXV.

AD MARCELLINUM.

MARCELLINE, boni soboles sincera parentis,

Horrida Parrhasio quem tegit ursa jugo;

Ille vetus pro te patriusque quod optat amicus,

Accipe, et hæc memori pectore vota tene:

Cauta sit ut virtus, nec te temerarius ardor

5

In medios enses, sævaque tela ferat.

Bella velint, Martemque ferum rationis egentes:

Tu potes et patriæ miles, et esse decus.

O *Marcelline, vera progenies patris probi, quem tegit ursa horrida cælo Septemtrionis; audi quid expetat pro te ille antiquus, et patrius amicus, et serva hæc vota corde memori: ut virtus tua sit provida, ne ardor temerarius te rapiat in medios gladios, et fera tela. Carentes ratione expetant bella et sævum Martem: tu potes esse miles, et ornamentum patriæ.*

.....

3 Beverlandi Ms. *quod optet amicus.*—4 In eodem: *pectore nota tene.*—5 Ed. antiq. Ferrar. an. 1471. Ald. Junt. Colin. Gryph. Junian. Lang. &c. *ne te temerarius ardor.* Nostram lectionem testatur codex Pulmanni.—7 Junt. an. 1512. *rationis agentes.*—8 *Tu potes et patriis miles et esse ducis* codex Pulmanni. Vide Turneb. lib. xxv. cap. 27. *Tu potes et patriæ miles et esse ducis* Beverlandi Ms. *Tu potes et patriis miles et esse decus* citat Barbon. Beverlandus legit: *et esse tuus.* Corruptum esse hunc locum ait Ant. de Rooy; et conj. *Tu poteris patriæ miles et esse secus:* i. e. ‘aliter,’ vel, etsi non temerarius caput periculis objectes, tamen patriam fortis miles defendere poteris.

NOTÆ

2 *Horrida*] Marcellinus iste militabat in Dacia, hodie *Moldavia*, &c. Lib. vii. Epig. 79. et lib. ix. Epig. 46. ad eundem Marcellinum: ‘Et Getici tuleris sidera pigra poli.’ Strabo lib. vii. Γέτας μὲν, τοὺς πρὸς τὸν Πόντον κεκλιμένους, καὶ πρὸς τὴν ἕω Δάκους δὲ, τοὺς εἰς τὰναντία πρὸς Γερμανίαν καὶ τὰς τοῦ Ἰστροῦ πηγὰς, οὓς οἴμαι Δάους καλεῖσθαι τὸ παλαιόν. *Getæ qui versus Pontum et Orientem inclinant: Daci qui in diversum ad Germaniam et Istri fontes vergunt, quos puto antiquitus esse Davos appellatos.*

Parrhasio jugo] Hoc est, Septemtrione, nempe sub ursa quæ dicta est

Parrhasia, ab Arcadiæ urbe unde erat Calisto in ursam a Jove commutata. Vide lib. iv. Epig. 11.

3 *Patriusque*] Ex his verbis colligit Domitius Marcellinum fuisse Hispanum Martialis popularem, sed potius a patre Marcellini patrius amicus fuisse mihi videtur.

7 *Bella velint*] Hoc est, temere pugnent furiosi; nec enim vetat Marcellinum pugnare, sed tantum monet, ne in hostes temere irruat.

8 *Tu potes*] Potes patriæ esse ornamento tempore belli et pacis. Legunt alii: *Tu potes et patriis miles, et esse ducis;* quæ lectio non placet.

XXVI.

DE SOTADE.

PERICLITATUR capite Sotades noster.
 Reum putatis esse Sotadem? non est.
 Arrigere desit posse Sotades: lingit.

3 *Arrigere desit posse Sotades* in codice Pulmanni.

NOTÆ

1 *Sotades*] Qui crimen admiserunt Poëta, eum capite periclitari. De rei capitis dicuntur: cum ore impuro Sotade Poëta quodam dictum lib. II. morigeraretur Sotades, festive ait Epig. 86.

XXVII.

AD NEPOTEM.

BIS vicine Nepos, (nam tu quoque proxima Floræ
 Incolis, et veteres tu quoque Ficelias,)
 Est tibi, quæ patria signatur imagine vultus,
 Testis maternæ nata pudicitia.
 Tu tamen annoso nimium ne parce Falerno: 5
 Et potius plenos ære relinque cados.

O *Nepos bis vicine*, (nam tu etiam habitas in locis propinquis Floræ, atque etiam in antiquis *Ficeliis*,) habes filiam testem maternæ castimoniam, quæ refert imaginem paterni vultus. Nihilominus ne nimis te abstineas a veteri Falerno; et potius relinque

2 Alii legunt, *Fregelias*; alii, *Ficedulas*: illud frigide sane et contra verum: hoc æque obscure ac *Ficelias*: rurine illæ fuerint an in urbe. Alii, *Ficuleas*. Vide Brod. Miscell. lib. x. cap. 28.—3 *Est tibi, quæ patrii* Ald. Junt. Colin. Gryph. Pulman. Lang. Junian. Delph. Farnab. &c. *patria* Beverlandi Ms. et sic Gruterus ex codd. Sed ut illius elegantia intelligatur, sciendum τὸ *vultus* esse Accusativum pluralem: *signata vultus patria imagine*, est, in vultibus signatam patriam imaginem habens. Notus Hellenismus.—

NOTÆ

1 *Bis vicine*] Duplici modo Nepotem sibi esse vicinum dicit Poëta: primo quidem Romæ, circa templum Floræ, de qua lib. v. Epig. 23. tum in Sabinis in Ficeliarum oppido, inter quod et Nomentum Martialis prædium habuit. Sic Cluverius Ital. lib. II. cap. 9.
 5 *Tu tamen*] Licet habeas filiam, noli tamen nimium defraudare genium: sufficiet enim si illi cados pecunia plenos reliqueris; ipse porro bibe Falernum a multis annis reconditum.

Sit pia, sit locuples, sed potet filia mustum ;
 Amphora cum domina nunc nova fiat anus.

Cæcuba non solos vindemia nutriat orbos :

Possunt et patres vivere, crede mihi.

10

cados plenos pecunia. Filia sit pia, sit dives, sed bibat mustum. Amphora nunc recens senescat cum domina. Cæcuba vindemia non alat solos orbos: licet et patribus vivere, mihi adhibe fidem.

4 *Testis maternæ nota* Beverlandi Ms.—8 In eodem Ms. *nunc nova fiet opus.*

NOTÆ

7 *Mustum*] Hoc est, vinum annum ne relinquantur filiæ; sed mustum, seu vinum recens, quod ipsa leverit, et quod cum ipsa simul consenuerit. ris carent, bibere vinum Cæcubum, sed et iis qui liberos habent, liceat hilariter vivere. De vino Cæcubo vide lib. XIII. Epig. 115.

9 *Cæcuba*] Non solum iis qui libe-

XXVIII.

EPITAPHIUM GLAUCIÆ.

LIBERTUS Melioris ille notus,
 Tota qui cecidit dolente Roma,
 Cari deliciæ breves patroni,
 Hoc sub marmore Glaucias humatus
 Juncto Flaminiae jacet sepulcro :
 Castus moribus, innocens pudore,

5

Glaucias ille cognitus libertus Melioris, qui interiit tota Roma mærente, deliciæ breves patroni dilecti, hoc sub marmore sepultus jacet tumulo juncto viæ, Flaminiae :

Epitaphium Glauciæ ad viatorem inscriptio est in quibusdam vett. Lemmâ nostrum exhibent Ald. Junt. Colin. Gryph. aliæ.—5 *Juxta Flaminiae jacet sepulchrum*, (i. e. *Juxta F. j. sepulchrum*,) exhibet margini ascriptum Juntina nostra : mendose. Juxta Flaminiam viam Romanos suos mortuos sepelire solitos esse, bene notum est. Forte: *Hoc sub marmore Glaucias humatus. Juxta Flaminiam jacet sepulchro Castus, &c.*—6 In Ald. Junt. Colin. Gryph. Plant. Junian. Pulman. Lang. Delph. aliis, *integer pudore: in cod. Florent. innocens pudore, quod reposuerunt Gruter. Sriverius, Farnab. Schrevel.*

NOTÆ

1 *Libertus Melioris*] Vide apud Statium Sylv. lib. II. Epicedion in Glauciam Melioris. Melior Atedius vir sane clarissimus fuit, ad quem sunt Statii 'Arbor' et 'Psittacus.'
 5 *Flaminiae*] Viæ nempe extra urbem, ad quam frequentes erant tumuli.

Velox ingenio, decore felix.
 Bis senis modo messibus peractis
 Vix unum puer applicabat annum.
 Qui fles talia, nil fleas, viator.

10

*purus moribus, integer pudore, promptus ingenio, florens pulchritudine. Puer ad-
 jungebat vix unum annum duodecim messibus paulo ante absolutis. O viator qui
 luges casum ejusmodi, nihil lugeas deinceps.*

Barhou, et recentt.—8 In edd. vett. *mensibus peractis*. ‘E vet. cod. fide *messibus* reponi debet, ut ostendat decimum tertium ætatis annum vix attigisse. Id colligi potest e Statii verbis in Glauciæ Epicedio, ubi canit: ‘O ubi venturæ spes non longinqua juventæ.’ Et paulo post, ubi puerum Homeri utrumque opus recitasse, stupentibus parentibus et magistris ait; quæ res in bimum puerum non cadit.’ *Pulman.*—10 *Ni fles talia* codex Pulmanni.

NOTÆ

7 *Velox ingenio*] Homerum enim ingenium bimulo?
 recitabat, stupentibus omnibus. Vide 10 *Nil fleas*] Hoc est: O viator, qui
 Statium loco citato. mortem hujus pueri defles, opto nihil
 8 *Messibus*] Hoc est, annis. Qui- habeas unquam deflendum: id est,
 dam male legunt, *mensibus*; nam quod felix esto.

XXIX.

DE EODEM.

Non de plebe domus, nec avaræ verna catastæ,
 Sed domini sancto dignus amore puer,
 Munera cum posset nondum sentire patroni,
 Glaucia libertus jam Melioris erat.
 Moribus hoc formæque datum, quis blandior illo? 5
 Aut quis Apollineo pulchrior ore fuit?

*Puer fuit non verna plebeia domus, nec avaræ catastæ, at dignus sancto amore heri
 sui: Glaucia jam erat libertus Melioris, cum nondum posset intelligere dona patroni.
 Hoc concessum moribus et pulchritudini, quis suavior illo? aut quis Apollineo ore for-*

3 *Munia cum posset nondum p'stare patrono* Juntina nostra margini ascriptum exhibet.

NOTÆ

1 *Non de plebe domus*] Lege Epigramma præcedens. Glaucia, inquit, non erat de plebe servili, nec verna venalitiis, qui cum reliquis servis in catasta exponeretur. Erat autem catasta locus, vel potius machina lignea longa compedis instar, ubi ve- nales servi exponerentur. Avaram dixit, quia avari erant mangones, qui ex venditione servorum quæstum faciebant.
 6 *Aut quis*] Hoc est, Quis vel etiam formosus ut Apollo fuit pulchrior Glaucia?

Immodicis brevis est ætas, et rara senectus.

Quicquid amas, cupias non placuisse nimis.

mosior fuit? Eximia sortiuntur brevem ætatem, et raram senectum. Optes non arridere nimis quicquid diligis.

NOTÆ

7 *Immodicis*] Quibus est præcox ingenium et gratissima infantia, ii cito moriuntur. Hoc dicere videtur Poëta secundum impiam opinionem, qua credebant antiqui nimiam hominum gloriæ Deos invidere.

8 *Cupias non placuisse*] Ne cito pe-reat.

XXX.

IN PÆTUM.

SEX sestertia si statim dedisses,
 Cum dixti mihi, Sume, tolle, dono:
 Deberem tibi, Pæte, pro ducentis.
 At nunc cum dederis diu moratus,
 Post septem, puto, vel novem Kalendas, 5
 Vis dicam tibi veriora veris?
 Sex sestertia, Pæte, perdidisti.

Si subito donasses sex sestertia, cum mihi dixisti, Accipe, aufer, largior; o Pæte, essem tibi debitor ducentorum. Sed cum diu cunctatus modo donaveris, post septem, opinor, vel novem menses; placetne tibi dicam aliquid verius veritate? O Pæte, amisisti sex sestertia.

4 *At nunc cum dederis diu rogatus* codex Florentinus.

NOTÆ

1 *Sex sestertia*] Poëtæ daturum se promiserat Pætus, quæ si donasset sine mora, tantum illi debuisset Martialis, quantum pro ducentis.

7 *Perdidisti*] Fere enim nulla est gratia tarde concessa: at vero bis dat qui cito dat.

XXXI.

IN CHARIDEMUM.

UXOREM, Charideme, tuam scis ipse, sinisque
 A medico futui: vis sine febre mori.

In hoc Epigrammate exhibendo nullo modo variant aut calamo scripti libri aut typis impressi.

NOTÆ

2 *Vis sine*] Id est, expilari: nam omnia dantur medico: pauperes enim mortuos Martialis sæpe appellat. Vel, *vis mori sine febre*: id est, Nunquam vis ægrotare, propterea conduxisti medicum hoc munere. *Calderinus*. Vel intellige Charidemum metuisse, ne uxor amore medici capta ægrotaret, atque idcirco permisisset ut ab eo subagitaretur.

XXXII.

DE MORTE OTHONIS.

CUM dubitaret adhuc belli civilis Enyo,
 Forsitan et posset vincere mollis Otho:
 Damnavit multo staturum sanguine Martem,
 Et fodit certa pectora nuda manu.
 Sit Cato, dum vivit, sane vel Cæsare major:
 Dum moritur, numquid major Othone fuit?

5

Cum Enyo belli civilis esset adhuc in ancipiti, et forte effæminatus Otho posset superare, improbavit Martem non staturum nisi multo sanguine, et transfodit nudum pectus manu non dubia. Cato, dum vivit, sit hercle major vel ipso Cæsare; dum interit, an fuit major Othone?

1 Cod. Vat. *civilis eripo*.—2 *Forsitan an possit* Beverlandi Ms.—3 *Damnavit multo saturum jam sanguine* Ald. Junt. Colin. Gryph. Lang. Junian. &c. *Damnavit multo saturatum sanguine* in codd. Florent. et Vat. *staturum* probat Farnabius; 'stare' enim pro 'constare' dixit lib. III. Epig. 74. vs. 8.—4 *Effodit certa pectora tota manu* Beverlandi Ms.

NOTÆ

1 *Cum dubitaret*] Enyo, id est, Bellona, Martis soror, cum adhuc dubitaret cui victoriam concederet, an Vitellio an Othoni. Vide Suetonium in Othone.
 2 *Damnavit Martem*] Hoc est, bellum, quod stare seu cessare nequibat sine multo sanguine, nisi forte sumas stare pro constare. *Staturum*] Legunt alii *saturatum*, vel *saturum jam*. Prior lectio magis placet.
 6 *Numquid major*] Desperatis enim rebus, metu hostium se interfecit Cato: Otho vero prope integris pectus transfodit, unde moriendo plus gloriæ quam Cato adeptus videtur.

XXXIII.

IN SABELLUM.

NIL miserabilius, Matho, pædicone Sabello
 Vidisti, quo nil lætius ante fuit.

Ad Mathonem lemma est hujus Epigrammatis in codice Pulmanni.

Furta, fugæ, mortes servorum, incendia, luctus
Affligunt hominem : tam miser, et futuit.



4 *Affligunt hominem, tam miser?* in edd. vett. Vide Turneb. lib. xxv. cap. 27.

NOTÆ

1 *Sabello*] De quo lib. III. Epig. 98. Vide et lib. II. Epig. 51. Misere deperibat pueros Sabellus, sed dilapidato patrimonio coactus est amare mulieres: qua de causa nil Sabello

miserabilius esse dicit Poëta: cum τὸ verbum *miserabilius* videatur referri ad bonorum jacturam, quam passus erat miser Sabellus.

XXXIV.

AD DIADUMENUM.

BASIA da nobis, Diadumene, pressa: quot, inquis?

Oceani fluctus me numerare jubes:

Et Maris Ægæi sparsas per littora conchas,

Et quæ Cecropio monte vagantur apes:

Quæque sonant pleno vocesque manusque theatro, 5

Cum populus subiti Cæsaris ora videt.

Nolo quot arguto dedit exorata Catullo

Lesbia: pauca cupit, qui numerare potest.

O *Diadumene, liba nobis oscula pressa: quot, ais? Imperas a me recenseri fluctus Oceani, et conchas sparsas per littora maris Ægæi, atque apes quæ errant in monte Cecropio, et voces et manus quæ applaudunt pleno theatro, cum populus intuetur vultum repentini Cæsaris. Nolo quot exorata Lesbia libavit concinno Catullo: pauca optat, qui potest recensere.*



1 *Langius alique, quot inquit?*—4. 5 Si per codd. liceret, præferret Ant. de Rooy: *Et quot Cecropio monte vagantur (vel vagentur) apes; Quotque sonant (vel sonent) pleno, &c.* Ovidiana repetitione τὸν quot. Art. Am. II. 517. seqq. III. 149. Trist. v. 1. 31. et v. 2. 23.

NOTÆ

1 *Basia da nobis*] De Diadumeno jam actum lib. III. Epig. 64. et lib. v. Epig. 47.

4 *Et quæ Cecropio*] Hymettum intellige, de quo Pausanias in Atticis: Ὑμηττὸς φύει νόμας μελίτταις ἐπιτηδειοτάτας: *Hymettus pastiones habet apibus aptissimas.* Cecropius vero dicitur,

id est, Atticus.

7 *Nolo quot*] Lege Catulli Carm. v. ad Lesbiam: 'Da mihi basia mille, deinde centum, Dein mille, altera, dein secunda centum,' &c. Hæc vero basia, utpote numerabilia, pauca esse existimat noster Poëta.

XXXV.

AD CÆCILIANUM.

SEPTEM clepsydras magna tibi voce petenti
Arbiter invitus, Cæciliane, dedit.

At tu multa diu dicis : vitreisque tepentem
Ampullis potas semisupinus aquam.

Ut tandem saties vocemque sitimque ; rogamus, 5
Jam de clepsydra, Cæciliane, bibas.

O Cæciliane, judex non libenter tibi postulanti magna voce concessit septem clepsydras. Sed tu profers multa diu : et semisupinus bibis vitreis phialis tepentem aquam. Ut tandem expleas vocem et sitim, oramus, o Cæciliane, jam potes de clepsydra.

4 Ampullis potas semisopitus Beverlandi Ms.

NOTÆ

1 *Septem clepsydras*] Clepsydra, seu hydrologium, aquarium est horologium. Vasculum quippe erat aut ex vitro, aut ex alia materia, per quod aqua inclusa guttatim defluens dimetiebatur tempus. Nam orantibus in foro ex more Atheniensium præscriptum erat tempus : attamen sæpe liberæ erant actiones, nec ad certum tempus dicere jubebantur patroni. Quantum vero temporis dimensa fuerit una clepsydra, mihi compertum non est. Sunt qui singulas horas singulis clepsydris definiant, in qua sententia est Calderinus : alii clepsydræ mediam horam, alii tribus clepsydris horam tribuunt. Plinius Junior lib. II. Epist. 11. sic de clepsydra : ‘Dixi,’ inquit, ‘horis pæne quinque :

nam decem clepsydris quas spatiosissimas acceperam, sunt additæ quatuor.’ Nisi hic locus varie legeretur, rem definiret ; etenim alii legunt pro decem clepsydris, viginti, alii duodecim, alii tribus ; tandem pro longo temporis spatio septem clepsydras hic posuit Poëta.

3 *Vitreisque*] Nonnunquam antem comedisse et bibisse Oratores in ipsa actione disce a Quintiliano lib. XI. cap. ultimo : ‘Bibere,’ inquit, ‘aut etiam esse inter agendum, quod multis moris fuit, et est quibusdam, ab Oratore meo procul absit,’ &c.

6 *Jam de clepsydra*] Aquam bibe, ut ineptæ tuæ orationi finem breviter imponas.

XXXVI.

AD PAPHILUM.

MENTULA tam magna est, tantus tibi, Paphile, nasus,
Ut possis, quoties arrigis, olfacere.

Ad Pamphilum inscribitur hoc Epigramma in codice Pulmanni.—1 Pamphile in eodem.

NOTÆ

1 *Tantus tibi*] Irridet nasum, atque ingentem Paphili mutonem,

XXXVII.

IN CARINUM.

SECTI podicis usque ad umbilicum
 Nullas reliquias habet Carinus:
 Et prurit tamen usque ad umbilicum.
 O quanta scabie miser laborat!
 Culum non habet, est tamen cinædus. 5

Hic nulla est lectionis varietas in exemplaribus impressis aut manuscriptis.

NOTÆ

3 *Et prurit*] Catamito tamen dif- rosus prurigo turpitudinis. De Chafisso et inutili sævit circa jecur ulcerino jam dictum lib. I. Epig. 78.

XXXVIII.

DE FILIO REGULI.

ASPICIS, ut parvus, nec adhuc trieteride plena
 Regulus auditum laudet et ipse patrem?
 Maternosque sinus viso genitore relinquat,
 Et patrias laudes sentiat esse suas?
 Jam clamor, centumque viri, densumque coronæ 5
 Vulgus, et infanti Julia tecta placent.

Videsne ut parvus Regulus, nec adhuc tribus annis peractis, celebret et ipse auditum genitorem; et deserat gremium genitricis conspecto patre, atque intelligat decus paternum esse suum? Jam clamor, et centum viri, et plebs frequens cœtu, et Julia

2 In quibusdam, *laudat et ipse*: cod. Pulmanni, Ald. Junt. Colin. Gryph. aliæ, *laudat et ipse*.—5 Ald. Junt. Colin. Gryph. &c. *densumque corona*.—6 *Julia trita* codex Florentinus. *Julia templa* malit Ant. de Rooy, ut apud Ovid. Pont. IV. 5. 21. Stat. Sylv. I. 1. 31. At et *tecta* de superbis ædibus dici notum est. Consule Broukh. ad Tibull. III. 3. 3.

NOTÆ

1 *Nec adhuc trieteride*] Quæ est quorum munus describit Cicero de Oratore lib. I.

2 *Regulus*] Filius scil. infans jam lætabatur cum orantem in foro patrem audiret. Vide Plinium Juniores lib. IV. Epist. 2. ubi describit mortem hujus pueri.

5 *Centumque viri*] Erant judices, Epist. 21.

Acris equi soboles magno sic pulvere gaudet;

Sic vitulus molli prælia fronte cupit.

Di, servate, precor, matri sua vota, patrique;

Audiat ut natum Regulus, illa duos. 10

templa sunt jucunda infanti. Sic progenies fortis equi lætatur magno pulvere; sic vitulus tenera fronte appetit pugnam. O Dii, servate, oro, sua vota genitrici, et genitori, ut Regulus audiat filium, illa vero ambos.

NOTÆ

7 *Acris equi*] Videtur respicere illud Horatii: 'Fortes creantur fortibus.'

9 *Di, servate*] Solennis antiquorum bene precandi formula.

10 *Audiat ut natum*] Orantem scilicet. *Illa duos*] Mater nempe audiat maritum, et aliquando filium agentem causas.

XXXIX.

IN CINNAM.

PATER ex Marulla, Cinna, factus es septem,

Non liberorum: namque nec tuus quisquam,

Nec est amici, filiusve vicini:

Sed in grabatis tegetibusque concepti

Materna produnt capitibus suis furta. 5

Hic, qui retorto crine Maurus incedit,

Sobolem fatetur esse se coci Santræ.

At ille sima nare, turgidis labris,

O Cinna ex Marulla uxore suscepisti septem non liberos, namque nec quisquam est tuus, nec filius amici, aut vicini; at concepti in grabatis et tegetibus indicant suis capitibus adulteria matris. Hic Maurus, qui ambulat retorta coma, fatetur se esse progeniem Cogisantræ: sed ille depressu nare, tumidis labris, simillimus est

2 *Non libertorum* Ald. Junt. Colin.—3 *Beverlandi Ms. filius nec vicini.*—
7 *Cogisantræ pro coci Santræ* Ald. Junt. Colin. Gryph. Plant. Junian. Pulman.

NOTÆ

1 *Pater ex Marulla*] Adulteria Marullæ facete narrat, quæ servorum amore debaccharetur.

4 *Sed in grabatis*] Hoc est, lectis servorum propriis. *Tegetibus*] Hoc est, mattis, quibus utebantur meretri-

Delph. et Var. Clas.

ces pro lectis. *Juven. Sat. vi. de Messalina Claudii uxore loquens sic ait: 'Ausa Palatino tegetem præferre cubili.'*

7 *Coci Santræ* [*Cogisantræ*] Servi Mauri. Legunt alii, *coci Santræ*.

Martial.

2 F

Ipsa est imago Pannici palæstritæ.
 Pistoris esse tertium quis ignorat, 10
 Quicumque lippum novit, et videt Damam?
 Quartus cinæda fronte, candido vultu,
 Ex concubino natus est tibi Lygdo:
 Percide, si vis filium, nefas non est.
 Hunc vero acuto capite, et auribus longis, 15
 Quæ sic moventur, ut solent asellorum,
 Quis morionis filium neget Cyrrhæ?
 Duæ sorores, illa nigra, et hæc rufa,
 Croti choraulæ, villicique sunt Carpi.
 Jamque hybridarum grex tibi foret plenus, 20
 Si spado Coresus, Dindymusque non esset?

Pannico palæstritæ: quis nescit tertium esse pistoris, quicumque cognovit et spectat lippum Damam? . . . Quis vero inficietur filium esse sannionis Gyrthæ hunc acuto capite, atque auribus longis, quæ sic moventur, ut solent asellorum? duæ sorores, illa nigra, et hæc rufa genitæ sunt a Croto choraula, atque a Carpo villico. Jamque haberes gregem plenum hybridarum, si Corculus et Dindymus non essent spadones?

~~~~~

Lang. Delph. &c. *Cosigrantæ* Beverlandi Ms.—9 *Pannichi* Beverlandi Ms.—11 *Quæcunque lupum* in eodem Ms. *Dammam* in edd. vett.—14 *Præcide* ed. antiq. Ferrar. an. 1471. Ald. Junt. Colin. Gryph. Plant. Junian. Pulman. Lang. Farnab. Delph. aliæ. Lectionem nostram testatur codex Florentinus. Sæpissime permutantur *per* et *præ* in compositione. Vide quæ diximus ad lib. II. Epig. 72. v. 3.—17 *Quis morionis filium neget Gyrthæ* Ald. Junt. Colin. Gryph. Pulman. Lang. Delph. &c. *Gyrrhæ* legunt alii.—20 *Jam vernularum* codex Vaticanus, et sic Bodleianus in margine. *Jam mobidarum* codex Florentinus. *Jam Niobidarum* codd. quidam, teste Calderino, ut referas ad numerum filiorum Niobes; sed placet prior scriptura. Beverlandus legi jubet: *Jamque Ombridarum grex*, &c. et nos mittit ad Scal. Varr. p. 201. Ex observatione Scaligeri l. c. ‘Umbri,’ ‘Imbri,’ ‘Ibri,’ ‘Ibridæ’ apud veteres spurii vocati sunt, ut apud Græcos dicti *ὀμβρίκαλοι*. *Ombridarum* igitur, quod hic fingit Beverlandus, idem erit ac *hybridarum*. Quid autem opus erat Martiali antiquum et obsoletum, si modo unquam extitit, præ usitato et notiore obtrudere?—21 *Si spado Coreusus* Ald. Junt. Colin. Gryph. *Si spado Corculus* Plant. Junian. Pulman. Lang. et Delph. *Si spado choredus* codex Florent.

#### NOTÆ

9 *Palæstritæ*] Pannici dantis operam palæstræ. Lib. III. Epig. 57.

11 *Et videt Damam*] Tertius vero filius lippus genitus erat a pistore Dama, qui et ipse lippus erat.

17 *Cyrrhæ* [*Gyrthæ*] Alii, *Gyrrhæ*.

20 *Jamque hybridarum*] Hybrida

est fœtus ex imparibus parentibus, ut ex apro et sue; sic filios ex matre ingenua et patre servo hybridas vocat Poëta.

21 *Si spado Coresus* [*Corculus*] Alii, *Coresus*.

## XL.

## AD LYCORIM.

FŒMINA præferri potuit tibi nulla, Lycori:  
 Præferri Glyceræ fœmina nulla potest.  
 Hæc erit hoc, quod tu: tu non potes esse, quod hæc est.  
 Tempora quid faciunt! hanc volo, te volui.

O *Lycori*, nulla olim mulier potuit tibi anteponi, nulla nunc mulier potest anteponi *Glyceræ*. Hæc fiet hoc quod tu es: tu nequis esse quod hæc est. Quid efficiunt tempora! Hæc placet mihi, tu placuisti.



Ad *Lycorim*, anum ex formosa lemma est in Beverlandi Ms.—3 In eodem Ms. sed non potes esse.—4 *Tempora quo* in eodem.

## NOTÆ

3 *Hæc erit hoc*] Fiet anus.

*Tu non potes*] Fieri juvenis.

## XLI.

## IN RAUCUM POETAM.

QUI recitat lana fauces et colla revinctus,  
 Hic se posse loqui, posse tacere negat.

Qui recitat gutture et collo circumdato lana, hic affirmat se nec posse loqui, nec posse silere.



In *raucum Poëtam* colla lana tegentem inscribitur in quibusdam vett.—1 Qui recitat lauro fauces et tempora vinctus Beverlandi Ms. fauces et tempora vincta codex Bodl. et alius Oxon. ap. Farnab.—2 In quibusdam, teste Farnabio, nosse tacere; sed in Bodl. aliisque, posse tacere.

## NOTÆ

1 *Qui recitat*] *Raucum* hunc *Poëtam* carpit *Martialis*: etenim cum ille faucibus focale adhiberet, ne frigore corripereetur, ostendebat se non posse nisi ægre loqui: ostendebat pariter se tacere non posse, cum licet *raucus* vellet recitare. Vide lib. iv.

Epig. 41. Gell. lib. i. cap. 15. de inani loquacitate: 'Epicarminum quoque illud non inscite se habet: Οὐ λέγειν δεινὸς, ἀλλὰ σιγᾶν ἀδύνατος. Ex quo profecto sumtum est: qui cum loqui non posset, tacere non poterat.'



## XLII.

## DE ETRUSCI THERMIS, AD OPPIANUM.

ETRUSCI nisi thermulis lavaris,  
 Illotus morieris, Oppiane.  
 Nullæ sic tibi blandientur undæ:  
 Nec fontes Aponi rudes puellis,  
 Non mollis Sinuessa, fervidique 5  
 Fluctus Passeris, aut superbus Anxur,  
 Non Phœbi vada, principesque Baiæ.  
 Nusquam tam nitidum micat serenum:  
 Lux ipsa est ibi longior, diesque  
 Nullo tardius a loco recedit. 10

*Oppiane, interibis illotus, nisi laveris thermulis Etrusci. Nullæ aquæ sic tibi palpabuntur, nec fontes Aponi intacti puellis, non mollis Sinuessa, et calidi fluctus Passeris, aut altus Anxur, nec vada Phœbi, et Baiæ nobilissimæ. Nullibi serenitas tam nitida splendet: lux ipsa est longior illic, nec serius dies abit ab ullo loco. Onyx*

*De Hetrusci thermis est lemma in Ald. Junt. Colin. Gryph. aliis.—1 In iisdem lavaris. Pulmanni codex, lavaris.—7 Codex Vaticanus, principisve, i. e. Domitiani.—8 Nusquam tam nitidum vacat Beverlandi Ms. cum nonnullis edd. vett. micat servant Ald. Junt. Colin. Gryph. Plant. Junian. Pulman. Lang. Delph. &c.—10 Post hunc versum locum habet decimus quartus, Siccos pinguis Onyx, &c. in ed. antiq. Ferrar. an. 1471. Ald. Junt. Colin. Gryph. Plant. Junian. Calderin. Pulman. Lang. et Delph. Nostrum ordinem servant Gruter. Sriver. Farnab. Schrevel. Barbou, &c.—11*

## NOTÆ

- 1 *Etrusci nisi*] Papinius Sylv. lib. i. balneum Etrusci fuisse describit.
- 2 *Illotus*] Aliæ enim aquæ sordes tuas, et malum colorem, de quo lib. vii. Epig. 3. eluere non poterunt.
- 4 *Nec fontes Aponi*] Juxta Patavinum. Suetonius in Tiberio, cap. 14. 'rudes puellis.' Cassiodorus lib. ii. Epig. 39. ait lavacrum illud singulari pudicitiae disciplina sanctum esse; in eam enim aquam in qua viri recreantur, si mulier descendat, calore exurit. Vel forte Poëta respicit ad Patavinarum pudicitiam, quam commendat Plinius Junior lib. i. Epist. 14. et Poëta noster lib. xi. Epig. 17.
- 5 *Mollis Sinuessa*] Urbs Campaniæ
- maritima, hodie, ut aiunt, *Rocca di Mondragone*. Tacitus Annal. xii. de Clandio: 'Refovendis viribus mollitie cœli, et salubritate aquarum Sinuessam perrexit.'
- 6 *Fluctus Passeris*] Aquæ blandissimæ in Campania ad mare inferum, ut putant Interpretes. De his nihil reperi.
- Anxur*] Hodie, *Terracina*, lib. v. Epig. 1.
- 7 *Phœbi vada*] Cumanum littus intelligunt Interpretes, ubi nempe celebre fuit Apollinis templum, Virgil. Æn. vi. Cluverius Italiæ lib. ii. cap. 2. intelligit aquas Apollinares calidas, et nobiles, olim 'Cæretanas' dictas, juxta Cære Etruriæ oppidum.

Illic Taygeti virent metalla,  
 Et certant vario decore saxa,  
 Quæ Phryx, et Libys altius cecidit,  
 Siccos pinguis Onyx anhelat æstus,  
 Et flamma tenui calent Ophitæ. 15  
 Ritus si placeant tibi Laconum,  
 Contentus potes arido vapore,  
 Cruda Virgine Martiave mergi ;  
 Quæ tam candida, tam serena lucet,  
 Ut nullas ibi suspiceris undas, 20  
 Et credas vacuum nitere Lygdon.  
 Non attendis, et aure me supina,  
 Jamdudum quasi negligenter audis.  
 Illotus morieris, Oppiane.

*pinguis emittit siccos fervores. Illic metalla Taygeti virescunt, et varia pulchritudine contendunt lapides, quos altius excidit Phrygius et Afer, atque Ophitæ fervent lento igne. Si mores Lacedæmoniorum tibi arrideant, contentus arido vapore potes immergi in frigidam aquam virginem atque Martiam : quæ tam pura et tam nitida micat, ut suspiceris nullas esse aquas illic, et putes splendere Lygdirum marmor vacuum. Non auscultas, et jam diu quasi oscitanter me audis aure negligente. Oppiane, interibis illotus.*

//////////

*Tajeti vident Beverlandi Ms.—14 Hunc versum, ut extat in edd. vett. transpositum esse notavit Cagnerius, qui in antiquo codice eum post duodecimum legerat insertum.—18 Martiave codex Florentinus.*

#### NOTÆ

11 *Taygeti*] Montis in Laconia, in quo marmor, quod metallum vocat, cum tamen proprie non dicatur nisi de ferro, auro, &c.

13 *Quæ Phryx*] Hoc est, ex Phrygia atque ex Libya.

14 *Pinguis Onyx*] Genus quoddam marmoris de quo Plinius lib. xxxvi. cap. 7. alias gemma, et vas etiam unguentarium dicitur. Onychem tamen in his thermis fuisse negat Papinius loco supra citato: 'Mæret onyx longe, queriturque exclusus ophites.' *Pinguis* dicitur, hoc est 'sudans,' inquit Raderus.

*Siccos æstus*] Nempe similes radiis solis.

15 *Ophitæ*] Marmor nempe maculis distinctum instar serpentis.

16 *Ritus si placeant*] Quos explicat ipse Poëta versibus sequentibus : hoc est, Si placet sudare sicca cella, frigida vero lavare. De aqua virgine, sic dicta quod fluens in urbem declinaret a rivo Herculis, jam dictum lib. v. Epig. 21. de qua Plinius lib. xxxi. cap. 3. et ibidem de aqua Martia, aþ Anco Martio rege, deinde a Q. Martio prætore in urbem invecta, ut aiunt Interpretes.

21 *Lygdon*] Locus nempe erat in Tauro monte, ubi marmor candidissimum.

22 *Aure me supina*] Vide lib. v. Epig. 78. Auris supina significat habitum prope dormientis, qui caput in humeros inclinat, et negligenter auscultat.



## XLIII.

## AD CASTRICUM.

DUM tibi felices indulgent, Castrice, Baiæ :  
 Canaque sulfureis nympha natatur aquis :  
 Me Nomentani confirmant otia ruris,  
 Et casa jugeribus non onerosa suis.  
 Hic mihi Baiani soles, mollisque Lucrinus ; 5  
 Hic vestræ mihi sunt, Castrice, divitiæ.  
 Quondam laudatas quocumque libebat ad undas  
 Currere, nec longas pertimuisse vias :  
 Nunc urbi vicina juvant, facilesque recessus,  
 Et satis est, pigro si licet esse mihi. 10

O Castrice, dum fruoris amœnis Baiis ; et natatur Nympha cana undis sulfureis : quies villæ Nomentanæ me corroborat, et domus non gravis suo fundo. Hic fruor Baianis solibus, et molli Lucrino : hic, o Castrice, fruor vestris opibus. Olim placebat currere quocumque ad aquas commendatas, nec reformidare longum iter. Nunc secessus faciles, et loca juxta urbem placent, et sufficit, si fas est mihi segni esse.



1 Cum tibi Beverlandi Ms.—2 Canaque sulphureis unda natatur aquis. Non omnino spernendum quod margini ascriptum exhibet Juntina nostra : Canaque sulphureis Nympha juvatur aquis.—5 Hoc mihi codd. Thuan. et Vat.—6 Hoc mihi sunt vestræ codex Thuaneus. Hic nostræ mihi sunt in aliis. De permutatione nostræ et vestræ in membranis antiquis vide nos ad Catull. LXVII. 7. 18. Tibull. III. 4. 4. et IV. 2. 24. Pro divitiæ Farnabius legerit delitiæ, quæ duo verba sæpe confusa a librariis.—7 Codex Pulmanni, quacunque libebat.—9 Nunc urbis codex Florent.—10 Beverlandi Ms. pigro et licet esse mihi. Juntina nostra in margine : pigrum si licet esse mihi ; male. Vide quæ conguessit Heins. ad hunc versum Ovid. Heroid. Epist. XIV. 64. ‘Quo mihi commisso non licet esse piæ ;’ ubi optt. codd. habent, ‘piæ.’

## NOTÆ

- 2 Canaque] Sensus est : Natas in aqua cana, quia sulfurea ; et Nympham posuit pro lympha, seu aqua. et ratione fundi ædificata, nec nimis magna nec parva nimis.
- 3 Confirmant] Ex hoc verbo licet colligere Martialem fuisse ægrotum, atque tunc incepisse convalescere in agro suo Nomentano non procul ab urbe, de quo lib. II. Epig. 38. 10 Et satis est] Olim currebam ad aquas amœnas etiam remotissimas ; nunc vero me ætate provectorum, et pigrum, juvant loca urbi vicina, et sufficit, si mihi liceat otiosam vitam agere.
- 4 Non onerosa] Hoc est, pro modo,

## XLIV.

## IN CALLIODORUM.

FESTIVE credis te, Calliodore, jocari,  
 Et solum multo permaduisse sale.  
 Omnibus arrides, dicteria dicis in omnes;  
 Sic te convivam posse placere putas.  
 At si ego non belle, sed vere dixero quiddam: 5  
 Nemo propinabit, Calliodore, tibi.

O Calliodore, putas te cavillari lepide, et te unum perfusum esse multis facetiis. Subrides cunctis, cavillationibus lacessis cunctos, hoc modo credis esse conviva jucundus. At si ego non facete, sed vere protulero quiddam, o Calliodore, nemo propinabit tibi.

2 *Te solum* Schrevel. an. 1670.—3 *Beverlandi Ms. dicteria ducis in omnes.*—5 *At si ego nunc vellem tibi vere dicere in codice Pulmanni.*

## NOTÆ

2 *Permaduisse*] Putas te solum esse tui impuritatem nemo tibi suum poculum tradet in quo bibas; id est, facetum et jucundum divitibus, quorum cœnam captas. nemo te invitabit ad cœnam. Vide

6 *Nemo propinabit*] Propter oris lib. II, Epigr. 15.

## XLV.

## IN NUPTIAS LYGDI ET LECTORIÆ.

LUSISTIS, satis est; lascivi nubite cunni:  
 Permissa est vobis non nisi casta Venus.  
 Hæc est casta Venus? nubit Lectoria Lygdo:  
 Turpior uxor erit, quam modo mœcha fuit.

Lemma in edd. vett. est, *Ad Lectoriam*: in aliis, *Ad Lætoriam*; vel, *In Nuptias Lygdi et Lætoriae*.—3 Schrevel. an. 1670. cum aliis, *nubit Lætoria Lygdo*.

## NOTÆ

1 *Lusistis*] Legem Juliam, qua Lectoria coacta est nubere concubino adulteria prohibebantur, revocaverat Lygdo. Epig. 39. supra: 'Ex concubino natus est tibi Lygdo.'

4 *Turpior*] Nupta enim concubino adulterium fateri videbatur. Epig. 22. supra.



## XLVI.

AD CATIANUM.

VAPULAT assiduo Veneti quadriga flagello,  
Nec currit: magnam rem, Catiane, facit.

*Quadriga Veneti perpetuo cæditur virgis, nec properat: O Catiane, agit magnam rem.*

2 Beverlandi Ms. *magnam rem, Catiane, facis.*

## NOTÆ

1 *Vapulat*] Quidam auriga ex Venetorum factione equos quadrijugos assidue verberabat, nec tamen illi properabant: illum irridet Poëta, quasi magnam rem faciat, qui cum equos verberibus dirumpat, non currant tamen; vel qui cum tali quadriga audeat venire in certamen. Erant

autem quatuor factiones: Venetorum nempe, qui cæruleum ferebant, cælo et mari sacri: Prasinorum, qui viridem, terræ seu veri et floribus dicati: Russatorum, qui igni, et Marti: Alborum, qui albos viridi mixtos gerebant pannos. Sic Raderus. Plura vide apud Bulengerum.

## XLVII.

AD IANTHIDA NYMPHAM.

NYMPHA, mei Stellæ quæ fonte domestica puro  
Laberis, et domini gemmea tecta subis:  
Sive Numæ conjux Triviæ te misit ab antro;  
Sive Camœnarum de grege nona venis:

*O Nympha mei Stellæ, quæ domestica fluis fonte puro, atque ingrederis ædes gemmeas: sive uxor Numæ te misit a specu Dianæ, seu venis nona de grege Musarum:*

*Ad Hiantidē Nympham* inscribitur in edd. vett.—1 *Nympha meo Stellæ* in codice Pulmanni. *Nympha Atellanæ* in codd. Vat. et Florent.—3 Codex Vaticanus: *Trebiæ te misit ab amne.* Florent. *Triviæ te misit ab amne.* Codex Thuan. *Trebiæ te misit ab antris.* In aliis *ab ancro*, vel, *ab ancris.* In quibusdam: *Trivia te misit ad Annam.* Turneb. lib. xxiii. cap. 27. emendat; *Trivia te misit ab Anna*; et intelligit Dianam cultam Ariciæ ab Anna Peranna. Et sic Calderini codex antiquus. Jannus Rutgersius legi vult: *Tyria te misit ab Anna*, quæ Didus Tyriæ fuit soror. ‘*Sive Numæ conjux Triviæ te misit ab*

## NOTÆ

1 *Nympha, mei Stellæ*] Alii, *meo.* Laudat Stellæ fontem, cujus Numen seu Nympham Ianthidem appellat a nomine Ianthidis uxoris Stellæ, de qua Epig. 21. supra.

3 *Sive Numæ conjux*] Ægeria nempe

de qua Florus in Numa. Ovid. Fast. iii. agit de fonte Ægeriæ: ‘Ægeria est, quæ præbet aquas, Dea grata Camœnis: Illa Numæ conjux, consiliumque fuit.’

*Triviæ*] Hoc est, Dianæ, lib. Spect.

Exsolvit votis hac se tibi virgine porca 5  
 Marcus, furtivam quod bibit æger aquam.  
 Tu contenta meo jam crimine, gaudia fontis  
 Da segura tui : sit mihi sana sitis.

*hac virgine porca Martialis se liberat votis tibi factis, qui ægrotus furtim hausit aquam tuam. Tu jam placata meo scelere expiato tuto præbe gaudia fontis tui : sit mihi sana sitis.*

*Anna: ita viri eruditi jampridem emendarunt, cum antea legeretur antro, vel, amne; quomodo libri etiam nonnulli, quos inspeximus. Sed quid est Triviæ Anna? certe nemus illud ad Tyberim non longe ab Urbe situm erat, et ex Janiculo spectari poterat, ut Martialis nos docet. Alterum erat in agro Lavinio ad Numicium flumen. Sic et Egeria duplici loco colebatur: nam et Camænarum nemus illi sacrum erat prope urbem, et Aricinæ quoque Dianæ sacris accensebatur. Triviæ igitur Egeria potest dici, Anna non potest. Codex Rottendorphii: Tibiæ te misit ab Annæ. Lege meo periculo: Sive Numæ conjux Tyria te misit ab Anna. Intelligit aquæ ductibus fontem hunc derivatum fuisse ex Numicio, qui est in Lavinienti agro, per nemus Egeriæ.' Ita Heinsius ad Ovid. Fast. III. 675.—7 Tu contenta modo lacrymantia codd. Florent. et Vat.*

## NOTÆ

Epig. 1. quæ in valle Aricina colebatur.

4 *Sive Camænarum*] Hoc est, senlaberis ex fonte Musarum, vel senvenis una ex novem Musis.

5 *Exsolvit*] Huic Nymphæ, seu huic fonti vota nuncupaverat Martialis, se nempe porcã intactã immolaturum, quod ægrotus furtim bibisset aquam ex illo fonte. Hora-

tius III. Od. 13. hædum immolat fonti Blandusiæ.

7 *Gaudia fontis*] Hoc est: Tu, o Nympha jam segura, meo scilicet scelere expiato, fac mihi copiam salubrium tuarum aquarum. Vel *segura* refer ad *gaudia*.

8 *Sit mihi sana sitis*] Jam a morbo recreatus nunc ita sitiam, ut olim æger sitiebam.

## XLVIII.

## IN POMPONIUM.

QUOD tam grande sophos clamat tibi turba togata:  
 Non tu, Pomponi; cœna disertã tua est.

*Quod turba togatorum exclamat tibi tam grande sophos, non tu, o Pomponi, sed convivium tuum facundum est.*

In hoc Epigrammate nil variant codd. aut libri impressi.

## NOTÆ

1 *Grande sophos*] De hac exclamatione egimus lib. I. Epig. 4. Versus suos coram amicis ad cœnam vocatis recitare solebant veteres. Poëta hunc Pomponium irridet, qui non

landaretur propter versus, sed propter cœnam lautam. Sic Persius Sat. 1. 'calidum scis ponere sumen, Scis comitem horridulum trita donare lacerna.'



## XLIX.

## DE SE PRIAPUS.

NON sum de fragili dolatus ulmo  
 Nec quæ stat rigida supina vena,  
 De ligno mihi quolibet columna est,  
 Sed viva generata de cupresso :  
 Quæ nec sæcula centies peracta, 5  
 Nec longæ cariem timet senectæ.  
 Hanc, tu quisquis es, o malus, timeto :  
 Nam si vel minimos manu rapaci  
 Hoc de palmite læseris racemos ;  
 Nascetur, licet hoc velis negare, 10  
 Inserta tibi ficus a cupresso.

*De Priapo* inscriptio est in edd. vett.—7. 8 *Hanc, tu quisquis es, o malus, timeto, Hanc: si, &c.* Junta nostra in margine, ex quodam cod. haud dubie; hæc etenim verba, *Hanc* et *Nam*, sæpe in codd. permutantur.—9 Heins. ad Ovid. Art. Am. III. 703. putat omnino scribendum *legeris*; non *læseris*; quod tamen editos ac manu exaratos, quos vidit, codices omnes occupavit.

## NOTÆ

1 *Non sum*] De Priapo hortorum      quentibus. Vide Epig. 73. infra.  
 custode actum lib. I. Epig. 36. lib.      10 *Nascetur*] Tibi ficoso inseretur  
 III. Epig. 58. et Epig. 16. supra.      vena mea cupressea. Epig. 16.  
 4 *Sed viva*] Vitalitatis cupressi      supra.  
 rationem addit duobus versibus se-

## L.

## DE THELESINO.

CUM coleret puros pauper Thelesinus amicos,  
 Errabat gelida sordidus in togula.

*Cum Thelesinus inops observaret amicos pudicos, sordidus vagabatur in frigida*

*In Thelesinum ad Bithynicum* Beverlandi Ms.—1 Gruterus legit *amores*,

## NOTÆ

1 *Cum coleret puros*] Sensus est:      turpes, quorum libidinis conscius fuit.  
 Nihil consecutus est Thelesinus, dum      Juvenalis Sat. III. ' Quis nunc diligi-  
 coluit amicos castos; at vero dives      tur nisi conscius,' &c.  
 factus est, statim ac coluit homines

Obscœnos postquam cœpit curare cinædos,  
Argentum, mensas, prædia solus emit.

Vis fieri dives, Bithynice? conscius esto.

5

Nil tibi, vel minimum, basia pura dabunt.

*togula. Ex quo cœpit colere turpes cinædos, ille unus mercatur argentum, mensas, fundos. O Bithynice, cupis locupletari? conscius esto. Oscula pudica conferent tibi nihil, vel minimum.*

//////////

probante Farnabio.—3 *Obscœnos ex quo Beverlandi Ms. servare pro curare codex Pulmanni. 'Gruterus ex uno codice servare, quod sit 'observare,' 'colere,' θεραπεύειν. Ego quidem scio hoc esse curare: lib. XI. Epig. 18. 'Turba tamen non deest, sterilem quæ curet amicum.' Plin. Epist. lib. I. 5. 'Nec me præterit esse Regulum δυσκαθαίρετον. Est enim locuples, factiosus, curatur a multis, timetur a pluribus.' Sed non servare hoc sensu pro 'observare' nusquam legi. Meliores ergo codd. qui habent, curare.' Gronovius.*

## NOTÆ

4 *Argentum]* Vel cœlatum, vel purum.

## LI.

## AD LUPERCUM.

QUOD CONVIVARIS sine me tam sæpe, Luperce,  
Inveni, noceam qua ratione tibi.

Irascar, licet usque voces, mittasque, rogesque.

Quid facies? inquis: quid faciam? veniam.

*O Luperce, excogitavi quo modo te lædam, quod epularis sine me tam crebro. Succensebo, quamvis semper invites, et mittas, atque ores. Quid ages? ais: quid agam? ibo.*

//////////

3 *Irascor licet usque in quibusdam.*

## NOTÆ

1 *Quod convivaris]* Carpit Luper-      4 *Veniam]* Cœnabo apud te, atque  
cum, qui raro eum ad cœnam invi-      avaritiæ tuæ pœnas dabis.  
taret.

## LII.

## EPITAPHIUM PANTAGATHI TONSORIS.

Hoc jacet in tumulo raptus puerilibus annis  
Pantagathus, domini cura, dolorque sui,

*Pantagathus mortuus annis puerilibus, amor et mœror sui heri, jacet in hoc sepul-*

//////////

*Epi. Pantagathi lemma est in quibusdam vett.—3 Vis tungente Junt. an.*



Vix tangente vagos ferro resecare capillos  
 Doctus, et hirsutas excoluisse genas.  
 Sis licet, ut debes, Tellus placata, levisque; 5  
 Artificis levior non potes esse manu.

*cro, sciens resecare errantes crines ferro vix tangente, atque expolire malas pilosas. O terra, quantumvis deinceps sis illi placata et levis, nequis esse levior manu artificis.*

1512.—5 *Sis licet imposito tellus* codex Pulmanni. *Sis licet inde sibi tellus* Ald. Junt. Colin. Gryph. Plant. Junian. Lang. Delph. &c. *barbare, iudicio Farnabii. Nostram lectionem testantur codd. Florent. et Thuan.*

## NOTÆ

2 *Pantagathus*] Raptus fato immaturo, amor nempe domini dum viveret, dolor vero ex quo mortuus. Ipsius forte Poëtæ fuit servus.

5 *Sis licet, ut debes [inde sibi]* De hac bene precandi formula vide lib. v. Epig. 35. *tellus sis sibi*, hoc est, ei, qui modus est loquendi Græcus, quem et Latini usurpant. Alii legunt, *Sis licet, ut debes*. Videat lector. Sensus est: O terra, quantumvis sis levis, nequis tamen esse levior manu Pantagathi, dum tonderet: quæ propria tonsoris lans est.

## LIII.

## DE ANDRAGORA.

LOTUS nobiscum est, hilaris cœnavit; et idem  
 Inventus mane est mortuus Andragoras.  
 Tam subitæ mortis causam, Faustine, requiris?  
 In somnis medicum viderat Hermocratem.

*Andragoras lætus lavit nobiscum, et idem cœnavit, mane repertus est defunctus. O Faustine, rogas causam tam repentini interitus? Medicus Hermocrates apparuerat illi in somnis.*

Hic nulla lectionis varietas est in libris manu exaratis aut excusis.

## NOTÆ

1 *Lotus nobiscum*] Huic simile est Epigramma Græcum Anthol. lib. II. *Eis 'Iarpoús*. Poëta carpit Hermocratem, qui proculdubio multos ægros sua imperitia necaret.

## LIV.

## DE SEXTILIANO.

TANTOS, et tantas si dicere Sextilianum,  
 Aule, vetes; junget vix tria verba miser.

Neque in hoc Epigrammate quicquam variant codd. aut libri impressi.

Quid sibi vult? inquis: dicam, quid suspicer esse:  
Tantos, et tantas Sextilianus amat.

## NOTÆ

4 *Tantos, &c.*] Prægrandes draucos, eorumque caudas.

## LV.

## IN CORACINUM.

QUOD semper casiaque, cinnamoque,  
Et nido niger alitis superbæ  
Fragras plumbea Nicerotiana,  
Rides nos, Coracine, nil olentes:  
Malo, quam bene olere, nil olere.

5

O *Coracine, irrides nos nihil fragrantis, quod tu semper unctus casia et cinnamomo, et nido aris superbæ, oles Nicerotiana plumbea: magis placet nihil olere, quam bene olere.*

3 *Fragras plumbea Nicerotiana* legit Salmasius. *Fragras plumbea Nicroniana* Ald. Junt. Colin. Gryph. Lang. &c. Nostram lectionem exhibet codex Pulmanni; et sic etiam legit Turneb. lib. xxv. cap. 27.

## NOTÆ

1 *Quod semper*] Iste Coracinus variis odoribus animæ fœtorem compecebat, quibus non opus est nihil olenti.

*Casia cinnamoque*] Frutices sunt odoris suavissimi.

2 *Et nido niger*] Hoc est, unctus iis herbis odoriferis, quibus nidum conficit phœnix, ut aiunt Poëtæ, quæ vera esse negat Plinius lib. xii. cap. 19. Vide lib. v. Epig. 7.

3 *Plumbea*] Redoles unguenta, quæ vasis plumbeis in umbra, teste Plinio lib. xiii. cap. 2. concoquebantur. *Nicerotiana* dicuntur a Nicerote unguentario, de quo lib. x. Epig. 38. et lib. xii. Epig. 66. Alii, *Nicroniana*.

5 *Nil olere*] Cur malit nihil olere, explicuit Poëta lib. ii. Epig. 12. 'Hoc mihi suspectum est, quod oles bene, Posthume, semper: Posthume, non bene olet qui bene semper olet.'

## LVI.

## IN CHARIDEMUM.

QUOD tibi crura rigent setis, et pectora villis;  
Verba putas famæ te, Charideme, dare.

## NOTÆ

1 *Quod tibi crura, &c.*] Crura et pectus hispida setosaque præ se ferendo, putas te contra iturum et de-

cepturum famam quæ de tua mollitie increbuit.



Extirpa, mihi crede, pilos de corpore toto,  
Teque pilare tuas testificare nates.

Quæ ratio est? inquis: scis multos dicere multa. 5

Fac pædicari te, Charideme, putent.

5 Pulmanni codex: *scis multos dicere multis*. Vide Turneb. lib. xxv. cap. 27.—6 *Pharideme* Junt. an. 1512.

## NOTÆ

3 *Extirpa, &c.*] Lib. II. Epig. 29. cunt Græci eleganter.  
vers. 6.

6 *Fac, &c.*] Hanc quasi levioris  
5 *Dicere multa*] Loqui varia de tua criminis suspicionem oppone illi gra-  
turpitudine. Πολλὰ καὶ παντοῖα di- viori, quod te suspicantur Φοινικίζειν.

## LVII.

## IN PHÆBUM.

MENTIRIS fictos unguento, Phœbe, capillos,  
Et tegitur pictis sordida calva comis.

Tonsorem capiti non est adhibere necessum:

Radere te melius spongia, Phœbe, potest.

O *Phæbe*, unguento dissimulas falsas comas, et turpis calva operitur picta cæsarie. Non est opus admovere tonsorem capiti. O *Phæbe*, spongia potest radere te melius.

*In Phæbum tegentem calvam capillis* inscribitur in Beverlandi Ms.—1 Pro *fictos* legendum esse *tactos* conj. Heins. ad Ovid. Fast. iv. 740. *fictos* tamen defendi posse, putabat Oudend. ad Lucan. x. 491. Emendationem Heinsii firmat codex Thuan. qui *factos* habet: forte tamen e recepta non inutiliter *tinctos* eliceres, quod (hoc modo, *tictos*,) exhibet Juntina nostra in margine.—2 *Et tegitur fictis* conj. Ant. de Rooy. ‘Vult Poëta,’ inquit ille, ‘Phæbum tegi calvam sordidam galero, et hoc modo mentiri capillos unguento tactos.—3 Codex Pulmanni et Beverlandi Ms. *adhibere necesse*.

## NOTÆ

1 *Mentiris fictos*] Turnebus lib. xxv. cap. 27. Olim qui erant toto capite calvi, sibi solebant unguento perfusi velut fila capillorum imitari. Vide Epig. 74. infra.

4 *Radere te*] Hoc est, abstergere pictos crines, et delere potest spongia. *Radere* non dicitur proprie nisi de novacula.

## LVIII.

## AD AULUM PUDENTEM.

CERNERE Parrhasios dum te juvat, Aule, Triones  
Cominus et Scythici sidera pigra poli;

O *Aule*, dum tibi placet cominus spectare Triones Parrhasios, et tolerare astru

O quam pæne tibi Stygias ego raptus ad undas  
 Elysiæ vidi nubila fusca plagæ !  
 Quamvis lassa, tuos quærebant lumina vultus, 5  
 Atque erat in gelido plurimus ore Pudens.  
 Si mihi lanificæ ducunt non pulla sorores  
 Stamina, nec surdos vox habet ista Deos ;  
 Sospite me sospes Latias reveheris ad urbes,  
 Et referes pili præmia clarus eques. 10

*Poli Scythici ; O quam fere ego tibi raptus ad undas Stygias spectavi atra nubila regionis Elysiæ ! Oculi, licet graves, quærebant tuos vultus, et gelido ore sæpissime loquebar de meo Pudente. Si lanificæ sorores trahunt mihi stamina non nigra, nec ista vox pervenit ad surda Numina ; me salvo salvus remeabis ad urbes Latii, atque eques illustris reportabis præmia primipili.*

2 *Scythici sidera ferre poli* Ald. Junt. Colin. Gryph. Plant. Junian. Pulman. Lang. Delph. &c. *Getici sidera pigra poli* Beverlandi Ms. cum aliis codd.—4 *Pro fusca* Pontanus ad Macrob. Saturn. i. 11. tentabat *frustra* ; sed frustra. Apud Ovid. Met. v. 286. legitur ‘Fusca repurgato fugiebant nubila cælo :’ ubi tamen multum variant codd. Ant. de Rooy reponendum hoc Nostri loco censet, *nubila furva*. ‘Furvus’ epitheton, quo semper de rebus infernis usos esse auctores, dudum monuerunt Heins. ad Ovid. Met. III. 273. et Broukh. ad Propert. iv. 11. 3. quos vide.—5 *Quamvis lapsa tuos* Beverlandi Ms. *lassa* et *lapsa* sæpe permutarunt librarii. Vide Burm. ad Ovid. Trist. II. 85. et Burm. II. ad Propert. II. 15. 7. et IV. 4. 64.—6 Beverlandi Ms. *plurimus ore pudor*.—9 Codex Oxon. penes Farnabium : *reveheris ad oras*.—10 *Pro clarus*, alii *magnus*.

## NOTÆ

1 *Cernere Parrhusios*] Gellius lib. II. cap. 21. ‘Sed ego quidem cum Lælio et Varrone sentio, qui Triones rustico vocabulo appellatos scribunt, quasi quosdam teriones : hoc est, arandæ colendæque terræ idoneos. Itaque hoc sidus, quod a figura posituraque ipsa quia simile plaustrum videtur, antiqui Græcorum ἀμαξαν dixerunt, nostri quoque veteres, a bubus junctis, Septemtriones appellarunt : id est, a septem stellis, ex quibus quasi juncti triones figurantur.’ Vide lib. IV. Epig. 11. et Epig. 25. supra. De Aulo Pudente jam dictum lib. I.

Epig. 32. et lib. V. Epig. 49.

2 *Sidera pigra* [ferre] Alii, *sidera pigra*.

3 *O quam*] Hoc est, quam pæne mortuus sum!

7 *Non pulla*] Quæ mortem minantur, lib. IV. Epig. 73.

10 *Et referes*] Hoc est, primipili, seu primi centurionis legionis honore, et equestribus ornamentis decoratus redibis : qui enim primipiles fiebat, statim in ordinem equestrem ascribebatur, teste Lipsio de Militia Romana lib. II.



## LIX.

## IN BACCARAM.

ET dolet, et queritur, sibi non contingere frigus  
 Propter sexcentas Baccara gausapinas:  
 Optat et obscuras luces, ventosque, nivesque:  
 Odit et hybernos, si tepuere, dies.  
 Quid fecere mali nostræ tibi, sæve, lacernæ, 5  
 Tollere de scapulis quas levis aura potest?  
 Quanto simplicius, quanto est humanius istud,  
 Mense vel Augusto sumere gausapinas?

*Baccara mæret atque expostulat, se non corripî frigore, propter sexcentas gausapinas: expetit dies nubilos, et ventos, et nives; odit et dies hybernos, si tepuere. O acerbe, quid in te peccarunt nostræ lacernæ, quas levis aura potest auferre ex humeris? quanto simplicius, et quanto humanius illud est, uti gausapinis vel mense Augusto.*

5 Edd. vett. *sæva*: alii *sæve* ut Baccara sit nomen viri: *sene* codex Vaticanus.—7 In edd. vett. *quanto est humanius illud*: in cod. Vaticano: *quanto est humanius illas*.

## NOTÆ

1 *Et dolet, et queritur*] Iste Baccara dolebat hyemem non sævire, ut posset ostentare gausapinas, penulas nempe villosas, quibus uterentur Romani hyberno tempore frigido. Simili morbo laborabat Zoilus, de quo lib. II. Epig. 16.

3 *Obscuras luces*] Hoc est, cælum nubilum.

5 *Sæve*] Alii legunt, *Sæva*: nomen est fictum, inquit Raderus, seu fœminæ, seu viri: placet accipere pro virili, nescio an fœminis gestatæ gausapinæ.

7 *Quanto simplicius*] Hoc est, humanius faceres, si aperte fatereris tuum morbum, gausapinas gestando vel media æstate.

## LX.

## DE POMPILLO, AD FAUSTINUM.

REM factam Pompillus habet, Faustine: legetur,  
 Et nomen toto sparget in orbe suum.

*O Faustine, Pompillus gessit rem feliciter; evolvetur, et diffundet nomen suum*

*De Pompillo* in edd. vett. *Ad Faustinum* in codice Pulmanni. *De Pompullo* in codd. Thuan. et Florent.—1 *Pompullus habet* in iisdem.—3 *Visiporum*

## NOTÆ

1 *Rem factam*] De hoc loquendi sine dubio consecuturum se quod modo dictum lib. I. Epig. 28. et lib. optat.  
 II. Epig. 26. dicitur de eo qui putat

Sic leve flavorum valeat genus Usipiorum,  
 Quisquis et Ausonium non amat imperium.  
 Ingeniosa tamen Pompilli scripta feruntur ; 5  
 Sed famæ non est hoc, mihi crede, satis.  
 Quam multi tineas pascunt blattasque disertī !  
 Et redimunt soli carmina docta coci !  
 Nescio quid plus est, quod donet sæcula chartis,  
 Victurus Genium debet habere liber. 10

*per totum mundum : sic valeat gens mobilis flavorum Usipiorum, et quisquis non fa-  
 ret Imperio Romano. Nihilominus scripta Pompilli dicuntur ingeniosa. At mihi  
 fidem adhibe, hoc non sufficit famæ. Quam multi eloquentes alunt tineas et blattas !  
 Et soli coci emunt versus eruditos ! Nescio quid plus est, quod conciliat immortali-  
 tatem scriptis, liber victurus debet habere genium.*

codex Thuan.—7 Beverlandi Ms. *plantasque disertī*.—8 Codex Vat. *carmina  
 docta joci*.—9 *Nescio quid plus sit* Thuan. *Nescio quid plus est quod donant*  
 Vat.—10 *Victurus senium* Beverlandi Ms.

## NOTÆ

3 *Sic leve*] Sic valeant hostes po-  
 puli Romani, ut libri Pompilli; hoc  
 est, utinam sic pereant, ut libri Pom-  
 pilli perituri sunt. Usipii vero po-  
 puli sunt Germaniæ Rheni accolæ ex  
 Tacito Hist. iv. qui eos conjungit  
 cum Chattis et Mattiacis; Ptole-  
 mæus tamen Usipios ad Istrum ponit.  
 Ita Raderus. Leves dicuntur, quod a  
 Romanis defecissent.

5 *Ingeniosa tamen*] Imperiti nempe  
 censeant ingeniosa esse scripta Pom-

pilli: Poëta respondet hoc non suffi-  
 cere ad consequendam famam.

7 *Blattas*] Vermes qui rodunt li-  
 bros.

8 *Carmina*] Quibus scilicet piper,  
 pisces, et cetera ejusmodi invol-  
 vantur.

10 *Genium*] Hoc est, leporem, et  
 gratiam nativam: unde Horatius :  
 'Tu nihil invita dices faciesve Mi-  
 nerva.'

## LXI.

## IN INVIDUM.

LAUDAT, amat, cantat nostros mea Roma libellos :  
 Meque sinus omnes, me manus omnis habet.

*Mea Roma celebrat, diligit, et canit nostros libros; et versor in gremio et manu*

Hujus Epigrammatis lectionem nullo modo variant impressi aut manu ex-  
 arati libri.

## NOTÆ

1 *Mea Roma*] Hoc est, mihi amica et benevola.

*Delph. et Var. Clus.*

*Martial.*

2 G



Ecce rubet quidam, pallet, stupet, oscitat, odit.

Hoc volo : nunc nobis carmina nostra placent.

*omnium. Ecce quidam rubet, pallet, obstupescit, oscitatur, odit. Hoc volo : nunc versus nostri sunt nobis jucundi.*

## NOTÆ

3 *Ecce rubet*] Describit Poëta animi motus quibus cruciantur invidi.

*Oscitat*] Ore hiscit, quod signum est fastidii.

4 *Nunc nobis*] Nunc, inquit, mea mihi placent carmina, cum displiceant

invidis.

## LXII.

## AD OPPIANUM.

AMISIT pater unicum Silanus :

Cessas mittere munera, Oppiane ?

Heu crudele nefas, malæque Parcæ !

Cujus vulturis hoc erit cadaver ?

*Silanus genitor perdidit unigenum : o Apiane, an moraris mittere dona ? Heu scelus inhumanum, atque improbæ Parcæ ! cui vulturi continget hoc cadaver ?*

*Epitaphium ad Apianum* incriptio est in codice Florent. *Ad Apianum* in Ald. Junt. Colin. Gryph. Pulman. Plant. Junian. Lang. &c. *Ad Appianum* Calderinus. *Ad Oppianum* in codd. Vat. et Thuan.—1 *Silanus* Beverlandi Ms.—2 *Oppiane* codd. Vat. Florent. et Thuan.

## NOTÆ

2 *Cessas mittere*] Iste Apianus, alii *Oppianus*, quidam fuit hæreditatum captator, quem carpit Poëta.

4 *Cujus vulturis*] Seneca Epist. 95.

‘Ærico ægro aliquis assidet, probamus : at hoc si hæreditatis causa fecit, vultur est, cadaver expectat.’

## LXIII.

## AD MARIANUM.

Scis te captari : scis hunc, qui captat, avarum :

Et scis qui captat, quid, Mariane, velit :

*O Mariane, scis te allici : nosti avarum esse hunc qui allicit : et nosti quæ sit mens*

## NOTÆ

1 *Scis te captari*] Marianum hunc irridet Poëta, qui blanditiis et muneribus allici se patiebatur.

2 *Quid velit*] Nempe tuam mortem, ut possideat tua bona.

Tu tamen hunc tabulis hæredem, stulte, supremis

Scribis, et esse tuo vis, furiose, loco.

Munera magna quidem misit, sed misit in hamo :

5

Et piscatorem piscis amare potest ?

Hiccine deflebit vero tua fata dolore ?

Si cupis, ut ploret : des, Mariane, nihil.

*illius qui allicit : nihilominus tu, o demens, instituisti hunc hæredem ultimo testamento, et vis, o vesane, illum tibi succedere. Misit quidem magna dona, at misit in hamo : et piscis potestne diligere piscatorem ? An hic lugebit tuam mortem vero mærore ? O Mariane, si placet ut fleat, nihil dones.*

//////////

5 *Munera magna tamen* in codd. Thuan. Vat. et Florent. et sic in nonnullis edd. Lectionem nostram exhibent edd. vett.—7 Edd. vett. *mea fata*, improbante Farnabio : codex Pulmanni, *tua fata*.

#### NOTÆ

- 5 *Sed misit in hamo*] Vide lib. v. sime risus est. Alii, *mea*.  
 Epig. 18. 8 *Des nihil*] Vana expectatione delusus tunc vere flebit.  
 7 *Vero tua fata*] Fictæ erunt ejus lacrymæ ; hæredis enim fletus sæpis-

### LXIV.

#### IN DETRACTOREM.

CUM sis nec rigida Fabiorum gente creatus,  
 Nec qualem Curio, dum prandia portat aranti,  
 Hirsuta peperit rubicunda sub ilice conjux ;  
 Sed patris ad speculum tonsi, matrisque togatæ

*Cum nec sis oriundus ex severa familia Fabiorum, nec talis, qualem Curio genuit rubicunda uxor sub ilice frondosa, dum fert prandia ipsi aranti ; sed filius patris*

//////////

3 *Hirsuta peperit deprensa sub ilice* Beverlandi Ms.—5 *Filius et spōsum* codex

#### NOTÆ

- 1 *Fabiorum gente*] Studiis belli asperrima et nobilissima.  
 2 *Curio*] M. Curium Dentatum intellige, de quo Cicero de Senectute : 'In hac vita (rusticana) M. Curius, cum de Samnitibus, de Sabinis, de Pyrrho triumphasset, consumsit extremum ætatis.'  
 4 *Ad speculum tonsi*] Id est, filius effœminati patris, qui pilos vellebat ad speculum, mollis Othonis instar, de quo Juvenalis Sat. I. 'Ille tenet speculum, pathici gestamen Othonis.'  
*Matrisque togatæ*] Hoc est, adulteræ : fœminæ enim adulterii convictæ togam ferre cogebantur. Lib. II. Epig. 39.



Filius, et sponsam possit te sponsa vocare ; 5  
 Emendare meos, quos novit fama, libellos,  
 Et tibi permittis felices carpere nugas :  
 Has, inquam, nugas, quibus aurem advertere totam  
 Non aspernantur proceres urbisque forique :  
 Quas et perpetui dignantur scrinia Silî, 10  
 Et repetit toties facundo Regulus ore ;  
 Quique videt propius magni certamina Circi  
 Laudat Aventinæ vicinus Sura Dianæ :  
 Ipse etiam tanto dominus sub pondere rerum  
 Non dedignatur bis terque revolvere Cæsar. 15  
 Sed tibi plus mentis, tibi cor limante Minerva  
 Acrius, et tenues fixerunt pectus Athenæ.  
 Ne valeam, si non multo sapit altius istud,  
 Quod cum panticibus laxis, et cum pede grandi,  
 Et rubro pulmone vetus, nasisque timendum, 20

*tonsi ad speculum, et matris togatæ, et cum possit sponsa te appellare sponsam ; tibi facis potestatem corrigendi meos libros quos celebrat fama, et sugillandi felices nugas : has, inquam, ineptias quibus præbere aurem non dedignantur principes urbis et fori, et quæ includuntur in armariis immortalis Silii, et toties ore diserto repetuntur a Regulo, et commendantur a Sura propinquo Dianæ Aventinæ, qui spectat propius pugnas magni circi : ipse etiam dominus Cæsar sub tanto pondere rerum non aspernatur bis et ter relegere. At tu habes plus ingenii, Minerva poliente tibi iudicium acrius, et subtiles Athenæ informarunt pectus tuum. Dispeream, si non multo altius sapit illud cor, quod cum intestinis laxis, et cum pede grandi, et vetus pulmone*

Pulmanni.—8 Beverlandi Ms. *quis aurem*.—12 In eodem, *totiens magni*.—13 Codex Vat. *jura Dianæ*.—17 Codex Pulmanni, *fixerunt*, sive *finxerunt*. Hor. ad Pisones: 'quamvis voce paterna Fingeris ad rectum.'—18 *Nec valeam, si non multo valet* Beverlandi Ms. *sapit altius illud* codex Pulmanni.—Vide

#### NOTÆ

5 *Et sponsam*] Quia effœminatus es.

10 *Silî*] De Silio Italico Poëta vide lib. iv. Epig. 14. de Regulo dictum lib. i. Epig. 13.

12 *Quique videt*] Sura Orator clarissimus habitabat in monte Aventino, ubi Diana colebatur, unde poterat despiciere in circum maximum vicinum. Suræ meminit Suetonius in Domitiano cap. 13.

15 *Cæsar*] Domitianus.

16 *Sed tibi*] Tu nempe unus omnium Romanorum sapientissimus.

17 *Fixerunt* [*finxerunt*] Alii minus bene, *fixerunt*.

18 *Ne valeam*] Hoc est, dispeream si non plus sapit cor pecudis quod venale circumfert lanius per totam urbem. Legunt alii *Quid cum* minus bene.

20 *Nasisque timendum*] Quia putridum.

Omnia crudelis lanius per compita portat.  
 Audes præterea, quos nullus noverit, in me  
 Scribere versiculos, miseras et perdere chartas.  
 At si quid nostræ tibi bilis inusserit ardor,  
 Vivet, et hærebit, totoque legetur in orbe; 25  
 Stigmata nec vafra delebit Cinnamus arte.  
 Sed miserere tui, rabido nec perditus ore  
 Fumantem nasum vivi tentaveris ursi.  
 Sit placidus licet, et lambat digitosque manusque;  
 Si dolor, et bilis, si justa coëgerit ira, 30  
 Ursus erit: vacua dentes in pelle fatiges,  
 Et tacitam quæras, quam possis rodere carnem.

*corrupto, et metuendum nasis, circumfert sævus lanius per omnia compita. Insuper audes componere in me carmina quæ nemo legerit, et perdere chartas infelices. At si æstus nostræ iræ tibi quid inusserit, durabit, et hærebit, et legetur in toto orbe. Nec Cinnamus arte callida tollet stigmata: at miserere tui, nec miser ore furenti experiaris fumantem nasum vivi ursi. Quamvis sit tranquillus, et lambat digitos et manus, si impelletur dolore, et bili, et justa ira, ursus fiet: defatiges dentes in pelle mortua, et latens quæras carnem quam possis rodere.*

//////////

Turneb. lib. xxv. 27.—20. Thuan. *nasique timendum*.—24 *Aut si quid Beverlandi Ms. At si qui codex Thuan. At si quid nostræ tibi bilis invexerit in codice Florent.*—27 *Sed miserere tui raptò in Beverlandi Ms.*—28 *Fumantem vivi nasum legit Sriverius.*—31 *Codex Pulmanni: in pelle fatigas.*—32 *Et tacitus quæras Ald. Junt. Colin. Gryph. Pulman. Plant. Junian. Lang. Delph. Farnab. &c. Et tacita quæras codd. Vat. et Florent. Et tacitam quæras codex Bodleianus, quod primus restituit Gruterus.*

#### NOTÆ

24 *At si quid]* Hoc est: At si ego iratus versus in te scripsero, non peribunt, tibi que sempiternam infamiæ notam inurent.

26 *Stigmata]* Notas infamiæ intellige, quas fugitivorum servorum fronti imprimere solebant Romani.

*Cinnamus]* Tonsor, de quo lib. vii. Epig. 63.

28 *Fumantem]* Sensus est: Noli me adversus te incitare, aliter iracundum me ursum senties. *Nasum* dixit, quia in naso iræ sedes est: *χολὰ ποτὶ δὲνὶ κάθηται*, *Bilis in nare sedet.* Theocritus Idyll. i.

31 *Vacua dentes]* Canes imitare, pellem mortuam rode, me vero vivum ne tangas.

#### LXV.

##### AD TUCCAM.

HEXAMETRIS Epigramma facis, scio dicere Tuccam.

Tucca, solet fieri; denique, Tucca, licet.

*Non ignoro Tuccam dicere, Scribis Epigrammata Hexametris. O Tucca, hoc*



Sed tamen hoc longum est: solet hoc quoque, Tucca, licetque:

Si breviora probas, disticha sola legas.

Conveniat nobis: ut fas Epigrammata longa 5

Sit transire tibi; scribere, Tucca, mihi.

*solet fieri: denique, o Tucca, fas est. At nihilominus hoc longum est: o Tucca, hoc etiam solet permitti: si breviora placent, evolvas sola disticha. Paciscamur inter nos, ut liceat tibi præterire longa Epigrammata: mihi facere, o Tucca.*

//////////

3 Ed. antiq. Ferrar. an. 1471. Ald. Junt. Colin. Gryph. Pulman. Plant. Junian. Lang. Delph. &c. *solet hoc quoque, Tucca, licere. Scriv. et Gruter. licetque.*

#### NOTÆ

1 *Hexametris*] Superius Epigramma ut longum, atque hexametris scriptum, sane redarguerat Tucca: quod utrumque fieri posse docet Poëta.

### LXVI.

#### DE PRÆCONE PUELLAM VENDENTE.

FAMÆ non nimium bonæ puellam,  
 Quales in media sedent Suburra,  
 Vendebat modo præco Gellianus.  
 Parvo cum pretio diu liceret,  
 Dum puram cupit approbare cunctis,  
 Attraxit prope se manu negantem;  
 Et bis, terque, quaterque basiavit.  
 Quid profecerit osculo, requiris?  
 Sexcentos modo qui dabat, negavit.

*Paulo ante præco Gellianus vendebat puellam existimationis non nimis integræ, quales versantur in media Suburra. Cum diu æstimaretur parvo pretio, dum vult ostendere omnibus illam esse pudicam, prope se attraxit manu recusantem, atque osculatus est bis, et ter, et quater. Rogas, quid sit assecutus basio? Qui paulo ante deferebat sexcentos recusavit.*

//////////

4 Gronovius conj. *pretio diu licerent.*—9 Beverlandi Ms. *negabit.*

#### NOTÆ

2 *Quales in*] Suburra urbis erat regio in qua habitabant meretrices. 7 *Basiavit*] Atque impuro suo ore tam impuram reddidit puellam, ut qui modo sexcentos sestertios nummos offerret, jam neget.  
 6 *Manu negantem*] Puella illa erat quidem facilis, at instructa arte meretricia negabat, quo magis placeret.

## LXVII.

AD PANNICUM DE GELLIA UXORE.

CUR tantum eunuchos habeat tua Gellia, quæris,  
Pannice? vult futui Gellia, non parere.

O Pannice, sciscitaris cur Gellia habeat tantum eunuchos? Gelliæ placet subagitari, non autem parere.

//////////

Ad Pannicum inscribitur in edd. vett.—1 Codex Thuaneus: tua Cælia, et sic v. 2.—2 Gellia, nec parere Beverlandi Ms. et codex Pulmanni.

## NOTÆ

2 Non parere] Juvenalis Sat. vi. lia semper Oscula delectent,' &c.  
'Sunt quas eunuchi imbelles, ac mol-

## LXVIII.

DE MORTE EUTYCHI PUERI.

FLETE nefas vestrum, sed toto flete Lucrino,  
Naides, et luctus sentiat ipsa Thetis.

Inter Baianas raptus puer occidit undas

Eutyclus, ille tuum, Castrice, dulce latus.

Hic tibi curarum socius, blandumque levamen ;

5

Hic amor, hic nostri vatis Alexis erat.

Numquid te vitreis nudum lasciva sub undis

Vidit, et Alcidæ nympha remisit Hylam ?

O Naiades, deplorate vestrum scelus, at deplorate toto Lucrino, atque ipsa Thetis audiat vestram mæstitiam. Puer Eutyclus periit raptus inter undas Baianas: ille, o Castrice, qui blandus adhærebat tuo lateri. Hic erat particeps tuarum sollicitudinum, et dulce levamentum: hic amor, hic Alexis nostri Poëtæ. Numquid Nympha petulans te aspexit nudum sub aquis vitreis, et remisit Hylam Her-

//////////

2 Naiades in edd. vett. Scribendum Naides; nam altero non sunt usi veteres, nisi ubi quatuor syllabarum eam vocem voluere: Naïades.—8 Alii, revisit.

## NOTÆ

1 Flete nefas] Eutyclus puer Castrici aquis Baianis extinctus est, cuius mortem deflet Poëta.

2 Ipsa Thetis] Thetis Nerei filia, et uxor Pelei, pro ipso mari ponitur. Sensus est: Thetis audiat, vel forte ipsa experiatur vestrum dolorem. Lucrinus vero in Campania, hodie,

Mar morto, vel Lago di Licola.

6 Alexis] Eutyclus tibi erat in deliciis, ut Virgilio Alexis. Virgil. Ecl.

II.

8 Nympha remisit] Te rapuit Hyla pulchriorem, quem restituit Herculi. Lib. v. Epig. 49.



An Dea fœmineum jam negligit Hermaphroditum,  
 Amplexu teneri sollicitata viri? 10  
 Quicquid id est, subitæ quæcumque est causa rapinæ;  
 Sit, precor, et tellus mitis, et unda tibi.

*culi? An Dea allecta amplexu viri teneri jam aspernatur fœmineum Hermaphroditum? Utut est, quæcumque est causa repentini raptus; precor ut terra sit tibi lenis et aqua.*

## NOTÆ

9 *An Dea*] Salmacis Hermaphroditum Veneris et Mercurii filium amavit. Ovid. Met. iv.

10 *Sollicitata*] Entychi amplexu.  
 12 *Sit, precor*] Mortuis bene precandi formula. Lib. v. Epig. 35.

## LXIX.

DE BASSA.

Non miror, quod potat aquam tua Bassa, Catulle:  
 Miror, quod Bassi filia potat aquam.

*Non miror, quod tua Bassa bibit aquam, o Catulle: miror, quod filia Bassi bibit aquam.*

2 *Bassæ filia* Gruterus ex codice Palat. et sic Beverlandi Ms. Ut in matre ann feratur, quod non in filia ævi florentis, quæque et amatoribus parte sua satisfacere deberet, et simul sibi.

## NOTÆ

1 *Non miror*] Oris forte erat impuri hæc Bassa, ut Lesbia, de qua lib. ii. Epig. 50. unde merito aquam potabat, qua os impurum purgaret: at cum esset temulenti Bassi filia, miratur Poëta illam a patre ebrius sic degenerasse, ut aquam biberet.

## LXX.

AD MARTIANUM.

SEXAGESIMA, Martiane, messis  
 Acta est, et, puto, jam secunda Cottæ;  
 Nec se tædia lectuli calentis  
 Expertum meminit die vel uno.

*O Mariane, Cotta explevit annum sexagesimum, atque, opinor, jam secundum. Nec meminit se vel uno die sensisse molestias lectuli calentis. Porrexit digitum, at impu-*

2 *Coctæ* Beverlandi Ms. —4 *Expertum minuit* in eodem Ms.—7 In quibus-

## NOTÆ

3 *Tædia lectuli calentis*] Hoc est, bre laborasse; propter quam incalescit lectus.

Ostendit digitum, sed impudicum, 5  
 Alconti, Dasioque, Symmachoque.  
 At nostri bene computentur anni,  
 Et, quantum tetricæ tulere febres,  
 Aut languor gravis, aut mali dolores,  
 A vita meliore separentur : 10  
 Infantes sumus, et senes videmur.  
 Ætatem Priamique Nestorisque  
 Longam qui putat esse, Martiane,  
 Multum decipiturque falliturque.  
 Non est vivere, sed valere, vita. 15

*rum Alconti, et Dasio, et Symmacho medicis. Sed nostri anni diligenter revocentur ad calculos, et removeatur a vita meliore quicquid abstulerunt sævæ febres, aut languor gravis, vel improbi mærores; infantes sumus, et senes apparemus. O Martiane, qui credit longam esse ætatem Priami et Nestoris, multum errat et decipitur. Vita non est vivere, sed bene valere.*

//////////

dam: *At nostri bene computantur.* Hæc usque ad vs. 10. male colliærere putat Ant. de Rooy: ille corr. *A vita meliori separetur.* Ceterum *tulere* valet 'abs-tulere;' qua notione sæpius hoc verbum simplex capiendum. Virg. *Æn.* II. 600. 'Ni mea cura resistat, Jam flammæ tulerint.' Sidon. *Carm.* XIII. 14. 'Nulla tamen fuso prior est Geryone pugna, Uni tergeminum cui tulit ille caput.' Ubi vide Savaro. Adi et Cel. Reitz. de *Ambig. Voc.* 'fero:' et Cl. Gruner. ad *Sedul.* lib. I. v. 205.

## NOTÆ

5 *Ostendit digitum*] Medium nempe, per contemptum. Lib. II. Epig. 28. Juvenalis Sat. x. 'mediumque ostenderet unguem.'

8 *Et, quantum*] Quot annos abstulerunt febres, &c.

14 *Decipitur*] Nam qui diu vivunt, ut Priamus et Nestor, qui gravi animi et corporis dolore cruciati sunt, non fruuntur vita longa, sed qui semper sani sunt, et vitam hilarem agunt.

## LXXI.

## DE TELETHUSA.

EDERE lascivos ad Bætica crusmata gestus,  
 Et Gaditanis ludere docta modis;

*Thelesina sciens agere gestus lascivos ad sonitus Bæticos, et ludere modulationibus*

//////////

*De Thelethusa Beverlandi Ms. De Thelesina in Ald. Junt. Colin. Gryph.*

## NOTÆ

1 *Edere lascivos*] Eum deridet Poëta, qui vendiderat Thelesinam, vel

Telethusam servam, quam postea ejus amore captus redemit.



Tendere quæ tremulum Pelian, Hecubæque maritum  
 Posset ad Hectoreos sollicitare rogos;  
 Urit et excruciat dominum Telethusa priorem: 5  
 Vendidit ancillam; nunc redimit dominam.

*Gaditanis. Quæ posset ad libidinem incendere trementem Pelian, atque excitare maritum Hecubæ prope rogam Hectoris. Thelesina adurit et torquet priorem herum; venundedit servam, nunc redimit dominam.*



&c. *De Telethusa* codex Pulmanni.—3 *Peliæ* codex Florent.—4 Codd. Pulman. et Florent. *solicitata*. In aliis *toros* pro *rogos*.—5 *Theletusa* codd. Vat. et Florent. *Telethusa* codex Pulmanni. *Thelesina* Ald. Junt. Colin. Gryph. &c.—6 Codex Pulmanni et Beverlandi Ms. *redimet*.

#### NOTÆ

*Crusmata*] Hoc est, sonitus, a verbo *κρούω*, pulso. *Bætica*, hoc est, Hispana; Bætis enim Hispaniæ fluvius; hodie, *Guadalquivir*. Puellæ autem Hispaniæ, maxime Gaditanæ, choreas agebant valde lascivas. Lib. I. Epig.

42. et lib. v. Epig. 79.

3 *Pelian*] Senex longævus fuit, Thessaliæ rex, de quo Ovid. Met. VII. Priamus vero maritus Hecubæ fuit, cujus senectus et historia satis nota.

### LXXII.

#### DE CILICE FURE.

FUR notæ nimium rapacitatis  
 Compilare Cilix volebat hortum:  
 Ingenti sed erat, Fabullæ, in horto  
 Præter marmoreum nihil Priapum.  
 Dum non vult vacua manu redire; 5  
 Ipsum surripuit Cilix Priapum.

*Cilix fur rapacitatis nimium compertæ cupiebat furtum facere in horto: at, o Fabulle, nihil erat in horto immenso præter Priapum marmoreum: dum Cilix non vult reverti manu vacua, furatus est ipsum Priapum.*



Nullam lectionis varietatem in hoc Epigrammate exhibendo produnt exemplaria manu exarata aut excusa.

#### NOTÆ

1 *Fur notæ*] Simile est Epig. Græcum Anthol. lib. II. cap. 25. cum ni-

hil in horto surripiendum inveniret fur, ipsum horti custodem surripuit.

## LXXIII.

DE PRIAPO HILARI.

NON rudis indocta fecit me falce colonus :  
 Dispensatoris nobile cernis opus.  
 Nam Cæretani cultor ditissimus agri  
 Hos Hilarus colles et juga læta tenet.  
 Aspice, quam certo videar non ligneus ore, 5  
 Nec devota focis inguinis arma geram ;  
 Sed mihi perpetua nunquam moritura cupresso  
 Phidiaca rigeat mentula digna manu.  
 Vicini, moneo, sanctum celebrate Priapum,  
 Et bis septenis parcite jugeribus. 10

*Non imperitus colonus formavit me falce rudi: vides egregium opus dispensatoris. Nam Hilarus notissimus cultor agri Ceretani possidet hos colles et jugera læta. Vide quam bene efficto vultu compaream non ligneus, nec gestem arma . . . comburenda . . . O Vicini, moneo colite sanctum Priapum, atque abstinete a quatuordecim jugeribus.*



*De Priapo lemma est in edd. vett.—3 Ald. Junt. Colin. Gryph. Pulman. Plant. Juuian. Lang. Delph. &c. cultor notissimus. Codex Florent. cultor ditissimus.—4 Hos hilares in codice Pulmanni. Hos Hilaris codex Florent.*

## NOTÆ

- 1 *Non rudis*] De Priapo hortorum qui familiæ rationes dispensat, peculiique administrationem habet. Leg. 51. et 62. ff. de Solutionibus.  
 2 *Dispensatoris*] Videtur esse nomen peritissimi enjuscumque artificis. § *Phidiaca*] Lib. III. Epig. 35. de Phidia dictum.  
 Alias dispensator servus appellatur,

## LXXIV.

AD ESCULANUM.

MEDIO recumbit imus ille qui lecto,  
 Calvam trifilem semitactus unguento,

*Ille qui imus accubat in medio lecto calva trifili sulcata unguento, et scalpit ora*



1 Codd. Florent. et Palat. pro *imus* habent *unus*; quæ duo verba sæpissime permutata fuere in codd. vett. Vide Burm. ad Propert. iv. 8. 7. et nos

## NOTÆ

- 1 *Medio recumbit*] In Romanorum singuli ut plurimum tres convivas accenaculis tres erant lecti, quorum cumbentes capiebant: medius vero



Foditque tonsis ora laxa lentiscis ;  
Mentitur, Esculane : non habet dentes.

*ampla politis lentiscis, mentitur, Esculane, illi non sunt dentes.*

ad Catull. LXI. 171.—2 *Calvam Tripilem* in edd. vett. *Calvam trisilem* in cod. Pulmanni, qui conj. *tripilem*, a tribus pilis. Codd. Florent. et Vat. *semitatus unguento* : et sic legendum censebat Turnebus. Ald. Junt. Colin. Gryph. &c. *segmentatus unguento*. Gruterus vero dicit legi in codice Palatino: *Calvam similem* ; unde Janus Rutgersius legendum putat: *Calvam Sileni*.—3 Beverlandi Ms. *lassa pro laxa*. De his vocibus vide Interpp. ad Propert. iv. 11. 26. et Sil. Ital. vi. 278. Obs. Misc. Tom. iv. p. 389. VV. DD. ad Ovid. Heroid. Epist. II. 123. Petron. cap. 82. Claud. de Laud. Stil. II. 145. et III. 228.—4 Ant. de Rooy distinguendum putat: *Mentitur, Esculane, non habet, dentes. Mentitur dentes* ut supra Epig. 57. ‘Mentiris fictos unguento, Phœbe, capillos.’

## NOTÆ

lectus aliis erat honoratior, et medius locus in medio lecto omnium honoratissimus; tribus ergo uno in lecto recumbentibus summus dicebatur, qui ad caput lecti recumbebat, imus vero qui ad pedes recumbentis in medio accubabat. De his. fuse Lipsius lib. III. antiquarum lectionum.

2 *Calvam trifilem*] Hunc locum explicat Turnebus lib. xxv. cap. 27. Ille enim, inquit, etiam unguento comam sibi in capite calvo pinxerat, et effinxerat: sed quæ trium filorum esset, et capillorum: vel calvam haberet, cui reliqui essent tres capilli.

Et cum in capite sulcos duxisset unguenti lituris, et veluti vias secuisset, *semitatus* dixit. Quæ est antiquorum librorum scriptura: ut mirer quid sit quod et contra sententiam, et versus rationem multi *segmentatus* et defendant, et declarent. Judicet lector. Legunt alii, *semitactus*: tangere quippe est oleo ungere ut aiunt. Porro segmentatum illud dicitur quicquid ex tenuissimis segmentis vermiculatum compositum est,

3 *Lentiscis*] Lentiscus arbor est cujus frondea cuspide dentium sordes purgabant.

## LXXV.

## IN PONTIAM.

CUM mittis turdumve mihi, quadramve placentæ,  
Sive femur leporis, sive quid his simile ;

*Cum ad me mittis turdum, aut frustum placentæ, aut femur leporis, aut aliquid*

1 In edd. vett. Ald. Junt. Colin. Gryph. Pulman. Plant. Junian. Lang. Delph. *turdumque*.—2 Beverlandi Ms. *sive quid his simile est*.—4 Codd.

## NOTÆ

1 *Quadramve*] Aliquando quadra ta secabantur placentæ. Sic lib. III. significat mensam. Juvenalis Sat. v. Epig. 76. ‘Nec te liba juvant, nec ‘aliena vivere quadra.’ Hic sumitur pro frusto, nam in quadrata frus-

Buccellas misisse tuas te, Pontia, dicis.

Has ego nec mittam, Pontia, sed nec edam.

*hujusmodi, o Pontia? dicis te misisse tuas buccellas. O Pontia, nec mittam has ad alios, at nec manducabo.*

//////////

Beverlandi, Florent. et Thuan. *Has ego non mittam.*

#### NOTÆ

3 *Buccellas*] Hoc est, frustra optimorum ciborum tibi appositorum, quanta nempe bucca capere potest. Alii aliter.

*Pontia*] Forte enim veneno imbutæ sunt illæ bucellæ. Pontia quippe venefica erat improbissima, de qua lib. II. Epig. 34.

### LXXVI.

#### EPITAPHIUM FUSCI.

ILLE sacri lateris custos, Martisque togati,

Credita cui summi castra fuere ducis :

Hic situs est Fuscus: licet hoc, Fortuna, fateri,

Non timet hostiles jam lapis iste minas.

Grande jugum domita Dacus cervice recepit,

5

Et famulum victrix possidet umbra nemus.

*Ille custos sacri lateris, et Martis togati, cui fuit commissus exercitus summi Imperatoris: hic jacet Fuscus. Fas est, o Fortuna, hoc confiteri: jam iste lapis non metuit minas hostium. Grande jugum impositum est subactæ cervici Daci, et umbra victrix tenet sylvam subditam.*

//////////

5 *Grande jugum domina* Ald. Junt. et Colin. *Grande jugum famula* Juntina nostra in margine. Sic lib. v. Epig. 3. 'Accola jam nostræ Degis, Germanice, ripæ, A famulis Istri qui tibi venit aquis.' Sed *famulum* occurrit versu sequenti.

#### NOTÆ

1 *Ille sacri*] Domitiani Præfectus Prætorii.

*Martis togati*] Domitiani in urbe residentis, et per duces bellum gerentis, qui idcirco togatus dicitur. Vel Martis togati custos dicitur, quod Prætorianæ cohortis esset Præfectus, quæ nempe urbis muros custodiret.

3 *Hic situs est*] Fusci meminit Suetonius in Domitiano cap. 6. Ad Fus-

cum est lib. VII. Epig. 27. cujus cines sane Romam allati fuerant.

*Licet hoc*] O fortuna, quæ Fusco invidisti, invita tamen fateri debes, Fuscum licet mortuum, cui sane in Dacia tumultus fuerat erectus, jam non timere hostes victos, unde umbra victrix dicitur. De Dacia sæpius dictum.



## LXXVII.

## IN AFRUM.

CUM sis tam pauper, quam nec miserabilis Irus ;  
 Tam juvenis, quam nec Parthenopæus erat ;  
 Tam fortis, quam nec, cum vinceret, Artemidorus :  
 Quid te Cappadocum sex onus esse juvat ?  
 Rideris, multoque magis traduceris, Afer, 5  
 Quam nudus medio si spatiere foro.  
 Non aliter monstratur Atlas cum compare ginno ;  
 Quæque vehit similem bellua nigra Libyn.  
 Invidiosa tibi quam sit lectica, requiris ?  
 Non debes ferri mortuus hexaphoro. 10

*Cum sis tam inops, quam nec erat infelix Irus; tam juvenis, quam nec Parthenopæus; tam robustus, quam nec Artemidorus, cum vinceret; cur placet gestari a sex Cappadocibus? Irrideris, o Afer, et multo majori es ludibrio, quam si nudus ambulares medio foro. Non aliter ostenditur Atlas cum mulo compare, et nigra bellua quæ portat Libyn. Rogas, quantum odium tibi conciliet lectica? Ne mortuus quidem debes gestari hexaphoro.*

*Ad Afrum mendacem Beverlandi Ms.—1 In eodem: quam nec miserabilis Eros.—5 Aper codex Florentinus. Apher in edd. vett.—7 Codex Vat. cum compare mullo. Codex Pulmanni, cum aliis vett. membranis: cum compare gibbo. In edd. vett. cum compare mulo. Lectio nostra debetur Scriverio. Vide Var. Notas.*

## NOTÆ

- 1 *Irus*] De quo lib. v. Epig. 40. Arrogantem et mendicum Afrum carpit, qui lectica perinde ac si ditissimus veheretur.
- 2 *Parthenopæus*] Juvenis pulcherri-  
 mus simul et fortissimus, quem celebrat Statius Theb. iv.
- 3 *Artemidorus*] Pugil forte vel gladiator.
- 4 *Cappadocum sex*] Hoc est, Quid gestaris a sex servis e Cappadocia?
- 5 *Traduceris*] De hoc verbo vide quæ diximus lib. Spect. Epig. 4.
- 7 *Monstratur Atlas*] Hoc est, si Atlas nanus mulum pumilionem conscendat, ludibrio erit. Sic Angelus Po-  
 litianus hunc locum explicat Miscell. cap. 23. Pro *cum compare mulo*, legit Scriverius *cum compare ginno*, hoc est, parvulo mulo. Vetus codex habet, *cum compare gibbo*. Cujusdam nani, qui Atlas vocaretur, meminit Juvenalis Sat. viii. Sic et Libys seu Afer vulgo ridetur ubi concolorem sibi elephantem conscendit.
- 10 *Non debes*] Quid sit hexaphorum dictum lib. ii. Epig. 81. Divites mortui efferebantur hexaphoro, pauperes vero sandapila, qua mortuus hic Afer efferendus erat, utpote pauper.

## LXXVIII.

AD AULUM, DE PHRYGE LUSCO.

POTOR nobilis, Aule, lumine uno  
 Luscus Phryx erat, alteroque lippus :  
 Huic Heras medicus, Bibas caveto :  
 Vinum si biberis, nihil videbis.  
 Ridens Phryx, oculo, Valebis, inquit. 5  
 Misceri sibi protinus deunces,  
 Sed crebros jubet: exitum requiris?  
 Vinum Phryx, oculus bibit venenum.

O Aule, Phryx egregius potator erat captus uno oculo, et lippus altero: medicus huic dicit, Vide ne potes vinum: si potaveris, nihil videbis. Phryx ridens dicit oculo suo, Valebis. Statim imperat sibi porrigi deunces, sed frequentes. Rogas eventum? Phryx hausit merum, oculus virus.

Ad Aulum de Lusco lemma est in edd. vett.—1 Doctor nobilis Beverlandi Ms.—3 Huic dicit medicus, bibas caveto Ald. Junt. Colin. Gryph. Pulman. Plant. Junian. Lang. Delph. &c. Huic eras medicus in quibusdam membranis. Huic Eros medicus conj. Beverlandus. Nostram lectionem restituit Janus Gruterus e codice Palatino.—5 Codex Vaticanus videbis, pro valebis. Ant. de Rooy legit: ocule o! valebis, inquit.

## NOTÆ

5 Valebis] Ludit in hoc verbo, 8 Oculus bibit venenum] Nam vino quasi dicat 'sanaberis:' sed intellige extinctus est oculus. Cetera per se eo sensu, quo lib. v. Epig. 67. hoc est, patent.  
 peribis.

## LXXIX.

AD LUPUM.

TRISTIS es, et felix; sciat hoc Fortuna, caveto :  
 Ingratum dicet te, Lupe, si scierit.

Mæstus es, et beatus; vide ne Fortuna hoc discat: si didicerit, o Lupe, te vocabit immemorem.

Hic nullam lectionis varietatem exhibent aut scripti aut impressi libri.

## NOTÆ

2 Ingratum] Cum grato et læto plurima, non accipias. animo beneficia, quæ in te contulit



## LXXX.

## AD CÆSAREM DE ROSIS HYBERNIS.

UT nova dona tibi, Cæsar, Nilotica tellus  
 Miserat hybernas ambitiosa rosas :  
 Navita derisit Pharios Memphiticus hortos,  
 Urbis ut intravit limina prima tuæ.  
 TANTUS veris honos, et odoræ gratia Floræ, 5  
 Tantaque Pæstani gloria ruris erat.  
 Sic quacumque vagus gressumque oculosque ferebat,  
 Tonsilibus sertis omne rubebat iter.  
 At tu Romanæ jussus jam cedere brumæ,  
 Mitte tuas messes ; accipe, Nile, rosas. 10

*O Cæsar, terra Ægyptia fastosa ad te miserat hyemales rosas ut nova munera : nauta Memphiticus contempsit hortos Ægyptios, ubi ingressus est primum aditum tuæ urbis. Tantum erat decus veris, et honor Floræ odoriferæ, et tanta pulchritudo Pæstani agri. Sic quacumque errans iret aut aspiceret, omnis via rubebat sertis textilibus. At tu, o Nile, coactus dare primas hyemi Romanæ, mitte tua frumenta, atque accipe nostras rosas.*

*De rosis ad Cæ. missis inscriptio est in edd. vett.—1 ‘ Male primum distichon distinguitur, et explicatur ; nam in fine ejus τελεία ὑποστιγμή ponenda est, ut sensu perfecto : neque exponendum : Ubi tibi allatæ sunt ex Ægypto rosæ hybernæ ; sed, Tellus Nilotica miserat tibi rosas hybernas, ut, id est, tanquam dona nova et insolita. Sic finit hæc sententia. Sequitur : At navita Memphiticus, ut intravit Romam, risit hortos Pharios.’ Gronovius.—5 TANTUS venit honos Beverlandi Ms.—7 In eodem : quocumque vagus.—8 Textilibusque sertis Ald. Junt. Colin. Gryph. Pulman. Plant. Junian. Lang. Delph. &c. Tonsilibus sectis in codd. Thuan. et Florent. Tonsilibus tectis in codice Vaticano. Sutilibus sertis legunt alii. Vide Salmasium in Var. Notis. omne subibat iter codex Thuanens. omne ruebat iter cod. Florent.*

## NOTÆ

2 *Ambitiosa*] Propter flores quos hyeme nasci alibi nou credebant Ægyptii.

3 *Navita Memphiticus*] Hoc est, ex urbe Memphi, de qua lib. Spect. Epig. 1. Ille scilicet Ægyptius hortos patriæ suæ contempsit, statim atque vidit roseta Romanorum.

5 *Tantus veris honos*] Id est, tanta erat rosarum copia, quibus abundat Pæstanus ager, de quo lib. v. Epig. 38.

8 *Tonsilibus* [*Textilibus*] *sertis*] Hoc

est, coronis textis ex rosis. Alii legunt *Sutilibus*: coronas nempe ex rosarum foliis consuere solebant veteres. Vide lib. v. Epig. 65. et lib. ix. Epig. 95. de qua lectione judicet lector.

9 *Cedere brumæ*] Hoc est, cedere rosis quæ hyemis tempore Romæ nascuntur.

10 *Tuas messes*] Frumentis abundat Ægyptus, unde dicta est Reipublicæ Romanæ horreum.

## LXXXI.

IN CHARIDEMUM.

IRATUS tanquam populo, Charideme, lavaris :  
 Inguina sic toto subluvis in solio.  
 Nec caput hic vellem sic te, Charideme, lavare ;  
 Et caput, ecce, lavas : inguina malo laves.

4 *Et caput esse lavas* Junt. an. 1512.

## NOTÆ

1 *Iratus tanquam populo*] Tanquam volens eos polluere et conspurcare, qui post te in eodem solio loturi sunt. 3 *Nec caput hic, &c.*] Vide lib. II. Epig. 42. argumenti æque puri, et Epig. 56. supra.

## LXXXII.

A D R U F U M.

QUIDAM me modo, Rufe, diligenter  
 Inspectum, velut emtor aut lanista,  
 Cum vultu digitoque subnotasset,  
 Tune es, tune, ait, ille Martialis,  
 Cujus nequitas jocosque novit, 5  
 Aurem qui modo non habet Batavam ?

*Cum paulo ante quidam velut emtor aut lanista me accurate consideratum subnotasset oculis et manibus, Tune es, tune, inquit, ille Martialis, cujus lascivias et sales tenet qui modo non habet aurem Batavam? Subrisi parum: et levi nutu fassus*

6 In edd. vett. *non habet severam*: in quibusdam codd. *non habet Sueram*: optimæ tamen membranæ: *non habet Batavam*; et sic tres clarissimi Batavi, Junius, Gruterus, et Scriverius. Vide Erasm. in Adag. 'Auris Batava,' et quæ dicimus ad lib. XIV. Epig. 176.

## NOTÆ

2 *Velut emtor*] Cum mangones servos emturi essent, eos diligenter inspiciebant, et manibus atrectabant. Lanista magister fuit gladiatorum quos domi habebat, atque instituebat ut illos deinde locaret et venderet. nationem antiquis suis dotibus spoliare decet, at reddendum unicuique quod suum est. Scriverius legit quidem *Batavam*, sed aliter explicat; exponit nempe sibi gratulari Poëtam, quod legatur ab omnibus Romæ, præterquam a Batavis, qui armis et duriori vitæ assueti, corporis Augnsti custodes, non ita curabant jocos istos. Hæc sunt Scriverii verba, de quibus judicet lector.



Subrisi modice : levique nutu  
 Me, quem dixerat esse, non negavi.  
 Cur ergo, inquit, habes malas lacernas ?  
 Respondi : Quia sum malus Poëta. 10  
 Hoc ne sæpius accidat Poëtæ,  
 Mittas, Rufe, mihi bonas lacernas.

*sum me esse quem dixerat. Quare igitur, inquit, sunt tibi lacernæ viles? Quia sum vilis Poëta. O Rufe, mitte mihi elegantes lacernas, ne hoc frequentius contingat vati.*

## NOTÆ

9 *Lacernas*] Vestes quæ togis superinduebantur. tritis lacernis erat indutus, quia malus Poëta, sed propter hoc ipsum, quod 'amor ingenii neminem unquam divitem fecerit,' ut ait Petronius.

10 *Quia sum malus*] Hoc urbane respondet Martialis; nec enim ideo

tritis lacernis erat indutus, quia malus Poëta, sed propter hoc ipsum, quod 'amor ingenii neminem unquam divitem fecerit,' ut ait Petronius.

## LXXXIII.

AD CÆSAREM DOMITIANUM.

QUANTUM sollicito fortuna parentis Etrusco,  
 Tantum, summe ducum, debet uterque tibi.  
 Nam tu missa tua revocasti fulmina dextra :  
 Hos cuperem mores ignibus esse Jovis.  
 Si tua sit summo, Cæsar, natura Tonanti, 5  
 Utetur toto fulmine rara manus.  
 Muneris hoc utrumque tui testatur Etruscus,  
 Esse quod et comiti contigit, et reduci.

*Quantum sors patris debet filio Etrusco inquieto, tantum tibi debet uterque, o summe ducum. Tu enim retraxisti fulmina jacta tua dextera : optarem ut talis esset natura fulminum Jovis. O Cæsar, si summus Jupiter habeat tuam indolem, manus ejus raro emittet totum fulmen. Etruscus filius testatur se consecutum hoc utrumque tuo dono, quod et licuit illi esse comiti, et reduci.*

6 Heraldus legit : *torto fulmine.*

## NOTÆ

1 *Quantum*] Duo fuere Etrusci, pater et filius : ille a Domitiano missus est in exilium, hic patrem sponte comitatus est, cujus reditum tandem impetravit. Vide Statii Sylv. III. et lib. VII. Epig. 40.

4 *Hos cuperem*] Hoc est, Optarem

ut tantam clementiam haberet Jupiter; raro enim fulmen vibraret totum.

7 *Hoc utrumque*] Nempe ipsi fuisse permissum et comitari patrem, et simul cum eo redire ab exilio. Sic Poëta laudat clementiam Domitiani.

## LXXXIV.

DE PHILIPPO.

OCTAPHORO sanus portatur, Avite, Philippus :  
Hunc tu si sanum credis, Avite, furis.

*O Avite, Philippus sanus vehitur Octaphoro : o Avite, si tu hunc existimas sanum, insanis.*

1 *Octaphoro sanus portatur, Avite* Beverlandi Ms.

## NOTÆ

1 *Octaphoro*] Lectica scilicet ab octo servis gestata. Lib. II. Epig. 81.  
2 *Hunc tu si sanum*] Animo nempe; etenim nimix erat arrogantix ab octo servis gestari.

*Sanus*] Corpore.

## LXXXV.

IN MORTEM RUFII CAMONII.

EDITUS est sextus sine te mihi, Rufe Camoni,  
Nec te lectorem sperat, amice, liber.  
Impia Cappadocum tellus, et numine lævo  
Visa tibi, cineres reddit et ossa patri.  
Funde tuo lacrymas, orbata Bononia, Rufo :  
Et resonet tota planctus in Æmilia.

5

*O mi Rufe, te absente edidi sextum librum Musis : nec confidit, o amice, te habere lectorem. A te conspecta impia terra Cappadocum, et Deo aversante restituit genitori tuo cineres atque ossa tua. O Bononia privata tuo Rufo effunde lacrymas, et lamentationes personent in tota Æmilia. Heu qualis pietas, heu*

*Flet mortem Ruffi* lemma est in edd. vett.—1 *Seditur en sextus* codd. Vat. et Florent. *Editur en sextus* in quibusdam : *Editur eu* (vel *heu*) *sextus* in aliis. *sine te mi Ruffe camœnis* Ald. Junt. Colin. et Gryph. *mihi Ruse Camoni* Beverlandi Ms.—3 Codd. Junii, Pulmanni, et Beverlandi : *lumine lævo*.—4 *Visa tibi cineres sedit* Beverlandi Ms. *redditur ossa patris* in Vaticano. Codex

## NOTÆ

1 *Editus est*] Est editus a me sextus liber Camœnis, Musis, id est, liber carminum. Quæ enim carmine scribuntur, Musis carminum præsidibus eduntur. Sic hunc versum explicat Raderus. Alii legunt *Rufe Camoni* cujus familiæ meminit lib. IX. Epig. 76. et 78.

2 *Nec te*] Quia interiisti,

3 *Impia*] Cappadoces impii dicuntur a Poëta vel propter pravam indolem, vel propter mortem Rufi pestilenti Cappadociæ aëre interfecti.

5 *Bononia*] Italiæ urbs nota, patria Rufi.

6 *Æmilia*] De via Æmilia, quæ Bononiam ducit, dictum lib. III. Epig. 4.



Heu qualis pietas, heu quam brevis occidit ætas!

Viderat Alpei præmia quinque modo.

Pectore tu memori nostros evolvere lusus,

Tu solitus nostros, Rufe, tenere jocos.

10

Accipe cum fletu mœsti breve carmen amici,

Atque hæc absentis thura fuisse puta.

*quam brevis ætas periit! Paulo ante spectaverat quinque præmia Alpei. O Rufe, tui moris erat legere nostros ludos, et memoriter scire nostras facetias. Accipe cum lacrymis brevem versum amici tristis, atque existima hæc fuisse thura absentis.*

Pulmanni: *reddit et ossa patris.*—8 Codd. Palat. Vat. et Florent. *præmia quanta.* cod. Thuan. *præmia quinta.* Beverlandi Ms. *præmia quarta;* et sic legit Gruterus.—10 *Tu solitus totos* codex Pulmanni; et sic Gruterus.

## NOTÆ

8 *Viderat Alpei*] Poëta intelligit Olympica certamina, quæ ad Alpheum amnem, cujus fons in Arcadia, quarto quoque anno celebrabantur teste Suida; atque ita sensus est: Rufum interiisse viginti annos natum, vel forte viginti quinque, si Olympiadem pro lustro intelligat Poëta, ut lib. vii. Epig. 40.

## LXXXVI.

## IN BIBENTES AQUAM CALIDAM.

SETINUM, dominæque nives, densique trientes,

Quando ego vos, medico non prohibente, bibam?

Stultus, et ingratus, nec tanto munere dignus,

Qui mavult hæres divitis esse Midæ.

*O Setinum, et nives jucundæ, et densi trientes, quando ego vos potabo, medico non vetante? Qui mavult succedere locupleti Midæ, demens est, atque immemor, nec*

*In Bibentes aquam* inscriptio est in edd. vett.—6 Scriverio debetur: *Et potet*

## NOTÆ

1 *Setinum*] Vinum nobile e Setia Campaniæ oppido.

*Dominæ nives*] Optatæ, quibus scilicet vinum refrigeratur: vocat autem nives dominas, quod illum allicerent traherentque. Lib. v. Epig. 65.

*Densique trientes*] Hoc est, frequen-

tes: triens vero quatuor cyathos continet.

4 *Qui mavult*] Possidere divitias Midæ regis Phrygiæ ditissimi, Ovid. Met. xi. quam bibere Setinum nivibus refrigeratum, ille stultus est, atque in Deos ingratus.

Possideat Libycas messes, Hermumque, Tagumque, 5  
Et potet calidam, qui mihi livet, aquam.

*dignus tanto dono. Qui mihi commendat aquam calidam, bibat illam, et fruatur messibus Africæ, et Hermo, et Tago.*

*calidam, qui mihi livet, aquam.* Quod et tentabat Turnebus, agnoscit Gronovius; et tandem testatur codex Thuaneus. Verbum 'livere' nonnunquam accipiendum pro 'invidere.' Tacit. Ann. XIII. cap. 42. ubi vide Cel. Ernest. Nostr. infra lib. x. Epig. 37. et Gevart. Lect. Papin. cap. 18. Editio illa, quæ Amstelodami ex Museo Scriverii prodiit an. 1650. paulo aliter distinguit; nempe hoc modo: *Et potet calidam, qui mihi livet aquam.* Quod si non errore operarum, sed ex mente Scriverii factum; an aqua nivata magis aqua dicenda, quam calida? vel, an aqua calida, quia calida erat, aqua esse desinebat? quis hoc statuatur? *Et potet calidam, qui mihi laudat aquam* in edd. vett. *Et potet caldam* cod. Thuan. et Beverlandi Ms. *qui mihi liber aquam* codex Pulmanni: *qui mihi libet aquam* Florent. 'Πολυθύλλητον est illud *livet*, cui suffragantur etiam cod. Thuan. in quo *caldam* melius, pro *calidam*. Pejor est, immo nullius numeri aliorum lectio, *laudat*, quam apud G. Chr. Gebauerum quoque reperi libro 'De caldæ et caldi apud Veteres potu,' Lipsiæ 1721. 8vo. C. II. p. 20. carbonem pro thesauro; magnum enim quidpiam ab eo expectaveram.' Sic scribit Anon. in Epist. Crit. ad Ant. de Rooy. 'Conjeci num forte levi mutatione legendum sit: *Possideat Libycas messes, Hermumque, Tagumque: Nec potet, calidam qui mihi laudat aquam.* Vides, si hoc modo legas, imprecationem esse, longe vehementissimam, et propius præcedentibus respondentem? Midæ sortem imprecatur calidam laudantibus. Ita *nec* in *et* transisse deprehendit Salmas. ad Flor. iv. 2. 67. *Et contra in Nec*, recte vidit Scriv. infra lib. x. Epig. 2. *Nec* h. l. resolvendum in 'et non;' id quod sententiæ nonnunquam requirunt. Vide Gronov. Obs. lib. III. cap. 7. et 11. et Gell. lib. II. cap. 2.' *Ant. de Rooy. Et potet calidam, qui mihi libat, aquam* invenio in editione Calderini: *libat* interpretatur 'propinat.'

## NOTÆ

5 *Libycas messes*] Hoc est, Africanos agros frumentis abundantes, et Hermunum Asiæ, et Tagum Hispaniæ amnes auriferos habeat Medicus, vel quilibet alius, dum modo aquam calidam potet; mihi vero pauperi vinum bibendum relinquat.

6 *Qui mihi livet* [laudat] Turnebus

lib. xxv. cap. 27. Reperio, inquit, in veteribus, *qui mihi libat*, ut sit, ne liberaliter quidem præbet, sed ministrat parce et maligne, ut si libaret, et tamen laudat, nos quoque laudamus. Alii *livet*, hoc est, invidet: *Et potet calidam, qui mihi livet, aquam.*

## LXXXVII.

A D CÆSAREM.

Di tibi dent, et tu, Cæsar, quæcumque mereris:

Di mihi dent, et tu, quæ volo, si merui.

O Cæsar, a te, atque a Diis consequaris quæcumque mereris: consequar a te atque a Diis, quæ cupio si dignus sum.

Hujus Epigrammatis lectio non variat in libris impressis aut scriptis.



## NOTÆ

1 *Di tibi]* O Domitiane, non indigens ab aliis quam a te ipso atque a Diis quicquam expectare, cum omnium mortalium ditissimus, et ipse Dens sis. Ego vero a Diis atque a te consequar, quæ meritus sum.

## LXXXVIII.

## AD CÆCILIANUM.

MANE salutavi vero te nomine casu :

Nec dixi dominum, Cæciliane, meum.

Quanti libertas constet mihi tanta, requiris ?

Centum quadrantes abstulit illa mihi.

*Forte mane salutavi te vero nomine : nec appellavi meum dominum. O Cæciliane, rogas quanti constet mihi tanta licentia ? illa me privavit centum quadrantibus.*

*Ad Sôsibianum lemma est in codice Florent. et versu 2. Sôsibiane meum.—*  
3 *Quanti libertas constat tibi codex Pulmanni.*

## NOTÆ

4 *Centum quadrantes]* Clientes vocabant patronos, quos colebant, dominos, a quibus solebant consequi centum quadrantum sportulam, quam amisit Martialis, cum forte salutasset Cæcilianum, nec dominum appellasset.

## LXXXIX.

## DE PANARETO POTORE.

CUM peteret seram media jam nocte matellam

Arguto madidus pollice Panaretus :

Spoletina data est, sed quam siccaverat ipse :

Nec fuerat soli tanta lagena satis.

*Cum Panaretus ebrius digito crepante posceret seram matellam media jam nocte : Spoletina porrecta est, at quam exhauserat ipse : nec tanta lagena suffecerat illi soli.*

1 *Cum peteret seram codex Pulmanni.—*4 *Codex Thuan. tanta lagena : codex Florent. toto.*

## NOTÆ

1 *Matellam]* Vas ad effundendum lotium. III. Epig. 80.

2 *Arguto pollice]* Crepitu nempe digitorum posebatur matella. Lib. 3 *Spoletina]* Lagena quæ Spoleti in urbe Umbriæ ficta erat, vel quæ plena esset vino Spoletino.

Ille fide summa testæ sua vina remensus,  
 Reddidit œnophori pondera plena sui.  
 Miraris, quantum biberat, cepisse lagenam?  
 Desine mirari, Rufe: merum biberat.

5

*Ille summa fide remensus testæ sua vina restituit pondera completa sui œnophori. An miraris lagenam continuisse quantum potaverat? O Rufe, cessa mirari: potaverat merum.*

## NOTÆ

5 *Remensus*] Hoc est, tantum lotii dilutum bibisset Panaretus ille, plus effudit, quantum vini biberat, atque lotii, pro ratione aquæ infusæ, effudit, quam lagena capere potuisset: œnophorum sen vas vinarium omnino implevit. at summa fide remensus est quod exhauserat.

8 *Merum biberat*] Si vinum aqua

## XC.

## DE GELLIA.

MÆCHUM Gellia non habet, nisi unum.  
 Turpe est hoc magis, uxor est duorum.

*Gellia non habet nisi unum mæchum. Hoc fædius est, conjux est duorum.*

Hic non variant libri, aut calamo exarati aut prelo excusi.

## NOTÆ

2 *Uxor est duorum*] Mariti scilicet et adulteri. Seneca de Beneficiis lib. III. cap. 16. 'Infrunita,' hoc est, insulsa, 'et antiqua est, quæ nesciat matrimonium vocari unius adulterium.' Hæc ergo Gellia excusabat se, quod unicum haberet mæchum: Poëta vero probat hoc illi turpius esse, quam innuptæ plures habere mæchos. Etenim repugnat unam fœminam duorum esse conjugem, quod tamen contingit, cum unum habeat mæchum.

## XCI.

## IN ZOILUM.

SANCTA ducis summi prohibet censura, vetatque  
 Mœchari: gaude, Zoile, non futues.

2 *Zoile, non futuis* in nonnullis edd. vett.

## NOTÆ

1 *Sancta ducis*] Vide Epig. 2. 4. et 7. supra. tam legem adversus adulteros dicit, quoniam ipse non sectabatur mulieres, sed fellabat. Lib. III. Epig. 81.

2 *Gaude, Zoile*] Zoilum non debere graviter ferre a Domitiano promulga-



## XCII.

IN AMMIANUM.

CÆLATUS tibi cum sit, Ammiane,  
Serpens in patera Myronis arte ;  
Vaticana bibis : bibis venenum.

*O Amiane, cum habeas in patera insculptum serpentem arte Myronis, potas vina Vaticana, potas toxicum.*

*In Amianum in edd. vett.—1 Dolatus tibi cum sit Amiane Beverlandi Ms. Cælatus tibi cum sit Anniane in codice Florentino.—2 Mironus in eodem codice ; unde Beverlandus legi jussit Myronos.—3 Codd. Florent. et Vat. bibis et venenum, metro obstante.*

## NOTÆ

- 2 *Myronis arte*] Sculptoris nobilis, dixit citato Epigrammate, mire conde quo lib. iv. Epig. 39. venit cum serpente expresso in patera, quæ est poculi genus latum ac patens.
- 3 *Vaticana bibis*] Quæ erant pessima. Vide lib. i. Epig. 19. Vinum vero Vaticanum, seu toxicum, ut

## XCIII.

DE THAIDE.

TAM male Thais olet, quam non fullonis avari  
Testa vetus, media sed modo fracta via.  
Non ab amore recens hircus, non ora leonis,  
Non detracta cani Transtiberina cutis.

*Thais olet putidius quam vetus amphora fullonis avari, at paulo ante rupta media via. Hircus a coitu recenti, ora leonis, pellis Transtiberina ablata a cane. Pullus*

2 Codex Vaticanus : *quæ modo fracta via.* Beverlandi Ms. *via est.*—3 Codex Thuaneus : *non hora leonis.* Beverlandus legi jussit : *non ala leonis.*—4 *Non detracta lacu* margini ascriptum exhibet Juntina nostra : *lacu* interpretor locum putidum ubi Coriarius δέρματα madefacit, Anglice, *a tan-pit.* Si cani legen-

## NOTÆ

- 1 *Quam non fullonis*] In triviis amphoras collocabant fullones ad excipiendum lotium, magnum vero pretium pro vestibis purgandis exigebant : quam ob causam, ut putat Raderus, avari dicuntur. Camelorum 'urinam fullonibus utilissimam esse tradunt,' inquit Plinius lib. xxviii. cap. 8.
- 3 *Non ab amore*] Vide lib. iv. Epig. 4. Plinius lib. xi. cap. 53. Animæ leonis virus grave.
- 4 *Transtiberina*] Vide lib. i. Epig. 42. in regione urbis trans Tiberim sordida exercebantur opera.

Pullus abortivo nec cum putrescit in ovo, 5  
 Amphora corrupto nec vitiata garo.  
 Virus ut hoc alio fallax permutet odore,  
 Deposita quoties balnea veste petit:  
 Psilothro viret, aut acida latet oblita creta :  
 Aut tegitur pingui terque quaterque faba. 10  
 Cum bene se tutam per fraudes mille putavit,  
 Omnia cum fecit, Thaida Thais olet.

*cum corrumpitur in ovo abortivo, amphora rupta putrido garo. Quoties veste abjecta adit balnea, ut fraudulenta commutet hanc graveolentiam alio odore; nitescit psilothro, aut delitescit delibuta creta acida, aut ter et quater operitur faba opima. Cum credidit se bene munitam per mille dolos, cum molita est omnia, Thais olet Thaida.*



dum, intellige δέρμα caninum; aliter enim interpretantur.—6 Codex Pulmanni: *nec vitiata cudo*.—9 *Psilothro vitet* Junt. an. 1512. *Psilothro nitet* in aliis vett. *nitet* et *vitet* vix distingui possunt in codd. Ex Juntinæ lectione *vitet* nullo negotio fit lectio nostra, quam satis firmat codex Thuaneus. *aut acida latet* idem Thuan. *aut acida nitet* Beverlandi Ms.—10 *Aut tegitur pista* in eodem Ms.—11 *Cum bene securam profert* idem Beverlandus.

## NOTÆ

- 5 *Pullus abortivo ovo*] Nec pejus olet pullus abortivus in ovo putrido. cerata, qua faciem oblinebat Thais.  
 6 *Garro*] Quod ex intestinis et sanguine scombrorum conficiebatur. Lib. 10 *Faba*] Unguento facto ex farina fabarum, quod lomentum vocari putat Domitius lib. III. Epig. 42.  
 XIII. Epig. 102. 11 *Cum bene se tutam*] A graveolentia scilicet, semper nativum odorem omnium pessimum olet Thais.  
 9 *Psilothro*] Unguentum, de quo lib. III. Epig. 74.  
*Aut acida*] Id est, creta aceto ma-

## XCIV.

## DE CALPETIANO.

PONUNTUR semper chrysendeta Calpetiano,  
 Sive foris, seu cum cœnat in urbe domi.

*Semper apponuntur chrysendeta Calpetiano, seu cum cœnat foris, seu domi in urbe.*



*De Calpetano* lemma est in codice Pulmanni. Cetera, nulla est varietas in hoc Epigrammate.

## NOTÆ

- 1 *Chrysendeta*] Quæ sic explicat lib. II. Epig. 43. Ego vasa gemmata esse puto, quorum gemmæ consertæ et contextæ tenerentur.  
 Turnebus lib. XIV. cap. 3. Vasa doctissimi viri explicant crustis aureis et contextæ tenerentur.  
 illigata et exornata, ut in Martiale



Sic etiam in stabulo semper, sic cœnat in agro.  
 Non habet ergo aliud? non habet immo suum.

*Sic quoque semper cœnat in diversorio, sic in villa. An igitur non habet aliud? Immo non habet suum.*

## NOTÆ

4 *Non habet*] Interrogat lector: Calpetianus ergo non habet alia vasa præter chrysendeta?  
*Immo*] Respondet Poëta: Immo ea vasa quibus utitur, non sunt sua, sed mutuo sumta.

M. VAL. MARTIALIS  
EPIGRAMMATUM

LIBER VII.

---

I.

AD DOMITIANUM, DE LORICA.

ACCIPERE belligeræ crudum thoraca Minervæ,  
Ipsa Medusææ quem timet ira comæ.  
Dum vacat hæc, Cæsar, poterit lorica vocari:  
Pectore cum sacro sederit, Ægis erit.

O Cæsar, indue sævum thoraca bellicosæ Minervæ, quem ipsa Dea Medusea etiam irata metueret. Poterit hæc lorica appellari, dum otiosa est: cum munierit sacrum pectus, vocabitur Ægis.

~~~~~

In edd. vett. lemma deest: in aliis inscribitur: *Ad lorica Domitiani.*—
2 *Ipsa Medusææ quo* Beverlandi Ms. *quem timet ira Deæ* ed. antiquiss. Ferrar. an. 1471. Ald. Junt. Colin. Gryph. Pulman. Plant. Junian. Lang. Delph. &c. *quo tumet ira Deæ* Calderinus et codex Bodl. i. e. quo irata Pallas utitur, quem sumit Pallas pugnatura. *quem timet ira comæ* codd. Vat. et Florent. *quem timet umbra comæ* Junt. nostra in margine; quod etiam proposuit Beverlandus. Mart. VIII. 55. 'Aurea lunatæ cum stetit umbra jubæ.' Umbra hic est sylva: aliter Gronovius, quem vide in Var. Notis.

NOTÆ

1 *Accipe*] Hoc Epigramma ad Sarmaticam expeditionem referri videtur, de qua Suet. in Domit. cap. 6.

2 *Ipsa Medusææ*] Alii: *Ipsa Medusææ quo tumet ira Deæ*: hoc est, quo irata Pallas utitur, et quo induta ferocior evadit, quæ Medusea

dicitur, quod illius ope Medusam interfecerit Perseus. Legunt alii: *Ipsa Medusææ quem timet ira comæ*: hoc est, quem thoraca vel ipsa Medusa serpentibus, quos pro capillis gerebat, munita timeret. Eligat lector.

4 *Ægis erit*] Lorica qua Dii utun-

NOTÆ

tur, Ægis dicitur, quæ est clypeus Palladis factus ex Amaltheæ capræ corio, in cujus medio erat Gorgonis caput: quo clypeo si Numen aliquod munierit pectus, Ægis dicitur, lorica autem, cum illo usus fuerit mortalis. Cæsar Domitianus Deus haberi volebat. Sequens Epigramma cum hoc

primo conjunxit Domitius, et inscripsit: *Ad lorica Domitiani*: at esse distinguendum contendit Raderus: hic enim, inquit, Cæsarem ipsum alloquitur, lorica vero sequentibus distichis. Ego cum Radero existimo esse novum Epigramma.

II.

AD IPSAM LORICAM.

INVIA Sarmaticis domini lorica sagittis,
 Et Martis Getico tergore fida magis:
 Quam vel ad Ætolæ securam cuspidis ictus
 Texuit innumeri lubricus unguis apri.
 Felix sorte tua! sacrum cui tangere pectus
 Fas erit, et nostri mente calere Dei.
 I comes, et magnos illæsa merere triumphos,
 Palmatæque ducem, sed cito, redde togæ.

5

O lorica domini impenetrabilis jaculis Sarmatarum, et tutior Getico tergore Martis: quam tutam vel ab ictibus teli Ætoli texuerunt politi unguis multorum aprorum: nacta es felicem sortem, cui licebit tangere sacrum pectus, et calefieri mente Numinis nostri. Ito socia, atque illæsa merere magnos triumphos, et quamprimum restitue Imperatorem togæ palmatæ.

Ed. antiquiss. Ferrar. an. 1471. Ald. Junt. Colin. Pulman. Lang. aliæ, hoc Epigramma præcedenti conjunctum exhibent. Distinctum præfert Calderina editio, quam secutæ sunt Plant. Junian. Farnab. Schrevel. et recentt. Hic ergo lorica ipsam alloquitur; superiori tetrasticho Cæsarem est affatus. Felicem enim prædicat lorica, quod pectus Dei, i. e. Cæsaris attingat, et comes eat in hostes. Inscriptio in quibusdam est: *Ad lorica Domitiani*, ut priori Epigrammate.—3 *Quam vel ad ætholias* Beverlandi Ms.—7 In codice Vaticano, *merge triumphos*.

NOTÆ

1 *Invia Sarmaticis*] Vide Epig. superius. Sarmatia duplex est, inquit Ortelius, Europæa et Asiatica. Europæam *Russiam* hodie vocat, Asiaticam vero, *Tartariam*.

2 *Et Martis Getico*] Mars Deus belli apud Getas colebatur indutus lorica facta ex pellibus animalium.

3 *Quam vel ad*] Ætolam cuspidem intellige telum Meleagri in Ætolia

nati: vel Ætolam cuspidem interpretare lanceam, et quidem acutissimam; Ætoli enim, inquit Raderus, Plinio teste, lanceas invenerunt.

4 *Lubricus unguis*] Hæc Domitiani lorica erat contexta vel ex laminiis æreis aprorum unguis referentibus, vel forte ex veris aprorum unguibus.

6 *Dei*] Domitiani.

8 *Palmatæque*] Hoc est, urbi resti-

NOTÆ

tue Imperatorem triumphantem: nam erant palmæ, triumphantium erat palmata vestis, in qua nempe depictæ propria.

III.

AD PONTILIANUM.

CUR non mitto meos tibi, Pontiliane, libellos?

Ne mihi tu mittas, Pontiliane, tuos.

O Pontiliane, quare non mitto ad te meos libros? ne tu, o Pontiliane, mittas ad me tuos.

Hic nulla lectionis varietas est in libris calamo exaratis aut typis impressis.

NOTÆ

1 *Cur non*] Per se patet hoc Epig. Ejusdem argumenti est lib. v. Epig. 74.

IV.

DE OPPIANO.

ESSET, Castrice, cum mali coloris,

Versus scribere cœpit Oppianus.

O Castrice, cum Oppianus haberet malum colorem, incepit componere carmina.

De Opiano inscribitur, in Ald. Junt. Colin. &c. Mox vs. 2. *Opianus* in iisdem.

NOTÆ

1 *Esset*] Oppianus iste, de quo jam chartis impallescere. Persius Sat. lib. vi. Epig. 42. poësi animum applicuit, ratus, propter pallorem ex morbo contractum, se habitum iri nobilem Poëtam, quales erant ii qui v. Horat. i. Epist. 19. 'Decipit exemplar vitiis imitabile: quod si Pallerem casu, biberent exsanguè cuminum.'

V.

AD CÆSAREM DOMITIANUM.

SI desiderium, Cæsar, populique patrumque

Respicias, et Latiae gaudia vera togæ;

O Cæsar, si moveris amore populi et patrum, et vera lætitia togæ Latiae, restitue

Hic nulla lectionis varietas invenienda est in exemplaribus scriptis aut impressis.

Redde Deum votis poscentibus : invidet hosti
 Roma suo, veniat laurea multa licet.
 Terrarum dominum propius videt ille, tuoque
 Terretur vultu barbarus, et fruitur.

5

te *Deum vehementibus votis Romanorum : Roma invidet suo hosti, quamvis frequens laurea afferatur. Ille propius spectat dominum orbis ; et barbarus terretur tuo vultu, sed fruitur.*

NOTÆ

2 *Latiae gaudia*] Hoc est, Romanorum togatorum.

3 *Redde Deum*] Hoc est, Redi in urbem.

Invidet hosti] Quod nempe fruitur

tua præsentia.

4 *Veniat laurea*] Hoc est, Licet ad nos literæ laureatæ sæpe afferantur, victoriarum, quas ex Sarmatis reportas, nuntiæ. Vide Epig. sequens.

VI.

DE FAMA REDITUS DOMITIANI.

ECQUID Hyperboreis ad nos conversus ab oris
 Ausonias Cæsar jam parat ire vias ?
 Certus abest auctor, sed vox hoc nuntiat omnis :
 Credo tibi ; verum dicere, Fama, soles.
 Publica victrices testantur gaudia chartæ :
 Martia laurigera cuspide pila virent.

5

Ecquid Cæsar ad nos conversus a regionibus Septemtrionis meditatur suscipere iter Italiae ? auctor manifestus non apparet, at vox omnis nuntiat hunc reditum. O Fama, tibi adhibeo fidem, tui moris est dicere verum. Laureatæ literæ confirmant publicam lætitiæ : pila Martia virescunt cuspide laureata. Roma iterum

3 *Certus adest auctor* exhibet codex Vaticanus.

NOTÆ

1 *Ecquid Hyperboreis*] De Sarmatia, regione ad Septemtrionem, vide Epig.

2. supra.

2 *Ausonias*] Italas : Italia enim Ausonia dicta est ab Ausone Ulyssis et Calypsus filio.

4 *Verum dicere*] Immo falsum dicere solet fama. Virg. Æn. iv. 'Facta atque infecta canit.' Tamen videtur Poëta intelligere tunc famam solere dicere verum, cum constanti omnium sermone aliquid celebratur ; Domitiani vero reditum omnes renuntiabant. Vel quod facile credi-

mus, quod cupimus.

5 *Victrices chartæ*] Reportata victoria solebant duces Romani vel ad Senatum vel ad principem mittere laureatas literas indices victoriæ, cujus insigne est laurus. Livius Decad. i. lib. 5. 'Literæ a Posthumio laureatæ sequuntur victoriam populi Romani.'

6 *Martia laurigera*] Milites hastarum et pilorum cuspidem lauro circumdabant in signum lætitiæ ex reportata victoria.

Rursus, io, magnos clamat tibi Roma triumphos,

Invictusque tua, Cæsar, in urbe sonas.

Sed jam lætitiæ quo sit fiducia major,

Sarmaticæ laurus nuntius ipse veni.

10

clamat io tibi magnos triumphos, atque tua in urbe, o Cæsar, invictus proclamaris. At jam ipse redi renuntiaturus victoriam Sarmaticam, ut sit major securitas nostri gaudii.

NOTÆ

7 *Rursus io*] Vox triumphi solennis. Vide Horat. Epod. 9.

VII.

AD CÆSAREM DOMITIANUM.

HYBERNA quamvis Arctos, et rudis Peuce,

Et unguarum pulsibus calens Ister,

Fractusque cornu jam ter improbo Rhenus,

Teneat domantem regna perfidæ gentis,

Te, summe mundi rector, et parens orbis,

5

Abesse nostris non tamen potes votis.

Illic et oculis et animis sumus, Cæsar:

Adeoque mentes omnium tenes unus,

O summe moderator mundi, et pater orbis, licet hyemalis Arctos, et barbara Peuce, et Danubius calefactus agitationibus unguarum, et jam ter cornu fracto Rhenus rebellis retineat te vincentem regna nationis perfidiosæ: nihilominus nequis remotus esse a nostris votis. Ibi, o Cæsar, adsumus et oculis et mentibus, atque ita,



2 Codex Vaticanus exhibet: *carens Ister*.—3 *Fractoque cornu jam ter improbus Rhenus* codex Florentinus.—5 *Juntina nostra* in margine: *te parens*

NOTÆ

1 *Hyberna*] Vide superiora Epigrammata. Hoc est, Quamvis te longe a nobis bella detineant in regionibus Septemtrionis, nostris tamen mentibus præsens es.

Rudis Peuce] Insula magna ad ostia Istri, teste Strabone lib. VII.

2 *Et unguarum*] Vide Ovidium Trist. III. 10. ‘Cœruleos ventis latices durantibus Ister Congelat, et tectis in mare serpit aquis. Quaque rates ierant, pedibus nunc itur: et undas Frigore concretas ungula pul-

sat equi,’ &c.

3 *Fractusque cornu*] Metonymia est: fractum Rhenum dicit pro victis Batavis et Germanis: alludit autem noster Poëta ad fluviorum cornua. Virgilius Æn. VIII. ‘Corniger Hesperidum fluvius regnator aquarum.’ Et vide etiam lib. IX. Epig. 104. ‘Cornua Sarmatici ter perfida condudit Istri.’

8 *Adeoque*] Omnes enim a spectaculis avertuntur cum aliquid narratur aut de tuo reditu, aut de tuis victoriis.

Ut ipsa magni turba nesciat Circi
Utrumne currat Passerinus, an Tigris.

10

tu unus occupas cogitationes omnium, ut ipsa multitudo Circi magni ignoret, utrumne Passerinus currat, an Tigris.

urbis: codex Pulmanni: et parens orbis.—10 Passarinus legitur in codice Palatino. Hæc sunt nomina athletarum. Vide Salmas. ad Solinum.

NOTÆ

10 *Passerinus, an Tigris*] Ambo cursu pedibusque gloriari? Tigrim vince, certabant, reliquosque longe superabant. Lib. XII. Epig. 36. 'Vis cursu levemque Passerinum.'

VIII.

DE REDITU DOMITIANI.

NUNC hilares, si quando mihi, nunc ludite, Musæ:

Victor ab Odrysio redditur orbe Deus.

Certa facis populi tu primus vota, December:

Jam licet ingenti dicere voce, Venit.

Felix sorte tua! poteras non cedere Jano,

5

Gaudia si nobis, quæ dabit ille, dares.

Festa coronatus ludet convicia miles,

Inter laurigeros cum comes ibit equos.

O Musæ nunc lætæ nunc canite, si unquam mihi cecinistis: Deus restituitur victor ab orbe Othrysio. O December, tu primus reddis certa vota populi: jam fas est clamare summa voce, Venit. Beatus sorte tua poteras non dare primas Jano, si nobis pareres lætitiæ quam pariet ille. Miles coronatus jocabitur contumelias fes-

2 *Victor ab Othrysio* Plant. Junian. Lang. Delph. aliæ. *Victor ab Odrysio* codex Pulmanni; et sic Ald. Junt. Colin. Gryph. et aliæ vett.—6 *Gaudia si nobis, quæ dabit* ed. antiq. Ferrar. an. 1471. Ald. Junt. Colin. Gryph. et Lang. *dabit* codex Pulmanni; recte: eo quod Domitianus a subacta Germania non

NOTÆ

2 *Odrysio* [*Othrysio*] Othrys mons Thraciæ: melius forte legunt alii *Odrysio*. *Odrysæ* enim populi sunt Thraciæ, quos aliqui hodie vocant, *Moldavenses*. Claudianus tamen de III. Cons. Honor. 'Otrysium pariter Getico fœdavimus Hebrum Sanguine.'

3 *Certa facis*] Mense enim Decembri literæ Romam sunt allatæ de reditu Domitiani.

5 *Poteris non*] Sensus est: Si mense

Decembri urbem ingressurus esset Cæsar, poterat ille non cedere Januario, a Jano Deo, in cujus honorem multa sacrificia fiebant, sic dicto, Ovid. Fast. 1. quo nempe mense Romam erat rediturus Cæsar.

7 *Festa coronatus*] Triumphum comitari milites lauro coronati, et in ipsum Imperatorem jocosa convicia jacere solebant.

8 *Inter laurigeros*] Ovid. Trist. IV. 2.

Fas audire jocos, levioraque carmina, Cæsar,
Et tibi: si lusus ipse triumphus amat. 10

tivas, cum socius sequetur inter equos laureatos. O Cæsar, liceat tibi audire ludos, et versus leviores, si triumphus ipse admittit jocos.

ante Januarii rediturus erat Romam. Vide lib. VIII. Epig. 8.—9 Codex Vaticanus, *leviori carmine*.—10 *Sit tibi, si lusus* ed. antiq. Ferrar. an. 1471. Ald. Junt. Colin. Gryph. Plant. Junian. Pulnan. Calderin. Lang. Delph. aliæ. *Et tibi, si lusus* codd. Vat. et Gruteri, qui primus in textum recepit. Janus Rutgersius legendum censet: *Et tibi sit: lusus ipse*.

NOTÆ

‘Vinclaque captiva reges cervice 9 *Levioraque*] Hoc est, audire mea gerentes Ante coronatos ire videbit Epigrammata. equos.’

IX.

DE CASCELIO.

CUM sexaginta numeret Cascelius annos,
Ingeniosus homo est: quando disertus erit?

Cum Casselius natus sit sexaginta annos, solers est: quando erit eloquens?

De Casselio inscribitur in edd. vett. quæ versu primo exhibent etiam, *Casselius*: Beverlandi Ms. *Cascellius*.

NOTÆ

1 *Cum sexaginta*] Jam senex iste tardius ad discendum eluxisset ejus Casselius ingeniosus videri volebat, ingenium. quem Poëta irridet, quod nempe

X.

IN OLUM.

PÆDICATUR Eros, fellat Linus: Ole, quid ad te,
De cute quid faciat ille, vel ille, sua?
Centenis futuit Matho millibus: Ole, quid ad te?
Non tu propterea, sed Matho pauper erit.

In Olum fugitivum lemma est in Beverlandi Ms.—1 *Pædicatur Oros* in edd. vett. *Pædicatur Orus* codex Florentinus. *Pinus* pro *Linus* in codice Vaticano. *Ole quid ad te? De cute quid faciat, &c.* exhibent edd. vett. *Olle, quid ad te De cute quid faciant ille vel ille sua?* legendum censet Salmasius; nam ‘de alieno corio ludere’ proverb. in eos dicitur qui de alieno liberales: sed chamæleon non de alieno, sed de suo plane corio ludit, quod ita pro libitu, versipelle habet ac versatile. Vide Turneb. lib. XXIV. cap. 28. *faciunt* etiam

- In lucem cœnat Sertorius : Ole, quid ad te? 5
 Cum liceat tota stertere nocte tibi.
 Septingenta Tito debet Lupus : Ole, quid ad te?
 Assem ne dederis, crediderisve Lupo.
 Illud dissimulas, ad te quod pertinet, Ole,
 Quodque magis curæ convenit esse tuæ. 10
 Pro togula debes : hoc ad te pertinet, Ole.
 Quadrantem nemo jam tibi credet : et hoc.
 Uxor mœcha tibi est : hoc ad te pertinet, Ole.
 Poscit jam dotem filia grandis : et hoc.
 Dicere quindecies poteram, quod pertinet ad te : 15
 Sed quid agas, ad me pertinet, Ole, nihil.

* * Ole, Sertorius cœnat ad diem usque : quid spectat ad te, cum tibi fas sit arcte et graviter dormire tota nocte? Lupus debet septingenta Tito : Ole, quid ad te? Ne assem quidem donaveris aut credideris Lupo. Ole, taces id, quod spectat ad te, et quod congruit magis tuæ sollicitudini. Debes pro togula, Ole : hoc pertinet ad te. Nullus jam tibi mutuo dabit quadrantem : et hoc pertinet ad te. Habes conjugem adulteram : hoc ad te attinet, Ole. Filia jam grandis petit dotem : et hoc. Poteram quindecies repetere, Quid pertinet ad te? At, Ole, nihil attinet ad me quid facias.

//////////

exhibet codex Florentinus.—8 *Assem num dederas crediderasve Lupo?* legit Antonius de Rooy.—12 Codex Pulmanni : *jam tibi credis.*—15 Ald. Junt. Colin. Gryph. Plant. Junian. Lang. et Delph. *quid pertinet ad te?* Lectionem nostram testatur codex Pulmanni.

NOTÆ

- 5 *In lucem*] Suas computationes est pater, cum illam dotare teneatur, protrahit Sertorius. Leg. XIX. ff. de Ritu Nuptiarum.
 7 *Septingenta*] Sestertia nempe. 15 *Dicere quindecies*] Sensus est :
 8 *Crediderisve*] Nam si nihil Lupo Ole, tam curiosus es in alienis negotiis, ut pluries repetere potuerim : credideris, tunc cura vacabis. Quid ad te?
 11 *Pro togula*] Quam nondum solvisti, et tamen aliorum debita recensens. 16 *Sed quid agas*] Poëtæ objicere poterat Olus : Quid tu, o Martialis, satagis rerum mearum? Quapropter illum occupat Poëta.
 12 *Quadrantem*] Hoc est, quartam assis partem.
 14 *Poscit jam dotem*] Filiæ debitor

XI.

AD AULUM PUDENTEM.

COGIS me calamo manuque nostra
 Emendare meos, Pudens, libellos.

O Pudens, me cogis corrigere meos libros calamo et manu propria. O quam ni-

//////////

Ad Pudentem inscriptio est in Ald. Junt. Colin. Gryph. Pulman. Plant. Junian. Lang. &c.

O quam me nimium probas, amasque,
Qui vis archetypas habere nugas?

nium probas me, et diligis, qui vis habere ineptias autographas!

NOTÆ

1 *Cogis me*] De Pudente jam dictum lib. i. Epig. 32. Nescio an hic idem sit: ut ut est, Poëtæ erat amicissimus, qui in memoriæ simul et amicitiae argumentum ab illo peteret versus propria ejus manu scriptos et

emendatos, quos Martialis vocat *archetypas nugas*.

3 *Nimum probas*] Nam si in meis versibus aliqua fuerint menda, in librarium culpam rejicere non potero.

XII.

AD FAUSTINUM.

Sic me fronte legat dominus, Faustine, serena,
Excipiatque meos, qua solet aure, jocos;
Ut mea nec, juste quos odit, pagina lædit,
Et mihi de nullo fama rubore placet.

Quid prodest, cupiant cum quidam nostra videri, 5
Si qua Lycambeo sanguine tela madent?

Vipereumque vomant nostro sub nomine virus,
Qui Phœbi radios ferre diemque negant?

Ludimus innocui: scis hoc bene: juro potentis 10
Per genium Famæ, Castalidumque gregem:

O Faustine, dominus ita legat me vultu benigno, et excipiat meos ludos aure qua consuevit; ut mei libri nec offendunt quos jure oderunt, et fama non est grata mihi de rubore cujusquam. Quid juvat, cum quidam velint existimari nostra, si quædam tela perfunduntur sanguine Lycambeo? atque effundant venenum vipereum sub nostro nomine, qui fatentur se non posse pati radios solis et lucem? Jocamur vocibus innocuis; hoc juro per genium Famæ potentis, et chorum Musarum; et per aures

.....

3 Ald. Junt. Colin. *pagina lesit*.—9 *Ludimus innocuis verbis hoc juro* ed. antiquiss. Ferrar. an. 1471. Ald. Junt. Colin. Gryph. Pulman. Calderin. Plant. Junian. Lang. Delph. &c. Lectionem nostram testantur codd. Bodleianus,

NOTÆ

1 *Sic me fronte*] Hoc est, Sic me legat et amet Domitianus, ut ego nec lædo quos jure odi.

6 *Si qua Lycambeo*] Archilochus Poëta Lacedæmonius versus Iambicos tam acerbos scripsit in Lycamben, quod desponsam ipsi suam filiam negavisset, ut laqueo suspendere se simul cum filia illum coegerit. Sensus est: Quid prodest occulto poëtæ versus

mordaces et contumeliosos edere, cum omnes noverint candidum meum ingenium? Vide Epist. lib. i.

8 *Qui Phœbi radios*] Qui non audent versus suo nomine edere in lucem.

9 *Innocui: scis hoc bene* [*innocuis verbis, hoc*] Alii legunt: *Ludimus innocui: scis hoc bene*.

Perque tuas aures, magni mihi numinis instar,
Lector, inhumana liber ab invidia.

tuas mihi instar Numinis, o lector aliene a crudeli invidia.

Thuan. et Florent. quam primus restituit Scriverius.—10 *Castaliumque* in codd. Pulmanni, Thuan. Vat. et Florent. *Castalidumque cetum* Juntina nostra in margine, i. e. *cætum*, metro obstante. *cetum* et *gregem* non multum differunt in codd. ob similitudinem literarum *t* et *c*, et *c* et *g*, caractere Longobardico. Ex mendosa hac lectione facile eruas *chorum*, quod propius accedit ad literarum tractum in voce *gregem*. Sic ‘Pieridum chorus’ ap. Ovid. Trist. v. 3. 10. ‘Pierii chori’ ex Pont. v. 58. ‘Naiadum chori’ Fast. i. 512. Cf. Fast. v. 80. Nostr. i. 77. vii. 69. xii. 3. et sic passim apud Poëtas. ‘Grege’ proprie dicitur de quadrupedum congregatione, et translate de vili hominum multitudine usurpatur. Cicero tamen et Terent. de hominum numero bono sensu utuntur. Cf. Nostr. ix. 87. et xii. 11. ubi de lectione ‘grege’ non dubitari potest.

NOTÆ

10 *Castalidumque gregem*] Hoc est, talio sibi atque Apollini sacro Caschorum Musarum, quæ a fonte Castalides dicuntur.

XIII.

DE LYCORIDE.

DUM Tiburtinis albescere solibus audit
Antiqui dentis fusca Lycoris ebur,
Venit in Herculeos colles: quid Tiburis alti
Aura valet? parvo tempore nigra redit.

Dum fusca Lycoris audit ebur antiqui dentis album fieri collibus Tiburis, petiit Herculeos colles: quid potest aura excelsi Tiburis? brevi tempore nigra revertitur.

1 Gruterus ex codice Palat. primus dedit, *albescere solibus*; quicum consentiunt codex Florentinus et egregius iste Thuan. quem contulit Gronovius. Vide Var. Notas. *albescere collibus* exhibent edd. vett.

NOTÆ

1 *Dum Tiburtinis*] De Lycoride 2 *Antiqui dentis*] Id est, vetusti idem est argumentum lib. iv. Epig. eboris.
62. ubi egimus de cœlo Tiburtino.

XIV.

AD AULUM, DE LUCTU SUÆ PUELLÆ.

ACCIDIT infandum nostræ scelus, Aule, puellæ,
 Amisit lusus deliciasque suas :
 Non quales teneri ploravit amica Catulli
 Lesbia, nequitiis passeris orba sui ;
 Vel Stellæ cantata meo, quas flevit Ianthis, 5
 Cujus in Elysio nigra columba volat.
 Lux mea non capitur nugis, nec amoribus istis,
 Nec dominæ pectus talia damna movent.
 Bis denos puerum numerantem perdidit annos,
 Mentula cui nondum sesquipedalis erat. 10

O Aule, ingens flagitium contigit nostræ puellæ : perdidit ludos atque amores suos : non quales deflevit Lesbia amica blandi Catulli, privata lasciviis sui passeris ; vel celebrata a meo Stella, quam ploravit Ianthis, cujus nigra columba volat in campis Elysiis. Lux mea non capitur ineptiis, nec istis deliciis, nec cor meæ dominæ movetur talibus jacturis. Amisit puerum natum viginti annos * *

De sua Puella lemma est in Ald. Junt. Colin. Gryph. Pulman. Plant. Junian. Lang. &c.—5 In iisdem edd. quam flevit Hiantis : Beverlandi Ms. modo quam flevit Ianthis.—7 Codex Florentinus : neque amoribus istis : codex Vat. neque moribus istis ; et sic Gruterus e cod. Palat.

NOTÆ

- 1 *Infandum scelus*] Parcarum nempe : Ianthide uxore Stellæ vide lib. vi. ad finem usque Epigrammatis mentem lectoris lepide suspendit Poëta. 6 *In Elysio*] Hoc est, cujus columbæ umbra est apud Inferos, secundum antiquorum opinionem, qui existimabant mortuorum omnium animalium umbras esse in Inferis.
- 4 *Lesbia*] Vide Catullum Carm. ii. de passere mortuo Lesbiæ.
- 5 *Vel Stellæ cantata*] Id est, columba, de qua lib. i. Epig. 8. De

XV.

AD ARGINUM PUERUM IANTHIDOS.

QUIS puer hic nitidis absistit Ianthidos undis,
 Et fugit ad dominam Naiada ? numquid Hylas ?

Quis puer hic refugit aquas puras Ianthidos, et fugit ad dominam Naiada ? Num-

Ad Arginum puerum inscribitur in edd. vett.—1 Nonnulli legunt : adsistit

NOTÆ

- 1 *Ianthidos undis*] De hoc fonte Stellæ erat fons, cujus Nympham a vide lib. vi. Epig. 47. In ædibus Violantilla seu Ianthide Stellæ uxore

O bene, quod sylva colitur Tirynthius ista,
 Et quod amatrices tam prope servat aquas!
 Securus licet hos fontes, Argine, ministres: 5
 Nil facient nymphæ: ne velit ipse, cave.

quid est Hylas? O factum bene, quod Hercules colitur in isto nemore, et quod tam prope custodit amatrices undas! O Argine, fas est tutus ministres has undas: Nymphæ nihil faciunt: adverte ne ipse cupiat te rapere.

Hiantidos; et sic est in codice Pulmanni.—2 Et fugitat dominam Beverlandi Ms. Naida legit Gronovius, ut est in omnibus vett. Vide ad lib. vi. Epig. 68.—4 Beverlandi Ms. jam prope.—5 Argynne codex Florent.—6 Nil faciunt Nymphæ Ald. Junt. Colin. Gryph. Pulman. Junian. Plant. Lang. Delph. aliæ.

NOTÆ

Ianthidem denominat, ad quam Violantillam confugiebat hic servus, ne a Nymphis raperetur. Vide lib. vi. Epig. 21.
 2 *Numquid Hylas*] De quo lib. v. Epig. 49.
 3 *O bene*] In vicino scilicet nemore colitur Hercules, qui te tuebitur a Nymphis.
 6 *Nil facient*] Tute potes haurire aquam ex hoc fonte, et ministrare; nec enim hujus fontis Nymphæ te rapiunt: sed cave ab ipso Hercule.

XVI.

AD REGULUM.

ÆRA domi non sunt, superest hoc, Regule, solum,
 Ut tua vendamus munera: numquid emis?

Non habeo pecuniam domi, o Regule: hoc unum restat ut vendamus tua dona: numquid emis?

1 *Regule tantum* ed. antiquiss. Ferrar. an. 1471. Ald. Junt. Colin. Calderin. Gryph. Plant. Junian. Lang. Delph. &c. *Regule solum* codex Pulmanni; et sic Grut. Scriv. Farnab. Schrevel. et recentt.—2 Beverlandi Ms. *numquid emes.*

NOTÆ

1 *Superest hoc*] Nihil quicquam habeo præter munera quæ a te accepi: hoc autem facete dicit Poëta sperans Regulum ea non redempturum, sed liberaliter subventurum suæ inopiæ. De Regulo dictum lib. i. Epig. 13.

XVII.

AD BIBLIOTHECAM JULII MARTIALIS.

RURIS bibliotheca delicati,
 Vicinam videt unde lector urbem;

O bibliotheca amœnæ villæ, ex qua lector aspicit propinquam urbem, si quis sue-

Inter carmina sanctiora si quis
 Lascivæ fuerit locus Thaliæ,
 Hos nido licet inseras vel imo, 5
 Septem quos tibi mittimus libellos,
 Auctoris calamo sui notatos :
 Hæc illis pretium facit litura.
 At tu munere dedicata parvo,
 Quæ cantaberis orbe nota toto : 10
 Pignus pectoris hoc mei tuere,
 Julî bibliotheca Martialis.

rit locus jocosæ Thaliæ inter versus sanctiores, colloces licet vel infimis forulis hos septem libros, quos ad te misimus emendatos calamo sui auctoris : hæc litura constituit illis pretium. Sed tu, o bibliotheca Julii Martialis, donata parvo munere, quæ cognita celebraberis toto orbe, serva hoc pignus mei amoris.

1 *Rudis bibliotheca* in codice Vaticano.—5 *Hos modo licet* in eodem. *inseras vel uno* codex quidam ap. Beverlandum.—8 *Hoc illis pretium* codd. Vat. et Florent.

NOTÆ

1 *Ruris bibliotheca*] Hoc rus longo sis meis carminibus. Vide lib. iv. Janiculi collo recumbebat, ut dictum Epig. 8.
 est lib. iv. Epig. 64. 5 *Nido vel imo*] Hoc est, vel in ultimo ordine colloces velim.
 4 *Lascivæ Thaliæ*] Hoc est, joco-

XVIII:

IN GALLAM.

CUM tibi sit facies, de qua nec fœmina possit
 Dicere; cum corpus nulla litura notet :
 Cur te tam rarus cupiat, repetatque fututor,
 Miraris? vitium est non leve, Galla, tibi.
 Accessi quoties ad opus, mixtisque movemur 5
 Inguinibus: cunnus non tacet, ipsa taces.
 Di facerent ut tu loquereris, et ipse taceret :
 Offendor cunni garrulitate tui.

7 Pulmanni codex: *et ille taceret.*

NOTÆ

1 *De qua nec*] Id est, nec ulla fœmina potest deformitatem notare in tuo corpore. 2 *Nulla litura*] Nec opus est ut lomento rugas uteri condas, quæ nullæ sunt. Vide lib. III. Epig. 42.

Pedere te mallet : namque hoc nec inutile dicit
 Symmachus, et risum res movet ista simul. 10
 Quis ridere potest fatui poppysmata cunni ?
 Cum sonat hic, cui non mentula mensque cadit ?
 Dic aliquid saltem, clamosoque obstrepe cunno :
 Et si adeo muta es, disce vel inde loqui.

NOTÆ

11 *Poppysmata*] Vox fictitia a sono attrectatio blanda, ut quæ fit ad quo equis necdum domitis blandimur. cicurandum equum. Vide lib. III. Politianus Miscell. cap. 32. demulsio Epig. 72.

XIX.

DE FRAGMENTO ARGUS.

FRAGMENTUM, quod vile putas et inutile lignum,
 Hæc fuit ignoti prima carina maris.
 Quam nec Cyaneæ quondam potuere ruinæ
 Frangere, nec Scythici tristior ira freti.
 Sæcula vicerunt : sed quamvis cesserit annis, 5
 Sanctior est salva parva tabella rate.

Fragmentum quod credis contemptum atque inutile lignum, hæc fuit prima carina maris incogniti ; quæ olim nec potuit frangi ruinis Cyaneis, nec sæviore ira Scythici freti. Victa est sæculis ; at licet cesserit annis, exigua tabella augustior est nave integra.

2 *Hoc fuit Beverlandi Ms.*—4 Edd. vett. habent, *unda freti* : Pulmanni codex, *ira freti* ; et sic Plant. Junian. Delph. Grut. Scriv. Farnab. Schrevel. et recentt.—5 *Sæcula vicerunt, et quamvis Beverlandi Ms.*

NOTÆ

- 1 *Fragmentum*] Navis scilicet Argus, quod Romæ tunc extabat. De illa nave et Argonautis vide Valerium Flaccum.
- 2 *Hæc fuit*] Ante Argonautas mare navibus tentatum non fuit, ut canunt Poëtæ.
- 3 *Cyaneæ ruinæ*] Cyaneæ seu Symplegades secundum Ptolemæum duæ sunt insulæ, vel saxa adjacentia Bosphoro Thracio, hodie, *Canal de Constantinople*, quæ non sine magno periculo transmiserunt Argonautæ.
- 4 *Ira freti*] Hoc est, tempestas Ponti Euxini. Alii legunt, *unda freti*.
- 6 *Sanctior*] Propter venerationem quæ debetur antiquitati.

XX.

IN SANCTRAM.

NIHIL est miserius, nec gulosius Sanctra,
 Rectam vocatus cum cucurrit ad cœnam,
 Quam tot diebus, noctibusque captavit;
 Ter poscit apri glandulas, quater lumbum,
 Et utramque coxam leporis, et duos armos: 5
 Nec erubescit pejerare de turdo,
 Et ostreorum rapere lividos cirros.
 Buccis placentæ sordidam linit mappam.
 Illic et uvæ collocantur ollares,
 Et Punicorum pauca grana malorum, 10
 Et excavatæ pellis indecens vulvæ,
 Et lippa ficus, debilisque boletus.

Nihil est infelicius et gulosius Sanctra, cum invitatus properat ad cœnam rectam, quam aucupatus est tot diebus et noctibus; ter petit glandulas apri, quater lumbum, atque utramque coxam leporis, et duos armos; nec pudet illum pejerare de turdo, et subducere lividos cirros ostreorum. Dulci placenta inficit sordidam mappam. Illic et uvæ ollares, et pauca grana malorum Punicorum apponuntur, et pellis indecora vulvæ exesæ, et ficus lippa, et debilis boletus. At cum jam mappa frangitur

Dulci placenta ed. antiq. Ferrar. an. 1471. Ald. Junt. Colin. Gryph. Plant. Junian. Lang. Delph. aliæ. *Dulcis placenta* Pulmanni codex. *Buccis placentæ* codex Florentinus, pro 'buceis,' i. e. frustulis.—11 Beverlandi Ms.

NOTÆ

2 *Rectam vocatus*] Quam revocaverat Domitianus sublatis sportulis. Vide lib. II. Epig. 69.

4 *Glandulas*] Vide lib. III. Epig. 81. lumbus vero est media pars apri in tres partes divisi.

5 *Utramque coxam*] Coxa posteriorum pedum pars est superior, armus anteriorum.

6 *Pejerare*] Hoc est, cum subduxit turdos, non pudet ipsum jurare sibi non fuisse appositos.

7 *Ostreorum lividos cirros*] Cirri proprie crines sunt, sed hic sumuntur pro fibris ostreorum carnis colorem

referentibus, unde *lividos* vocat. Sensus est: Ab illo hellnone rapi etiam ostrea.

8 *Buccis placentæ* [*Dulci placenta*] Quam et clam subductam mappa involvebat. Legunt alii *Buccis placentæ*, hoc est, frustis: alii, *Dulcis placenta*. Videat lector.

9 *Uvæ ollares*] Quæ nempe in ollis servabantur.

11 *Et excavatæ*] Exesa enim carne sola pellis supererat.

12 *Et lippa ficus*] E qua lactens humor lippitudinis instar fluit.

Debilisque boletus] Quia parum du-

Sed mappa cum jam mille rumpitur furtis,
 Rosos tepenti spondylos sinu condit,
 Et devorato capite turturem truncum. 15
 Colligere longa turpe nec putat dextra
 Analecta, quicquid et canes reliquerunt.
 Nec esculenta sufficit gulæ præda,
 Mixto lagenam replet ad pedes vino.
 Hæc per ducentas cum domum tulit scalas, 20
 Seque obserata clausit anxius cella,
 Gulosus ille postero die vendit.

mille furtis, calido sinu occultat spondylos exesos, nec deinde existimat inhonestum porrecta manu colligere turturem mutilum devorato capite, et frusta, et quicquid reliquerunt canes. Nec præda escaria sufficit helluationi, vino misto replet amphoram jacentem ad pedes. Cum hæc omnia portavit domum per ducentas gradus, et sollicitus se abscondit cella clausa, postridie ille helluo vendit hæc frusta.

Et excavatæ pelvis.—13 Codex Florentinus: rumpitur cunis.—15 Inde vorato capite Ald. Junt. Colin. Gryph. &c. sed Plant. Junian. et Delph. Inde vorato capite.—16 Ed. antiq. Ferrar. an. 1471. Ald. Junt. Colin. Gryph. Lang. Plant. Junian. Pulman. Delph. aliæ: nec pudet. Lectio nostra debetur Dousæ P. probante Pulmanno.—18 Nec esculentis Pulmanni codex. Nec esculentus Beverlandi Ms. gulæ prædari codex Vat.—19 Codex Florent. ad pedes mero.—20 Hoc per ducentas in codice Vaticano.

NOTÆ

rat, non optimus, inquit Farnabius: immo recisus vel nullo aut debili caule. Gronovius.

13 *Mille furtis*] Hoc est, esculentis in mappa involutis.

14 *Spondylos*] Quos puto hic sumi pro quodam piscium genere, alias spondylus est vertebra dorsi. Plin. lib. xxxii. cap. 11.

15 *Et devorato* [*Inde vorato*] Alii *Et devorato. Analecta*] Reliquias et

frusta intellige, quæ servi colligerent. Lib. xiv. Epig. 80.

19 *Mixto lagenam*] Subducit etiam vinum aqua temperatum, quod servi ad pedes bibebant.

20 *Per ducentas scalas*] His verbis indicat Sanctram istum sub tegulis pauperum more habitasse. Lib. i. Epig. 118.

22 *Vendit*] Non helluationem tantum, sed et Sanctræ avaritiam carpit.

XXI.

DE NATALI LUCANI.

HÆC est illa dies, quæ magni conscia partus,
 Lucanum populis, et tibi, Polla, dedit.

O Polla, hæc est illa lux, quæ testis magni partus edidit Lucanum populis

NOTÆ

1 *Hæc est illa dies*] Quarta scilicet aut tertia Nonas Novembris. Lucani

Heu ! Nero crudelis, nullaque invisior umbra :
Debuit hoc saltem non licuisse tibi.

et tibi. Heu, sæve Nero, nec odiosior propter ullam aliam umbram: saltem hoc non debuit tibi permissum fuisse.

3 In codice Vaticano: *nulla est invisior umbra.*

NOTÆ

opera commentariis illustravit Lambertus Hortensius, et vitam illius Poëtæ copiose describit.

2 *Polla*] Lucani uxor, quem interfici jussit Nero, quod conjuraverat contra eum Lucanus, cum ab ipso prohiberetur sua Carmina in lucem edere.

3 *Nulla invisior*] Hoc est, O Nero,

nullius cædes majus tibi odium conciliavit.

4 *Non licuisse*] Interficere tam egregium Poëtam. Videtur ad Neronis dictum respicere, qui multis occisis, nescisse hactenus Cæsarem, quantum Imperatori liceret, dicebat. *Raderus.*

XXII.

DE EODEM.

VATIS Apollinei magno memorabilis ortu
Lux redit: Aonidum turba favete sacris.
Hæc meruit, cum te terris, Lucane, dedisset,
Mixtus Castaliæ Bætis ut esset aquæ.

Dies revertitur celebrandus magno ortu Poëtæ Apollinei: O Musæ, estote propitiæ sacrificiis. O Lucane, cum Bætis te donasset orbi, hoc assecutus est ut misceretur undæ Castaliæ.

2 *Aonidum turba favente* Beverlandi Ms. *Aonidum turma* Janus Guilielmus in Pseudol. Plaut. Quæst. cap. 6. De harum vocum permutatione frequenti consule Heins. ad Ovid. Art. Am. III. 2. Drakenb. ad Sil. Ital. v. 277. XII. 185. et XIV. 209.—4 *Baccus ut esset* Beverlandi Ms.

NOTÆ

2 *Turba favete*] Turba est nomen collectivum, quapropter verbum ponitur in plurali.

3 *Hæc meruit*] Alii sic explicant: Hæc dies vel propter te, o Lucane, editum meruit, ut Bætis patrius Lucani fluvius numeraretur inter fontes Musarum. Judicet lector.

4 *Bætis*] Cordubæ natus est Lucanus, quæ est ad Bætium Hispaniæ Bæticiæ fluvium hodie, *Guadalquivir*; qui fluvius inter fontes Musarum numeratur, quoniam tulit Poëtam Lucanum. De fonte autem Castalio jam sæpius dictum.

XXIII.

DE EODEM, AD PHŒBUM.

PHŒBE, veni ; sed quantus eras, cum bella tonanti
 Ipse dares Latiae plectra secunda lyræ.
 Quid tanta pro luce precer ? tu, Polla, maritum
 Sæpe colas, et se sentiat ipse coli.

O Apollo veni, at quantus eras, cum ipse bella cantanti concederes plectra secunda lyræ Latinæ. Quid optabo pro die tum memoranda ? tu, o Polla, crebro colas conjugem, atque ille intelligat se coli.

1 Edd. vett. *bella canenti*: Beverlandi Ms. *bella tonantis*. Lectionem nostram primus dedit Gruterus.—4 Pulmanni codex: *sentiat ille coli*.

NOTÆ

- 1 *Veni*] Nempe ad hæc sacra, quæ Virgilio carminis epici gloriam concessimus natalem Lucani diem celebrantes. 3 *Tu, Polla*] Diu vivas, ut maritum sæpius colere possis.
- 2 *Plectra secunda*] Hoc est, cui Lucano tu ipse, o Phœbe, secundam a

XXIV.

IN MALEDICUM.

CUM Juvenale meo quæ me committere tentas,
 Quid non audebis, perfida lingua, loqui?
 Te fingente nefas, Pyladen odisset Orestes:
 Thesea Pirithoi destituisset amor.
 Tu Siculos fratres, et majus nomen Atridas, 5
 Et Ledæ poteras dissociare genus.

O lingua improba, quæ experiris committere me cum meo Juvenale, quid non audebis dicere ? Orestes odisset Pyladen te excogitante scelus, atque amor Pirithoi deseruisset Thesea. Tu valebas disjungere Siculos fratres, atque Atridas sortitos

Ad Detractorem lemma est in codice Pulmanni.—1 *Cum Juvenale meo quid me committere temptas* Beverlandi Ms.—3 *Pylades odisset Orestem* codex

NOTÆ

- 1 *Cum Juvenale*] Hoc est: O lingua, quæ tentas contentionis et dissidii semina jacere inter me et Juvenalem Poëtam satis notum. 5 *Siculos fratres*] Intellige Amphinomum et Anapiam natos Catanæ, hodie, Catania, in urbe Siciliæ, non longe a monte Ætna, quorum pium in parentes amorem refert Strabo lib. vi.
- 3 *Pyladen*] Horum heroum historia omnibus nota est.

Hoc tibi pro meritis, et talibus imprecor ausis,
 Ut facias illud, quod, puto, lingua, facis.

majorem famam, et stirpem Ledæ. Hoc tibi exopto pro meritis, et talibus ausis, ut facias illud quod, opinor, lingua facit.

//////////

Palatinus.—8 Gruterus ex eodem codice legit, *lingua facis*, pro vulg. *lingua facit*: alloquitur enim ipsam linguam.

NOTÆ

Atridas] Agamemnonem et Menelaum celebriores Siculis istis fratribus.

6 *Ledæ genus*] Castorem et Pollucem.

8 *Facis* [*facit*] Alii *facis*. Videtur enim alloqui linguam, cui precatur, ut adhæreat rebus turpibus. Lib. II. Epig. 61.

XXV.

IN MALUM POETAM.

DULCIA cum tantum scribas Epigrammata semper,
 Et cerussata candidiora cute;
 Nullaque mica salis, nec amari fellis in illis
 Gutta sit; o demens, vis tamen illa legi!
 Nec cibus ipse juvat morsu fraudatus aceti;
 Nec grata est facies, cui gelasinus abest.
 Infanti melimela dato, fatuasque mariscas:
 Nam mihi, quæ novit pungere, Chia sapit.

5

Cum perpetuo componas Epigrammata solum dulcia, et candidiora pelle cerussata; nec aspergantur ulla mica salis, nec gutta fellis amari; o fatue, nihilominus vis illa evolvi! Nec ipse cibus placet destitutus acerbitate aceti; nec vultus arridet, cui deest gelasinus. Trade puero poma mellita, et mariscas insulsas: ego enim amo Chiam, quæ scit pungere.

//////////

In malum Poëtam, qui Epigrammata sine turpibus scribit, inscriptio est in Beverlandi Ms.

NOTÆ

1 *Dulcia cum*] Insulsa, nec imbuta illa mordacitate quæ his versibus convenit.

2 *Candidiora*] Hoc est, in quibus inest sensus candidior cernssa, quæ erat eximii candoris. Vide lib. I. Epig. 73. Candidus vero album quidem significat, sed et simplex etiam ut sumitur hic.

3 *Nulla mica salis*] Hoc est, nulla urbanitas, nec acerbitas.

5 *Nec cibus ipse*] Acerba enim irri-

tant stomachum, lectorem quoque alliciunt sales.

6 *Gelasinus*] Gelasini sunt sulculi qui a ridentibus in ore fiunt, inquit Raderus. Robertus Stephanus in suo Thesauro ait: Gelasini sunt lineæ quæ ridendo efficiuntur, et summam gratiam ori conciliant. Gelasini sunt etiam dentes anteriores, qui ridendo nudantur. Gelasinus scurram quoque significat.

7 *Mariscas*] Genus quoddam ficus

NOTÆ

insulsæ; infantibus enim placent ris: hoc est, mihi placet Epigramma
dulcia. mordax. De Chia ficu lib. XIII. Epig.
8 Chia] Ficus nempe acerbi sapo- 23.

XXVI.

SCAZONTA MITTIT AD APOLLINAREM.

APOLLINAREM conveni meum, Scazon,
Et si vacabit, (ne molestus accedas,)
Hoc quaecumque, cujus aliqua pars ipse est,
Dabis: hoc facetum carmen imbuant aures.
Si te receptum fronte videris tota, 5
Noto rogabis ut favore sustentet.
Quanto mearum, scis, amore nugarum
Flagret: nec ipse plus amare te possum.
Contra malignos esse si cupis tutus,
Apollinarem conveni meum, Scazon. 10

O Scazon, adi meum Apollinarem: licet otiosus sit, ne importunus accedas, trades hoc quaecumque, cujus aliquam partem effecit ipse: aures illius emendent festivum hunc versum. Si videris te exceptum toto vultu, rogabis ut te ferat gratia solita. Tenes quanto ardeat studio mearum ineptiarum: nec ipse possum te diligere magis. Si vis esse securus adversus improbos, o Scazon, adi meum Apollinarem.

2 Et si vacabit, non molestus codex Pulmanni.—3 Beverlandi Ms. pars ipsa est.—4 Gronovius scribi jussit, *facetæ*. Vide Var. Notas.—8 Beverlandi Ms. nec ipso plus.—9 In eodem, esse si voles.

NOTÆ

1 Apollinarem] Doctissimum sane virum, de quo lib. iv. Epig. 87. Scazon Iambus est claudicans; in sexto enim pede ponitur Spondæus.

2 Et si vacabit] Tamen tempus maxime opportunum captabis. *Vacare* impersonale est hic. Virgil. Æn. II. 'Sed si tantus amor casus cognoscere nostros, Et vacet annales nostrorum audire laborum.'

3 Cujus aliqua pars] Nam nostri Poëtæ versus emendabat Apollinaris.

4 Hoc facetum] Quomodo *facetum*, quod modo vocabat *quaecumque*? cui modestiæ istud haudquaquam convenit. Scribe *facetæ*: aures *facetæ* vocat ejus qui *facetus* est, qui scit eleganter audire. Hæc Gronovius.

XXVII.

DE APRO SIBI A DEXTRO MISSO.*

TUSCÆ glandis aper populator, et ilice multa
 Jam piger, Ætolæ fama secunda feræ,
 Quem meus intravit splendenti cuspide Dexter,
 Præda jaces nostris invidiosa focis.
 Pinguescant madido tetri nidore Penates, 5
 Flagret et exciso festa culina jugo.
 Sed coquus ingentem piperis consumet acervum,
 Addet et arcano mixta Falerna garo.
 Ad dominum redeas : noster te non capit ignis,
 Conturbator aper : vilius esurio. 10

O aper vastator Tuscæ glandis, et jam piger multa ilice, fama proxima ab Ætola fera, quem interfecit Dexter fulgenti venabulo, procumbis præda odiosa nostris focis. Penates madidi pinguescant hilari nidore, et culina læta ardeat cæsis lignis. At coquus impendet ingentem cumulum piperis, atque adjunget Falerna mixta interiori garo. Revertaris ad dominum: O aper decoctor, non te capiunt nostri Lares. Fames mea constat vilioris.

De Apro a se occiso in edd. vett. Ad Aprum missum codex Pulmanni.—2 Gruterus legi posse credit: Impiger Ætolæ, &c. Codd. Vatt. et Florent. exhibent: Jam piger Ætoliæ fama.—3 Edd. vett. splendenti cuspide culter; et tunc ad Martialem debet referri.—4 Præda jacet in quibusdam.—5 Codex Pulmanni et Beverlandi Ms. madido læti. Ald. Junt. Colin. Gryph. Plant. Junian. Lang. Delph. &c. madidi læto, vel læto.—7 Sed focus Beverlandi Ms.

NOTÆ

* De apro] Legunt alii: De apro a ditio.
 se occiso; et in tertio versu culter pro
 Dexter: sed huic lectioni repugnat
 ultimum distichum: ad Dextrum enim
 suum amicum videtur remittere
 aprum, cui condiendo non sufficerent
 suæ opes. Alii: Ad aprum missum.

1 Tuscæ glandis] In agro nempe
 Tusco aper glandibus saginatus lente
 incedebat.

2 Ætolæ fama] Hic scilicet aper
 proximus erat ab ingenti apro Caly-
 donio, quem in Ætolorum agros im-
 miserat irata Diana. Vide lib. Spect.
 Epig. 15.

4 Præda jaces] Alii jacet invidiosa,
 hoc est major quam ferat mea con-

5 Madido tetri [madidi læto] Legunt
 alii, madido læti: alii madido tetri.
 Eligat lector. Penates vero Dii sunt
 domestici sumti pro ipsa domo. Sen-
 sus est: Lautæ cœna instruat.

6 Exciso jugo] Montis nimirum, id
 est, cæsa ligna largius reponantur
 super focum.

8 Addet et arcano] Hoc est, meliori
 et interiori. De garo dictum lib. VI.
 Epig. 93. Genus erat liquaminis, de
 quo iterum lib. XIII. Epig. 102. 'Ex-
 pirantis adhuc scombri de sanguine
 primo, Accipe fastosum, munera cara,
 garum.'

9 Ad dominum] Dextrum scilicet.

NOTÆ

Noster te] Nostra culina non habet diendo conturbarentur et decoquende te condiat; seu in quo apro con- rentur opes meæ.

XXVIII.

AD FUSCUM.

Sic Tiburtinæ crescat tibi sylva Dianæ,
 Et properet cæsum sæpe redire nemus :
 Nec Tartessiacis Pallas tua, Fusce, trapetis
 Cedat, et immodici dent bona musta lacus :
 Sic fora mirentur, sic te Pallatia laudent, 5
 Excolat et geminas plurima palma fores :
 Otia dum medius præstat tibi parva December,
 Excipe, sed certa, quos legis, aure jocos.
 Scire libet verum : res est hæc ardua : sed tu
 Quod tibi vis dici, dicere, Fusce, potes. 10

Sic nemus Dianæ Tiburtinæ tibi augescat, et sylva excisa festinet crescere : nec oleæ tuæ, o Fusce, cedant prelis Bæticis, atque ingentes cupæ præbeant bona musta : sic fora mirentur, sic palatia commendent te, et multæ palmæ exornent geminas fores : dum medius December concedit tibi brevem quietem, examina, sed aure attendita, ludos quos evolvis. Placet scire veritatem, hæc est res difficilis : at tu, o Fusce, potes dicere quod cupis dici tibi.

3 *Tarpesiacis Pallas tua, &c.* codd. Florent. et Vat.—4 Codex Vaticanus : *dent bona vina lacus.*—8 *Exigis et certa* codex Pulmanni. *Exige sed certa* in aliis.—9 *Scire licet verum, res est, &c.* in edd. vett. Alii, *Scire libet verum? res est hæc ardua* ex persona Fusci verum pronuntiare subterfugis, ne odium

NOTÆ

1 *Sic Tiburtinæ]* Tibure sylvam habebat iste Fuscus, doctus sane causidicus, quæ Dianæ utpote nemorum præsidis esse dicitur.

3 *Nec Tartessiacis]* Pallas seu Minerva inventrix fuit olivæ pro qua et ipsa sumitur. Sensus est: Nec tua oliveta cedant olivetis Bæticis: Bætis vero fluvius est Hispaniæ; hodie, *Guadalquivir*, qui olim dictus est Tartessus, ad quem multæ sunt oleæ, et quidem optimæ: trapes autem, seu trapetum, est mola olearia, et sumitur pro ipso prelo.

4 *Lacus]* Cupæ sunt in quas vinum prelis expressum labitur.

5 *Sic fora mirentur]* Te agentem causas.

Pallatia laudent] Hoc est, Imperator ipse te laudet.

6 *Excolat et geminas]* Solebant veteres palmis exornare fores causidicorum, qui in causis agendis vicissent. Juvenalis Sat. VII. ‘ut tibi lasso Figantur virides scalarum gloria palmæ.’

7 *Otia dum]* Saturnalium tempore a foro vacabant causidici.

8 *Excipe [Exige]* Hoc est, diligenter examina. Alii *Excipe*.

9 *Scire libet]* Alii, *Scire licet*. Fusci oratio esse videtur metuentis verita-

pariat : respondet Poëta : Sed tu mihi dic, quod tibi in pari re dici velles, &c. Vide Epist. lib. XII. et Horat. Epist. ad Pisones sub fine. Cf. lib. VIII. Epig. 76. Lectionem nostram firmat codex Pulmanni.

NOTÆ

tem proferre, quæ sæpius odium parit. Dic, o Fusce, quod tibi in simili occasione dici velles.

10 *Quod tibi vis*] Subjungit Poëta:

XXIX.

AD TESTILUM PUERUM.

TESTILE, Victoris tormentum dulce Voconî,

Quo nemo est toto notior orbe puer ;

Sic etiam positis formosus amere capillis,

Et placeat vati nulla puella tuo ;

Paulisper domini doctos sepone libellos,

Carmina Victori dum lego pauca tuo.

Et Mæcenati Maro cum cantaret Alexim,

Nota tamen Marsi fusca Melænis erat.

5

O Testile, suavis cura Vaconii Victoris, quo nullus notior est toto orbe ; sic quoque pulcher diligaris tonsis crinibus, et nulla puella grata sit tuo Poëtæ ; aliquantum remove eruditos libros heri, dum lego paucos versus tuo Victori : cum Virgilius caneret Alexim ipsi Mæcenati, nihilominus fusca Melænis Marsi erat quoque nota.

1 *Testile Victuri* codex Pulmanni.—2 Beverlandi Ms. *notior urbe puer.*—6 In eodem Ms. *lego parva tuo.*

NOTÆ

1 *Victoris*] Poëtæ qui Testilum Carmina Marsi Poëtæ Virgilio minus suum puerum amabat. politi, quibus ille Marsus puellam

7 *Et Mæcenati*] De formoso Alexi, quem ardebat Virgilius, elegantissimam Eclogam scripsit ad Mæcenatem, qui tamen non desinebat legere suam et quidem fuscam celebrabat : ita, inquit Martialis, Voconius mea Epigrammata suis Versibus longe inferiora non aspernabitur.

XXX.

IN CÆLIAM.

DAS Parthis, das Germanis, das, Cælia, Dacis :

Nec Cilicum spernis, Cappadocumque toros :

1 *Das Cattis* Ald. Junt. Colin. Gryph. *Das Parthis* codex Pulmanni.

NOTÆ

1 *Das Parthis* [*Cattis*] Tui copiam. Memphi. Lib. Spect. Epig. 1. vers. 1. Alii, *Parthis. Pharia urbe fututor*]

Delph. et Var. Clas.

Martial.

2 K

Et tibi de Pharia Memphiticus urbe fututor
 Navigat, a rubris et niger Indus aquis :
 Nec recutitorum fugis inguina Judæorum,
 Nec te Sarmatico transit Alanus equo.
 Qua ratione facis, cum sis Romana puella,
 Quod Romana tibi mentula nulla placet ?

5

NOTÆ

4 *Rubris et niger, &c.*] A mari Erythraeo, quod cum Ἐρυθραίων diceretur Græcis, ab Erythra filio Persei et Andromedæ, qui ibi regnavit, Latini *Rubrum* verterunt, cujus coloris vel arénas vel undas esse credebant.

Hebr. עֲדָ, id est, *papyrosum*.

5 *Recutitorum, &c.*] Quibus circumcisis succrescit cutis.

6 *Sarmatico, &c.*] Namque Alanos Scythiæ populos in Sarmatia Europæa ponunt Plinius et Ptolemæus.

XXXI.

AD REGULUM.

RAUCÆ cortis aves, et ova matrum,
 Et flavas medio vapore Chias,
 Et fœtum querulæ rudem capellæ,
 Nec jam frigoribus pares olivas,
 Et canum gelidis olus pruinis,
 De nostro tibi rure missa credis ?
 O quam, Regule, diligenter erras !
 Nil nostri, nisi me, ferunt agelli.

5

Putas me tibi misisse de mea villa aves raucæ cortis, atque ova gallinarum, et ficus Chius flavas temperato calore, et rudem fœtum gementis capellæ, et olivas jam cedentes frigori, et brassicam canam pruinis frigidis. O Regule, quam data opera

2 *Et furvas* codex Pulmanni. Lectionem nostram exhibent edd. vett.

NOTÆ

1 *Raucæ cortis*] Propter raucum strepitum avium domesticarum, quas describit noster Poëta lib. III. Epig. 57. 'Vagatur omnis turba sordidæ cortis; Argutus anser, gemmeique pavones,' &c.

2 *Et flavas medio*] Hoc est, ficus Chias moderato calore exsiccatas, de quibus supra Epig. XXIV. et lib. XIII. Epig. 23.

3 *Et fœtum*] Hoc est, hædillum de

quo sollicita est capella.

4 *Nec jam*] Nec olivas frigore constrictas.

5 *Et canum gelidis*] Hoc est, modo ex horto lectum, atque adhuc gelu constrictum.

7 *O quam*] Dedita nempe opera erras fingens te nescire sterilissimum esse meum agellum. De Regulo dictum lib. I. Epig. 83.

Quicquid villicus UMBER, aut colonus,
 Aut rus marmore tertio notatum, 10
 Aut Tusci tibi, Tusculive mittunt,
 Id tota mihi nascitur Suburra.

falleris. Agelli nostri nihil ferunt, nisi me. Quicquid villicus UMBER, aut colonus, aut Tusci, aut Tusculi mittunt ad te, aut villa ad tertium lapidem, id mihi gignitur tota Suburra.

omnes.—10. 11 Hi duo versus transpositi sunt in Ald. Junt. Colin. Gryph. Pulman. Plant. Junian. Lang. et Delph.—12 *In tota Beverlandi Ms. Id tota tibi codex Pulmanni.*

NOTÆ

10 *Marmore tertio*] Hoc est, rus ad tertium ab urbe milliare; singula enim milliaria lapidibus notabantur. 12 *Nascitur Suburra*] Regio urbis erat Suburra, in qua hæc omnia vendebantur.

XXXII.

AD ATTICUM.

ATTICE, facundæ renovas qui nomina gentis,
 Nec sinis ingentem conticuisse domum;
 Te pia Cecropiæ comitatur turba Minervæ,
 Te secreta quies, te sophos omnis amat.
 At juvenes alios fracta colit aure magister, 5
 Et rapit immeritas sordidus unctor opes.

O *Attice, qui revocas nomina familiæ disertæ, nec pateris illustrem domum esse in oblivione; pia turba Minervæ Atheniensis tibi adhæret, quies seclusa te, omnis sapiens diligit te. At magister instituit alios juvenes aure fracta, atque avaras aliptes*

4 *Te sacrata quies* codex Vaticanus. *Te chorus omnis amat* in codice Floren-

NOTÆ

1 *Facundæ renovas*] Memoriam nempe Pomponii Attici, cujus vitam scripsit Cornelius Nepos, ad quem Epistolas scripsit Cicero, quæ inscribuntur ad Atticum, quem moribus et doctrina imitabatur hic Atticus.

3 *Te pia*] Hoc est, Græci philosophi tibi semper adhærent. Cur Minerva Cecropia dicatur, vide lib. I. Epig. 40.

4 *Te secreta quies*] Hoc est, non agis causas, nec ambis magistratus, sed remotus a turba operam das phi-

losophiæ.

5 *Fracta colit aure*] Hoc est, Gymnasiorum exercitor alios juvenes magnis clamoribus instituit: vel *fracta aure* dixit, quod cum exercitor pugilatum doceret juvenes, eorum aures verberibus contundebat. Virgil. *Æn.* v. 'erratque aures et tempora circum Crebra manus, duro crepitant sub vulnere malæ.' Vide Turnebum lib. xxiv. cap. 28.

6 *Rapit immeritas*] Hoc est, juvenes spoliatur pecunia immerita qui-

Non pila, non follis, non te paganica thermis
 Præparat, aut nudi stipitis ictus hebes :
 Vara nec injecto ceromate brachia tendis ;
 Non harpasta vagus pulverulenta rapis : 10
 Sed curris niveas tantum prope Virginis undas,
 Aut ubi Sidonio taurus amore calet.
 Per varias artes, omnis quibus area servit,
 Ludere, cum liceat currere, pigritia est.

rapit immeritam pecuniam. Non pila, non follis, nec paganica præparat te ad balnea, vel retusus ictus nudi stipitis: nec tendis brachia vara injecto ceromate: nec incertus subripis harpasta pulverulenta: at solum curris juxta aquas niveas virginis, vel ubi taurus uritur amore Sidonio. Inertia est ludere variis artibus quibus inservit area, cum fas sit currere.

tino.—6 *Et rapit innumeras* Turneb. Adverss. xxiv. 28.—9 *Varra nec in lento* exhibet codex Vaticanus. *Vara nec injecto*, i. e. nec lucta obtorques brachia et lacertos quasi varos; sic Ludovicus Carion. emendavit lib. ii. cap. 9. quod etiam exhibent Ald. Junt. Colin. Gryph. &c. cum codice Pulmanni. *Rara nec injecto* in aliis codd. Vide Turneb. lib. xxiv. cap. 28.—13 *Legitur et, area fervet.* Petrus Scriver. 'areas' intelligit 'vitæ spatia,' ut lib. x. Epig. 24. sed vide Senecæ Epist. 15.

NOTÆ

dem, quia operam illis non utilem impendit. Legit Turnebus lib. xxiv. cap. 28. *Et rapit innumeras sordidus unctor opes.* Judicet lector.

7 *Non pila*] Nempè trigonalis. De quatuor pilarum generibus, scilicet de trigonali, folli, paganica, et harpastro fuse diximus lib. iv. Epig. 19.

8 *Aut nudi stipitis*] In terram figebatur palus, contra quem tanquam adversarium se exercebant tirones. Juvenalis Sat. vi. 247. 'aut quis non vidit vulnera pali, Quem cavat assiduis sudibus sentoque lacessit?'

9 *Vara nec*] Hoc est, nec luctaris: ita vero in lucta athletæ implicabant

brachia, ut vara viderentur. Legunt alii *Rara* minus bene. *Ceroma* autem erat unguentum ex oleo et luto confectum, quo ungebantur athletæ. Vide lib. iii. Epig. 57.

11 *Prope Virginis undas*] Sensus est: Sed exerce te cursu ad aquam Virginem, de qua lib. v. Epig. 21. Vel ad porticum Europes, ubi depictus erat Jupiter in taurum conversus, qualis per mare in Cretam vexit Europen filiam Agenoris, qui Sidonem condiderat.

14 *Ludere, cum liceat*] His verbis omnibus aliis exercitationibus cursum anteponit.

XXXIII.

IN CINNAM.

SORDIDIOR cœno cum sit toga, calceus autem
 Candidior prima sit tibi, Cinna, nive;

O Cinna, cum habeas togam sordidiorem luto, calceum vero candidiorem prima

Dejecto quid, inepte, pedes perfundis amictu ?

Collige, Cinna, togam ; calceus ecce perit.

nive ; o demens, quid madefacis pedes veste demissa ? O Cinna, attolle togam, en calceus inquinatur.

3 *Neglecto* Gruterus legit ex codd. Palat. et Bodl. male, ex mente Scriverii.—4 Ant. de Rooy conj. *calceus inde perit*, i. e. a sordida toga.

NOTÆ

2 *Candidior*] Hinc colligere est, duntum, et calceis albis utentem le- Romanos calceis albis usos fuisse: pite irridet Poëta.
hunc autem Cinnam toga sordida in-

XXXIV.

AD SEVERUM, DE CHARINO.

Quo possit fieri modo, Severe,

Ut vir pessimus omnium Charinus

Unam rem bene fecerit, requiris ?

Dicam, sed cito : quid Nerone pejus ?

Quid thermis melius Neronianis ?

5

Non deest protinus, ecce, de malignis,

Qui sic rancidulo loquatur ore :

Quid ? tu tot domini, Deique nostri

Præfers muneribus Neronianas ?

Thermas præfero balneis cinædi.

10

O Severe, rogas qua ratione fieri possit ut Charinus homo omnium improbissimus recte egerit unam rem ? Dicam, at breviter : quid improbius Nerone ? quid tamen melius thermis Neronianis ? En statim adest aliquis ex malitiosis, qui sic loquatur ore fœtido, Ut quid anteponis thermas Neronianas ædificiis Domini et Dei nostri ? Ego antepono illas balneis cinædi.

Ad Severum inscriptio est in edd. vett.—3 *Unam rem bene gesserit* codex Vaticanus.—4 *Dicam, sed scito* Beverlandi Ms.—6 Codex Florentinus habet : *ecce, da malignus*.—8 *Ut quid tu domini* ed. antiq. Ferrar. an. 1471. Ald. Junt. Colin. Gryph. Calderin. Plant. Junian. Pulman. Lang. et Delph. *Quid te tot domini* codex Florentinus. *Quid tu tot domini* in optimis libris ; unde recte Gruterus : *Quid ? tu tot domini*, probantibus Rutgersio et Gronovio. *Ecquid tot domini* Scriverius.—9 *Neronianis* Beverlandi Ms.—10 Codex Pulmanni, *cinæde*.

NOTÆ

2 *Ut vir pessimus*] De quo homine impurissimo dictum lib. iv. Epig. 39. licet improbissimus in gratiam populi, ut Nero thermas, sic ille balnea extruxit nobilissima.

7 *Rancidulo*] Metaphora ducta a cibo vitiato jam, et prope corrupto. *Rancidulum* dixit, hoc est, os putidum et corruptum calumniis atque adulationibus.

NOTÆ

9 *Muneribus*] Hoc est, ædificiis quibus urbem decoravit Domitianus. ficia non antepono ædificiis Domitiani; sed Neronis thermas balneis Charini præfero.

10 *Thermas præfero*] Aliorum ædi-

rini præfero.

XXXV.

AD LECANIAM.*

INGUINA succinctus nigra tibi servus aluta

Stat, quoties calidis tota foveris aquis.

Sed meus, ut de me taceam, Lecania, servus

Judæum nulla sub cute pondus habet.

Et nudi tecum juvenesque senesque lavantur. 5

An sola est servi mentula vera tui?

Ecquid fœmineos sequeris, matrona, recessus?

Secretusque tua, cunne, lavaris aqua?

Ad Matronam Ald. Junt. Colin. Gryph. Lang. &c. *Ad Lecaniam* codex Pulmanni.—5 *Et nudi* ex cod. Palatino dedit Gruterus. Iisdem in locis lavabant viri cum mulieribus simul. *Sed nudi* Ald. Junt. Colin. Gryph. Calderin. Plant. Junian. Pulman. Lang. aliæ. *lavatur* pro *lavamur* in codice Pulmanni.—6 Janus Guilielmus legendum censet, *verba tui*. Vide Var. Notas.

NOTÆ

* *In Matronam*] Alii, *In Lecaniam*.

1 *Succinctus*] Cum in balnea veniret Lecania, jubebat sibi astare servum obligatis pudendis, hac forte de causa, ut suspicatur Poëta, ne in aliis mulieribus latus defatigaret. Siquidem alii promiscue cum fœminis omnes nudi lavabant: ergo non præ-

pudore ita agebat Lecania. Vide lib. xi. Epig. 76. et Epig. 54. infra, ubi de tributo quod pendebant Judæi circumsecti: qui tegebant inguina, ne verpi viderentur.

8 *Secretusque tua*] Nempe in secreto recessu rem habebat cum servo.

XXXVI.

AD STELLAM.

CUM pluvias madidumque Jovem perferre negaret,

Et rudis hybernis villa nataret aquis;

Cum rudis villa nequiret tolerare imbres et cœlum pluvium, atque inundaretur

NOTÆ

1 *Cum pluvias*] Sensus Epigrammatis est: O Stella, ut tuum munus omni ex parte absolutum sit, mitte

togam qua tegar, quemadmodum tegulas misisti, quibus tegetetur mea villa.

Plurima, quæ posset subitos effundere nimbos,
Muneribus venit tegula missa tuis.

Horridus, ecce, sonat Boreæ stridore December: 5

Stella, tegis villam, non tegis agricolam:

aquis hyemalibus, tuo dono multæ tegulæ ad me allatæ sunt, quæ possent emittere pluvias. En December horrens fremit strepitu Aquilonis: o Stella, tegis villam, non tegis agricolam.

2 Codex Florentinus: *nulla nataret aquis.*—3 Alii legunt, *defendere nimbos* i. e. arcere. Vide Jan. Guilielm. Verisimil. lib. III. cap. 25. 'Qui hic mavult legere *defendere*, interrogandus erat, talesne putet fuisse formas imbricum tegularumve veterum, atque sæculi nostri?' Gruterus. 'Cogitavi, pro *effundere, diffundere*, h. e. receptos collectosque imbres in partes diversas fundere, quod solent tegulæ, atque adeo minnere.' Ant. de Rooy. Vide Burm. ad Ovid. Heroid. Epist. VIII. 61. 'Flere licet certe: flendo diffundimus iram.'

XXXVII.

AD CASTRICUM, DE THETA.

NOSTI mortiferum quæstoris, Castrice, signum?

Est operæ pretium discere theta novum.

Exprimeret quoties rorantem frigore nasum,

Letalem juguli jusserat esse notam.

O Castrice, an tibi comperta est letalis nota quæstoris? expedit discere theta inusitatam. Quoties emungeret nasum stillantem frigore, imperaverat esse mortiferum

1 *Nosti mortiferum* exhibent codd. et edd. vett. *Nosti moriferum* ed. Langii an. 1617. et in margine *mortiferum* pro v. l. ex ed. Pulmanni. *Nostri* legunt alii. Vide Var. Notas.—4 Ant. de Rooy scribit *jugulo, dandi casu*. 'Genitivo,' ait, 'forte occasionem dederat initialis litera vocis sequentis, quæ res sæpius propter antibus librariis imposuit. 'Jugulum' pro 'jugulatione' (quo sensu h. l. capiendum foret si Genitivus retineretur) sequioris ævi scriptoribus usurpatum: vide Wopkens in Sedul. Obs. Misc. Nov. Tom. IV. p. 271. an item

NOTÆ

1 *Mortiferum quæstoris*] Lege II. ff. de origine juris officium quæstoris sic definitur. 'Constituti sunt quæstores, qui pecuniæ præessent, et dicti sunt ab eo, quod inquirendæ et conservandæ pecuniæ causa creati erant: et quia de capite civis Romani injussu populi non erat lege permissum Con-

sulibus jus dicere, propterea quæstores constituebantur a populo, qui capitalibus rebus præessent. Hi appellabantur quæstores parricidii: de quibus agit poëta. Theta vero signum erat mortis, quæ græce θάνατος dicitur.

Turpis ab invisio pendebat stiria naso, 5
 Cum flaret madida fauce December atrox.
 Collegæ tenuere manus: quid plura requiris?
 Emungi misero, Castrice, non licuit.

judicium juguli: turpis stiria pendebat ab odioso naso, cum sævus December flaret humida fauce. Collegæ cohibuerunt manus, quid rogas plura? O Castrice, infelix non potuit emungere se.

Martialis ævo, dubito?—6 *Cum fleret madida* codex Palatinus, improbante Farnabio. *Cum flaret media* in Beverlandi Ms. *Cum staret madida* in aliis codd. Lectionem nostram exhibet codex Pulmanni.

NOTÆ

5 *Stiria*] Stilla est congelata; hic significat Gallice, *roupie*.

6 *Cum flaret*] Alii, *fleret*, alii, *staret*, prior lectio magis placet.

7 *Collegæ tenuere*] Atque ita nasum emungere nequivit, quod signum esset hominis interficiendi.

XXXVIII.

AD POLYPHEMUM.

TANTUS es, et talis nostri, Polypheme, Severi:
 Ut te mirari possit et ipse Cyclops.
 Sed nec Scylla minor: quod si fera monstra duorum
 Junxeris, alterius fiet uterque timor.

O Polypheme, nostri Severi, tam magnus, et talis es, ut possis movere admirationem et ipsi Cyclopi: at nec Scylla minor: quod si junxeris sæva portenta amborum, sibi invicem incutient terrorem.

3 *Sed nec Scylla minor* legunt nonnulli, ut Scyllam Polyphemo non fuisse minorem accipiamus. Vide Turneb. Advers. lib. xxiv. cap. 28.—4 Codd. Vat. et Florent. *fiet uterque minor*.

NOTÆ

3 *Nec Scylla minor*] Nimirum ipso Polyphemo conseruo: tantæ ergo magnitudinis erant servus iste Polyphemus, et Scylla serva, ut et ipsi Cyclopi, noto ex Theocrito et Virgilio, admirationem movere possent: immo et alter alteri terrori esse posset. Legunt alii: *Sed nec Scylla minus*. Prior lectio placet Turnebo lib.

24. cap. 28. hoc est; Nec Scylla servus, aut serva, ut sentiunt Interpretes, minor est Polyphemo conseruo. Quidam intelligunt duas fuisse statuas ingentis magnitudinis, sed intelligendum potius de duobus servis, ut opinor, tam deformibus et tam magnis, ut sibi invicem terrori esse potuerint.

XXXIX.

DE CÆLIO.

DISCURSUS varios, vagumque mane,
 Et fastus, et ave potentiorum,
 Cum perferre patique jam negaret,
 Cœpit fingere Cælius podagram.
 Quam dum vult nimis approbare veram, 5
 Et sanas linit obligatque plantas,
 Inceditque gradu laborioso ;
 (Quantum cura potest, et ars doloris !)
 Desit fingere Cælius podagram.

Cum Cælius jam nollet pati et tolerare varios discursus, atque errores matutinos, et superbiam, et salutationes potentiorum ; incepit simulare podagram, quam dum nimis cupit demonstrare veram, atque oblitit, et illigat plantas sanas, atque ambulat incessu molesto, (o quantum valet cura et ars doloris !) Cælius cessavit simulare podagram.

//////////

Hujus Epigrammatis lectio non variatur in exemplaribus, aut scriptis aut excusis.

NOTÆ

- 1 *Vagumque mane*] De matutinis ironia lib. v. Epig. 22.
 salutationibus dictum lib. i. Epig. 9 *Desit*] Per contractionem pro
 56. *desiit*, nam re ipsa correptus est po-
 8 *Quantum cura*] Eadem usus est dagra.

XL.

EPITAPHIUM PATRIS ETRUSCI.

Hic jacet ille senex, Augusta notus in aula,
 Pectore non humili passus utrumque Deum ;

Hic jacet ille senex cognitus in aula Augusta passus utrumque Deum corde non

//////////

2 Codd. Vat. et Florent. exhibent : *passus utroque*.—4 Ald. Junt. Colin.

NOTÆ

- 1 *Hic jacet*] De Etrusco patre, et num nempe propitium, atque adver-
 Etrusco filio dictum lib. vi. Epig. sum, qui iratus in exilium miserat
 83. Etruscum, placatus vero eundem re-
 2 *Passus utrumque Deum*] Domitia- vocaverat. Lib. vi. Epig. 83.

Natorum pietas sanctis quem conjugis umbris

Miscuit: Elysium possidet ambo nemus.

Occidit illa prior viridi fraudata juventa :

5

Hic prope ter senas vidit Olympiadas.

Sed festinatis raptum tibi credidit annis,

Aspexit lacrymas quisquis, Etrusce, tuas.

abjecto ; quem pietas liberorum conjunxit sanctis manibus uxoris : umbra habitat in Elysio nemore. Illa prior interiit privata viridi juventute ; hic fere vidit octo-decim Olympiadas. At quisquis spectavit tuos fletus, o Etrusce, putavit illum tibi ablatum fuisse morte immatura.

Gryph. *possidet umbra*, improbante Grutero. Sed codd. Vat. Florent. Palat. Thuan. Pulmanni, alii, cum edd. antiquiss. Ferrar. an. 1471. *possidet ambo*, imitatione Virgilii: 'Si duo præterea tales Idæa tulisset Terra viros.'—6 *Hic prope ter denas* codex Pulmanni. *Hic prope ter senas vixit* codd. Thuan. et Florent. et sic in nonnullis edd.

NOTÆ

3 *Natorum pietas*] Hoc est, eodem sepulcro conditus est cum uxore sua.

4 *Possidet ambo [umbra]* Alii forte melius legunt *ambo* pro ambos, Etruscum scilicet, atque uxorem. Sic Virg. Æn. xi. 'Si duo præterea tales Idæa tulisset Terra viros,' &c.

6 *Hic prope ter senas*] Poëta videtur sumsisse Olympiadem pro lustro, seu quinquennio: Statim enim in Sylv. III. quæ inscribitur, 'Lacrymæ Etrusci,' sic de Etrusco canit: 'Dextra bis octonis fluxerunt sæcula lustris, Atque ævi sine nube tenor,' &c. Ex his versibus constat Etruscum feliciter egisse octoginta annos, antequam mitteretur in exilium. Ovidius etiam de Ponto lib. iv. Eleg. 6. Olympiadem sumsit pro lustro: 'In

Scythia nobis quinquennis Olympias acta est: Jam tempus lustris transit in alterius.' Apud Historicos vero Olympias accipitur pro quatuor annis integris, de quibus jam dictum supra. Si ergo Olympiadem pro quatuor annis acciperet, septuaginta annos circumcirca vixisset Etruscus, atque ita contra Statium diceret Martialis.

7 *Sed festinatis*] Hoc est: O Etrusce fili, licet Etruscus pater tuus senior interierit, fato tamen immaturo abreptum tibi illum credidit, quisquis vidit tuos planctus. Legunt alii: *Raptum te credidit annis*. In hoc versu Etruscum patrem, in ultimo Etruscum filium alloqueretur Poëta, ut aiunt. Melior longe mihi videtur prior lectio.

XLI.

AD SEMPRONIUM TUCCAM.

COSMICOS esse tibi, Semproni Tucca, videris :

Cosmica, Semproni, tam mala, quam bona sunt.

O Semproni Tucca, credis te esse cosmicum: o Semproni, cosmica æque bona ac mala sunt.

Ad Sempronium inscribitur in edd. vett.

NOTÆ

1 *Cosmicos*] Κοσμικός hoc est, *mundanus*. Hoc Epigramma sic explicat Turnebus lib. xxv. cap. 24. Credo, inquit, Sempronium voluisse videri Socratis et philosophorum imitatorem qui se mundanos dicebant, non alicujus certi definitique loci municipes : ac se mundanum esse respondit

interroganti, cujas esset Socrates : Martialis autem, qui mundum tantundem boni quantum mali habere sciret, et multos intelligeret ambitioso philosophi nomine magna vitia occultare, cosmica et bona et mala esse dicit, ne eo nomine se Sempronius circumspiceret.

XLII.

AD CASTRICUM.

MUNERIBUS cupiat si quis contendere tecum,

Audeat hic etiam, Castrice, carminibus.

Nos tenues in utroque sumus, vincique parati :

Inde sopor nobis, et placet alta quies.

Tam mala cur igitur dederim tibi carmina, quæris? 5

Alcinoo nullum poma dedisse putas?

O Castrice, si quis velit certare tecum donis, hic quoque audeat versibus. Nos sumus mediocres in utroque, et prompti ad cedendum, hinc amo soporem atque otium nimium. Rogus, cur ergo dederim tibi tam malos versus? An credis Alcinooum a nemine accepisse poma?

In hoc Epigrammate exhibendo nullam lectionis varietatem produnt exemplaria.

NOTÆ

1 *Muneribus*] Hic Castricus et divitiis et doctrina abundavit, cui primas dat Poëta.

5 *Tam mala*] Rationem reddit, cur ad Castricum versus miserit, quia, nempe, inquit, et Alcinoo Phæacum

regi in insula Corcyra, hodie, *Corfue*, cujus horti pomis nobilissimis abundarunt, aliquis forsitan obtulit poma, et quidem suis longe inferiora. Hujus Alcinoi hortos describit Homer. Od. Z.

XLIII.

IN CINNAM.

PRIMUM est, ut præstes, si quid te, Cinna, rogabo :

Illud deinde sequens, ut cito, Cinna, neges.

O Cinna, primum est ut des, si quid petam a te ; deinde illud sequens, ut recuses

2 *Illud deinde sequens si, &c.* in codice Pulmanni. Nostram lectionem exhibent alii codd. cum edd. vett. omnibus.

Diligo præstantem; non odi, Cinna, negantem:
Sed tu nec præstas, nec cito, Cinna, negas.

sine mora. O Cinna, amo dantem, non odi recusantem. At tu, o Cinna, nec das, nec recusus celeriter.

NOTÆ

1 *Primum est*] Vide lib. vi. Epig. 20. et 30.

XLIV.

DE IMAGINE MAXIMI CÆSONII, AD Q. OVIDIUM.

MAXIMUS ille tuus, Ovidi, Cæsonius hic est,
Cujus adhuc vultum vivida cera tenet.
Hunc Nero damnavit: sed tu damnare Neronem
Ausus es, et profugi, non tua, fata sequi.
Æquora per Scyllæ magnus comes exulis isti, 5
Qui modo nolueras consulis ire comes.
Si victura meis mandantur nomina chartis,
Et fas est cineri me superesse meo,
Audiet hoc præsens, venturaque turba, Fuisse
Illi te, Senecæ quod fuit ille suo. 10

Ovidi, hic est ille tuus Maximus Cæsonius, cujus faciem adhuc exprimit cera vivida. Damnatus est a Nerone, at tu ausus es condemnare Neronem, et sequi sortem exulis, non tuam. Tu potens comitatus es profugum per mare Siculum, qui paulo ante recusaras comitari illum Consulem. Si nomina non peritura traduntur meis chartis, et licet me vivere superstitem meo cineri, præsentem et posteri scient hæc, te illi fuisse, quod ille fuit suo Senecæ.

Ad Ovidium inscriptio est in edd. vett.—4 Ausus et non profugi codex Florentinus. non tua facta sequi in eodem codice.—9 Audiet hæc præsens Ald. Junt. Colin. Gryph. aliæ. Audiet hoc præsens codex Pulmanni.

NOTÆ

1 *Maximus ille*] In cera nempe ad vivum expressus Cæsonius, qui, damnatus a Nerone in conjuratione Pisoniana, in exilium aut in Siciliam aut in Africam fuit missus. De eo Tacitus Annal. xv.

3 *Sed tu damnare*] Cum sponte tua Cæsonium ut innocentem secutus es.

5 *Æquora per Scyllæ*] Scylla scopulus est in mari Siculo.

6 *Consulis ire comes*] In Africam, quam paulo ante administraverat Cæsonius.

10 *Senecæ quod fuit*] Hinc colligere est, Cæsonium in Corsicam comitatum fuisse Senecam exulem.

XLV.

DE EADEM.

FACUNDI Senecæ potens amicus,
 Caro proximus, aut prior Sereno,
 Hic est Maximus ille, quem frequenti
 Felix litera pagina salutat.
 Hunc tu per Siculas secutus undas, 5
 O nullis, Ovidi, tacende linguis,
 Sprevisi domini furentis iras.
 Miretur Pyladem suum vetustas,
 Hæsit qui comes exuli parentis.
 Quis discrimina comparet duorum? 10
 Hæsisisti comes exuli Neronis.

Potens amicus disertæ Senecæ, proximus Caro, aut prior Sereno, hic est ille Maximus, quem salutat felix Epistola frequenti pagina: hunc tu comitatus per mare Siculum, Ovidi celebrande omnibus linguis, contempsisti furores domini irati. Antiquitas prædicet suum Pyladem, qui comitatus est exulem matris: quis conferat pericula amborum? Secutus es exulem Neronis.

Ad eundem lemma est in Ald. Junt. Colin. Gryph. &c.—1 Senecæ proximus amicus Beverlandi Ms.—2 Claro proximus in eodem.—9 Codex Pulmanni: comes exulis parentis.

NOTÆ

2 *Caro proximus]* In amore nempe tem adjunxit Oresti exulanti, ne a matre sua Clytæmnestra, ut Agamemnon pater, interficeretur. Euripides in Oreste, et Sophocles in Electra. Deinde reversus matrem occidit, et

3 *Quem frequenti]* Ad quem Cæsonium toties scripsit Seneca. *Felix litera* dicitur, ut opinor, quod bearet ipsum Cæsonium.

5 *Hunc tu]* Vide Epigramma præcedens.

7 *Domini]* Neronis.

8 *Miretur Pyladem]* Qui se comi-

10 *Duorum]* Pyladis nempe et Ovidii: ille enim, Orestem secutus, non tantum periculum expertus est, quantum adiit Ovidius, damnatum a Nerone sævissimo tyranno Cæsonium comitatus.

XLVI.

AD PRISCUM.

COMMENDARE tuum dum vis mihi carmine munus,
 Mæonioque cupis doctius ore loqui;

Dum vis versibus commendare mihi tuum donum, et cupis canere eloquentius Ho-

Excrucias multis pariter me teque diebus :

Et tua de nostro, Prisce, Thalia placet.

Divitibus poteris Musas, elegosque sonantes

5

Mittere : pauperibus munera pexa dato.

mero, et te et me similiter exanimas multis diebus: et tua Thalia, o Prisce, tibi grata est cum nostro dispendio. Licebit mittere locupletibus Musas, atque elegos sonantes: largire egenis munera pexa.

4 *Prisce, Thalia tacet* codex Pulmanni; et sic legit Turneb. Advers. lib. xxiv. cap. 28.—6 Beverlandi Ms. *munera, Prisce, dato*. J. Vossius: *munera plena dato*; et interpretatur, non ornata et polita instar Elegorum sonantium, sed crassa et pinguis et incondita, magni attamen ponderis. Alii legunt: *munera plana dato*.

NOTÆ

1 *Commendare tuum*] Dum enim Carmina meditaretur Priscus, interim noster Poëta egebat.

2 *Mæonio*] Cur Homerus vocaretur Mæonius dictum Epig. 10. lib. v.

4 *Et tua de nostro*] Et tibi jucundum est meditari Carmina cum meo damno: munus enim promissum non mittis. Turnebus lib. xxiv. cap. 28. legit, *Thalia tacet*. Quod enim, inquit, versus se scribere accuratos

simularet Priscus, vel etiam meditaretur, nec interea dona remitteret, silentium ejus merito sibi conqueritur damnosum Martialis. Judicet lector.

6 *Munera pexa*] Raderus vestem pexam intelligit. Vide lib. II. Epig. 58. Legunt alii *plana*, id est, sine Carminibus. Alii *plena*, hoc est, inquit Farnabius, quorum gratia non dimittitur mora.

XLVII.

AD LICINIUM SURAM.

DOCTORUM Licini celeberrime Sura virorum,

Cujus prisca graves lingua reduxit avos,

O *Licini Sura, celeberrime hominum eruditorum, cujus antiqua lingua revocavit*

Ad Licinium inscribitur in Ald. Junt. Colin. Gryph. Pulman. Lang. aliis.—1 In iisdem: *celeberrime, summe virorum*. Lectionem nostram testantur

NOTÆ

1 *Licini*] Cujus mentionem facit Plinius Junior lib. iv. Epist. 30. ‘Attuli tibi,’ inquit, nempe Licinio Suræ, ‘ex patria mea pro munusculo quæstionem altissima ista eruditione

tua dignissimam.’ Legunt alii: *celeberrime, summe*, quæ lectio non videtur bona.

2 *Cujus prisca*] Cujus oratio gravitatem et mores antiquorum sapit.

Redderis, heu quanto fatorum munere ! nobis,
Gustata Lethes pæne remissus aqua.

Perdiderant jam vota metum, securaque flebant
Tristia cum lacrymis ; jamque peractus eras.

5

severos avos : heu quanto dono fatorum restitueris nobis fere remissus libata unda Lethes ! Jam vota amiserant timorem, et mæror tutus lacrymabatur, et jam deplo-

optimi codices.—5. 6 ‘Piora hujus distichi quid sibi velint, non extrico plane. Conjeceram olim: *Perdiderant jam vota metu*; fere ut Ovid. Fast. vi. 245. ‘Spem metus expulerat, cum Menti vota Senatus Suscipit.’ Adeo ut Verbum Activum *Perdiderant* Passive capiatur, vel absolute; qua de construendi ratione vide Gell. lib. xviii. cap. 12. Vechner. Hellenol. lib. i. p. 1. cap. 6. Pompon. de Usu Antiq. Locut. lib. ii. cap. 1. Cort. Excurs. vi. ad Sallust. Jugurt. cap. 85. Voss. Anal. lib. iii. cap. 3. Jens. Singul. Observ. lib. i. 36. Sed non satisfacit. Receptam lectionem Farnabius explicat: ‘Tanquam in certa morte deposueramus spem, et cum votis metum curamque pro te.’ Hoc voluisse forsan Poëtam, non plane iverim inficias. Attamen an hæc sententia e vulgatæ lectionis verbis exsculpi commode queat, viderint me oculatiores: ego certe ex illis colligere nondum possum, *vota*, i. e. spem cum metu cessare. An autem quemadmodum ‘servitia’ pro ‘servis,’ et ‘operas’ pro ‘operariis’ passim legimus (vide et Erudit. Gruner. ad Sedul. lib. i. v. 20. et Brant. ad Cæs. B. G. lib. vii. 32.) ita et *vota* dixit Martialis pro amicis, qui Licinii salute vota conceperant? qua de consuetudine vide Brisson. Form. lib. i. Broukh. ad Tibull. i. 5. 10. Thomasin. de Tab. Vocat. cap. 34. vide et infra lib. xii. Epig. 92. Amici itaque non amplius metuebant; quia pro defuncto habebatur Licinius. An vero scribendum? *Perdiderant jam vota, metus*, conjunctione omissa, ut sæpius. Vide Scheffer. ad Phædr. lib. i. Fab. q. v. 3. Ovid. Heroid. Epist. ii. 31. ‘Jura, fides ubi nunc commissaque dextera dextræ?’ et τὸ *Perdiderant* iterum pro ‘Perdita erant,’ vel absolute. Sed an securam tristitia? cur ergo flebant? Fletus commoti animi indicium, non autem securi. Securus significat quietum, tranquillum: malim itaque: *sinceraque flebant Tristia*. Quæ vox aptissime affectum erga Licinium exprimit. Ita et ‘sincerus’ in ‘securus’ transierat apud Nason. Nuc. v. 35. ubi vide Burm. Sed est præterea, quod aliquando mihi in mentem venit. Extat nimirum in aliquibus edd. [scil. Ald. Junt. Colin. Gryph. Calderin. Plant. Junian. Lang. Delph. &c.] *securaque flebat Tristitia, et lacrymis jamque peractus eras*. Respuit hanc lectionem Scriverius: puto, quod virum offenderet τὸ *jamque*, præcedente jam copula et. Neque mihi valde arridet; quanquam, sæpius particulam *que* abundare, non ignorem. Quid? si legas: *sinceraque flebat Tristitia, in lacrymis jamque peractus eras*. h. e. respectu lacrymarum: vel, tot jam lacrymæ fundebantur, ac si re vera diem tuum obiisses. Hoc pacto certe interdum hæc præpositio est exponenda: ut apud Flor. lib. ii. cap. 6. ‘Tota insula in una urbe superata est.’ Justin. lib. xiv. cap. ult. ‘Ut Alexandrum posses in moriente matre cognoscere.’ Curt. vi. 9. ‘In vobis liberos, parentes, consanguineos

NOTÆ

4 *Gustata Lethes*] Lethe Inferorum fluvius, hoc est, fere mortuus vitæ restitueris.

5 *Vota metum*] Spe enim tuæ vitæ deposita jam desieramus timere, et certam tuam mortem lugebamus. Le-

gunt alii: *securaque flebant Tristia cum lacrymis*, &c. prior lectio mihi videtur melior, nisi forte melius legas: *securaque flebant*: (nempe *vota Tristitia, et lacrymis jamque peractus eras*.)

Non tulit invidiam taciti regnator Averni,
 Et raptas fatis reddidit ipse colos.
 Scis igitur, quantas hominum mors falsa querelas
 Moverit; et frueris posteritate tua. 10
 Vive velut rapto, fugitivaque gaudia carpe:
 Perdiderit nullum vita reversa diem.

raveramus te. Rex silentis Orci non fuit par odio nostro, atque ipse restituit pensa erepta a fatis. Ergo novisti quantas querimonias hominum excitarit tuus interitus falsus, et frueris tua posteritate, Vive velut rapto, et percipe lætitiã fugacem: vita reddita nullum amiserit diem.

habeo.' Horat. iv. Od. 4. 4. 'Expertus fidelem Jupiter in Ganymede flavo.' Ipse Martialis lib. iv. Epig. 29. 'Sæpius in libro memoratur Persius uno, Quam levis in tota Marsus Amazonide.' Sulpic. Sever. Vit. Martin. cap. 2. 'Vere memor Dominus . . . se in paupere professus est fuisse vestitum.' *Ant. de Rooy. Tristia cum lacrymis dedit Scriverius e membranis et Junii margine. 'Videtur legendum: securaque flebant Tristia jum lacrymæ. Jam lugentium lacrymæ, h. e. lugentes lacrymis, flebant tristitia segura, i. e. certum et creditum nec amplius pro dubio habitum casum tuum.' Gronovius. —8 Et raptum fatis reddidit ipse solo codex Pulmanni. Et raptas fatis reddidit ipse colos conj. Gronovius, ut Seneca: 'Abrupit stolidæ regalia tempora vitæ.'*

NOTÆ

- 7 *Regnator Averni*] Pluto. nobis, tuis nimirum posteris, cum
 8 *Reddidit*] *Parcis* pensa restituit, mortuum te crediderimus.
 quæ a fatis ablata fuerant. 11 *Vive velut rapto*] Hoc est, per-
 10 *Frueis posteritate tua*] Ipse cipe voluptates perinde ac si ex rapto
 velut redivivus scis quam fueris carus viveres. Vide lib. i. Epig. 16.

XLVIII.

AD ANNIUM.

CUM mensas habeat fere ducentas,
 Pro mensis habet Annius ministros:

Cum mensæ prope ducentæ sint Annio, sunt famuli loco mensarum: paropsides

De Annio inscribitur in edd. vett.—1 Codex Pulmanni: *habeat fere trecentas.*

NOTÆ

- 1 *Fere ducentas*] Numerus est certus pro incerto. xxv. cap. 24. sic explicat hos versus. Puto, inquit, ita intelligendum: suppetunt illi plurimæ mensæ ad ducentas, non tamen in eis opsonia reponit: sed eas semper servi gerunt, nec epulis frui possunt convivæ, ita ambulatoriam cœnam potius spectant,
- 2 *Pro mensis*] Hoc est, mensarum vicibus funguntur ipsi ministri cibos et opsonia in gabatis seu paropsidibus circumferentes, nec quicquam apponunt convivis. Turnebus lib.

Transcurrent gabatæ, volantque lances.
 Has vobis epulas habete, lauti.
 Nos offendimur ambulante cœna.

5

transcurrent, et lances volant. O divites, servate vobis has dapes. Cœna ambulans lædit nos.

NOTÆ

quam comedunt: cum ministri ce- ipsis et lancibus.
 liter paropsides et gabatas ante con- 5 *Nos offendimur*] Quia ambulato-
 vivas præferant, &c. Mensas acci- riis his epulis frui non possumus.
 pere videtur Turnebus pro gabatis

XLIX.

AD SEVERUM.

PARVA suburbani munuscula mittimus horti:
 Faucibus ova tuis; poma, Severe, gulæ.

O Severe, mittimus exigua munuscula suburbani horti; ova tuis faucibus, poma gulæ.

1 *Pauca suburbani* exhibet codex Palatinus. Vide Interpp. ad Propert. iv. 10. 20. Ovid. Met. ii. 788. Fast. iii. 66. Pont. iii. 1. 60. et Burm. ad Fast. iii. 192.

NOTÆ

2 *Faucibus ova*] Hoc est, quæ tuæ quæ palato grata sint, famemque raucitati medeantur; poma autem, stimulent.

L.

AD FONTEM IANTHIDOS.

FONS dominæ, regina loci, quo gaudet Ianthis,
 Gloria conspicuæ delictumque domus:
 Cum tua tot niveis ornetur ripa ministris,
 Et Ganymedeo luceat unda choro:

O fons dominæ, regina loci, quo delectatur Ianthis, decus et voluptas splendida domus: cum tua ripa decoretur tot candidis famulis, atque aqua splendat choro

Ad fontem Hiantidos lemma est in edd. vett.—1 In iisdem: *quo gaudet Hiantis*.—4 Codex Pulmanni: *luceat unda thoro*. Sed *thoro*, sive *toro*, et *choro* vix distingui possunt in codd. Vide nos ad Tibull. ii. 1. 86.

NOTÆ

1 *Ianthis*] Vide lib. vi. Epig. 47. et Epig. 14. supra.

Delph. et Var. Clas.

Martial.

2 L

Quid facit Alcides sylva sacratus in ista? 5
 Tam vicina tibi cur tenet antra Deus?
 Numquid nympharum notos observat amores,
 Tam multi pariter ne rapiantur Hylæ?

Ganymedeo; quid agit Hercules sacratus in ista sylva? quare Deus occupat tam propinquas tibi speluncas? num custodit cognitos amores Nympharum, ne tam multi Hylæ similiter rapiantur?

LI.

AD URBICUM.

MERCARI nostras si te piget, Urbice, nugas,
 Et lasciva tamen carmina nosse libet:
 Pompeium quæras (et nosti forsitan) Auctum;
 Ultoris prima Martis in æde sedet. 5
 Jure madens, varioque togæ limatus in usu,
 Non lector meus hic, Urbice, sed liber est.
 Sic tenet absentis nostros, cantatque libellos:
 Ut pereat chartis litera nulla meis.
 Denique, si vellet, poterat scripsisse videri;
 Sed famæ mavult ille favere meæ. 10

O Urbice, si tædet te emere nostras ineptias, et nihilominus placet tenere versus lascivos: quæras Pompeium Auctum, et forte novisti; habitat in æde prima Martis ultoris. Imbutus jurisprudentia, atque exercitatus in vario usu togæ, o Urbice, hic non est meus lector, sed liber. Ita scit et canit nostros libros non præsentis, ut nulla syllaba desit meis scriptis. Tandem, si liberet, poterat videri composuisse: at ille mavult studere meæ existimationi. Potes hunc provocare a decima: (nec

3 *Pompeium quæres codex Vaticanus. Pompeium quæris codex Florentinus.*—5 *In codice Vaticano lunatus, propter similitudinem syllabarum im et un in membranis. Ant. de Rooy conj. ab usu. Vide Micyll. ad Ovid. Trist. iv. 10. 16. Idem Ovid. Art. Am. III. 91. 'Couteritur ferrum, silices tenu-*

NOTÆ

4 *Ultoris prima]* Quam Marti bello Philippensi pro ultione paterna suscepto voverat Augustus. Suet. in Augusto cap. 29.

5 *Jure madens]* Alii intelligunt, coqui instar jusculo unctum fuisse hunc Auctum, cujus etiam toga, qua ad varios usus uteretur, attrita esset: ego vero et jurisperitum fuisse, et studiis pacis, et vario causarum ge-

nere exercitatum libenter dixerim. Vide Epig. 69. infra, et lib. i. Epig. 40.

7 *Sic tenet absentis]* Pro absentes: ita et alii auctores locuti sunt. Sensus est: Ita ad unguem Pompeius Auctus tenet mea Carmina, ut ea memoriter sine ullo errore recitare possit. Heraldus mavult *absentis* esse in Genitivo: Martialis scilicet.

Hunc licet a decima (nec enim satis ante vacabit)

Solicites: capiet cœnula parva duos.

Ille leget, bibe tu: nolis licet, ille sonabit:

Et cum, Jam satis est, dixeris; ille leget.

enim prius erit ipsi satis otii:) exigua cœnula apponetur ambobus. Ille leget, tu pota: quamvis nolis ille recitabit: et cum jam dixeris, Sufficit; ille leget adhuc.



antur ab usu.—11 *Nunc licet* Beverlandi Ms.—12 *Sollicitos* codex Pulmanni.

NOTÆ

11 *Licet a decima*] Prius enim propter sua negotia non vacabat Auctus. Hora vero nona cœnare incipiebant antiqui. De horis dictum lib. iv. Epig. 8. Sensus est: Si Auctum rogaveris ut mea Carmina legat, te ad cœnam invitabit, et leget ad nau-seam usque.

LII.

AD AUCTIONEM.

GRATUM est, quod Celeri nostros legis, Aucte, libellos;

Si tamen et Celerem quod legis, Aucte, juvat.

Ille meas gentes, et Celtas rexit Iberos,

Nec fuit in nostro certior orbe fides.

Major me tanto reverentia turbat; et aures

5

Non auditoris, iudicis esse puto.

O Aucte, jucundum est quod recitas Celeri nostros libros, si tamen et placet Celeri, quod recitas. Ille administravit meam nationem, et Celtas Iberos, nec fides sanctior fuit in nostro orbe. Major observantia in tantum virum terret me; atque existimo aures esse iudicis, non auditoris.



5 *Major me tanti* Ald. Junt. Colin. Gryph. Calderin. Pulman. Plant. Junian. Lang. Delph. aliæ. *Major me tanti* codd. Thuan. Palat. et Florent. *Major me tanta* codex Vaticanus.—6 *Non auditores* Beverlandi Ms.

NOTÆ

1 *Quod Celeri*] De Aucto vide Epigramma præcedens. Celeris vero mentionem facit Plinius Junior lib. iv. Epist. 11. qui ob Corneliam Vestalem incesti accusatam in Comitio virgineæ cæsus est: de quo sane hic non loquitur Poëta, sed de altero, qui præfectus fuit Hispaniæ, patriæ Martialis. Celtæ autem Iberi ripas in-

colentes, dicti sunt Celtiberi.

4 *In nostro orbe*] In Hispania patria mea, quæ mari et Pyrenæis montibus clausa, quasi orbis alter est.

6 *Non auditoris*] Nec enim auditorem tantum, sed ut Celtiberorum, sic et Musarum iudicem vereor Celerem. In superiori versu alii legunt *tanto*, pro *tanti*.

LIII.

IN UMBRUM.

OMNIA misisti mihi Saturnalibus, UMBER,
 Munera, contulerant quæ tibi quinque dies;
 Bis senos triplices, et dentiscalpia septem:
 His comes accessit spongia, mappa, calix;
 Semodiusque fabæ cum vimine Picenarum, 5
 Et Laletanæ nigra lagena sapæ;
 Parvaque cum canis venerunt coctana prunis,
 Et Libycæ fici pondere testa gravis.
 Vix puto triginta nummorum tota fuisse
 Munera, quæ grandes octo tulere Syri. 10
 Quanto commodius nullo mihi ferre labore
 Argenti potuit pondera quinque puer?

O UMBER, Saturnalibus misisti ad me omnia dona, quæ tu acceperas quinque diebus; misisti duodecim triplices, et septem dentiscalpia: his adjuncta est spongia, mappa, calix, et semodius fabæ, cum cistella Picenarum olivarum, et nigra amphora sapæ Laletanæ: atque exigua coctana accesserunt cum prunis canis, et testa gravis pondere fici Libycæ. Credo omnia dona, quæ portarunt octo grandes Syri, vix valuisse triginta nummis. Quanto facilius servus potuit nullo labore ferre quinque libras argenti?

8 *Et Libycæ ficus* Pulmanni codex.

NOTÆ

1 *Misisti*] De Saturnalibus dictum lib. v. Epig. 84.

3 *Bis senos triplices*] Hoc est, duodecim pugillares: dicuntur autem triplices a tribus foliis: fiebant ex citro, ebore, &c.

Dentiscalpia] Quibus dentes purgantur. Vide lib. vi. Epig. 74. et lib. xx. Epig. 22.

4 *Spongia*] Ad tergendas mensas, lib. xiv. Epig. 144.

5 *Semodiusque*] Lib. iv. Epig. 46.

6 *Et Laletanæ*] Hoc est, vinum fæcis plenum ex Laletania in Hispania Tarraconensi. Sapa proprie vinum est decoctum.

7 *Coctana*] De quibus lib. xiii. Epig. 28. et lib. iv. Epig. 89.

8 *Et Libycæ fici*] Vide lib. iv. Epig. 46.

10 *Syri*] Hoc est, servi ex Syria.

12 *Argenti pondera*] Hoc est, quinque libras argenti.

LIV.

IN NASIDIENUM.

SEMPER mane mihi de me mera somnia narras,
 Quæ moveant animum, sollicitentque meum.
 Jam prior ad fæcem, sed et hæc vindemia venit;
 Exorat noctes dum mihi saga tuas.
 Consumsi salsasque molas, et thuris acervos : 5
 Decrevere greges, dum cadit agna frequens.
 Non porcus, non cortis aves, non ova supersunt.
 Aut vigila, aut dormi, Nasidiene, tibi.

Semper mane exponis mihi mera somnia de me, quæ agitant atque angant mentem meam. Jam prior vindemia, sed et hæc redacta est ad fæcem, dum saga placat mihi tuas noctes. Exhausti et salsas molas, atque acervos thuris: greges diminuti sunt, dum crebra agna immolatur. Non porcus, non aves cortis, non ova restant. O Nasidiane, aut vigila, aut dormi tibi.

1 Codex Pulmanni exhibet: *de me tua somnia narras*; et sic etiam Beverlandi Ms. Cetera, in hoc Epigrammate nulla est lectionis varietas.

NOTÆ

1 *Semper mane mihi*] Ut munera captaret a Poëta, Nasidienus fingebat plena terroris somnia, quæ aliquid mali portenderent Martiali: atque ab illo modo thus, modo vinum petebat ad ea placanda. Quid autem de somniis crediderint antiqui, vide Macrobius in Somnio Scipionis.

3 *Jam prior*] Vinum superioris vindemiæ et hornotinæ jam consuntum

est.

4 *Exorat noctes*] Id est, dum saga expiat infausta tua somnia.

5 *Consumsi salsasque*] In sacrificiis, quæ fiebant ad omen aliquod avertendum, antiqui adhibebant vinum, hostiam, thus, et salsas molas, id est, far tostum et sale mixtum.

8 *Aut dormi tibi*] Hoc est, aut de te somnia tuo damno.

LV.

IN CHRESTUM.

NULLI munera, Chreste, si remittis;
 Nec nobis dederis, remiserisque;
 Credam te satis esse liberalem.
 Sed si reddis Apicio, Lupoque,

NOTÆ

4 *Apicio, Lupoque, &c.*] Turpitudinis tuæ ministris.

Et Gallo, Titioque, Gellioque ;
 Lingas non mihi, (nam proba et pusilla est,)
 Sed quæ de Solymis venit perustis
 Damnata modo mentulam tributi.

5

5 *Titioque Cæsioque* in codd. Palat. Bodl. Oxon. et Pulmanni. Sunt qui legant: *Titioque Celioque*.—6 *Scriptus* codex Turnebi, ut et Palat. exhibet, *Linges*. Palat. etiam habet: *nam proba et puella est*.—8 In edd. vett. *tributis*. Lectio nostra debetur Turnebo lib. xxiv. cap. 28.

NOTÆ

5 *Gellioque*] Palat. et membranæ Anglicanæ *Cæsioque*. Sunt et qui legunt *Celioque*.

6 *Lingas*] *Scriptus* codex Turnebi, ut et Palat. *Linges*.

Non mihi, &c.] Non meam, quæ castior est, sed servi mei Judæi damnati ad tributum, vel nomine tributi in servitutem damnati. Turnebus lib.

xxiv. cap. 28. leg. *tributi*; grave autem tributum pendebant, cum Judæi, tum qui Judaicæ sectæ initiabantur circumsecti. Sueton. Domit. cap. 12.

Et pusilla est] Palat. aperte *puella est*. Et cur non admittam, cum eandem alibi nominet *anum*, mentionemque facit ‘chartæ virginis?’ Gruter.

LVI.

AD RABIRIUM.

ASTRA polumque tua cepisti mente, Rabiri:
 Parrhasiam mira qui struis arte domum.
 Phidiaco si digna Jovi dare templa parabit,
 Has petat a nostro Pisa Tonante manus.

O Rabiri, mente tua complexus es cælum et sidera; qui ædificas domum Palatinam mirabili artificio. Si Pisa cogitavit exstruere templa convenientia Jovi Phidiaco, postulet a nostro Tonante has manus Rabirii.

In quibusdam: *pia cepisti mente*. Scriverius legit: *tua percepsti mente*.—3 Turnebus lib. xxiv. cap. 28. legit: *Jovi dare templa parabit*. Alii *paravit*.

NOTÆ

1 *Astra polumque*] Sensus est: Palatium tam superbum Domitiano exstruxerat Rabirius, ut cælum ipsum mente concepisse videretur, ad cujus imaginem Palatium illud ædificaverat. Rabirii rursus meminit lib. x. Epig. 71.

2 *Parrhasiam*] Id est, Palatinam, in monte nempe Palatino, ubi Evander Arcas ex urbe Parrhasia primus domum exstruxit. Sic Interpretes

hunc locum explicant Virg. Æn. xi. ‘Parrhasio Evandro Armiger ante fuit.’

3 *Phidiaco si digna*] Hoc est: Si Pisa urbs Peloponnesi ad fluvium Alpheum voluerit Jovi exstruere templum dignum illo simulacro, quod ex ebore Phidias statuarius nobilissimus formavit, a Domitiano nostro Jove petat Rabirium.

LVII.

DE ACHILLA.

CASTORA de Polluce Gabinia fecit Achillam :
Pyxagathos fuerat, nunc erit Hippodamus.

Gabinia ex Polluce fecit Achillam Castora : pyxagathos fuerat, nunc erit Hippodamus.

Nullam lectionis varietatem in hoc Epigrammate exhibendo produnt exemplaria.

NOTÆ

1 *Gabinia*] Dives fœmina equestri censu donavit Achillam, ut eques fieret. Alludit autem ad illum versum Homeri : Κάστορα θ' ἰππόδαμον, καὶ πρὸς ἀγαθὸν Πολυδεύκεια : *Castora equorum domitorem, et Pollucem pugnis fortem. Achilles ergo antea quidem pugil erat strenuus : jam vero est equorum domitor ; id est, eques factus est, et Gabiniam inibit. Lib. III. Epig. 90.*

LVIII.

AD GALLAM.

JAM sex, aut septem nupsisti, Galla, cinædis :
Dum coma te nimium, pexaque barba juvat.
Deinde experta latus, madidoque simillima loro
Inguina, nec lassa stare coacta manu,
Deseris imbelles thalamos, mollemque maritum : 5
Rursus et in similes decidis usque toros.
Quære aliquem Curios semper Fabiosque loquentem,
Hirsutum, et dura rusticitate trucem.
Invenies ; sed habet tristis quoque turba cinædos :
Difficile est, vero nubere, Galla, viro. 10

Et hic nulla lectionis varietas extat in libris impressis aut calamo exaratis.

NOTÆ

1 *Cinædis*] Dum ex cultu et elegantia eos judicabas strenuos ad cultus neglectu gravitatem et virilitatem profitentur. Lib. I. Epig. 25.

6 *Similes toros*] Mollium et imbellium cinædorum.

7 *Quære aliquem, &c.*] Ne ulterius te decipiant pexi isti et comati, quære aliquem ex iis qui sermone et

9 *Sed habet, &c.*] Sed et hi sunt Socratici cinædi.

10 *Difficile est, &c.*] Juven. Sat. II. 'Fronti nulla fides. Quis enim non vicus abundat Tristibus obscœnis?'

LIX.

DE CÆCILIANO.

NON cœnat sine apro noster, Tite, Cæcilianus.
Bellum convivam Cæcilianus habet.

O Tite, Cæcilianus noster non cœnat sine apro: Cæcilianus habet egregium convivam.

//////////

Neque in hoc Epigrammate quicquam variant libri scripti aut excusi.

NOTÆ

1 *Sine apro*] Unde Juvenalis Sat. i. 141. 'quanta est gula quæ sibi totos Ponit apros, animal propter convivia natum,' &c. Aprum ergo sibi soli apponebat Cæcilianus, quem facete ejus convivam appellat. Domitius tamen mavult de apro homine intelligere, cujus meminit Poëta lib. x. Epig. 15. Eligat lector.

LX.

AD JOVEM CAPITOLINUM.

TARPEIÆ venerande rector aulæ,
Quem salvo duce credimus Tonantem,
Cum votis sibi quisque te fatiget,
Et poscat dare, quæ Dei potestis:
Nil pro me mihi, Jupiter, petenti
Ne succensueris, velut superbo.
Te pro Cæsare debeo rogare:
Pro me debeo Cæsarem rogare.

5

O colende gubernator aulæ Tarpeiæ, quem Tonantem putamus sospite Imperatore, cum quilibet pro se te oneret votis, et petat ut concedas, quæ Dei potestis: o Jupiter, ne irascaris mihi nihil poscenti pro me, velut arroganti. Debeo orare te pro Cæsare: at debeo orare Cæsarem pro me.

//////////

Ad Jovem lemma est in edd. vett.—4 Alii legunt: quæ Dei potestas.

NOTÆ

1 *Tarpeiæ*] Hoc est, Capitolii, in quo colebatur Jupiter.

2 *Quem salvo*] Quem Jovem Deum credimus, salvo Domitiano. Sic lib. v. Epig. 1.

4 *Quæ Dei potestis*] Alii, quæ Dei potestas. Idem est sensus.

8 *Pro me debeo*] Potest enim Domitianus mihi suppeditare quæ sunt necessaria. Turpis hæc est erga Domitianum adlatio; quasi vero ille velut Deus potuisset Martialem tueri ab omnibus casibus quibus obnoxia est humana vita.

LXI.

AD CÆSAREM GERMANICUM.

ABSTULERAT totam temerarius institor urbem,
 Inque suo nullum limine limen erat.
Jussisti tenues, Germanice, crescere vicos;
 Et modo quæ fuerat semita, facta via est.
Nulla catenatis pila est præcincta lagenis: 5
 Nec prætor medio cogitur ire luto.
Stringitur in densa nec cæca novacula turba:
 Occupat aut totas nigra popina vias.
Tonsor, caupo, coquus, lanius sua limina servant.
 Nunc Roma est, nuper magna taberna fuit. 10

Inconsideratus mercator occupaverat totam urbem, et nullum limen erat in suo limine. O Germanice, imperasti laxari vicos angustos: et qui paulo ante trames fuerat, factus est via. Nulla pila est referta catenatis lagenis: nec prætor cogitur ambulare medio cæno. Nec cæca novacula nudatur in frequenti turba, aut fumosa popina tenet totas vias. Tonsor, caupo, coquus, lanius manent domi suæ: nunc Roma est, nuper fuit magna officina.

2 *Inque suo nullum limine* malit Ant. de Rooy.—7 *Stringitur in densas nec cæca novacula turbas* exhibet codex Puluanni.

NOTÆ

1 *Abstulerat totam*] Passim mercatores erant media via, ut vix locus esset ambulanti- bus per urbem; Domitians vero, quem Germanicum ob devictos Germanos vocat, vicos laxari jussit. Institor is est qui in taberna mercibus vendendis præpositus est.

2 *Inque suo*] Hoc est, nullum ante ædes suas liberum euntibus per urbem transitum relinquebant mercatores.

5 *Nulla catenatis*] Pilæ erant columnæ ad quas libri vendebantur. Horatius I. Sat. 4. 'Nulla taberna meos habeat, neque pila libellos.' Quibus etiam affixæ erant connexæ inter se lagenæ, signum nempe vini venalitii.

6 *Nec prætor*] Vicis enim laxatis jam transitus liber est juxta tabernas.

7 *Stringitur in densa*] Hoc est, iu-

quit Domitius, novacula non nudatur amplius media via; cellæ enim tonsoriæ media via collocatæ, uti et cauponum tabernæ dejectæ sunt, et jam tonsores domi tondere coguntur. Raderus conjicit hoc referri posse ad saccularios, qui media in turba marsupia exsecarent. *Cæca novacula* dicitur, vel quod sit recondita theca sua, vel quod non videatur in turba, cum res brevis sit et exigua. Hic locus obscurus mihi videtur. Judicet lector.

9 *Limina servant*] Hoc est, hi omnes non exstruunt amplius tabernas media via, sed domi suæ exercent suas artes.

10 *Roma est*] Idem fere dixit lib. Spect. Epig. 2. 'reddita Roma sibi est,' quæ antea magna videbatur officina.

LXII.

IN AMILLUM.

RECLUSIS foribus grandes percidis, Amille,
 Et te deprendi, cum facis ista, cupis ;
 Ne quid liberti narrent, servique paterni,
 Et niger obliqua garrulitate cliens.
 Non pædicari se qui testatur, Amille, 5
 Illud sæpe facit, quod sine teste facit.

In Hamillum inscribitur in quibusdam ; et sic apud Juvenalem, ut exhibent plurimi codd.—1 In quibusdam, *præcidis*.—4 *Et notet* in edd. vett. *Et niger* codex Pulmanni ; et sic legit Gruterus ex codd. Palat. et Bodl.—5 Codex Pulmanni : *te qui testatur*.

NOTÆ

1 *Percidis* [*præcidis*] Alii *percidis*.
 Lib. II. Epig. 72.

3 *Narrent, &c.*] Te gravius aliquid
 pati.

4 *Et niger* [*notet*] Gruterus ex Palat. et Anglic. legit : *Et niger* : ut

niger ille, designet garrulum quem, Horatianæ picturæ non dissimilem.

5 *Testatur, teste facit*] Ludit in *testatur* et *teste*, necnon in ambiguitate τοῦ *teste*. Hic autem ὄρχεις intelligit, id est, λέγει ἢ φωνικίζει.

LXIII.

DE SILIO (ITALICO.)

PERPETUI nunquam moritura volumina Silii
 Qui legis, et Latia carmina digna toga ;

O lector, qui evolvis libros non perituros Silii non morituri, et versus dignos toga

Non *De Silio Italico*, sed *De Silio* lemma est in codd. et edd. vett. omnibus.—1 Beverlandi Ms. *nunquam peritura*.—2 In quibusdam : *carmina digna*

NOTÆ

1 *Perpetui*] *De Silio Italico* Poëta vide lib. IV. Epig. 14. et Plin. lib. III. Epist. 7.

2 *Et Latia*] Hoc est, inquit Domitius, digna rebus gestis Romanorum : Silius enim scripsit secundum bellum Punicum. Farnabius interpretatur carmina digna majestate Oratoris Romani, et Consulis ; Raderus vero

intelligit carmina tam egregia, quam natus in urbe Poëta scribere poterat : Silium enim natum in urbe Italica metropoli Pelignorum, ex qua dictus est 'Italicus' affirmat. Secundum alios Italica hodie, *Sevilla la veja*, urbs fuit Hispaniæ Baticæ, patria Silii Poëtae. Legunt alii : *Latia carmina digna lyra*.

Pierios tantum vati placuisse recessus
 Credis, et Aoniæ Bacchica sarta comæ?
 Sacra cothurnati non attigit ante Maronis, 5
 Implevit magni quam Ciceronis opus.
 Hunc miratur adhuc centum gravis hasta virorum;
 Hunc loquitur grato plurimus ore cliens.
 Postquam bis senis ingentem fascibus annum
 Rexerat, asserto qui sacer orbe fuit: 10
 Emeritos Musis et Phœbo tradidit annos;
 Proque suo celebrat nunc Heliconæ foro.

Lutia, an putas Poëtam amavisse tantum recessus Musarum, et coronas Bacchicas comæ Aoniæ? non prius se tradidit sacris cothurnati Maronis, quam absolvit opus magni Ciceronis. Gravis hasta centum virorum hunc miratur adhuc; multi clientes hunc prædicant ore memori. Postquam duodecim fascibus administraverat ingentem annum, qui fuit sacer mundo vindicato in libertatem: dedit emeritos annos Musis et Phæbo: et nunc commendat Heliconæ pro suo foro.

lyra.—5 Sacra coronati in codice Vaticano. Martialis alibi: 'Rara coronato plausere theatra Menandro.'—12 Proque suus celebrat conj. Ant. de Rooy. suus, h. e. liber curis publicis, et quasi sui juris, ut vocat otia senectæ. Supra lib. iv. Epig. 25. 'Si juris fuerint otia nostra sui.' Quo sensu et 'meus' occurrit in Pers. Sat. v. 88. 'Vindicta postquam mens a Prætoçe recessi.' Nec quenquam offendat remotior a suo Casu Præpositio. Cf. Hor. iii. Od. 27. 51. Eleg. in Obit. Mæcenat. vs. 12. Ovid. Epist. ix. 96. xiii. 161. Eleg. ad Liv. Aug. vs. 254. Vide etiam Jens. Observ. Sing. L. L. §. 16. Quamvis pro suo foro hand incommode exponi possit, tanquam suum forum. Vide Heins. ad Ovid. Epist. iii. 98. et Snakenb. ad Curt. iv. 10.4. Pro foro Beverlandi Ms. habet, thoro.

NOTÆ

3 *Pierios*] Vide lib. i. Epig. 77. Sensus est: Credisne Silium poësi tantum vacavisse?

4 *Sarta*] Quibus more Bacchico caput coronant Musæ Aoniæ.

5 *Cothurnati*] Propter carminum gravitatem. De cothurno lib. v. Epig. 30.

6 *Implevit magni*] Hoc est, non prius se Musis tradidit, quam Ciceronis opera implevisset legendo, et imitando.

7 *Centum gravis hasta*] De centum virorum iudicio vide lib. vi. Epig. 38.

8 *Hunc loquitur*] Quos defendit clientes, illum prædicant.

9 *Postquam*] Fuit consul eo anno, quo interfecto Nerone imperium assertum fuit in libertatem: idcirco annum illum vocat ingentem.

11 *Emeritos*] Id est, accepta rude ex causis forensibus, inquit Dômitius.

12 *Proque*] Pro causis agendis, jam Musis vacat.

LXIV.

IN CINNAMUM.

QUI tonsor fueras tota notissimus urbe,
 Et post hæc dominæ munere factus eques :
 Sicanias urbes Ætnæaque regna petisti,
 Cinname, cum fugeres tristia jura fori.
 Qua nunc arte graves tolerabis inutilis annos ? 5
 Quid facit infelix et fugitiva quies ?
 Non Rhetor, non Grammaticus, ludive Magister,
 Non Cynicus, non tu Stoicus esse potes ;
 Vendere nec vocem Siculis plausumque theatri :
 Quod superest, iterum, Cinname, tonsor eris. 10

O Cinname, qui fueras tonsor celeberrimus tota urbe, et deinde factus eques dono dominæ ; profectus es in urbes Siculas et regna Ætnæa, cum vitares grave iudicium fori. Qua arte nunc inutilis sustentabis graves annos? Quid agit otium miserum et fugitivum? Tu non potes esse Rhetor, nec Grammaticus, aut Ludimagister, nec Cynicus, nec Stoicus, nec vendere vocem Siculis, et plausum theatri: quod reliquum est, o Cinname, rursus eris tonsor.

2 Et demum dominæ Beverlandi Ms.—9 Vendere nec vocem Siculum in codice Thuaneo. Vendere nec vocem sagulis codd. Vat. et Florent.

NOTÆ

2 *Dominæ*] Amicæ nempe, quæ censu equestri Cinnamum donaverat.

3 *Ætnæaque*] Ætna mons est Siciliae.

4 *Cum fugeres*] In jus enim vocatus Cinnamus Siciliam petiit, ut grave iudicium fugeret.

5 *Graves annos*] Hoc est, senectutem.

6 *Fugitiva quies*] Qua frueris in tuo exilio.

7 *Ludive Magister*] Literatorem intelligit Raderus: nam ut a Rhetore,

inquit, ad Grammaticum, ita a Grammatico ad Literatorem descendit Pöceta: hoc sensu Ludimagister sumitur lib. x. Epig. 62. Lanistam interpretatur Domitius. Raderi explicatio mihi videtur melior.

9 *Vendere nec*] Nec potes sollicitis reis verba vendere; hoc est, nequis esse causidicus. Lib. v. Epig. 16. Intelligunt alii de præcone: quod minus placet.

Plausumque] Hoc est, nec histrio nec citharædus esse potes.

LXV.

IN GARGILIANUM.

LIS te bis decimæ numerantem frigora brumæ
 Conterit una tribus, Gargiliane, foris.

O Gargiliane, tribus foris una lis consumit te a viginti annis. Ah infelix et fa-

Ah miser, et demens! viginti litigat annis
Quisquam, cui vinci, Gargiliane, licet?

tue, an quisquam litigat viginti annis? o Gargiliane, cui fas est cedere?

Hic nulla lectionis varietas extat in libris manu scriptis aut impressis.

NOTÆ

2 *Conterit una tribus*] De triplici tur, plus lucri facit, quam si, lite ad foro egimus lib. III. Epig. 38. tot annos prorogata, tandem vincat adversarium.

4 *Cui vinci*] Qui enim semel vinci-

LXVI.

DE LABIENO.

HÆREDEM Fabius Labienum ex asse reliquit:
Plus meruisse tamen se Labienus ait.

Fabius instituit hæredem Labienum ex asse: nihilominus Labienus dicit plus se meruisse.

Neque in hoc Epigrammate ullo modo variant exemplaria, aut scripta aut excusa.

NOTÆ

1 *Ex asse*] Id est, hæredem omnium bonorum: hæreditas enim vulgo dividitur in duodecim uncias quibus constat as.

2 *Plus meruisse*] Labienus enim multis donis captaverat hæreditatem Fabii decoctoris, atque ita hæres institutus ex asse minus acceperat quam donaverat. Sensus est: Labienus dicit se plus meruisse, hoc est, dignum esse majore præmio; cum intelligat Poëta, illum majore pœna esse dignum, qui malis artibus hæreditatem Fabii captavisset.

LXVII.

IN PHILÆNIM.

PÆDICAT pueros tribas Philænis,
Et tentigine sævior mariti

NOTÆ

1 *Pædicat pueros*] Τῶ ὀλίσβῳ. *Hærdus.*
Tribas Philænis] Lacerata carmine *Tribas*] Fricatrix.
Polycratis, cum mulierum omnium esset castissima, si verum quod de ea scribit Æschrion apud Athenæum lib. VIII. Sed Æschrionis apologia nihil

2 *Tentigine, &c.*] Libidinis pruriginis magis inflammata quam maritus.

Udenas vorat in die puellas.
 Harpasto quoque subligata ludit,
 Et flavescit happe, gravesque draucis 5
 Halteras facili rotat lacerto,
 Et putri lutulenta de palæstra
 Uncti verbere vapulat magistri:
 Nec cœnat prius, aut recumbit ante,
 Quam septem vomuit meros deunces; 10
 Ad quos fas sibi tunc putat redire,
 Cum coliphia sexdecim comedit.
 Post hæc omnia, cum libidinatur,
 Non fellat: putat hoc parum virile:
 Sed plane medias vorat puellas. 15
 Di mentem tibi dent tuam, Philæni:
 Cunnum lingere quæ putas virile.

3 *Udenas dolat* legit Gruterus.—6 *Alterno facili* in edd. vett. *Alteras* li. l. substituit Turneb. non e conjectura, ut ait, sed libraria fide. Codex Pulmanni *Alternans* exprimit.—11 In edd. vett. *tunc putat reverti*, et sic legit Delph.

NOTÆ

3 *Vorat in die puellas*] Δεσβιάζουσα, φοινικίζουσα, καὶ τρίβουσα. Gruter. legit *dolat*.

4 *Harpasto quoque*] Lib. iv. Epig. 19.

Subligata ludit] Veste subducta; vel ‘subligari usa.’

5 *Flavescit happe*] In palæstra flavescit aspergine arenæ: ita Achelous cum Hercule luctans Ovid. Met. ix. ‘fulvæ tactus flavescit arenæ.’ Ἀφὴ autem tactus est. Epictet. Enchir. cap. 26. Ἔστι δὲ ὅτε χεῖρα βαλεῖν, σφυρὸν στρέψαι, πολλὴν ἀφὴν καταπιεῖν.

Gravesque, &c.] Et pondera illa plumbea seu ferrea, corpori exercendo in Gymnasiis et Balneis adhibita, vel ipsis grandibus draucis gravia, agili versat manu. Vide lib. xiv. Epig. 48. et 49. et Juven. Sat. vi. 22. quæ huic Epigrammati consonat.

7 *Putri*] Male olenti ab oleo.

Lutulenta, &c.] Ceromate e luto uncta.

8 *Uncti magistri*] Aliptæ manus crepitu interungendum. Vide Juvenal. Sat. vi. 422. *Verbere vapulat*] Nam et hi Magistri, quos ἐπιστάτας Græci dicunt, jus virgæ habebant.

9 *Nec cœnat, &c.*] Juven. Sat. vi. 429. ‘sextarius alter Ducitur ante cibum ravidam facturus orexim,’ &c. Vide lib. v. Epig. 70.

12 *Cum coliphia*] Luctatorum panes, qui vires palæstritarum membrīs addunt, a κῶλον et ἴφι, ut vult Dom. Calderinus, quam etymologiam asserere laborat Cornel. Vitellius contra Merulam Annotat. cap. 12. Certo enim ciborum genere ad palæstras et ceteras ejusmodi exercitationum formas præparabantur. Juvenal. Sat. ii. ‘Luctantur pauca, comedunt coliphia pauca.’

15 *Medias, &c.*] Supra vers. 3.

15 *Mentem tuam, Philæni, &c.*] Mentem sanam, vel quæ fœmineam appe-

NOTÆ

tat libidinem. Locum istum nonnulli exagitant: at Grutero elegans videtur; ut videlicet usus voto aut imprecatione, id præter omnem omnium expectationem optet, quod jam habebat. Eodem fere modo hoc lib. Epig. 24. 'Hoc facias, quod puto, lingua, facis.' Nec admodum dissimi-

liter Turnus apud Virgil. Æn. xi. 408. 'Nunquam animam talem dextra hac (absiste moveri) Amittes: habitet tecum, et sit pectore in isto.' Sic apud Senecam in sui nominis Medea, vers. 968. 'Mili me relinque.' Et Symmachus lib. iv. Epist. 48. 'Dii illos mentibus suis puniant.'

LXVIII.

AD INSTANTIUM RUFUM.

COMMENDARE meas, Instanti Rufe, Camœnas

Parce precor socero: seria forsam amat.

Quod si lascivos admittit et ille libellos,

Hæc ego vel Curio Fabricioque legam.

O Rufe Instanti, quæso ne commendes socero meas Musas, forte diligit graves versus. Quod si et libri jocosì placent ipsi, ego legam hæc vel Curio vel Fabricio.

Hujus Epigrammatis lectionem non variant membranæ aut libri impressi.

NOTÆ

1 Instanti] Socero, inquit Raderus: ego vero puto esse in vocativo, et referri ad Rufum, cujus meminit Poëta lib. viii. Epig. 51. 'Instanti litera Rufi;' et lib. xii. Epig. 96.

4 Hæc ego] Carmina legam viris vel gravissimis. Curius et Fabricius noti ex Livio et aliis, sumuntur pro viris gravissimis. Juv. Sat. ii. 'Qui Curios simulant.'

LXIX.

DE THEOPHILA AD CANIUM.

HÆC est illa tibi promissa Theophila, Cani,

Cujus Cecropia pectora dote madent.

O Cani, hæc est illa Theophila desponsa tibi, cujus mens imbuta est literis Græ-

De Theophila sine alio additamento in edd. vett.—2 In iisdem: pectora voce madent. Beverlandi Ms. exhibet: pectora rore madent. Nostram lect. testan-

NOTÆ

1 Promissa Theophila] Puella erudita, sponsa Canii, de quo lib. iii. Epig. 20.

Hoc est, erudita literis Græcis: hunc loquendi modum explicimus lib. i. Epig. 40. Alii, dote madent.

2 Cujus Cecropia pectora dote [voce]

Hanc sibi jure petat magni senis Atticus hortus,
 Nec minus esse suam Stoica turba velit.
 Vivet opus quodcumque per has emiseris aures; 5
 Tam non fœmineum, nec populare sapit.
 Non tua Pantænis nimium se præferat illi,
 Quamvis Pierio sit bene nota choro.
 Carmina fingentem Sappho laudavit amatrix:
 Castior hæc, et non doctior illa fuit. 10

cis. Hortus Atticus magni senis jure vendicet hanc sibi; nec turba Stoica minus cupiat habere illum discipulam. Quodcumque opus subjeceris his auribus, non peribit: tam valet illa judicio nec muliebri, nec vulgari; Tua Pantænis ne nimis se anteponat illi, licet chorus Musarum bene noverat illam. Sappho amatrix commendaverit Theophilam condentem versus: hæc fuit purior, nec illa fuit eruditior.

tur optimi codices.—3 Ald. Junt. Colin. Gryph. &c. *magni senis altus in hortis*. Codex Pulmanni: *magni senis Atticus hortus*. Vide Var. Notas.—5 Gruterus ex codice Palatino legit: *per has emiseris aures*, et sic est in Vaticano. *per istas miseris aures* exhibent edd. vett.—6 *Jam non fœmineum* Beverlandi Ms.—7 *Non tua Parthenis* Ald. Junt. Colin. Gryph. Pulman. Plant. Junian. Lang. Calderin. Delph. aliæ. *Non tua Panthenis* ex codd. suis dedit Gruterus. Lectio nostra debetur Scriverio.—9 Sunt qui *laudaret*, vel *laudarit*, legi debere putant.

NOTÆ

3 *Atticus hortus*] Sensus est: hanc sibi discipulam jure vendicet Plato, vel quilibet alius magister, qui philosophiam doceat in horto ab heroë Academo Athenis in usum scholæ consecrato. Sunt qui referant hunc hortum ad Epicurum, qui, ut ait Raderus, hortum 80. minis emerat, et vixit nonaginta circiter annos, unde magnus senex dicitur. Judicet lector. Alii, *altus in hortis*.

4 *Stoica turba*] Theophilam expectant quoque Stoici.

7 *Non tua Pantænis*] Eruditam

nescio quam poëtriam intelligere videtur.

9 *Laudavit* [*laudarit*] Vel *laudaret*: alii vero *laudavit*: hoc est, ipsa Sappho Poëtria nobilis, cujus historia satis nota est, et cujus restant adhuc carmina aliis poëtis lyricis juncta, laudaret Theophilam. Amatricem vocat Phaonis scil. Lesbii juvenis forma egregia, a quo cum repulsam pateretur, se in mare præcipitem dedit.

10 *Castior hæc*] Theophila nimirum.

Non doctior illa] Sappho scilicet.

LXX.

IN PHILÆNIM.

IPSARUM tribadum tribas, Philæni,
 Recte, quam futuis, vocas amicam.

In hoc Epigrammate exhibendo consentiunt membranæ et exemplaria excusa.

NOTÆ

2 *Vocas amicam*] Male sonat dicta καὶ αἱ παρθένοι τὰς συνήθεις καὶ φίλας, viro ‘amica;’ mulieri, bene: quam ἑταίρας, κ. τ. λ. Καλοῦσί γε τὰς μισθα- vero Philænis amicam vocat, male νούσας, ἑταίρας. Athenæus lib. XIV. audit, cum ipsa Philænis sit tribas. cap. 4.
Καλοῦσι γοῦν καὶ αἱ ἐλεύθεραι γυναῖκες

LXXI.

DE FAMILIA FICOSA.

FICOSA est uxor, ficosus et ipse maritus :

Filia ficosa est, et gener, atque nepos.

Nec dispensator, nec villicus ulcere turpi,

Nec rigidus fossor, sed nec arator eget.

Cum sint ficosi pariter juvenesque senesque,

5

Res mira est, ficos non habet unus ager.

Conjux est ficosa, et ipse vir ficosus, filia est ficosa, et gener et socer, nec dispensator caret fædo ulcere, nec durus fossor, at nec arator. Cum juvenes et senes sint æqualiter ficosi, mirum videtur, solus ager non habet ficos.

2 In edd. vett. et gener atque socer. Lectionem nostram ex codd. suis primus reposuit Gruterus.

NOTÆ

1 *Ficosa est uxor*] Tota hæc familia turpi ulcere laborabat, quod ficum vocant medici. Vide lib. I. Epig. 66. et lib. IV. Epig. 52.

6 *Ficos non habet*] Ludit in ambigua significatione ‘fici:’ hoc est, solus ager non habet ficos, vel ficus, poma nempe, lib. I. Epig. 66.

LXXII.

AD PAULLUM.

GRATUS sic tibi, Paulle, sit December :

Nec vani triplices, brevesque mappæ,

Nec thuris veniant leves selibræ ;

Sed lances ferat, aut scyphos avorum,

O Paulle, sic December sit jucundus tibi : nec futiles triplices tibi donentur, et breves mappæ, nec leves selibræ thuris ; at vel reus dives, vel potens amicus mittat

3 Perplacet Grutero lectio codicis Palatini: *levesve libræ*. Vide lib. VIII. Epig. 70. *breves selibræ* habent Beverlandi Ms. et codex Pulmanni.—6 *Sed*

NOTÆ

1 *Sit December*] Saturnalia tibi sint fructuosa. Vide lib. IV. Epig. 46.

2 *Vani triplices*] Pugillares nullius pretii. Epig. 52. supra.

Delph. et Vur. Clus.

Martial.

2 M

Aut grandis reus, aut potens amicus : 5
 Seu quod te potius juvat capitque.
 Sic vincas Noviumque Publiumque
 Mandris et vitreo latrone clausos ;
 Sic palmam tibi de trigone nudo
 Unctæ det favor arbiter coronæ, 10
 Nec laudet Polybi magis sinistras :
 Si quisquam mea dixerit malignus

lances aut pocula avorum : sive quod te delectat et tenet. Sic superes Novium et Publium clausos mandris et vitreo latrone : sic favor turbæ unctæ iudex tibi addicat præmium de trigone nudo, nec magis commendet sinistras Polybii. Si quisquam

quod Beverlandi Ms.—10 Nuncta te favor in codice Florentino.—11 Polybi manus sinistras codex Pulmanni.

NOTÆ

4 *Sed lances*] Epig. 47. supra.
Scyphos avorum] Hoc est, pocula antiqua, et magni pretii.
 5 *Grandis reus*] Cliens dives quem defendisti.
 7 *Noviumque Publiumque*] Peritissimos nempe calculorum lusores. Calcagninus, de calculorum ludo, sic calculos explicat: Quin et latronum et canum nomine celebratos calculos agnosco: erant scilicet in abaco, quem et *πλίνθιον* vocaverunt, seu tu laterculum dixeris, regiones lineis distinctæ: has urbes nuncupabant. Erant hæ regiones plerumque quinque lineolis, transversariisque, et decussationibus alternatim dimensæ, quinque et viginti numero: singulis latrones quinque insidebant, præter mediam, cui tantum quatuor tribuebantur: excubabant itaque utrinque latrones, seu canes mavis dicere, coloribus distincti, hostili animo insidiantes. Ea fuit ludi ratio, ut si unus ex hostili agmine incomitatus deprehenderetur, ita ut circumveniri posset, captivus ex acie traheretur. Et paulo infra, De calculis, inquit, meminerunt Martialis, lib. XIV. Epig. 20. 'Insidiosorum si ludis bella latronum, Gemmeus iste tibi miles, et hostis erit:' et Ovidius

de Arte amandi: 'Sive latrocinii sub imagine calculus ibit, Fac pereat vitreo miles ab hoste tuus.' Nec tamen me præterit, sic pergit Calcagninus, gemmeos quin et vitreos a Martiale calculos appellari: 'Sic vincas Novium Publiumque Mandris, et vitreo latrone clausos.' Mandras enim dictas puto, quas regiones Pollux vocat, et Eustathius: cum vero distincti forent suis coloribus calculi, et ex iis ille deperiret qui inter duos deprehensus facile circumveniri posset, hinc ab eodem Martiale dictum putamus: 'Discolor hic gemino victus ab hoste perit.' Idem Calcagninus putat hunc calculorum ludum diversum esse a scapis, Gallice, *Echecs*, quos alii 'Latrunculos' vocant.

9 *De trigone nudo*] De hoc pilæ genere lib. IV. Epig. 19. quem ludum nudi et uncti exercebant.

11 *Polybi*] Lusoris sane periti sinistra non magis laudetur quam tua. Observa sinistram maxime usui fuisse in hoc ludo. Vide lib. XIV. Epig. 46.

12 *Si quisquam*] Meo nomine famosa carmina ediderit, me ab hac calunnia defendas rogo.

Atro carmina quæ madent veneno ;
 Ut vocem mihi commodes patronam,
 Et, quantum poteris, sed usque, clames : 15
 Non scripsit meus ista Martialis.

malevolus dixerit esse mea carmina quæ perfunduntur atro veneno, ut concedas mihi vocem patronam, et clames, at semper, et quantum valebis : Meus Martialis non composuit ista.

LXXIII.

AD MAXIMUM.

ESQUILIIS domus est, domus est tibi colle Dianæ,
 Et tua patricius culmina vicus habet :
 Hinc viduæ Cybeles, illinc sacraria Vestæ ;
 Inde novum, veterem prospicis inde Jovem.
 Dic, ubi conveniam : dic, qua te parte, requiram ? 5
 Quisquis ubique habitat, Maxime, nusquam habitat.

Habes ædes Esquiliis, habes ædes in colle Dianæ, et domicilium tibi est in vico Patricio : ex hac parte vides sacraria viduæ Cybeles, ex illa Vestæ, inde novum Jovem, inde veterem. Dic ubi conveniam, dic qua parte quæram te ? Quisquis ubique habitat, nullo in loco habitat.

3 *Hinc biviræ Cybeles* codex Pulmanni ; unde Lipsius legit, *biviræ*.

NOTÆ

1 *Esquiliis*] Vide Epig. 23. Una nempe erat urbis regio.

Colle Dianæ] Hoc est, monte Aventino, ubi templum Dianæ. Lib. vi. Epig. 64. 'Laudat Aventinæ vicinus Sura Dianæ.'

2 *Et tua patricius*] 'Patricius vicus Romæ dictus, eo quod ibi patricii habitaverunt, jubente Servio Tullio.' Festus.

3 *Hinc viduæ Cybeles*] Hoc est, ma-

tris Deum templum hinc vides. Viduam vocat propter Atym puerum mortuum, quem illa deperibat. Lipsius legit *hinc biviræ*, propter Saturnum et Atym. Videat lector. De templo Cybeles et Vestæ dictum jam lib. i. Epig. 71.

4 *Inde novum*] Hoc est, Capitolium novum et vetus.

6 *Quisquis ubique*] Senec. Epist. 2. 'Nusquam est qui ubique est.'

LXXIV.

PRO CARO ET NORBANA VOTUM.

CYLLENES cœlique decus, facunde minister,
 Aurea cui torto virga dracone viret :

O diserte minister, gloria Cyllenes et cœli, cui virescit virga aurea torto dra-

Sic tibi lascivi non desit copia furti,
 Sive cupis Paphien, seu Ganymede cales :
 Maternæque sacris ornentur frondibus Idus, 5
 Et senior parca mole prematur avus :
 Hunc semper Norbana diem cum conjuge Caro
 Læta colat, primis quo coiere toris.
 Hic pius antistes sophiæ sua dona ministrat :
 Hic te thure vocat, fidus et ipse Jovi. 10

*conce : * * Idus maternæ decorentur frondibus sacris, atque avus senior prematur parvo pondere : Norbana cum Caro marito perpetuo celebret hunc diem, quo conjuncti sunt matrimonio. Hic pius sacerdos colit sapientiam, hic et ipse fidelis Jovi te invocat thure.*

Ad Mercurium lemma est in edd. vett.—1 Myllenes Beverlandi Ms.—7 Norbana dicet cum conjuge Carpo codex Vaticanus. Alii, Charo.—8 Codd. Vat. et Florent. quod coluere choris. Vide ad Epig. 50.

NOTÆ

- 1 *Cyllenes*] Montis in Arcadia, ubi Maia a Jove compressa peperit Mercurium. feriis intelligendum est, ut ostendit versiculus ille lib. XII. Epig. 68. ‘Maia Mercurium creastis Idus.’
- 2 *Aurea cui torto*] Caduceum intellige, draconibus in masculo et foemina involutum. Hæc ad generationem spectare putabant Ægyptii; qua de causa Mercurium invocat Poëta, ut Norbanæ et Cari nuptiis propitius sit. 6 *Et senior parca*] Atlas scilicet, Maiæ pater, qui cælum humeris sustinere dicitur.
- 5 *Maternæque*] Turnebus lib. xxv. cap. 24. ait: De Mercurii natali et 9 *Hic pius*] Carus nempe colit sapientiam et eloquentiam, cujus tu Deus es.
- 10 *Fidus et ipse Jovi*] Domitiano nostro Jovi, quemadmodum et tu fidus es Jovi cœlesti.

LXXV.

IN ANUM DEFORMEM.

Vis futui gratis, cum sis deformis, anusque.
 Res perridicula est: vis dare, nec dare vis.

Hic nulla varietas invenienda est in libris calamo exaratis aut prelo excusis.

NOTÆ

- 1 *Vis gratis*] Vide lib. III. Epig. 90. 2 *Vis dare*] Tui copiam. *Nec dare*] Pecuniam.

LXXVI.

AD PHILOMUSUM.

QUOD te diripiunt potentiores
 Per convivia, porticus, theatra,
 Et tecum, quoties ita incidisti,
 Gestari juvat, et juvat lavari ;
 Nolito nimium tibi placere. 5
 Delectas, Philomuse : non amaris.

Quod ditiores te rapiunt in conviviis, deambulationibus, theatris, et gratum est, quoties sic occurristi, tecum gestari, et gratum est lavari ; ne nimis tibi tribuas. O Philomuse, delectas, non diligeris.

Et hic non variant exemplaria typis excusa aut manu exarata.

NOTÆ

1 *Diripiunt*] Hoc est, certatim invitant, ut alius huc, alius illuc te trahat. 6 *Delectas*] Ridiculis tuis dictis moves illis risum.

LXXVII.

IN TUCCAM.

EXIGIS, ut nostros donem tibi, Tucca, libellos.
 Non faciam : nam vis vendere, non legere.

O Tucca, postulas ut dem tibi nostros libros. Non dabo ; nam vis vendere, non legere.

Neque in hoc Epigrammate ullam lectionis varietatem produnt membranæ aut libri impressi.

LXXVIII.

IN PAPILUM.

CUM Saxetani ponatur cauda lacerti,
 Et bene si cœnas, conchis inuncta tibi est ;

Cum cauda lacerti Saxetani apponatur tibi, si vero cœnas laute, conchis sine oleo ;

In Pamphilum codex Pulmanni.—1 Cum saxetam Junt. an. 1512. Cum Sexitani in quibusdam aliis. Vide Strab. III. 105. Athen. III. 20. et Notam

NOTÆ

1 *Cum Saxetani*] Piscis nempe vilissimi : Saxitani a patria Bætica me- minit Plinius lib. xxxii. cap. 11. et forte sic legendum.

Sumen, aprum, leporem, boletos, ostrea, mullos,
Mittis: habes nec cor, Papile, nec genium.

mittis sumen, aprum, leporem, boletos, ostrea, mullos. O Papile, nec tibi est cor, nec genium.

infra.—2 ‘Non quadrant ponatur et est; itaque censeo delendum esse τὸ est. Constat enim satis oratio, si ex præcedenti versu hic quoque intelligas τὸ ponatur.’ Gronovius.—4 *Pamphile* codex Pulmanni.

NOTÆ

2 *Conchis inuncta*] Faba valde insulsa, nisi multo oleo perfundatur: inunctus tamen sumitur etiam pro uncto. Horatius: ‘Cum tua provideas oculis male lippus inunctis.’

4 *Habes nec cor*] Hoc est, stultus

es: homo enim prudens cordatus dicitur.

Nec genium] Cui non indulges: optimos enim cibos aliis mittis, tu vilissimos comedis, et cum foris lautus videri velis, domi laboras inopia.

LXXIX.

AD SEVERUM.

POTAVI modo consulare vinum.
Quæris, quam vetus atque liberale?
Ipso consule conditum: sed ipse,
Qui ponebat, erat, Severe, consul.

Paulo ante bibi vinum consulare. Rogasne quam antiquum et nobile? Ipso consule conditum: at ipse, qui apponebat, o Severe, erat consul.

In hoc Epigrammate exhibendo consentiunt libri impressi et manuscripti.

NOTÆ

1 *Consulare vinum*] In hoc verbo Iudit Poëta, nam consulare vinum, ut vulgo sumitur, vetus est vinum, et quidem sæpe Opimianum, de quo lib. I.

Epig. 27.

3 *Ipso consule conditum*] Proindeque novum.

LXXX.

AD FAUSTINUM, UT LIBELLOS SUOS MARCELLINO
MITTAT.

QUATENUS Odrysios jam pax Romana Triones
Temperat, et tetricæ conticuere tubæ,

Quandoquidem pax Romana moderatur Odrysios Triones, et tristes tubæ siluere, o

Ad Faustinum lemma est in edd. vett.—1 Quatenus Othrysiis in codice Pul-

Hunc Marcellino poteris, Faustine, libellum
 Mittere: jam chartis, jam vacat ille jocis.
 Sed si parva tui munuscula quæris amici 5
 Commendare, ferat carmina nostra puer:
 Non qualis Geticæ satiatus lacte juvencæ
 Sarmatica rigido ludit in amne rota;
 Sed Mitylenæi roseus mangonis ephebus,
 Vel non cæsus adhuc matre jubente Lacon. 10
 At tibi captivo famulus mittetur ab Istro,
 Qui Tiburtinas pascere possit oves.

Faustine, poteris mittere Marcellino hunc librum. Jam dat operam scriptis, et ludis. At si libet commendare exigua munuscula tui amici, puer ferat nostros versus: non qualis satiatus lacte juvencæ Geticæ ludit trocho Sarmatico in fluvio gelato: ut roseus adolescens mangonis Mitylenæi, aut Lacedæmonius nondum verberatus, matre imperante. At remittet tibi servum a Danubio victo, qui possit pascere oves Tiburtinas.

manni.—8 *Sarmatica gelido* Ald. Junt. Colin. Gryph. Calderin. Plant. Junian. Pulman. Lang. Delph. &c.—10 Junt. nostra in margine: *matre vidente Lacon.*

NOTÆ

- 1 *Odrysius*] Vel *Othrysios*, ut scribunt alii: hoc est, hyperboreos, Geticos. Vide Epig. 7. supra. *Triones*] Id est, ursam, Lib. vi. Epig. 58.
- 3 *Hunc Marcellino*] Ad quem est lib. vi. Epig. 25. victis autem Dacis et Getis pax concessa fuerat.
- 7 *Satiatus lacte*] Getarum enim et Sarmatarum pueri lacte vescebantur.
- 8 *Sarmatica rigido*] Inculti quippe erant illi pueri, qui trocho luderent super glaciem fluminis frigore concreti. De trocho lib. xiv. Epig. 57.
- 168.
- 9 *Sed Mitylenæi*] Mitylene urbs est Lesbi insulæ, unde formosi pueri accersebantur.
- 10 *Vel non cæsus*] Ad aram Dianæ pueros verberibus cædere solebant Lacedæmonii, ut ferendis laboribus illos assuefacerent. Plutarclus in Lycurgo.
- 11 *Captivo Istro*] Hoc est, a Dacia devicta.
- 12 *Qui Tiburtinas*] Tibure villam habebat Faustinus. Lib. iv. Epig. 57.

LXXXI.

AD LAUSUM.

TRIGINTA toto mala sunt Epigrammata libro:
 Si totidem bona sunt, Lause, liber bonus est.

Triginta sunt Epigrammata mala toto libro: O Lause, si totidem sunt bona, libellus est bonus.

Hic non variant libri, aut manu scripti aut prelo excusi.

NOTÆ

1 *Triginta*] Carpit Lausum, qui forte in uno libro triginta Epigrammata mala esse judicaret, et illum docet bonum nihilominus judicandum esse librum, modo totidem bona reperiantur. Lib. 1. Epig. 17. 'Sunt bona, sunt quædam mediocria, sunt mala plura, Quæ legis hic: aliter non fit, Avite, liber.'

LXXXII.

DE MENOPHILO.

MENOPHILI penem tam grandis fibula vestit,
 Ut sit comœdis omnibus una satis.
 Hunc ego credideram (nam sæpe lavamur in unum)
 Solicitum voci parcere, Flacce, suæ:

1 *Menophili pennem* in edd. vett. Ald. Junt. Colin. et Gryph.

NOTÆ

1 *Menophili penem tam grandis, &c.*] Quo loco notant Interpretes duo fibularum genera fuisse: Indumentum, quo comprimebantur simul et tegebantur verenda, tum filum æneum argenteumque præputio trajectum. Utrumque falsum. Nam neque filum fuisse Celsus indicat, qui a filo fibulam distinguit, et filo exento fibulam inditam docet: neque vestimentum fuit. Annulus enim fuit promiscuus ex ære, in pædagogis ad luxum argenti; isque ne facile solvi posset a fabro igne glutinabatur, et ab eodem cum opus esset refibulabatur, sive solvebatur. Quid ergo theca illa et aluta, fibulaque penem vestiens apud Martialem fuit? Nempe subligaculum et vagina quædam, cujus usus non ad custodiendam vocem: qui enim fieri poterat, si tam facile removebatur, et sponte cadebat? sed honestatis causa adhibebatur, præcipue a Judæis ad celandam præcisionem, qui tamen non infibulati, nec enim poterant, cum pellicula carent, quæ trajiciebatur; quod Josepho Scaligero negotium facessebat: sed quia ferme, qui infibulati erant, etiam thecam hujusmodi, et alutam gestabant; sive ut laterent, sive ne nimio motu atque incussu annulus cutem læderet, sive aliam ob causam. Propterea improprie eam Martialis fibulam appellavit, quæ fibula non erat, sed potius fibulæ ipsius tamen: cum præterea Celsus fibulam meliorem dixerit quo levior: at hæc quæ ad celandum inventa, adeo gravis, ut 'Judæum pondus' Martialis appellaverit, quo recitatorum inguina trahebantur. *Ferrarius. Menophili, &c.*] Comædi, citharædi, adolescentulique alii, virilia fibula coercere solebant, quo a Venere abstinerent, vocis seu valetudinis conservandæ causa. Celsus lib. VII. cap. 25. et Juven. Sat. VI. 73. et 380. Duo autem harum fibularum erant genera. Vel indumentum quo comprimebantur, simul et tegebantur inguina: vel filum æneum argenteumve præputio trajectum.

Dum ludit media populo spectante palæstra,
Delapsa est misero fibula; verpus erat.

5

NOTÆ

6 *Verpus erat*] Judæus, vel recutus: utebatur autem fibula (illa priore modo dicta) ad velandam περιτομήν.

LXXXIII.

DE EUTRAPELO.

EUTRAPELUS tonsor dum circuit ora Luperci,
Expingitque genas, altera barba subit.

Dum Eutrapelus tonsor circumit ora Luperci, atque expingit genas, altera barba succrescit.

2 *Expungitque genas* Ald. Junt. Colin. Gryph. aliæ. *Expingitque* ex codd. suis reposuit Gruterus; et sic codex Pulmanni, nec aliter lib. VIII. Epig. 52.

NOTÆ

2 *Expingitque*] Scite radit, et pinxit. Alii, *expungit*, hoc est, pilos evellit: sed male, inquit Gruterus. Vide lib. VIII. Epig. 52.

LXXXIV.

A D L I B R U M.

DUM mea Cæcilio formatur imago Secundo,
Spirat et arguta picta tabella manu,
I, liber, ad Geticam Peucen, Istrumque tacentem:
Hæc loca perdomitis gentibus ille tenet.

Dum mea imago effingitur Cæcilio Secundo, et tabella spirat expressa manu perita, O liber, pete Geticam Peucen, et silentem Danubium: ille Cæcilius regit

2 *Spirat et argutam pictu tabella manum* in codice Pulmanni.—3 *Istrumque*

NOTÆ

1 *Dum mea*] Raderus et Farnabius putant hunc Cæcilium esse Plinium secundum, qui Pontum et Bithyniam provincias obtinuit, ut patet ex ejus vita. Quisquis tandem ille fuerit, imaginem nostri Poëtæ ad se mitti optaverat.

nempe ad Danubii ostia, de qua Epig. 6. supra. Getæ autem Danubii ostia incolebant.

Istrumque tacentem] Vel quod undas placide volvat, vel quod frigore concreseat. Vide Epig. 7. supra. Legunt alii, *Istrumque jucentem*.

3 *Ad Geticam Peucen*] Insulam

Parva dabis caro, sed dulcia dona sodali:

5

Certior in nostro carmine vultus erit.
Casibus hic nullis, nullis delebilis annis
Vivet, Apelleum cum morietur opus.

hæc loca devictis populis. Donabis dilecto socio exigua munera, at grata: vultus erit certior in nostro versu. Hic vivet nullis casibus, nec ullis annis delebilis, cum peribit opus Apellis.

jacentem in eodem.—8 Vivet Appellæum Junt. au. 1512. Vivet Apollineum codex Pulmanni.

NOTÆ

6 *Certior in nostro*] Hoc est: Versibus meis melius quam ullo penicillo exprimetur mea imago.

7 *Hic*] In meis Carminibus nullis casibus obnoxia erit imago.

8 *Apelleum*] Vivent mei Versus, cum opera Apellis pictoris nobilissimi peribunt. De quo Plinius lib. xxxv. cap. 10.

LXXXV.

AD SABELLUM.

QUOD non insulse scribis tetrastica quædam,
Disticha quod belle pauca, Sabelle, facis;
Laudo, nec admiror: facile est Epigrammata belle
Scribere: sed librum scribere, difficile est.

O Sabelle, laudo, nec admiror, quod non inepte componis quædam tetrasticha, quod bene condis pauca disticha. Nihil negotii est bene componere Epigrammata; at operosum est componere libellum.

3 Pro *Epigrammata belle*, Scriverius legendum putat: *Epigramma, Sabelle.*

NOTÆ

Sed librum] In quo nempe conficiendo magna rerum varietate et lar-

go ingenii fonte opus est.

LXXXVI.

IN SEXTUM.

AD natalitias dapes vocabar,
Essem cum tibi, Sexte, non amicus.

O Sexte, cum non uterer te familiariter, invitabar ad convivium natalitium.

NOTÆ

1 *Ad natalitias*] Natalem diem solenni convivio celebrabant antiqui, ad quod iste Sextus invitabat igno-

tos, a quibus scilicet munera acciperet.

Quid factum est, rogo, quid repente factum?
 Post tot pignora nostra, post tot annos,
 Quod sum præteritus vetus sodalis? 5
 Sed causam scio: nulla venit a me
 Hispani tibi libra pustulati,
 Nec levis toga, nec rudes lacernæ:
 Non est sportula, quæ negotiatur.
 Poscis munera, Sexte, non amicos. 10
 Jam dices mihi, Vapulet vocator.

Post tot pignora amicitiae, post tot annos, quid accidit, quæso, quid subito accidit, quod vetus sodalis sum præteritus? At teneo causam, nullam nisi ad te libram argenti postulati, nec tenuem togam, nec rudes lacernas. Non est sportula, quæ facit mercaturam. O Sexte, quæris dona, non amicos. Jam dices mihi, Vocator det pœnas.

7 *Argenti tibi libra postulati* ed. antiq. Ferrar. Ald. Junt. Colin. Gryph. &c. Gruterus *Hispani tibi libra pusulati* reposuit ex codice suo.—8 *Nec tenuis toga* codex Florentinus; et sic Gruterus ex codd. suis.—10 *Pascis* in quibusdam.—11 Codex Pulmanni: *vah pudet vocetur.*

NOTÆ

7 *Hispani tibi libra pustulati* [*postulati*] Postulatum, vel pusulatum interpretatur Turnebus lib. xxiv. cap. 2. argentum purum, quodque pustulas et tumores habet. Argenti pustulati mentionem facit Suetonius in Nerone cap. 44. Legunt alii: *Argenti tibi libra postulanti.* Argenti pusulati fit mentio in lege 31. ff. Locati: ad quam vide notas Gothofredi in verbo 'pusulatum.' Cujacius Observ. lib. vii. cap. 39. existimat, 'postulatum' vel 'pustulatum,' idem valere quod 'pusulatum,' Gallice, *argent de cou-*

pelle.

8 *Rudes lacernæ*] Novæ, inquit Raderus, quæ togis injiciebantur.

9 *Non est sportula*] Sed potius mercatura, cum sportulam gratis non des, sed ex ea majora te accepturum munera speres.

11 *Vapulet vocator*] Hoc est: Jam te mihi excusabis, culpam rejiciens in eum servum, qui curam habet invitandi tuos amicos, quasi me oblivione præterierit. Legunt alii, *Vah pudet, vocetur.*

LXXXVII.

DE SE.

Si meus aurita gaudet glaucopide Flaccus;
 Si fruitur tristi Canius Æthiope;

Si Flaccus delectatur aurita lagopode: si Canius potitur Æthiope deformi: si

1 *Si meus aurita gaudeat lagopode* Ald. Junt. Colin. Gryph. Plant. Junian. Lang. Delph. &c. *lagalopece* G. Vossius de Art. Gramm. P. 2. p. 128. Ita apud Catull. 'chenalopex,' 'cercalopex;' et apud Festum 'cercalopex.'

Publius exiguæ si flagrat amore catellæ ;
 Si Cronius similem cercopithecon amat ;
 Delectat Marium si perniciosus ichneumon ; 5
 Pica salutatrix si tibi, Lause, placet ;
 Si gelidum collo nectit Glacilla draconem ;
 Lusciniaë tumulum si Thelesina dedit ;
 Blanda Cupidinei cur non amet ora Labycæ,
 Qui videt hæc dominis monstra placere suis ? 10

Publius ardet amore parvæ catellæ : si Cronus amat similem cercopithecon : si exitiosus ichneumon placet Mario : si tu, o Lause, amas picam salutatricem : si Glacilla involvit collum frigido dracone : si Thelesina erexit tumulum philomelæ : qui cernit hæc monstra grata esse suis dominis, cur non amet os tenerum formosi Labycæ ?

Alii legunt, *lagopece*. Lectio nostra est ex ingenio Scaligeri, quem vide ad Festum, in voc. 'cercalopex.'—5 Codex quidam ap. Beverland. *ischemon*: Florent. habet, *icaneumo*: codex Vaticanus, *ichemon*.—7 In codice Palat. *Gladella*: Beverlandi Ms. *Gadilla*: codex Pnlmanni, *Galathia*: alii, *Gradilla*; vel *Flaccilla*.—9 *Labycæ* exhibent edd. vett. *Labytæ* codex Florent. quo vulg. firmatur: *Labyrte* codex Vaticanus.

NOTÆ

1 *Gaudet glaucopide* [*lagopode*] Sensus totius Epigrammatis est: Si alii aves aut alia animalia amant, cur ego, inquit Poëta, non amabo formosum puerum. Lagopodem vero avem esse docet Plinius lib. x. cap. 48. sic dictam a pedibus leporinis. Horatius II. Sat. 2. primam hic productam corripuit: 'Nec scarus, aut poterit peregrina juvare lagopis.' Itaque Raderi et Farnabii iudicio melius legit Scaliger, *glaucopide*, et interpretantur ululam, seu bubonem. Sic vero loquitur Scaliger ad Propert. lib. iv. Eleg. 3. Primum lagopodem non esse auritam. Est lagopus quam perdicem albam Inalpini vocant. Deinde prima syllaba corripitur. Postremo avis illa est pulcherrima, ideoque non videtur inter monstra et portenta numeranda; cum tamen hoc agat Martialis, ut ostendat monstra placuisse illis viris, quos ordine recenset: at contra glaucopis, seu bubo, et aurita est, et sane non inter venusta animalia enumeranda.

2 *Tristi Canius*] De Canio Poëta Gaditano lib. III. Epig. 20. *Tristi*, hoc est, atro, vel quia infansti ominis erat, si mane quis occurrisset Æthiopi. Juv. Sat. VI. 602.

3 *Publius*] De Catella Publii vide lib. I. Epig. 110.

4 *Cercopithecon*] Cercopithecus est candatus, cetera simio similis. Lib. XIV. Epig. 202. 'Callidus emissas eludere simius hastas, Si mihi canda foret, cercopithecus eram.' *Similem* dixit an Æthiopi, an catellæ, an ipsi Crono similem dicat? Judicet lector.

5 *Ichneumon*] Quem describit Plinius lib. VIII. cap. 24. perniciosum dicit aspidi præsertim et crocodilo, quibus est hostis infensissimus.

6 *Picasalutatrix*] Lib. XIV. Epig. 76.

7 *Gelidum*] Æstivis enim mensibus dracones sinu gerebant, quibus et collum involvebant mulieres Romanæ, ut se refrigerarent.

9 *Blanda Cupidinei*] Cur mihi non liceat amare Labycam forma parem Cupidini?

LXXXVIII.

DE SUIS LIBRIS.

FERTUR habere meos, si vera est fama, libellos
 Inter delicias pulchra Vienna suas.
 Me legit omnis ibi senior, juvenisque, puerque,
 Et coram tetrico casta puella viro.
 Hoc ego maluerim, quam si mea carmina cantent, 5
 Qui Nilum ex ipso protinus ore bibunt;
 Quam meus Hispano si me Tagus impleat auro,
 Pascat et Hybla meas, pascat Hymettos apes.
 Non nihil ergo sumus, nec blandæ munere linguæ
 Decipimur: credam jam, puto, Lause, tibi. 10

Si fama est vera, pulchra Vienna dicitur habere meos libellos inter voluptates suas. Illic omnis senior, et juvenis, et puer, et puella pudica legit me coram marito moroso. Hoc mihi gratius est, quam si canant meos versus, qui potant aquas Nili primo deprensi: quam si meus Tagus impleat me auro Hispano, et Hybla, et Hymettos pascant meas apes. Ergo sumus aliquid, nec fallimur sermone linguæ adulatoriæ: o Lause, opinor, jam tibi adhibebo fidem.

7 *Quam meus Hispanus Beverlandi Ms.—8 Pascat et Hybleas pascat in eodem.—9 Junt. an. 1512. blande murmure: in aliis vett. blandæ murmure; et sic Delph. Codex Pulmanni: blandæ munere: Beverlandi Ms. magnæ munere.*

NOTÆ .

2 *Pulchra Vienna]* Urbs est Galliæ ad Rhodanum, hodie, *Vienne.* mons Atticæ.
 6 *Qui Nilum]* Hoc est, remotissimi Æthiopes. De fontibus Nili dictum lib. Spect. Epig. 3. ‘Et qui prima bibit deprensi flumina Nili.’ 9 *Blandæ munere [murmure]* Alii, *blandæ munere.* Sensus est: Cum Viennæ legantur mei libri, credam tot in illis bona esse Epigrammata, quot mala, atque adeo bonos esse, licet, o Lause, aliter sentias. Vide Epig. 80. supra.

LXXXIX.

APOLLINARI MITTIT CORONAM ROSEAM.

I, FELIX rosa, mollibusque sertis
 Nostri cinge comas Apollinaris.

Ito, o rosa fortunata, et delicatis sertis circumda capillos nostri Apollinaris:

Ad Rosam inscribitur in edd. vett. Ald. Junt. Colin. Gryph. Pulman. Plant. Junian. Lang. &c.

Quas tu nectere candidas, sed olim,
Sic te semper amet Venus, memento.

quos tu memento nectere canos, at olim, sic semper placeas Veneri.

NOTÆ

- 2 *Apollinaris*] De quo lib. iv. Epig. sed multis abhinc annis. Sic optat
87. Felicem rosam dixit, quod Apol- Poëta diu vivere Apollinarem.
linaris comas circumdatura esset. 4 *Amet Venus*] Cui dedicata es.
3 *Candidas, sed olim*] Hoc est, canas

XC.

AD CRETICUM.

JACTAT inæqualem Matho me fecisse libellum :
Si verum est, laudat carmina nostra Matho.
Æquales scribit libros Calvinus et Umber.
Æqualis liber est, Cretice, qui malus est.

*Matho prædicat me scripsisse librum inæqualem : si verum est, Matho commen-
dat meos versus. Calvinus et Umber componunt libellos æquales. O Cretice, æqua-
lis est liber qui malus est.*



Ad Criticum Ald. Junt. Coliu. Gryph. Pulman. Plant. Junian. Lang. &c.
Ad Creticum in codice Florentino.—3 *Calvianus* codex Thnan.—4 *Critice*
in Ald. Junt. Coliu. Gryph. Pulman. Plant. Junian. Lang. &c. *Cretice*
codex Florentinus.

NOTÆ

- 1 *Matho*] De quo jam dictum lib. ergo æqualis malus est, quia Mar-
iv. Epig. 80. tialis judicio nunquam liber totus
4 *Æqualis liber*] Malus est, quia, ut bonus est.
dixit Poëta lib. i. Epig. 17. in uno
libro quædam sunt bona, et quædam *Cretice* [*Critice*] Legunt alii *Cre-
mediocria, plura vero mala: liber tice*, ut sit nomen proprium.

XCI.

AD JUVENALEM.

DE nostro facunde tibi Juvenalis agello
Saturnalitias mittimus, ecce, nuces.
Cetera lascivis donavit poma puellis
Mentula custodis luxuriosa Dei.



- 1 *Juvebalis* Junt. an. 1512. Cetera, nulla est lectionis varietas.

NOTÆ

- 2 *Saturnalitias, &c.*] Quibus Inditur 4 *Mentula, &c.*] Ipse Priapus. Lib.
in Saturnalibus. Lib. v. Epig. 31. i. Epig. 36. et lib. vi. Epig. 49. et 73.

XCII.

IN BACCARAM.

SI quid opus fuerit, scis me non esse rogandum,

Bis nobis dicis, Baccara, terque die.

Appellat rigida tristis me voce Secundus :

Audis, sed nescis, Baccara, quid sit opus.

Pensio te coram petitur clāreque palamque :

5

Audis, sed nescis, Baccara, quid sit opus.

Esse queror gelidasque mihi tritasque lacernas :

Audis, sed nescis, Baccara, quid sit opus.

Hoc opus est, subito fias ut sidere mutus ;

Dicere ne possis, Baccara , quid sit opus.

10

O Baccara, bis et ter die dicis nobis, Scis me non esse orandum, si quid opus fuerit. Secundus creditor morosus me vocat aspera voce : audis, sed ignoras, o Baccara, quid sit opus. Te præsente pensio petitur aperte et manifeste. Auscultas, at ignoras, o Baccara, quid sit opus. Expostulo me habere lacernas leves et laceras : auscultas, at ignoras, o Baccara, quid sit opus. Hoc opus est, o Baccara, repente elinguis evadas, percussus sidere, ne proferre queas quid sit opus.

.....

1 Si quid opus fuerit tibi Beverlandi Ms.—4 Audis et nescis codex Pulmanni : alii legunt : et nescit Baccara quid sit opus? Illa enim sæpiuscule dixerat Martiali, Pete, si quid tibi opus.—5 Pensio cur a me petitur codex Pulmanni.—6 Audis et nescis in eodem codice.—10 Dicere nec possis Beverlandi Ms.

NOTÆ

3 Appellat] Creditor scilicet a me exigit fœnus.

5 Pensio] Ædium nempe conductarum.

9 Fias ut sidere] Sideratio morbus est, quo læsæ arbores arescunt : hinc siderationis nomen translatum est ad hominem, cujus corpus arescit. Sen-

sus est : Sidere percussa tua lingua arescat. Idem dixit lib. xi. Epig. 86.

'Sidere percussa est subito tibi, Zoile, lingua.'

10 Quid sit opus] Ne proferas hæc verba, quibus circumvenis amicos, qui credunt te tuis promissis staturum.

XCIII.

AD NARNIAM.

NARNIA, sulfureo quam gurgite candidus amnis

Circuit, ancipiti vix adeunda jugo,

O Narnia vix adeunda jugo ancipiti, quam cingit amnis albus sulfureo gurgite,

NOTÆ

1 Narnia] Umbriæ urbs, hodie, Narni, quam cingit amnis Nar, hodie, Negra.

2 Ancipiti jugo] Hoc est, gemino, nempe jugo montis Apennini.

Quid tam sæpe meum nobis abducere Quintum

Te juvat, et lenta detinuisse mora?

Quid Nomentani causam mihi perdis agelli,

5

Propter vicinum qui pretiosus erat?

Sed jam parce mihi, nec abutere, Narnia, Quinto:

Perpetuo liceat sic tibi ponte frui.

cur placet tam frequenter auferre nobis meum Quintum, et detinere mora lenta? Cur facis damnum Nomentano meo agello, qui carus erat propter vicinum Quintum? At jam ignosce mihi, o Narnia, nec abutere Quinto. Sic fas sit tibi habere pontem perpetuum.



1 Beverlandi Ms. *circuit annis Candidus*.—6 *Pro turpi vitio qui codex Pulmanni*.

NOTÆ

3 *Abducere Quintum*] Ovidium scilicet, de quo lib. x. Epig. 44.

5 *Causam*] Hoc loco causa sumitur, ut opinor, pro emolumento. Et sensus est: O Narnia, cur me privas emolumento agri mei Nomentani, in quo scilicet jam habitare nequeo propter absentiam Quinti? Domitius sic interpretatur: O Narnia,

cur aufers causam amandi illum recessum, et voluptatem quam ego percipiebam propter Quintum vicinum? Judicet lector.

8 *Perpetuo liceat*] O Narnia, sic incolumis sis cum eximio tuo ponte, qui duos abruptos montes (quos anceps jugum vocat) subterlabente flumine jungebat.

XCIV.

DE PAPILO.

UNGUENTUM fuerat, quod onyx modo parva gerebat:

Olfecit postquam Papilus, ecce garum est.

Unguentum fuerat, quod paulo ante continebat exigua onyx: postquam Papilus odoratus est, ecce garum est.



De Pamphilo inscriptio est in Beverlandi Ms.—1 Junt. an. 1512. *¶* *parva*, i. e. *parva*. ‘Merito mirantur hic viri docti τὸ onyx fœmineo genere. Scribo: quod onyx modo parve gerebas; ut ipsum vas alloquatur, quod frequens poëtæ.’ Gronovius. Sed vide Plin. lib. xxxvii. cap. 6.

NOTÆ

1 *Onyx*] Hoc est, vas unguentarium ex onyce factum.

2 *Olfecit*] Papilus adeo male olebat, ut afflatu suo unguenta etiam

nobilissima corrumperet.

Garum est] Liquamen nempe piscium, de quo dictum lib. vi. Epig. 93.

XCV.

IN LINUM.

BRUMA est, et riget horridus December,
 Audes tu tamen osculo nivali
 Omnes obvius hinc et hinc tenere,
 Et totam, Line, basiare Romam.
 Quid possis graviusque sæviusque 5
 Percussus facere, atque verberatus?
 Hoc me frigore basiet nec uxor,
 Blandis filia nec rudis labellis.
 Sed tu dulcior, elegantiorque,
 Cujus livida naribus caninis 10
 Dependet glacies, rigetque barba,
 Qualem forcibus metit supinis
 Tonsor Cinyphio Cilix marito.
 Centum occurrere malo cunnilingis:
 Et Gallum timeo minus recentem. 15
 Quare si tibi sensus est, pudorque,

O Line, hyems est, et horridus December riget: nihilominus tu audes frigido basio hinc et hinc morari omnes occurrentes, atque osculari totam Romam. Quid læsus aut verberatus possis facere gravius aut acerbius? Hoc frigore nec conjux me osculetur, nec rudis filia teneris labris. At tu suavior atque ornatior tibi videris, ex cujus caninis naribus suspensa est glacies livida, et barba riget, qualem secat tonsor Cilix supinis forcibus Cinyphio marito. * * et minus metuo Gallum recen-

3 Omnes obvios in edd. vett. Omnes obvius codex Pulmanni.—8 Beverlandi Ms. filia nec nudis.—12 Qualem forcibus edd. vett. Qualem forcibus codex Pulmanni. Lectionem nostram testatur codex Florentinus.—13 Cynaphio Cylex marito in eodem codice. 'Quid Cilici tonsori cum hircu Cinyphio? Non magis verisimile est, Cinyphios tonsores suos e Cilicia petiisse, quam Cilicas e Cinyphiis. Bene itaque: Tonsor Cinyphio Chalybs marito. Chalybs pro omni eo, qui ferrum tractat, quemadmodum et apud Catullum de Coma Beren. 15. Vide J. Voss. ad Catulli Attin, p. 172.' Beverland.

NOTÆ

11 Dependet glacies] Hoc est, stiria, Gallice, *roupie*.

12 Qualem forcibus] Hoc est, qualem barbam habent hirci Cinyphii a Cilice caprario tonsi. Forcibus supinis] Hoc est, acie erecta, et manubrio deorsum tendente. Cynyps, inquit Ortelius, fluvius est Africae. Strabo lib. xvii. scribit 'Ciniphus,'

ad quem magna est hircorum copia. Tamen videtur esse Ciliciæ fluvius, cum dicat Cinyphium maritum seu hircum a Cilice tonderi.

15 Gallum timeo] Turnebus lib. xxv. cap. 24. sic explicat hunc verbum: Puto, inquit, significari malum odorem, quem corpore suo emittebant Galli Romam venientes, recen-

Hybernas, Line, basiationes,
In mensem rogo differas Aprilem.

tem. Quapropter si habes mentem et verecundiam, o Line, oro rejicias oscula hyemalia in mensem Aprilem.

NOTÆ

tesque, cum intemperantius viverent, castrato gravissima erat anima? An et labore itineris virus intemperantiæ intelligit Gallum Bæticum? de quo auferent. An forte Gallum sacerdotem Cybeles intelligit, cui recens vide lib. III. Epig. 81.

XCVI.

EPITAPHIUM URBICI PUERI.

CONDITUS hic ego sum Bassi dolor, Urbicus infans,
Cui genus et nomen maxima Roma dedit.
Sex mihi de prima deerant trieteride menses,
Ruperunt tetricæ cum mala pensa Deæ.
Quid species, quid lingua mihi, quid profuit ætas? 5
Da lacrymas tumulo, qui legis ista, meo.
Sic ad Lethæas, nisi Nestore senior, undas
Non eat, optabis quem superesse tibi.

Ego Urbicus infans, mæror Bassi, sepultus sum hic, qui accepi ortum et nomen a maxima Roma. Sex menses mihi deerant de primo triennio, cum Deæ severæ fregerunt mala pensa. Quid lingua, quid ætas profecit mihi? Tu qui legis ista, sparge lacrymas meo sepulcro. Sic quem cupies superesse tibi, non petat undas Lethæas nisi senior Nestore.

3 Codex Florentinus: *deerant trientide menses.*—7 *Nestore serius* codd. Vat. et Florent. *Nestore serior* in edd. vett. et sic etiam Schrevel.

NOTÆ

2 *Cui genus*] Hoc est, qui natus sum in urbe, atque ab ea nomen sumsi: Urbicus enim dictus est hic puer. *Quid profuit ætas*] Tam tenera: etenim duos tantum annos et sex menses natus erat Urbicus cum mortuus est.
4 *Cum mala*] Cum vitæ filum absciderunt Parcæ.
5 *Quid lingua*] Balbutiens adhuc. 8 *Non eat*] Non moriatur. Lethe inferorum fluvius est satis notus. Nestor vero diu vixit, de quo lib. II. Epig. 64.

XCVII.

AD LIBRUM SUUM DE CÆSIO SABINO.

NOSTI si bene Cæsium, libelle,
Montanæ decus Umbriæ Sabinum,

O liber, si bene compertus est tibi Cæsius Sabinus, gloria montanæ Umbriæ, mu-

Auli municipem mei Pudentis ;
 Illi tu dabis hæc, vel occupato.
 Instent mille licet premantque curæ, 5
 Nostris carminibus tamen vacabit.
 Nam me diligit ille, proximumque
 Turni nobilibus leget libellis.
 O quantum mihi nominis paratur !
 O quæ gloria ! quam frequens amator ! 10
 Te convivia, te forum sonabit,
 Ædes, compita, porticus, tabernæ.
 Uni mitteris, omnibus legeris.

niceps mei Auli Pudentis: tu donabis hæc illi vel impedito. Quamvis urgeatur et prematur mille curis, nihilominus incumbet ad meos versus. Ille enim amat me, et leget secundum ab egregiis libellis Turni. O quanta fama manet me ! quod decus ! quam frequens amator ! celebraberis in conviviis, in foro, in ædibus, in compitis, in porticibus, in tabernis. Mitteris uni, legeris ab omnibus.

Ad Librum suum lemma est in edd. vett.—4 Codd. Vat. et Florent. hæc et occupato.—5 Instent nulla codex Florentinus.—7 Beverlandi Ms. proximusque. Et mox, legit libellis.—9 O quantum tibi numinis codex Florentinus.—11 Codex Vaticanus, sonabunt.

NOTÆ

2 *Sabinum*] De quo Plinius Junior lib. iv. Epist. 10. et Martialis iterum lib. ix. Epig. 59. De Aulo Pudente dictum lib. i. Epig. 32.

8 *Turni*] Poëtæ cujusdam de quo lib. xi. Epig. 10.

9 *O quantum mihi*] Alii, *tibi*.

10 *Quam frequens*] Hoc est, quam multi me amabunt.

13 *Omnibus legeris*] Sabinus enim te omnibus commendabit, et legendum dabit.

XCVIII.

AD CASTOREM.

OMNIA, Castor, emis : sic fiet, ut omnia vendas.

O Castor, mercaris cuncta : sic continget ut vendas cuncta.

⁶ Turnebus, lib. xxv. cap. 24. ait se in quibusdam exemplaribus reperisse hunc versum appensum: *Nil uxore tamen nudius esse potest. Dispice, lector, quam conveniat.* Farnabius.

NOTÆ

1 *Ut omnia*] Hoc est, cum præter facultates multa emas lauta et nitida, tandem urgente inopia cogeris omnia vendere. Turnebus lib. xxv. cap.

24. ait se huic carmini appensum reperisse pentametrum in quodam codice: *Nil uxore tamen nudius esse potest.*

XCIX.

AD CRISPINUM.

Sic placidum videas semper, Crispine, Tonantem ;

Nec te Roma minus, quam tua Memphis amet :

Carmina Parrhasia si nostra legentur in aula ;

(Namque solent sacra Cæsaris aure frui.)

Dicere de nobis, ut lector candidus, aude :

5

Temporibus præstat non nihil iste tuis ;

Nec Marso nimium minor est, doctoque Catullo.

Hoc satis est : ipsi cetera mando Deo.

O Crispine, sic semper spectes Jovem serenum ; nec Roma diligat te minus quam tua Memphis : si versus nostri legentur in aula Palatina ; namque solent pervenire ad sacras aures Cæsaris : aude, ut lector sincerus, affirmare de nobis, isle affert ali-quod ornamentum tuo ævo ; nec nimis inferior est Marso, atque erudito Catullo. Hoc sufficit : commendo reliqua ipsi Deo.

1 Sic placitum codex Pulmanni.—3 Codex Thnan. leguntur in aula: Florentinus: legantur in auram.—5 Alii pro aude, legunt aude. Hoc Epigrammate librum septimum claudunt edd. vett. omnes. Tria quæ sequuntur e veteri exemplari Anglicano primus addidit Pulmannus. 'Pro legitimis ægre agnoscuntur: primum sane Martialis acumen parum sapit.' Farnabius.

NOTÆ

1 Crispine] De quo Juvenalis Sat. i. Is autem Ægyptius fuit, et multum gratia valuit apud Domitianum.

2 Tua Memphis] Urbs Ægypti nobilissima, de qua lib. Spect. Epig. 1.

3 Parrhasia] In Palatio Domitiani. Vide Epig. 56. supra.

5 Aude] Hoc scilicet elogium mihi impertire. Legunt alii, audet.

7 Nec Marso] De his duobus Poëtis, qui Epigrammata scripserunt, vide lib. ii. Epig. 71. et 72.

8 Mando Deo] Domitiano, cui curæ erit laboris præmium mihi persolvere.

C.

AD PONTICUM.

PONTICE, per reges discurras, et omnia lustras :

Magna quidem sequeris, Pontice ; magnus homo es.

O Pontice, discurras per ædes patronorum, et peragras cuncta : sane sequeris

Vide VV. LL. ad Epigramma superius.

NOTÆ

1 Pontice] Hoc Epigramma pro legitimo non agnoscit Raderus, nec Farnabius, ut et duo sequentia. E veteri exemplari Anglicano transcripta sunt, quæ Martialis acumen

parum sapiunt, ut ait idem Farnabius. Judicet lector.

Per reges] Per domos patronorum, quos salutes.

Pontice, si qua facis, sine teste facis, sine turba :
 Non adhibes multos, Pontice ; cautus homo es.
 Pontice, te celebrem forma natura creavit : 5
 Dignus eras Helena, Pontice ; pulcher homo es.
 Pontice, voce tua posses adamanta movere :
 Vox tua dulce sonat, Pontice ; dulcis homo es.
 Pontice, sic alios, sic te quoque decipit error :
 Vis dicam verum, Pontice ? nullus homo es. 10

magna, o Pontice, magnus homo es. Pontice, si agis aliquid, agis sine teste, sine multitudine : non adhibes multos, Pontice, homo es callidus. Pontice, natura produxit te spectabilem pulchritudine: dignus eras Helena, Pontice, formosus es homo. Pontice, tua voce posses movere adamanta : vox tua suave sonat, Pontice, homo es suavis. Pontice, sic error fallit alios, sic te etiam : placet proferam veritatem ? Pontice, nullus homo es.

NOTÆ

3 *Sine teste facis*] Infandi sceleris Ponticum accusare videtur. 10 *Nullus homo es*] Hoc est, nullius omnino pretii.

CI.

DE VETULA.

TACTA places, audita places, si non videare,
 Tota places : neutro, si videare, places.

Grata es tactui et auditui : si non videaris, tota grata es : si videaris, neutro grata es.

Vide VV. LL. ad Epigramma xcix. et Notam infra.

NOTÆ

2 *Neutro*] Hoc est, neque ex hac tactum nec auditum delectas. Forte parte, neque ex illa : hoc est, nec melius legeretur *nulli*.

CII.

DE MILONE.

MILo domi non est : peregre Milone profecto
 Arva vacant : uxor non minus inde parit.

Milo non est domi : agri otiosi sunt Milone longe profecto : ilcirco non minus uxor

Vide VV. LL. ad Epigramma xcix.

Cur sit ager sterilis, cur uxor lactitet, edam :
 Quo fodiatur ager non habet, uxor habet.

gignit. Dicam qua de causa arva sint sterilia, qua vero de causa uxor lactitet; ager non habet quo fodiatur, uxor habet.

NOTÆ

3 *Uxor lactitet*] Hoc est, cur habeat ubera plena lactis, quo lactet infan- tem.

4 *Quo fodiatur*] Hoc est, ager non habet colonum, mœchum habet uxor.

BOSTON COLLEGE



3 9031 01145317 2

